







植 学 編

### 圖書在版編目(CIP)數據

儒藏. 精華編. 三/北京大學《儒藏》編纂中心編. 一北京:北京大學出版社,2009. 6 ISBN 978-7-301-11721-7

I. 儒··· Ⅱ. 北··· Ⅲ. 儒家 Ⅳ. B222

中國版本圖書館 CIP 數據核字(2009)第 081551 號

書 名: 儒藏(精華編三)

著作責任者:北京大學《儒藏》編纂中心

責任編輯:魏奕元 童 祁

標 準 書 號: ISBN 978-7-301-11721-7/B • 0407

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話: 郵購部 62752015 發行部 62750672 編輯部 62765691 出版部 62754962

印刷者:北京中科印刷有限公司

經 銷 者:新華書店

787 毫米×1092 毫米 16 開本 65.25 印張 631 千字 2009 年 6 月第 1 版 2009 年 6 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

北京 大學「九八五工程」重點項目國家、社會、科學、基金、重大、項目「十一五」國家重點圖書出版規劃項目・重大工程出版規劃



# 《儒藏》精華編第三册

首席總編纂 季美林

項目首席專家 湯一介

編 纂 湯一介

總

龐 樸 孫欽善

主 編 劉大鈞 林忠軍

本

册

安平秋 (按年齡排序)

則的典籍的叢編。 爲儒家經典和反映儒家思想、體現儒家經世做人原 一、中國傳統文化以儒家思想爲中心。《儒藏》 收書時限自先秦至清代結束。

二、《儒藏》精華編爲《儒藏》的一部分,選收《儒

藏 》中的精要書籍。

互見。 已收入人選的個人叢書或全集者,僅存目録,並注明 寫者一律收其釋文文本。 漢文寫作的儒學著作,編爲海外文獻部類。 分類法分類,大類、小類基本參照《中國叢書綜録》和 土文獻。 中國古籍善本書目》,於個别處略作調整。 三、《儒藏》精華編所收書籍,包括傳世文獻和出 出土文獻單列爲一個部類,原件以古文字書 傳世文獻按《四庫全書總目》經史子集四部 韓國、日本、越南儒學者用 凡單書

> 編,不改編,保持原書的完整性和獨 立性。

四、所收書籍的篇目卷次,一仍底本原貌,不選

爲主,酌校異同。校記力求規範、精煉 勘價值的版本爲校本。 確定内容完足、精確率高的版本爲底本,精選有校 五、對人選書籍進行簡要校勘。 出校堅持少而精,以校正 以對校爲主,

外,其他一律省略。 例,進行規範化標點。 六、根據現行標點符號用法,結合古籍標點通 專名號除書名號用角號(《》)

落。 一般不分段。 正文原已分段者,不作改動。 七、對較長的篇章,根據文字内容,適當劃分段 千字以内的短文

及整理時所確定的底本、校本(舉全稱後括注簡稱) 出現順序前詳後略 及其他有關情況。 介紹作者生平、該書成書背景、主要内容及影響,以 八、各書卷端由整理者撰寫《校點說明》,簡要 重複出現的作者,其生平事 蹟按

九、本書用繁體漢字豎排,小注 律排爲單行。

凡

## 《儒藏》精華編第三册

經

部

類

### 易 伊川易傳[北宋]程 周易口義[北宋]胡 漢上易傳[南宋]朱 説[北宋]張 震......

613

615

611

491

489

1

鳴

謝

本焕法師

《儒藏》精華編惠蒙善助,共襄斯文, 謹列如左,用伸謝忱。

壹佰萬元

北京大學《儒藏》編纂中心

本册青任編委 谷建本 册审 稿人 孫通海郭 彧

	上經 七三
目録	小畜 七三
	履 七八
	泰
校點説明	否
四庫全書提要 一	同人 九三
周易口義發題 一	大有 九七
	謙
周易口義卷一 一	<b>周易口義卷四</b> 一〇六
上經	上經 一〇六
乾	豫 一 〇 六
坤 二五	隨
<b>周易口義卷二</b> 三七	<b>盘</b> · · · · · · · · · · · · · · · · · · ·
	<u>a</u>
	觀 — 二四
	<b>賁</b> 一三四
	<b>周易口義卷五</b> 一三九
	上經 … 一三九
比 六七	剥 :::::: 一三九
	復
目 绿	

\_\_

益 二二四損 二二〇	解 二一五	蹇 二一一	睽 二〇七	下經 二〇七	<b>周易口義卷七</b> 二〇七				大壯 一八八			咸 一七五	下經 一七五	周易口義卷六 ······· 一七五	離 一七一		大過 一六二	頤 一五八	大畜 一五二	无妄 一四八	
	周易口義卷十 三〇四				歸妹 二八四	漸 二七八	艮 二七四	震 二七〇	下經 二七〇	<b>周易口義卷九</b> 二七〇	鼎 二六五	革 二六〇	# ****** 二五六	困 二五〇	升	萃	下經 一四〇	周易口義卷八 二四〇	姤 二三四		

目録	序(李振裕)	附録	雜佳	序揖	説卦 :	繋解下	周易口義卷十二	繋辭上	周易口義卷十一	未濟	既濟	小過	中孚	節	涣
		•	:	:	:	:	:	:	:		:		:	:	:
	四七四	四七四	四六九	四六二	四五二	四〇七	四〇七	三三九	三三九	三三四	三九	三四四	三九	三三三	三〇人

下經	卷四:	姤	夬	益	損	解	蹇	睽	家	明	晉	大	遯	恒:	咸	下經	卷三:	離	坎	
五五	五五		<b>T</b>	<u></u>	五〇	五〇	四九		人 四七	<b>吳</b> 四六		社 四五	四四					四〇	三九	
未	既	小	中	節	涣	兑	巽	旅		歸	漸	艮	震	鼎	革	井	困	升	萃	-
濟	既濟	小過	中孚		:	:		:	:	妹	•	:	:	:	:	:	:	:	:	
	•	•				•	•	•							•	•		•	*	
	•	•	:	•	•		•	•	•		•	•				•		•		
•	•	**************************************	:	•	• • •	0 0 0	•		•		•			•	•	•	•	•		
	•	•					•						•				•		•	
	•	•		•	•															
				•	•	*	•	•					•			•		0 0		
•	•	•			•	•	•	•				•	•	•	•	6 6 8				
	•		:	•	•		•	•	•	•	•					•	9 9 9	0 0 0		
•									_	-										

・・・・・・・・・・・・・・・・・・・・・・・・・・・・・・・・・・・・	
--------------------------------------	--

=

目 録	<b>周易上經泰傳第二</b> 五四	履 四九	小畜 四五	比 四一	師 三六		需 二人	蒙 二四	屯 一九	坤	乾	周易上經乾傳第一 一		<b>進 司 易 表</b>	司易集專字 ······ · · · · · · · · · · · · · · ·	交贴说明		目録		
	坎······· 一二八	大過 一二五	頤 一二〇	大畜 一一六	无妄 一一一	復 一〇七		賁	盛	噬嗑傳第三	觀		<b>蠱</b> 八二	隨 七七	豫 七三	謙 六九	大有 六六	同人 六一	否 五八	泰 五四

困 ····································	升 ······· 一 周易繫辭上傳第七 ·········	孝 :	姤 ······· 一	夬 ····································	<b>周易下經夬傳第五 一八五 中孚</b>	益 :		解 一			家人 一五九	明夷 ······· 月五四 周易下經豐傳第六 ·······	晉 一五一 歸妹	大壯一四七 / 漸	遯	恒:	咸	<b>곊易下 經 咸 傳 第 四</b> 一 三 七 一 一 革	離:	
				: 二六九	二六四	二六〇	::::::::::::::::::::::::::::::::::::::	<u></u>	二四九	二四五				::::::::::::::::::::::::::::::::::::::						

目録	跋(張元濟) 四〇二	<b>漢上先生履歷</b> 三九一	<b>周易雜卦傳第十一</b> 三八七	周易序卦傳第十 三八〇	周易説卦傳第九 三三二
	_		T	O	_

619

.==

## 周易口義

[北宋]胡 瑗 撰

	周易口義卷三 七三
	上經 七三
目録	小畜 七三
	履 七八
	泰 八三
校點説明	否 八八
四庫全書提要 一	同人 九三
周易口義發題 一	大有 九七
	<b>**</b>
周易口義卷一 一	周易口義卷四 ··············· 一〇六
上經	上經 一〇六
乾	豫 一〇六
坤 二五	隨 一一〇
	<b>盘</b> — — 五
	<b>臨</b> ······   二〇
0 0 0 0 0 0 0 0 0 0 0 0 0 0 0 0 0 0 0 0	觀 一二四
	噬嗑 一二九
	<b>賁</b> 一三四
	<b>周易口義卷五</b> 一三九
	上經 一三九
比 六七	剥 一三九
	復 一四三
目録	

\_\_

益 二二四損 二二〇	解 二一五	蹇 二一一	睽 二〇七	下經 二〇七	<b>周易口義卷七</b> 二〇七				大壯 一八八			咸 一七五	下經 一七五	周易口義卷六 ······· 一七五	離 一七一		大過 一六二	頤 一五八	大畜 一五二	无妄 一四八	
	周易口義卷十 三〇四				歸妹 二八四	漸 二七八	艮 二七四	震 二七〇	下經 二七〇	<b>周易口義卷九</b> 二七〇	鼎 二六五	革 二六〇	# ****** 二五六	困 二五〇	升	萃	下經 一四〇	周易口義卷八 二四〇	姤 二三四		

目録	序(李振裕)	附録	雜佳	序揖	説卦 :	繋解下	周易口義卷十二	繋辭上	周易口義卷十一	未濟	既濟	小過	中孚	節	涣
		•	:	:	:	:	:	:	:		:		:	:	:
	四七四	四七四	四六九	四六二	四五二	四〇七	四〇七	三三九	三三九	三三四	三九	三四四	三九	三三三	三〇人

### 校 點 説 明

《周易口義》十二卷,北宋胡瑗撰。

吴中。 先生墓表》、蔡襄所撰《太常博士致仕胡君墓誌》、 卒於杭州,享年六十有七。 (今江蘇如皋)人。其遠祖世居安定(今甘肅涇川 遷太子中允,充天章閣侍講,仍居太學。 國子直講,朝廷命主太學。嘉祐元年(一○五六), ○五四)、至和(一○五四—一○五六)間,胡瑗爲 湖兩地的學規作爲太學法。皇祐(一○四九—一 慶曆四年,朝廷正式建立太學,有司取胡瑗在蘇、 府學教授。慶曆二年(一〇四二),出掌湖州府學。 科舉考試進入仕途,但「累舉不第」,後以經術教授 北),世人因稱安定先生。 胡瑗(九九三─一○五九)字翼之,泰州 景祐元年(一〇三四),受范仲淹聘爲蘇州 胡瑗年輕時,希望通過 事蹟見歐陽修所撰《胡 嘉祐四年 如泉

> 録》)及《宋史》本傳。另外,清人許正綬所輯《安定 言行録》(收入《月河精舍叢鈔》)亦可參考。 朱熹所輯《安定先生言行録》、收入《五朝名臣言行

義」。 以儒理説《易》,開一代風氣。 胡先生、荆公三家」,且程氏《易傳》中多處採納胡 要研治《周易》,最切實的入門功夫是「須看王弼、 瑗的見解。要之,胡氏易學,前承王弼,後啟程頭, 至今的《周易口義》可視爲胡瑗唯一的易學著作。 見,實無二書也。」(見李振裕《序》)據此可知,流傳 之。以非其師之親筆,故不敢稱『傳』而名之曰『口 清,指出。「安定講授之餘,欲著傳而未逮,天隱述 藝文志》著録皆有出入。對此,清人李振裕作了澄 郡齊讀書志》、陳振孫《直齊書録解題》、《宋史· 胡瑗易學思想對後世影響頗大。 傳諸後世、或稱「傳」、或稱「口義」、各從其所 胡瑗的易學著作,無論書名還是卷數,晁公武 程頤認爲,

明刊本。 漢籍善本書録》的著録。有「日本静嘉堂文庫」所載 《周易口義》現存最早的本子,據嚴紹盪《日藏 此本原屬皕宋樓主人陸心源,後售與日

録一份、置於卷端、以便讀者。

-

校點者 陳京偉

爲校本。 但錯訛甚多。 閣《四庫全書》本爲底本,以白石山房刻本(簡稱 要》本、《四庫全書》本皆以白石山 據底本雖然出自胡氏後人「相傳世守」的家藏本。 「康熙本」)、《四庫全書薈要》本(簡稱「《薈要》本」) 録,且校訂訛誤數十處。 全書薈要》本和《四庫全書》本。白石山房刻本所 有康熙二十六年(一六八七)白石山房刻本、《四庫 方,今藏日本 國會 經過比勘,我們 圖書館。 此次校點即以影印文淵 目前 確知《四庫全書 較爲常見的版本 房刻本爲底本逐

康熙本卷前有李振裕《序》,論析《周易口義》 有助益,今作爲附録載於書後。四庫本提要雖然 有助益,今作爲附録載於書後。四庫本提要雖然 比較粗略,但也有一定參考價值,故仍置於全書之 比較粗略,但也有一定參考價值,故仍置於全書之 一定參考價值,故仍置於全書之 一定參考價值,故仍置於全書之 一之。底本將「上經」、「下經」分爲十卷,依次標出, 一一定參考價值,故仍置於全書之 一一之參考價值,故仍置於全書之 一一之參考價值,故仍置於全書之 一一之參考價值,故仍置於全書之 一一之參考價值,故仍置於全書之 一一之參考價值,故仍置於全書之 一一之參考價值,故仍置於全書之 一一之參考價值,故仍置於全書之

《周易口義》各本均無目録,本次校點特編目

### 四庫全書提要

《桐廬縣令題名碑記》一篇,意其嘗官 《陳襄行狀》稱「襄有二妹,一適進士 泰州 天隱 州也。其説《易》,以義理爲宗。 天隱」,殆即其人。 史》本傳。天隱,始末未詳。 書郎,歷太學博士,致仕歸,事迹具《宋 臣 三原劉紹攽《周易詳説》曰:「朱子謂程 (聞見前録》記《程子與謝湜書》言: 易》,當先 等 謹案: 如 述其師胡瑗之説也。 皋人,用范仲淹薦,由布衣拜校 觀 《周易口 王 一弼 、胡瑗、王安石三家。 董莽《嚴陵集》載 義》十二卷,宋倪 瑗,字翼之, 葉祖洽 邵伯 倪 温 睦 其

《易解》十卷、《周易口義》十卷。朱彝尊 安定《易》,分曉正當。 世知其從事濂溪,不知其講《易》多本於 固以義理説《易》之宗也。 程《傳》,良然。《朱子語類》亦稱: 翼之也。」其説爲前人所未及。 見,處以學職。 譜》稱,皇祐中,游太學,海陵胡翼之先 若濡有愠,君子夬夬,无咎」。, 亨,誤加何字二, 生方主教導、得先生所試、大驚、即延 九云「安定胡公以陸爲達」。 考《伊 公移其文曰「牡于頄,有凶,獨行遇雨 畜上九云「予聞之胡先生曰「天之衢 翼之先生,居上爲天下之表儀」; 語及「太極」。於觀卦彖辭云「予聞之胡 子之學源於周子,然考之《易傳 經義考》引李振裕之説云:「瑗講授之 意其 於夬九三云「安定胡 時必從而受業焉 則是書 《宋志》載暖 在宋時, 於漸上 今核以 ×, ĬII 無 年

乾隆四十三年三月恭校上 乾隆四十三年三月恭校上 乾隆四十三年三月恭校上 乾隆四十三年三月恭校上

總裝官臣陸費墀總纂官臣紀的臣陸錫熊臣孫士毅

### 周易口義發題

世,民欲叢生,姦僞萬狀,禮隳樂缺,天下 象,以爲大治之本。 天下之理。然而伏羲之時,世質民 明健、順、動、人、止、説、陷、明之體,以盡 風、水、火、山、澤之象,以盡天下之用, 有三畫,以盡三才之道, 八卦,故爻有九、六,以盡陰陽之數; 書也。自伏羲仰觀天文,俯察地理,始畫 公、孔子所以垂萬世之大法,三才變易之 未興,詐端未作,故雖三畫亦可以盡 生日: 自神農至堯舜,莫不取法八 夫《易》者,伏羲、文王、周 歷夏沿商以 寫天、地、雷、 及桀 (淳,巧 、卦之

仲尼曰:「名不正,則言不順, 義: 不極,則陽不生; 正則事方可成。 事不成。」是言凡興作之事,先須正名,名 易」、「簡易」者,於聖人之經繆妄殆甚。 疏,洎崔覲、劉正簡皆取其説。 之道,萬物情僞之理,一備於此。 四,又於逐卦之下爲之彖辭,故天地 之情僞。 久。]又云:「生生之謂易。」是大易之作, 大法,豈復有二三之義乎。 易者,按《乾鑿度》云:「易,一名而含三 始終,遂重卦爲六十四,重爻爲三百 防,達憂患之情,通天人之淵藴,明人 紂之世,小人在位,詐僞日 紛然,故三爻不能 辭》曰: 簡易也,不易也,變易也。」故穎達作 文王有大聖之才,罹於憂患, 「易 況聖人作《易》,爲萬世之 窮則 亂不極,則德不形。」又 盡 萬物之消 變,變 按揚子曰:「陰 熾 則 思思 長,究 言不順,則 通 然謂「不 然謂 周身之 通 八十 八事之 通 人 且 >

《周易》者,自伏羲畫卦,文王重之,又從 吉凶 相易 耳。 若 變易 以 寒暑 也。 也。 故天之變易 翼之,數聖相繼,其道大備于周,故 常吉而无凶矣。是皆人 所爲常利而 爲之彖辭,至周 而 人 人事言之, 則天下常治 變易」之義 事 何則? 變易 而 而爲治亂, 以天道言之, 故大易之作,專 ,當就事之得而 成利害,當純用 變易 成 利 而 无害矣; 害, 成四 則得失 在位之人, 苟知 則 則 則當常進用君子 而无 君子 公又爲之爻辭,仲尼 固 歸 一時,日 則 蓋 乎 在 變易之道, 亂矣; 變易而 陰 情實而 小人變易 去事之失,則其 生 取 上位者裁 知其得失相 月 陽 事變易,不 成 變易之義 變易 變 黜 易 而 成 其 知其 自 去詐 吉 丽 脯 而 制之 (君子) 天 而 爲常道 成 X 成 成 人 可 情 易 擯 治亂。 ,情僞 晝 萬物, 日 僞 八之理 如 又 不 僞 小 謂 而 斥 夜。 之 何 慎 而 事 成 相 則

> 損 故 十卦,謂之上 也 恒 象,坎離者日月之象,故取 以簡帙重大,故分之也。 易 而 卦,謂之下經。 者夫婦之義、既濟未濟人倫終始之道、 ,言傳述聖人之法,以示萬 分之也。 于 取 以 義,分之亦无 謂之上經、下 爲下經。 乾傳者、乾、卦 經 然則 先儒 害其 經者, 自 所以分上下二經者 亦常謂,不分之即 咸 實, 恒至未 自 乾坤者天地之 名 但 以 乾 世 以 爲 坤 也 也。 簡 上經。 濟三十四 至 帙 坎 傳 重大 離 咸 无

### 周 易 口義卷一

宋 胡 瑗

撰

之象。五正當天位。 虚之象。 爲臣民之位。 下,有蒙泉之象。 之理,故文王重之爲六爻。初爲 乾 乾上下 爻爲天,以象三才之道。 卦,始有三爻。 義 日 乾 此 然後 伏羲所畫之卦 四出于臣民之上,爲儲 萬 一爻爲 物成 二爲地之上。三于人 六爲天之上,有太 形,而天下之能 地 然未能 ,二爻爲 也。伏羲 盡 地之 變 畫 通 貢

也。 用可 形也。 之有耳目口鼻四體,是其形 以明,萬物以 用,象人之精神也。 之用而不法天之形,所以名乾而 亦未嘗有毫釐之不及,蓋乾以至健至正 晝 息。 樞出 而然也。 + 者乾之形,乾者天之用。 之其色蒼然。南樞 也。既象 晝一夜,有萬三千六百餘息。是故一 餘萬里。夫人之一呼一吸,謂之一 夜, 且天之形,象人之體 知。自古及今,未嘗有毫 地上三十六度, 狀如 一息之間,天行已八十餘里。人之 言其用,則一 六爻皆陽, 而天行九十餘萬 故聖人于此垂教,欲使人 天,其不名天 生,此一 象天 入地 天之健用也。 使寒暑以 晝夜之間,凡行 而 積 下三十六度,北 魄也; 里, 倚杵,此天之 夫天之形,望 名 諸 乾 陽 則天之健 成, 釐之過, 不 名天 日月 法天 而 九 天 成

乾

上

巡

法天之健用也,故曰「乾」。 法天之健用也,故曰「乾」。 是皆言人當 等百行,發于外則爲政教禮義,故爲君、 為臣、爲父、爲子、爲兄、爲弟、爲夫、爲 婦,以至于爲士農工商,莫不本于乾。 好不息,然後皆得其所成立也。《左氏》 其用也。至于心之思慮,藴于内則爲五 其用也。至于心之思慮,藴于内則爲五 其用也。至于心之思慮,其一也。《

元亨利貞。

于五 天以一元之氣始生萬物,聖人法之,以 八 此 始生之,夏則 日 卦下之彖辭,以明 者、洪者、纖者、各遂 而生成天下之民物,故于四時爲春, 時、五常而言也 常爲仁。「亨」者,通 聖人觀夏之萬物有高下洪纖,乃 文王 極生而至于大通,故高者、 既 重伏 「元」者,始也。 羲 乾之四德,又配之 所 其分而 也。 畫 一之卦, 夫物,春 得其 又 爲

王四 其宜 之爲智。 義。 降,九月寒露降,以 必成之有漸。 各定其分而 爲禮以法之,使尊者、卑者、貴者、 不言信者,何也? 于正,以陰陽之氣,幹了於萬 定其分,然必得其義以裁制之,則各得 物,莫不有漸 于五常 「貞」者,正也,固也。 後能 以 「時爲冬,于五常爲智。 「利者義之和」。言物之既 義者,宜也。 天下 季。 也,故 行 爲禮 事非智不能幹固 事業言之,則 凡人之有仁義禮智,必有信 於 不越於禮 于四者无 而 自立秋涼風至,八月白 四 「利」者,和也,在《文言 成 時 天下之民,雖有禮 也。 爲 蓋信屬于土,土者分 至爲霜爲雪,以成 言物之既成,必歸 秋,於五常爲義。 ,故於四時 元 所 聖人法之,以爲 爲樂,亨爲禮 配 然則,此五常 而 也。 生既 成 物、聖人法 立,故 賤 爲 夏 於 以 萬

萬 也。 利爲 熙然 利貞」; 能 刑以治之,于是大則有征伐之具,小 者,聖人雖有愛民之心,亦不得已乃爲 之,使上下有分,尊卑有序,故以 利 貞爲政也。夫四者 節之,刑以治之,不以 有鞭朴之法,使民皆畏罪而遷善, 也。夫禮樂既行,然其 和樂,然而不 人法之制樂,以 ii, 則 物 爲 極天地之道,而盡人事之理也 刑也。夫天下既 萬物 畢矣。故 故政者,正也,使民 刑,貞 而 爲仁義禮智 和樂,故以元爲樂也。 在天, 得其 爲 節 政。 四 生, 則爲春夏秋冬; 則亂,故聖人制 治天下,則 者 然後 達 何 在 聖人備于乾之下, .則? 正 有 而 《易》,則爲 道 樂 鼓 物 不 間不无不 以 悖,則天下之 各得其正,故 終之,則 舞 蓋元 天下之民 和之,禮 天 而 和 亨爲 禮 者 下 元 率 始 故 既 在五 以 亨 定 可 以 以 則 亦 牛

初九,潛龍勿用。

氣未發 月,一 有澤天 地六 聖人戒 二爻,配之十二月。今初九 以生成爲德,君子之象也。凡乾坤之十 九、六者,皆陰陽之數也。 之,故謂之爻。謂之「初」者, 言之? 凡人萃五行 君子未得位之時,雖道未澤于世,然已 未及于物,然已有生成萬物之心矣。 「龍」者,有變化之神,陽氣之象也。 天五、天九是陽數之奇也。地二、地四 也。謂之「九」者,陽之數也。 爻辭也。爻者,效也,效一卦 曰 是陰數之耦也。 陽始萌于黄鍾之宫,雖生成之功 見 後世 下之心矣。 自此 而在潛隱之地 勿 至 用 「用九」, 此潛 謂之「潛龍」者,言陽 秀氣 龍 「潛」者,隱 也。「勿用」者 爲 皆 加 天一、天三、 周 德也。 乃是建子之 生,爲萬物 凡《易》言 之 一卦之始 動 所 作 何以 而 也。 之 爲

德,持 及,故 之最 其 污俗,矯曲爲直 聖人,才无所不能,智无所不周, 者,于此時小人道盛,若其施 而 生聖人之意也。 有聖人之德之明,反以 人之資,則 天元之純,則又過于賢也遠矣。 多,賢智者常 人所害,寡不 下之愚不肖將誰治之? 是不知天 君子以成德爲行,日 見害 成 天下治矣。 天下之事業 見於世,輔 戒勿施用。 而 者 義,以革 勿施用 也,然天下之衆,愚 无 少,況聖人挺全粹之德,受 又何憚 敵衆,弱不 所 ,表邪爲正,以陶冶於上 其 不 孔穎達作疏,以 ,則是天下常亂 天下 則可 此大非聖人之旨。 通 君,澤其民,利其物, 一、无所 小人 弊; 也。 可見之行也。」今 潛隱爲事 勝强, 八之害 《文言》曰 不明矣。 用,則爲 不 陋 禍 · 肖者· 謂 夫有聖 而 則天 患 懷道 所 不 勿 夫 斯 小 用 以 常 可 固

言「勿 亂 以 開國 也,賜之甲胄可 爲諸侯, 成,大君班爵行賞,其功大者,開 旋 夫。若小人偶立一戰之效,與之金 可與長也。《師》之上六曰「大君有命 男,剛壯者也。若此之女,勿可取之,不 務安全也。 有攸往」,言屯難之時,不可 龍 得 一女配一男,是其正也,今一陰 見 踵 其邦,所 吏事,深 IE 治 爲 静 「承家,小人勿用」,言上六師 圃 德 也 金夫 (用」者有 其 就戮也。 也 德,以待六禮之備 然此「勿 不不 以韓、彭、英、盧立功受 其功小者,建立其家 得其道。不然,若用 《姤》之彖云「勿用取女」,言 今歷 四。 有躬,无攸利」,言婦 也。 《蒙》之六三曰「勿用 考《易》中,或 用」者,蓋 若《屯》之彖云「勿用 後漢光武 然後 往 不任 撓 彖 小 爲 建 而遇五 用 其民 地 或 道道之 用父 功 卿 其 帛 此 心 N. 取 臣 大 國 可

者也。 庸》曰 以 野,或遯於林泉,罔 然或上下爲戾,亦 然聖賢其 亭長,是豈終潛 羣,吾非斯人之徒與,而誰與?」又曰: 孔子目長沮、桀溺 之勿用取此 持身不正,見其金 母 行未成,必學問之以養成聖德,然後 蓋後世之人,多以潛隱爲德,或隱於巖 後世,不可 素隱行怪,後世有 耀志,故有終身不見用於世而 于天下耳,甘終身于山 之命、媒妁之言,方可歸之。 且 「君子之道 隱其身不隱 一疏 無 用潛龍 又引舜 人女也。由是觀之,聖人之戒 隱 乎? 哉? 費 爲德,誠无 夫遂欲從之,聖人戒 有 耕 德義以 :述焉,吾弗爲之矣。」 曰:「鳥獸不可與 日: 其道。 可 而 歷 蓋 隱 Ш 隱。」雖然,豈隱 養成其 林、川澤哉? 一、漢祖 沽名,傲衣 己道未 之時,故《中 所以然者 疑 今六三 矣。 爲泗水 亂人倫 德 著 耳。 冠 施 同

九二,見龍在田

,利見大人。

明矣。 也,隱 潛隱自 人之德 也。」聖人之戒勿用潛 不 六爻皆聖人象也,若之何有聖人之資 一於衰 以一 而未見,行而未成,是以君子弗用 周、孟 己之私 ,身未顯,而其道不自 居乎?《文言》曰:「潛之爲言 軻 忘天下之公。 汲汲 於戰國 隱爲 皆 故 德 窮 孔 也。 謂 可謂 子 有 皇 聖 而 乾

發見 義曰: 則爲 田 此 正月 人事言之,則是聖賢 田」者,稼穑所生 爻 中 于 但 中氣之前,陽氣發見 必須利見有大才大德之君,然後 利 有君德 庸之德,施 世之時也。夫君子之道,積于内 九二之爻,是十二月 見大人」者何? 而无君位,故曰「見龍在 于外則爲皇 而有資益之地也。以 君子有 地 蓋凡有大人 中 中氣之後 上之時 庸之德, 極之化。 也。

六

「王假 言「利 得周 言訟之事,必須利見大才大德之人,以 以輔行其禮。 聚先祖之神靈,必須得大才大德之人, 是臣,然後萬務可舉,天民 居蹇難之極,往則益 之上六日「往蹇來 大才大德之人,以參酌恢隆之也。 往,利見大人」,言申其號令法制,必 辨其是非。 爻,言「利見大人」者有七。 文王得吕尚是也。 舜,舜得禹、臯 見大人」者 伊尹之得 可 以 八文是 行 見大人」。 有廟,利見大人」,言既作廟以萃 己之道 成 也。 何? 《巽》之彖曰「小亨,利有攸 湯,傅説之得高宗,吕尚之 《訟》之彖曰「利見大人」, 陶, 然則, ,若舜之得堯,禹之得舜 今驗于《易》,或彖或 日 碩,吉,利見大人」,言 禹得稷,成湯得伊尹 故九二、九五之爻皆 蹇,若來居位則安 五得天位亦 有是君,必 미 《萃》之彖曰 治,若堯得 日「利 須有

> 九三,君子終日乾乾,夕惕若,厲,无咎。 下而簡 下則 義曰: 安則得 戒懼 倦以終之。 而怠 思總百官以治天下之民,自朝及夕,常 朝乾乾,日不自暇,慎思之,力行之,不 朝廷之 位正當公相之權也。 大德之人,以求解散 一、五,凡七,皆聖人之微旨也 」,今則不取 之助。 于 須 而 幾務 其 恤 惕若,則可以无咎矣。 于奉上,則有侵權之誅。 總領百官,以平均天下之民,凡 九三居下卦之上,在人臣之極 下,則有佞邪之諂。若勤恤 碩大之福 注 是上則以思輔其君,下則以 奠不一責于己。 以爲「至于夕,猶惕然若 mi 蹇難 上則須輔弼 吉, 必須 也。 若專奉上 利 及此乾之 「若」者, 固宜終 見 于 大 才 干

九四,或躍在淵,无咎。

義曰:「或」者,疑惑也。「躍」者,騰躍

已出 疑也。 臣之位 鬯」,言「百 耳 不進其 以 又恐侵君之權,處多懼之地,故不得不 也。 也。 所進,則无以副四海之望。欲進其位, 太子者,天下之本、生民之望也。不有 革」,言人道近於地,今九四近於天位, 位 進其 位 聞 君 師 ,宗廟之器也。 ,既非人君,又非王官,是儲 何哉? 爲 以 人臣之上,是乾道革變之始也。夫 也 正 淵」者,龍之常處也。 位 教 德,在淵以守其位分,是進其德 臣 始則疑 一是躍 也。 九 、爲父爲子之道。 諭之,就賢友以漸摩之,使知 震》 里」者,威不遠 四 仲尼曰「或躍在淵,乾 故昔者太子必入太學,求 出人臣之上 感,終則无咎者,蓋或躍 日 以 有威 「震驚百里,不喪匕 進己德,而 而 不過,守禮 也 一,切 九 目見正色。 在 「匕鬯」 淵 貮之象 至 已 以 道 一尊之 極 而 守 14

> 之旨。 也。 欲其 取。 時 也。 守其位,則《文言》所謂「進德修業,欲及 臣之忠、人子之孝哉! 道 執王心,外率諸侯以伐紂」,此尤違聖人 今其言曰「不敢果敢以取尊位」,是何人 之法,所以教人臣 尊位。」且聖人六經垂萬世之教,爲天下 疏之曰:「以 循常,是以見臣子之道全而 也,故 , 迫乎在下, 非躍 夫聖人之言,不勸則戒。 爲 進 儲貳者,但進修 德也。戒之者,懼其 如其言,則篡逆之道也,今故不 无 嗣之注曰:「近乎尊位,欲 咎」。 其遲疑進退,不敢果敢 之忠,人子之孝也。 所及。」孔穎 其 又言曰「西伯内 德,以禮 不侵於 侵君之權 勸之者, 達 法 從 以 君 進 而 取 其 而

而上升於天,如龍之騰飛然,猶聖人積義曰: 九五之爻,當建辰之月,陽氣成九五,飛龍在天,利見大人。

之位 地也。 德者,皆來仕于朝,皆以 中 萬物覩。」此言聖人在位,天下有聖人之 濕,火就燥,雲從龍,風從虎,聖人作而 君,然後得己道之行。 九二雖有聖人之德,固須得大才大德之 其性,此聖人之心也,故言「利見大人」。 爲於天下,使一民不失其所,一物必遂 見大人」者,九五雖有聖人之德之位 曰:「天降時雨,山 須得大才大德之臣 可 ,則天下聖人 Ė 泉 「堯以不得舜 一、上合天心 以治。是雖有大才大德之君,必利 誠 舜,大聖人也,必得禹、稷、皋陶 陶爲己憂。」堯,大聖人也,必得 然乾之六爻,九二、九五並言 明之德,德既 下順 皆 「爲己憂,舜以不得禹、 來輔佐之也。 輔佐之,然後可以 Щ 廣,業 出 人情,以 先聖云:「 雲。」如聖人在 類應也。 既 成, 居 至 即 「水流 《 禮 孟 尊 人 「利 子 有 之 君

八

齒衰 義曰: 自反 勤 若聖人當衰耗之年,不可 九三曰:「日昃之離,不鼓缶 蓋 蓋 極 聖人與時消息,知進退存亡而不至 耄 得聖賢之人以代己之聰明也。故堯之 其 其 之嗟,凶。」《太玄》中首之上九 ,則授之禹。 期,倦于勤,則授之舜。 形反」,●正 耗,精神倦怠之時。 身有盛有長有耄耳。 年 而 无 求代己任,則必有悔矣。 有亢耳。 梅耳。 此一爻居卦之終, 亢極之地 禹耄期,則授之啓。是 此謂 然聖人之德,固无亢也, 聖人之道,固无悔也, 也。 若居此 是皆聖賢謂 舜耄期,倦于 更專己任,必 今上九是 而 歌 《離》之 時不能 則 也, 元 大 年

用九,見羣龍,无首,吉。必求代,而著萬世之戒也。

九 漢之孝武,隋之煬帝,唐之明皇,皆爲首 夫 也。 後應之耳,不可先之也,先之則窮黷矣。 大憝,以安天下之生靈。待其有犯,然 撓,天子于是加 動則蠧民之財,殘民之命,聖人 之健、居兆人之上、亦當終始用其剛 而用之也。凡人臣有背叛,四 首,吉」者,言全用剛德,不可居物之首 之德也,故言「用九,見羣龍」。 者,終始全用剛陽之德也。 乃得 自取敗亡之道耳。 窮兵黷 ,見羣龍,无首,吉。 何則? 无咎也。 乾之六爻,自初至上,皆 武, 豈聖人事哉! 夫國家兵武,至剛威者也, 兵 以 故聖人戒之,言无 誅討之,去其元惡 王者,法 秦之始皇, 然謂「无 夷有 不得 稱 陽 龍

《彖》曰: 大哉乾元,萬物資始,乃統天。

咸寧。 成,時 命、保合太和、乃利貞。 雨 乘六 施、品 龍 以 物 御 流 形。 天。 大明終始,六 乾 首出庶物,萬國 道 變 化,各正 位 性 時

始。 辭。 哉」者,蓋 明易道,以 故《乾》言「資始」,《坤》言「資生」,此聖 故曰「至哉」。 萬物,而无有限 始生長養之德。 釋「乾元」之義也。「大」者,无限 哉乾元,萬物資始,乃統天」者,此三句 以明一卦之大要,故亦謂之「彖」。 元之氣發育施生,故萬種之物資而 承天之氣,以育成萬物之形,是有所至, 義曰:「彖曰」者,仲尼爲「十翼」之文,贊 「乾」者,剛陽至健之氣。「元」者, 坤則待天氣之降,然後能生萬物, 天氣 解文王所作卦下彖辭之辭。 「資」者,取也,言乾以一 降於地 極也。 言天以一元之氣生成 ,爲萬物之始,地 然《坤》則稱「至 極之 「大

於天。 氣潛 德也。 臣 地 天」者,此四句總結乾之德。 品彙之物,各流布其 雨,山 得天氣常存,是乾 者形之名,今以剛 者,夫以上 六位以時 之道,六爻之位,各有次序。 「大明終始,六位時成,時乘六龍 之上。 於 之上,爲儲君。 氣變化而言謂之六龍。 萌于黄鍾之宫。 見則 雨 川出雲,雲氣升行,雨澤下施,故 上則亢 乾爲陽氣 字皆 施、品物流 三則處 而 下定位 見,時 有 成 旨 極,在太虚之中。 也。 意 躍 人臣之極。 五 而上統于天,天將 而 元 健 「時乘六龍 0 則躍,時 形」者,此釋「亨」之 (形體 則 能 言之謂之六位,以 之 二則見,陽氣 乃 陽 德 統 統天」者,夫 氣 加 領 運 陽 升 至 得亨通 天之形也。 初則潛,陽 大明 氣自十一 四 則 以 不 時潛則 則 御天」 息,故 升 隮 出 終 以 見 也。 始 降 升 人 御 於 天

有剛 然以 之德生成 之性,有甘有苦,有益 控 而 利貞」者,此 皆天所賦 後來改前, 者,此二句申明「乾元」之德。 故天體常存也。 散之則亡。天 月 月 或夭或壽,皆上天默定之也。 有貴賤夭壽之等也。 書》 一无,全然而 御 升 而 漸 柔遲速之别也。 天 降 日 漸 升 陰 體 ·, 故 氣 冬至之日 「惟天陰隲 萬 性 也。 化、各正其 大明 以漸變易也。「化」者, 釋 升, 命之然 物,必以漸成之,以保合太 化也。「性」者,天生之質, 利貞之德也。 有剛陽之氣,運行不 且人之神氣,萃之則 生成 是 「乾道變化,各正性 萌 乘 也。 下民。」是或富或貴, 萬 于 此 天以剛陽之德,自 萬 命者,人所禀受, 人者,有害人者 物 六 黄 「保合太和 物之性 終 鍾 龍 之位 之宫, 始之道,以 至於草木 天以剛陽 「變」者、 命。 以以 至 命 息 有 時  $\overline{T}_{1}$ 

寧也。 幹 政爲貞,四達而 下之萬民,故樂爲 此二句言人爲天下之君,首出萬 貞爲冬,以幹了。是天道自然而然也。 貞」。「首出庶物,萬國咸寧」者,自「大 則萬物能成乎? 爲雪,是漸成其物 至,八月白 保合者也,●故 和 ¬法乾之四德,爲禮樂刑政,以生成天 之道。 了之也。若其大暑之後,寒涼 而下,明乾之四德。元爲春,以始 亨爲夏,以大通。 露降,九月寒露降,以 剛陽不以健而 必漸 不悖,萬國所以皆得 故曰「保合太和,乃利 元,禮爲亨,刑 而不暴,終能 成之。 利爲秋,以漸成。 利物, 若立 Œ 至 秋 則 爲利, 暴至, 民之 固 爲 涼 不 安 霜 能 而 風

明一卦之用也。「天行健」者,蓋言天以《象》曰: 此先聖所作《大象》之辭,所以《象》曰: 天行健,君子以自强不息。

息」。 르。 至健 息,則可以成天下之事業,而行天 身,次之一國,大之天下,皆當法 健之德,强勉於己,夕思晝行, 萬里, 大道也。 以至爲君爲 而行。故一晝夜之間,凡 而君子之人則當 故曰「天行健,君子以自强 臣,爲父爲子,小之一 法之,而 行 无 天之至 健 九 下之 有休 + 健

天德不可爲首也。「念不可久也。「用九」,也。「亢龍有悔」,盈不可久也。「用九」,在淵」,進无咎也。「飛龍在天」,大人造施普也。「終日乾乾」,反復道也。「或躍「潛龍勿用」,陽在下也。「見龍在田」,德

象》。「「潛龍勿用」,陽在下也」者,言建先聖又解釋周公之爻辭,故謂之《小義曰:「潛龍勿用」至「不可爲首也」,此

❶ 「合」,康熙本、《薈要》本作「和」。

生矣。 子之月 物,故 見,蓋 用 當 遂 者,必將有以 以賢 普天之下, 而 干 猶 而見,聖賢君子,亦有 大道也。 蓋千載而 施 除天下之害,舉天下之教化,行天下之 勿用 務 里 普也」者 以 」者,以 間 (者尚 有 聖人之德 聖 此「潛 遯 賢,猶爲 雖然天 一賢,則 陽 陽 人慮萬世之下,觀 而復潛遯爲事,則是辜天地之 或如 其 而失其施用,故於此 一遇也。 ,言陽氣發見於地之上,而 在 庸庸者多,而賢智者寡矣。 陽 龍」爲德 益于天下,而興天下之利 始 下 陽之氣,有時 此 氣 前 比肩,且千里至遠之處 猶 發 也」。 其少,況 在 在地之下,而 以 圃 以天之所以生聖人 於 爲 功尚未 也。 「見龍 時而 潛隱之時 比肩 今言 此 聖人乎? 潛,有 面 及于物 相接,是則 潛龍之事, 在 一潛龍 戒之,言 功 田 也。 未 時 有時 及 功 而

故 淵」,進无咎也」者,言儲貳之位 平均萬 君上之疑。 德,則不失天下之望, 竭其人臣之節。 事於天子及其 九三當公相之位,其責甚重。 反復道也」者,「乾乾」,健健不息之謂 事業,故曰「德施普也」。「「終日乾乾」, 德,而无聖人之位,不能大營造天 道,是其「德施普也」。 而 及 民一物,欲使无 也」者、言九五之爻、正當陽 日 其 无 乎物也。 愚者不肖者皆可企而及之, 進 道 所 不至, 故故 民之政教,反復 无 咎也」。 曰「反復道 雖日進其德, 是猶 使賢者智者皆可 儲君,而 不 聖人 下以道 得 一飛 執 其 然而 盡 也」。「「或躍 以事上治下,不 表 中道, 守其位 宜而皆合 龍 而 其忠義之分, 率百官之事, 在 雖 无 上以道承 有聖 氣 天」,大人 其 以 一,能進 有咎悔 分,則 以 極盛之 俯 功 下之 人之 于中 至 施 而 絶 其 在 就 布

望則 九」,天德 中則昃,月盈則蝕,物理之常也。 「『亢龍有悔」,盈不可久也」者,大凡 大人營造興制之時,故曰「大人造也 其澤,无不遂其性,故言「飛龍在天」 事,設爲仁義之道,使一民一物,无 時,生成萬物,而 聖人以兵 侯,如四夷交侵 健之德,以 之盈滿之地,不可久居,知其可退 至于年衰齒耗,當求所代,以副天下之 人,自初至上,其功已著,其德已成, 除害,扶教樹化,鋤姦進賢,以至經 有大中之德,又 悔吝可遠,故曰 ,後動爲 可; 應之,是不爲首也。 不可爲首也」者,言聖人用 化成 應。 不然,則有 中國,諸侯不 天 居 若其 萬 个,鎮 「盈不可久也」。 聖 物各遂 一人之位 純用剛 過亢之悔。 撫 四 其 一, 故 德,而又爲 (性,猶 臣天子 夷,懷來諸 凡先動 當 一而退, 「用 故 今聖 聖人 不 謂 則 日 是 爲 剛 萬 利 則

> 「天德不可爲首也」。 有犯己者,然後應之,則不失其道,故曰事首,是必至于過暴而爲禍害也。待其

《文言》曰: 會也。 生成 《文言》之第一節也。元者,始也,言天 陽 於生德,故「天地之大德 所聚會也。「利者,義之和 元之氣施生萬物,而 也。「亨者,嘉之會也」者,言天既 生,是爲衆善之長也。 以一元之氣始生萬物,萬物皆由一 之長也」者,自此 故又作文飾之言,以 義曰:「文言」者,先聖以乾坤之義尤深, 氣 ,故高下洪纖,无不得其 極盛,萬 以元爲始, 利者,義之和也。貞者,事之幹也。 元者,善之長也。亨者,嘉之 物 皆極其生養,而 即此 以下至「元亨利貞」 解其義。「元者,善 至 元 一于盛 何 者 日 .则? 生。 也」者、義、宜 (所,是嘉美之 能 夏之月,則 長 於 是大德 善莫大 無不繁 元 衆 以 善 而

24

畢,使皆得其正固 宜 至爲 又成之有漸,及冬之時 也」者,言天之使物自始生至于亨通, 巾 ,以 積 和 漸 漸 雪,是 丽 也 成 0 之 天 所 同解了 之 謂 也。 生 自 「貞者,事之 立 則生成之功 物 之。 秋 皆使 涼 風 不 至, 失 其 以 而

者,故曰:「乾,元亨利貞。」足以和義,貞固足以幹事。君子行此四德君子體仁足以長人,嘉會足以合禮,利物

國施 也。 義 施 使一民一 安其所,故君子以至仁之德,陶成天下, 元 鰥 所 仁,則一家之内愛敬 之氣生成萬物,而萬 如如 寡 仁,則一國之内愛敬 ·君子體仁足以長人」者,言天以一 孤 此 此以下言君子法天 物莫不受其賜。 獨 是爲衆人之長也。 窮 民之无告者,均 物得遂其 mi 而尊事之。 尊 是故于 事之, 四 使之不失 「嘉會 德 而 家 足 行

> 物各得 禮; 君 子 遷 物 之道,而使皆合禮也。 而 民有不令不肖者,雖善教之而終不 者,言君子法天霜露之氣而成就萬物 制喪祭之禮。 朝覲之禮; 飲 無 得 以 有其漸,故始以 一,則 皆得其利,又 節。 會 莫 酒之禮; 合禮」者,言天 法 聚 不 必 欲上下 天貞 其 故欲男 茂盛 用 謂 宜 刑 猶 也。 正之德,能 故 故 罰 欲其 欲其 交接 民 女有 如是之類,是君子以 以 仁義禮樂教之導之。 以 物 君 「貞固 以 整齊之,●使不 、篤哀 尊君 漸 既 子 而 盛 别 和樂, 而成治,使天下之 已富 施 夏 「利物足以和義 足以 幹 則爲之制 戚 賓 **夕亨通** 嘉 7 **|庶,則|** Ī 孝思,則爲之 美之 則 其 幹事」者, 則 萬 事。 爲 道 物 之 ·至於 爲 不 婚 之 制 姻 可 使 而 皆 美 之 īF. 圖 鄉 萬

) 「齊」、康熙本、《薈要》本作「治」。

濟天下之事 則 行,故曰「乾,元亨利貞」也 而 不 八於邪。 固 則 无能 必 也。 當 此君子法 終其正。 守 Ē 堅 固 若固 天之四 然 後 m 可 不 以 Œ 而

之,確乎其不可拔,潛龍也。」 无悶,不見是而无悶,樂則行之,憂則違德而隱者也。 不易乎世,不成乎名,遯世初九曰「潛龍勿用」,何謂也? 子曰:「龍

隱之時 其 必隨 也。 其 義 言 悔」、《文言》之第二節 假設問答以明其義。 義 亂 日 世 有聖人之德而 俗 世俗 則 「不易乎世」者,言有聖賢之道 何謂也? 子曰「龍 變而 而 但 此孔子欲 變易者也。 而 爲治、惡則悛而爲善。 施 晦 爲 其光 處 教化,以 申 於貧賤,是隱 「不成乎名」者,言 愐 此以下至「動 言乾六爻之旨,故 也。 自 德 。「潛龍勿 磨 修其己,是不 而隱 揉 于 者 遯 下,使 今潛 之時 也, 用 丽 一,則 有

衆也。 也。 行也。 去之。 樂而 成其 化皆與天下 之」者,凡聖 而務 雖 道,是爲 无悶」者,言有聖人之德,居其位 下,故遯世而 則 但 而不務行其教 不見 不行也。 不 以 人 行之, 名 天下之所樂,己或憂之,則違 潛 不 務行其 是於 今 止 若天下之所 獨 是憂樂皆同於天 務於名,其 也 隱 世所是也。 爲 爲 一以潛遯 是務隱晦者,雖憂樂必 同之。若天下之所樂,己 人有爲於時 天下, 事 「遯世 事 教化之實,是無所憂于天 无 天下之所憂,己亦 化,則不見是 也。「樂則行之、憂 以爲悶也。 m 有 然己 无 不 爲事,是所 憂, 今止以 實則名隨之矣。今 悶」者,言既潛遯, 行 己或樂 一亦終无 教 下,此聖人之常 ,則其所 化之實,是不 「不見是 一于天 潛隱 爲皆 之, 所 憂 施 下也 爲 去之 **利**連 則 異 圃 設 於於 亦 其 而 違 教

之戒言。上之所行,皆潛 者 如 世 用 上之數 ,是潛隱之人也。 也 此爲德也 確 事,確 乎其 然 不 不 口 能舉拔 此皆聖人著爲 拔 潛 晦 龍 也 之事 也 其 所 萬世 故當 爲

之謹, 化。 九二 德也 子曰:「龍德 《易》 曰「見龍 閑 邪存 曰「見 而 其 在 正 田, 誠,善世 龍 中 者也。 在田,利見大人』,君 利 見 大人」,何謂 而 庸言之信,庸 不伐,德博 也 而 行 ?

是由 中道。 位 義日 和 之君子,有聖人之德,故俯 言之信,庸行之謹」者,庸,常也,言九 前 之域 心也,故 其 所 然後 性 至於常言必信 行 此 至 釋九二爻辭,言聖人 无 日 明。 過无 「龍德而 П 无 故出 不及者, 可擇之言,身无可擇 處語 實,常行必 正中者也」。 仰 默 以 ,皆合於中 循 其 理,從容 居 有 謹 中正 于 「庸 下

誠 也。 徵。」言至誠之道,終而不 常切 伐, 矜伐 至 下至誠爲能化。」蓋言委曲之事,發於 庸》又曰: 之,審問之,慎思之,明辨之,篤 之閑,誠 之行 惡者改之,然後化其本性,故曰「惟天下 則感動人心。 由 以小善至於大善,由大善乃至于聖,是 之德,防閑 誠 能 溢 閑邪 則形於外而見著, 于面 防其 切 也。 又曰:「其次致曲, m 能化」。此聖 也。 存 則 邪 「至誠 防閑之,若《中 其 其 閑 至 悪 夫 誠 邪 邪惡,慮其從微 而 誠 人心感動, 丽 中人之性 自 存其誠」者, 也。 也 無息,不息 於伐其 内存 言 「善世 見著則章明, 此 存 至 曲能有誠。 庸 九 能也。 有有 誠 已 誠之驗也,故 則善者遷之, 》所 寬 而不伐」者, 〕,則有 則 然 加 能 mi 善,則 也 謂 久, 至著 若 行之」。 以 防 章明 證 夫 久 博 唯 之 中 ^ 有 至 則 中 學 驗 謂 IE. 天

九三

曰「君子終日

乾乾,

夕惕若,厲,

无

其明並 也。 德 居 惡 能 與汝 在 德,其言常信,其行常謹,又能防閉 丘未能一焉。」以仲尼之于四事,豈有 功。」又若仲尼,萬世之師,其功配天地, 矜伐之,故舜稱 難,使萬世之下被其 之。若堯之時,洪 幾魚矣,唯大禹 善功,有善德,而 故故 哉? 廣 田,利見大人」,君德 而存其至誠,有大善 大人之位 争能。 而 「德博而 特舉本爻之辭以結之。 化行于天下矣。「《易》曰『見 日月,然且嘗言。「君子之道四, 蓋聖人雖有大善于世而 汝惟不伐,天下莫 而爲人臣乃有人君大中之 [化]者,此言既有中正 能 曰:「汝惟不矜,天下莫 不 排 水 自矜伐者,唯聖 賜。 泛 決 也」者,九二 而不自伐, 濫 疏導之,以 然而禹 于 中 或 與汝 不 亦 一雖未 自 故 其 消 未 而 人 龍 之 伐 示 争 其 邪 嘗 其 民 能

與存 不憂。 也。 謂文 也。 信。 事業,致君澤民之術也,小 未形之謂也。 其文教,内以敦其誠實,此所以居業也。 所 然上謂之「修業」,下謂之「居業」者,蓋 心不欺于物,使德 義 也」者,内盡其心謂之忠,不欺 知 郡,以至爲將爲相,佐天子治天下。 義也。 知 至 以 何 曰:「君子 至至之,可 蓋九三居人臣之極位,内能 〈教也; 相 「脩辭立其誠,所以 故乾乾因其時 謂 進 避,亦功業之盛,故當居之也。 至之,可與幾 也? 是故 也 進德修業,忠信 子曰:「君子進德脩 言君子之所學,學聖賢之 誠,謂至誠 與幾也」者,幾者,有理 居上 脩 辭 而惕 行日 位 立其 也 丽 ,雖危无咎矣。 進 居業也」者,辭, 不驕,在 也。言外以修 誠, 而 知終終之, 圃 所 功業日脩 所 于物 邑,次而 以 下位 以 盡 進德 居 己之 謂 而 之 丽 可 忠

之事莫 之事 宰 故 諸葛亮之于蜀主,此數君子是謂知終終 於太甲,周公之於成王,霍光之于昭 民之責, 顯位,上 也,豈非知終乎? 義,終始一德,以 孟 无 夕 知終終之, 于人 子四 所 以 居 進 其 一邑,牧 居 施 主 E 思 退 未 十不 位 人 有 所 必 臣之分,能 而 之,學其 至之時 内无覬 而 動其 臣 以 不 而 不 奉一人之尊,下而有百官萬 一郡,爲將爲相,舉 德,而 可 動 可,蓋由知至而 之分,其德業 不驕,在 學,及其壯仕之歲,凡天下 心者,是知 心、蓋當 與存義也」者,言爲臣之 観僭竊之心。 知 爲治之道。 奉其上,是得臣之宜 其必至, 升降 存 然,後之人臣,居 下位 萬 必 志 世之義也。 而不憂」者,言 以 既 學之年,天下 至而至之也 預習其 至之耳。昔 道 己 至于 若伊 一故居 進脩, 而 〈業,朝 行之, 有 尹之 「是 位, 于 則

> 无咎。」 曰:「上 離羣 九 四 戒慎,雖履至危之地 心 位 ,故乾 也 日 而 「或躍 无 下无常,非爲邪也。 驕亢 君子進德脩業,欲及時也, 乾 不 在淵,无咎」,何謂 之色, 息 因 在 其 ,亦免其咎矣。 下 所 位 爲 進 之 而 退 無 時 无 也 憂 恒,非 ? 悶 惕 故 之 子 懼

爲其邪 類也。 業以 義曰: 位 之,日上下。 加 九四當儲貳 分 是 進 行 道 无咎者,誠能 而 其 在 絶 是故進 也。 淵 致 德 佞 君 此 以以 之謂 君之疑, 上 世 先聖釋 故 之 之位,故雖 塞天 以 其德以 上 疑 也。 或進 出 與 副民 九四之爻辭。 下之望,又不能 則 處 進 如 「故无咎」者,言若 言之, 或 此 其爲禍也 是或躍之義,下 副 望 退,非 者,是將欲 或上或 天 而 下之望,脩 去君疑 荷離 進 下, 不細矣。 退。 以位 也 及 其 非 與 時 其 苟

子曰 本 就 九 燥 也 乎天者親上,本乎地者親 Ŧi. 日 雲從 二飛 同 聲 龍,風從 龍 相 在 應,同 天,利 虎,聖人作 氣 見大人」, 相 求。 下 水流 丽 則各從 何 萬物覩, 謂 濕 也 火火 其 ?

下,水 吟則 也。 義 无 此釋无情之物,自然相 拾芥之類是也。 也 同 炎上,其性 氣,若天欲雨 鳴 情 日 鶴 之氣 相 景雲出。 也 同聲,若彈宫 性就 雲從 在陰,其子 求」者 此 、故虎 龍者, 釋九 龍, 下,其 燥,故 而 虎 風從虎」者,此言有 此 柱 五之爻辭。 「水流 嘯 水畜,雲者,水氣 是 焚 流必就卑濕 釋聲氣自 和之」之類是也 礎潤,磁石引針,琥珀 圃 則 猛 人其 宫應,彈商 谷風生。「 威之物, 芻 濕,火就燥」者, 應。 薪, 然相感之道 同 必 也。 夫 而 而 聲 先 地 聖人 風 商 相 情感 於燥 火本 體 亦 故 應 同 應 卑

> 地者親 作 共成 則 然之理以明之也 地之凝静,而植物 人營造興 萬物莫不 應 與 丽 植 而 而 天 萬 物 萬 天 牛 地 物 物 萬 也。言天之運動 下」者,此言本天則 下之業,敷爲 合德,萬 覩」者,言聖人之作,光明盛 親也。 制之時,此統言之,故 觀覩之也。 物 聖人 物 「本乎天者親 亦静。 莫 八感 不 皇極 前言 應 徧 丽 此 燭 用 之教,而天下 大人 而 動 聖人推舉自 形 天下之賢 物 夫天地感 物 也 上,本乎 日 造,是聖 一,本地 「聖人

上九 是 而 以 无 位 動 曰「亢龍有悔」, 一, 而 有 而 悔 无民。 也。」 何謂 賢人 在下 也 ? 位 子 加 曰 : 无 貴

安得 初 中之位。 則 日 未 天下之民也 中 夫卦之六爻,上 上 既貴 則 過中,是雖 m 无 位以居 賢人在下位 與 在 初 于尊 高 爲 貴而 无 而 位 則 无 无

輔 也。 佐 」者,今既亢極 矣。 夫如 是, 則賢 則 雖 動 在 静 下位 之間 面 皆 亦 有 不

也。 窮之災也。 終日乾乾 潛龍勿用」,下也。 飛 龍 在天」,上治也。 乾元「用九」,天下治也 」,行事 也 見見 龍 或 在 躍 「亢龍 田 在 淵」,自試 時 有 舍 !悔」, 也

義曰: 又言 也。 也。 也? 其功不及物,居无位之地,而處于卑下 之第三節,全以人事明其 時之所棄舍也。 周之時,皇 隱之時,故聖人戒其勿用此爲德者, 勿用」,下也」者,言聖人有龍德在於潛 「徳施 若仲尼有聖人 「見龍在 前蓋 此以下至「天下治也」、《文言 皇汲 以聖人之德言之也,此所謂 普也 田 汲 」及「天 夫既 M 八之德 時 不得 爲 舍也」者,舍,棄舍 時 而 下 八義也。 見于世 棄舍,然而 无其位,當衰 文明」者, 「潛龍 一,是 爲 何 前

臣,皆 終其位 之,而 望也。 不 成萬 潛至 自試 事 九」,天下治也」者,言乾以一元之氣, 過亢之 「元龍 人有龍德 之下,逼近至尊,慮 不息,以行當位之事 率下之責,至難至重,故終日之間 時 能 也」者、言九三居人臣之極 舍者,以位言之也。 盡 物 飛 也」者,言九四已離 「或騰躍以試己之才德,副天下之 能 一,則 天 ,在聖人則 年,其精 「『飛龍在天』,上治也」者,言聖 ,終始本末,能用陽剛之德以 有悔』,窮之災也」者,言聖人當 用 下之治,固 而居天位,以興天下之治也 必有窮極之災也。 剛 正之君子,然後 力耗倦,若不求所代 有 剛 也。 在 有僭上之嫌 明 左 「終日 「或 下卦 之道。 右前後大 位,有 「乾元「用 躍 丽 以一己 得 居 乾 在 天下 臣 故 乾 上 淵 4 以 乾 佳

德。 下文 九」,乃見天則 在 潛 「淵」,乾道乃革。 龍 亢 明。 勿用」,陽氣 龍 「終日 有 悔」, 乾 乾, 潛 「飛龍 與時偕極。乾 與 在天」,乃位乎天 「見龍 時偕 行。 在 田 元 或 用 天 躍

義曰: 故 圖 言 者,言九四 之月,陽氣潛施於地下,而藏遯之時也 不已,與天時 之時,其卦成泰,故君 形品使,天下之物有文章而 勾萌皆達,枯槁畢榮,故高下洪纖皆流 天氣明其義也。 「與時 ·天下文明」者,言天氣發見於地上,使 天者 其道有所變革也。 陽之德居至尊之地,是位本乎天位者 '偕行」者,言建寅之月,三陽並 積 此以下《文言》之第 諸 離 陽 相 下 氣 契而 卦之上,而 「陽氣潛藏」者,言建子 而成,今九五之爻,以 行也。 「乃位乎天德」者, 子終日之間,乾乾 入上卦之下. 「乾道乃革 四節,全以 光 明 也。 用

> 盛極, 也。 也。「乃見天則」者,言乾元能用剛陽之 德,乃顯天之法則也 與 如 聖 時 偕 人 當 極」者,言 耄期之年, 四 月之間 是 與 時 陽 偕 極 氣

天也。「雲行雨施」,天下平也。 六爻發揮,旁通情也。「時乘六龍」,以御矣哉! 大哉乾乎,剛健中正,純粹精也!也。乾始能以美利利天下,不言所利,大乾 完一」者,始而亨者也。「利貞」者,性情

于物, 達,至 義 之,故利於秋,貞於冬。 情也」者,言萬物既 然後得其亨通。 元之氣始生萬物,萬物皆資始于一元 也」者,元,始也; 釋乾之四德也。 日 而物得其亨通 夏則繁盛 此以下《文言》之第五節, 是 「乾『元』者,始而 故於春則芽者萌者盡 生而 亨,通也。 乾以 也。 繁盛 當秋之時,則 「利 一元之氣 ,則必 言乾 貞』者,性 始生 以 亨者 又

之邪 其 夫舉 之也 下民 孤 質,仁義禮智信五常之道无不備具,故 能 而 不失其正者,是能性 爲邪情。 來,皆由物誘於外, 禀之爲正性。 物 認 喜 怒 天 獨 與天下同 其 性 和 下 者,但 物,使 也 反 也 賢 則 其 正 漸 同 道 賞善 然則聖人 拯 情 性 而 其哀也。 聖人莫不 敗 聖人莫不 唯聖人則 也。 恤 成 皆獲其利,而不 能 德 之,凶 1,興利 也。 言之人事 以 者從 喜怒哀樂愛惡欲七者之 何則? 正 至於 聖人 之情固 荒札 性 于天下,是 聖人莫不 有 則情 而 有怒之情,若夫 能 八 莫 不 冬, 制之耳,不 哀 丁,則 誅 其 使 属則 情,不 之,是 蓋性者,天生之 之情,若夫 有 見於内, 萬物 則 聖 失其 有喜之情, 也 幹 X 一,所 有樂之情 賙貸之,是 與 · 使 與天 了 得 能 正者, 天 私 其 外 故流 以 面 牛 鰥 大 下 于 不 利 下 物 无 成 姦 己 爲 同 同 之 若 遷 而 蓋 天 不

之間 剛 大,故 限 之類是 桂 于卦不言所利者,誠由 德,言乾始 性,以至流惡之深,則一身不保,況欲 其 樂 不言所利,大矣哉」者,此 下之利正乎 性,故發於外則爲 則 (坤)言| 而 和也。 健 極,故不 有 也 扶 夫 凡行 中正 不可 具 而 人 不可 也。 利 是 情 不 四 純 小人則反是,故 窮 九十餘萬里 危。 皆聖人有 欲 言所 德 牝 可 以一元而生成,美利 測 1 粹精 壽, 蓋 者 馬之貞」、《屯》言「利 以 若此 也。 「乾始能以美利利天下 有 利 七,其餘皆言 所 則 也。 所係然耳, 也」者,此言乾之德至 中和 利 生 之類 以 其 言之也。 其 而 m 其曰 情, 至 之教,而 不 剛 无 是 傷 廣至大, 无有 健運行,畫 以 又嘆 則 毫釐之過 「大哉乾乎, 與 人情 獨 情 制 天 所 然 于天下。 乾 美乾之 之 m 天 下 利, 則, 建 德 亂 以 下 同 欲 夜 至 天 其 得 IF. 其 安

進 者,言乾以一元之氣布而爲雲,散而爲 已解在《彖》。 不 乾之六爻,或潛或見,或躍或飛,而 雜故 也。 雨,以生成天下而无不均也 逮 退之情也。 同,故發越 今,未嘗違悖,是 及。至於春 所以然者,蓋以至純 也。「六爻發 揮散,則 「時乘六龍 「雲行 夏 以生,秋冬以成, 揮,旁通 其 雨施,天下 미 至健 以 至 以御天也」者, 見聖 情 一粹精 而 也 不 人出 健 失 平也 一者 跡 中 自 而 皆 處 IE.

用也。言也,隱而未見,行而未成,是以君子弗言也,隱而未見,行而未成,是以君子弗君子以成德爲行,日可見之行也。潛之爲

義曰: 也。 之第六節也。 亦必 發 言君子之人得其 上二句, 自此至「其唯聖人乎」、《文言 博學審問 此 以明 節 然後修成其德,爲 天性 復釋 不 미 之全,故 用 「潛龍」之言, 潛 龍 八爲德 Ŧī. 常

> 同矣。 爲心 學不問,亦終不能成行于己,是與 學之問之,修成其道,而 弗用 見其 常行 用 以潛遯爲心,則是有聖人之資質,而 用之於外,則可以成聖人之全德。 聖人之資性 「行而未成」者,言既 此潛龍 ,則不 也,隱 所 之行而發之於天下,使天下 也」者,夫君子之人,既以 故聖人于此戒之言,是以君 行,此謂君子之常道 爲德 可專務隱晦,今之潛則 而未見,行而 反在 也 于潛遯未見之 有聖人之性,則 爲行於己,然後 未成,是以 也 成成 德爲行 之人 時 子弗 不聖 是以 君子 也。 必 不 日

德也。《易》曰:「見龍在田,利見大人」,君行之。《易》曰:「見龍在田,利見大人」,君君子學以聚之,問以辨之,寬以居之,仁以

禀天之全性,發見于世,而能執中庸之義曰: 此釋九二爻辭也。言君子之人

24

又于此 動,以 業而 也。 能成於遠大,而終爲淺丈夫矣。 進,所居失其寬,所行失其仁,是故業不 必悻悻然耻于下問,而又躁妄以 其德業恢廣,无所不至,使天下之賢 辨其疑, 之全,亦 道 及,此皆由博學、審問、寬居、仁行之然 者可以 其有人君之德而无人君之位耳。 志 是故庸人之情,苟一善得于己, 也 至推仁義以愛人,示恩信 于遠 歎美九二之德,言其 俯就,天下之愚不肖者可 m 須 何 又寬 廣博 哉 大,是以執其 ? **%裕居** 其 蓋 學 聖人雖得天 其 以 時 精 中 以以 其 庸 見 德, 畜 而 龍 以無物 故聖人 聚 生 審 不 在 其 求其 以 善善 有妄 問 田 企 智 則 事 件 以

故乾乾因 九三,重 義日 下皆乾 剛 其 ,是重剛 此 而 一時 又釋九三之爻。 不中,上不在天,下不 m 惕 也。三、四介重剛之間 ,雖危无咎矣。 蓋此 在 卦上 田

> 也。 安,如此則雖在危 民之責,故乾乾因其時而惕懼,●不 大臣之位,上 而 下 已 不 |過于二,上不及于五 「下不在 中也」。 有 田」,非九二之臣 「上不在天」, 一人之奉,下有百 地亦可无咎。 ,故皆曰 非 也。 九 五 官 IE. 之 重 遑 萬 當 君 剧

无咎。 中不在 九四,重剛 人,故或之。 而不中,上不在天,下不在 或之者,疑之也,故 田

義曰: 退 有 得儲君之位。既爲 不在田,中不在人,是中不 備三才也。此九四一爻,上不在天,下 上二爻爲天,下二爻爲地,中二爻爲人. 疑 而 惑。 下者,守位也。 此又釋九四之爻。 故所 進 儲貳,則進退上下皆 上者 夫如是,故无咎矣。 修 在 德也 乾之六爻。 人臣,而 īE.

而 康熙本、《薈要》本作「之」。

亢之爲言

也,知進

而不知退,知存

而不知

天 與 夫 弗 大人者,與天 四 乎? 違 時 合其 ,後天而 況于鬼神乎? 與 (地合其德,與日月合其明 奉 鬼神合其吉凶。 天時。天且弗違,而 先天 況 面

時 天 賞善罰惡,是與 神之爲道,善者福之,淫者禍之,聖人則 幺 於物,故與天地合德。 載,故其德曰生。聖人亦能以仁愛生成 義 大才大德之人也。 夫天高而覆, 地厚而 人與 於天 以春夏秋冬而 无 日 合天也。 義刑政化天下,故與四時合其序。 而 行 隱,皆燭之,而聖人亦能 時 鬼神乎? 事,則天 此又釋九五之爻。「大人」者, 丽 以天之至大而聖人合之,況 行 事 弗 鬼神合其吉凶。 生成肅殺,聖人亦能以 則 違之,是天合大人也。 奉順於天時,是大 日月至明,故无 同其明。 先于天

> 退存亡,而不失其正 于義不安,當爲羨文。 堯、舜、禹是也。上一句「其唯聖人乎」, 喪,故于衰耗之年,則求所代 爲,是亢而招悔 而 但知進 義 而不忘退,知存而不忘亡,知得而不忘 知得 不 日 知 而 喪。 而不知退,知 此又釋上九之爻。 不 知 如此之類,皆聖人之所 喪。 者也。唯聖人爲能 者,其 其 存 唯 唯聖人乎 聖人 而 不 乎! 知亡,知得 亢之爲言 而終之, 知進 知進

坤

## 坤坤

上下

坤

卦也。 義日 E 而 成 承于天以生成萬 也 上下六爻皆陰,以象地 此伏羲所畫,文王所重,純 坤者,順 也。 物,猶臣 言坤柔 以柔順之 積 順之德, 諸 陰之 陰

六

元 利 奉于君 之 以 生成萬民也

得,主利。 常道。 夫坤 言「利 以言地之爲道,能順承天之氣以生成萬 也。 宣君之令,行君之事,皆不失其正道,故 物,无有休息。若人臣順承于君,而能 乘,有善行之才,而又牝馬,順之至也, 道,故言「利牝馬之貞」者,蓋馬取 體至大,全用剛德,故于乾卦之下直言 生其形也。其言 「元亨利貞」,而不言所利 剛 若順一 體之利,唯至順 凡坤之四德與乾之四德同也,但乾 健之德資始 |牝馬之貞」也。 「君子有攸往 牝 人臣 此一節是文王所作 西 馬 而不正 [南得朋 之分 貞。君子有攸 ,則失于諂 亦當 「利牝馬之貞」者,蓋 萬物,坤以柔 東北 至正,然後 執 喪朋,安貞吉。 其 也。今坤主臣 Œ 媚 卦下之彖 往,先 侕 順之德資 不 濟 若 - 失其 以其服 之以 正 迷 偂 乾 後

朋類 師、賢 之位 若能 父而 婦。 故,惟 也。 曰 得其主守,而不失爲臣、爲子、爲婦之道 述, 夫行而婦從。 若臣 乾爲君、爲父、爲夫, 乾者,天道,坤者,地道。言之人事, 子有攸往」也。 不 失其分,以 自 于 順 「西南得朋」者,西南,致養之地, 作,婦先 朋 也。 處其後 言其分,則君倡而臣 而行。若君子未仕之時,必 學則 友以 君子有 天子至庶 則 類 失 今坤本陰,以 而 不能 相 此 于悍愎, 而 後 切 全德, 而 夫而 順 「先迷後得,主利」者,夫 有 成,獨見則 磋。 注,无 行其 人,未有 所至 行, 乃 加 蓋聖賢事業尤 能 所 也。 事,不爲 坤爲臣、爲子、爲 有 則 先 陰之陰,是得 循 不 先君之事 是亂常道 君 不能 和,父作而 不須 此 故《伐木》 利,故 而 道,始終不 事先 倡,子先 明, 友 日「君 以 得 固 也 淵 其 陰 則 子 須 明 則

言地體安静而永守其正。若天氣降於 道德,及其業已就,其性已明,務行 如 地 事,是喪失其朋類者也。「安貞吉」者, 而薦身於朝廷之間,以求致君澤民之 喪失其朋類。 位,今離 也 東北 其吉也 倡 臣之輔君,當常守安静貞正之德。待 地 地 ,然後和之,是亦不妄有所動 是言人必 則承 喪朋 西南 一者,西 而發生,是不 而反之東北,是以陰之陽 如君子之人與師 得 朋 南 類 爲 而 陰 - 妄有 事 位 業 · 東 :所發 可 友講 北 7,故得 成 其道 爲 也。 也 成 陽

朋」,乃與類行。 子攸行,先迷失道,後順 咸亨,牝馬地類,行 天,坤厚載物,德 安貞」之吉,應地无疆 彖》曰: 至 哉 坤元 「東北 合无 地 萬 无 疆。 喪 疆 物資 得常。 別」, 含弘光大,品 柔 生, 順 乃終有 西西 利貞,君 乃 南 順 得 物 承

必有所 生萬物 以生萬 用。 若其德,則持載生育萬物,大无不周,遠 纖,无不持載,无 者,言地道博厚,于天下之物,高 資取於坤元,而 哉」者,蓋坤主承天之氣而生萬物之形, 義 氣降于地,爲萬物之始也。 句釋坤元之德 九不及,是坤之德 含弘光大、品物咸亨」者、此釋亨之德 至哉坤 一句釋 日 者,言地者,形之名; 是地之形,則至廣至大,而 . 至也。 坤 也。 蓋地得天之降 物之形,是天下萬品之物,莫不 元,萬物資生,乃順承天」,此三 此 之自然之德也。 以下先聖 「坤厚 「萬物資生」者,言一元之 也,故先嘆美之。 生其形質也。 不包 載物,德合无疆」,此 亦合地形之无 釋文 氣 容也。 ,然後順 王彖辭 一坤 承一元之氣 坤 者,地 -厚載 「德合无 乃 無疆畔。 從 言「至 温也。 之辭 下 順 圃 物 洪 承 發

貞」。 者,言 義。 所不 子、爲人臣、爲 息。 此 爲臣之節,而又不失其 貞、君子攸行」者,此釋「君子有攸往」之 爲 地 德,然後 地 也 其 而 釋「先迷 和 地之倫類,而行之无 而 類,行地 馬爲 利 无所 言君子之人,能柔 包,无所不周。 生,皆 I 其體 行 言地之爲道,生成 也。「先迷失道,後 而 萬物繁植 包 人所 不載。 謂之「含」者,言坤之爲體 後隨。 後得, 1得亨通 至 无 也。 廣 疆 服乘,亦能 婦, 至 謂之「光」者,言萬物 弘, 若首 主利」之義。 者,此釋「利牝馬 得其亨通也。「 大。 而 其爲道 謂之「弘」者、言博 厚 光明。謂之「大」 先 和 疆 正,是所往 謂 也 萬物,无有休 加 謙順,以盡 一也。「柔 行之不息,是 坤 順得常」者, 必 行,則 之有 光, 須 言爲 待 明 此 迷 无 順 牝 倡 无 之 馬 利 四 不 其

> 朋,乃 也。 地 令而 至正之德,而不爲事始,不爲物先,待君 素藴 用朝 育萬物,无所不得其 静、守正 之吉,應地 喪朋」,乃終有慶」者,此言君子已仕,進 承 无疆 亂 其 E 後行,此其 君子之人,上承於君,亦當安然守 ,是終獲其 廷,上以致君,下以澤民,以施己之 而 也。 《與類行」者,已釋在前。「「東 失其道。 而得吉者、蓋 乃得君子之常道也。 无 疆」者,此 所以獲吉也,是其 美慶之道也。「『安貞』 若所行 生,是其德之无疆 由 居人 承天之氣,以發 言坤之所以 之後 「西南 (徳應 而 安 北 得 順

象》曰: 物」者、言君子之人、法地之道,以 生成萬物之形 一、固本柔 日 此先聖大《象》之辭。 地勢坤,君 順。 質 柔順者,地之勢也,故 也。「君子 子以 厚德 載 以 言地 物。 厚 寬 之 厚 形 載 能

其德 之容載 載 使其 萬 也 物 使使 (器業 萬 物 廣大、弘博、无 无 不得其 所 ,皆如地 所不容

初 冰」,陰始凝也。 六,履霜,堅冰至。 是也。 故 義曰: 由 物之衰剥,時之愴慘,且不知其陰之所 之氣始萌於地 微,不可得而見,故自建午之月,則 始凝之時也。 之六爻皆陰,而初六居其最下,是陰 言之,則 也。「堅冰」者,陰氣極盛之時也。夫坤 於其始,善善惡惡可得而度之,故在人 人之深情厚意,不易外測,故大姦若忠 來。 可以推 然于履霜之時,則是其 然爲臣 人君御臣之法,此其始也。 言「履霜」者,陰氣始凝結之時 測其必至于堅冰也。 馴致其道,至「堅冰」也。 大凡陰之爲氣,至柔至 而佐 下,以至于秋,人但見其 君,必有行事之迹。 《象》曰:「履 迹已見, 以 人事 二陰 霜 臤

> 之福。 露則知 節報 爲羨文,蓋下文已有「至堅冰也」。 若使至于大位,以僭竊侵陵,則惡亦不 大患也。 之義,謂臣之積惡,有漸久而不已, 至其道,至『堅冰』也」者,蓋馴者, 霜堅冰」,陰始凝也」者,言陰之至于履 當早辨 用之,使之由小官至于大官 君早見之也 至堅冰,是宜辨之在始也。《象》曰「『 易解矣。 ,是陰氣始凝之時也。「堅冰」二字當 效,則知終必有黄 若姦邪小人,其有諂 而 積日累久,必至於龍戰之時,故 是由履霜之積,積而不已,終 黜 0 退之,則其惡 見其 人 臣 (裳之 之間 不能萌漸也。 ,則爲國 佞之狀, 始 乃任 有 馴 能 馴 履

光也。二之動,直以方也。「不習无不利」,地道二之動,直以方也。「不習无不利。《象》曰: 六二,直方大,不習无不利。《象》曰: 六

之質, 至也。 習 德, 發動 地道光也」者,言六二以直、方、大之三 德之備,地道之美盡於此矣。 以孟子四十不動心者,此也。 之,且非臨事而乃營習,故无所不利 之于始,至此用之朝廷之上,隨時而 其德素藴,其行素著,聖賢之事業已習 者,言坤有三德,自然而物生,故不待修 私,使各得其宜 之先也。 无所不包,无所不容也。「不習无不利 而 義 二爲地之上,是萬物發生之時也。 六二之動,直以方也。 生成 而 日 後能。以人事言之,則君子之人, 不勞而生,不爲而 萬 而生物,无不得其宜,蓋以 直,正也,待夫陽之至,然後 方,義 物,是其 也。 也、義、宜 體安静 大者、言地體至大、 「不習无不 守正而 也,言生物无 成,光大之 於卦 《象》 不 故 ·利 自 ·爲 則 行 \_\_\_\_ 物 發

事」,知光大也。《象》曰:「含章可貞」,以時發也。「或從王六三,含章可貞,或從王事,无成有終。

義曰: 今含畜章美,俟可 不知君之所命,則 之道,若謀 歸美于君,而不敢 待君有命,然後從而行之。既行之,又 言六三之君子,執臣子之分,不敢先倡 臣子之正。「或從王事,无成有終」者 之道,待君之所令及謀議之所至,則從 宣行之,使天下之人但 可貞」,以時發也」者,言人臣含畜章 而發其章美之道以 敢爲事之倡始,故 言六三陽位,今以陰居之,是能執 而 終于爲臣之分也。《象》曰「『含章 含,畜也。 議 未及而先發之,非其時 發而 失 居其成功, 内畜聖賢之事,章美 章, 進于君。 所 美也。 以 發之,然後功 知臣之所爲,而 爲 臣之分也。 如此,是得 貞, 但竭節盡 、謙,不 Œ 也 · 美

而盛大也。 待君之命而從之,則是君子之智益光明「『或從王事』,知光大也」者,此言君子于己即歸之于君,而不失臣子之分也。

咎」,慎不害也。 六四,括囊,无咎无譽。《象》曰:「括囊无

義曰: 曰「「括囊无咎」,慎不害也」者,言六四 其囊,所以斂其才德,則天下之美譽何 故得无咎也。 進,則爲小人所害。 咎」者,言六四有聖賢之才,若非時 囊,藏其德,卷而懷之,以待其時。「无 然六四既當此否塞之時,則必括結其 陰陽之道不交,而君臣之間不相接也。 是陰卦,六四本陰位,又以陰居之,則是 君臣不交之時,而能慎密而不出,則 而 至哉? 括,結也。囊,所以盛物也。 故曰「无咎无譽」也。《象》 「无譽」者,言六四既括結 今既能韜光晦迹, 而 坤

> 及也。 小人雖有殘賊之心而欲害之,必不能

在中也。
六五,黄裳元吉。《象》曰:「黄裳元吉」,文

蓋衣譬其君,裳喻其臣。以六五居上卦 蓋衣譬其君,裳喻其臣。以六五居上卦之中,而當公卿之位,是能執中道,施美入五色備具謂之文,今六五能居中而施 凡五色備具謂之文,今六五能居中而施 其美利,自内及外,自朝廷及天下,是得 黄中之色,而可以見四方之色也。 裳者,下之飾。

戰于野」,其道窮也。 上六,龍戰于野,其血玄黄。《象》曰:「

冰。蓋自履霜,若能積其善,杜其惡,及至微至柔,積而不已,至于彰著,必成堅稱。野者,非龍之所處。言陰之爲物,義曰: 龍者,陽之氣。戰者,戰敵之

- -

則 有 黄 、裳之大吉。 若不能杜

災 也。 陰,不无相傷,故血玄黄也。 以 者,言自 包藏之久,至此既 也。 ,是其道之窮極也。 明之君起 至 害 《象》曰「『龍戰于野」,其道 黄者,地之色。言上下相傷之甚 夫姦臣 于 細細 而 惡 而誅討之。然而,以陽 家 而不 賊子之爲心,其禍 凶 · 辨, 一于而 不可遽滅之,則 至于盛大以及于 國,終 玄者,天之 有 龍 亂 窮也」 其惡, 之前 來 戦 必 勝 之 有

終 用六,利永貞。 也 《象》曰:「用六永貞」,以大

順,則 皆有柔順之德,故 之道也。 丽 也」者,言既能用其柔順,又能永 日 不 守 利在永長守其貞 其 此 《象》曰 Ē, 言六者,陰之位 則 爲 「用六永貞」, 日「用六」。 邪 爲 正 惡。 一則不 自初 故 然既 失 純 守貞 以 至 大終 用 柔 臣 子 柔 順

> 之道, 則是臣子能以大義 而 終 也

其順 方。 《文言》曰: 後得主而 乎,承天而 坤 有常,含萬物 時 至柔 行 而 動 也 而化 剛 至静 光。 坤道 圃 德

德也。 義曰 也。 静而 常」者,此釋文王之彖 天氣不降于下,則凝結安静,而 動,待天之降氣,然後始發生 形質,无不持載,是其動則至剛也。 厚而光大也。「坤道其順乎,承天 敢居事之先,則 之道,必待君倡 方至正,不妄有所 用至柔,得天之降 大」之義。 「含萬 德方」者,言地體 「坤至柔 此 言地、 物物 以 而 下仲尼之《文言》,釋 之道、含養萬物、其 化 得 而後和,君令而後從,不 而 光」者,此釋「含弘 所守而 動也剛」者,言坤 氣, 發也。「後得 然後 辭也。 凝 不失臣子之常 静,不妄有 生成 凡 萬 爲 萬 主 其 物。 德 物 之 坤 圃 德 所 之 臣 弘 若 之 有 至 至

則 奉君之命,以時而行之,皆无不得其 行」者,此 至柔至 生,秋則成是也。 順 ,承天之道 仲尼嘆美坤卦之辭。 順 以人事言之,若 時 而行之,若 言 坤 臣 春 道

宜

也。

餘殃。 之故,其所由來者漸矣,由辨之不早辨也。 積善之家,必有餘 易》曰:「履霜,堅冰至」,蓋言順也。 乃子乃孫,皆獲慶善之餘也。故《中庸》 義曰 其名,必得其壽。」其言大舜,自匹 曰:「舜其大孝也與。德爲聖人,尊爲天 發此文。 言君子之人,不以小善爲无 家,必有餘慶」,此釋「履霜」之義,因先 不爲,故積日累久,至于大善,延及于 富有四海之内,宗廟饗之,子孫 故大德必 臣弑其君,子弑 此釋初六之爻辭 得其位,必得其禄,必 慶。 其父,非一朝一夕 積不善之家,必 也。 看 夫 善之 保 益 有

以 子故也。 順也」者,此先聖因履霜之戒,故引上 此,由君之不早辨其臣,父之不早辨其 也、蓋由 之心,非在弑君之朝,弑 耳目之所狎習荏成凶惡,以 君素寵其臣,父素寵其子,寵 惡,累小罪以及大罪,而終有 所由來者漸矣,由辨之不早辨也」者,言 弑其君,子弑其父,非一朝一夕之故,其 于身,以至乃子乃孫皆受餘殃也。 享聖人之位,流慶于後,此 小惡爲无傷而弗去,故積小惡以至 積不善之家,必有餘殃」者,夫小人 結 小 善未嘗 順 「蓋言順」者,是 而積至之也。 積 《易》曰「履霜堅冰 久 捨去,以 /漸漬 而 至 成其 言履 積爲大善, 父之夕驟 積善之慶也 [X] 至包藏禍 霜 **55**5 殃禍 至」,蓋 圃 圃 也 不已。 使 至 加 圃 文 臣 如 然 賊

「直」其正也、「方」其義也。君子敬以直

内, 大,不習无不利」,則不疑其所行 義 以 方 外, 敬 義 文 而 德 不 孤 也 直 方

方 无 也。 義日 外」者,夫君子 君,而能 直于内,則 德,四時之間,生育萬物終始,皆得 天氣至而後發之,故其德无有不正也。 不能人。然而 氣,皆出于心之不敬,故君子之人,既執 「『方』其義也」者,義,宜也,言地之爲 立 必敬 不通 正 也」者、言地之爲道、不爲妄動、必待 而 而 德 反 君子敬以直内」者,凡人有忿怒之 于 濟 不得其宜 恭 不孤」者,言君子之人,内直 覆之間皆合于道也。「義 此釋六二之爻辭 内, 批 敬其顔色,内 必濟之以恭敬也。 方則必合于外 外有 夫直 所行又能合其宜,則于事 ,則傷于愎。 廉隅 而 不 方正 敬,則傷于 有執直 也。「『直』其 也。 而 故君子直 立,則邪 以之事 不 「敬義 以 回之 其 以 方

> 不利」, 不須疑 邪,正而謙恭,義則與物无 敬 不躁,如此,既不假營習而 反于己,是不孤也。『直方大,不習 蓋君子既 「不疑其所行也」。 外外 方 慮其所行, 則不疑其所行也」者,夫直 以 以 義, 敬義接 則 其 而皆中于道也,故 于人, 德 不 孤 則 无所不 競 人亦 也 方則 以 何 利, 凝 而 敬 則 无 則 重 不

終也。道也,妻道也,臣道也。地道无成,而代有道也,妻道也,臣道也。地道无成,而代有陰雖有美,含之以從王事,弗敢成也。地

義曰: 此 及、詢謀之所至,然後發己之素藴,以 道,當内含章美之德,以 有美,含之以從王事,弗敢成也。」「地 成功,則歸美其君,而 行君之事業,輔成君之教化。 所 以 盡爲臣、爲子之分,故 此釋六三之爻辭也。言爲 不敢自居其成功。 待君 及其 日 議 論 陰 有 之 臣 道 雖 所 之

其地道大終之義也 然後發之,以贊成天之生育之德,是得 皆下奉上之道也。 道 終也」者、言地之爲德、必待天之氣至、 父,爲弟當事于兄,卑者當事 也 因 舉大綱 道 也 更臣 而 道 言之。蓋 也」者, 「地道无 此 凡爲子當 先聖 成,而 于尊之類 釋 代有 奉于 地 之

曰「括囊,无咎无譽」,蓋言謹也。 天地變化,草木蕃,天地閉,賢人隱。《易》

義曰: 閉 通 也,故曰「天地變化,草木蕃」也。 化」,若陽下交陰,陰上交陽。 臣 一、故能 了, 猶 如 草木枯槁 ,賢人隱」者,言天地不 不交于君 一坤爲陰卦 此釋六 生成 君臣之道交接,則天下 而萬物 萬物,而草木品 四之爻辭也。 君 四 臣 衰 本陰 道 滅 塞則 猶 交,陰陽不通 位 ,又以 君 賢 類 名者 不交于 皆 得 陰 天 「天地 退 陽 其 得 地 安 交

> 慎 此之時,既 囊,无咎无譽』,蓋言謹也」者,言賢者當 之,是天地 不能退,則 不交于臣, 而 避 害 也 爲 能 圃 閉 賢 括 小人之害也。 塞、陰陽不 者 結其 退 而 囊而自處,是能謹 自處 交之時 《易》 也。 若 日 是 「」括 於 猶 此 君

于四支,發于事業,美之至也。 君子黄中通理,正位居體,美在其中,而暢

樂以 于事 居其 也,而 則極于 之位 位 黄 之色。 義 中之德、故能 居體」者,言六五位 曰 (體也。 ,業,美之至也」者,言六五正居公相 興天下之和,制 又執柔順之道以全臣子之節 居其 四方之色。 總百揆,外統九 此釋六五之爻辭 「美在其中, 八中則 通天下之物理 通 今六五 于四 禮 極公相,是得其正 以 方之理 州 而暢于四支,發 也。 牧 正天下之序, 之君子 伯 了,言其 也。 黄者, ,而又作 有 苗 此 IE. 中

周易口義

六

極至者也。開發天下之事業。如此,是文明章美之治,是皆内含章美之道,以通暢于四支,施刑以懲天下之惡,爲政以正天下之

焉。 天地 陰 疑 之雜也,天玄而地黄。 于陽必 猶未離其類 戰,爲其 也,故稱 嫌 于 血焉。 无陽 也, 夫玄黄者 故 稱 龍

也。 剛 无 見 則 于此,既已極盛,則是至于建子之月,必 陽也,故稱 有一陽之生以消退羣陰,使之不能有爲 明之君子與之戰 陽。 ,蓋其始 日 侵于陽而陽與 疑忌之心生而僭竊禍亂之事作,以 容 猶如亂臣賊子爲惡已甚,●則必有 龍,陽也。 陰之過盛,故 此釋上六之爻辭 龍焉」者,此坤六爻皆陰,故 不杜凶惡之漸,以至于極盛 之戰也。 此稱之者,蓋言陰 而 稱 滅之也。 龍 「爲其嫌于无 也。 以 存戒 言其疑 蓋聖 至 至

> 无龍. 此皆聖 之道 猶臣 則必 間。 也。 黄」者,玄,天之色,黄,地之色, 下相敵必有相傷,故玄黄之色錯雜于其 能離其陰類,故雖見敵 陰盛,以 猶未 「夫玄黄者天地之雜也,天玄而 悪 戰之事也。 察 然陰雖至盛,終不能勝于陽, 一雖盛極見侵于君,猶不能離臣之分 離 其 **一**, 雖 人 至 其 臣之所 存戒于人君,言于履 相 類 至盛,亦終不能 敵 也 爲而進退之,故至此可 故 然 稱 而 血 陰雖 于陽,但 焉」者,言陽 有其 至 霜 極,猶 稱 以其 之時 成 血也 也。 地 微

周易口義卷一

▶ 「猶如」,康熙本、《薈要》本作「固如」

## 周 口

宋 胡瑗

撰

建 侯。 坎 震上 屯, 元 亨 利 貞。 勿 用 有 攸 往 利

屯

H

經

定乾 也。 坎二象畫爲六位以 屯者,屯難之名,天地 夫天地氣交而生萬物。 萬物始生。 坤二卦于前以明天地之道,又以震 此文王所作之卦名也。 多 亦猶君臣之道,始交將以共定 難 由艱 次于後,名之曰屯。 難 始交而生物之時 而 後生成,盈天 文王既

仲尼 有四 濶。 屯。 義。 也。 之,自古聖賢未有不由險難成名。 王囚羑里、周公攝政、有管、蔡之流言。 雨以 拆之時,其 以見之? 皆先艱而後通 之于伊尹 天下,亦必先艱 一爲盈。《序卦》云:「有天地,然後萬物 或垂名教于後世。 一爲屯難,剛柔始交而難生是也 是皆出 厄于陳,畏于匡,拔樹于宋,削 潤之,雨久 方之多虞,然後卒能共治天下, 孟 屯者,盈也。」是爲二義。 君臣倡治, 豈无 軻 盈天地之間者惟萬物,故受之以 ,文武 有臧倉之困,齊梁之君以 、體弱而未成,日曝之則 試以草木言之。 于險 也。 之 難 反害,是始生多難可 滋難,而 然萬 于吕 而後至于昌 難哉? 後能 是以君子之人, 望,其始交時 物始生 當勾 興事業于當 然屯有二 以人事言 一多難 萌、 槁, 若文 爲迂 跡 如 何何 知 必 甲 湯

三八

元之德 教也。 艱難 之倒 屯難 也。 天地 則 也。 行。 生,既 子之道哉。且君子之道,獨立不懼 欲 m 懸 之 以 也。 何能 若終 也。 而 蓋 不 丽 不 文 然後 後生。 人事 「元亨利貞」者,此屯之四 行 , 出 形」,是其拯 後 也。 陰陽之始交,必有屯難, 四德 功 通,既 心屯而 秋之時,漸 是 掩 民 立 可 一德著。 言之,則君 屯 夏之時,則物生而大通,亨 我 雖 也。 事 于塗炭,由 以 成,而 如春之時,則勾萌畢達, 之 哉。 不 小 成名,此聖人明 不 人之 注 四 行,乃生靈之不幸耳, 故 天下之大危 미 唯 德,亦 疏以爲劣于乾,非 而成之,利之德也。 又于冬幹了之,貞 以 《揚子 譖 君子能 臣 時 于難 毁 始交 乾坤 屯 白 傾 面 偏歷 而 亂 加 解天 之四 險 不 後仁 萬物 子卦之深 定難, [德,亦 不極, 安損 往 險阻 德 由 而 ##

> 之地无 總制 肩于 也。 兵,輕 之德教,以 及,必建侯分守,使之行 撓之,是益 得其宜,一歸 也 可重爲煩擾之事往而 下既定,人倫既 上下之分不相錯 「勿用 以 定 「利建侯」者,夫天下始定,民 屯難之世,天下未定,萬民未安,不 之,使君臣 此 困難,一人不能獨治,政教 其徭 有攸往」者,此以下專以 不被其 也。 元之德 各治 屯也,必在省其刑罰,措 役,薄其税斂,以安息之 澤。 也 于貞。 、父子、兄弟、夫婦,尊 序,然後保合太和 亂。 國之民, 故 天下 屯 撓之。 此 此亨之德也。 既定, 上 難 利 之號令, 可 則 貞之 若復往 丝 不 人事言 得 德 布 遠 能 方 其 而 禮 也 息 甲 m 口 史 以

宜 中,大亨貞。 彖》曰: 建侯 而 不寧。 屯, 雷 剛 雨 柔 之動 始交 滿 ௱ 盈 難 生,動 天 造草 乎險

險中 桂 也。 蓋 于此 也。 言聖人創業, 險中,大亨貞」者,此以上下二體言之 始交,萬物始定,則亦必有難也。 交,萬物始生,則 兀 大亨貞」者,釋 屯 有 亨 聖人于乾坤二卦 盈 也。 震爲 者,盈也,陰陽始交則有雷雨之澤 動乎險中而不已,則出乎險中而 言謂之屯者,是天 四德者,皆略 利 一者,此 此以 貞 動 屯之初,動而不已,故得大通。 之 而 四 初在 下先 聖人 下,坎爲險而上,是動 德,以 四 必 德也。 險難 而 重釋「亨貞」之義也 既 聖 有 不 備 釋 其 濟 舉 言四 而 地 文 難 天下之民 不言「利」者, 教化未濟,故 也 剛 王 也 德,故于諸 柔 彖 「雷 辭 若 「動 一雨之 之 君 氣 也。 施 于 乎 臣

> 其民。 人皆 昧,宜 暇,宜急急以治屯也 不能獨治,必分建邦國之諸 化未備,人民冥 之時,在聖人則當興制天下之事 冥昧也。 君 以 臣 生 被 始 成 建 是聖人于此之時, 豈得安寧 萬物, 交, 其 侯 夫天之營造萬物於 賜 m 而 德 不 而 至 使盈 (昧而未通,以聖人一己 寧」者,草, 澤 于盈 布 滿于天地 于 盛 天 也。 下 草 侯, 草 使天 之間 創 以 創 天 也 、造草 撫綏 下之 然 冥 而 0 遑 教 昧

象》曰: 義曰: 也。 行化,興天下之利,除天下之害,以經 當世之務也。 法此之象,當屯難之世,撥亂 下之民物,是天地經綸之始 而不 言 故又有雷動于下,將興 「雨」者,蓋雲者畜 此先聖《大象》之辭也。 雲雷屯,君子以經 綸 雨 也 雨 反 將 澤 正,施教 降 故 言「雲」 以 之時 君子 蘇 天

雖「磐 民 初 也 九 磐 桓 桓 志行 利 居 IE 貞 也 利 建侯。 以 貴 下 《象》 賤, 大得 日

志在 磐桓然,不遽而 志在經綸天下,所行 也」者,此先聖《象》辭,言身雖不進,然 以康天下之難者也。 之世,生民 者,以其天下至廣,不能獨治,況當屯難 義曰:「磐桓」者,不進之貌。 下,屈己而就卑者也,故身能禮下賢善, 屯難之初,天下方定,不可煩擾于 俪 以貴下賤,大得民也」者,此言初九以 陽居衆陰之下,是以崇貴 民心莫不歸之。 經綸天下不失其 方定,必須 進。 然身雖磐桓,而 封建聖賢之諸 正也。 《象》曰「志行正 不失其 而 「利 言初 E 謙 一故也。 `建侯」 民 處于 九 侯 其 居

子貞不字,十年乃字。《象》曰:「六二」之 , 屯如邅如, 乘馬班如, 匪寇 婚媾。 女

> 難 乘 義 曰: 剛 也。 屯,難 「十年乃字」,反常也 也。 遭,廻也。 如, 語

也。 九 之,是女子能守正不變,不爲初之愛字 陰,正也; 以中正之女,至此十年難極,則 終數也。 者也。「十年乃字」者,十年,乃天地之 居中得正,不以 之剛,欲乘馬而行,往應于五 而 言之,未有所從者也。 九爲寇于己也,則上與五爲婚媾 寇婚媾」者,「寇」謂初也,言六二若非 在于初,故 女子貞不字,十年乃字」者,女子,以 剛 五之愛字也。《象》曰「「六二」之難 不 敢進者,蓋以陰柔之質而乘初九之 也」者,言六二所以遭廻班旋,乘馬 言六二與九五 數終則反常,難釋則亨來,是 邅 處下卦之中,中也。六二能 廻 班旋 初 一爲正 九爲寇于己而下從 而 蓋此 不 應 敢進也。「 六二以陰 而下乘 則以 可以受 其 初 居 陰 初 匪 難 九

專應不妄有所從者也。常道也。此爻施之人事,猶君子守正,十年難終之後,得從九五之應,是反得剛也。「『十年乃字』,反常也」者,言于

也。君子舍之,「往吝」窮也。如舍,往吝。《象》曰:「即鹿无虞」,以從禽六三,即鹿无虞,惟入于林中。君子幾,不

世,則 義曰: 膏,自與二爲應,必不見納。 言之,欲就其鹿而无虞人導之,鹿不 聖賢自任,以天下生靈之重,不爲 動,上下皆不獲其安。 初,初又有六四之應,則是以 已矣。上又无應,若往求于五,五 人之不正,則雖君子能博施者亦不愛 得也。夫六三以陰居陽,本失正 動,必待時之所推,君子之援引, 必内畜其德,外潔其行,而存 即,就也。虞,虞人也。以畋獵 故君子立身 若下 不正 中中 求 心 一屯其 以 而 妄 于 于 可

圃 人以度其可否,雖有鹿亦不可得也。 之義也。 禽獸」,又《書》云「无禽荒者皆可擒取」 皆謂之禽,故《曲禮》曰「猩猩能言,不離 无虞」,以從禽也」者,凡飛走可擒獲者 爲躁進,必取其悔吝也。《象》曰「『即 否,知幾之君子也。若不能如是,而 不利矣,則不 能知之先見,知微知彰,度其所然,正身 蓋「幾」者,有理而未形者也。君子之人 舍,往吝」者,注疏謂「幾」爲語辭,非也。 林中而已,何所獲哉! 引度其可否,則鹿必不可得,而徒入于 必无所得也。故若欲就其 進妄 之質,而又不畜其德,不潔其行, 動,知其進退无所適 人動爲 則 位 六三雖欲即 心,而又无君子之援,是 可 得而道 如如 舍之。 可行也。 鹿從禽,然而无虞 是能 而又无其援,必 「君子幾,不如 (鹿, 无虞人 豫決 今以 但 其 其 不 可

禄、 也。

戒 即 往各」窮也」者,此聖人 喻 也,故《繫辭》云。「君子安其身而 Ŧ 財 利之謂 爲 妄求躁 君 子 舍之 動之 後

動,易其心 而後 語,定其交而 後求。

以動,則民 不與 也。 懼以 語, 則民 不應 危

也。 无交而 求,則民不與也。 莫之與,

而

傷之者至矣。」今六三居屯難而求進

也; 危 以 以无 動 也 虞而 求 非應 鹿,是无 而往, 交而 是 懼 求 以 也。

六四,乘 如 此 而往 馬班 ,則速其悔吝,困窮可 如 ,求婚媾,往吉,无不利。 知矣。

(象》曰: 求而往,明 也

然雖與 義曰 九 敢 之,則獲吉而 之來 進 初 也 相 得 求 初九爲正 此一爻誠 然己守正 而隔己之路 于 己以爲 无所不利也。 應,而二近于初 一而无 可謂知幾之君 婚 媾 故乘馬班旋 |求于陽,故 然後 若君 子 往 子 疑其 雖 待 而 而 也 應 初 不

> 此乎? 應之。 則道 明,不爲妄動,必待人求于己,然後 者,言六四居其正 天下之民是也。《象》曰「求而往 之野,由湯 面 才藴 求人, 德 可行,言可從 果非君子性修智明,其能 必待 有 聖賢 三聘 其 而後 之 人再三 也。 而 事業,然 往, 能知其 故伊尹耕于有莘 見求 以堯舜之道 亦 幾, 于己而往 不 性 一,明也 可 與 往 修 以 于 而 智

九五,屯其膏,小貞吉, 屯其膏」,施未光也 大貞 凶。 ^ 象》 日

尊之位 澤則 雲行 義曰: 己之親 及于衆,是 可 雨 此爲君者所當然也。 前 也。 偏 施,滿盈天下,使萬 凡爲人君之道,當如 但 反屯難其 己 《書》曰「无偏无黨, 能 一之應。 煦煦之仁,孑孑之義,私 膏澤,專應在二,不 若施之一家, 今九 物无 天之造物, 五. 王 不 據 道 被 至 其 蕩 口

不及 光 或 以 也。 以 澤 澤不至光 小貞則吉, 于廣遠,使天 家 若施之天 大也可 若 而大貞則凶也。 下 施 ·, 則 之 下之人无 知,故《象》曰「施未 无以 或 濟 則 以 可 慰其望, 是所施 是 以 恩 澤

血 上六,乘馬 漣 如」,何可長 班 如, 也? 泣 血 漣 如 0  $\forall$ 日 . 泣

既 也。 臣之道 先聖之微旨 所 難之極。 旋 澤 而 日 . 罹 日 而 不 固 物不遂其性。爲人臣者,又當佐 三流 ·及 若 也。 于塗炭之中,无所告愬者也 不 此言上六 欲應于五 鰥 于己 得 非 夫人君者不欲一 進, 寡 血 孤 漣 ,三又失 泣 謂上六也,蓋 獨 如」,何可長 處 血 五. ,失職之民, 相 屯其膏而 其 卦 續 之上 Œ 而 无 應,故乘馬 夫有失其 一責其 也」者, 所愬也。 不 无 最 爲 五五 得 所 居 君 此 其 告 屯

> 豈 君 此 聖之微旨 戚 不可長者,蓋責其爲君臣之道 无所告哉? 也。 미 力 ,皆將匍匐 使斯民 行之。 然自古 今人 有此屯難之事 是不 而救之。 見赤子墜井, 可使之長如 以 來 況 獨 爲 伊 泣 民之父母 尹 此 血 也 自 口 漣 也 此 非 如 先 而 親

蒙

初 也。 筮告,再、三瀆,瀆 「蒙者,物之稚 于屯者,按《序卦》云:「屯者,物之始 未通,性識 義 艮 坎 上 下 有所知,故曰蒙也。 日 物生必 蒙, 蒙,即 亨。 有未 蒙,故受之以 也。」言若人之幼稚,其心 匪 蒙昧之 明,皆 我 則 求童蒙, 不告 「蒙,亨」者、言蒙 謂之蒙。 稱 也。 蒙。」又 利貞 童蒙 凡 所 義 求 以 티 : 理 生 次 有

聖賢 明之君 告之。 其志 蒙者 富貴, 位 開 民 之人也。 求童蒙, 通 之人舉 昧之人 義 丁其處 然 天之生民 ,明教化以導之。是以古之聖賢 發暗昧之心以求于己,則己然後 而治之,蓋其民无知,不能 而 而 之人 不 而 至 无 不 蓋 《告之,蓋是童蒙之人,其性不明, 了其性 其 亦若賢明之君,非是己欲自求于 通,思其開釋 于大通,故曰「蒙,亨」也。 善教化之,教化之不已, 所知,冥然 已,遂至大 心積慮,非 民 言非 童蒙求我」者,我,謂賢 以 大端 來求治于我,我當治之。 治之。 蚩蚩者衆,无 不通,其志不 是賢明老成之人,往求 以 開發之, 通。 无所明,必得 樂居于權位 以堯舜居之而 而 來求于我, 亦若民之生, 所知 ·明,必 則其心 自治,思 識 (明老成 得賢 好 則 在 稍通 知禮 須 處 在 居 我 上 匪 不 得 欲 童 我 上 其 則 于 明

樂者, 以 告之而 也 時,有朴作教刑,以 之人不復告之矣。 三瀆, 不思,告之而 則其事煩而 不達,以至于再、于三求告于老成之人, 者必當精思其 己,則己舉其 不以三隅 可以大通其志。若或不 言童蒙之人不能自明志 戒之。 ,瀆上之化。 五教以正之,是言再、三瀆亂,則 禮義,有或不能以 ,聖賢之人在上,則道之以教化, 瀆 是聖人之本 有懲戒之刑也。 亦如蒙昧 則 反,則 不 瀆亂矣。 不慮,則 大端一理以明告之,而蒙 告」者,筮, 故古之時有明于五 可否,深慮其 吾 次之民 心 不 至蒙昧之人,諭之 故仲尼 自通,以至 既 也 復 有 思 已 之 ,有所疑來決 求 鞭 利貞」者,此 所以 不 瀆 矣。」故 曰 : 治于在 朴 初 善惡, 亂 慮,而其 夏 筮告 決疑 「舉 反 楚之刑 則 古之 刑 善 漸 位 老成 一隅 不 也 趨 者 性 以 而 于

以 亨蒙之道當 也。 正,孰敢不正」,言必以 利 以 Œ 也 故故 先聖 Œ 道 日 開 「子帥 發 于

也。 以養正、聖功也 童蒙求我」,志應 蒙,亨」,以亨行,時中也。 彖》曰: 「再、三瀆,瀆則不告」,瀆,蒙也。 蒙,山下有險, 也。 「初筮告」,以 匪 險 我 而 求童蒙 止,蒙。 剛中

也 通 明老成之人必以一理而 其有蒙之義也。 海,止之則爲潢爲汙。今止而未決,是 山 義 中也」者、言蒙昧之人智性既 1。夫水之性无不下,導之則爲江 時之中 之下有險,窒塞而不通,則是 以至于大通 日 」,志應也」者,言非賢明老成之人求 艮爲止,爲山。 也。 如此是以亨通 「『蒙,亨」,以亨行,時 匪 我求童蒙,童蒙 決之,使其由 坎爲險,爲水 未 侕 明,而 蒙之象 求 賢 爲 稍

是能以 于童蒙、 德,是其聖賢之功也。 是 明之人不復告之,以其不能思慮 賢明之告,必當思慮之,自一隅以至 賢明者但開發一隅而告之,其蒙者既 者,言蒙昧之人既來求決于賢明之人, 也。 謂九二也,言九二以剛 瀆亂于蒙者也,孔子曰「學而 至于再、于三而瀆問于賢明之人,則 三隅,然後可通 老成之人也。 養 、德,而 (當告以 也。 Œ 「『再、三瀆,瀆則不告。』瀆,蒙也」 始卷懷其才德,而終存心于天下 剛中之德而 ,聖功也」者,此言聖賢外能 「『初筮告」,以剛中也」者,剛 之人,蓋童蒙之人來 内養其至性,至誠 善道,是上下之志相爲 既來求決,則賢 也。 發其蒙 今若不思不慮,以 此 明之德而 正合 味 不息以 求 者也 不思 明 決 「潛龍」之 老 于 則罔 **一,** 而 居 合應 成之 育 賢 中, 中 其 腎 于 得 晦 自 明

于山林,是豈聖賢之功乎?後世。怪民不知蒙晦養正之意,乃退身

育德。《象》曰: 山下出泉,蒙。君子以果行

義曰: 教化于人也。 成,至于聖賢 又且 力學、審思、强問、篤行,使其性明志通, 有所適,是蒙之象也。 海。 則必 德」者,言君子之人,則當果決其行,而 養育其德,以修 于未決之前,雖出於山之下,而未 待決導之,然後 言泉之始發于山 而後已,然後發其所畜,以 其志,使其 流 「君子以果行育 注 下,未有 而 至爲 道之大 所之, 江 爲

《象》曰:「利用刑人」,以正法也。初六,發蒙,利用刑人,用説桎梏,以往吝。

上得九二之陽以照于己,遂發其蒙。蒙在屯難之後,居蒙昧之初,不能自明,而義曰: 據此一爻注疏之解,以爲初六

刑一 以開 罪,是不得已而用之也。《語》曰:「上失 咸與 賢之君又當肆赦之,《書》曰 化 居蒙之 其道,民散久矣。」雖得其情,則哀矜而 以至遭桎梏之苦,始曉悟 之時,不 而尚 若其性識至昧,雖得號令教化開發之, 上聖賢之君,申嚴其號令,設張其教化, 昧 則不取,蓋此一爻乃亨蒙之法也。 用 以 刑 既 往吝」者、言凡 利用刑人」也。 則賢明之君當用刑罰 而勸 維 示之,使得其曉悟,故曰「發蒙」也。 發,則志遂 不通曉于心,反善 于 新」是 初,久在 人,或 知禮 百,使天下之人皆遷 一説 義,不知 也,故曰「用説 明,于 蒙 其 刑法者,小懲 味 罪,无 然又其間久在蒙昧 不能 事 教化,過 趨惡,犯君之教 丽 所 以 丽 通明,必得在 无所疑 不 「舊染污俗, 決正之,故 自悔,則聖 桎 當 而爲之, 一善 圃 梏」也。 也 大戒 m 初六 可 遠

悔吝也。 一一次有休己,则自取己之欲。用之以往,无有休己,则自取勿喜也。不可恃己之勢,肆己之威,快

「子克家」,剛柔接也。 九二,包蒙吉,納婦吉,子克家。《象》曰:

義曰: 五 有賢者能者,而九二又能納之以助 吉」者,婦,所以助己而成治也。 以上下 容,无所不納,故曰「包蒙吉」。 天下之蒙昧之人皆樂而求之,而己能包 之德,則天下之賢不肖者皆從而 之事,明則能察天下之微。 中,是居得其中者也。 柔之質,惟此 九「擊蒙」,蒙之大者也 三爻皆陰柔之質,故 爲至尊,而以柔順之質專委于二,荷 言九二居 初六「發蒙」,蒙之小 九二 人 一以剛 臣之位,正 稱婦 夫剛 明之 而餘 也。然其 有剛 德 則 者 能 居 四 應 「納 | 爻皆 明 斷 也。 下 于五。 歸之, (中必 中正 天下 卦之 婦 陰

> 治也。 柔順 其六五之君,是則剛柔相接 九二之臣,九二之臣能以剛明之德 也。是六五之君能以柔順之道下委于 則家道成也。君臣之義相交,則天下治 接也」者,言六五與九二爲正應。 則可以幹君之命而克成天下之治也,故 父之事 雖有 而奉于上,子之孝也。父子之義相交, 曰「子克家」。《象》曰「「子克家」,剛柔 也,故云「納 天下之賢才 有包蒙納婦之吉,施之人子,則可以 天子之重任,掌天下之繁務,其責至 剛 而接于下,父之慈也, 而 明之德亦不能獨當之,必在 克 以 婦 集一家之治, 相 吉」也。「子克家」者,言 輔助,然後 施之人臣, 可以成 而克成其 下以剛 上以 Ē 幹 明 納

利。《象》曰:「勿用取女」,行不順也。六三,勿用取女。見金夫,不有躬,无攸

哉? 陰柔 者,先聖所以言勿用 躬,非清潔之行,故聖人戒之曰: m 而 必蠱其一家之事,亦猶不正之臣以此道 六三之女,以不正之質而從于剛夫,則 取此六三不正之女也。「无攸利」者,言 故起躁求之心而 女,不能順 之質,而又躁求于金夫,不待夫見求 事君,必害其天下之治。 自遽應之,是行不順 而 《象》曰「『勿用取女」,行不 金金 居 陽, 守婦道,比近九二剛陽之人。 夫」者, 位 本 欲遽從之,是不有其 剛陽之人也。 不 取 Œ 也 此 也。 女者, 復何有所利 以 不正 以其不 ·順也」 勿用

遠實也。 六四,困蒙,吝。《象》曰:「困蒙」之吝,獨

九二之陽,在二陰之間,无陽以發明于又處陰之位,上既遠上九之陽,下又遠義曰: 六四以陰柔之質居蒙昧之世,

宜矣。 義,出 己,困 道 以 鄰以 賢,是由母 母三徙其居,而 弟,未有不率而 者。」夫賢者事之仁者友之,以相訓導 以自古聖賢未 不 觀其動作必中于道,觀其言語 智。」言人之所居必擇仁者之里而處之, 子又曰:「里仁爲美,擇不處仁,焉 至于大賢,自大賢以至于聖人也。 是邦也,事其大夫之賢者,友其士之仁 尼答曰:「工欲善其事 能 ,則雖愚必明,雖弱必强,則自小賢 相琢磨,未有不成其道業者。果能 親 成 入游 于蒙暗,不 《象》曰 仁善鄰 者也,故子貢問爲仁 能 處,日 親 ,故至 『困蒙』之吝,獨遠 有 仁善鄰之力也。 至于善者。 卒 · 得 不 漸 使其子爲萬 自 通 月摩, 于 達,故 擇 ,必先利其器。 困 師 窮 取 又若 雖 有悔吝。 而 于仲尼,仲 友,親 有凶 世之大 必 今六 悔 孟 實也 子頑 中 子之 故孔 干 U 盖 四 此

上下之剛陽,至于困窮而有悔吝,是遠者,夫陽主生物,故爲實。今六四既遠

六五,童蒙,吉。《象》曰:「童蒙」之吉,順于陽實,故曰「獨遠實也」。

以巽也。

也 之吉。非六五柔順之德,无以委任 于賢,而以柔接之,是巽也。 剛明之臣,非九二剛明之才,无以當 外示柔順,足以專任臣之道 之極也。 治者也。《象》曰「「童蒙」之吉,順 于求賢,逸于任使,不勞聰明,垂拱 五委任之重,故此能專權委寄,所謂 日 」者,以陰柔居至尊,是順 六五陰 内有剛德,可以 柔之質 而 通 居 也,能 ,故獲童蒙 天下之志 陽位、至尊 專任 以異 加 九 六 自 勞

则引骤寇, 云、真见。 上九, 擊蒙, 不利爲寇, 利禦寇。《象》曰:

利用禦寇,上下順也。

義曰:據初九是蒙之小者,故曰「利用

逞其 不利。 爲寇\_ 異。 兄者 刑人」。 孽,罪深惡大,非五刑所能制,必 若夷狄所以柔服于 爲士者 動衆以征伐之,故曰「擊 諸侯羣臣所以佐天子而反爲叛逆之醜, 刑法以正之。 爲商者所 以作器用以利于人,而反爲彫巧之弊, 俗,而反 弟者當 不 務本,而反爲怠惰之事; 盡 、凶器,肆其危事,以自 I 所以 是皆反于常理而蒙昧之小者,故用 」者,夫兵,凶器也,戰,危事也。 臣 故秦之始皇,漢之孝武,隋之煬 一之忠; 所以守義,明先王法則,以 凡昧 奉于兄,而 爲偷薄之行, 以 友于弟,而 通 于理者皆謂之蒙。 今上九乃是蒙之大者,若 濟有无,而反 爲 反 子不盡子之孝, 中國 爲 反 輕侮之事; 爲傷 蒙」也。 爲農者 而反爲叛亂之 寇于人,往 爲 爲侈靡之 虐之行; 在興師 所 工 不不 者所 以 爲 利 流 力

畝,天 飾,流 于腸 其夫,怨毒之氣徹于骨髓,愁痛 武 武,蓋在于禦難備害而已。 反道敗德,而舜征之。 葛伯有先祖之奉 利禦寇」者,言征伐之事非務乎窮 , 長 胃,此皆爲寇不利之明效 離 下之女罷 征 四郊,以至老母弔其子,幼 遠 時之欲,恃一己之威, 伐 ,使天下之男死 不得就蠶室,而 若三苗之民 不 之聲 勞 得 也。 窮 兵 于 緣 兵 淪 哭 曹 餓 南

怒中其節也,上下安得不順承之哉

需

物稚 義曰: 者,此 必得 蒙稚 坎 丸 下 是 止 既 之待者、蓋卦之二體、乾 食之道 于蒙者,按《序卦》云:「蒙者,物之稚也 桂 妄求進,是 以 欲 九 ,猶君子以 五 明其 不 需, 飲食以濡潤之,以養成其體也。 其進,而 指 當其義、故指 也。」夫需又爲濡潤之義。 可不養,故受之以需。 得雲 需 九 有孚,光亨,貞吉,利 體 ~ 須  $\overline{H}$ 訓 或 險 待 又險在 而 雨 爲 因 言 難 之 須, 以濡潤之。 也。 在 義 須 爻以 而言之,以 前,故待時而 于上,于是 也。 待 故 在下必務 也。 桂 明 「有孚、光亨」 一瞬或 人在蒙稚 其 涉大川 需 德 需者,飲 明 所 統論 見險而 動,不 上進 其德 以 此需 次 在

討之。

三監叛周,

而周公誅之。

四

夷交

所共怒也

), 故聖

人選兵簡

將

以

擊之,

樂發

而

皆中節謂之和。」若此

可謂

之心

无

不

承

順

也

^

中庸》曰:

也。《象》

Ē

利用禦寇,上下順

也」者,

王伐之。

此

皆利

于禦寇之

明效

侯之叛

逆,

四

夷之

不實服,

人神之

始征之。

昆夷

羅狁

爲

華

夏之難

前

文

王

而不祀,有千乘之富而奪人之餽

銄,

吉也 物,必 于下,則下 陽,得正 孚,光亨」也。「貞吉」者,言九 有由 也。 人者,有由中之信,皆當 天下,其德乃光明而 接于己,上下交相,以至誠之道浹 以 以 」,又曰「子帥以 ,則入于邪僻, 中之信以 夫九 Œ 正信相接,則不 于己,以 須濟之以正乃獲其吉也。 然既 由 信 然則,此非 若凡在位者能 者也。夫既 中之信 相 五 亦信之而 以 接,則不 以 此 正信接于人,而 待于物,物亦以 陽 也 耐 明之德 E 濟 故先 陷 陷 止于九五人 從 有由中之信接 亨通也,故 光, 大 于 īE 孰敢不正」, 于 正 難 亦 不 以正信之道 聖 也 明 處 m · 善。 。若父子 云「信近 也。 至尊之位 何 行 五 由中之信 若信 不 之乃 、君之道 亦 是 以 朋 曰 利之 凡 友 故 洽 以 陽 之 居 于 有 得 爲 之 接 于 干 日 面

> 有 ? 故 日 利 涉大川

《彖》曰 吉,位 陷,其義不 有功 也 一乎天位 需 困 窮矣。「需,有孚,光 須 ,以正中也。 也 險 在 前 也。 「利 涉大川 剛 健 亨, 而 貞 不

往

進,故 陽, 有欲 在前 義曰: 之位 吉」,位乎天位,以正中也」者,此言九五 又不躁不妄,固不陷溺 伽 待之義也。「險在前 不陷,其義不困窮矣」者,此言雖險阻 坎險在上,是以 是正 有剛 坎在上,爲險。 進之心也。 ,而下之三陽皆剛明至健之人, 不至困窮矣。 曰「需,須也 需者,濡潤 也。 明之德、居至尊之極。 又在上卦之中,是中也 然 「『需,有孚,光亨, 待時 ,險在前 飲食之謂也、亦謂 丽, 乾在下,務于上進 也」者,此以二體 既 而動,不躁求妄 于險難 剛 也。 且 之中,而 健,其進 剛 健 貞 必 須 明

Ŧī.

道,又本懷乾健之性,以斯 光 也。 功,故曰「往有功也」。 明 既 亨之德, 内 mi 「利 亨 有 通 由 涉大 中之信, 知其 是 處至尊 川,往 可進之時, 而外得其正,故 之位 有功 圃 然後 也」者,言 而 往,必有成 以 施 中 己之 正 得 有 者 光

宴樂。《象》曰: 雲上于天,需。君子以飲食

非 也。 宴樂 君子觀此 義曰: 也,今上于天,是必反降雨澤于下也。 上,是雲上于天 身也。 聖 不寧其 人之旨,今則 觀此,則 疏 光 坎爲水爲雲,乾爲天,今坎在 宴樂者 之説,以飲 需待之象,以 神、居易 亨, 无所 是教天 也。 ,所以寧神也。 以 不 爲 下 取 俟 且雲者,畜 食 mi 以 (命,待 飲食養其身,以 宴 但 飲食 逸豫 樂 飲 謂 食 時 者 爲 是亦樂 丽之具 宴 脯 一, 所 心也。 樂 蒙 後 以 既 動 乾 而

> 也 四 之,今夫君子之待時也,若農夫之趨 稼穑,志專于耕 務休逸而 田 此人爵也。」古之人修其天爵,而人爵從 忠信,樂善不倦,此天爵也。公卿大夫 天知命,待天時之至也。 哉?」君子之于宴樂,非 天 所以保其躬,治其心 之人无有失也,則 食,非謂 一,故曰:「君子以 時何有成哉。 也。 知 義忠信之德,然後可 秋成冬藏之。 命,居 農者,非不耕而可待其食也,非 肥 可待四 甘 易俟 其 口 君子之待時,必須修 耨,然後春生之,夏 時之有 時 如不耕耨,不播 腹 口 飲食宴樂。」 耳。 一,明 也 腹豈適爲尺寸之膚 享其 成 其性,是君子樂 謂苟安其身也 故 孟子曰:「仁 孟 也,必力勤 君子之于 子 (位,伸: · 曰 : 「 飲 長 其 于 食 則 于 飲

郊」,不犯難行也。「利用恒,无咎」,未九,需于郊,利用恒,无咎。《象》曰:「需

于

初

失常也。

能守其 在上爲: 犯 故 貧 時 用 遠郊之地,是不犯冒險難 地,又處險難之下,本有咎也,然初九若 郊」也。「利用恒,无咎」者,言居无位之 水、待之于此、最遠難者也、故曰「 而 險 九難行 遠難 難在 欲上 俗得免 展 恒 不憫,樂天知命,不務速進,但需 日 不 而 》 百 犯 无咎」,未失常也」者,言俟 其 渝其 而 也」者、言此初九能見險 前,故見險而止,待時 進,今初 險,乾在 恒心,不爲困 郊者, 難行者,乃有常之君子也,故 、咎也。 己。 :「君子居易以俟命,小人行險 (志,相時之可否,可進則進, 然所以于郊者,郊最遠 曠遠之地 九雖 下爲健。 《象》曰「『需于 窮而易其節 是剛健之質 也 夫有剛 圃 行 而 按 也。 動, 待 郊」,不 健 此 ",不以 時于 時 需于 「利 待其 然 之德 厄 卦 于 丽 窮 而 坎

> 之 以 守 人則務險詖其行,以徼恩倖。 常不變,是君子所爲也。 徼倖。」言君子雖居貧 心,不妄動,不 躁 進,俟時 (賤, 而 m 今初九 但 守 平易 能 小

需于沙 按六四 己。 之,而二居遠近之間,以陽居中。 義曰 能 流俗之毁訾,雖有 剛明之德 之行也。 小人苟合,則 爲害于己,故曰「需于沙,小有言, 將近于難者 然九二動以 . 爲險難之初,三最 而 沙者,近于水,亦平易之地焉 己以君子之道守其中正 己。 而 處 小人興讒 也。 「小有言,終吉」者,言九 得其中,但守平易之心, 剛 夫險難者,小人陰險 小人讒構之言,終 德,行以 構之 近之,初最遠 中道,不 言以 不不 謗 内 顧 與 于

安能爲 **狺焉**。 吉也 言將害于己,然而終不能害之,自獲其 雖「小 德而居中也。 夫小人之言也,如犬之狺 言九二所以 也。 有言」, 君子之害? 吠其聲者 象 需待于沙者,以中有寬衍之 》 日 以 吉終也」者, 衍, 寬 「需于沙」,衍 有之,吠其形者 故九二雖有小人之 在 有之, 中 衍 也

泥」,災在外也。 九三、需于泥、 子之德而 之人必在 之初,小人之行者也。 最近于水者也。此 陰,險之初,而三最近之。 夫泥之爲物, 正道,荼毒良民,讒謗君子者也,則 需于泥」也。「致寇至」者,六四 上卦坎爲 反不敬遠小人,則己之道 敬 而遠之。 致寇至。《象》曰:「 自我致寇、敬慎不敗也。 九三去難最 險,又爲水,六四在 然九三以陽 以小人之心 迫,故 居居 需于 何 君子 )毀壞 **| 險難** 剛 以 君 日

> 之也。 慎 所爲,則小人終亦不能 九三以陽居 節,使無毫髮之差,則小人不 者,言寇之欲來,皆由己之欲進 己者在外也。「自我致寇,敬 此、然尚未入于難、但迫近六四、是來 著 起害也。今既至此 爲寇之小人終不 以至正之道,又内謹其心,外慎其事 而 卦爲外,下卦爲内。今九三雖進而 「『需于泥』,災在外也」者,《易》中凡 最 于 不敗也」。 夫 迫 然君子所行必 下? 于小 陽、雖不及 人,故致 又以 能 至 則 小人之爲寇 陷于己。《象》 健之質務欲 中,且 克 固 中道,所爲 勝 宜 也 恭 慎 履 能 故 敬 Ē 不敗也 窺 III 也。 者也 日 F 自 必 伺 進, 其 中 泊 至 H 則 而

血」,順以聽也。 六四,需于血,出自穴。《象》曰:「需于

義曰: 血者,傷之謂。穴者,所居之地

《象》曰「順以聽也」者,夫小人不能與君 類而 所 子敵,今三陽上進,己必柔順以聽,從其 敢 若能度己之力不能禦,則退其所居而不 傷,故曰「需于血」也。 不使之進,是必 退,故退而避之則始獲安居。 然覩衆賢之來,其 之三陽以至健之德俟時 下,三陽皆欲上進復其本位。 人陰險之質居險之初而窒塞其中,然下 命也 妨衆賢之進,如此則庶可以免害也 進六四。 夫乾之爲體本在于上,今卦反 雖始欲 致衆賢之所害,自待 勢度己之力必不 拒 「出自穴」者,言 而動,至此 其進,妨其路, 如或 六四 皆引 以小 在 能 其 而

吉」,以中正也。 九五,需于酒食,貞吉。《象》曰:「酒食,貞

位 日 何所復需 注 疏 之 ? 解,謂 需 于 酒 需 食以 之所 宴樂而已。 須 須 于天

> 吉」。 之道 皆引類 亦所以 逸哉? 夕思晝 忘于 若此 也。 則 位 法。 卦之中,是以中也, 食待天下之賢,得其正則吉也,故曰「貞 則天下之賢者樂從之。 ,所以獲吉者也。 必 而 既 養之。 于天下,故曰「需于酒食」。 喪 息 ,則是教人以 《象》曰「以中正也」者,言九 夫自古聖帝 一行,以 養身也。 有中正之德,于是用 而歸之。 于險難, 亂 危亡及匹夫匹婦之失所者。 九五 故需于酒 濟 以 身既安,則可以暢仁義 又 于天下,安敢自懷于安 賢人既養,則天下之賢 賢 中正 體 以 王 由 逸 以陽居陽,是 食,所以 賢者既樂從之, 之德,居至尊之 爲 中之信待于物, 雖當平 心 耳,无足 酒 待賢也 治,未敢 既以 以待 以 五 īE. 居 酒

終吉。《象》曰:「不速之客」來,「敬之,終上六,人于穴,有不速之客三人來,敬之,

吉二, 雖 不 當位、未大失也

乃復人 何哉? 也。 居,故 盡 召而自來。 以 退避不敢妨羣賢之路,九五又能用酒 至美者也。 雖不當,而有所過失,然亦不至于大也, 言上六既當无位之地,而能恭敬以 則是爲其主也。 五既使羣賢並進,而上六又執柔而得安 得人其穴以安其居也。●「有不速之客 三陽之君子,是能來天下之賢者也。 三人來,敬之,終吉」者,速,召也,言四、 其 待之,賢者既以仕進不見害于己,故 日 禮 象》 下之三陽君子皆不期而自 m 于穴以獲其安,何則 上六居一 夫納賢好善,優于天下,天下之 接 曰「雖不當位 然既以一 有此至美,雖有過失,又何 納之。 上六固 卦之極,以陰 如 一陰而 此,則 ,未大失 當 執 當三陽之應, ? 柔 終 順 得 柔 也」者, 蓋 「應,不 、恭敬, 其吉 接納 六 之 食 Da

訟 乾坎 上下 訟,有孚,窒惕, 中吉, 終凶。

利

見

大人,不利涉大川

義曰: 己直 害雖 信,人所以興訟,必有由中之信實于己, 也。飲食必有訟,故受之以訟。」然謂之 而爲他人之所窒塞,不得已而興訟。 訟者,上下不和,物情違戾,所以致也。 「有孚,窒惕,中吉」者,蓋孚者,由中之 懼 存,則 而 兢 然雖己有信實 彼 慎 按《序卦》云:「需者,飲食之道 曲,己是而彼非,其間 而 必具 不敢 兩 自安,則庶幾 而 造 爲人之窒塞,亦 以以 聽 斷 于在 免 情 于凶 位 僞 之 須 利

「其」字,康熙本、《薈要》本作「于」。

狀。 罪,如 仵而 則可 曲 何則 皆能察辨之,故訟者往求 德之人以明斷其事 戾,上下之不和 者,夫争訟之所由興,皆由情意之相違 于訟之時,必欲終成而 凶」者,言能 m 不利 歷 直可 必加之以 得 坎 然刑獄之情至幽至隱 ? 險涉難,必須物情相協,志氣 不 又中道 識明 此 涉大川」者,大川 險 相 而 曉然 以 則是 則 濟 得,欲 剛 達,智慮通 也。 兢 m 鞭朴之刑,重之以 健 愈入于深淵 而決矣。 凶之道 止 懼 在 同 濟 今訟之時,是其物情違 中道 上 則 涉 一,坎 鬪訟一生,姦僞 미 則情僞利害、是非 險難,必不 也。「利見 )曉,雖 而 謂 以 險 何則? 不已,則聽訟之 已 何利之有? 而 獲 大 ,必得大才大 在 則 活也。 險 決之宜矣。 丝 下,用剛健 可 大難 隱纖芥, 蓋大人 流 也 大人」 可 和 竄之 同, 也。 萬

> 正也。 訟,有 終凶」、訟不可 》 日 「不利涉大川」,入于淵也 乎, : 窒惕 訟, 上 ,中、 成也。 剛 ·吉」,剛 下 「利見大人」,尚 險, 來 險 而 而 得 中 訟。 也 中

然亦不一 得 義曰: 事 之所由興,由己有信實而爲人之所 終竟于訟 也」者,爲訟之道,雖 塞,又兢懼怵惕,得中而止,不敢終竟 健,訟」。「『訟,有孚,窒惕,中吉』,剛 險,其訟必興,故曰「訟,上剛下險,險 至于爲訟。今在上者既剛,爲下 至于不和。在上者巽,在下者險, 而得中也」者,此言九二之爻也。 人」,尚中 其 前 獲 中則能 其吉,是惟九二以剛明之德 可久于其事。 大凡在 則 Ė 然也。 也」者,言九五之爻以 [X] 禍 上者剛,在下者柔, 必及之也。 「終凶」,訟不可 若必欲 有理而見室于人, 成其事, 「利見大 者又 岡川 以 亦 而 則 成 其 窒 訟 而 覤 來 不

五八

又深者也 則訟愈深也,故曰「入于淵」,淵即川之 「不利 大險大難也。若以訟道入于大險大難 善 中, 聽 又處 涉 訟 大川」,入于淵 之 得 其正 主 蓋 獄訟之事皆 所 尚 也」者,大川 者 中 正 可 決之, 而 謂

某台。《象》曰: 天與水違行,訟。君子以作事

當法此 則 國之訟。 事,必須 家,興一事,則皆謀慮其初 其終,使争訟之端 悖,則不 行則无不東流。 而 絶閨 曰: 忿争辨訟 訟卦,凡作一事必須謀 門之訟。 相 謀度其初,使人民和 天之運 若此之類,皆于其始慎慮之, 得,是訟之象 自然可以息也。 行 以天與水所 以之居一 无 則左旋 由 mi 也。 起。 ,使上下 而 國 西, 行 同 以 君 其 故 凡 既 而 子之人 水之 之 始 孔子 造 居 絶 和 相 mi 睦 圖 違 流

> 其辯明也 初六,不永所事,小有言,終吉。 「不永所事」,訟不可長也。雖「小有言」, 乎? ൬ E 又謀之在始,則刑可期于无 : 其獄 聽 訟, 訟 吾 之事 猶 得 人 也 明賢之人聽治之, 必 也 《象》曰 刑 使 也 无

應之。 强 窒塞而 争之言,又不終竟其事 辨,亦須惕 事,則聽訟 不可終竟其 今初六其性 有言,終吉」者,興訟之道,若不務終其 不好爲訟者也。 爻,以柔順之質居下卦之初,其性柔順 義 日 而好訟來犯于己,是以初六不得已 夫剛 事有侵犯,是以成訟也。 然訟之所 懼 者 (訟,故 柔 亦 戒 險相勝,物情違戾,故理 順,不 必 慎,然後可 然應在九四,九四 由興,在乎 哀矜之。 日「不永所 好辯 故終獲吉也。 訟,雖小 以終得其吉。 雖然 得理 事」。 今此 事 而 小 以 理 有 別川 明

訟上,患至掇也。 眚。《象》曰:「不克訟」,歸逋竄也。 自下九二,不克訟,歸而逋,其邑人三百户,无

不退歸 訟」也。 位,而行得其正,今九二以非理訟之,是 之意,故退避于至小之邑而 逃,若反 人三百户,无眚」者,言訟不克勝 下訟于上,少訟于長,卑訟于尊,賤訟于 訟,上剛下險」,則好訟之人也。今九 一以剛强之質,又居坎險之中,好爲其 而上敵于九五。然九五居至尊之 此 而行訟,何由 ൬ 「歸而逋」者,九二既不克訟,若 〈據 其 克者,能勝之辭。 逋竄 强 盛之國,則是 則禍必及之矣。「其 一勝? 故曰「不克 據彖辭言 止,三百之 復 有 敵 而 邑 逋

> 户 訟上,患至掇也」者,掇,拾取之謂也。 邑,是其邑之至小 逋逃,蓋自掇取其患害也 因象而戒之言。凡人以下而訟上,至于 自外來謂之災,自己召謂之眚。 三百家,革車一乘,二十人,徒二十人之 則 司 叫 徒 以 》所 免 其災 謂 通 者也。《象》曰「自下 + 告。三百户, ·爲 成,成,一百 此先聖 即 《周

成。《象》曰:「食舊德」,從上吉也。六三,食舊德,貞厲,終吉。或從王事无

德,于正道言之亦危厲也。「終吉」者, 其性和同,不犯于物,然而上應于上九。 持争,故衆人莫克傾覆,時君不爲憎忿, 所以保全舊德,是所食爵禄不爲上九之 是奪也,故曰「食舊德」。「貞厲」者,言 本亦失正而又介二陽之間,雖得食其舊 本亦失正而又介二陽之間,雖得食其後, 表曰,故曰「食舊德」。「貞厲」者,言 本亦失正而又介二陽之間,雖得食其後, 表曰,故曰「食舊德」。「貞厲」者,言 本亦失正而又介二陽之間,雖得食其後, 表曰,故曰「食舊德」。「貞厲」者,言 本亦失正而又介二陽之間,雖得食其後, 表曰,故曰「食舊德」。「貞厲」者,言

故 辯,是以終爲在上之信任 无 居其成,但從王 事,及其成 敵上,雖 「成」者,言六三居一卦之下,體柔 獲其吉也 順從于上,故 此 六 有 雖 功 訟 有危厲,然己不 而 于己而 終得 事,守其本位本禄而已, 且 不自恃其力,又不敢 吉也。 己能順之,不爲之 ,而人委之以 。「或從 好辯 訟  $\pm$ 而 不

曰:「復即命渝」,安貞不失也。 九四,不克訟。復即命渝,安貞吉。《象》

渝 義曰: 就 九 雖 理訟之,然初能 爲争訟者也。 四四 其好而 爲九四見陵而 ,安貞吉」者,即,就也,渝,變也。 勝之也,故曰「不克訟」也。「復 以 非 九四以剛暴之性與物 變争訟之命,故可安静 理 訟 加 于 自能辨 以陰柔之質不 初六爲己正 初 既 不 朔 能 が故四 應,己以非 與 不 一于此不 守正 則 和 即命 當 反 而 好

> 安貞 竄,不 上,以 此所 乃 何 前非,修其正應之道,守其安貞之德,復 所好,變其所訟,改前之非,從今之是, 九四者以上訟下,雖爲不可,然能反 獲吉也 有所失也。 逋 不失也」者,九四既復即其命,變其 以獲吉也。 卑訟 敢據其强 四 乃 然而 尊,于義不可,是 吉 , 何 九二、九 邑,然後始 《象》曰「復即 也? 四皆 蓋二者以 可 不 以 免咎。 克訟, 懼 命渝」 下 而 其 訟 浦

正,而 義曰: 決 此 剛 爲訟之主者也。 天下冤枉之獄 爲 明之才,則无 聽訟之主,則 无過 九 與不 Ŧī. 以 所 剛 及,皆得中道 也。 以 可 偏 明之德居至尊之位 陽 察天 然以 黨,臨 居 陽,故所行 下 居中得正,又 幽 果 隱 加 斷。 之情, 内 有 者

吉也。 能決斷无私,以此數德,故獲元大之

曰: 以訟受服,亦不足敬也。上九,或錫之鞶帶,終朝三褫之。《象》

之恥。 安也 義曰: 是賜之不以禮,受之不以功,其爲愧恥 必以禮,下之受必以 争,故此上九訟而 可知矣,故于終朝之間三褫之而不能 今上九以争訟忿兢而受其寵異之服,則 下有六三之應,六三又柔 不 遜 ·自安也。何哉? 而 皆以禮,所受皆以 夫鞶帶者,寵異之服也。且上之賜 受 蓋受之不當其分,則必反覆褫 上九以剛陽之性居訟之極, 褫云者,爲褫奪之褫,又爲恥辱 不敢當其所賜。 此 寵異之服,則褫不亦宜乎。 能 勝也,乃有鞶帶之 功,此古之常道。 功,以至九官尚 至如有虞之時, 況今上九乃因 順 而不與 自 物 而

其厚賜,何足敬尚之哉。當,是恐貽其羞辱也。今上九以訟而當凡授受賜予有差過其分,則君子且不敢《象》曰「以訟受服,亦不足敬也」者,言

師

₩ 城下師,貞,丈人吉,无咎。

子帥 義日: 惑,衆心皆歸,則天下之人合志畢慮, 矣。」是長之謂也。夫興 吉,无咎」者,丈,長也,丈人者,言能 受之以 心戮力,可以立大功于天下也,此乃長 號令必一。賞罰 法度長于人也。《語》曰:「杖者出,斯 師, 按《序卦》云:「訟必有衆起, 師。 則羣聽必惑,衆心无所適,從 以中行者是也。若賞罰號令出 師者,衆也。」「師,貞,丈人 號令既一,則羣聽 師動衆,其賞 罰 出 同 不 故

稱。 若 然此 怨望者也 下之人,使皆同 材 而 旅 不 恩 天 興 有 居 師 成 ,生靈之性 下 然後 得其 下 而 言必 失 威 失其機 師 德 挂 也 違 无 八其機 役 - , 其爲 卦五 兼 動 之中 背 而 咎」。 故 衆 毒 須 。然須吉 中 又 濟 可 離 師 以 有 師 陰 而 最 變,不失其威 ,一失其道, 而 以 爲六五之委任,是將 禍不細 命、社稷之安危皆繫之。 心 衆,此 其 威 或 不 得 協民之心,合民之力, 夫 无咎也,故 心戮力,悦從 陽,而 離 失其 權 猛 輿 其 所 德 而 图门 位 P IE. 未盡 謂 矣。 强 无咎者,夫兵之所 者 將兵之道,以 者,唯 則 丈人 大 九二獨以 也。 兵戰之功 其旨。 然後 則血肉生靈 无 權,必 故在將兵 者, 九二而已。 功 如 一于上 師 可 者是 是, 莊 致 ,貞,丈 剛 何 嚴 成成 陽之 則 之有 无 役 陳 則 而 也 ? 之 功 而 板 无 天 可 由

> 威 後 凡 貌 口 用 以 兵之道 戡 何益哉 難 一,必 成 功。 剛 柔 或第 相 濟 莊 恩 嚴 威 其 色, 相 須 然 其

六

毒 正 可可 天下而 日 王矣。 民從之,吉又何咎矣。 師, 剛 衆也。 中 mi 貞, 應,行險 正 协 而 順 能 以 衆

陽之德 斷 君,爲六五 應」者,此 即湯武之兵戢 正 帥 故 義 將帥 ,則其丈長之人 其 獲吉者,蓋能以法令長于人,統其衆 日 日 凡言王者、天下之所 民,使天下之人皆同心戮力 「師,衆也。 將 之才也 而 帥 師者、衆之稱。 指九二 處 之 之德 君 得 所 其 亂 也。 貞,正 而言· 其 中 而 委 如 任 Ė 體 E 而 此而 也。 是以 是 又爲 剛 也。 貞者,正之謂 陽,剛 歸于 也。 應 可 言九 五所注 居于中正 于六 以 此言于丈 己者也, 陽 王 剛 天 五. 以 中 而 明 下 岡山 而

象》

日

地

中

有水,師。

君子以容民

吉」者,此言以剛 器也。 所寵 若剛 爲師之道也。 一體 之民 何過咎之有? 民,而民皆悦隨 之事,必須順 危隨之,豈 之道,天下之至險也, 而 此,有中正之德,有剛明之才,又爲君之 面 加 有 協從于天下也。 不 士不附,皆失所 任,兼此數長,故 而言也。 中,則失于太察,太察則不能容民, 畢 帥 圃 戰,危事也。 之任也。 從 不 中,則失于暴,暴必傷物。 之也。 非至險乎! 于物理、協 坎爲 故曰 以以 乃 故能 中之才德 何哉? 此 得其 險,坤 「行險 以將兵之道 「又何咎矣」。 其征伐一 毒天下 興 可以成必戰之功 何哉? 一古。 然 于民心,然後得 師 爲 而順」者,此據 蓋將兵之道. 動 役使 加 順 既得 衆,使天下 丽 行 一出,則 夫兵, 民 此 天 也。 其吉 從之 下之 興 師 險 安 凶 明

以

初六,師出以律, 律」,失律凶也 戰則必須以恩信而懷結之,以仁義而畜 衆,是得爲 水行 義 而 養之。及其臨 君子法此 不怨,故曰「君子以容民畜衆」。 日 其 : 中,无所不 坎 師卦之象,包容其 爲水, 師之道也。 事而 否 臧 坤 使,則人之從也雖死 容 爲 X 地, 。《象》曰: 此 故將驅 以 師 地 卦之象也 民,畜聚其 至 民于兵 博 師 厚 出 而

爲 戰 進,退者必退,然又不 道,役其羣衆,在于事始未必 須 義 可爲之統 勇或怯,或逆或 關之事,動 日: 出師之始,必當用之以道,制之以威 在將兵者必 師,衆也。 率也。 驅 有法律以制之,使進 民 順。 故初六者,居卦之下, 于死 律,法也。 如此,則宜 可 亡,非 失其 如 言行 威 此,則莫 嚴 何 爲? 故或 者 師 必

從。 于 敵,是皆一 以 凶 動 法律、 凶也,故《象》所謂「失律凶 静 一動一止之間,捨法律則不可 故雖 之 否,不 間 則行伍 偶有一策能 不 時之幸然,于長久之策 可 也 無 臧, 失 以 善 其 齊 屈 也。 法 一,衆心 于人,能 律 言 也。 也。 爲 无 將 終 勝 所 苟 否 統 其 至 谪 不

命」,懷萬邦也。 曰:「在師中,吉」,承天寵也。「王三錫九二,在師中,吉,无咎,王三錫命。《象》

家者 剛 其 義曰: 君 過 有 六五柔順之君之所 (威嚴 權 ,則失于怯懦 不及皆有之。 則 也。 有位,可 雖 ,居中而 夫九二以 有胸 何則 以 中之奇萬 ? 而 出 所行无過无 既 不能 一奇策 剛 夫將 剛 信 陽 任 而 斷,剛 兵統衆,柔 文 全之策,无 居下卦之中 中 是用剛而 功、立事 苟不見 不 不居 及,而 所 圃 于國 任 不失 施 則 无 又 干

錫者,一 承天寵 也。 才德 者,言九二既爲六五之信任,是其有才 出 功、蓋應 師之義也,故王者再三錫其 有德而又承其權位,酌行 故曰「在師中,吉,无 咎莫大焉 安危,生民之性 也 立不常之功,故所以稠 良難偶,才不易得,又況于不常之事 ·无咎」者,夫兵者,國家之大事,社稷之 剛 「「在師中,吉」,承天寵 征 可 然九二所以致其賜者,蓋 今九二於此 必立 然也。 以 一命受爵,再命受服,三命受車馬 居 于 ,必獲其吉,然後可 運 中, 其 功, 而六五 然 『王二錫 決 命所 能 數 勝 是 事皆備 扶扶 能 咎」。 能 繋。 師 厚 以 衛社 命」, 信任之,使己之 旅之間 其 苟一失其道, 也」者、言九二 中 中道,不失爲 有 「王三錫命」 (賜也。 命。所謂 圃 稷,是 之,故 懷 以 人君以 无咎也 獲 萬 成 《象 立其 能 統 也 忠 而 兵

六四

師左次,无咎。《象》曰:「左次无

尸」,●大无功也。 六三,師或輿尸,凶。《象》曰:「師或輿

義曰: 得,或地 必以法,精練士卒,整一行伍,或天時不 者,此言出軍行師,其動作必以 行,則凶可知矣。《象》曰「大无功也」 以六三當行師之時,是不能專一號令, 又況六三以不正之陰柔,使號 紛揉羣聽,在衆皆得以主之也。 卦之極,以陰居陽,失位不正之人也。 衆得主之,則是大无功者也。 輿,衆也。尸,主也。六三居下 利不 順,以至无功而敗于敵。 令二三, 律,進退 以此而

咎」,未失常也。

右。 《象》曰「『左次无咎」,未失常也」者,言 質,本无剛嚴果斷之德,不能成戰陣之 義曰: 師,然亦不失其常也。 功,但次止其兵而无肅殺之意,以此 是止而不進之義也。既不進,則是志不 也,陽主于生。今六四不右而左次之, 六四雖不能統衆成戰陣之功而次止其 于大事,止獲保全而免其凶咎而已矣。 行,則是量時度力,不蹈于禍。 在于殺者也。 蔡人。是皆次者,止之義也。 公次于滑; 右者,陰也,陰主于殺。左者,陽 次,止也。 八年,師次于郎,以俟陳人 何則? 夫六四以陰柔之 按《春秋》莊二年冬, 夫師必尚 雖无功 而

六五,田有禽,利執言,无咎。長子帥師,

▶ 「師」,原誤作「尸」,今據康熙本、《薈要》本改。

中行也。「弟子輿尸」,使不當也。弟子輿尸,貞凶。《象》曰:「長子帥師」,以

所以 兵者 之,不 剛明之才,中正 者,夫長子止 而 之不順之言, 其亂也,是如田之有禽必傷害苗 平之世亦不能无,但在上之人即 之命,固當征討之。 當獵取之。 ,聖人固不當親 五 日 行,于義自 而 誅 ,凶器,聖王不得已而用之,用之者 去之可 所委任,故 ,然後獲 可使滋蔓,其牙蘗必務翦 不廷 夫田野之有 天下有姦詐之人,則是 也。 而討 得其 遣 其 言九二之爻也。 將 之德,能統 成 能 「利執言,无咎」者,夫 不 无咎矣。「長子帥 功 丽 往 帥 · 軌 蓋姦臣賊子,雖 征 禽,則是害苗 其衆, 一之,所利者但 也,是長子帥師之 也。 討之 然 同 口 師衆,又爲 言九二有 心 而 也 戮 征討 除 稼, 稼 力 執 以 時 犯 而 師 以 誅 彼 之 此 固 清 治 固

> 衆有 衆陰 後能 IE 復衆主其兵,號令賞罸 統兵舉衆,必使號令齊一,法律中正,然 效 道 也 河則 離 成 之爻也。 戦 凶 叛之心,又不能 弟 也。 陣之功。 子 輿 興, 尸, 衆也。 或任 貞 Νŀ 成戰陣之功, 出 以 于二三,以 柔弱之質 弟子 主 也 止 至 而

用」,必亂邦也。《象》曰:「大君有命」,以正功也。「小人勿上六,大君有命,開國承家,小人勿用。

義曰: 律而 或 道 際,是大君有賞賜之命也 卿大夫也。「小人勿用」者,夫兵家之 以爲之諸 一,動 以 用之。 謀智,是必有小人厠于其間,未 開 以萬 夫初六者,行 國承家」者,功大,則開 侯 數,故所任 今上六居 也 功小,則 師 用 之人,或以 之 師 一, 故 之終, 始 承一 白「大 也 家以 建 賞 勇力, 君 功 以 有 國

之高 也。 及其 宅 以 之在高位,必生驕慢,驕 驕慢之志,寵 之公侯,爵之卿大夫可也。 後,光武 心熾,是堅冰之漸 大功,而无矜伐之心,雖位尊權重,又无 是賢人君子,運 是 宜 ,深謀遠 可 但賜之 賞 庶 如何 也。 也 若小人,得 不 祖 (功,則 免 以 可絶覬覦 中 其 是以 金 叛 而置之? 韓、彭、英、盧之輩而 若賞之以大位 定慮 興 、秩,必 帛 有 逆之禍 封之列 , 先天下之禍 盛 成功之後,居 天 土 謀 則 而窒禍 審 下,雖臣 小功 田 所 益 智 其 [國,授之大權,然其 而 丽 而 錫之金帛,厚之田 由來矣。 恭,爵崇則 可 己, 幾 則希其大賞,使 決勝者, 階 慢 用 至于 一有大勳 亂 生 此 也 蓋君子 上者 不 則不可 一,則覬覦之 而思之,合 誠 可 然則,小 喪 王天下, 是故,漢 英 愈 則 用 論 大功, 亂 斷 謹 雖 當 功 封 者 若

于大位,若其用之,必至于亂邦也。也。聖人于此切戒之,言勿用此小人居聖人之微意,得「小人勿用」之深旨者

比

究也。 不慎 睦。 義曰: 當原 也。 也。 得吉也。「原筮、元永貞、无咎」者、原、 者,言所以得 善之德,永長而 衆心 也。 究其情 貞,正也。 若所比之人惡,則爲凶爲 筮者,決疑之物 比 和 若所比之人善,則爲 者,相 睦, 性,筮決其善惡,必 吉,蓋上下順從, 言人之所相 則禍 不變,守 親 比 害不生,故 之義 也。 Ē 也。 而 元,善之長 親 禍 不 比,不 一吉爲 由 衆 也 比 口 此 美 可 和

此三德,故可親附之,獲其吉而得无欽

也。 道 也,則凶咎將至焉。 苟三德 不 備 者 一, 是以君 盡 所 以 子之人 相 親 附

官則親其同僚,爲士則親其朋友,以至這也,則必各將召爲一長以君子之人居

間里則親其賢善之人,如此則皆可以獲

比之主,則人將親比之,然後獲其安也。方,將也。言有此元、永、貞三德之人爲

者,率將輔從于賢善之人,則此相親比是以天下之人,其有不安者,有不得所

「後夫凶」者,言在上爲比之主,能使天者无不獲其利,而无不得其所從也。

至親比,其有後至而不從者,則必爲居下之人皆悦而來親比。然天下之人既

者,言九五所以爲天下之人來比

附

而

无

咎者,蓋其

以

剛

陽之德居上卦之中故

故昔夏 防 上之人 風 恃 一禹會 所誅戮也,是終 强而後 于塗山,執 至, 爲 夏禹之所戮,此其 自取其凶 玉帛者萬 ]咎也。 國

後夫凶之驗也。

《彖》曰: 比,吉也。比,輔也,下順從也

方來」,上下應也。 原 也。 尊位,爲比之主,使下之衆陰皆來親 此比之卦惟九五一爻,以剛 人皆悦隨依輔之也。 永、貞三德之人爲比之主,以是天下之 也」者,言人之所來比于上,由其有元 相 義曰:「比,吉」者,此統明比卦之義,言 而順從,是蓋居上者有德以率服之然 人之所以相附近,由其志意符契而无 **筮**,元 違,以是爲比,故獲其吉 「『原筮,元永貞,无咎』,以 永貞, 无咎」,以 「後夫凶」,其道 下順 剛 中 陽之德而 從也」者,言 也。「比, 也。 剛中 窮也 不 也 所 附 居

附 也。 『後夫 五以剛陽之德居于尊位,上下衆陰皆親 後 于 人,是比道 己,至 「「不寧方來」,上下應也」者,言九 凶 二,其 于不 道 已窮 寧之人罔不 窮也」者,親比之時己 ,其凶 亦宜乎。 來 應

《象》曰: 地上有水,比。先王以建萬國,

親諸侯。

義曰: 天子、諸侯之通稱也。 民,通謂之君子。又諸 事也,故止言先王。凡能君臨天下愛萬 獨言「先王」者、蓋建國親侯莫非天子之 以使之親比也。且諸卦言「君子」 其諸侯,使之和協,然後天下四方皆 侯,是以先王法此象,建萬國,使相 國,親諸侯」者,言比之大莫大于建 水,乃合和親比之象也。 「先王以 得水則潤澤,水得地則安流 坤下,地 也。坎上,水也。 卦或言「后」者, 今地 而此 ...親 國 建 且地 附 親 萬 可

吉」也。有它吉。《象》曰: 比之初六,「有它初六" 有孚比之,无咎。有孚盈缶,終來

初六處比卦之初,以柔順之質而上无專其志,來者見納,則得爲比之道也。今義曰: 凡親比之道,貴心无係應,光大

它來比 蹈 薄之物尚可爲薦羞,蓋以至誠爲之本 神。」夫以鬼神之尊,王公之貴,以此 潦之水,可以羞于王公,可以薦于鬼 親比之道,所以獲吉也。故《左傳》曰: 應,是有由中之信,行親比之道,自然 至信盈溢于素質之器,故于終久之道 物爲之末也。「終來有它吉」者,蓋此 蕰藻之菜,筐、筥、錡、釜之器,潢、汙、行 雖此質素之器以其信而盈溢之則合于 然此初六本有至信發之于中以接于物, 有信之者,今以至約之禮、至儉之器也。 信,雖豐其禮,盛其器,以接于物,終无 素質之器也。 凡親比之人,苟无由中之 六本負廣大之德,无專應之私,又以其 一苟有明信,澗、溪、沼、沚之毛,蘋、蘩、 四 于咎過者也。「有孚盈缶」者,缶, 輔 士 而 一盤餐而已。 以 得其吉也。若西漢鄭當 延 時髦,而 輔己之不逮, 蓋本以至信 初 而

所以比附之道也。 接物,當世賢士英傑莫不歸心,以是盡

内」,不自失也。 六二,比之自内,貞吉。《象》曰:「比之自

義曰: 偏專應,苟更不以正道 媚无所不至也,故當大正乃得吉也。 六之廣大其道,恢宏其 偏 于上也。 私以應于五 六二止與九 然得其「貞吉」者,以六二志 ,故于卦言之是自 五 處之,則淫邪佞 志。 相 應,是不若 廣比 于人, 内 而 初

亦傷乎?六三,比之匪人。《象》曰:「比之匪人」,不

義曰: 雖有 主 之世,則所行皆非人之常道也。 也,彌子謂子路曰:「孔子主我,衛 不得正也。夫以不中不 一顏讐由。彌子之妻與子路之妻,兄弟 也。」子路以告,孔子曰:「有命。」孔子 中正之人,必不相輔,故孔子于 六三,過二不得中也,以 Ė 之人,當親 夫以 陰 居 是 可 陽

> 然非 之人 以人莫有與之者,誠可 不正之道,欲求比于人,則人莫之于輔 但書「公會衛侯于桃丘 不正之君則弗與之見,故仲尼于《春秋 聖賢之人雖 進 「不亦傷乎」,是可傷也。 會于衛,至桃丘之地, 以 (于家則殺兄,于國則弒 人則不主也。 禮 退 以 欲 義, 假位 得之不得日 又若 行 道 而衛侯以 ,弗遇」。 悼也,故《象》 魯 ,汲汲于 桓公以不正 君,嘗欲 「有命」, 以其弑 是由持 救時 求 逆

賢,以從上也。 六四,外比之,貞吉。《象》曰: 外比于

義曰: 此六 之賢也。 應,而天下之人皆比之,故有它來之吉。 由中之信而能比天下之賢,故 也。此六四「外比之貞吉」者、蓋 于九五,一志而專應之,是自 四既非初之專應,必須外比于九五 二言「比之自内」者, 然以陰居陰,履得其正。 内 以 不專于一 其 初 丽 六有 九五 上 比

比 陽 以 之,是能 居 獲吉也 陽居陽 至尊 外 除之所 得 附 其 于賢而不失其正道 正。 歸 也 九 五 此 之爻以 則 往 而 ,所 親

使 舍逆取 誠,吉。 九 中也 五 ,顯比。 順, 《象》曰: 「失前禽」也。「邑人不誡」,上 王用 「顯 Ξ 驅, 比」之吉,位正中也。 失前 禽。 邑人不

也。 比 之禮。欲左者左,欲右者右,不用 明居至尊,爲比之主者也,必 田 棄而殺之,其有順 者,蓋從田獵之時,禽有逆之而去者,則 而 志,以待天下之賢,以比天下之人 人吾網,此三驅之禮也。 私 道光大也。今反一志專應,其道 日 「王用三驅,失前 係于物,是止 九五「顯比」者、言此 ,常失前 往之禽也。今九五不 而來者,則愛而活之。 能 禽」者,三驅, 顯 然明 然用 比于 須 九 此 虚 Ŧi. 六二 命 以 故 田 心 者 獵 于 廣 到山

> 首」,无所終也。 上六,比之无 吉,位 此所 吉者,蓋由居上者使以中道之故也 其志,而第顯然比 言九 「『邑人不誡』,上使中也」者,言此比道 于己,故得其吉也。 不能親 能 于 者 不廣,而能于己邑之間不須誠 恢 以獲吉者,蓋以 不 五 則 洪 正 止于己邑之人,不爲誠令而歸 應 其 廣 天下之賢,而賢 比 中也」者,五處至尊,不能廣遠 (志既狹,但 之,不 大 己者也。 首,凶。 其道, 于六二,然本不得吉, 于己 而 《象》曰:「比之无 《象》曰「『顯比』之 顯 邑人不誠,吉」者, 止 其居中得正也。 應 者 然明比 者亦不來附于 則 于二,是 棄之,是常 于二,是 令而 得 附

必待物之來犯,然後從而加之,所以得健,若爲事物之先,必至玩威而暴物,是首吉」者,何也? 蓋乾之爲道,至剛至義曰:《比》言「无首凶」,而《乾》言「无

賢,又原究其情性,筮決其善惡,觀其有 比 以陰柔之質居比卦之終,是不能率先親 吉也。此親比之道,必先往比于人,如 人之所誅戮也,故有後夫之凶。今上六 畢來附之。其有不從而逆之者,則爲聖 可獲其吉也。是故聖人一起,天下 升于尊,愚可至于賢,是必先往而 元永貞三德之人從而附之。如是,卑可 在下者比于上,卑者比于尊,愚者比 一于賢者,所以致其凶咎,信无所終也。 ·之人 比 則

周易口義卷二

## 周 易 口

胡瑗

宋

撰

日 上下 : 小畜,亨。 《序卦》云:「比 密雲不雨,自我西郊。 必 有 所 畜,

小

上

之以 在 本剛 畜積之道也 異乾 上之 以 小 柔 健 止畜之 邪欲 畜。」是 順 而 處 居上,處于下則必務于進,而 也 É 上 蓋 由 ,故得小畜之名。 形然,雖有順正之德,必 必不能止禦之也。 此 比 卦既 卦是 相 乾巽二體,乾 親 比 7,則必 此「小 亦 猶 有

也。 陰 小 紂 已,是陽志得以上升,故言亨也。 固 夫陰陽交 紂之左右 此一卦之迹,其文王之事耶。蓋文王當 于依附乃能止之,獨止于九三一爻而 之,故初則「復自道」,九二則「牽復」 順之質不 若此小畜,亦乾在 及夫畜極乃亨,故卦下所以不言亨也 山,又能止物,是使 上,以乾在 不言亨, 畜,亨」者,以大畜之卦,其畜道至盛,故 氣 畜 蔽 殘暴不道之君,以己雖有其才德,然 也 以此知文王内文明外柔順,而道 不 而 能 陽氣不交,亦當不 而 「密雲不雨,自我 則 前前 固 能拒物,乾雖上 下必欲上通,而 此 雨 蔽,則 後皆愈壬,故終不 得 澤乃施,若陽氣上升,而 亨者,蓋大 不 下而巽在上,巽以柔 在 雨 下之陽 進 若陰 雨 西郊」也 畜 艮 不得上進, 而 是 居 猶若 氣雖 能止之 不 乾 上卦爲 区,至 能 然按 下艮 在 止

滋之, 下 右逢 之陰 雨。 亦必不能 則猶君之邪惡已形,而又有便佞之臣左 甑 哉? 北 迎 位,必不 今言「自 坎皆陽方,其 臣又不能 其 離 止 志 西兑皆 矣。 ,其間雖有 我 覆 能 之則 西 夫君欲既行,而諂諛以 爲 止畜, 陰 郊」,是雲氣 陰 雨 蒸 氣 方,其雲氣不 也。 E 而 一二賢正之人, 則膏 一交于 爲 以 水 人事言之, 澤何從 坤 起于西 也 位 能 則 夫 mi 郊 爲 東 ह्य

畜。 (彖》曰: 健 而 小 畜、柔 剛 中而 得 志 位 行 而 乃亨。 上下應之, 「密雲不 日 小

雨」,尚往 者? 陽,其 體 指 无 日 六 :「柔得位 二陰以分其應,故 夫陽 四 德 也。 ൬ 至 以 言 「自我 小 生物,其德至大, 也。 而上下應之,日小畜」,此 今六 西郊」,施 小畜卦 四 以 上下五 陰 有二義。 未 行 柔 陽皆 也 陰以濟 得 位 應 何

> 畜也。 也 得亨耳。「密雲不 使其剛健巽順安然由 順 以得亨之義也。夫乾 行,乃亨」者,此據二體 能 進 止禦, 處于上,乾健務進, 者,已解在前。 四 是 以 小 此二義 至于進 者 陰 能 獨 畜矣。 也。 當 極 雨, 其 乃始能 「健 路,勢 自我 中 而 夫三 以 加 健位 圃 而 巽 巽 言,又就 畜 順 西郊,施 極 行,是于邪 陽 一,是 不能止之, 于下,巽 柔 剛 在 小 下 未 釋 而 有 必 而 欲 所 以 志 所 並

文德。《象》曰: 風行天上,小畜,君子以懿

用 也。 義曰: 之象也。 風行于天之上,其功不及于 物,其行于地上則可以 則懷 今以二體言之,則巽 風 畜仁義,懿美文德,樂天知命 君子當此 者, 震 動 之時 之氣, 助 知 天 能 在 其未 地 生 乾 物,是小 物 生 E 一成 亦 之力 以 則 能 是 成

りj \_\_。 待時而動,其志在于佐君以澤天下之民

物而已。

初九,復自道,何其咎? 吉。《象》曰:「復

自道」,其義吉也。

巽始 義曰: 道 吉也 務進。 也。 道 不拒,順其性而不 而 而无所違拒,于義理自吉也。 。《象》曰「其義吉也」者,言復 刷志得行,安然不犯咎過 ,是必不能爲之制畜 此初九以剛健之質居乾之初, 而又應在六四,六四又以柔 乾體在上,今居于下,必務 違,此所以 一,但 |聽其 得 而 復 自 以 自 弱 勢必 進 E 故 爲 故 而 居 進

不自失也。 九二,牽復,吉。《象》曰:「牽復」在中,亦

Ŧį. 畜之極,不能逆己之進,故 日: 以得吉者、居中之故也。然五本剛健、 五雖以剛陽居上,而體本巽順,非制 以 剛 陽 而 務 進, 得牽連 然 其 而 應 復。 在

復有所爲,但于己不自失耳。也」者,言九二必待牽連而後復,是不能也」者,言九二必待牽連而後復,是不能得復也。《象》曰「「牽復」在中,亦不自失于初,使其安然上進,故此必待牽連而後雖不違己志,然猶不若六四以柔道依違

反目」,不能正室也。 九三,輿説輻,夫妻反目。《象》曰:「夫妻

則日 厲」,●而二則 君于始,使其 夫妻反目而不能正。 止 三以剛健欲務上進,上九居畜之極, 陽,故稱夫。巽爲長女,故稱 義 輻」者,蓋大畜之時,臣能 而 曰 不從之,是故輿説其輻 「閑輿衛,利有攸往」,而 輿,車也。 一説 邪欲之不行,故畜 輹」,九三畜極 輻, 然按《大畜》之三 車 以大正之道 輪 此 而 妻。 也。 則通 不 言「興説 |則||有 能行, 言九 乾 畜 固 爲

■「畜」、據文例、疑爲「初」字之誤。

易 義

淫佚 不能 皆以 則 也甚大。 通,至于九三則「利 中正之臣,亦必不能止畜之也。 畜之,使其思慮不入于邪,言動皆由 後皆得正人端士,以大正之道 非至聖之人不能无邪曲之情,必左 進,故曰「輿説輻,夫妻反目」也。 有説輻反目之禍,其爲患也非 反 正,則終有天衢之亨也。 若夫左 目之禍,何以 | 禦君邪欲之志,故初則「復自道」,二 之道當 皆獲其 「牽復」,至此九三方能止畜 无 止 畜 讒諂佞諛逢迎其惡,則其間 所 巽 畜,則放僻 小畜始 利, 順 在其始,而聖人所以深戒也。 不至,而 居上, 故 日 逃哉? 雖能亨通,至于九 邪侈 其臣 車 閑 有 輿 趣 攸往」,是其 无所 説 之勢微力 衛 且大畜始 輻 利 之咎,夫妻 不人,驕 輕 ൬ 而 有 夫 規 攸 雖 右 不使之 弱, 爲 大凡 三則 雖 Œ 前 戒 右 往 蓋 有 臣 前 制 福 不 奢 後 制

> 則其爲禍也可知矣。 臣,以至不能正己之室,況于他 言九三至放縱, 象》日 『夫妻反目』,不 既 極 而 見畜 能 Œ 于至 室 事 也」者, 乎? 正之

孚惕出」,上合志也。 六 四,有孚,血去惕出, 无咎。 《象》曰:「有

之稱 志, 也。 義曰: 物者,蓋上九當制畜之極,己能 以出散,而免其 與之共止畜之,則傷 發于至誠,依附于上之二陽,同心一志 上進 惕出」,上合志也」者,言六四所 其進,則必爲其 依附于上 也。 此不言血者,蓋惕懼既散, 言六四以柔 而己獨當其路,將以拒止之而不 孚,謂由中之信也。 而 除 凶咎也。 共畜 所傷,故當以 順居巽之初,下之三陽 也。惕,懼 害可 之,則 《象》曰「『有 以去,惕 也。 血 出 由 者, 則去其 散 以 中之信 出 惕 心合 畜 所 平 使 散 口 傷

傷害可知矣。

孚攣如」,不獨富也。 九五,有孚攣如,富以其鄰。《象》曰:「有

君子征凶。《象》曰:「既 上九,既雨既處,尚德載,婦貞厲 孚攣如」。「富以其鄰」者,言九二以陽 之,是不專己之富盛而分用于二也 質上應于九五, 明,體本巽順,又以 故九二所以得牽 謂九二也。此九五居小畜之時,位 連 九五又以由中之信接 一復 也 由中之信攀孿于物 而 上進 如 雨既處」, 德積載 語 也,故曰「有 辭 ,月幾望 也 雖剛 鄰

至 得復自故道。 中,然體本巽順 日 爲己之所禦,而其志不通也,故其辭 此上九,制 夫六四以柔 畜 至于九五,雖 既 ,故亦不能 極,九三 順不能畜物, 雖欲 拒九二之進。 以 務上進 別川 質 使 初

也。

「君子征凶」,有所疑

也。

雖以陽處之,然而體 進 故爲月。 陰之精也。 道言之,蓋 三,是婦道也。 安,今既安矣,此皆由君子之人貴 載」者,言昔之不雨,今既雨矣,昔之不 居,不在惕懼也,故曰「既處」。 畜之極,能固止其九三之進,則安 謂 德而行之故也。 「婦貞厲」者,言此 故,是以惕懼而不敢安。 是陰陽相應而 畜九三之進,然位雖陽爻,而體本巽順 固蔽之,則蒸 既 陰 「密雲不 處」者,既安也。夫六四 説 不 能 輻 日常滿,月多虧。 雨」是也。 固 ,夫妻反目」是也。 亦亢厲 乾 蔽之,則不爲雨 而 爲 成 爲雨。今此 以 陽, 雨 婦婦 也。 澤、故言 故 本柔順,下應于九 而 若陽氣上升,陰能 制 爲 「月幾望」者,至 此上九 日。 畜其夫,于正 上九是能 今至于 既 澤也,彖 以柔弱之 夫陽 巽爲陰, 既 雨」也。 然 尚 尚 爲 氣 九 制 其 德 而 固 所 上

極,而 獲既 也。 凶」,有所 之進,皆由 是凶咎之道,此聖人存誠之意也。 爲君子者若復更有所往,不知其 不可 而 二既 異 行之于外,以 「君子征 :蓋月 之極 雨 過,故當 臣,是臣德之盛也。 有既雨既處之事 既 雨 處 疑 既 丽 者臣之象 久于積習然也。 者,由君子以 也」者,言至此道盛之時, 陰 處」,德積載也」者,言所 凶」者,夫上九居 常若月之幾至 之 至有 盛 大正 也 也 ,是時之甚 之道 月 至 然以 仁德積之于内 君之 于 「君子征 畜其 臣 邪 盈 ,望則 制畜 上之分則 惡 m (止,則 盛也。 <u></u> 剛 既 言 之 健 以 可 見 幾

履

進不已,則必爲人之所見疑

也。

乾 兑上下

履虎尾,不咥人,亨。

承,故 乾剛 禮 咥 則上下之分定,而尊卑之理别,天下之 在 禮 聲,口之于 澤、爲順,是爲臣、爲子、爲婦之道也。 剛,是爲君、爲父、爲夫之道也。下兑爲 其禮不可一失之也。 作合度而 逸,必得禮以節制之,然後所爲適中, 者,禮也。 節制之,故履所以次于小畜 故受之以履。」言物既有所畜 義 行矣。 。齧也。 之深意 下,是能 節制之,則必驕情肆欲,无所不至,是 日 在上,是能以 . 得君臣、父子、夫婦皆有其節制 按《 「履虎尾,不咥人,亨」者,此聖 也。 放僻之心无自入 然今履蹈 味, 夫人之情,目之于色,耳之于 以 序 説 卦》云: 虎者,至 鼻之于臭,四體 順奉于上也。 尊嚴臨于下也。兑説 其 此卦上乾 「物畜 尾 威 至 而不見咥齧 矣。 也。 猛之物也。 聚 然 爲天、爲 苟不 後 上下 之于安 然則 須 有 禮 禮 以 相 履 以

七八

焉。 矣。 生殺之 以 終獲 故 也。 柔恭順以事 忠、外盡其禮、柔莊 侕 而接之矣。 雖有雷霆之威嚴,亦將温 和親 離 日: 君 厚其禮以 鞭朴 間 其 若爲子者内盡其孝,外盡 何 子 一家之尊莫尊于父,一家之喜怒 ,其間縱有離間之心,亦不可 . 則 ? 也。 權 能 亨者,蓋 履虎尾,不咥人,亨。」 在 繫之也。 杰 後,爲臣子者果盡其 況于下者有文以相接,有情 其父,則父雖至嚴亦將柔 是故君父之至嚴,鈇 事之、則終不見其傷害也、 禮 夫以天下之尊莫尊于 以 言暴 履之,終亦 若爲臣者能内盡 肅慎以事于上, 猛之物 顏柔色而 不可 不 其禮 心、竭其 見其 以 鉞 接 則 温温 犯, 在 順 繫 之 君 其

而不疾,光明也。以「履虎尾,不咥人,亨」。剛中正,履帝位《彖》曰:履,柔履剛也。説而應乎乾,是

也。 顯 尊之位, 其咥齧也,故曰「説 正,是其 位 虎尾,不咥人,亨』」也。 此道以事之,則猶蹈猛擊之獸而 之禮以事之,則其傷害可知矣,固當 是由賤之事貴,卑之事尊。 義曰 而言之。 以「履虎 也。 圃 不疚, 體本剛 所以名曰履 蓋 履、柔履 德剛明 而 兑以陰柔處于下 尾,不咥人,亨二者,此就二 由 不 光明也」者,此止言九五之德 以 健,而又以 有 柔 而中正 疾 剛也」者,此言得 順 也。 病, 之體 而應乎乾,是以「履 則其道· 一説 也。 陽處陽,居 上承 「剛中正, 而 而上承剛 苟非 以 應乎乾,是 光大 于 此 乾 履 亦不 盡 履卦 圃 踐 中 履帝 悦 剛 健, 見 執 體 履 之 明 至 順

義曰: 乾,天也。兑,澤也。夫天本在

固定矣。 固定矣。 固定矣。 固定矣。

往,獨行願也。 初九,素履,往,无咎。《象》曰:「素履」之

居履之初,是能本于質素而行,故曰「素質, 飲啜之始,始于太羹玄酒之質。 就吸之始,始于太羹玄酒之質。就之質, 器皿之始,始于污尊瓦缶之龄,始于緇布之質, 衣裳之始,始于鞸츐曰: 夫禮之本本于質,是故冠冕之義曰: 夫禮之本本于質,是故冠冕之

願 之始,本起于質朴,迨後世則尚文尚華, 者,蓋獨行己之願也。 質素而行之,故得无咎。《象》曰「獨 履」也。 惟君子則能不撓于衆 願也」者,此履卦之初能踐履質素 之謂也,言當此履之始, ,以矯正當時于淳約也。 「往,无咎」者,往 而 何哉? 而 獨行此質素之 則 君子 踐 履 其爲 能 而 m 往 行 踐

人貞吉」,中不自亂也。 九二,履道坦坦,幽人貞吉。《象》曰:「幽

能 義曰: 《周禮·大司徒》以六禮教萬民之中,是 貴本于中而行,則得其爲禮之中道,故 坦坦然安于循理 兑者,和説之謂也。 人,則樂道慎獨之人也。 所行之禮貴得其中也。且凡人之爲禮, 和說,則是樂其道 九二居下卦之中,其 也。 「幽人貞吉」者,幽 今既 而忘其憂,踐其道 凡人之爲禮 履 得 體 其 中,又 是

于正道 其 而傲 能 者,有内 有 及 中。 行中道 恭 滿科莊 其 于等夷 而 故唯 中 能 得其吉者也 丽 者 恭敬 此樂道 欺 (者,是皆爲禮失其本而 面 有 于闇 過 而 外 其 外不整 能 慎獨之人能行之,是 室者,有不欺 中者,有 恭 莊 肅者,有 而 簡 内 易 實 惰 于 不得 顯 闇 不 慢 室 然 敬 mi

君」,志剛也。「咥人」之凶,位不當也。「武人爲于大以有明也。「跛能履」,不足以與行也。武人爲于大君。《象》曰:「眇能視」,不足武人爲于大君。《象》曰:「眇能視」,不足六三,眇能視,跛能履,履虎尾,咥人,凶。

道; 也。 皆不知其 履陽,不正也。 日 陰 而 喻如眇者之能 乘剛 六三位 者之能 (本始, 而 ,是踐履其虎之尾 過九二,不 過 履, 中 不 亦 視,亦不足明其 能 失正,則所行 不足行 免其憂、逃其 中 也 而見咥者 其 Œ 之禮 以 道。 中 N<sub>I</sub> 陰

> 暴之人 IE. 也。 而至 且 爲 以 一凶禍 于 陰 大君, 而 者也 履 剛,其志 視 所行所爲皆不 本暴,猶 中 若 不 强

愬,終吉」,志行也。 九四,履虎尾,愬愬,終吉。《象》曰:「愬

古。 也。 義曰: 者,蓋因己本尚 蹈于六三之虎尾,終乃得吉而 懼,則得其吉也,故曰「履虎 于九五之尊。 陰位,今以陽而居之,是本有謙志 愬恐懼,則終得其吉也。 陽,其志尚剛武,今九 委任之,既爲上之所委,又能 卦之初,履 愬然恐懼,不敢自安,以是而 既履此 《象》曰「志行 愬愬,驚懼之貌 六三之上。 剛暴之上,爲九四者 五以己有剛明 謙 丽 也」者,言 見 四乘之是 信任 而六三 也。 何則? 尾 于 九四 愬 ጢ 九 不見其 , 愬愬, 終 五 愬 尚 以 履 固 四 一、又能 然恐 謙 能 文 當 陰 虎 處 四 居 咥 志 近 覫 尾 本 F

則己之志得 行 也

九 五 正當也。 ,夬履,貞厲。 《象》曰: 一夬 履,貞厲」

義曰: 言此九五以陽居陽,有剛明之德 當 當尚謙退爲本,則得其中而吉也。今乃 IE 口 九 謙,在《繫辭》則曰「謙以制禮」是也。 齊天下之民志也。夫爲禮之道本于尚 之是非,辨制度之中正,分上下之等夷, 德,而又居 位 知也 當 五以 剛夬而爲之,是于貞道 ,爲臨制典禮之主也。 有貞厲之道也 于此責之,言九五所 則宜尚謙爲本,不可用剛夬以制禮, 也」者、言此九 ·剛爲禮之主,于正道言之則危 」,故曰「夬履,貞厲」。 夬,決也。貞,正也。 至尊之位,故能決然定典 五既 爲制禮之主,固 處之位既已正 夫既 有厲也。 《象》曰 属,危· 有剛明之 而 故聖 居尊 位 也 属 禮

> 吉」在上,大有慶也 上九,視履考祥,其旋 元 古。 《象》  $\check{\exists}$ 元

也。 不能 義曰: 吉」者,言上九既居禮法之成 禮法之已成 之,故得无咎。今此上九居卦之極,是 禍福之兆也。 旋之間皆獲元大之吉,是大有其福慶之 上九居禮之成,又能視其 大之吉也。《象》曰「大有慶也」者,言 所行之如何,故周旋反覆之間皆能 所行之道 履其禮之中正而行者, 也。 夫初 由履之中正 視,瞻視 九居 一而稽考其禍福也。 也。 何謂禍 履之初,尚其 禮之既 也。考, 而行者,則至于禍患 福之兆? 則獲其 成 禍 稽考也。 ,則當視 福,以 、又能 質素而 福 「其 慶 煮 至周 旋 也; 凡能 瞻 視 獲 元 行 元 其 其

# ■ <sup>東下</sup>泰,小往大來,吉亨。

義曰: 之氣既交,則萬物得其吉而亨也。 育,其道至大,故稱「大」,今下降之,是 由外入内是「來」也。 往大來,吉亨」者,自内之外是「往」也, 同,則天下皆獲其安泰也,故曰泰。 于臣,臣以忠事于君,君臣道交而 會,故謂之泰。 下,今升而上之, 之,則乾本在上,今降而下之, 則必獲其安泰。泰者,安也。 故受之以泰。」蓋言凡人既能 小」,今上而升之,是「小往」也。 大來」也。陰主柔弱,又爲消剥,故 按《序卦》云:「履而 以人事言之,君以禮 是上下相交,陰陽 陽德剛 明,又主生 泰然後安 行其禮 以二體言 坤本在 陰陽 相和 相 下

> 皆得其吉而亨通也。 下之心和同,成治于天下,而天下之民子既進,小人既退,則君臣之道交而上子既進,小人既退,則君臣之道交而上去往而處外,是小人退黜于巖野也。君大者來居于内,是君子進用于朝廷。小事言之,則大爲君子也,小爲小人也。

君子道長,小人道消也。而外陰,内健而外順,内君子而外小人。交而萬物通也,上下交而其志同也。内陽《彖》曰:「泰,小往大來,吉亨」,則是天地

泰也。「内陽而外陰」者,陽爲君子,陰忠節事于君,則是上志下接,下情上通,忠節事于君,則是上志下接,下情上通,忠節事于君,則是上志下接,下情上通,上下之道交通,故能行天下之大道也,有,陰氣上騰,二氣交感,萬物得其生而義曰:「天地交而萬物通」者,言陽氣下義曰:「天地交而萬物通」者,言陽氣下

舉,萬民之業无不安,是泰道畢矣,故聖 之,抑小人而黜退之,則天下之事无不 也。 小人之道日以消。然則 人則疏遠而黜之,是君子之道日以 而外小人」者,言君子則親附 之貌,以此之故,所以 爲小人,小人外而君子内,泰之道 人所以申勸而言也。 而言者,蓋欲其在位者登君子而 内健 書不盡言,言不盡意」,于此 故君子内懷剛健之德,而外示柔 而 外 順」者 此 止以君子之身而 爲泰也。「内君 聖人作《易》, 而用之,小 所以 任 丁 長 用 而 順

道,輔相天地之宜,以左右民。《象》曰: 天地交,泰。后以財成天地之

泰以生天下之財,是以天子諸侯觀此泰「后」者,天子諸侯之通稱也。蓋天地交通而萬物得其生,此天地交泰之道也。義曰: 夫天氣下降,地氣上升,二氣交

作工 道,輔相天地所生之宜,以扶 民 孤 耜,以耘以耔, 道,故作 卦之象,阜豐其 而至于安泰也 獨皆有常餼。 一功,以便器用, 爲 網 罟 財 此所以成天 用 以 以 商賈,以 畋 阜豐其 成 以 就 漁 天 (財,使 通 助 地 地 天 作 化 有 生 下之 育之 鰥 爲 育 无;

茅」、「征吉」,志在外也。 初九,拔茅茹,以其彙,征吉。《象》曰:「拔

之道 子,既 義曰: 類而 進,若君子將進用于朝廷,以佐君澤民 吉莫大也。《象》曰「志在外也」者,言初 拔之則其根牽連 彙者,類也。征者,進也。夫茅之爲物, 而興天下之泰也。茹者,相續之稱也 進 得長,則天下之民受其賜,如 進用 ,則是君子之道長之時也。 乾本在上,今居于下,必 于 朝 廷,則天下之賢必 而起,若此初九之君 省引 務 此 君子 則 H

九 下之民 之君子必 下之治,興 而 將 進 天下之泰也 引類 求 其用 而 ,所以 登進者,蓋其 佐 君 而 志 共 V. 于

以光大也。于中行。《象》曰:「包荒」、「得尚于中行」,九二,包荒,用馮河、不遐遺,朋亡。得尚

以 泰,其間不无荒穢,而九二既以剛居中, 用 子之見任,而能遠大其器量,雖此 之人也。九二既居重位,柄重權 故曰「包荒」。 則必寬弘廣大其心,以包藏其荒垢也, 于六五之君,爲六五之所 日: 材 猛之人亦能 用 之廣,當泰之時,雖 于時,爲興泰之臣 故 ,隨其長短大小而皆適其 九二以剛明之德居中, 曰「用馮河」。「不遐遺」者,遐, 「用馮河」者,馮河是暴猛 用之。何則? 也。 此 暴猛 任,是 然 之人 圃 (用。 夫良 天 君 愐 下 爲天 況天 子 匠 馮 E 雖 見 无 雁 河

> 于中而行,是其道光大而明顯 也。 遠 曰「以光大也」者,言九二之君子既 類,如此所以 大寬厚之至,故 者包藏之,暴 剛明之德見任于六五 容于物,故必不 也 「朋亡,得尚 ,遺,棄也。 得尚 猛 者 言此 雖遐遠者亦不遺 于中行」者,言九二 于中道 · 親 能用之,是皆由 己之所親 九二之君子,荒 而又廣大 而 行 也 也。 m 親 八其量 棄 既 朋 之 廣

復」,天地際也。勿恤其孚,于食有福。《象》曰:「无往不力恤,无平不陂,无往不復。 艱貞无咎。

不交而 義曰: 卦之極,是天地將復之際也。 下,所以泰者,上下交也。今九三 而 故設爲之戒也。 不歸 此一爻聖人因 險陂,无有往 否矣,故 聖人 言乾本在上,坤 而 戒之曰: 天地將復之際, 不復其所者,猶 天地 无 居下 本在 復 有 則

象》曰:「翩 四 之以 于下,當天地之分際,故曰「天地際也」。 乾之上,是將復于 顯,故可 艱守正道 也。 『无往不復』,天地 无 一勿 翩 正道 有 翩,不 泰 以 恤 ,則不待憂恤 極 翩不富」,皆失實也。 往 則 其 ൬ 丽 孚,于食有 可 富 不至衰否,故 安 以久于其 以 食其 上,在坤之下,是將 其 際也」者,言九三居 鄰。 其孚信而 福 福」者,言 泰 禄 不 也。 而 當 戒 免 艱 「不戒以 《象》 自然明 以孚。 其 難 既 X 而 復 能 日 守

孚」,中心 陰同 故 夫九三以陽居乾卦 上二陰 E 日 日 進 志而皆欲 「翩翩 ,用也,言三陰同志皆欲下復,故 也 願也 翩翩 具 0 復 六四以陰居 者,自上 「不富以其鄰,不戒 其 下復也,故此所以翩 本,所以 之極 而 坤 ,是三陽同志 下疾飛之貌也 无有凝滯 卦之初,是三 以孚」 翩 也 然 皆

> 實也。 居處 戒以 是衆心之所共願 下,謂其失實故 戒 此 六四不待戒備,自然有孚信 備 六 坤本在 孚」。 也。 四 而 自 不 六四所 孚信 待 言乾 《象》曰「皆失實也」者 富 下,今上之。是上下皆失 盛 也,故曰「 以翩 本在上,今泰之時 也。 也。 加 自 翩然,欲將 「中心願 然 不富 能 用 而下復者, 以 其 也 其 鄰 復 實, 一者,言 鄰, 而 則 不 其 居 謂 不 須

祉元吉」,中以行願也。 六五,帝乙歸妹,以祉元吉。《象》曰:「以

嫁 以 之時,能以文柔接于下,則《彖》所謂「上 也 謂 義 目 于 興 交而其志同」,即君降志而接其臣 嫁 諸 泰 此六五乃中順之主也。 日 侯,是謙 道 歸。歸妹之爲言,順 帝乙,商之賢王也。 者也。 順之至也,故曰「帝乙歸 猶言帝乙賢王以 也。 歸者,婦 當 此 祉 女下 泰 一,所 平 福 人

九二 之吉 降于 其 之臣爲之委任也,今六五能執 (中道) 賢明之臣 願 其 諸 也,故曰「以祉元吉」。 以 分,故上下皆獲其福 加 也」者、言君治天下必欲得 侯,是順之之至 素 祉 **ぶ願得行** 元吉」者,夫天子 ,以至獲元大之吉,是由 也 也 《象 祉 而 謙以 以 在 IIII 女 有 下 曰「中 下于 賢 加 者 元 能 V

吝。《象》曰:「城復于隍」,其命亂也。上六,城復于隍,勿用師。自邑告命,貞

間不能 善爲 皆繫 必无 義曰: 煕 天下,又且高 而防天下之姦寇也。 國者 小人。 于其上之所爲 而姦惡之人其心未嘗安,故聖人 大凡平 无姦惡之人。堯舜,太平也,未 1,既以 桀紂,暴亂 其 治之世,雖 城、濬其隍 一義道 如 何則? 何 德 也,未 耳。 爲 教 以 己 必无 是故 化 天 爲之戒備 任 甚 下 而 君子。 盛 古之 雖 安治 丁,其 在

皇能 城池 以不 國固 必有 禍无 保其 也。 世之大法也。 設其 二世則失天下者,以不爲德故也。使秦 函 又秦之始皇有天下,北築長 爲國,非无德也,然卒爲狄人之所迫者, 謂 侵之,去而 在德不在險」,蓋一 都于蒲,今之河中府是也。 王 若但 一公設 險 以 設備故也。使太王居是時,高深其 有 不 國 則 山 是國 能 則 也 也。 義 雖 阻 以保 有 以 險 미 居岐山之下而邑焉。 河,險 夷狄之侵擾, 以 而 若但設其險 其 興 以 以永 此 也。 脩其德以 德 且 治 守 知 道 國者, 厄 mi 五帝而下,堯都于冀 永 昔在太王居邠,狄人 爲 亦亦 不能設備,則不可以 萬里,非 而 時之權言耳,非萬 國 守也。 須設 者必 將 濟之,則傾亡之 阻 亦无 使 而 險 有其 无 治天 城,西據 无 然吴起 禹都于安 厄以崇備 能 備 其 以太王 八德,又 八下者 也,然 爲也。 崤 曰

國也。 攻伐 既 地 吝」者,夫威賞政令行之于天下則可, 戒之,言不可 不服從,適自 固之限,是皆恃泰之至以及 復傾圮而无高險之阻,隍復 之戒備 卦之極,而 治不忘亂,則可以永有 邑 足以及遠,告命不 危,處治 上六既无 所 極 「城 湯 一己不能 于人,則是不 復于隍」也 處之國未有不以 都 今之洛京是 聖人之戒,治天 ,故有城復于隍之事 而 于亳,今之河 所 泰道 思亂,以至驕 戒備,又不可 復 自 取 用 治將革 滅亡之道耳 爲之備 師也。 ·量己力而 能及天下,但 「勿用師」者,夫泰 也。 南 又不能居 其 下者,安不忘危 山 而 自 是 慢邪侈 是 泰 河之險 用 皆其 更用 盈 也。 也。 也 天下之人 (于否 ,故聖人又 師, 邑告命, 滿 威德 蓋言城 上六處 安 而 所 軍 可號今 圃 周 加 也,故 而 守其 師 不 都 都 必 不 消 深 爲 思

> 吝」。 于己 誠足 常思危亡之事 言之者,欲戒後之人君,處天下之泰, 紛亂,不能及于天下,聖人所以 而 不 以 能 邑之中 象》 鄙 防 吝 閑 日 而 者也,故 「其 以 ,則可以常保其泰也。 已。 至 命亂 于 此 此 日 皆 也 「自邑告命,貞 由 一者,蓋: 以 恃安泰之過 正 道言之, 其命 丁寧而 今

#### 否

往

物皆 義曰: 故 盛 相交,陰陽相接,則 故受之以 天地 一, 故 閉 日 各 塞 按《序 泰。 復 否。」否者,閉 而 不生 其本,而 泰者, 卦》云: 此 通 萬 陰 否之道 也 物 物物 塞 陽 得其亨通 之道 不 不 物 也。 可 相 不 也。 交, 可 以 「否之 終通 終泰, 則 天 而 萬 繁 地

欲以正 則? 交而 匪 外,陰之小 其富,不得 交,君臣不相接,小人見用而其道長,小 壽,否之時則不得其安,不得其逸,不得 之道 而 伸之,猶 則 晦 天 利君子貞」者,夫否之時,天地不 至 物 下可 至 道 否 可 夫人情莫不欲安、欲逸、欲富、欲 小。 德, 道 長,則讒疾于君子。爲君子者苟 也 不 誠 則否道 匪,非 得其所,是非人之常道也。 一,此 以獲安也。 接 而行,則必爲小人之所害,故 . 德來 卷懷仁義,退而 君 今否 、其壽。是豈人之常道乎 「大往 于 非 子 臣,臣 所以致也。 所 也,言天地 往 處 之時 謂 小 于 屈 人之常道也 内。 必以至忠奉于君, 于巖穴,小人來居 來」者,陽德至大, 、陽之大德往居于 今否之時,君臣 往者屈之,來 自處,不露其 不交,萬物 夫君 相 ? 何 不

> 道 《彖》曰 不交,而 ൬ 消 外剛,内小人而外君子,小人道長, 則 也 . 是 天下无 「否之匪 天地 不 邦也。 交 人,不利君子貞,大 而 萬 内 物 陰 而 · 通 外陽, 往 内柔 上

臣之道 禮敬 也。 内者 邦國 不以 天 爲君子。 子貞者 義 m 下 也 日 萬 北義 凌暴。 將 禮 无邦也」者,上,君也,下,臣也。 物 内 親也,外者,疏 敬 「内 至 塞,則天下之諸侯從 ,由天地各 而 不得其亨通也。「上下不交, 言 親 于傾 柔,則 之情不交,則君臣之道塞。 接于臣,臣不以忠節事 否之所以 柔 故《 小人而 而 覆矣。「内陰 語》 陰 外 復 賊 剛」者,此小人之體 疏 日 非 其 殘 也。 : 「色厲 君子,此 人常道 害。 所,二氣不相 陰爲 而 而 近所以 而 外陽」者 亂,所 ൬ 小 IIII 内 不 其 剛 成 利 君 交

也。 子之道日以消也。 子而疏遠之,是以小人之道日以長,君 色, 厲 道消也」者,由 内 嚴 「内小人而外君子,小人道長,君子 有 厲 柔 也 在之心 在,柔在 其内小人而親信之,外君 此 所 也 以 外 反 有 君 子 嚴 之道 厲 之

難,不可榮以禄。《象》曰: 天地不交,否。君子以儉德辟

賤,以 義曰: 仕 周之衰,君子遭是時者 日 害而召禍也。 塞之時,則當韜光遯迹,以全身遠害,不 可全己遠 可與小人並立。若與小人 ,則不可居重位、享重禄以榮其身,第 「君子陽陽、左執簧、右招我由房」、言 一伶官之賤職,以全身遠害而已矣。 避小 言君子于此天地不交、賢人道 害而 人讒疾之患耳。 故但守儉素之德,不憫 己。 故《君 :,相招 子陽陽》之詩 が並立 如不 爲 一,則 禄仕,但 得 必 已 而 貧 見

曰: 拔茅貞吉,志在君也。初六,拔茅茹,以其彙,貞,吉亨。《象》

日 六二,包承,小人 《象》曰「拔茅貞吉、志在君也」者、夫 進用 義曰: 也。 侕 否塞之時,引退守正 子之志未嘗不在致君澤民 正道,不可求進,然後得其吉而獲亨也 否之初是小人道 其爻辭曰:「拔茅茹,以其彙,征 「大人否,亨」,不亂羣 後動者,蓋亦志在致君澤民而已。 于朝廷,是以 時既不可用,則必引類而退,守以 泰之初是 吉,大人否,亨。 長、君 連 君子道長之時,可 ,不苟務其進,俟時 引其 也 子不 類 也。雖當 而 可 進 用之 吉。」今 之,故 此 君 時 以

也。然 義曰: 上,是以小人而得小人之吉者也。 「大 人之中能 而以陰 六二居否之時 包其 柔 居陰,處得 順 便佞之心以 一小人而 中正,是 見 ·承于 于小 用 者

其身」。」蓋否之時不可進用,但以 其羣類也 道自處,以正自守,不與小人雜,是不 羣也」者,言大人君子其時雖否,然能 于否之時,行否之道所以亨也,故曰「大 君子无人而不自得焉。」是言大人君子 富貴,行乎富貴。 自處,全身遠害而已。《中庸》又曰:「素 其默足以容。《詩》曰 『既明且哲,以保 庸》曰:「國有道,其言足以 世,行否之中道,所以全身遠害也。《中 俗之所變,而不雜于小人之中,于否之 自守,韜藏 居是時也,以 (否,亨」。《象》曰「『大人否,亨』,不亂 否,亨」者, 其仁義,卷懷其道德,不 其 若 道 大 徳大 塞 素患難,行乎 而 才之人則不 不 通 興國。无道 ,故能 患難。 爲 以 然 以 而 # TE.

義曰: 六二雖以小人之道用于時,猶六三,包羞。《象》曰:「包羞」,位不當也。

其所處之位不當故也。 者,蓋言六三于小人之中最爲甚者,言 且 愈深,但包其羞恥,苟容其 此六三位 包羞」。《象》曰「『包羞」,位不當也」 不 失其 八中,承 既 過 一中,履 事其 (上面 復 失 得其吉也。 正 (身而已,故曰 ,小人之道

无咎」,志行也。 九四,有命无咎。疇離祉。《象》曰:「有命

時,不 類也。 義曰: 得 九 而退,存心在 之時,以道不行于天下,故不苟進,引類 之德,所應在 然此九四 圃 附 四 應君子,不唯 [有命 離于福祉也,故曰「有命无咎,疇離 可有命于其人,蓋 離,附也。 有命, [乃有 焉 ,所以爲无咎也。 君,蓋守道之君子也。 初 謂 所命者 己得 耳。 九 祉,福 四 无咎,使其 何則? 有 以其有剛明勤 命于 也。 小 人衆多也 初 然以 夫否塞之 初六 也。 疇類亦 居 君子 否 儉

祉 蓋 祉 ,是己之志 九 四以 ^ 《象》曰 正 而 得 「「有 見 行 命 命无 也 于 初,以一 |咎],志行也」者 至同 有其福

九五 桑。《象》曰: 義曰: 則社 也。 遑安,而 于泰,雖 根榦皆相 之小人而休息天下之否道者,惟九五 之所宜憂,泰天下之所未泰,消去天 以剛健中正之德而履至尊之位,憂天下 以承其上而獲小人之吉者,六二是也 其亡其亡,繫于苞桑」者,桑之爲物,其 人行之而獲吉也,故曰「休否,大人吉」。 ,休否,大人吉。其亡其亡,繋 夫以大人之德能消天下之否而 稷磐固 休,息也。夫以柔順之道 然且 日其亡矣,其亡矣。 迫 結 ,如繫于苞桑之上而不可 大人之吉,位 當常謂 而 堅固 危亡之在前,不敢 者也。 IE 當也 如此之戒, 苞即叢 婉 于 下 生 大 苞 反 遜

拔

也。

傾,何可長也?上九,傾否,先否後喜。《象》曰: 否終則

也。 復」,至上六則 過極,故九三則 喜之驗也。 吉,至此上九則否傾 否」。「先否後喜」者,此言否之道 通,通則久」。 又揚子曰:「陰不極 道也,在《繋辭》則 剥極則復,未濟終之于既 義 戒之之意也。今否之時又慮其躓 言之繫乎勸 也」者、言何可常若此之否也。 六二包承而 反之于泰,可以獲其亨通也,故曰 不生,亂不極則治不成。」皆變易之常道 曰 今上九居卦之極,則必傾去其否 傾,覆 《象》曰「否終則傾, 戒 大人否,九五休否而有大人 曰「城復 也。 也,圮也。 曰「无平不 曰「易 泰之時慮其 而之泰,是先 于隍」,皆所 窮 夫否 濟 一陂,无 則 此 極 變,變則 恃 何 然 易之常 一,始則 則泰 三聖人 則陽 往 可長 否 以 「傾 而 後 而

深旨也。此皆極言人事之道而明《易》之九則言「傾否,先否後喜」,亦存勸之之不進,故九五言「休否大人吉」,至此上

### 同人

子貞。 
三 
就上 同人于野,亨,利涉大川,利君

通,故曰「同人于野,亨」。「利涉大川」故受之以同人。」夫天下否塞之久,人人皆欲其亨通,是必君子同志以興天下之大之稱,大凡君子推己之仁以及天下之大之稱,大凡君子推己之仁以及天下之人,施己之義以合天下之宜,廣大宏博,大八君子推己之仁以及天下之人,施己之義以合天下之宜,廣大宏博,大八君子推己之仁以及天下之人,施己之義以合天下之宜,廣大宏博,大之稱,大凡君子推己之仁以及天下之大,施己之義以合天下之宜,廣大宏博,大八君子推己之仁以及天下之大,施己之義以合天下之宜,康之、以與天下之大,施己之義以合天下之重,故曰「同人于野,亨」。「利涉大川」。

之道所利者,唯君子之正者也。 者,言君子既 故不以一己爲憂,所憂者,天下, 之心,忠恕之道,推之于身而加乎其民。 大川」。「利君子貞」者,夫君子有仁 天下之人同 人合心而從之,是君子之正也。 有大險大難亦得 己爲樂,所樂者,天下。以至天下之 心 推仁 而 歸 而 一義以 之,无 濟之也,故曰「利 同 有不 天下之心, 從,則 故同 不以 使

正也。唯君子爲能通天下之志。川。」乾,行也。文明以健,中正而應,君子「同人」。同人曰:「同人于野,亨,利涉大《彖》曰: 同人,柔得位得中而應乎乾,曰

尊,是得位得中而應乎乾也。以人事言是得中也。既中且正,又應于九五之以陰居陰,是柔得位也,居下卦之中,二、五之爻釋所以得同人之名也。六二義曰:「柔得位得中而應乎乾」者,此就

之貞 之中,上下皆有中正之德 同心 道。 之德則无所不濟,而天下之人莫不 是以乾之道而行也。「文明以 同天下之人,使天下之人同心 濟者,由君子以 行也」者,言所以得于野亨而 所 正 人之心以同天下,此 而應,君子正也」者,此以二體明利君 義之道推諸天下 君,君臣之道 通 而 圃 則 也。 也 應之,上下之心既 居下卦之中, 「同人曰」,此三字蓋 又 是 「「同人于野,亨,利涉大 了,故曰「文明以健」。 又以六 下離爲文明,上乾爲 有 如,在上者能以 中 同, Ē 勤健之德、中正之道 一之臣 則天 九五以剛 而在下者又以柔 君子之正也。 丽 下之人合心 同,是得 上 相 羨文,于 剛健之德、仁 應 健 應 險 于 而 健 健 m 八川。」乾 乾 故 難 同 居 中中 歸之, 與 以 无 義 剛 順 而 正 以 无 之 桂 > 是 子 率 不 中 歸 之

> 辨物。 象》曰: 則君子: 之德以 困。 廣宏大,无所不同,故能通天下之志也 盡。 之情,思 君子 唯君子則 子之正」,此 而 人莫不 ,爲能 是皆君子盡心于己,推之于人,恢 不傷。人莫不欲富,則君子厚 ·扶而 及天下。 慮 天與火,同人。 通天下之志」者,因上文明「 不 一然,但 不廣,唯止一身一家 欲 不 又申説君子之道。 · 危。 逸, 以天下之人莫不欲安。 推其仁義之道、忠恕 則 人莫不欲壽,則君子 君 子節 君子以類族 其 力 且 丽 而 凡人 而 己。 不 不

義曰: 其物 也。 善者同于不善,君子 其族,辨 是得同 言其分别 ,使各得 人之象也。 其物。 夫天體 族黨,使各以 族 居上, 其 所。 即 君子法 則 族 圃 善者 黨 與 火之性又炎上 君 也,物 此 其 子 同 象,于是類 同 于 類 即 道,小 物 明 辨 性

人則與小人同道。是類別天下,使各得

其同也。

初九,同人于門,无咎。《象》曰: 出門同

人,又誰咎也?

同人之道也。夫廣遠寬大,无所不同,是人之始,是其用心廣大,无所偏私,出于人之始,是其用心廣大,无所偏私,出于人之始,是其用心廣大,无所偏私,出于同人之道也。夫廣遠寬大,无所不同,是

宗」,吝道也。六二,同人于宗,吝。《象》曰:「同人于

義曰: 道 之親疏,不以己之憎愛,則盡 而 反 褊狹,誠 私 今六二不能遠大其志 心偏意,上係于九五之主,是其 宗,主也。 可 以鄙吝者也。 吝,鄙 也。 一, 廣 同 夫不 與 人之道 人同,

九三,伏戎于莽,升其高陵,三歲不興。

興」,安行也。 (象》曰:「伏戎于莽」,敵剛也。「三歲不

不懼九 道相 陵也。 義曰: 敵大正之君子,其勢自然不能勝, 不興」,安行也」者,以 者,言其以 興起也。 其勢必不克勝,故至于三年之間 者,夫以不正之道而欲犯于至正之人, 不量 進,故升其高陵以望之也。 戎,但伏于林莽之中,又且恐懼 正險陂之行加于人,故不敢顯然興 是以伏其兵戎于林莽之中。 上應于九五中正之君,君臣上下各以正 應。 己力, 輒欲私貪六二之應而奪之, 五之剛 興,起也。 《象》曰「『伏戎于莽」,敵剛也」 戎,兵也。 而九三以陽居陽,志好强暴, 不正 而輒欲 之道欲妄攻奪,是其志 夫六二以 莽,林 不正之小 敵之也。「二三歲 莽也。 「三歲不興」 中正之道 然而以不 而 亦不能 陵,丘 八其兵 而 不敢

九四,乘其墉,弗克攻,吉。《象》曰:「乘其三歲之間,安能行之哉?

謀奪九 之辭 《左傳》曰:「人誰 亦欲因 義 大焉。」此九四 己既不能克勝,故因其勢之困弱而反守 以義言之,是必不克勝也,然得吉者, 于林莽之中。 法 困 義弗克也。 吉, 也。 弱 則 而 則 其九三之勢,乘陵 五之偶,已爲大非,故伏其兵 墉,謂乘九三之墉也。 故得免咎 九三不量己力,志尚剛暴,欲 反 困 守法則,是改過之人也,故 而 今九四位乘于九三之上, 所以獲吉也 其吉,則困 反則也」者,言九 无過,過 而獲吉也。 而反則 而奪取六二。 ൬ 能 改,善 克,能 《象》 也 四既 戎 日 因 勝

遇,言相克也。 《象》曰: 同人之先,以中直也。大師相九五,同人先號咷而後笑,大師克相遇。

> 勝也。 力共治 得相 中之道、至直之德 應,然一舉其 九三、九四爲孽于其間 先號咷而後笑,大師 共成天下之治,是後有笑也,故曰「同 之,然後得與六二相遇,而 攻伐而克之,是先號咷也。 乘其墉,皆奪己之應,故己乃用 以 義 同 剛 日 一人之先,以中直也」者,言九五 遇 健 者,蓋以 于天下。 九五 停 與六二之爻,下以文明 師 中 則克之者,蓋由 正 九三伏戎 而 以 而 往 克相遇」。 相應,而 物 而不得與六二 伐之,故无 有間 于莽, 既 同 于 心 攻 欲 《象》 九 同 伐 太 己 同 一始以 以 力 師 四 而 而 心 以 大 相 以 日 克 又 不

郊」,志未得也。 上九,同人于郊,无悔。《象》曰:「同人于

義曰: 夫同人之道,貴其无 郊者,國 城 之外 所 不 同 曠 遠 則 之 可 地 以立 也

而 遐 功立 一曠之 己。 有所得,故《象》曰「志未得也」。 事也。 若其欲立功立事于天下,則 地 志无所同,但 今上九居同人之極,而 可以免其 其志 悔 處 吝 于

## 大 有

■ 難下大有,元亨。

義日 也。 歸焉,故受之以大有。」蓋言君子推仁義 也, 則天下之人皆同心而歸,是大有于天下 之心以及于人,行忠恕之道以 不以天地元大之德治于天下,則不能 言「大有,衆者」是也。「元亨」者,元,大 八亨通 通于天下,故曰「元亨」。 然則大有者,大有于衆也。 亨,通也。夫大有于天下之衆,苟 也。 按《序卦》云:「與人同 故大有之世必以 元大之德 者、物 同于物 《雜卦》 致

> 之,日「大有」。其 而時行,是以「元亨」。 大有,柔 德 得 剛 尊位大中, 健 而 文 明, 而 應 上 乎 下 天 應

六五 義日 生成 明 以得元亨之義也。 時行,是以『元亨』」者,此就二體 之民也。 順之中道而遠近无不應之,是大有天下 之也。推之人事,則是聖人在位,得柔 卦體言之,則是六五獨以柔順文明用 盡合于中,故天下之人皆來應之也 道行于天下,使天下之人无過无 在上,爲文明。 大中,而上下五陽他无所從,故皆來 能 則能照察于物。 |以柔順之質居至尊之位,以大中之 萬物,聖人以仁而愛育之。 應 順 此就六五一爻以釋 乎天 「其德剛健而文明,應乎天 (時而 剛 健則能幹 其 乾在下,爲剛 行也。 (徳既 剛 夫天以 卦名 健 而文 天以秋 不 也 及 明, m 應 其 而 所 以 夫

剛 ൬ 健文 獲其 人所 肅 殺 「元亨」也。 明之德,又上 爲 萬 皆 物 聖 順 于天 人以 以 刑 順于天時而行,是 時 罰 ൬ 而 行 懲 也。 勵之。 既以

揚善,順天休命。《象》曰: 火在天上,大有。君子以遏惡

惡之小者,則刑戮之。 位,則遏絶之。若惡之大者,則誅擊之。 所以不明者,由其惡不去也。聖 絶 也。 義曰: 之。若大賢,則置之大位。小賢,則置 爲惡者知懼也。天下之所以不知者,由 天之上,至明而 其賢善之人不用也。聖人在上,則揚舉 之小位。 順天休命」者,休,美也。夫福善禍淫, 其惡 君子法此 而揚舉其 夫火性本明,天體 如 此,則天下之賢者知勸也。 以 无所不燭,是大 善。 大有天下之衆,則當 何則? 大凡天下 如此,則天下之 居上,今火在 有之象 人在 谒

71、元 泛 善。 重 告,艮 则 元 告。 《象》 揚之,是能承順天休美之命也。 天之命也。 聖人在上,惡者遏之,善者

曰: 大有初九,无交害也。初九,无交害。匪咎,艱則无咎。《象》

以喜 者也。 然雖非 无心于物而不交于害, 豈凶咎之道耶? 九居大有之始,處卦之下,是无心于物 利 凡 義 于有害者也。「匪咎」者,言初九之所 子爲能用心廣大,故无意于交也。今初 以親 而 日 不變,則庶可以全得无咎也。 而 交于人,則必有害之者矣, 既无 <u>N</u> 交害者,相交以利 交于人,則必有怒之者矣, 而交于人,則必有疏之者矣, 咎之道,又當艱 心于物,則所 難其志,終久 尚遠大,不 害者也。 唯 以 交 君 以

我曰: 九二以剛明勤健之才,當大有

《象》曰「積中不敗也」者,言君子有剛 其位。 之時, 何由 以 所行所往无不利也。 從之,己有所興爲則君順之是也。 君者,何若? 往,无咎」者,夫君子懷 載 之才德積畜于内,雖授之大位,任之重 **弹** 于其中,而无有傾敗也。 ,而无有墮 剛明中正之才,爲六五之所委任, 而 而 미 甚任 履得 既得其位,患不得其君。 當 至 哉! 其 中道、應于六五、是其 重 重 廢之事,是猶大車之持載 ൬ 己言則君聽之,己諫 任 故曰「有攸往,无咎 不 者也。 至傾 所往 才抱道 敗者也。 猶 ・
既利 一則凶 一,患 所謂 中正 車 今二 不得 有攸 則 之持 故 健 君 得

當下卦之極,爲衆陽之長,是尊極之臣義曰:此一爻處大有之時,以陽居陽,曰:「公用亨于天子」,小人害也。九三,公用亨于天子」,小人弗克。《象》

咎」,明辨皙也 九四,匪其彭,无咎。 君子則 也 克勝其 立天下之大位 在 ), 故 曰 三公之任 任 用 「公用亨于天子,小人弗克」。 可 以 者 享 至壞 也。 也。 于 夫 《象》曰:「匪其彭,无 子而 然當 敗 以 E 小 此 事 人處之,則不能 行 至 而 天下之大道, 重之位,以 爲 害于 時

義曰: 之臣也,四柔 其善惡,辨别 非正之道而必有 曰皙,此所以 不奉三之心,則 正,則咎莫大焉。且九三位爲三公有權 下比九三之臣,處于君臣之間,若行不 上卦之下,履失其正 不有奉九三之心也。 「匪其彭,无咎」,明辨晳也」者,凡知 彭,謂九三也。 其 匪 順 其 事宜,知九三之不 屈節以 得 非 彭者,由 其 常之咎也,固當常 九 而上近六五之君, 无咎矣。《象》 趨附之,是行乎 四 匪 以陽居陰、當 九 其彭」者, 四能 可趨 明 有

附之而不附,故獲无咎。

備也。 交如」,信以發志也。「威如」之吉,易而无 交如」,信以發志也。「威如」之吉,易而无 六五,厥乎交如,威如,吉。《象》曰:「厥孚

義曰: 者,易,平易也; 《象》曰「「厥孚交如」,信以發志也」者, 者,言既以由中之信及于天下,天下皆 應之也。 則天下有信无信之人皆發其誠志以交 言發己之信以及天下之信,己能如是, 親信之,則是威德並行而 不賞而民勸,不怒而 相親信,故曰 于人,人亦以由中之信奉于己,上下交 上下皆歸向之也。 處至尊之位,是執柔示信以接于物, 道相交也。 孚,由 「威如」之吉、易而 六五居大有之時,以 「厥孚交如」。「威如,吉」 中之信也。 備,戒備也。言己既 夫己以由中之信接 民威于鈇鉞是也。 獲其吉也,故 交,謂上下之 无備 柔順 也 故 丽

> 易而无所戒備也。 之罪知懼,有此威德之著,故天下皆平賞一賢而天下之賢知勸,罰一罪而天下有孚信交于人,又有威德以及于天下,

有上吉,自天祐也。上九,自天祐之,吉无不利。《象》曰: 大

之有。 又以 自天 也。 義曰: 之道,履乎孚信之德,又以尚賢如此,則 之,是履信也。 之柔,是思順也。 也。」此言餘爻皆履剛,而上九獨乘六 之地,是能崇尚于賢者。 人之所助者,信也。 尚賢,是以 而下无 按《繋辭》云: 有不助之者,又何 又以剛 自天祐之, 吉无 六五有孚信,而 「天之所 ൬ 既能思乎柔 履信 居上,處无 助者, 思 乎 不利 不 己 順 位 利 履 五

III <sub>博上</sub>謙,亨,君子有終。

不能 終身 不濟 義曰: 謹 久而 則 柔 則皆恭敬之道,故有庸言之信,庸行之 君子則能先明其性,平其心,發之于外, 其所以爲謙之道也。 也,坤上柔 盈 盈,故受之以謙。」謙者,卑 近 順,則失于亢, 之謂也。 ,終身而行之,无有改也。 終久由之,故朝行而夕或改矣。 行之。 踐 而亨通 于佞。 履 按《序卦》云:「有 而 而 以二體言之,則 若夫小人亦有時 剛也 也。「君子有終」者,終,謂 不變也。 順也。 柔也,内外相 外柔 大凡内 既 夫用 盡 順 其 m; 大 謙之道貴 退 剛 艮 謙 而用謙,但 内 者 而 下 稱,此 不 則 不 不 剛 而 剛止 是无 自 可 而 在 盡 以

> 卑而 流謙 謙 尊 上行。 而 鬼神 日 光,卑而不可踰,君子之終也。 害盈 天道 謙,亨,天 m 「虧盈 福 謙,人道惡盈 道 丽 下 益 濟 謙 圃 地 光 道變 明, 而 好謙。 盈 地道 而

至 損 圃 卑,故其氣得以上升相 而上 義 而 則昃,月盈 尚以謙而後亨,況于人乎? 成萬物,是得謙亨之義也。 天氣下降,地氣 物,是得其 夫天體雖高,以 損之; 如 也。 益 流 曰:「謙,亨,天道下濟而光明,地道卑 水,既 謙」者,此以下廣言謙之義也。 行」者,此釋 謙」者,變, 益,增也。夫天之爲道,盈滿者, 則蝕,皆其類也。 盈 謙順者,增益之。 謙 滿, 而 上升,二 變易 其能 道 所 則必決泄 益 以 也, 光 降下其 濟以 得謙亨之道也。 明 氣 也。 相 流,流 以天地 成 「天道虧盈 圃 「地道變盈 氣 至如日 交 萬 m 物。 地 圃 布也。 能生 以 生 至大 中 其 萬

之也; 不能 若能 謙,則其德 爲人父、爲人兄,凡在 爲道 之,有謙退者衆共好之。 也。 之,庶民也,及爲子爲弟。凡在人下者 踰」者,卑者,以爵言之,士也, 光」者,以尊上而 其謙者,其在于人者可 有謙損者, 地之用也。 其 面 卑 也 行 好謙」者,人之爲道,有驕淫者 益尚 踰 ,終身由之 ,或虧變禍 下 鬼神 越 此聖人舉之以結上文耳 者, 福 謙 也 害 愈尊而光大矣。 則從而福慶之。「人道惡盈 則 有 謂 退,則雖在卑下,亦衆 「君子之終也」者、言上之 盈 盈 流 福 而 害其盈者, 而 滿 布 言之,若天子、諸 慶之也 不變者,唯君 福 者,則從 而 謙 增 人上者, 知矣。 以天 盈 者, 之。 而 而 早 鬼 益 地 禍害之; 神者,天 子 荷 電衆共惡 謙 而 流 鬼 此 以 謂 爲能 能 侯及 神之 人所 人言 尊 福 其 不 禍 可 好 而 慶 硩 害

寡,稱物平施。《象》曰: 地中有山,謙。君子以裒多益

義日 之,少者增益之,稱其物之多 之中,是抑高 君子假借其象,言物有 施與,是亦 山 體 本高, 抑高舉下之義也。 舉下之義, 地體 多 而得謙之象也 本卑,今山 者 減 少 面 而 裒 均 居 聚 平 地

「謙謙君子」,卑以自牧也。初六,謙謙君子,用涉大川,吉。《象》曰:

子。 歸, 其謙 義曰: 可知矣。 不 外,故衆 退,恭敬之心發于内,則 不 濟, 能 則 爲,唯君子則能行之,故曰「謙 而 雖 「用涉大川, 況 又謙者也。 有大險大難,用是而 心 初六以 于平易常處之時? 《象》曰「『謙謙君子」,卑以自 皆 歸 謙巽 圃 吉」者,夫 萬 夫謙 而居一卦之下,是 民 皆 謙 謙 服 之道 謙之道 君子 涉之,无 獲其 持 小 民 吉 衆 形 身 有 卑 既 所 也 于 君

敬,以卑而自守故 所 牧 以 也」者、牧、養也 謙而 又謙者,蓋 也。 守也。 内明 其 言大 (性,外 人 君 其 子

中心得也。六二,鳴謙,貞吉。《象》曰:「鳴謙,貞吉」,

于 道 皆得諸 吉」,中心得也」者,此言君子所作所 是得正道之吉也。 正,積柔順而行其謙,故聲聞流于人也。 二居卦之中, 義 「貞吉」者、言六二以謙退之聲聞于人、 E E 也。 聲聞流傳于人而獲至 故此,謙謙皆由 心,然後發之于外,則无不 鳴者、聲聞 以陰居 《象》曰「「鳴謙,貞 流 陰,是君子 傳 中 正之吉也。 于 心得之,以 外 也。 履中居 中 夫六 爲 至 于

以陽居陽,爲下卦之長,衆陰所歸而其義曰:「勞謙」者,言勤勞于謙也。九三君子」,萬民服也。

謙」,不違則也 六四,无不利,撝謙。 行之而 行道爲 勞謙者 祐助 之所歸。 治 位 人勤 「「勞謙君子」,萬民 于民 至 勞而 而 重 福慶之,則民之服從也可知矣。 也。 勤 己樂,不以 故故 不 且凡人能謙者,天地 行謙 變,所以 勤 上 「君子有終」者,言君子 不 則 ,則爲萬民之所服 已,无 謙 《象》曰:「无不利,撝 用謙爲己勞,故終 以 得其吉也。 服也」者,言君子之 奉 有 于君,下 厭 斁之心, 鬼神 《象》 而衆 則 尚 唯 是 謙 心 日 身 H. 謂 以

有之四 不利, 也。 義曰: 端士以贊佐其君,則爲治于天下无所 正 其彭」,然後 放 也。 此謙 撝謙」者,以其以陰居陰,履得其 「處君 **撝**,謂 何則? 之 四 得「无咎」,以其以陽 臣 亦在 之間 指揮之間皆謙也。 凡朝廷之間必得 君臣之間,乃言「无 ,故聖人戒 之言「匪 而居 Ī 夫大 陰

則 四 日 間,皆得用謙之道而无有不利 道 利 五之君,下比于九三之臣,而 至正之人也。 所 也。 以承接之,故進 也 「『无不利,撝謙』,不違則 以 然者,由履 今六四 以至柔之質而 以至正之人 于正位,不違逆其法 退 俯 仰 以 而 也 居柔位, 至指 盡 上 也。 」者,言六 近 謙 《象》 紫巽之 揮之 于六

六五, 〈象》曰 不富以其 「利用侵伐」 鄰, 一,征 利用侵伐, 不服 也。 无不 利。

之位 之,則 其鄰。 則 則 不待 義日 利」者,言六五以柔德化治天下而 是 能 죾 用其 富盛 是能執柔以 : 能 當此 率仁 用 以,用也。 四夷與天下諸侯; 而能用其鄰 其 之時,荷 人之教而天下共棄之。 鄰 國 治人 也。「利用侵伐,无不 六五以 有不 也。 、,居謙以遇物,故 庭不軌之人, 以天子言之, 柔 順 以諸侯言 居 能 至 用 尊

> 則其他 侵伐而克之也 下,必恩威 蓋 堯舜 時,不可純用于謙,其有不庭不軌, 有 乘天下共棄之心而 人,則衆所共怒也,以至仁 不利也。 有意于勸耳。 以 至仁 口 知矣。 兼用,然後 然先聖于此特言 |率天下 但聖人 何則? 伐之,无所 然尚 可 (在上,有叛逆之 濟。 夫人君之治天 有三苗之征 加 侵伐之,无 「侵伐」者 今當謙之 不利。 必以 夫

上六,鳴謙。 鳴謙」,志未得 也。 利用行 也。 師 征 可 邑國。 用 行 師, 《象》曰 征 邑

處于无 義曰: 行師 邑國」者,言上六 流傳于外 而 居无 征 位, 己之 上六居 位 邑 之地 本 日 或 上卦之 「鳴 以 雖行謙 元 而 其 謙 已,是其 功 √¶ \_\_° 極 實之效,故 謙 而 聲名既著矣。 利 故 謙 功未 用 亦 道 有 已 但 聲 得 師 及 名 可 征 而

周易口義卷三

### 周 義卷四

宋 胡 瑗

撰

悦順

雖

驅之死

地

mj

亦從之,故

豫

而

建

夫民

荷不

順

何

爲

而

可

哉?

民

心

既

己

侯行

師,无所不

利

矣。

若武

王之伐紂,

天下,

出

兵

行

師

以

討

其

叛

逆。

何

則

?

豫順 太。 乎? 天地 彖》曰: 《以動》 聖人以順 以 故天地 豫,剛應 順 動, 動 則 ,故日月不 如之,而況 刑罰 而志行, 清 而 順 過 建 民服。 m 以 侯行師 四 動 1時不 豫之

豫

震坤上下

豫,

利

建侯,行

上

經

下之民

無不悦豫

而

順從也。

以其順

天應人,是以一怒而安天下,天

時義大矣哉!

與初 以剛 義。 義曰:「剛應而志行」者,此 順 以動,豫」者,震,上動也; 剛, 六爲應,是上下之志皆得 陽居大臣之位,又處震動之下,下 謂 九 四 也。 應,謂 初 以二體 也 通行也。 坤,下順 九 明 四 其

之。

以二體言之,

則雷出于地

而

蟄

一蟲

之德以臨

于下,則天下之人皆悦

豫

而

從

人在上,大有天下之衆,而又能

持

謙

巽

有大而

能

謙必豫,故受之以豫。」言聖

日

豫,樂也,悦也。

按《序卦》云:

昭

勾萌皆達,萬

物

无

不 得

其

豫

悦

康熙本、《薈要》本作「悦豫」。

下之人既已悦豫,

則當建立諸

侯

一而分

也,●故曰「豫」。

「利

建

一侯,行

師」者,天

刑 也。 **无**薄 夜,凡 違、況 刑 所 者,聖人以 利 下之人悦豫 不及,是能以 而 又合乎時, 侯行師」之義。 如之,而況『建 有 也 以 罰 者 四 可 不 然此 禁暴止 時 知 言 刑之、當罰者罰之、懲一 口 順 「聖人 蝕之差, 行數十 建侯以治民、行師 措 也。「 不成」者, 聖 而 指 闹 人 悦 雖天 天 以 清矣,是天下之民服從而 姦,萬民之所深畏者 刑 所 而 豫 天 地 至 餘 順 四 從、故 侯行師」乎」者,此釋「建 動 也 罰 地之至 地 爲 順 萬 言聖人能 動 時 言天地之大, 皆 心 里,而无毫 以 丽 圃 迭 則 動、故 順 m 順 言者 豫 刑 行 刑罰 有 動 高、 順 于 以 罰 圃 以 所 蓋 戡 民 以 无 至厚 清 日月 故日 清 而勸 豫 難乎? 動 動 心 **整之過** 盭 而 聖 而 順民 作 代明 月不 繆之 民 尚 也 故 X 則 民 白 晝 用 亦 服 則 天 民 服 崩 過 之 從 天 愆 而 不 地 不 其 无

> 所 之辭 犯 動 忧 所 也 爲當順于心 「豫之時義大矣哉」者, 言豫之時 而已。 其義至大,意 聖 使 人 、歎美 後 人

德。殷薦之上帝,以配祖考。《象》曰: 雷出地奮,豫。先王以作樂崇

神 和 象其 既 也。 天下之民既 其德從 之和,使天下之人聞之 圃 悦豫之象也。 義 俪 使勾者盡出, 之和 動 和 日 ,又且薦之上 動,使天下之人皆從服而 成成 者 樂, 言雷聲奮出于地 而告其成功也 功 而 也 于是采其 雷者,陰陽奮擊成聲 崇高 而 出 作《大武》之樂,是 且 先王 萌者盡 也。 于塗炭而 聖人作樂, 天,配以 和 故若 觀 達,萬 聲 此 上, 作樂 丽 祖 之象 武 得 一考,所 物 則 无不悦樂, 不 其 E 和樂 伐 列則 震 和 惟 起 也 由 以 樂,于 紂 動 而 北也。 以 民 通 順 必 萬 殷,盛 滋 得 天 民 通 順 其 是 1 下 則 民 時

窮凶也。 初六,鳴豫,凶。《象》曰:「初六鳴豫」,志

終日,貞吉」,以中正也。 六二 也。 凡 无所 今初六致其凶咎者,志窮于悦樂故也。 夫以小人得志,則悦豫過甚,驕奢放恣 有盍簪之朋, 居豫之 ,介于石,不終日,貞吉。 樂不可極,志不可滿,人理之常也。 日 不爲, 《象》曰「「鳴豫」,志窮凶也」者,大 初,係應于四。 鳴,謂 以至聲傳于外而致其凶 而己應之,是得志于四也 聲名流傳于外也。 四爲 《象》曰:「不 悦豫之主 初六 一咎

行。 也。 義曰:「介于石」者,言介然如 主,有盍簪之朋,己上交之 IE 下交之而无褻瀆之心。 知幾之君子也。 六二處悦豫之時,居中履 是君子之人介然守其節操,堅 初六有鳴 九四爲悦 而 豫之凶, 无 石之堅 正 諂 一,是 三勁如 豫之 [媚之 中 勁

> 吉也。 石守其正 日」,是言六二中正而獲吉也 而作,不俟終日」,「介如石焉,寧用 先聖《繫辭》釋此 道 ,故不終日之間 爻曰 一君 所 子 以 克 獲 終 幾 其

悔,位不當也。 《象》曰:「盱豫」有六三,盱豫悔,遲有悔。《象》曰:「盱豫」有

有悔? 悔也。 其速悔矣。 有悔也; 也。 義曰: 也,三既以 權之臣,若盱睢諂媚以求悦于四, 以不中不 然則,六三何以進退遲速之間 盱者, 盱 蓋悦豫之時,以正而從之則 不 若遲緩 正 正之質而上近于九四 而 睢 所 而 諂 不求 求者又不正 媚之謂也。 于四,亦必 則 則 叫 有 心 操

曰:「由豫,大有得」,志大行也。 九四,由豫,大有得。勿疑,朋盍簪。《象》

·剛陽之德爲豫之主,然非至尊之位, 行: 此卦上下羣爻皆陰柔,而四獨

以

義

六五以柔弱之質居至尊之位,而

履

六五,貞疾,恒

不死。

象》曰:

六五「貞

乘剛

也

「恒不死」,中未亡也

疾,

謂

疾

病

也。

恒者,綿

綿

之

業。 任 得」,志大行也」者,九 簪,冠之笄也。 疑 以 乃 來,是得其位而有權,故其志大得 豫之主,上下羣陰悦附 之,不有疑貳之心,則彼將 附己,然而必藉天下羣才共成天下之事 豫」也。 附 天下之士,天下之士 ,朋盍簪」者,朋, 取其悦樂,是己之大有 專 從之,必由于己 權 羣材既 之臣 圃 「大有得」者,四既 來 也 已從己,己 也。 0 言四 權 圃 象》曰 既 類也。 後 秉悦豫之權,衆來 己 四 得 于己, 一必盡 事,是 皆合其 以 豫 『由豫,大有 引其 所得也。 盍,合集也 得衆爻從之 剛陽之才爲 也 誠 而又能信 故 以 朋 以 簪 E 行 信任 纓 下 也 由 而

> 之,而 六二 此六五 綿綿 柔弱 疾 位 然而 IE 失 也。 瀆, 號 其 盡 道 不 之 有 得 屬 而 Œ 又且乘陵于四,此所以得不死之 是至正之臣也。 爻而 絶 常 質 强 所以然者,蓋一卦之中最 已 所 ,又下乘 疾 ,故若周平東遷之後,天下之 而未至于亡也。 而 臣,而天王所存者位與號爾。 不 已。 也 死 履 者 失其正 其 執 九 以以 恒 四 不 其居 剛 節 是 今五乃 死」者 陽 堅 然所 有 之 中處尊,猶 勁 ()權 疾病 1,言六 ,所交不 不 臣, 存者,但 能 者也 Œ 委任 五 是 Ħ. 於

在上,何可長也?上六,冥豫成,有渝无咎。《象》曰:「冥豫」

冥冥而 悦樂過 義 樂之道,必 日 无所 甚 冥,謂冥 而 知 不 相須 識 知 ,以至 昧 止節 而 也。 成, 于凶 以 上六 然後制節 至 | 咎也 智 居 性 豫 之極 昏迷, 大凡 和

節之以 之太康 之患。 悦樂過 後和,一 「冥 過 无 也。 稷。 戒之意也。 下,莫不若是,故《伊訓》 反 人,凡酣 十愆,卿士有一于身,家 而 咎」者,渝,變 于身,國必亡。」故知自天子至 也。 而 不 得 (豫] 在 反 是皆智性昏迷,恃樂過極, 其 和 禮 思 獨 甚,是不 商紂作長 ,内作色荒,外作禽荒,而 一者兼 是樂必 所 也 樂過 則 人君 悔咎,自省 力 Ŀ, 言其悦豫過 樂 进,必· 備 庶幾免于悔咎也。 有 若 勝 何 則 知 則 也,言苟能 禮 禮 可 丽 然,至 夜之樂,以 不 所節以 有凶 以 禮 勝 長 至 于己, 爲 不 而 也」者,此 悔 甚,至于情 必 樂 于公卿 節 至 咎 曰:「惟兹 至冥 咎也 喪 不 變前 也 因 禮 則 至 0 至 其 暗 必 民 《象》 聖人 大 傾 之 逸 以 于 貽 今 上 邦 也 得 蕩 則 爲 樂之 土 夫 有 邦 君 至 圮 民 m 風 庶 日 而 渝 有 社 國 而 而 散

> 冥 能 而 渝 變 不 知 則 所 口 止 以 无咎 是 何 可 長 如 此 乎 ? 言

()

#### 隨

## Ⅲ 震下隨,元亨利貞,无咎·

也。 下之隨己,故當修天地生成之四德, 者,此天地之四 則天下皆悦樂 兑上爲説,震 豫,必皆樂 受之以 後可以使天下皆悦 義 日 有此元亨利貞之四德,能 凡人將隨 隨。」言聖賢在上 按《序卦》云:「豫必 而 下爲動,是聖賢動 隨 于人者,亦當 ൬ 德 之也。 隨之也。 也 而 隨 凡聖賢之人欲天 然謂之「隨」者 之,則 ,既得天下之悦 「元亨利貞 審 有 生成 其 口 順民 所 以 所 隨 一一一天 隨 免咎 心 之 故

咎也。 叫 以求人之隨,及隨于人也 者,然後隨之, 是隨之道 ,則得 必 以 此 其 四 所 德 安而 兼 備 獲 然後 其无

矣哉! 大亨貞,无咎,而天下隨時。隨時之義大人家,因: 隨,剛來而下柔,動而説,隨。

者,言隨時之義至大,非大才大智有上 至尊之位,至貴之勢,接于臣 兑以 匐,及時 就二體以 下也,故曰「剛來 故賞罰號令一出于上,則民皆悦然隨于 而 義曰:「剛來 元亨利 大亨貞,无 而 下于柔 无其咎過,則天下之人盡 説,其性柔。 加 貞」之四 也。 釋其義。 隨之矣。 咎, 而 猶聖賢君子以至剛之德, 下柔,動 而天下隨時」者, 而 德 今震在兑下,是剛來 夫震以 下 也。 隨 -柔,動 時之義大矣哉 而説,隨」者,此 言有是 動,其性 而 而下于民, 上將奔 説,隨」。 四四 走匍 . 德兼 此 釋

也,故先聖于此重嘆美之也。四德之人,必不能使天下之民悦而隨之

宴息。《象》曰: 澤中有雷,隨。君子以嚮晦入

之備 道,不 義 義曰: 爲 從之,固當韜光養正 也。 且 而 自安息而詳審其人,使可以隨,然後 之一奮, ·,使其元亨利 顯然 隨 患 隨之,則得其 于己,亦 而後隨之。 「君子以嚮晦人宴息」者,此當 君數斯 ·可輕 言隨之時 而 細矣,故《論 則 雷 往,至于中道有 動; 萬 在 當 辱 物 澤 皆隨 貞 轁 矣」是也。 道 中,是待 必須待其人 雖然 必當慎 光 四 也。 語》曰 ,向于隱晦之中, 潛德 德之備, 而 亦 震 苟不擇其人,又 以其所 未 時 向向 一朋 所不至, 動,是 又若 可 而 以 有是 于 友 以 則 動。 數 冥 顯然 隨 君 爲 晦 子欲 隨之 之象 斯 則 有二 若 四 之 其 往 以 疏 而 雷

伊尹 樂,无憂勤之志者哉 所以安之之道。 之。及天下既隨之後,則亦當 上,天下未隨之時,則當焦心勞思 隨,可以无爲,不勞明 之道,尤宜 也。故先聖于《象》辭以戒後人: 王,七十子之隨仲尼,皆得其爲隨 自 起華而 然隨之也。 重慎也。 隨湯,太公起海 豈有物既隨,而荒 故君子之隨于人者, 注疏謂:「物皆説 鑒」,且凡 濱 憂 聖 勤 而 一人在 之道 怠佚 以 隨 凡隨 而 治 思 文

不失也。曰:「官有渝」,從正吉也。「出門交有功」,曰:「官有渝」,從正吉也。「出門交有功。《象》初九,官有渝,貞吉。出門交有功。《象》

今初九居隨之時,當動之始,固宜易所則其人之可從者,決然往而隨之可也。之世,則必觀時量勢,而變其前之所守,素有所主守,確然持一節不變者,當隨義曰: 官,主守也。渝,變也。大凡人

若時不 則必 素守, 從于正則吉也 所守,以道自處 未可以語聖賢之道也。 凡人之守節,確然執一而不能通變者, 也。 者,然後交之,乃可以獲安而 有所主,亦必擇其人之善者 時通變,无所執泥。 默以待其人,而已出門矣則必擇其有 可 「出門交有功」者,言不能韜光 以 《象》曰「『官有渝」,從正吉」者,大 視其有四德之備大賢大正之人,使 隨之則隨之,則于正道得吉也。 擇其 可動,而人不 人 而 也。 隨 之也 當可隨之時,雖素 可隨,則 然雖去就不同,但 夫聖賢之道隨 既 欲 而從之也。 退 不失其所 澤其 晦迹,拱 而固其 功

子」,弗兼與也。 六二,係小子,失丈夫。《象》曰:「係小

也。大凡陰柔不能自立,必得剛陽之人義曰: 小子,謂初九也。丈夫,謂九五

兼與也。 初 隨之時,是必 不至于凶咎也。 言凶者,蓋聖人于此戒之,謂其尚有從 六二履于中正, 之,故己以陰柔之質因而附于初,是失 以 正之道。 而无常守故也。 五 從此 爲正 係之則 與」者,言係于初則失五 五之丈夫而係初九之小子也。 應而 則失彼,從邪則失正,是不可以 若能係于九五而舍于初九,則 可 也。今六二居隨 最遠之,初九非 全遠 何係乎非應? 夫以不定之性 《象》曰「『係小子」,弗 而係近矣。然所以 ,係于五則失 其 之時, (應而 而 蓋 然則, 又 陰 切 與 居 九 弱 不 近

六三,係丈夫,失小 到 也。 《象》曰:「係丈夫」,志舍下也。 陽之人以隨之也。 六三亦以柔弱之質不能自立,必得 丈夫,謂四也。小子,亦 子。 上既近於四,而 隨有求得 謂 利 初 居

> 九之小 夫之賢者,友其士之仁者。」 蓋言必得正 其終也。故仲尼曰:「居是邦也,事其大 朋黨之間所相隨者,必皆以正則可以全 其利,而无凶咎之事也。 所求有得也。 時,六三上无正應,九四又下无正應,是 四皆非所應,今既相從,必以正道乃獲 又遠于初,是 兩无所繫而又相比。 端士,然後可以相從也。 《象》曰:「隨 隨有獲,貞凶。 子也。 以 「利居貞」者,言六三、九 隨 有獲」,其義 隨 九四之丈夫, 有 有孚在道以明, 今六三往隨之,是 求 得 是以 」者,言 X 也 凡師友、 而 隨 失 何 初 之

咎? 孚在道」,明功 九四, 也 「有

義 廣大,无所係吝,天下之民欲隨于己,己 而己以剛明之才得居人臣之極 納 日 而不拒之,是有 九四以陽居陰, :所獲 履 也。 非 其 位,用心 「貞凶」 正。 然

信也。 其刑 之道 道」,明功 然尚不免紂之疑而 紂之時,三分天下有二,而記者 之道,以 于上,盡 故必當推其至誠至信,率天下之民 歸之也。 于民,而己又當臣位之極,故天 君之民,侵取君之權,蓋 凶 有之,則侵權擅民 于君,則 「文王有君民之大德,有事 也。 是臣子之道 ,而上得剛明之君,知己 戮而逃其悔吝也。 民,君之民也,己居人臣之位 道,臣子之道也。言九四雖擅 「有孚在道以 明 其齊物之心,顯然推 然既在嫌疑之地,則宜 可以免咎。 也」者、言既有孚信 非有叛逆之惡,則 當顯 于人臣之正道,大 有羑里之囚,幾 明,何咎」者,孚,誠 《象》曰「『有 然 故昔者 盡 是君之澤未 其 君之小 非 誠 在 庶 白 稱 下 叛 于 信 文 미 其 如 王當 違 臣 孚 之日 皆 心, 以 以 臣 至 以 何 而 子 子 奉 願 下 免 ? 有 爲 輒

意,故足以明己之功也。

位正中也。 九五,孚于嘉,吉。《象》曰:「孚于嘉,吉」,

不鼓舞 隨之望? 義曰: 己,而輔成天下之事業也 能爭信 吉」,位正中也」者,言九五爲中正之君 而履得 下應于六二,六二亦爲中正之臣,而己 大才、大賢、嘉善之人,以共成天下之大 則吉莫與盛。《象》曰「『孚于嘉 其 而隨之。然則,如何以副 而任之,則天下之賢皆來隨于 九五居隨之時, (正,處于大中,故天 故當虚其心,盡其誠,以信任 以 剛 下 陽 天下所 之人莫 居 至

《象》曰:「拘係之」,上窮也。上六,拘係之,乃從維之,王用亨于西山。

極,是其凶頑而不從之人也。夫凶頑之于上也。今上六處卦之終,最居于上義曰: 夫隨之世,天下之人莫不畢從

誅 之。 民 惡 山,以上體 用 待 也。 其 伐 亨 方受其 拘 而 ൬ 雖 E 此上 維 夫聖人在 西 囚 一者興 西 (害而 繁之, Ш 繁 方險阻之地 一兑,兑,西方之卦,山,取其險 六凶 係 」者,維 而不從,聖人起 罹 之 使不 其 頑之人,置之一方,則 後 上,天下之民莫不 (險惡。 乃從 ,即維繫之也。 能 亦得亨矣。 萌其惡 也 今既 而不 「維之, 以 加 服 之以 毒 歸 于

■ 異下蠱,元亨,利涉大川。先甲三日,後

甲三

日

云: 一蟲食 日 : Ш 又言穀之積久腐壞者, Ш. 蟲爲 蠱, ,有敗壞之象,故 壞也。 蠱 ,穀之飛者 按《左 亦 傳》昭 爲 云 則 公 變 Ш 蓋 元 蠱 圃 言 爲 爲 年

天下蠱 《雜卦 則 ? 紀也。 下 天下弊壞之事,不可 弊,使天下之生靈各得其 道施 涉大川」者,大川,謂大險大難也。 夫治 地大通之德,于人爲禮也。 天地大生之德,于人爲仁也, 之,則是 飛 大生之德、至仁之道以 涉大難 禮制而 蟲, 然後可 有 爲 以 亦蠱 》 日 夫 屯 壞之時,思欲拯治之,必有天 方此之時,聖賢之人必 圃 天 物 風 奮 難, 拯 - 蠱 拯葺之,以救 地 以 敗之象,故云「 俗 既 治之也。「元亨」者,元者 之 治 況 不 薄 則 蠱 德 聖 其 顧 惡 飾 敗,則 心,教化 賢 至 事,措之安平 也」是矣。 己之私,存心於天 安然 治天下蠱敗之事, 廣至大,而 必 弱扶衰,興 拯 陵遲 穀之飛者亦 濟之, 當 大 而治之,必在 言聖賢當 八通也。 脩 而 以仁義之 以人事 亨者,天 發生萬 也。 不綱 滯 又當 地 此 何 利 補 故 爲

者、庚、F 新。 丁寧 失于奢者,則以 之,則當以仁恩之令而爲之先也。 爲,皆在上者致之也。 之令也。 豈 于塗炭者,則出之而使安其所, 民有匱乏者, 五行爲木,木主春,春爲施生,故爲仁 于凶頑 无 ·而勸 險 故先之三日以申諭之,後之三日以 甲 難 戒之。 ·皆申 凡事已蠱 而 乎 陷于刑辟 ? 則出粟帛以濟之: 令之名也。 禮 「先甲三日,後甲三日 如此 而 敗,非下民之 節之, 者,則使之改過自 則天下之事无有 然聖賢必 凡 事, 民有未 所 欲 是故 民 民 有 出 有 治

有事也。 彖》曰: 蠱,元亨」,而天下治 先甲三日,後甲三日」, 剛上 而 也。 柔 下, 利 巽 涉 大 ൬ 終則有 ÍП 止 往

舉矣。

義曰: 上體艮爲剛,下體異爲柔。夫

静。 艮爲 耳。 天下 之行仁恩之令,先之三日,後之三日,終 之,庶成天下之事業也。「『先甲三日 後甲三日」,終則有始,天行也」者,言上 以 以 而復始,若天有四 治蠱敗之事,則雖大險大難必往 「蠱,剛上而柔下」。 利涉大川,往有事」者,言聖賢之人欲 始終終,无有休息 斷 奉令,故蠱 又能 今此卦 夫能 止 制于下 之事 ,下體爲巽,巽爲 行權,故 用 所 上既剛 ·,下无柔順之心以從令于上 權 以弊壞者, 敗之事可以 者多 口 時之行,春生而秋成 明 也。 以 失于鎮静,今既 「巽而 줆 治 由 能 上无 蠱 權變,艮爲 止 得治也 斷 敗 ,蠱」者,上 ,下又柔 剛 之事也 明 二而治 故 止 鎮 順 日

育德。《象》曰: 山下有風,蠱。君子以振民

義曰: 按《左傳》云:「在《周易》,女惑

男、風 于天下,不使至于蠱敗也 其 下 氣能 所 風 而 敗壞之事,振 蠱之象也。 落 遂其性,又且養育己之德業而 生物,亦能落物,此即肅 之所落 Щ 謂 之蠱。」言山之有 而在 君子觀此之象,以拯救 濟 山之下也。 萬民之難,使皆得 材木、 夫風之 殺之風, 加

《象》曰:「幹父之蠱」,意承「考」也。初六,幹父之蠱,有子,考无咎,厲,終吉。

乎外, 權變以 之也。 義曰: 之蠱」。「有子」者,夫能代父之任 言父有不能幹家之事 肅,是得其爲子之道也。 家之事者,子之職也,一不能然,是无 今初以權變而幹父之事,使男正 女正位乎 承家道 初六居卦之始,得巽之體 大凡事之蠱敗,必求所以 而幹集父事,故云「幹父 内, 内外和睦,上下 而至于蠱敗,咎莫 「考无咎」者, 能 脩 而 整 子 位 成 用 飾

六能 事,則 此」,所謂孝也已。」又哀公問于孔子 大焉 厲,危也,言初六 謂孝者,國人 其父雖至于終没亦免其咎,而致其 之,則使其父免咎 親之名也。」蓋言父雖有過,而子能 子之子,是使其親爲君子也,是爲成其 者,人之成名 薌,嘗而薦之,非孝也,養也。 君子之所 以光于後也。 六不唯能幹父之蠱 父」曰「母」,死曰「考」曰「妣」。 ,是主艱也,故當常若危厲在前 也。 ō 用其權變,以 何謂 可 苟得賢 使 然謂之「考无咎」者,夫生 其 成親?」孔子曰: 也。 父立于无過之地 (稱願然曰『幸哉,有子若 故《祭義》曰:「亨、孰、羶、 明之子以 居卦之始,幹父蠱 百姓歸之名,謂之君 幹濟其事,使其 矣。 加 致父于无過, 「厲,終吉」者, 代其 「君子也 任 矣 蓋 而 、恐懼 敗之 終幹 令名 言 父 兼 成 使 日 得 其 初 初

其始 之蠱」,意承「考」」者,意謂心之所 存,以至孝事其親 言爲子之道不可盡循父之命,但心之所 ,則終可以 獲吉也。 而成之耳。 《象》曰「「幹父 存也

之蠱」,得中道也。 九二,幹母之蠱,不可貞。《象》曰:「 幹母

道也。 《象》 之蠱 思忠于君,下思利于民,不可屑屑然,專 之蠱」。 忠于君而 以治閨門之事,久執其道爲己之正 内,是能幹其母蠱壞之事也,故曰 二以 一,在外則能幹父之事,在 剛明之德居得中位,在内則 曰「「幹母之蠱」,得中道也」者,九 九二以 「不可貞」者,言君子之人必上 利 于 民,是周旋進退皆得 剛 明居中 而 在 朝 廷 能 内 幹 卦之 則 于 幹 也。 能 中 日 13:

九三,幹父之蠱 幹父之蠱」,終无咎也 一,小有 悔、无 大咎。  $\wedge$ 

> 之蠱」,往未得也 四、裕父之蠱,往見吝。《象》曰:「裕父 則有能 于至 閨門之教而幹成其事,則終无大咎也。 必小有悔恨之者。 行則克幹其事 義 家事,則必傷于和睦之道,而親 悔,无大咎」者,言九三全用剛斷以 日 正 斷之才,正 ,故能 九三 以 幹 而无所不 陽居陽, 父之蠱 然己代父之任,整 一則公而 有剛 濟也。 不私,以此 何 則 明之 族之間 德, 、幹其 小 有 肅 別川 而

蠱。 義曰: 少能 任 敗之後,无剛明果決之才,不能代 柔弱之質將有所往,必見悔吝 壞其家。 而幹家之事也。 然初六亦以陰柔之道乃能幹父之 寬裕其父之事耳,故 往見吝」者、夫承蠱敗之後 夫父以 而六四又以柔弱之質 柔懦 然而 不 能 以陰履正,故 剛 日 決, 一、裕 而 承 无 以 父之 父之 所 其 而 至 成 旧 以

六

濟其事,故往見吝而无所得也。 既居事壞之後,而无 爲萬世治家之法當在于始也,是以 其事,致父于无過之地,故聖人言之,以 壞敗之始,當幹家之初,能 爲子者,不可以无剛明之才也。 此 即往 而 見吝。 何 剛明之才,不能幹 也? 用 權 蓋 今六 變 初 爲 六 以 四 臣 居

譽」,承以德也。六五,幹父之蠱,用譽。《象》曰:「幹父用

義曰: 德」者,言六五 治其事,使社稷 美之譽也。 道,下應九二剛 名也。蓋以大中至正之德,承父之志 而能代父之任,承家之事,又 能幹父之蠱者,蓋承以其德 一而天下嘉美之譽自然至矣。 譽者,嘉美之稱也。 《象》曰「『幹父用 所 永固 明之人,用是 以 用譽者,非 ,生靈受賜,各遂其 不不 有 譽 所 徒 六 在 五 取 以 承 中 于 得 剛 所 以 虚 以 嘉 > 威 以

事王侯」,志可則也。上九,不事王侯,高尚其事。《象》曰:「不

既 問既 成也。 爲,自賢 未聞 心 有衰耗。 王侯」,志可則也」者,言上九之不事 利于民。及夫國家既濟 而 義 之所法則也。 侯,蓋有足止之心、高尚之行可爲世 而自崇 成,則 而 治 日 高 極, 不累其位,退休歸老不事于王侯 于家,人臣之始竭力盡忠以 尚 高尊尚其事也。 大凡人子之始,竭 入而 休退宜 夫事治于始,至于終 而苟年德衰耗,則必有止足之 其事 若周公之輔于周,亦卒于周, 下則 言聖人之德始終如 也。 也。 不 夫有 能 无 世 ,●功業既 《象》曰「不事 周 衰 力 俗所謂 、耗矣。 公之資則 盡 則 孝 事 其 以 成,榮 功業 君 事 一,无 事 口 俗 丽 父 己

❶ 「國家」,康熙本、《薈要》本作「家國」。

\_\_ 九

高 外 豕 則无 也。 鹿 傲衣冠, 内 木 ]則无 心 石 于 之伍 心于 晦 迹 家,不孝于父 山 不 耳, 忠 林,遠去人迹。 非 于 聖人言 君 而 利 加 其 蠱 幹 民, 其 上之 此 直 旧

坤 兑上下 臨,元亨利貞。 至于八月有凶

臨

義曰: 興起, 也。 立事 故受之以 君子之道得 元亨利貞」者,天地之四 ,秋之成,冬之固,使天下无一物不 此卦之體二陽漸 業,必自小 也。 按《序卦》云:「有 有 然謂之臨者,居 臨 四 行,有才德以 德之備, 臨者,大也。」聖賢之人興 以至于大,故臨 進,是聖 如 德 春之生,夏之 臨 事 上臨 也。 于天下也 而 賢 後 夫聖賢 下之義 所以 能 起, 大, 次

> 安不 卦爲 深戒 也。 也。 也。 進 深 久臨 陰氣之侵逼。 君子道長 二月,斗建 其 思 月,今之六月,斗建未之時,二陰生 ,則至于侵害矣。 忘 也。 極 至 于天下,而无有危亂也 遯,以至爲否,陰氣漸 猶君子乘時得位以臨于人,若 臨卦二陽 无 其危,在其治 慮 于八 一民 言二陽始進 而至于八月有 以 丑之時也。 防其 月 不 生,即 至于八月二陰之生, ·受其 有 (失, 使 凶」者, 不忘其 賜 故當此之時, 周之二月,今之十 此言聖賢興起 進而不已,不顧 小人 凶者,蓋聖人之 迺 進,陽 可 月 亂 得 以 乘 氣 即 臨 不 居 隙 于人 必 則 周 其 能 其 消 而

應,大亨以 彖》曰: 不久也。 正,天之道也。 臨 剛 浸 而 長, 至于八 説 而 順 月有 剛 中 而

義

日

浸,

漸

也。

言所以

爲

臨者,二

陽

既能悦 故能 也。 卑賤之俗,疏遠之民,其情曷 者,上 君,以 者,此謂九二以剛明之德而處下卦之中 賜,彼皆悦然以 始 民,生成 民以交接于下,則下之志皆得上通 于民心,使天下 恩曷以 至嚴之威 長是聖賢之人臨于天下,有至尊之勢, 下也,故 「大亨以正,天之道也」者,夫聖賢在上 生, 凡臨人之道,必 行「元亨 一坤爲 漸 其 下哉? ,消不久也」者,此言二陽漸 丽 萬物、此 E 而 德 順 也。 順, 進 「臨,剛 漸 人,以剛 于 利 進 其勢至尊,其 下兑爲 順 是必有仁義之化 ·无 位 ~, 猶 貞」之四 乃天之道 于上也。 不 興 浸 君 明之德先于臣 ·被其澤、无不受其 須下其身、先于臣 而 悦 立事業 子 長」。 也。 ·得其 德,以 也。 「剛中 威 以 言 以 至嚴, 時, 「至于八 通 説 撫育 剛 以 臨 ·而應」 前 而 悦 于 遇 也 順 萬 順 其 則 而 天 其

> 意 此 而 道 進,使其 至于八月,二陰既 至 言之, 陰始 也。 其黨漸熾,故有侵害之事 不久而 于 八月 亦 生, 如 少 所 漸 二陰浸長,則 君子之待 /得勢, 小人之勢尚 退矣。 以深戒萬 ,則必侵害君子,君子之 長,則小人之道漸盛 然不曰 其 世 時 陽 弱, 道 居 安 七月者,蓋其 不 也。 不 未能爲害。 顧 久 思危之 聖人至 小人 丽 消 剥

窮,容保民无疆。《象》曰: 澤上有地,臨。君子以教思无

天也。 澤,而 義曰: 施 子法此之象,汲汲然惟 澤上有地,臨」者,蓋地之勢最附 其教化以臨于民而无有窮已也,又能 夜以 澤又依著 至下,地 夫臨者,居上以臨 思之, 畫以 也。 于地,是臨之象 今不 行之,焦心 恐 一物之不被其 云天 下 也。 ニ 也 極 至高 近 而 于 日 君

子者不 臨民者,二也; 而 寬 不可以臨 也, 民也 又有元亨利貞之四德,夫然後可以 容保安之而 能思其 能 民者、三也。須三者之道兼備 教而 无 教 不能寬容之,則不可以 能容 有 化 疆 則 而不能保安之,則 畔 不 也 미 臨 然則 于 民者 八爲君 臨

志行正也。 初九,咸臨,貞吉。《象》曰:「咸臨,貞吉」,

之,則得其正 非 臨,貞吉」,志行 之,則天下之民莫不感悦 身,以先于臣民者也。 明之才居一卦之下,是聖賢之人 勢,至嚴之威, 成臨」。 苟欲柔邪佞媚以取悦于天下之人,蓋 日 咸,感也。 既能 而 下其身,先于人,人皆從 以臨 正也」者, 獲吉 夫剛者 于 也。 人。 夫既 且聖賢之人, m 《象》曰「『咸 今初 必 下其身以 從矣,故 有 力 至 一尊之 下 以 先 日 副川

之下,是其志本行于正也。下之利耳。今初九以剛明之才,處衆陰上之臨下,以仁義之化行己之道,興天

吉,无不利」,未順命也。 九二,咸臨,吉,无不利。《象》曰:「咸臨

者也。 義曰: 能下其身以接于民 過與不及,皆得中道 而 人,天下皆感悦而歸之,无有不順其命 當爲羨文。夫九二有剛明之德以 利矣。《象》曰「未 九二以剛明之德處 從之,然未得其中,故 之人莫不感悦而歸之,故曰「咸 中,下其身以先于臣民者也,是以 「吉,无不利」者,初九雖能使 有 未順 而經文言「未順命」,豈 九二亦以剛明之才居下卦之 命者乎? 順命 下卦 則 蓋《易經》傳之久, 丽 也」者,此 獲其吉而 但得貞 又居衆陰之下, 之中 」, 則 人感悦 天下率歸 吉而已。 臨 无所不 所爲无 「未」字 臨 也。 天下

其間不能无脱誤,故此「未」字當爲羨

文也。

長也。曰:「甘臨」,位不當也。「既憂之」,咎不曰:「甘臨,无攸利。 既憂之,无咎。《象》六三,甘臨,无攸利。 既憂之,无咎。《象》

則 者, 言六三若能以己之不正而反自思省 譽」者是 利矣,故在《書》曰「罔違道以干百姓之 之悦、一時之譽,然于天下之事終无所 媚之道,以苟且取譽于民,雖苟得頃 爲上者以此不正之行、悦媚之道而臨于 義 不中不正,又居兑之極,是過于柔佞也。 人,故謂之「甘臨」。 日 可 憂其危,知甘佞 以 免咎悔也 也。 甘者,柔邪佞 《象》曰「『既憂之』,无咎」 爲 夫以不正之行、佞 非 媚之道 而變從于正道, 也。 六三 刻

> 以正朝 其 正 明之援 遠近莫不 正萬 也。 從,是上之臨 身正,不令而 六四以陰居陰,處不失正,是能正 无不從,是至于爲臨之道 陰居陰,是履得其 无咎也。 義 之效,固不可以无正也,是以孔子曰「其 一失于正 日 《象》曰「『至臨,无咎」,位當也」者, 民,正 也 : 以 廷,正朝廷以正百官,正百官以 臨 吅 蓋上之臨下,必得 萬民 四所履得 于正,誠 人于邪,則 于人,能 行」。 下必由于正也。 以 苟不 IE. 正。 至 由居當其位而行得 四 E 于臨 以此臨下,則 下之從也 方。 ,下應于 正其身,雖令不 而獲其无咎 其 下 正四 今六四 E 之 道。 岩影響 初 道 九 而 則 以 剛

之宜」,行中之謂也。 六五,知臨,大君之宜,吉。《象》曰:「大君

義曰:「知臨」,謂能用羣賢而任知以臨

口 義

四

于此。 己則 不能周 臣 也。 于人 下至大,生靈至衆,居上者以一耳一目 日二大 大君所行之宜而獲其吉也,故若堯舜之 之賢莫不竭其聰明,盡其才智以輔于己 之才,五以至誠接納 履至尊之位,得大中之道。 君 以 也。 臨 能用天下之賢以知而 미 而任臯、夔、稷、禹之徒是也。 也。 其視聽,必得天下之賢才以 ,君之宜」,行中之謂也」者, 于下,是大君所行之中道莫尚 六五 今六五能 以 陰柔之質居坤順之中 而信任之,故 任用剛 臨于人,是得 九二有剛 明 才智之 夫天 天下 輔 于 明

吉,志在内也 上六、敦臨、吉、无咎。 《象》曰: 敦 游。 之

坤之極,是能 「吉、无咎」者、六四、六五皆 敦,厚也。 以敦 厚 坤 之道 爲 博厚, 而 下 丽 有 臨 上 于人 六 剛 處 明

> 陰同志皆樂下復,是其志在内者也 己助,然能以敦厚之德附于二陰,故三 樂于下復,是志在于内也。何則? 者,夫坤之體本在于下,今在上,而其 咎」。《象》曰「『敦臨』之吉、志在内也」 矣,必須吉 德,然下无 之援,所以 上六處一卦之極,雖下无剛明之人以 IE 獲 而咎乃 應,无剛 古。 今上六 得免,故曰「吉,无 明之助 雖 是 有 敦 本有咎 厚 念

觀

Ī 異坤上下 觀 盤而 不薦,有孚顒若。

明之德 義日 然後 此 卦 觀 之 可 而 化之也。 體 以 觀,故受之以 《序卦》云:「臨 臨 ,二陽在上,是聖賢之人有剛 觀 于天下,使天下之人 觀, 盤而不薦」者,盤 觀。」觀者,觀 者,大也。 也。

| 彖 | 日

大觀在上,順而巽,中

Ė

以

觀

天

盤

而不薦,有孚顒若」,下觀

而

化

懿之心 熟之時 熟之時 薦 然、盡其恭肅、以 以 若,語助也。 者,孚,信也, 幽 子始入廟,則 如始盥之時而 下之人觀之以爲法則 之時,禮數煩 心,以爲天下所 御天下,必 至誠之心、恭肅之意莫不盡之。 法之,皆以 陰之時 者,皆祭宗 也。 則其禮已煩,雖有强力之容、恭 則 也。 當 亦倦怠矣。是以聖人在上臨 夫始盥之時, 劇 言聖人既能 如 孚信 必 廟 臨 薦,謂三獻薦腥、五 ,其志懈怠,則不 觀法也。 盤 始盥之時,盡其至 所 應夫上也。 制 願,謂 手 行 天下,則 而 之禮 酌 應 也。 恭 鬱 之。 固 其禮 盡 鬯 肅 也 「有孚顒若 不可 天下之人仰 于 至誠之心, 之貌也; 其貌顒 簡畧, 若薦 地 盤 能 如 使天 行 誠 獻 以 謂 腥 之 薦 顒 薦 故 求 天

> 道設教,而天下服矣。 也。觀天之神道,而四時不忒。聖人以神

之所觀 天下 之 道 下,使天下皆有 履至尊之位,有大正大中之德以臨于天 五 觀 所懈倦,而又示之以權變之道,使民 道以下于民,則天下之民悦而 尊大,不自高抗。 言,下坤爲順,上巽 下」者,夫觀有二義,以度而言之則謂之 于上,臨觀于下 義曰:「大觀在 而言。 而 (雖有剛明之德以臨于下,然在 ,以目所觀亦謂之觀 ımı 不知 服」者,此廣明其義也。 四 仰也。 時不太。 蓋 其所 以陽居陽,又處上卦之中, 「順而巽」者,此以二 以然 ,使其教化浹洽, 上」者,謂 所 凡所作爲皆用柔順 聖 觀 爲權也。 人以 也 法也。「觀天之神 也。 此 中 神道設教,而 土卦以 此一句指· 夫聖 言下之人 Œ 從之,无 以 乎不 而 賢 體 觀 陽 天 自 由 九 天 之 而 居 下

業,不知其所以然而然也。 法之,亦以至 既 成治天下,使天下之人各安其性而懷其 夏長,秋 也。 觀 測其用。 以 上之道 爲 天運 法 成、冬固 則 四時之行,无或差忒,聖人 至神之道,生育萬物,春生, 也 以 神之道設爲仁 爲法則,而聖人又觀天之 ,使物皆遂其性 「神道」者,陰 .義之教,以 陽 一而不可 不測之

民設教。《象》曰: 風行地上,觀。先王以省方觀

義曰: 之教以行于天下,使一民一物皆得 无不順生成萬物,萬物得其茂盛皆可 方之利害,觀 成 ,故曰「觀」之象也。「先王以 設教」者,是先王觀此之象以 前 夫風行于地上 不失其所也 視萬民之善惡, 一,則无所不至, 而設 省 省 |遂其 方 觀 74 以 物

初六,童觀,小人无咎,君子吝。《象》曰:

「初六童觀」,小人道也

識,无 之道。 下,而君子之人苟亦 賢之事業,廣其視聽,大其 則,以至終身愚懵,无能開發,止爲兒童 道,則得其无咎也。何則? 以觀 爲天 之事業,則君子之道畢矣。 者,夫君子之人則 之見,此于小人所以无咎也。「君子吝 以求聖賢之道 之質最居其下,而遠于剛陽,不能 「童觀 人,天下之事无所歸責,但營保一身而 日 其 下之所觀,而 不 所 」。「小人无咎」者,言于小人 上思致君,下思利民,而成 道 能 按此 聞見,若兒童之所觀也,故 M 進 爲 卦二陽居 加 而觀之,但冥冥然 法 觀聖賢之道爲己之法 則也。 當求聖賢之道,學聖 天下之人莫不奔 昧 然无 上,有剛 今初六 知 今以 所 識,以 夫小人 聞 明之 以 童 无 見,而 一觀 天 充 所 下 進 知

不能明顯以求觀于上,取法于聖賢之

人,則誠可鄙吝也。

貞」,亦可醜也。六二,闚觀,利女貞。《象》曰:「闚觀,女

也。 者,言爲闚觀者,于女子之行則可爲正 之貞而已,固不可爲君子之道。 義曰 其于君子誠可以醜也。 故但自内 蓋女子之職主于閨門之内,不預外事, 時,大觀在上,而己爲闚觀之道,不能顯 故曰「闚觀」也。「利女貞」者,夫居觀之 之質居下卦之内,遠于在上二陽剛 上 人,不能往而從之,惟在内闚竊而觀之, 内而觀則謂之闚。 必志于君,下必志于民,而思兼濟于 而求觀其道以爲法則,是但利于女子 《象》 夫自外顯 日 而 闚竊于外耳,故曰「利女貞 「闚 觀女貞」,亦可醜也」 然而觀 此六二一爻,以陰柔 蓋凡君子之人 則謂之觀, 何哉? 明之 自

> 賢在 以觀于人,是誠足醜也 之事業也。今乃反爲女子之事,而 聽,發己之才識,而成己之道,以著天下 天下,故 上,則 皇皇 顯 汲 然 汲以求聖賢之道。 而 往 觀之,以廣己 若聖 闚竊 之視

退」,未失道也。
六三、觀我生,進退。《象》曰:「觀我生,進

義曰: 之位,但居一卦之上,爲衆人之長 皆至于道也。 過于中者,則俯而就之, 民,而又曰進退,何也? 蓋 及于中者,則 六三必下觀于民而察己之道,其風 人之長,則風教號令皆自己出 處下卦之上,爲衆人之長者也 言六三雖非至尊之位,以其風教之及于 (象》曰「「觀我生,進退」,未失道也」者 生,謂風教之所自出也。 勉而及之; 然六三既有風 其風 所履 使進退 教下及于 也。 教 非至尊 既爲衆 俯仰 有 教 是以 耳。 有

道也。過中者則退之,是或進或退皆未失于下,而又能察己之所出,未至者則進之,

「觀國之光」,尚賓也。六四,觀國之光,利用賓于王。《象》曰:

生」,觀民

也。

于九 九五 惟六 「觀 故曰「觀國之光 之爲 之道,故朝 六二居内不能顯然求觀 而 義 朝,堯與之迭爲賓主,是有德之使然也, 知,仁義之道、禮樂之事无所不 而 又有其位,爲天下之所觀法者 日 賓也。 四以 五 ,是能上附于賢明之君而求觀 國之光」,尚賓也」者,言六四 進于朝廷,觀國之光輝,故王者 也。 夫大觀之時,有其才, 陰居陰 廷之義、宗廟之禮 且 初六最遠之,故曰 如舜以 ,利用賓 ,履得其正 数的 于王」。 兀 夫之賤 一无所 ൬ 闚 「童觀」; 有 《象》 習。 切 1,莫尚 其德, 登之 近 聖 以 如 賢 于 不

上九,觀

其

生,君子无咎。

《象》曰:

「觀

其

九 五 體 附 ,觀我生,君子无咎。 貌 九 其位 Ŧī. 一,能觀 丽 國之光,故主者 以之爲賓也。 《象》曰: 尊尚 其 觀 我

《象》曰 民, 義曰: 思 則 皆趨于道,是君子居之則得其 善,禮樂未盡興,則皆其咎也。 或風教有未至,姦邪有未去,習俗未盡 正居中,而又處至尊之位,以天下之大 民惡,則 觀于民。 觀仰也 能觀察于民 可 省,下觀 則可 以 知 『觀我生』,觀民 以 知己風教之惡也。 風教 九五居至尊之位,爲天下之所 若民善,則知己風教之善 源,視影 于民,是以 知己 而脩飾于己,使向之未至者 號 政之得 **令** 則 出 可 至于无咎也。 以 失也,故 于己也 也」者,夫觀 知 然而 表,聖 一,是 无咎也。 然九 九 五履 以 切 也 五 流 切

生,志未 平也

言而 仰者,則《中庸》所謂 觀 非至尊之位,故 義曰 其 則,是于君子而得无咎也。 跌,則天下莫不知之,是有所咎也。 爲天下之所觀,則天下之責歸之,而萬 之未平也。 而 德,爲天下之觀仰。 動息語默皆合于道,以副天下之所觀 民之法由之也。若其言之一玷,動之一 行,常欲興天下利,除天下害,知其心志 也。 (生」,志未平也」者,言上九有盛大之 |九即當切切思省,以觀己之所出 權不在己,又其責望既 世 上九有剛陽之德,居一卦之上 爲天下則」者,此爻是也。 然非至尊之位而爲天下之所觀 不觀 動 然處于无位之地。 于民,而 而世爲天下法 重, 《象》曰「『觀 故夕思 爲民之所 是知 一, 使 故 法

噬

嗑

離震上下 噬 嗑,亨,利 用 獄。

陽居外,四陰在其 合,故受之以 中,閨門之内,有一小人間 然後可得其合。 如剛梗之物在于頤中,必待噬 今噬嗑即是九四矣。 天下之觀法,使天下合心而歸之也 義 氣和 則,此卦自頤 君子之道得以行,良民之志 君子良民之害,故必須 噬嗑,亨」也。 日 同,上下協合,所以大 下體震,爲動,爲威。 按《序卦》云: 而得。 噬嗑。」蓋人以大才大德 「利用獄」者,上體 故若朝廷之上,朋友之 内,是其所養之道也 頤者,上艮下震,二 刑罰 陽居三陰之中, 口 厠 觀 通也,故 得以 以其間 竄 夫 而 殛之,則 而齧之, 後 伸, ,則爲 有 爲 所 日

-10

察者也,必 制之,則姦僞 事 m 巧詐 君子之道得行,上下之志和合也 百端 得 情傷 미 威明之人,施 以刑服、强梗 萬 狀, 至 剛 幺 可以放逐, 斷 至 之才以 隱 而 難

日

頤中有物,曰「噬嗑」。

噬

嗑

而

中而 亨。 威之 子良 之物 也。 剛 柔,爲明; 至 而 後 事 明察之才而不能剛 日 剛柔 上行,雖不當位 才而 明而 得合也。 在 大通也。 民之害,必須 動 是必 「頤中有物,曰『噬嗑』」者,夫剛 于頤中,是爲 分,動 而 用 不 明、雷電合而章」者, 震,陽 威 刑,則君子小人分而 能 而 「剛柔分」者,離,陰也,爲 明 明察, 噬 明,雷電合而 兼 也 嗑 ,利用獄 刑 濟 ,爲剛,爲威。 口頰之患,噬齧之, 而亨」者,小人爲君 戮之,則上下之志 威 則暴 則事无不立也。 則柔懦 也 而 傷 章。 夫有 于 无 加 以 不能 物, 間 柔得 剛 威 厠 梗

> 姦僞利 不得其 利用于獄也。 則 也。 同,故 今噬 正 明之中,其性至明,故利用 五 上行,雖不當位 而居至尊之位。 加 一、然以其 不 言也。 能斷 嗑 何 以其道 害出 .則? (正,●所處不當其位 之卦 制 居離 光 六五以柔順之道履得其中 其事。 于萬狀,故非至明之君子 動 夫獄之情至深至隱,其間 顯 卦之中,是其性至明, 而 利 夫以柔 而 且 章著 用 今六五 明 獄 也。 而居至尊,所行 雷 也」者,此 ,然猶以 電 所處雖不得 于刑獄之 柔 相 得 合 居 中 而 離 而 和

《象》曰: 明。 去之,此噬嗑 有 威、 雷電 震 爲 有明能辨 雷,故 噬 之象也。 嗑 有 小人之情,用 先王 威。 「先王以 以明 離爲 罰 火,故 明罰 勅 刑 法 以 有 勅

法也。 賞,有惡必刑,所以明示其罰而正勅其法」者,言先王當有威明之德,有善必

趾」,不行也。 初九,履校滅趾,无咎。《象》曰:「履校滅

《繋辭》曰:「小人不耻不仁,不畏 義曰: 則必至于大惡,故當此罪小之時加以木 刑戮哉 也,如父母之于赤子,雖有罪,豈忍加之 此小人之福也。」言小人不仁不義 械,桎其足趾,使其惡之不能行也,故 大,故但校滅其趾而已。 初,是被刑之輕 滅,没也 則勸,恃威則懲,此所以爲小人之福也。 不見利不勸,不威不懲。 象》曰「「履校滅趾」,不行也」者,言其 履校者,以木械桎其足之謂也。 趾,足趾 蓋慮罪 者也。 小之時不爲之懲 也 其罪惡未至于 夫聖人之視民 初九居噬嗑之 小懲 而 大誠 (不義, 1,見利

雖小,不可爲而不行也。 當罪小之時,用校以滅其趾,使知其罪

滅鼻」,乘剛也。六二,噬膚,滅鼻,无咎。《象》曰:「噬」

六三,噬腊肉,遇毒, 尚 也。 過,至于滅鼻之深。 義曰: 刑以懲之,所以至于滅鼻之深。 之中,是得正且中也。 夫初九者過惡之小人,己乘于 刑至當,雖滅鼻而過于深察,是亦无咎 民服也。 用刑至當,如嚙其 用刑之深也。 深刻、蓋以 《象》曰「「噬膚,滅鼻」,乘剛也」者, 膚者,柔脆易嚙之物。 然下乘初九之剛,故用刑大 乘初九之剛故也。 六二以陰居陰,又處下卦 柔脆之膚,言其易 小吝,无咎。 然以居 以此中正之道 中履正,用 上,當用 滅鼻者 然 《 象 而

是可: 肯可介, 在艺工胃儿。 下三古曰: 「遇毒」,位不當也。

義曰: 腊肉者,全乾之謂也。六三居

今六三 求諸 剛 毒」 刑人 僞,是雖始有小吝,終亦自然无咎。 民心既 人无 居震動之上,以柔順之質 不中而爲人之見害,故小有所吝。 不 下 明之 Ė 桂 」也。「小吝,无咎」者,言六三以不 有服 之極 (,將反招其害也,故曰「噬 人, 凡 以不中不正之行 人則能 不從,怨懟既已結,故 用刑之道,有諸 ,是爲不中, 從之者,故若噬腊肉之難 无諸己,則 辨民之邪正,察獄 不可責于人也。 而 以 (而應于上九, 己,然後 刑 陰 人之過,則 居陽,是 非但不 腊肉, 之情 口 也。 能 而 正 遇 爲

曰: 九 義 四 得 骨 必 一、噬乾 而乾, 高 日 利艱貞,吉」,未光也。 中正之德。 位 而 愈 肺 乾胏者,肉之帶骨 進 于噬腊 ,得金矢,利 輔 于君 德既 肉之難 门以以 中正 幹 艱 也。 天下之事者 貞,吉。 ,則刑一人而 者 也。 夫君子處 因 象 有

> 果于 也。 甚于 光大也。 也」者,蓋 守之以 慮惡之所 正 九四 天下 獲其吉也。 四本以不中不正,故當憂民之所不服, 不正 ,猶有剛明,故所行无不得其 '噬腊 九 處 服 行 也,以不中不正之道 正 四履文明之始,其 上卦之初是不中也, 其罪,賞一人而 事。 由 不懲,艱難其 肉之難也。 則 《象》曰「『利艱貞,吉』,未 艱難守正 明, 可 以責于人而人服之,故 則辨 一 于 金, 天下 心,退 後得吉,是道未 邪 而 體 剛 Ē 勸其 刑于人 以陽居陰 剛。 也。 有所懼 直。 雖非 善。 矢,直 剛, ()則 光 而 是 中 則

六五,噬乾肉,得 曰:「貞厲,无咎」,得 義 日 噬乾 肉者,易于乾肺 黄金, 當 也 貞厲 无咎。 而 難 **《**象 于 焧

有

上九,何校滅 膚也。 中之色也; 柄 雖少失于正而人有不服,今若堅守其 六五處至尊之位,有文明之德,然用 下之獄,必有中正剛明之德可也。六五 皆合于道,无過无不及。 常若危厲 圃 ·,握生殺之權宜矣。 「得黄金」者 ,常若危厲, ,无咎」,得當也」者,言六五能守 少失于正,然以 能 用刑者也。 六五以文柔處其至尊,所行 耳 金者,剛之物也。 則所行所爲无不當也 則无咎矣。《象》曰「『貞 凶。《象》曰:「何校 有離明之質,行得 「貞厲,无咎」者,言 以此主刑 夫 断天 賞之 所 其 滅 Œ 刑 中

善,以至愚者必賢,賢者必聖也。小人人,有善必勸,勸之不已,則小善至于大「何校滅耳」,刑之深者也。夫君子之義曰: 上九居卦之極,罪之大者也。

耳」,聰不明也

非 必聰 小罪 不可掩,罪大而不可解。」夫人之耳, 也,以小惡爲无傷而弗去也。 足以滅身。小人以小善爲无 辭》云:「善不積不足以成名,惡不積 不可得也。故此,所以被刑之深校加于 則 首而滅没其耳,凶禍所以及之也,故《繫 至積罪至大,長惡不悛,君子雖欲愛之, 有聖人之刑罪將及于身而 日有聖人之教化聞于耳 人,罪之至深者也。夫小人之爲惡,雖 能 聵 有惡不悛,以 而 也。 飾身 也,目非瞽也,日聞聖賢之教化 至 不知罪之深,是聰不能自明也。 于大罪也。 人之目,視必明也。 歸善,以 至積小惡至于大惡, 至陷于刑戮,蓋積 今上九,過惡之小 前 不 不 知改過,以 知遷善,雖 小人之耳 益 故惡積 一而弗 面 由

時

周

易

П

義

■ 農上 黄,亨,小利有攸往。

者,夫 强梗既 既相合,必有文章實 天下,必有賢明之才,處中正之位,乃能 大通于天下矣。「小利有攸往」者,夫治 施 已,故受之以賁。 義 ,在无位之地,是不能大有所爲,故 有攸往而已。 立事。 教化,設爲文章,以文飾之,則治 噬 鋤 按《序卦 嗑之 則可以制 今賁之上九以 時 賁者,飾 日 則 作禮樂,申 是聖人削 飾 「物不 之也。 (陽居一 也。」言物之 可 以 鋤强 明仁 「賁,亨」 荷 卦之 合 義 梗。 道 Щ

也。 分剛 彖》曰 E 文明以止,人文也。 而 文柔,故「小 賁「亨」,柔 來 利有 而 觀 文 攸 乎天文 剛 往 故 「亨」。 以 天 文

剛柔交錯」四字,蓋

遺

脱

故

也。

言剛

者,此 以泰卦 乾之九 之地,是 道 道可 夫治 權,乃可大有爲于天下。 明之德,則 剛上而文柔,故「小利 大通矣,故曰「柔來而 仁義 久玩 미 變。 天文也,上 專 日 而 禮樂、 文 成。 國 觀 ,刑罰所以止姦而 于柔,柔 以 飾 乾之二分居坤之上,是分剛 之道 二,此 乎人文,以化成天下。 下 但 于柔德 何則 廣 必 卦 小 文章教化以文飾之, 下 不 履至尊 釋文飾之義 以 自 相 有 則 ? 口 應,不 所 懦 柔 泰 也。 兵革 專 道 而 往 于 之位 剛 得,坤 文 有攸 文剛 加 夫聖賢 所以 剛, 成 不 柔 飾 已。 也。 ,總大任 今以剛 義 可獨 相 剛 剛 往二者, ,故亨」。 禦侮 之上六 理,當上 濟 「天文 則 健之德也 有 按經但 用 然 暴 剛 則 居 而 持 後 陽 天 來 无 健 此 必 也 不 治 云 下 位 有 口 居 文

<u>-</u>;

爲止。 也。 陰陽 忠、父慈、子孝、兄弟有禮、長幼 祥之類也。 東作、西成、南訛 乎人文,以化成天下」者,天文,即前 以 羲、母慈,兄友、弟恭,男正位乎外,女正 此 錯,天之文也。 暑相 交相 位乎内,閨門之内和諧肅穆,是家之文 人之文也。若夫君聖、臣賢,上行下化, 仁義禮樂著于天下,是國之文也。 也。 文成其治,使刑罰措而 以二體 聖人舉此文明之道,發于天下國 相 推 錯 聖人 也。 雜 既有文章之光明,又能止静,是 蕩 而 而言。 以成天文,是天之文也。 成 m (上觀乎天文以察時之變,若 「觀乎天文,以察時 聖 四 成 人觀乎人文,使君明、 時, 「文明以止,人文也」者 風 離下,爲文明。 、朔易、雨 雨雷 日 月相 霆,此皆剛柔交 不用,兵革 代 暘、 而 風燠、 有序,各 成 變。 艮上, 灾 所 觀

> 天下,而成天下之治也。 得其正,故制作禮樂,施爲政教,以化成

无敢折獄。《象》曰: 山下有火, 賁。君子以明庶政,

其 情 贖,是必 重,決而行之,則死者 到,故聖人戒之,言但可以 剛明之德,則能别于寃枉,決其是非, 者也。其間姦詐萬狀,情僞萬端,必 禮樂教化之道。 直是非之情无所不當矣。 不可果敢而 之象,以明舉其 光明照于上,有實飾之象也。 下之治,以其繁 ·无敢折獄」者,夫獄訟之情,至幽 日 可 得 有 夫山有草木之茂,而 而見。 剛 折獄 明之德 申明興舉之,以文飾 庶政。庶政者 也。 今賁之象,其 而不以儉曰「庶 乃可 不復 何 則 決 ? 明 生,刑者不 ) 斷其事 其庶政,而 火明其 蓋 君子觀 明 獄 謂 事 政 至 國 下, 遠 隱 有 至 丽

初 而 徒 九 賁其 義弗乘也 趾, 舍車 而 徒。 ^ 象》 日 . 「 舍 重

皆惟義之所在 若義當行,則從而 貴,若義不當乘, 之,但待其時而 德,確然守正,惟義所在,不顧六二而 之人能 明之性。體于陽,有至剛之德。 徒」,義弗乘也」者,六四,遠也; 君子之人能以道義 上无正應,欲求于 正 止則止,不爲苟且,是能賁飾其行趾 一,近也 舍車而徒」者,以卦體言之,則初九之 應在于六四,而與六二相比。 曰: 趾,足也。 初九不以遠且勞,而必往之。 六 以道義實飾其 乘 車,安也。 往從六四之正應 也。 則舍之, 行之。是所行所止。 初。 初九處實之初,有 《象》曰「舍車而 飾于身,故 身,可行則行,可 丽 初九不以安而 初 徒雖至 有 車雖 剛明之 是君子 六二, 也 徒步, 賤, 至 棄 至

六二,費其須。《象》曰:「實其須」,與苟乘之,是皆去就以義也。

E

興也。

志同 无其 往也。 『費其 義曰: 賢 實飾其身而待者,蓋上无正應,未可 身,由中 時,候可進而進之,故但以 爻,上无 以躁,必待 己之道,則決然而 而 而 能 心 (應,近 共 成其事業者 以 己既无應 須」,與上興也」者,夫六二所 成其治, <u>·</u> 而 正應,是未可以往,必 須者,待也。 興起也,猶居朝廷之間, 其 M 行之,以須待而 相得,故己能 時。有其君,往 而 進无累矣。 朋友之間,亦能 也 切近于九三,九三亦 夫君子 道 上與 己。 之進 義 退 今六 而 《象》 賁 九三合 而 可 親其 比 待 以 飾 不 以 其 其 以 可  $\Box$ 

之「吉」,終莫之陵也。 九三,賁如濡如,永貞吉。《象》曰:「永貞」

終莫之陵也」者、言能永守正道、則外人 以贊成天下之治也,故 賁飾 義 不 則得其吉也。《象》曰 濡潤,然非正應,則當永長而守之以正 應,亦未可 「永貞吉」者,言九三既與六二交相 飾,交相 能間 日 其 而侵陵之也。 身以須 濡潤,候其 夫六二以无 進,故與六二同志,交相 其時。 (時則 正應未 「『永貞』之『吉」 而 進于 曰「賁如濡 九三亦 可以 朝輔 E 進, 其君 元 責飾 如。 文 TE.

媾」,終无尤也。《象》曰: 六四當位,疑也。「匪寇,婚六四,賁如皤如,白馬翰如。 匪寇,婚媾。

道飾 義曰: 陰,履得正位 成 其身,修其行,潔白 加 无 如」者,言六四應在于初 皤者,潔白之貌。 有 玷 而 缺 行 也,故 得正道,能 日 其 「賁 志 六 四 使 以 如 君 以 皤 五. 初初 常之 子之 陰 如 居

《象》曰: 六五, 猶疑懼 之類也 義曰: 正應于 寇,婚 身,而 圃 其 且 所間,故云「疑也」。「『匪 九,固无有不得,然猶恐初九爲六三之 若非六三爲寇,則 剛 无尤也」者,言六四履正位,行正道,又 曰「六四當位、疑也」者,六四之往 爲賁 賁 待 間,亦不能爲害,故終无尤過也 明之德,而 賁于丘園,束 時 飾其身,潔白其志,雖六三爲寇 媾」者 又 之主。 六三間于其間,爲己之害,故言 初九,若往 而 丘 六五之「吉」,有喜也。 潔白 六五 飾 園 身,至此則 婚婚 調調 己有正一之行,能 秉柔 在 其 媾,謂 初 敦 馬 與初 而 帛戔 九 中之德,居至 實之地,若務 就之,必得會合,然 往 則 會合也。 九會合也。《象》 是 而 賁 戔。 吝,終吉。 賁 從 寇,婚媾」,終 飾 之也。 徐已 其 趾 一尊之位 農 賁 至, 二二又 應初 四 飾 重 本 于 雖 其 匪

至盛 豐阜,民財充實 天下 不 下之情交相喜悦,所 用,使上不匱于用度,下不乏于財力,上 于敦實之地,至于財用繁盛復能儉 用,然後終于富盛 凡王者治天下,國用既阜,民財既實, 有喜慶之事也。 不可更務奢侈,必當吝嗇其財,節儉其 六五之[吉],有喜也」者,六五 可 · 知 其 更務 一也。「吝,終吉」者,吝,謂吝嗇也 文 本 華 而 而 務 而貨帛衆多,戔戔然 反 于農 賁 而獲吉也。 以不惟獲吉,而又 飾 桑之事。 于敦實之地 《象》 能施 故國 , 則 節 飾 日 TTT 用 使

上得志也。上九,白賁,无咎。《象》曰:「白賁,无咎」,

之治,既得其賢,又且逸于任使,以至臻以人君之尊,是始則勞于求賢而急天下道已成,如白之受采,无人而不自得。義曰: 夫此卦自「賁趾」至此上九,賁

業已備 九能 《象》曰「「白賁 治,用 所實飾之道既備,故用之天下 素、无施 得其所,是在上而其志得行也。 家肅,進退出處皆得其宜 有疑懼而動心者。今上九處此之地,其 爲將、爲相、爲公卿,无所施而不 貴得其宜,居于貧賤,貧賤得其道,以 仁,可以爲義、爲禮、爲智,處于富貴, 治其心,明 極治之道, 以 之一國則一國安,施 五常之道修其身,道義已成,事 ,但至此 而 自有 其性,飾其身,至此可以 不 可 ,无咎」,上得志也」者,上 則廣 爲 也 而 至 又君子之人,始 而充之,天下无 无 而无有過咎 爲,但守 之一家則一 則天下 ·可,无 其 能 至 富 質

周易口義卷四

バ

于民,其一謀一

慮,必以天下之利存于

者,夫君子之所務,上思忠于君,下思利

長,而君子消剥之時

也。

「不利有攸往」

物衰破之時也。

其在人事,則小人盛

漸至于盛,以削剥羣陽,❶幾至於盡而萬

陽居其上,勢微力弱。

始由一陰之生,

矣,故受之以剥。」剥者,言五陰盛長,一

## 周 易 口義卷五

侵削

君子爲務。

今剥之時

7, 君

子

消

剥

小人則不然,其意日以

殘賊

良民,

上

經

剥

義曰:

按《序卦》云:「飾然後亨則盡

艮坤上下

剥,不

利

有攸往。

宋 胡瑗 撰

見害于小人也。

小人盛長之際也,君子若復有所往,必

子尚消息盈虚,天行也。

《彖》曰:「剥」,剥也,柔變剛也。「不利有

攸往」,小人長也。

順而止之,觀象也。

于陽也。 天下之民失其所,而安在己也。小人之 仁義爲心,故三月无君,則皇皇如也,以 攸往」,小人長也」者,夫聖賢之爲心,以 至專權得勢而侵削君子也。「「不利有 位、治天下者,君子也。 今小人盛長,以 物衰落,而歲功无成也。人君所以共 剛,陽也。 剥者、剥落之義。 今陰氣盛長,陽氣消剥 夫天地之所以成歲功者, 柔,陰 ); 則 天 萬

0 削 康熙本、《薈要》本作「消」。

而言。 也。 之往來,四 者,天之道 勢,使之不能 言足 身遠 而 同。 君子言必見危,動必見害,故當觀其象, 不可 小 子 既 m 7 外 其勢,先時知幾素位而行,居易俟命, 檢德避 盛 害 「順 人之所害,故當 之人欲 以興。天下无道,其默足以容。」言 順 止之,則可 今君子之所 也。 艮爲止 也。 ,而君子 小人,内則止而不 而止之,觀象也」者,此 時之運 「君子尚消息盈虚,天行也」 至神也 難之道也。 屏 《中庸》云:「天下有道,其 窺見 坤 去之,必當外順其行, 若遽 以去 以 其迹 ,有陰陽之舒慘 行,晝夜之明晦 爲順。 不 逐 欲絶 也。 可 外然 又若小人道盛, 順其所爲, 進 之, 何則? 言小人道 行,故可以全 後 者 止 以 則其 之,則无 以二體 小 『寒暑 觀 夫小 勢 不 其 以 必

> 消 固 則 動,是如天之所行也 此,君子 然也。 息 而消,當息 盈 久則 之人,道 是以可 虚 加 息。出 進 有 以 則 通 天 進,可 處 塞,時 道 語默 之大猶不 退 有 皆 則退,當 否 以 泰 時 免 理 干

初六 《象》曰: 足」,以滅下也 下。 義曰: 此,是可謂治剥之道 用豐實而又安其 君子之道消, 下,今山反附著于地,是剥落之象也, 剥牀以 民爲 -,輕徭 所謂厚下者,蓋以仁義之道 故凡居上者,當此之時必先厚于 本、本既 山附于地,剥。 宅, 足,蔑 薄賦,天下之人衣食充足, 居也。 而天下生靈失所不 不立 (所居 貞 X 則 山 也。 o ,使各得其所。 本 國 上以厚下安宅 ^ 至高, 象》曰 何哉? 何 由 而 地本 治哉 剥牀 其 其 國 如 財 至

牀者,人之所藉 以安身也。 以

凶 《書》曰:「民惟邦本,本固邦寧。」今小人 而至 也。 本既弱,則君子之正道微蔑 怨氣交而上下不通,是其本已弱矣。其 能保而離散,兄弟妻子不相守而逃亡, 使之舍安而就危,去存而即亡。父母不 居 在上,肆其姦惡,奪民之財,困民之力, 之極也。 剥削于天下。 牀之下。 于民。 |于著,自下以至于上。 言小人 夫民者,君所賴 得 初六 位 然爲剥 乘 最處一卦之下,民之象 時 藉勢, 恣其 亦有 爲本也,在 而不行,是 剥之始,先 漸,故自微 、姦惡

以辨」,未有與也。
六二,剥牀以辨,蔑貞凶。《象》曰:「剥牀

足之間,是上下分辨之際。以人事言近于君,故曰「剥牀以膚」。六二居膚、故曰「剥牀以足」。六四處上卦之下,切義曰:按初六居一卦之下,是民之象,

六三,剥之,无咎。《象》曰:「剥之,无咎」, 剥也。 之,則 能爲 與,故《象》曰「未有與 此 《象》曰「『剥牀 勢,侵迫于其君子,使君子言不得通,道 之父母」,是民 安、故至正之道消蔑,而其 不得行。 國家斯无倚毘,而君不得其所 家之倚毘、君 小人始既 其生而受其賜,故《詩》曰「愷悌君子,民 君子之人在位而行道,則天下之民物得 曰:「濟濟多士,文 剥于民,至 小人者 (助于君子,至此君子又爲小人之所 是居 夫臣民既皆被其剥而受其害**,**則 天下之所共惡,衆人之所 剥于民,民 君 此 民之間,臣之位也。 所 則 以辨」、未有與也」者, 必得君子而後生也。 剥 賴 以 于臣也。 王 被剥 也 安者 以 寧。」今小人得 而已 也。 凶 夫 臣 困,故 愈大也。 在《詩 始 夫 既 不 今 國

周 易 П 義

膚」,切近災也 六四,剥牀以膚, 剥而 應而 心協 之无咎」,失上下也」者,言上下羣陰皆 雖在剥之時而得无咎也。《象》曰「「剥 子,是于小人之中獨不爲小人之行,故 舍去小人之行,而不與上下羣陰同 侵剥爲志,而獨六三能上應于君子, 剛 能 有好賢樂善之心。 力 以 出 明之才,獨居一卦之外 今六三居下卦之上,爲上九之正 剥之卦 殘賊 乎其類,獨異于羣衆,不爲侵 良民,侵剥 凶。《象》曰:「剥牀 五陰盛 長,小人衆多, 應于上九之君 君子爲意。 mi 无 有 以 助 同

義曰: 之民,使皆墜于塗炭,而不得其安, 又剥天下之賢,使皆困 自小以至大,由 已剥盡,遂及君子之身,此凶之極 膚,謂及其身也。 外而 及内。 躓 而不 小人之爲剥 始則剥天下 得進。

> 也。 故聖人戒之。 之,不肖者黜之,使君子在上 迹,自然侵剥之道无自入而 民既已盡 者,剥道 也。 故凡居上位 象》 愈 剥,至 而 剥 災 此 者,必 牀 害 以 以膚」, 愈 及其身,是災之切 切。 在知人賢者進 蓋 不能 切 而小人削 天下之臣 近 災 行也 也

六五,貫魚,以宫人寵,无不 以宫人寵」,終无尤也 利。 <u></u> 象》日

當天 義曰: 不能 天之禄以 被其害, 處一邑,則一邑罹 夫小人之行,姦惡凶暴,居一郡,則 今六五當至尊之位,雖小人衆多如貫魚 人事言之,則是 下之權,握天下之勢哉? 然王 无 嬖幸之人,但 御 貫魚,謂駢頭相 加厚之,使其縱欲肆情以殘天 之以道,使不 小人之衆若 不可 次衆多之貌 能 恣 釁 貫 己之情、私 其 其 魚然 者 況

權 也。 者,言寵小人以宫人之寵,使不能有其 然,但厚之田 則于己身終无過尤也。 《象》曰「以宫人寵」,終无尤 如 寵 宅,加之金 宫 人而 寵之, 常,而 則 无 不 所 使 不 竊 也 利 天

廬」,終不可用也。《象》曰:「君子得輿」,民所載也。「小人剥上九,碩果不食,君子得輿,小人剥廬。

剥。 義曰: 哲以 也。 其上,而不見食于人,則必有再生之象 復于地中而再生萬物,如碩大之果最 剥盡,而上九獨 其 安 剥 保 廬 位 既不爲陰之見剥,至于建子之月, 以人事言之,猶君子守正 其身也。 其身,不爲 而 此一卦以陰剥陽, 得 輿,所以乘 行 其道也。 居其上,不爲羣陰之所 此上九剥極之時,若以 小 人之所害,至此 載 「君子得輿,小 于物; 而陽氣幾 一執節 廬, 所 明明 將 至 居

> 存也。 見剥, 其乘 愈深 天下,使天 君子居之, 故 載也; 而天下之民无所庇身,而 不 唯 下 則 之 削 剥 如 復 于 民 去 以 小 出 身, 小人居之, 于 人之害, 塗炭, 以至 廬 由 施 不能 則 之 舍 爲 義 而 亦 保 皆 害 得 于

復

復其道,七日來復,利有攸往。

也。 其卦爲姤 卦爲乾; 剥,窮上反下,故受之以 義 氣有消長、升降,陽氣既剥 日 爲 遯 然所謂復者, 按《序卦》云:「物不 以至于七月爲否,八月爲觀 至于五月,則一陰剥一陽,故 六月,則二陰剥 是四 月純 復。」 盡 陽用事, 二陽,故 言陰 可以 則 必 來復 陽 終 其 其 盡

也。 援 猶君子求進其 必得羣陽並進,乃可以共濟其 咎」者,朋,類 下之人无 子有五常之質,剛明之德,量時復位,天 中,出于地上,物无違之疾之者。 業于天下,其道大通,故曰「復亨」。 爲小人之所剥 也 生物之心,然其氣微弱,未 鍾之宫,以 九 德相合者,推 无疾」者,言陽氣有生物之心,人于地 寡,必不能 月 而成治于天 「反復其道」者,言陽氣自上 亦猶君子時有否 爲 至十一月, 剥 有違之而 再生萬物 + 獨 也 (身,欲 月 ,及其乘時得位,發其 引 成 言 下, 則 爲 其 而 乃可 陽 坤 進, 事,是 疾害者。「朋 行 陽之 M 泰,道有消長, 9 其 是 獲吉 則可 雖復 萬 道, 能 陰 必 物 氣 獨 氣 于 得 以 得 事 潛 而 ൬ 成其功, , 地中 之 得 致 其 而 其 或 也。 復 極 勢孤 來 亨 反復 其 氣 于 出出 无 通 无 澤 類 有 君 黄 盛

> 《彖》曰:「復,亨」,剛反 復,其見天地之心乎。 日來復」,天行也。 「出入无疾」,「朋來无咎」,「反復其道,七 之時,居其位,行其道,所往无不利也。 以一爻爲一日,故謂之七日。 月之間後復也。 來復之速,故以 復」者,言陽氣 于 之生,君子浸長,小人浸衰,則君子當此 而言日者,蓋日爲陽,聖人欲見其 人復于其位,進退皆合其道 地 以 生 萬 物、皆得 消剥至于此,凡歷七爻, 。「利有攸往」者,言一 七日言之。 「利有攸往 動 其 而以 道 其實, 」,剛長 順行,是以 然不謂月 猶 「七日來 君 陽 子 即 也。 道 陽 之

又動 以 所以得「亨」者 義曰: 成 觀 其 而 也 時 不失其柔 下震爲動, 言 可進則進,是以出入之間无有 君子 由由 動 順 剛陽之氣 ,由是所以萬物以生 上坤 而 不妄,行而不暴, 爲順。 反 復于地 言復之

之心在 也; 陽之生潛于地 爲心,故常任陽以生成萬物。今復 之心乎」者,夫天地所以肅殺萬物者,陰 居大夏,以生育長養爲事」,以 心于此可得而見也,故董仲舒 長,故所往而无不利也。「復,其見天地 剥,陰極則復,皆天道自然之理也,故曰 升有降,謙者益之,盈者流之,故陽極必 成天下爲心,雖始復其位,其事業 言剛陽漸長,小人道消,則是君子之道 復」,天行也」者,夫天之行有消有長,有 疾」,「朋來无咎」,「反復其道,七日 疾害之者,皆由 「天行也」。「『利有攸往』,剛長也」者, 剛 于天下,而行道之初已有生育之心 反 生成 動 于生成 加 萬物者,陽也。 以 順行」。 而已。 中,雖未發見,然生 順 而 動 猶聖賢之心 「是以「出 之之故 天 一地以 此 心也,故 見天 「陽常 一物之 生成 以 全 地 生 无 來 曰

也 晦也。 心,又有憂萬物之意,是以 也? 天地之權,則凶荒、水旱之類无得而 同憂」。但聖人无天地之權 天地,故《繫辭》曰「鼓萬物 嘗憂而治之也。 爲芻狗。」是雖有凶荒、水旱、饑饉, 然而已,故老子曰:「天地不仁,以 夫昆 也。 是則天地聖賢之心可見也。然天 揚子又爲之辭曰:「昆侖旁薄, 然生物之心可得而 生成爲心,未嘗有憂之之心,但任 在幽晦之間,而其心亦天地之心也。 ,故復卦之初,其生成之心可見也。 曰: 命,天氣也; 在《太玄》中首曰:「昆侖旁薄,幽。」 言天地之氣始雖幽 雷在 賢人天地,思而包羣 地 中,復。先王以至日 若聖賢有天 旁薄,地 推矣。 晦而不可見, 故知聖賢雖 其 而 氣也; 耳, 地 功 不 使其 與 生 或 幽 類 成 地 其 丽 萬 也。」 何 聖 過 有 自 閉 于 之 物 未 以 而

四五

79

六

?旅不行,后不省方。

關

商

稱。 歸 之時,而又不省視其事也 觀此象,于冬至微陽始生之時,閉 之上,今復于地下,是復之象也。 而 禁止其商旅。 方,事也。 雷 者,陽之精也。 天子諸 后者,天子諸 侯于此微陽 雷本 行 侯 于天 之通 其門 始 先 Ŧ

遠」之復,以脩身也。初九,不遠復,无祗悔,元吉。《象》曰:「不

間 義曰: 常之道,有厚 之全,故凡思慮之間未有一不 陽反于地下以萌生萬物 故于心術之間,思慮之際,不能无所 而皆中于道。 于外,而復其性于善道。 復之速者也。 有不 羣陽剥盡 ·善 有薄,情欲之發有 則能早辨之,使過惡 賢人而 猶賢 圃 下 人 純 陰 ·,則其性偏 (君子,凡思 ,是其復之 惟聖人得天性 用 事 善, 邪 獨 有 于五 故發 慮 不 初 此 汩 形 之 而

> 善而 懼 《象》曰「『不遠』之復,以 悔吝, 惟大 之,正則從之,勿謂人所不見,衆所 之曰:「顏氏之子,其殆庶幾乎 聖人君子于思慮有所不善而能速改之, 于思慮之間,必精審 未嘗不知,知之未嘗復行也。」是君 以至由小賢至 在《中庸 有諸中必形于外,發于心必施 ൬ 而已,故先聖《繫辭》釋此爻獨 乎其 輒自寬,假以 八賢 自古及今,有能行之者惟 速改之,不能形于外,●故可 Щ 君 所 》曰:「君子戒慎乎其所 獲元大之吉也。 子,爲 不 聞。 有諸 于大賢,由 能 莫見乎隱 治 内必彰于 心明 其可否, 那則 脩身也」者,言 性, 祗,即大也。 大賢至 莫顯 外也。 以 顔 知 于四 不 顔 子 其 有 以无大 乎 ·覩,恐 一于聖 不 子 有 子 不 聞 凡 配 改 粪

<sup>●「</sup>能」、康熙本、《薈要》本作「使」。

<sup>●「</sup>必」,原作「未」,據康熙本、《薈要》本改。

身之法也。故聖人于此言「『不遠』之復」,是君子脩知之,知而改之,則无有不至于善者也。故君子慎其獨也。」是則人之有過,患不

六二,休復,吉。《象》曰:「休復」之吉,以

下仁也。

厲,義无咎也。 六三,頻復,厲无咎。《象》曰:「頻復」之

後能復也,則《中庸》所謂「有勉强而行迷不復之人,故此六三必待頻蹙强勉而以過惡之人居下卦之上,猶愈于上六昏不得其中,又違于仁,則是過惡之人也。義曰: 頻,蹙也。六三處不得其正,行

无咎也。 敢爲于邪惡,以改過遷善,則可以獲其 則當常自思省憂懼,以 之者」,此 是 也 然 猶 頻 爲危厲 蹙 勉 强 在 前 而復, m 不

從道也。 六四,中行獨復。《象》曰:「中行獨復」,以

此謂也。 是能從于聖賢之道也。故揚子曰「希驥 者,言初有聖賢之資,而六四爲之正 道也。《象》曰「『中行獨復」,以從道也」 義曰: 之馬亦驥之乘,希顏之人亦顏之徒」,正 之爲正應,傑然而復于善,以從聖賢之 五陰之間而獨得其中,雖遠 四、居位 得正 雖 非 于初, 其 中, 加 應, 與 于

中以自考也。六五,敦復,无悔。《象》曰:「敦復,无悔」,

「勉强」,康熙本、《薈要》本作「强勉」

рц 1 -

周 易 П 義

DΩ

八

故能治心明性,以 義 己之思慮,有不善未常不復于善也。 大中之道,則所行无過與不及。如是, 德,則思慮不及于邪而動无躁妄, 居上卦之中, 也」者,五有敦厚大中之道 日 《象》曰「『敦 五,處坤之體 有大中之道。 復,无悔』,中以自考 復于善道,而 ,有敦厚之德 □,□以 夫有敦厚之 白考察 悔吝亡

敗。以其國君凶,至于十年不克征。 上六,迷復,凶,有災眚。 曰:「迷復」之凶,反君道也。 用行師,終有大

不能 義曰: 招 居復之終,是其心昏迷而終不能復者。 所 而 而 恣私 復, 來曰災,自己所招 不與,鬼 所 復道貴于速。 則邪惡著, 邪、私邪既 以皆至 神 所 也。 共怒,而 見凶之道也。 積 「用 上六處卦之極 ,過惡顯著,則 日 告。 言其心 行 外 師,終有 來之災、自 夫自 大 香 m 天

> 《象》曰「『迷復』之凶,反君道也」者,夫 兵行 者,蓋舉其重者言之,即它可知矣。 復之道行師以征伐于人,以致有大敗 君所以主宰天下,司牧生民,今用此 敗 是反君所行之道者也。 敗,雖十年之間,終不能興起征伐之事。 君,凶之極 于大凶敗,以血肉生靈虚竭帑藏 十,數之極也,言用事而行師,以 師 其 以 、國君凶」者,夫以迷復之 伐于人,必不能 也。 「至于十年弗克征」者, 然特以行師言 克勝,而 以 道 累其 終 而 迷

## 无 妄

利 有攸 乾 震上下 无 妄, 元 亨利 貞。 其 匪 正 有告,不

五」上,康熙本、《薈要》本有「言」字。

心,而 匪 之、餘則乾卦言之備矣。 至有禮以節之,有刑 妄之事矣。 有仁以濟之,使皆遂其性 天下之人服而化之,无有非妄之行。 君子之人既 而 一,既 在上 以 下之間,或有 歸于正, 正有告, 有天下, 日 四海至廣,生靈至衆,情 有 善道 小必 按《序》 四 不利 有天 德 則天下信无 Щ 充積于内 然而具 能 无敢有非妄之行者。 以 卦》云:「復則不妄矣。」言 先 則 地四 及于天下,則天下 有 復其 不正之人, 攸 天 以 德之備 以 地 往」者,言聖人在 性 非妄者也。 齊之,有政 發于外,无 生 以其具是 邪恶 而 成之四 樂其生,以 然後可 僞 欲以 萬狀,聖 不萌 [德者, 莫 四四 以 非 有 然 「其 故 德 正 妄 而 使 非

彖》 无妄, 剛自 外 來 而爲主 于 内

之行

而

有

所

往

必

无

所

利,

故有

所

以

致

也。

之矣? 動 而 健 IE 剛 天命不祐,行矣哉! 有 告 中 不 加 應。 利 有攸往」,无妄之往,何 大亨以正,天之命 也。

之德 九五 大亨以 是爲 德及 行; 也。 義日 匪 悚 下,其威命之行莫不 震爲 黨之内,莫敢有一于不正而非妄者 成以道,然後以元亨利貞之四德以 是乾之一陽自 正 于 主 有剛明之德而爲之君,六二有柔 動。 有告,不 而爲之臣,君倡于上,臣和于下,相 . 夫有其君而 有臣而无君,固 于内 能爲非妄,此 天下,雖 正,天之命也」者,上乾爲 剛,即陽 剛中,謂 桂 ·利有攸往」者,言聖人 外 也。 父子 无 也。无妄由 m 動 九五也。應,謂六一 臣,則无妄之道不能 來,居于 良 懾服,而天下 天之威命也。 不可得而行。 而健,剛 弟之間,州 内 否 桂 中 桂 健,下 之 而 而 之人 有 被 閶 初 其 威 鄉 天 IE

祐,福 天命 可 則是犯天之威命,而天必不福祐也,其 妄 有敢犯之者。若其復有非妄不正之行, ൬ 行之哉 加 災眚及之也。 不正之人非妄而欲有 不祐 行, [也。言君之威德被于下,所至无 復何所往哉? 之,即往也 行矣哉」者,言无妄之世以有 「无妄之往 所往 一,何之矣? 則 无 所 利

茂對時育萬物。《象》曰: 天下雷行,物與无妄。先王以

義曰: 動兢懼 下之人久于无妄之道也。 物,使天下各遂其所,各安其業,以 宜 有妄也。是以先王茂對此无妄之時, 圃 被 孤獨皆得其所養,如此,則 如何哉? 于下,天下之人聳然聽 而 夫雷之行于天下,萬物 不敢爲妄,如君之威德發于上 固當盡仁愛之道以 何則? 從, 可 以 養 ൬ 无 使天 育 无 不 至 鰥 萬 則 敢

見使天下終久而不爲非妄者也。既以无妄而在上者,苟不養育之,則未

得志也。初九,无妄往,吉。《象》曰:「无妄」之往,

義曰: 今初九能然,是其志得行矣。 行其道,致天下于无妄,此君子之志也 子有兼濟天下之心,則必 然成其治。 德于天下,而天下之人不敢爲非妄,自 爲剛明之君,若往而輔之,則施己之威 下于无妄者,必得剛明之君,然後 曰「『无妄』之往,得志也」者,夫賢人君 行己之道。今初九 夫君子有剛明之才,足以 以此而 行,必其吉也。《象》 有剛明之才,而九五 遭時遇主,日 致 미 天 以

曰:「不耕穫」,未富也。六二,不耕穫,不菑畬,則利有攸往。《象》

之終。田,一歲曰菑,三歲曰畬。今六義曰: 耕者,田事之始也。穫者,收成

不耕 終也。 和 後行。 者,人臣之道,貴其成君之事而代君之 竊君之美而自居其富盛也。 不利也。 以代事之終而 以代君之終,是不居于富盛者也。 是若 令于 而穫,不菑而 柔順之質居中履 苟或居事之先,爲物之倡,則是 如 《象》曰「不耕 農 此 夫 不 **F**, .耕 成君之美,則所往 不擅 是待 m 畬,是能待君倡 穫,不 君之權,不 君 Œ 倡 一,上有 穫」,未富 · 菑 而 而 後 今二乃能 剛 畬,皆所 和 竊 明之 而 加 君之 无 也 有 君

災也。 人之災。《象》曰:「行人」得牛,「邑人」六三,无妄之災,或繫之牛。行人之得,邑

是有妄之人也。以有妄之人欲治于无今六三以不中不正之身,處无妄之時,履中蹈正,然後可以致天下于无妄也。義曰: 夫居无妄之時,必有剛明之德

不畬 災,至于己之所屬之人,亦皆爲其所累 災」者,六三以不中不正爲非妄之人,雖 而受其災也。 父子昆弟之間有所不容,故不唯己有其 道之人皆可 待倡而和,不待令而行,乃如不 中不正 得」者,牛,即治田之具也。六三既以不 故曰「无妄之災」。 妄之世,則上下所不容,故災害及之也 而菑,故爲 而 又欲擅君之權,竊君之美,不 以奪 或人之繁其牛,以 而得之也。「邑人之 「或繫之牛,行人之 穫而耕, 至行

固有之也。 九四,可貞,无咎。《象》曰:「可貞,无咎」,

義 正 之、未居其正 順之位,是尚 則可以免咎。 道 日 而得免其咎也。 大居无妄之時,必 也,然 謙也。 今九四以 而 如 何則? 以 此 陽 剛 居 有至 則 健 是 蓋 而 正 己 미 履 以 一之德 守其 以 位

之,故 言九四 剛 以從正 明之才,今雖 曰「固有之也」。 以 而 免咎。 剛直免咎,蓋于己之德性素有 履 《象》曰「固有之也」者 不 正,然以 尚 謙,故 可

妄之藥,不可試也。 九五,无妄之疾,勿藥有喜。《象》曰: 无

義曰: 若復 也。 藥以 則自然可平矣。 亦不足興兵撓衆以動中原,但在得其人 紀,及邊鄙有小小之寇,皆非己之所招 治,萬民无不安。若其間一有邪佞之于 治,則君臣之間无不正,朝廷之上无不 有六二柔順之臣爲己之輔,共致无妄之 (漢 〈害也。 之君 以 今九五以剛 攻治之,但保安其身,則疾自 毒 藥,所以 藥攻之,則是自取 ,窮兵黷武,長 故无妄之時,有其疾不試其 如有小小之疾,不須用 明之德居至尊之位 疏決壅滯,攻治其疾者 征遠伐 傷敗耳。 以以 愈矣。 至反

妄」之行,窮之災也。上九,无妄行,有眚,无攸利。《象》曰:「无上九,无妄行,有眚,无攸利。《象》曰:「无藥,則自獲其安而有喜也。

爲衆之所不容,行則有災,復何所利?在无位之地,失中正之道于无妄之時,相守而不敢爲非妄。今上九居卦之極,義曰: 无妄之世,无一民一物不以正

## 大 畜

然小 復其性 義曰: 柔順,故不能畜之于始而終止之,故爲 然後可以大有所畜,止于邪曲之人也。 畜,故受之以大畜。」夫君子之人,既 畜則巽在 ,明其心,不爲非 按《序卦》云:「有无妄 上,乾在下,巽 妄而從于正道, 爲 陰,其性 然 後 能 口

食,吉」,養賢也。「利涉大川」,應乎天也

因二體以

釋大畜之名。

剛健

而尚賢,能

止

健,大正

也。

「不家

道也。 得天 邪欲,如 故邪欲不行而 賢皆進于朝廷,受禄于國 者,夫乾者 天 小畜之象。 陽 圃 衢之亨, 獲其 其性 下大正之人進輔于己而 有貴 能 有大正之德,然後 「不家食、吉」者、夫人 此,則固可以成天下之治, 无 合也 爵 邪曲之欲,而 剛 Œ 是 重禄養于賢者, 健,君父之象。 爲 正 道 「利涉大川」者,人君既 大畜之卦 故 則 日 能 艮 興,以樹成天下之 在 止 山 臣 畜 上 而 以 下能 也 于始而終 不食于家, 止畜己之 使天下之 君之治天 輔 夫 在 歸于 以 It 利 下 畜 雖有 君 正 之 雖 艮

險大難,亦得以共濟之也 大畜, 剛健 篤 實,輝 光 日 新 其 德。 而貴 艮 以 謂 又 乾

臣之間 之畜己之邪欲,成己之治道,所以 嚴之威,而能崇尚有德及禮下賢人, 上,今反居下,是猶人君有至尊之勢,至 增新也。 行,治道 仲 有 接 孟 八相協。 于 言 有 子之意,言人君之于臣,有大正大 ,學焉而後臣之,故不勞 寵之也。故孟子曰:「湯之于伊尹 剛陽之德。 而後臣之,故不勞而王。 莫 下 剛 皆有如此之德,故其 所以能大畜者,由 。「剛上而尚賢」者,剛, 日 由 健 ,臣有篤實之德 以 而發。夫如 既 之德。 廣, 能相交,則上雖有邪 夫乾爲至剛,本居 輝耀光明 實 是,故正 君有 謂 以 而 艮 輔 心 剛 m 其 有篤 桓公之于 志 艮也, 于上,君 德 道 霸。」然 健之德 相同, 源爲之 師 日 日 實 尚 使 乏 蓋 以 以

又應 進,而 之如 共 敬可 應于乾之初九、九二,猶君 之道 人君 夫以 也。 君之邪欲以贊成其治道也。「「利涉大 m 濟天下之難 之道 師 知矣。 于君, 既禮 應乎天也」者,應,謂六四、六五之 此 汲黯之才,但一直臣 則可也,是故 威嚴之勢,而臣能 事之,然後 能止 願立于其朝以 ,則其大正 下于賢而 健、大正」者,健 「「不家食,吉」,養賢 君臣之間道義相 當尊 也 可 寵 漢武 至賢之臣,其君之畏 以 而 禄養之,使賢者皆 輔翼于君,而 輔 禮 不冠 止之,必有大正 下 于 能 耳,然尚畏憚 調調 之, 己 不見 同, 接于臣,臣 圃 乾。 不 歸 一志 也」者 以 汲黯。 止 夫人 正 爲 畜 而 消

前言往行,以畜其德。《象》曰: 天在山中,大畜。君子以多識

義曰: 至高至大者,天也,而物不可

也。 有不學而能至也 古,孔子習于周公,是雖有聖人之資,未 亦不能成之,是必多聞 子之人雖有五常之性,苟不 可以成也。 以自藴畜其己之德 今山 子觀此之象,而 能 包 夫以堯、舜、禹 **温** 之, 故 多 假 博 忧 識 象 識 大聖人而稽 前聖之言之 得大畜之 ,然後道 該博古道 何則?

不犯災也。不犯災也。《象》曰:「有厲,利已」,

躬。 義曰: 邪欲侈縱 天下之勢,必不能无邪欲侈縱之心。 明之才,而 〉曰「欲 是言縱欲之事不可 夫乾,君之象 而不戒之, 敗度,縱敗 邪欲之情 也,以君之至尊 則 禮 欲 不戒。 以以 必 縱,是有危 至 速戾 危厲, 今初 于厥 厲 故 有 有 有

有剛 利。 犯于災害之事而反從于吉也。 之,使己之邪欲不行而從于正,故不 者,言始雖 臣 也 欲行,而 行之事皆從于正道,如是,則无 處君之左右,以 《象》曰「『有厲,利已」,不犯災 欲 「利已」者,已,止 驕侈之心,不得以 上有六四爲之正 有 厲,而得大正之臣以止 止畜君之邪欲。 一也,言初 萌以 應, 是大正 九 騁,使其 之剛 所不 故 也 至 畜 雖 之 將

尤也。 九二,輿説輹。《象》曰:「輿説輹」,中无

義曰: 无 質,又居卦之中,是人 之心,已止 上行,而 尤 而 爲之輔佐。 不能 也」者,言二 初已止畜之, 輹,輪輹 進 而 也。 不敢行, 故二能恐 《象》 雖有剛欲之情,而 也。 君 如 日 又 九 車 E 懼 有 應 亦 輿 輿 剛 戒 之 説 以 慎 欲 于 説 輹 其 大 之 剛 其 明 剛 正 12 得 中 欲 之 欲

> 者也 不能 其諂 也。 大正之臣止畜之。 二曰「輿説輹」,是得其良臣而能反 自 反之于善。 思 佞之臣逢迎其惡,導贊 然則,大凡人君不能无 省 于己,故 今初日「有 且 由 己本 其 中 有 丽 (其非, 邪欲 厲 剛 无有 明之才, 利己」, : 尤過 則終 于 但 患

九三,●良馬逐,利艱貞。 有攸往。 之馬馳逐于大道之上也。 道,以至凡所行之事,无所 已不行,故此九三則言進 義曰 言九三所爲之事雖皆合于正道,然必常 居于左右以止畜之。至于九二,其邪惡 大正之臣,以居于左右而艱難守正, 《象》曰:「利有攸往 夫初欲上進,以其得 曰: 「利艱貞」者, 不可,如馴良 退皆合于正 」,上合志也 大正之臣, 閑 興 衛 利

■「九三」,原誤作「上九」,今據康熙本、《薈要》本改。

利,由上九大賢之臣,以至正之道 攸往」,上合志也」者,言此所以 閉閡車輿」之意,非也。《象》曰 習其行道之具,使无有 言既有賢正之臣以 乃 又相符契故也 于己,而能崇敬禮下之,其心志相合,道 正,故所行无不利也。 守正,猶恐所爲之事或有過失,故曰 可 以獲吉 侍從也,皆所 也。 曰 輔于君, 開 以 輿 疏謂 「雖 爲行道之具 過差 衛, 而又能 利 而 有 无 日 攸 往 有 歸于 艱難 利 往 也 有 輔 不 X 閑

正道 好君 孟子 而 正道止之,是有愛君之心,故君臣 喜悦也。 吉」,有喜也」者,言臣既能制君之邪欲。 牢牿,言其易也。「元吉」者,言四既以 才、 君又樂從之而不行,故上下相得,交相 而得其元大之吉也。《象》曰「六四『元 大正之道使其君邪欲不行,故正道日舉 无過也。 至 也」。言景公欲騁遊樂,而晏子以 稱「其詩曰「畜君何尤」? 而止畜之,猶 明之性 故齊景公從晏子之言而大悦 圃 能 无角之牛 服 其義,故 圃 六 又 畜君者 制之 四 相 得 悦 于 以

「吉」,有慶也。 六五,豶豕之牙,吉。《象》曰: 六五之 六四,童牛之牿,元吉。

《象》曰:

六

四

元吉」,有喜也。

義曰:

童牛者,犢牛

加

无

角者

也。

有初九之剛爲己之應。

而初居乾之體,

君有剛志而欲上行,己以大正之道居

左右以畜

「止之。然初九又有至剛之

四居艮之始,以陰居陰,居得其正,而下

二居乾之體,有其剛欲而又有六五爲大有大中之德、柔順之質而應于九二。 九牙杙也,所以繫物也。六五居艮之體,義曰: 豶豕者,豭豕而見豶者也。牙,

其 萌而六四能 欲既 已,蓋未 君之剛 有慶也」者,言四「元吉」而有喜,此但 于九二,則是其邪欲已止而不行,六五 也,而四能畜之,是以獲元大之吉。 之上,是其易制也。「吉」者,言君之 豶豕之牙也。 「元吉」,而此但言 「吉」者,蓋初九邪欲 ·吉」而言有慶者,蓋六四是事之始,其 !安然以正道而輔之,故但言其吉,蓋 止之又易也。《象》曰「六五之『吉」, 于 之 是其邪欲已盡不行,故其正道日舉, 不 明之性 臣 不能行,是吉之道也。 制畜者也。今見豶而又繫之牙杙 行而從于正道 欲將 居 知其 ,能服道知義禮 輔 制之。夫居事之始,至難 左 萌 久長之效也。 夫豕者,蹢 右,故二亦 而能畜之,故但有喜 ,故六五畜止之易如 躅躁動之物: 下于賢,其 有大中之才, 至此六五 然六四 邪 言 至 者

喜而至于有福慶也。 而君至于无爲,大興天下之治,不惟有

衢」,道大行也。 上九,何天之衢,亨。《象》曰:「何天之

《象》曰「「何天之衢」,道大行 能止 亨,蓋以其正道之大行通達于天下也。 者,設問之辭。 傳寫者因《象》辭有之,故遂加之也。 經文有「何」字,推尋其義,殊无所適,蓋 下,如天之有衢路,坦然可以通之。 有天衢之亨。言其大正之道大行于天 三曰「良馬逐」,四曰「童牛之牿」,五 豶豕之牙」,至此上九,其正道已成,而 日 初曰「有厲,利已」,二曰「輿説 此大畜以艮體 畜于其始,而上九 按小畜以巽體居乾之上,故 言上九何以得天之衢 處乾上,故能 <u>1</u>E 一極有既 也」者,何 止 輹 畜 雨 之 日

Ⅲ <sub>限上</sub>頤,貞吉。 觀頤,自求口實。

觀 養 革而去之。 則己法 居其外,四陰居 然後受之以頤。 止 義 貞吉」者,言所 觀頭」者,言觀它人之所養,能 也。 實 畜 己之所養而從于正道也 日 . 而 于 「口實」是養身之具,故當常自 而效之, 内 邪欲,必 按《序 虚,口 「自求口實」者,此觀己之所 卦 然得 Œ 于内,陽爲 養 頷之象,頤養之義 》云:「頤,養也。」 若不得 道以養之也,故 得 謂之頤者,蓋 其正,則 其 實,陰爲虚 正 道 獲吉也 得 一,則己 E 大 蓋 也。 道 陽 求 畜 既

也。

天

地

養

萬

物,

聖人養賢

以及萬

民,

頤

爲

雨

露

霜

雪

使蠢

動

萬類皆遂其性

而

安

流

布

于

四

時,發

而

爲

日

月

風

霆,

散

彖》曰:

頤「貞吉」,養正

一則吉

也。

觀

觀其

(所養

也。

「自求口實」,觀其

自

養

下又廣 无 所養,又復觀己之所養,若皆得其 觀其自養」者,言君子之人既 生,故君子取以爲鑒也。 頤」,觀其所養也」者,言觀人所養, 臣, 其上 正則君子取 卜之人以安; 不 大矣哉 得其安也。 是所養皆得其 義之道養于下, 士能 民 臣 明 故君能 能 言人 能 頤 厚衣 充五 以忠信奉養其上, 養之義。 以爲法, 之所 以仁義養于民,則 在下者必 一常以 食以養其 一天 養,惟 Ē, 地 養其 使生 不得其 言天地 養萬 則獲吉 「自求 勤 在 身, 家, 靈遂 物」者,此 身竭 正 能 則 則 則 以陰陽 也。 性 則 謂 謂 謂 觀 謂 力 E 實 之良 予 得 「觀 之君 禍 之 之聖 以 故 賢 之 以 則 其

五.八

得其正 之時大,將以使上下、内外、大小所養皆 然後及民也。「頤之時大矣哉」者,言頤 化,行君之仁政,代君司牧,所以養天下 廣,一人不可 其 之民也。言聖人之有天下,必先養賢, 守,爲宰,班禄 擇天下之賢于 所養之道 聖人養賢以 所,此天 ,故先聖重嘆美之。 而頤養天下之民。 地 以 及萬 所 獨治 以養之,使其宣君之教 衆人者,爲公,爲卿,爲 以能養于萬 民」者,言聖人法天地 ,教化不可以徧及, 然四海之 物 者 也

節飲食。《象》曰: 山下有雷,頤。君子以慎言語,

義曰: 夫言語 慎其言語 動,是頤 食從口而人,不節則患害隨之。 曲 頷之象也。 上 П ",節 其 一艮爲 m 出,不慎則榮辱隨之。 飲食,以 止,下震爲動,上止 君子觀 安養其身也。 此之象,先 故君子

如是,身所以安,道德所以成也。節止其飲食,使皆得其宜,以養其身。必當慎重其言語而不妄發,以養其德,

「觀我朶頤」,亦不足貴也。初九,舍爾靈龜,觀我朶頤,凶。《象》曰:

義曰: 之明智而觀它人之所養。若它人之居 初,故不能守己之道而躁求妄進,舍己 明之才,足以自養其正。然以居震 人爵從之」。 智也。凡賢人君子居于卑下 時須命,自然得其所養也。 上之珍以待聘」,又孟子曰「有天爵 德,俟其時,需其命,不躁求妄進, 不得其所養者,必須韜藏仁 可以自得其 龜,所以知人之吉凶 所養也,故《禮》曰「儒 是君子有道藴于身 今初 ,或貧 義,卷懷 ,猶人之明 九 而 動之 有 賤 有 能 剧山 俟 席 則

● 「有天」,原作「天有」,據通行本《孟子》及康熙本、《薈

六二,顛頤,拂經于丘頤, 爲天下之人所賤,故曰「亦不足貴也」。 待其時,有明智 在 者,言君子无禄而 也 己也。 高 《 象 富 貴,而 今初九有其道 日 己乃朶 觀 而不 我 富、无爵而 朶 能自保以俟其養, 動 征凶。 頤 其 而 (頤,是 不能 亦 貴,以其道 《象》曰: 不足 凶之道 自守以 一貴

六二「征凶」,行失類也。 義曰: 頤」。 此 不 地 初,是拂違其常道 而 今六二无正應,而下近初九之剛 養于 』,行失類也」者,夫居上養下,在下養 加 反養于初,自上 而 行 爲 且爲下不能以道 身竭 ,凶之至矣。 上而養于下 養也,故 夫自上而反下謂之顛。 力以奉于上,此其常道 日「拂經于丘 如如 侕 《象》 則是 養于下,故 履于丘 養于上 拂違常 日 頤 「六二『征 墟 一而反 不 夫爲下 道,以 ;故因 日 平之 居 養于 「顛 下

百

上,此 其 (類也 常道 也,今二反養于下,是所行 失

《象》曰: 六三,拂頤,貞 義曰: 者,言君子之人于所養之道皆得其正 也。 亦不 養于人; 用,无攸利」者,十者,數之極也。 不正之道居于上,則不能以仁義之道 也,故以正道言之,是以凶也。「十年 得其正。 今六三以陰居陽,是履不得其位,行 奉養于君。 正則獲吉,故《彖》所謂「養 建 世以俟聖人而不惑。今六三不能脩 諸 可用矣,是以所行 象》曰「『十 「十年勿用」,道大悖也 天地 拂,亦違 正既失之,是拂違 居于下,則不能以忠信之道 ൬ 如此而行 N N 不 - 悖,質 年 也。夫所養之道 勿 年勿用, 雖 用」,道大悖 諸 所爲皆无所利 鬼 極十年之間 Œ 神 所養之道 一則吉 无 而 攸 无疑 得 夫以 也 也 利 其

養己之德,而以不正爲養之道,是其大

違悖于所養之道也。

咎。《象》曰:「顛頤」之吉,上施光也。六四,顛頤,吉。虎視眈眈,其欲逐逐,无

其 九之陽 威並 故進則 義曰: 相 裕 欲 此 則 下既得所 者,以正 又能養下,是得其吉也。「虎視眈眈,其 上 必隨 也 乃 繼 而 逐逐、无咎」者、言虎、暴猛之物也 「視眈眈」然,言威嚴之至也。夫居上 立 衆將放恣 不 凶也。 工其 其人之欲, 絕之貌,言居上之人既 ,使民懷 ,是養于下者也。 六二居下,不養于上而 以陰居陰,履得其 而養于下,則下无不得所養。 養,若无所節 古 丽 今六四處 ,故用威嚴以濟之。 无 德 使之 有 而 咎 畏 制 逐 威 害 于上體,是居人 逐 ,則必傷于寬 也 既居上位 正,下應于初 也。 然 「逐逐」, 養于下, 《象》 而 養于下 不絶 若恩 ,而 

之光大也。于上位而能盡其道以養于下,是其施澤「『顛頤』之吉,上施光也」者,言六四居

曰:「居貞」之吉,順以從上也。 六五,拂經,居貞吉,不可涉大川。《象〕

哉 ? 也。 義曰: 也。 之道 失,是未 是拂亂其頤之義也。 也。 六五失其正,故至于拂違其頤養之義。 今若能居 雖 耳。 豈有居至尊而乃拂亂其常道之甚 今六五乃以陰柔之質居于陽之位 但以其少不得于正,故唯失其養 以居守其正 凡爲養之之道,當守以 可以 「居貞吉,不可涉大川」者,言 守之以 濟于險 Œ 難 道 道,則可以 經言「經」,字之誤 也 而 得吉,然本有 得其吉 正 則 口

頤,厲吉」,大有慶也。 上九,由頤,厲吉,利涉大川。《象》曰:「由

義曰: 此一爻以剛明之質居一卦之最

之也。 己而 皆樂歸之,故雖 濟之威嚴,則是 者,上以剛明之才爲衆陰之主,衆皆由 也」者,言上九居其上而下皆由之得 養于下,下由之而 故必皆由 有所瀆也,故當 利涉大川」者,言上九既以仁義之道以 ,爲衆之所服 雖 :後得其養。若不濟之以 《象》曰「『由 至尊之位 于己而 ,是大有福慶之事也 恩 有 臨之以 一、然下 後得其 大 後得 威 頤,厲吉」, 險 並 大難, 威 所 立 应 養也 加 安,而己 厲 [陰不 則得 威 天 亦 能 嚴,則必 大 下 「厲吉 可 其吉。 自 有 之人 又能 以 養 其 慶 濟

大

過

兑 巽 上 下 大過,棟撓 利 有 攸往,亨。

義曰: 故受之以大過。」蓋聖賢之人仁義道 按《序卦》云:「不養則 不 可 動 德

> 才大德 之將 政教 則 弊,以此而往 頤。 素有 智,當此之時 故謂之大 之天下, 利有攸往 得 其亨通 陵遲,紀綱衰壞,本末皆弱,若大厦 以 然謂之大過者,言聖賢之人,有大 顛 積習之而 而過越于常分以 而 以救天下之衰弊,此所 八過也。 梁棟 , 亨」者, 聖賢之人有大才大 ,則天下皆獲其利, 則過越常分而拯天下之衰 不能支持,故致傾 藴畜其 棟撓 者,言大過之時 心,然後 正天下之衰弊 獲其 以 擴 次 而 利 干 充

往」, 末弱 彖》曰: 乃亨。 也。 0 剛 大過之時大矣哉 大過,大者過 過 侕 中, 巽 而 也。 説 行 棟 利 撓 有 攸 本

過 行 日 其 事 言聖賢之人有大才大德, 吅 拯天下之衰弊。 是大過之 故 能

0 原誤作「象」 今據康熙本、《薈要》本改。

道 賢君子拯大過之時 人而 北狄怨,曰:「奚爲後我?」是皆應 M 下之弊而 其才德而 之弊,扶救天下之衰。若當此之時,有 過行其事而又不失其中,故能復正天下 如聖賢之人有大剛明之才而超邁古今, 此指九二而言也。夫以陽居陽,守常之 已摧,本 陰居其上下,陰體柔弱,是猶 才德乎?「『棟撓』,本末弱」者,此 大功也。若才德賢智之偏 時,唯「大者」之人乃能過分以成天下之 利 行之,故湯始征葛,東征 也,今以陽而居陰,是過越于常分也。 丽 有攸往」,乃亨」者,下順上説 前廷紀綱敗壞,若大厦 乃得天下之悦從,故所往皆利 末皆傾撓也。 或不能過分行之,則不能除天 立 天 下之功 以以 也。 順而 一剛 「巽 則 西夷怨,南征 過 將 説天下之心 不 内外 而 顛 一而 可 中」者, 加 ",言聖 説 天 梁棟 皆小 言 況 行, 順 无

> 其時 拯天下 言君子 時,亦无能爲也,故先聖重嘆美之。 面 无 不 則 亨通 之衰弱,出生民 挺 미 以 不 行 也。「大過之時大矣哉」者 世之才,駕 之也。 若有其 非 于水火 常之德,必欲 (德而 者,必得 无 其

懼,遯世无悶。《象》曰: 澤滅木,大過。君子以獨立

不

義曰: 使名跡少露于人,而反貽其害耳 衰弊之中而无所 跡,養晦 當是時,苟不得已而 可以救天下之衰弱,立天下之事業 无所懼憚,不顧 分,推仁義不忍之心,獨 之象也。 之上,是卑者踰于高,下者踰于上,大過 八所謂 遯 仁義,以 夫澤本卑,木本高,今澤反 君子之人,當是 者 非謂 ·險難,不畏小人,如此 一憂悶 道 人于深 自樂,不與世 不可爲,當 也。 立特行,挺然 林幽 然則,聖賢之 時 而 谷, 能 一俗混 韜光遯 越 居 也。 則 木

茅」,柔在下也。初六,藉用白茅,无咎。《象》曰:「藉用白

《象》曰 咎之有,慎之至也。」蓋凡物置之于 《繋辭》曰:「初六:『藉用白茅,无咎。』 慎重之至也。 子曰: 『苟錯諸地而 而 紀綱隳壞,而聖賢之人有大才德,欲往 六以陰居卦之初,是以柔 固得其安矣,而又以潔白之茅藉之,是 于有爲,必當過分而 可以免咎。 夫爲事之始, 不可 事 日 拯之,是其事至重,功業至大,尤不易 一失其措,則禍不旋 始慎之 I「『藉 天下之大利, 初六居卦之初,爲事之始 況居大過之時,政教陵遲, 用白茅」,柔在 如此,則 如聖賢拯天下之大過,苟 輕易,必須恭 可矣。 又何咎之有耶 慎 可 以 踵 重,然後可也。 而在下,蓋君 藉之用茅,何 立天 下 而至矣。 也」者, 慎 下之大 也 地 ? 初

> 九二,枯楊生稊,老夫得其女妻,无 象》曰:「老夫女妻」,過以 之漸。 義曰: 子過 得其利也。 事,使衰者復興,亡者復存,是所行 之,故如枯槁之楊復生秀美之稊,衰老 剛明之才、勤健之德,立天下之功業,使 相與也」者,以老夫而 之夫而得少懦之女,復有生息之象 陵遲者得以興起之,隳壞者得以振 夫大過之時,聖賢君子能過行其事,以 是君子之人越其常分而 茅藉之于下,斯 「无不利」者,言聖賢之人過其常分以行 以女妻 其 稊者,楊之秀也。 事 《象》曰「「老夫女妻」,過以 加 而 慎 免 得老 咎 重之至。 矣。 得女妻,則 夫, 過行其 相 此以陽 與 則有老成之 此 也 以 事者也 有 柔 不 居陰 生息 无 潔之 也。 利 不 舉

漸,是皆過以

相與者也

可以有輔也。

之見而 不能施 也。 九三 也。 若過 天 用,是不 是凶之道也。《象》曰 紀愈頹,若大厦之梁傾 是守常之人不能過行其 但 可 以 守常之人,則未見其能 下之危難,濟天下之生靈,立 其 有剛明之才德,而 九二能過分行之,故所行皆利。 今九三乃爲守常之人,有才而 有輔也」者,夫天之生聖賢,將使拯 分而 係上六之應,使其政 用,有德 可以 大 過之時,君 行, 有輔于大過之君也 則 而不能操 山 以 「『棟 子 <del>V</del> 乃以 撓 事。 有 成 天 致,獨 而 撓』之凶,不 爲 天 下之功。 教愈敗 陽居陽, 不能扶持, 如有才 之際。 下之事 用匹夫 其 事業 不能 緇 而 則 此

九四,棟隆,吉。有它吝。《象》曰:「棟隆」

之吉,不撓乎下也。

義曰: 夫大過之時是本末衰弱之世

今九 丽 撓 鄙吝之道 則 六,若聖賢之人欲興起天下之治, 之世既拯民出于塗炭,然後獲其 之,使其 唯 于天下,若一 所畏憚,使天下无一 至公至平,用心不偏,獨力特行,挺然 得吉也。「有它吝」者,九四之應 下之弊, 下,故 聖賢 可 己以 乎下也」者,言九四 以 四 剛明之才終不私累于己,是不撓 興滯補弊,扶衰 出 以 修獲吉 、梁棟隆起而得全安 亦 乎其 也。 陽 如 居 有它志 《象》 大 陰, 類 厦 過 是 浴將傾 日 物不 行 能 圃 雖 『棟隆』之吉,不 過 其 拯 係 下有初六之應, ൬ 其 事 弱,而 于 獲其賜, 得 也 位 , 私 而 良 分 應, 拯 V/ 八亨通 匠 蓋 以 一濟之。 功 則 如此 在 必 衰 扶 拯 業 无 須 爵. 持 天 亦 初 而

譽。 九 婦 五 士夫,亦可醜 《象》曰 ,枯楊生華,老 :「枯楊生華」, 也。 婦 得 其 何可 士夫,无咎 久也? 无

實。 之道 士夫,无所補 婦 花易落之物,其榮茂不可 大過之時,自守己分,若枯朽之楊 日 能 陽,當至尊之位,但得其无咎而已, 息,不若老夫之得其女妻也。 常之人而拯天下之衰弊,故如枯朽 而 以 至尊,是居可致之位,操可致之資,是 可以 義 生其葩華易落之物,不若九二生稊之茂 者也。 振 士夫,亦 「「枯楊生華」,何可 過越以行事,是以无休美之譽。 但固守己任,是亦守常之人也。 日 綱紀于廢壞也,今反不能過越其分 ,當衰弱之世,必須過 老婦得其士夫,无所 拯救于時也。 聖賢之人 可 助 醜 ,又不能生息,適足 也」者、言衰老之婦 居至尊之位,有大 今九五 久也」者,言 補 得久也。 越 一以剛 助,不能 以 然以 行 陽 然不 之楊 以 生 五 陽居 得 以 處 一老 一施 當 滋 其 守 可 于 中 則

涉」之凶,不可咎也。上六,過涉滅頂,凶,无咎。《象》曰:「過

義曰: 頂,是不可 體本柔弱,則是才小德薄之人終不能 憫生靈之塗炭,悼紀綱之廢墜,然而 末衰弱 欲立天下之功業,何可咎責之也? 至于滅頂,故聖人于此憫之。 蓋此 涉」之凶,不可咎 弱,然其才力寡 咎」者,言上六有是 之道也。滅頂,猶言涉難之深也。 濟,其力薄而微弱,以至滅没其首 天下之難。 之世,而 以陰柔之質居上 猶如涉險之人,其志雖 咎 己 薄,不 責之也。 也」者、志在拯難 雖 心,而欲濟天下之衰 有 能終濟,以 義 《象》曰 卦之極,當 不 忍之心 至滅 欲終 是凶 「過 而 濟 其 本

坎坎 上下 習坎,有孚,維心 亨,行有尚。

流,防之則止,此水之信也。 者, 孚, 由中之信也。 夫水之性, 決之則 阻,若不能預習之,則才小力薄,致滅其 而此 于順,若是之類,率皆一字可以盡 在八純之數。其七卦皆一字而名,獨此 次于大過也。 其中,不可大過,大過則必有坎陷,故坎 天下,必當預積習之,然後可 故受之以坎。」言君子之人所 「習」字者,何也? 故聖人加「習」字者,此也。 卦上下皆險,以是爲 君子之人當此重險之世,欲行 按《序卦》云:「物不可以終過 然此 卦是伏羲所畫之卦; 蓋乾主于健,坤主 險 以 難 行必貴得 如君子之 公濟其險 重 「有孚」 其義。 一疊之 事于

> 《彖》曰:「習坎」,重險也,水流 之事而 不通 亦如水之无不潤,而爲時所尊 美,上而朝廷有其德,下而萬物被其澤, 之所尚也。若君子之人,當險難之時 尚」者,夫水之性,凡坎險之處无不流 中皆有剛明之德,是水之性至明而 至之,故能平其險難 力能扶持之,蓋由以仁義之道,才智之 逾其志,如此,則事无不獲其濟。 「行 可以平之也。 知幾達理,行于險難,有至誠无不通 以至誠无不 便習之,所行不違于中,思慮 如君子中有剛明之德,曉察險阻 「維心亨」者,坎卦上下之 通,若水流 而 潤澤萬物,爲時 而 尚 而不盈,行 坎 也。 无 所 有 而

康熙本、《薈要》本有「之」字。

險而不失其信。「維心亨」,乃以

剛中也。

行有尚」,往有功也。天險不可升也,地

之時用大矣哉! 一次是一次是一个人,这是一个人,这是一个人,这是一个人,这是一个人,这是一个人,这是一个人,这是一个人,这是一个人,这是一个人,这是一个人,这是一个人,这是一个人,这是一个人,这是一个人

義曰: 是猶 也。 習之,然後可以 亨」,乃以剛 身,竭力盡誠,往 猶君子之人當險 處,則決然 之一坎,无有盈 坎」,重險也」。 坎,是重險之象也。 流于下而 剛明之德而 失其信」者,夫水之流者,盈于一坎而 天下之事業,惟坎險之事 「行行 水 夫坎,險也 君子之人素能習其坎難之事 之流 浬 有 而往,无所凝滯,是其信也。 :澤萬物,是有生育之功爲時 尚」,往有功」者,言水之性 中」者,此卦以陽居中,是有 行于險難之中,故无有 而 「水流 滿 拯濟其事 不失其信 而拯其難,无有凝滯, 難 m 之世 陷也。 不流者。 亦言聖賢之 而 不盈,行險 一,奮然 也,故 最 也。 此 難 若險峻之 桂 「「維 不顧 日 則 F :不通 欲 必 而 下 心 其 素 致 又 皆 不

> 國。 濟之也。 者,言預能習坎險之事及是時用其道以 化,以厲俗。 言地 故能 以 固 内爲之戒; 之險而扼衝要之地,據形勢之會以建其 不 此 ·王公設險以守其國」者,言王公法天地 可 其基業之久也。 物 以 往 階 有 高城深 保 則 下 而 高 其 梯 廣 有 不 崇 山、大川、高丘、峻陵,以包藏 明 其 而 可 成 池,外爲之固, 高。 險之義。 升,其神明之道不可測度 踰 如 嚴刑 功也。 此, 越、故物得其保全也 「地險,山 法,以 所以保國家之大 「險之時用大矣哉 言天之崇高極遠, 天險不可升」者 除姦, 川丘陵」者 堅甲利兵 飭 而

以 難之 不能 失治天下之道,是其懦弱失道之甚,愈 坎1人「坎」,失道凶也」者,言初六之柔 之處涉其難,愈凶之道也。《象》曰「習 不能素習其坎險之事,以至復入于深 之治一 訶 其 不 險之始 日 能 道 世 IXI 自奮,柔 愈 自立,以之治一身則一身不治, 可行于天下。今初六以 窞者,坎中之坎 深也。 國則一 ,而上又无 有 剛 而不能自立,位卑身弱 明之德而 國不治,以之治天下則 其應 也 素習其 援,是其 大 凡 陰 事 柔 卑 居 又 居 險 而

得」,未出中也。 九二,坎有險,求小得。《象》曰:「求小

二陰之間,不遭其時,不得其位,其道不于天下也。今九二雖有剛明之德,而居加之以大中之道,乘時藉勢,其道足行義曰: 夫聖賢之人,有剛明之才德,又

而已。 得。 位,而又未出于險中, 得 得時居位,行其道于天下,无 也。 行 今九二雖有才德,然 于天下, 「求小 得」者,夫 在于坎難之中必有危險之 是以所求止小 君子有 不得 所 才 其時 求 而 崩 不

則庶可 深也。 位 用 既險而又且 履復失正,而 義 而 坎,是其往 又枕 一,則未出 日 」者,言六三以其不中不正,身在 」者,蓋 于險,以 入于難深之人,是終不 拯其險難 夫有剛明之才德而履于中 身在于坎而下乘九二之剛,是 來之間,皆其坎 于坎,若往之于上,則 枕 又介重坎之間,若來 于 此而往,則 也。今六三居不 險 也。 「人于坎窞, 險 愈 也。 可以 于難 復 「險且 . 得 于險 居 有 其

《象》曰:「來之坎坎」,終无功也。

六三,來之坎坎,險且枕,人于

坎

容

勿用

了,尊雪莲飞,月云,内内目漏,冬云床。用之以治險難,則无有其成功也。 也。《象》曰「終无功也」者,言此六三欲

《象》曰:「樽酒簋貳」,剛柔際也。六四,樽酒簋貳,用缶,納約自牖,終无咎。

心志 飾。 以 之君, 九五又 相待,亦終无其 缶質素之器納 下无疑貳之志,故其 始,以陰居陰是履得其正,上又近九五 上下相交,君臣 ,謂君臣之道相交際也。 通 幽 相 雖以一樽之酒,貳簋之食,又以瓦 交,故不假 而達明也。 言六四出 无 其 相接,故上无猜忌之心, 悔 應, (至約于户牖之間,以此 咎也。 飾 《象》曰 于下卦而居上卦之 故盡 于外物,蓋牖 相待之物不假外 心而委任之。 蓋至誠 「剛柔際也」 相通, 者所

不盈」,中未大也。 九五,坎不盈,祗既平,无咎。《象》曰:「坎

義曰: 九五當坎之時,居至尊之位,有

剛 也。 者,言五在坎之中流之未盈滿,喻君之 中,未出險 道未盡得其勢,未能大亨通也 ·无咎」。《象》曰「『坎不盈』,中未大也」 明之德,大中之道, 若坎險既平,則是出于險難,故 難,是坎險未 然 盈 而 者 猶 也。 居 上坎 祗,辭 之

《象》曰:上六,失道凶,三歲也。上六,係用徽纆,寘于叢棘,三歲不得,凶。

也。 險惡 之以 道也。 圃 如顔氏「不遠復,无祗悔」。 者,夫君子之人在平夷之地能思其過, 改其惡,是終不能改,然後刑之,此凶之 思其過。 使 う,教化 徽 省其過,是其失道之人也。 是險惡 《象》曰「上六,失道凶,三歲也」 經之索,置之于叢棘之下,使之 上六處兩坎之上,險惡之極 至于三年天道小變之時,苟不 不能導之,乃置之牢獄三 m 不 俊,如 何處之? 小人之情則 故《周 宜

殺。 下罪 禮 冠 能改者,上罪三年而舍,中罪二 飾 雖出,三年不齒。」此之謂也 而 司 年而舍。 加 圜 明 掌收教罷民,凡 刑 焉,任之以 其不能改 事 而 害人者 圃 出 年 收 睘 ·而舍, 教之。 1,弗使 土

## 離離上下 離,利貞,亨。畜牝牛,吉。

後,必 義曰: 矣。 兩日 離者、麗也、日也、文明也、人君之象也。 IE 者,言聖賢之君繼世 必有所 老 道 故 相並 而啓繼,是其聖賢之君皆以正道相 而爲治,然後天下獲其利而得亨通 須附 古之堯老而舜繼、舜老 麗,故受之以離。」蓋言險難之 按《序卦》云:「坎者,陷 ,聖明相繼之義也。 文明之人,然後得其安也。 以 有天下,必皆以 「利貞亨」 加 也。

> 柔之謂 湯之伊尹,漢之平、勃是也。 事。 成天下之治,相繼 則盡忠于國,下則竭誠于民,如此,故能 所畜之臣 之故也。 繼 順之物,所以 得其亨通矣。「畜牝牛,吉」者,牛,即 上,上之者麗于下,皆以 而 无 有柔順之德,不奪君之權,使之上 也,則是牛而又牝,言至柔至 不得其亨通。又若下之者 蓋聖賢之人繼世以治天下,其 必須有遠大之才堪任國家之 任重 不絶也,若周之周公、 而 致遠也。 牝者, 正道,然後 麗 可 順 又 柔 于

柔麗乎中正,故亨。 木麗乎土。 **参》曰:** 義曰: 于天故也。 息,幽隱之間无所不燭者,蓋 廣明離之義。 此言離者,麗著之義 離,麗也。 重明以麗乎正,乃化成天下。 百穀草木所以春 日月所以常明,晝 是以「畜牝牛、吉」也。 日月麗乎天,百穀草 也,故因 1生夏 其 E 一麗著 一夜不 mi

于正道 亨也。 此故能 大之才,有重厚之德,使之竭誠盡節, 以柔順 順之道而麗著于中正之位,是其君 正,故亨」,謂二、五也。言上下皆以 如是故 是聖賢以柔順之道相繼而明,而又附麗 化成天下」者,言上 成冬收 下麗著 故曰 能 亨。 然而聖賢之君,其所畜之人有遠 而居中正,以成天下之治而 而行,使其教化流行,德澤洋溢 ,小大高下无 于土故 「是以「畜牝牛、吉」也」。 化成天下之俗也。 繼世以有天下,爲萬 也。 「重 下重離 不遂其 明 以 ,兩日之象 宜 麗 「柔麗乎中 者,蓋 乎正,乃 世之 獲 臣 其 皆 柔 如 其

四方。《象》曰: 明兩作,離。大人以繼明照于

義曰: 光,臨 大德之人,以其文明柔 照不 L 下二 絶 之象 離,是 也 兩明 順之道,相 大人者, 也。 兩 大 日 以 才 重

> 其光 有 天下 明 相 而 繼 臨 綿 照 綿 于四 面 不 方, 絶 也 幽 隱 无 所 不

錯」之敬,以辟咎也。初九,履錯然,敬之,无咎。《象》曰:「履

得中道也。 六二,黄離,元吉。 初,不能脩省恭謹,則未免其咎。 慰生民之望,所以得免其咎。 然,警懼以進德脩業,上副祖宗之託 下。若繼嗣之君于事之初,則 「「履錯」之敬,以辟咎也」者,言居事之 九居離之初,如日之初生,未 義曰:「錯然」者,敬之之貌也。 《象》曰:「黄離,元吉」, 明 《象》 當 照 言此 常常 于 E 天 初

中正文明之德,此所以自然得其元吉。令,爲皇極之化,故有元大之吉。《象》既中且正,如日之中,朝廷明盛,行政施既中且正,如日之中,朝廷明盛,行政施

嗟,凶。《象》曰:「日昃之離」,何可久也。九三,日昃之離,不鼓缶而歌,則大耋之

義曰: 勤,以 倦于勤,以舜代之; 志,使教化陵遲,是何可以 可 之久,所以免大耋之嗟矣。《象》曰「何 後得其吉。今三不能鼓缶 朝則致朝事于其臣, 人之年已衰老,不能鼓缶自樂以安神養 大耋之咨嗟,凶之道 老,則至于教化陵遲,萬事隳壞,是以 其代則可也。 光有所虧也。 久也」者,言日之既昃,不久而 禹代之。故得教化大行,致太平 九三,過離之中,如日之昃,其 在家則致家事于其子,在 若人之年已衰耋,必當求 也。若堯之耄期, 以安神養志也,然 舜之耄期,倦于 長久也 而歌以養衰 傾。若 有

> 如。 如是,則死之亦宜,故言「死如」。 故至焚如。 位。其身不正, 恃其權 初 人神所共棄,天下之所不容,故曰「棄 其非道遽然而 如如 日之已没而 然失其爲臣之道, 逼君之位 進 再出,突然 ~<del>,</del> 且 切近至尊大臣之 位 乃欲炎于上, 而 明,是 若然

六五之「吉」,離王公也。 六五,出涕沱若,戚嗟若,吉。《象》曰

至也。 質居于至尊,下爲 雖爲强臣所逼,然居于至尊,麗著于王 也。《象》曰「六五之『吉」,離王公」者, 于「出涕沱若」,而 獲其吉。 公之位,天下之所順又能憂傷之至,故 日 以其憂懼如 六五爲離明之主,然以 又 九 是之至,然後得其吉 (憂戚 四 强 嗟傷,言慎之 臣之所逼, 柔弱 之

上九,王用出征。有嘉折首,獲匪其醜,五

以 伐罪而已,故折其首惡,匪及其衆, 征于四夷,所以正華夷之體, 正 民之法, 嘉美而无悔咎。《象》曰 侯,所以正君臣之義。 叛之事,王于是以兵征之。征者,正也。 中,是政教已衰,故有四夷侵侮、諸侯背 正邦也」者,言王之用以出征,以 醜, 君則 衆也。 王用出征」,以正邦也 君, 臣 上九亦如三,過其 則 誅其元惡,弔民 臣, 「王用出 邦 國 征于諸 從 則有 正 征 萬 面

周易口義卷五

則

萬物无以化生,

男女不感,則人倫

經之首也。

「亨,利貞」者,言天地不交,

感也,天地之大經,夫婦之大倫,故爲下

之情。分乾坤坎離

故聖人作《易》以

通神明之德,以類萬物

爲上經,取咸恒既濟

未濟爲下經,以

盡天道人事之理。

咸,

臣、上下莫不有感之道,然後

得

其理。

## 周易 口義卷六

之道

廢。

是皆有感而

後亨也。

然

既 交

感,不可邪諂,必

利以

Œ

道,

則

盡

感之

義,故曰「亨,利貞」也。

「取女吉」者,言

宋

胡 瑗 撰

《彖》曰: 物之情可見矣。 感人心而天下和平。 貞,取女吉」也。天地 應以相 與。 咸,感也。柔上而剛下,二氣 止 而説,男下女,是以「亨,利 感而 觀其所感,而天地 萬物化生,聖人 咸

Ħ

兑艮 上下

咸,亨,利貞,取女吉。

義曰

夫有天地,萬物、男女、夫婦、君

.

咸

下

經

義曰: 男也,至貴也。 也,至賤也, 人之交感之義也。 夫女守正静,男以禮 夫柔者,子也,臣 剛者,父也,君也,夫也, 貴上賤下,人之常道也, 也,婦也,女

咸之道利取女吉也

取于少女,則人倫正

而天地之義畢,故

兑三索而得女,故謂之少女。」言以少男

卦》云:「艮三索而得男,故謂之少男。

萬物化生,故此卦上兑而下艮。在《説

感之爲道莫速于男女。男女相感,然後

交通 如前 以 罔 言聖人享天下之貴勢,**藉天下之重器** 知交感本自然之理,故无 天氣降于下, 爾,況于人乎? 則地氣无 上,地以卑而自處其下,天不降氣于下, 是女守而男不以禮下之,則夫婦之道亦 處,君不能 義行,而 如賢者懷道 下女,故曰「咸,感 二氣感應以 成 變, 克成 之, 也。 義。 則萬物 萬物 則夫婦 也。 上下之禮興也。 「聖人感人 「天地感而萬物化生」者,此言 由 以禮下之,則 四 而 何則? 義, · 地 以 相與」至「『取女吉』也」,悉 時 道 升。 生以 氣升 君 成 故感道貴以尊先卑,男 无 心也。 以 丽 以 如是,則陰陽之道无 心 育而各遂性命。 于上,二氣升降 天以高而 禮下之,則君臣 父子之親 成 而天下 柔上 君臣之分廢矣。 也。 或賢者以 所 不 ൬ 夫天地 和平」者, 生,无 可 剛下」。 自 見 處 び道自 也 所 其 之 尚 而

> 天地二 信之道 也。 非由 其所感 天下化。 地交感,然後萬物生; 其所感, 而 、之骨 不以 天下之人均 勞 咸,感也。 一,使 而可見也。 氣自然交通而 心求感于人,而人自感之,亦 髓,然後感悦于心而歸之也, 神役思諄諄然取 凡此類,是天 而天地萬物之情可見矣」者,天 其仁義教化藏人之肌膚, 感悦 卦不名感而名咸者, 而 萬物化生也。 化之者 地萬物之情狀因 男女交感,然後 其心而求感之 1,是必 推 觀 聖 如 誠

象》曰: 義曰: 然感悦 通氣之象,必虚其 澤之氣通于山 道 生成,此 行之于身而加之于人,則 而 按《左傳》云: 相感之義 山上有澤,咸。 歸慕之也。 則萬物得其 心, 也。 推其誠, 「澤竭 是非假 故君子 君子以 天 濡 則 役役役 法 下 以 潤 Ш 虚 一崩 之人自 此 受 而 義之 山 遂 求 其 澤

之感也,故曰「君子以虚受人」。

初 六,咸其拇。《象》曰:「咸其拇」,志 在

外也。

也。 義曰: 四,是其所感之道不及于他,而志在于 曰「志在外也」者,言初六之應在 自有所動,是所感止及于趾,感之道 下交相感悦,是由感之道深故 天下之人皆合心畢慮,感悦于上也。 摩,使之人人之肌膚,藏民之骨髓,然後 之道施爲仁義之教,禮樂之化,以 「咸其拇」,夫拇者,足之趾不能自動 而淺末者也,故曰「咸其拇」也。 蓋初六居艮之始,處卦之下,不能 夫感之爲義 貴于深,當 也。 以 一于九 漸 聖 者 賢 以

四而 已,志在外也。 居吉。《象》曰

居吉,順不害也。

六二,咸其腓

凶。

雖

凶

腓者,拇之上,股之下,躁動之

有害者也。 感之道雖未能深感人心而有凶,然若以 至誠 道自處,則得其吉,是能順于道而不至 人,但居其所,推至誠 之人自然 物 曰「雖凶居吉,順不害也」者,言六二所 人自然感而歸之,故曰 正,夫能以道自處,不務躁動,以求感 速凶之道也。 六二居下 也。 感人,而 夫感悦之道根 而感。 卦之中, 「居吉」者,言六二居中得 務在躁動,是不能使天下 如足之腓,躁 始能 以及人,則天 諸 「居吉」也。 離 至誠 初之拇,不以 口 動不常, 也。 八下之

九三、咸其股、執其隨、往吝。《象》曰:「咸 其股」,亦不處也。 不能 日 而 動 自主,足動則動,足止則止,是其志 上六,但志于隨 者也。 股者,上體之下,下體之上,隨 九三以剛處下卦之上而 志在隨人,所執下也。 人,故若股之爲物,

己。 也」者、言九三之志止務隨 往吝」也。 淺 爲感悦之道,是所執之志在于隨 能高尚其爲,是所執卑下 末 以此 處,徒欲觀 者 也。 。《象》曰「志在隨 而往,鄙吝之道,故曰「執其隨 執 其 人之顔色,察人之辭 [隨]者,言九三不能 人以求感悦 也 人,所執下 人而 以

往來」,未光大也。《象》曰:「貞吉,悔亡」,未感害也。「憧憧九四,貞吉,悔亡。 憧憧往來,朋從爾思。

象也。 義曰: 也。 謙沖。 若守之以正,則吉可 下之大,生靈之衆,不可家至户曉,在聖 居陰,失其正道,本 推至誠之道,仁義之化,以廣洽之, 然感悦 「憧憧」者,往來不絶之貌 夫感之道所利者 九四居股之上,處 而歸之,是聖人感人之心必在 ·有悔 也 IE ),然猶 一,今九 脢之下,心之 獲 也。 而 四 悔 能 以 可 履 以 則 天 陽

身也。 來,日 能感 其思 以 屈也 暑往 慮? 窮 身,以崇德也。 尺蠖之屈,以求 憧往 下 大也」者,按《繫辭》曰:「天下 所感未至于害也。 悔亡』,未感害也」者,言能守正得吉, 慮 虚 神知化,德之盛 何 感于人,乃憧 加 己之心 來者 則寒來, 歸之,是不能 慮 思何慮? 來,朋從爾思」也。《象》曰「『貞吉" 于天下,惟己之朋黨則 天下同 月 精 而 相 也 求 義 伸 推 入神, 人之悦 寒暑 歸 丽 也 今九 過此以往,未之或知也 信 而 憧 H 明 屈 相 殊 也。」今九 盡感之道 往 以求之,是其道未光 也。 生 以 四 「憧憧 伸 推 一焉。 則月 塗,一致 但 致 憧 相 龍 mi 顧 憧 用 歲成焉。 來,月 感 寒往 蛇之蟄,以存 己 然 也。 往 四不能虚 也,故曰「憧 而 之 從 丽 往 來」,未光 利 則 私 爾之思 百 來,勞苦 利 何 往 暑來 生焉。 慮,天 應,不 用 思 往者 則 安 H 1 何

大也。

元五,咸其脢,无悔。《象》曰:「咸其脢」, 九五,咸其脢,无悔。《象》曰:「咸其脢」,

志末也。

上乎? 也。 以陽居陽,不能禮下于臣民,以尊而 恃,以貴而自驕,不能盡感悦于天下者 海,則天下之人自然感悦于上。今九 之道,使教化行于天下,德教深 尊之位,必須謙沖,禮下于臣民, 夫爲感之主而不能盡感之道,其存志淺 悔也。《象》曰「『咸 可 以其居中得正,處于尊位,猶可以无 知也。 夫以心感物猶未爲得,況過于心之 其不盡感之道明矣。 脢者,心之上,口之下。 其胸」,志末也」者, 「无 被 擴 夫 居 海」 自 74 五

頰、舌」,滕口説也。上六,咸其輔、頰、舌。《象》曰:「咸其輔、

義曰: 輔者,口輔也。上六處一卦之

徒戚 《象》曰「滕 不能 誠,但滕 感在于 終,以人體言之,輔頰之象也。 施 施  $\Box$ 面 仁義至誠之道自然感悦于天下, 口 輔,故 柔以甘言美辭求感于人,是所 頰以語言求感而已。 口 説也」者,言不 日「咸 人其輔 能感人以至 、頰、舌」也。 言上六

恒

■ 震上恒,亨,无咎,利貞。 利有攸往

義日 之恒者,巽爲長女,震爲長男,二長相 既成,不可不久,故受之以 之道。 君臣之道既成,則能 成,則能成家。 久,故受之以恒。恒,常久也。」言男下 與,故恒久不息以成家也。 于女,故能成夫婦之道。 《序卦》云:「夫婦 君下于臣,故能 夫婦 之道 恒也。 成 國。 之道 不 成 미 君 國 既 臣 不

八〇

成矣。 貞。 貞。 也。 既獲其亨,何咎之有? 歲,以至終而復始,无有窮已,則 誠不息,執節不 道、君臣之義既皆久而不變,以至于亨, 義,故曰 成、則不可不久、故以長言之、取 速 久之道所 少 不利。 而 至行之天下,均能不變所守,則 ,故以二 則可至于賢聖。 恒 君臣既 不變,則可以施仁義禮樂以 故行之一身,行之一家,行之一 夫婦、君臣 夫婦既久,欲成一家之事者不 以二 「利有攸往」者,言人之所守 恒 是故爲君子、爲學能常 利者貞,久而不貞與不 也。 一少言之。 長者, 久,欲成天下之治 无 「亨,无咎」者,言夫婦之 變,積日累月, 蓋 所不正,則 始 爲君臣、 男女既别, 則 「利貞」者,夫常 所 感之 爲 常 亦 道貴 化 治 積 久 不 長久之 夫婦 久 无 之道 其道 能常 所往 月成 久同 能 ·可不 成 而 可 不 至 既 于

> 月得天 與,異 地 人久于其道而天下化成。 而 咎,利貞」,久于其道 (象))日 萬物之情可見矣。 不已也。 大 成 M 而 動。 道既 能久照,四時變化 恒, 「利有攸往」,終則有始也。 剛柔 久也。 大 成, 皆 則所 也。 剛上而柔下,雷風 應,恒。 往 天地之道,恒 觀其 何不利之有? 而能久成,聖 「恒,亨, 所恒,而 相 久 日 无

得風 已成。 化 故能 至賤 故國家之道成矣。「雷風相與」者,夫雷 上,臣以卑而 位乎内。言之一國,則 義 成 猶 日 則益 助天 ,蓋取其 夫 也。 婦 言之一家,則 震上爲剛 地生成之功 相 貴賤 威,風得 與 處其 相資益而成長久之道 而 有 人倫 别,尊卑有 至貴 下,内外上下之分定。 雷則愈盛,二者相資 男 īE 也 正 一君臣 君 也。 位 以人事言之, 以 序,而 乎外, 巽 尊 相與 下爲 而 位 常道 而 平

蓋此 不已 震,震 月往來 厚容載萬物,亦未嘗休息。天地之道 明運行 此言凡人之作爲皆能至誠 成」者,夫日 「『恒,亨,无咎,利貞』,久于其道也」者, 而 巽 日月 『利有攸往』,終則有始也」者,義見前。 天地之道 、是猶夫義 容 夫, 皆燭之,蓋 而 以 則得「亨,无咎,利貞」之三德也。 卦剛柔皆相應而 載, 得天 動」者 爲 臣 成其 加 升降,晝夜 動。 事 能 恒久 圃 臨 往 愐 道 君,皆常久不易之道也。 加 由 能 下體巽,巽 此 也 照 則月來,月往 不變,故且 婦 而不已也」者,夫天以 所麗在天,故能久明而 久照,四 解 天下之物。 聽,君義 未嘗 「剛柔皆應,恒」者 不失其常,亦猶婦 桂 【休息; 一之體 時 爲 而 變化 順 不息、悠久, 高 則日來,日 臣忠,常久 无論 也。 且 以 地以博 而 大也。 能 巽 E 細 久 運 高

> 天地 于其道 四 不 然後賞罰有常,號令有信,天下之人莫 不易,无有窮已也。 者,夫天地至大,日月運 之,冬以終之。或代 于四 无 居天下之尊,發政施仁,亦必久于其道 久成」矣。 「聖人久于其 能生育萬物以 久而不變,故照臨四方,生育萬物, 曰「日月得天而能久照,四 時 仰 已 有 變化,萬物代謝,皆久于其道,无有 萬 時,故春以 而 過 則天地萬物之情常久而 ·物之情可見矣」者,夫日 ·歸之,以成其風化,故曰「聖人久 差 而天下化成」也。「觀其 也。 成歲功,久而不易也,故 天 生之,夏以 地 之大,陰陽之運 或謝,周 聖人有天下之大。 道而天下化成」 焉,四時行焉 長之,秋以 時變化而 而 可見。 月臨 復始,故 所恒,而 久而 能 成

義曰: 震,陽,爲雷。巽,陰,爲風。《象》曰: 雷風,恒。君子以立不易方。

所 以 下之治,行天下之道,无施 爲由 道也,言其所立不離于道 成其道也。 相 合 中而 「雷風 不易其道,故能常久而成天 相資,生成 故君 子 觀 萬物、久而 風 加 也 之象, 不 所作 不已

恒」之凶,始求深也。初六,浚恒,貞凶,无攸利。《象》曰:「浚

既久 義曰: 不由 從言 今此初 既久,則 學既久,則道業可 長久之道,永遠之效,是猶爲學之始,欲 在乎積日累久而後能 (,則 積 于周 聽, 爲朋友之始,欲契合之深, 六居 日累久 浚,深也。天下之事必皆有漸 教化可行,堯舜可至, 契合愈深; 而 孔, 青澤下于民。 下卦之初,爲 而後至,固 爲治之始,欲化 成,聖賢可到 爲君臣既 成其功。 。若是之類,莫 事之始,責 非驟而及也。 久, 是故 及于堯 爲朋 則 其 諫 友

九三,

不恒

其

(德,或

承之羞,

貞

吝。

日

"「不恒其德」,无所容也

事 凶 臣之始,欲 于常道,以 欲速則不達」是 也。 而 求常道之深,故于貞 「无攸利」者,言居事之始, 此 道 丽 之大行。 也 往 ,必无所利,孔 Œ 能 一之道 積 、欲深 子曰 見 久 其 其

久

道 義曰: 以 萬 可企及之。 无過无 所不能變易。 陽剛之德 世所矜式 本有悔也。 Mj 「九二『悔亡』,能久中 无 所變易,故悔亡 不及,使賢者可俯就之,不肖者 夫天下之道,得 而能居下卦之中,是久于中 也,又何悔之不亡?《象》 如此,是得天下之常道,而 今九二以陽居陰,是失 然以居下卦之中,其所 也 也」者、言九一 其大中 則 萬 正 世

也。 者尚不 者,言九三既失其常久之道,則所往 固 作巫醫。」巫醫、鄙賤之徒 既无常,其于永久貞正之道,誠足鄙吝 此則羞辱之事隨之也。 尊不尊,卑不卑,内外混淆,貴賤汩 于貴,不常之人也。 其本分,則 不容也,故孔子曰:「人而无 |六柔弱之下,是卑者先于尊,賤者先 无容也。 《象》曰「「不恒其德」,无所容也」 可爲, 夫尊卑、貴賤、内外、上 可以 況其他乎? 爲常久之道。 「或承之羞」者,言 「貞吝」者,言德 也。 是則 恒,不可以 其无 今九三 下,不 于所 常德 處 皆 居 失

得禽也? 九四,田,无禽。《象》曰: 久非其位,安

之禽。 義曰: 陽居陰,是不正 夫常 田 獵也。 一之道 凡 必 也; 禽獸可 本 于 位不及中,是 中正。 擒者,通 今九 謂

> 獲也。 民,則 也。 獵 者,言九四 常之人 不 中 而无禽,必无所得也 也。 至于爲治,則教化不 膏澤不能 《象》曰「久非其 加 不中不正,不常之人 居 于常久之時 大臣之 下。 是猶 位 ,是无德忝 處 位 能行。 田 非 一、安得 獵 ·其位 也。 IIII 无 至于撫 禽也 禽 位 以 可 田

從婦凶也。曰: 婦人貞吉,從一而終也。夫子制義,曰: 婦人貞吉,從一而終也。夫子制義,六五,恒其德,貞。婦人吉,夫子凶。《象》

義曰: 以幹事」是也。 吉,夫子凶」者,婦人處 固 之位,以柔 時 不可執一道守一方,必也臨 廣 應變,則无施不可也。 ,民物之繁,必使仁義教化流于天下, 常 貞,貞 不使 弱 不正之資私 固也、《文言》曰「貞固 夫爲天子之尊有四海之 流 通 于天 閨 今六五居至 八下也。 門之内,守 一己之應, 事制 宜,隨 尊 足

之事,固執其正 《象》曰「夫子制 道施之婦人則吉,而施之夫子則凶 德,不能大 加 應變,大有 已 可 也 有 所 所 夫 子 爲 ,繫于一人則吉也。 義,從婦凶也」者,婦人 爲 可 處 但繫私應。 也。 閨 門 今六五 之外, 是 執 則 以此 必 守 也。 臨

義曰: 也 處 退 進 皆 則 恒之上,居震 進 若 深 以 可 振,動 求妄動,必不明 此 静則 而 則聖人之道畢矣。 也 往,凶之道 之 静 謂 極,是深求妄 可退 君 7 則 口 進 也。 退 動 退 則 《象》曰 (動之人 今上六 動 動 静之 静 淮 可

无功

也。

上六,振恒,凶。

《象》曰:「振

恒在

爲天子,有四海之大者乎?

凶

可知

也。

也。

夫以夫子不能制義尚

以

爲凶

況尊

從婦人之道,不能以

義制

事,

則

、凶之道

子則當制義,

而不可泥于一也。若夫子

之有? 不適時 「張 恒 」,在上,大无 而 進 退 一、失常 功 于 道 也」者,言 既 X, 又 動 何 静 功 既

遯

■ 
東上 
遯亨,小利貞。

損 人得 君子道消之時也。 長,進得其位,以 然之理也。 所,故受之以 義 晦跡潛光 人事盛久必衰,進 由 益 日 遯 不 窺 故故 而 損焉,分定故 後 其 按《序卦》云:「物 孟子曰:「雖大 亨也。 ,懷仁卷義,以 所爲,所 此 遯。 卦所以名遯者,蓋二陰浸 夫君 剥 遯者, 久必退,存久必亡,自 謂 故君子當此之時,則 也。」是 羣 遯 子 陽,是小人道長, 道 行 時 也。 退也。」言天 不 自 不 有 君 可 加馬,雖 通 容,不使小 子所得在 遯 以 塞,道无 亨」者, 久居 時 其

往。 小 此 時, 内, 五陰盛長,一陽在上,故曰「勿用,有攸 辭言「否之匪人,不利君子貞」。剥之卦 上,三陰浸長于下,君臣隔絶之時, 通也。「小利貞」者,夫否之卦三 光,以遠小人之害,則己之道自 通 可行,故曰「小利貞」。 遯二陰在下,四陽在上,君子之道猶 則修身見乎世。 所 是否、剥之時全不可 得 志 其 在 位, 道。 則行道 道充 故遯之時必 乎内, 于 ,天下; 以有用。 則无 得 晦 陽在 故卦 其 所 跡 非 其 亨

義大矣哉!與時行也。「小利貞」,浸而長也。遯之時與時行也。「小利貞」,浸而長也。遯之時《彖》曰:「遯亨」,遯而亨也。剛當位而應,

剛明中正之君子。然而下應于六二之也,應,謂六二也。九五以陽居中,是「剛當位而應,與時行也」者,剛,謂九五義曰:「遯而亨也」者,言因遯而得亨也。

嘆美之。 可行; 之人爲能 是必隨時適變,可遯 陰浸長而小人之黨漸盛 爲于世,而惟小利于貞者,蓋以下之羣 能以 游于戰國,是皆欲己道之行,故小人有 遯。此六二之爲小人,然能 大矣哉」者,遯之道不可遯 貞,浸而長也」者,言君子所以不得大有 之心通變,能與天時俱行,故可止則止 附結于己,不須遯也,故與之應是君子 可行則行。若仲尼皇皇于衰周,孟子歷 小人者,蓋 道附結于己者,亦不拒也。「小利 可遯 居之,其時義至大,故先聖重 君子之道无固 而不遯,則必罹小人之害。 ൬ 遯 也。 미 无 而遯,則道不 也。 以 必, 「遯之時義 中 惟明智 可 順 之道 遯 則

不惡而嚴。 《象》曰: 天下有山,遯。君子以遠小人,

義曰: 乾上,天也。艮下,山也。山雖

也,猶 君 亦 不能 子 遠 行, 陵 遯 于天,故 不 假 能 象得遯之義 加 誅逐放斥, 害 也。 夫

君子之道得 ൬ 得行 于朝 廷之上, 則小人必見 苟君子之道不

得行 然今居遯之時,若漠然无畏,而 則必遠 避 小人,而全身遠 以嚴厲 害也。

己。 加于小人,而欲亟斥之,則必反罹害于

有威嚴 水自 雖然,亦不可枉尺直尋,依違苟從 ,使小人不敢侵害于己可也。 免,但不加害于小人,常使己自

尾」之厲,不往何災也。 初六,遯 尾,厲,勿用有 攸往。 《象》曰: 遯

賢皆 象也 此卦 義曰: 也。 此 始欲 凡卦以上體爲外, 遯 一陰在 初 mi 遯之時貴于先 六 亟遠小人,則必反爲小人之所 己 處 内,小人得位 獨 卦之内,最 在 一後,是 以下體 也, 不 而 能 居 尾者 君子在野之 桂 先 爲 時 下,是衆 處 内。 而遯。

> 及也。 制,是 災也」者、言既居遯之後、有危厲之事 果能依違自守,不復更有 此戒之。《象》曰「「遯尾」之厲,不往 身修己, 言當是時 有 以遠 危 惟 厲 宜 小 也 依 人之害可 0 違 勿 自 用 守 有 所往,何災之 也,故聖人于 危行言孫,檢 攸 往 也」者, 何

日 六二,執之用黄牛之革, 執用黄牛,固志也 莫之勝説。 《象

己用 理。 也。 固 説」者,夫賢人君子于 遯于己 然居中履 義 一義爲 執之,則九五 티 : 以上有 此 六二雖 一,故 中正 心 黄者,中也。 E 脯 日 柔 剛 居 己。 ,有中正柔順之德,達于 執 明 順 羣陽之中,在小人之黨 以 之用 之道 一中正 今己 何辭 黄 道 一君子 往 能 勝 牛者,柔 牛 无 固 以 辩 爲 所 也。 執之,不使遠 中 而 固必,但 己之應, 順 口 「莫之 順 之 豚 之物 道 事 以 故

遠于己,所以固賢者之志也。 志也」者,言用大中正順之道,使賢者不此臆爲之説爾。《象》曰「執用黄牛,固也。推求无義可通,注謂「革者,固也」,然此句上「之革」二字,乃羨文也。《革》

吉」,不可大事也。曰:「係遯」之厲,有疾憊也。「畜臣妾,九三,係遯,有疾厲,畜臣妾,吉。《象》

遯,然後以畜羣小臣妾之道即得其吉。今九三居内卦之上,切比六二之陰,不為九三居内卦之上,切比六二之陰,不是者,言九三既爲,故一得其志,則首欲及畏君子之刑戮,故一得其志,則首欲甚超然遠遯,是有係于小人也。「有疾能超然遠遯,是有係于小人也。「有疾能超然遠遯,是有係于小人也。「有疾。今九三居内卦之上,切比六二之陰,不

此 蓋 下之大事,則不可以有與也。 雖以臣妾而畜羣小人而獲吉,然但施 「『畜臣妾,吉」,不可大事也」者,言九三 近則近之,如 事則 臣 妾,至賤 可 也,如其立天下之大道,臨 者也 此 則吉 可 以遠則遠之, 可 獲 也。 可

君子「好遯」、「小人否」也。九四、好遯、君子吉、小人否。《象》曰:

人以 所誘,不爲貧賤 義曰: 隱」。故小人則不然,惟富貴是欲,惟貧 外卦之初,離内卦之陰,當此之際,志 難而須其時也。 可有爲之時,則 民,躋天下于 ·遯世无悶」,《中庸》曰「君子之道費 而難制,奮然 君民 好者,中心之所 爲心,得其 平治。 而 所 必知幾達理,不爲世 是以《乾》之《文言》曰 好遯者也。 動,超然遠 若其 位則 欲也。 小 미 人道長,不 '以致 蓋君子 遯 以 九 避其 君 四 澤 之

充之首 否」也 則 賤 小人必 小人得位則横,失位則 蹙然溢 是恥,不 日一 不能遯,故 于 ·知廉 君子得 面 目 隅 而 不 位 不 曰「君子吉,小人 能 則 顧禮義,苟 喪」。 自 昌,失位則良。 勝 當此之時, ,故《太玄》 一失位

以正志也。九五、嘉遯、貞吉。《象》曰:「嘉遯、貞吉」、

義曰: 之道固于己,然 也。 面 中,然能以中順之道來固于己,己 善加于己,己志可通,己道可行,斯受之 貞吉」者,言五 柔 可止則止 以悦小人,當執 今九五下應于二,二雖在 如此者,蓋君子知時達變,可行 若小人虧 君子之道毋 一,以 既 于 亦 嘉美之道 ,中順,己可超 應于二,二雖 不 (固,毋 至 口 正之道,然後 屈己之貞,戚 必。 圃 遯 以 小人之 然 彼 者 則從 中 能 圃 也。 施 順 則 口 遯 以

八八

利」,无所疑也。上九,肥遯,无不利。《象》曰:「肥遯,无不

裕。凡往而无所不利,又何疑之有?小人,其憂患不能累于己,綽綽然有餘九處一卦之上,是超然遠遯。不應係于義曰:「肥遯」者,優饒充裕之謂也。上

#### 大 壯

■ 戴下大肚,利貞。

消也。然小人之道雖長,終不能久,而内,四陽陵剥于外,是小人道長,君子道故受之以大壯。」蓋言遯者,二陰浸長于義曰: 按《序卦》云:「物不可以終遯,

既 也。 也。 朝廷之上,任之以天下之事,故 下之廣,生靈之衆,一賢不可獨治,故必 道大行而盛壯也,故曰「大壯」。 除天下之害,生育天下之民物,以 必 人設爲學校,教育天下之材, 羣賢進于朝廷,則可大行其道。 内,二陰消于外, 而 已盛 壯 而 爲 後 可 君子之道既 大壯 君 至于盛大 而 也。 不正 大, 子之所 者 則 ,二月仲 則 必以 也。 剥,此 陽過于暴,是故壯 長,則能 君子道長,小 「利貞」者,君 E 春之時 大 而處之乃 壯 興天下之治 所 以 然後登之 四 然以 利 子之道 事 是以聖 人道消 次 陽 至其 无 于 必正 也 長 不 天 挪

地之情可見矣。 壯。「大壯,利貞」,大者正也,正大,而天米。」(家)曰:「大壯」,大者壯也。剛以動,故

義曰: 夫陽爲大,陰爲小。今四陽盛

能以 正,静 之,則 觀 則 見矣」者,夫天 也,故大壯之時,惟此大才大德之人 動,則其道盛大而 而 君子之道盛大而强壯 貞』,大者正也」者,言陽長 子將興天 者,言乾 以壯、是亦大者壯 長,二陰將 之道 剛 有剛明之才可也。 健 正道而行也。 是 而不動,何所 正大而 亦 Œ 小 下 如天 下之利,除 大之道, 人之道 消,是大者壯 剛也; 然也。 地之生成 地之運 正 强 既 也 則 施 以 以人事言之,則 天下之害,則 震 壯也。「『大壯, 若有剛明之才守 行, 晝夜 大而 可 消,君 用哉? 剛剛 上, 而 則所利在 也 以 无 而陰 動 以 天地之情 見 有 動 子 以 也 不息, 天 偏 故剛 退。 故壯 ·之道 私,是 地 于 事言 必 夫 利 正 君 此 則 動 以 可

「是」,康熙本、《薈要》本無此字

情矣。

弗履。《象》曰: 雷在天上,大壯。君子以非禮

强作 執以 義曰: 則 窺 也,是有壯 内,以至發之于外,而終爲驕恣縱 則不然。己有剛壯之德,必不能慎 非禮之言不敢言,動 之人有此大壯之德 合于禮,然後可見君子之壯也。 一,則 能 測,其道 謙 一威,表裹皆見,故終不能保其 其 執以謙,内秉以 而 人勢愈 雷者,威 内秉其 而 而 不 盛,是 愈光 能終其壯者也。 直 動 一非禮 也。 則 大壯之象 作出處周旋之間 之 物, 必 直,故人莫得 恭慎和 之事不 加 又 也。 行 惟 若小人 敢履, 順 君子 全德 密于 于 m 皆 子 天

趾」,其孚窮也。 初九,壯于趾,征凶有孚。《象》曰:「壯于

義曰: 趾,足也。夫壯之道必須以順

物不 位之卑 困 之,是信有 能 爲 慕躁進,是往則必有 孚」者,言以 「光于趾」,其孚窮也」者,言居 者也。 謙 履 知 順 其 前 者 今初· 止 也 此 行 九 此 凶 以 且 居 爲 强 咎必然之理 此 躁 壯之始,處 壯 丽 妄 卦之下, 之道,不能 往,凶之道 其 而動,以至陵 X 也 而 位之卑,不 信 處 也。 《象》 謙 至 事 犯于 始 于 順行 窮 有 而 

中也。 九二,貞吉。《象》曰:「九二貞吉」,以

以陽 不凶者 强 是 剛 義曰 而 恃 君 威 盛 子得 以以 壯 ,能全其美,如是故獲 居陰,能 . 也。 陽 凡卦爻有陰陽,居失其位,未 聖人以其既壯且大,不可 其爲正之道 居陰,則 大壯之時, 履尚 謙 皆 順 不不 1獲吉。 是君子之道 而 自 Ē 又行不失中, 滿 中之吉也 故今九一 盈 不 ·怙其 强 大 有

三命循 禮也。 以无 二所 戒,是能盡爲壯之道而得其中也 過 以 日 墻 故若 无不 得 「九二貞吉」,以 而 IE 及,動 人 之吉者,以其 走,愈尊而愈謙,益盛 臣 一命 静皆人于中道 m 中 個, 再命 履 也」者 得其 而 1,言九 而 中, 得其 圃 僂, 益

罔也。藩,嬴其角。《象》曰:「小人用壯」,君子湛,,从人用壯,君子用罔,貞厲。 羝羊觸

九三處 欲道 謙 義 者,言小人不能用謙 已,是用壯 則 陽,是强壯 順,雖 子當此 必 日 行而 一特剛 下卦之上 壯 凡居壯之時,謙 則 致之于君,加之于民 强 加 者也。 不謙之人也。 陵犯于人,雖 罔 不自矜,雖 而 ,當乾健之極 不用其壯也。 君子則不然,但固 于大壯,進 大而 則 以小人乘此 至壯 得其道。 不自伐,惟 而 一,以 極而 而不 「貞厲 已。 陽居 故 . 知 守 不

之輹。 九四,貞吉,悔亡。藩決不羸。 有? 獲吉而 若羊之進,雖 之 之位,是亦尚 壯之時,既能 義 能 前 中,進則不顧,是猶 又狠者也。 退 亦有悔,今若守之以正,又謙 不能爲君子之累,而反自及其身也 其角」者,羊者,剛 繁之患也。「壯于大輿之輹」者,大輿 mi 日 ,凶之道也。 亦觸突 于正道,是有 《象》曰:「藩決不羸」,尚往 物 故 悔亡也。「藩決 所 雖 九四有剛陽之才德,而 而 不 有 進,以至 小人居强壯之時,動 拒, 守 .谦 有 險 藩 剛 危 者 如小 阻 以 也。 明 狠 厲 籬 在 剛 此 也。 之物; 謙 在 反 人欲掩害君子, 前, 狠之羊,雖 而 然其 不贏」者 前 順 羸 往 亦 「羝羊觸 之德,則衆 其角,進退 亦 濟 位過中, 以 何 羝 壯于大 開 加 大處 濟之, 也。 者, 不 居陰 决 通 藩, 利 m 則 狠 矣。 无 之 歸 大 則 本 不 柔 終 在 调 輿 丽 羸

易」,位不當也 六五,喪羊于易,无悔。 爲先。 不從 《象》曰 之,必遷于善也。臣之事君亦然。 必婉容以諫之,諫之不從而又諫之,又 必以柔和之容,婉順之貌。父有一過則 直之德,可 之致遠 人立象垂訓,使 剛德,外示謙容, 則號 故君子之事父,雖 重 「『藩決 致遠之象 則 泣 以納父于无過,而克其家,亦 可 而隨之,如是則父反 以 不羸 人居大壯之時必以謙 行 也。 ,則所往 道, 」,尚往也」 《象》曰:「喪羊于 所 壯 往 剛 于 无有不利 无 輪 明之才,正 一者,此 不 利 而 但 也 内 思 聖 退 以

利。

艱則吉。

《象》曰

「不能退

不能

遂

上六,羝羊觸

藩。

不

能

退,不能遂,无

攸

若以 時,以 況 以 日 五 陰 陽居陽,然雖 陽居陰, 乃是以陰居陽,又處 居 羊,本剛 陽 則 則 其 得 狠之物。夫居大 得 傲 位 謙之道 狠 ,猶恐謙 而 招 故 至尊之位、 禍 町 可 面 獲吉。 有咎, 知 、壯之 也。

> 居至 地。 悔 則 也 是 尊之位,能 羊,性 好 剛之甚, [羝,言: 喪其剛狠之道,故得无 以 其 至 剛 也。 反 失 无悔 之于 者, 容 易 以 其

不詳也 是躁 義日 羸 止 礙 一,猶羝羊之進,不顧藩籬之在前, 其 動强壯之過 角而 「艱則吉」,咎不長也 上六處一卦之上,居震動之極 不能措也。「不能 甚者也。 過而 退,不能 不 ·知所 以

吉也。 欲進 遂,无 有 知進退存亡之道,以 也」者,夫君子之進 艱則吉」者,言能 爲而進之則无累也。 加 攸利」者,既壯動 《象》曰「『不能 不能 進,則進 艱 ,必 至 難 退 退皆 量時 欲 而不 若小人之進,必 自守, ,不能遂」,不詳 退 无 ·止,則 度 而 則 所 勢,可以 不能 可 利 也。

進 咎禍不久而可解也 能 者,言雖 不 能 退,不能遂。 退 量 不 能 時 不詳其 度勢,不詳 也。 「艱 事而 今若能 則 其 躁 古二, 艱 進 事 妄 難 而 咎 自 驟行 動,以至不 不 守, 長 以至 則 也 其

### 

晉

上,以 庶,衆也 所謂 [三賜 康,美也。 上進也。 故受之以晉。 而 如賢 日 不已,則必至於見挫,必以柔順之道 順 人君子以柔順之道上進于君 按《序卦》云:「物 然此 而進,至于大明,故 言此卦以三陰上進而至于明 不及 錫馬,言賞賜之重也、《曲禮 晉者,進也。」蓋言物之壯 卦,坤在離下,猶 車馬」是也。 不可 曰「晉」也。 以終壯 日 出 也。 地

> 庶,晝日三接」也。 大明,柔進而 彖》曰: 禍,必有天殃,故君子不可以不慎 于朝廷之上,則道 之進,必有道義之實,功業之美,然後登 錫,故其馬蕃 之于君 才不德,无功无業,妄求寵幸者,不有人 致之禄位 三接見之,以答天下之事也。 晉,進也。 既 ൬ 上行,是以「康侯用錫馬蕃 行道于天下,有 有 盛 康 而衆多,以至晝日之間 美之德,君 明出 可行,身可顯; 地上,順 康美之德 是凡人臣 則 也 厚 而 麗乎 加 如不

若明出 義曰: 觀之也。 皆瞻仰,如賢 以德上進于君也。 立于朝廷之上,致君澤民 二體言之也。 于地,則升進 此卦名晉者,是大賢君子以 「順而 人君子出 坤下, 麗乎大明」者,言日之出 「明出 地也。 而 于 臨 地 ,使天下皆仰 微賤,升進 照天下,萬民 上」者,此以 離上,明也 功

淆,則 者以 賢明之德出 于 之,待之厚也。 蕃庶』,賞之重也。 以受寵優之厚,故曰「是以『康侯用錫 順之道,附于君 君有至明之德,使賢者持人臣之節, 而 之在上必須有至明之德,以旌别賢 黜 可 地 以行也。 柔 陟之也。 賢者必退避,不樂于仕矣。 順 順之道 麗 乎天, 于下,柔之道行 「柔進 而 苟上不明,使賢不 而其道上行也。 故其 進 輔 而上行」者,夫君 晝日之間, 、明所以 于大明之君 于上,故 久 也 既能 凡三 是 肖 不 故 猶 接 馬 口 以 混 肖 柔 必 其 督

《象》 明德。 明出 地 上, 晉。 君 子 以自 昭

修其德 朝廷之上,使仁 世 一,以自昭顯其至明之德也 : ,博學,審 言賢 人君 一義 間 子 施 `明辨,篤行 于 法 此 天下,功 之象, 、然後 是 以 位 進

> 《象》曰:「晉如 咎」,未受命也 初 六, [如,摧 如, 推 如」,獨 貞吉。 行 罔孚,裕,无 正也。 「裕,无

義曰: 荷倖 之; 抑,固不可躁求 无咎」者,夫 此之謂失 窮乏者得我而 而爲之; 當守之以正,則可以獲吉也。 也。「貞吉」者,言君子 之時必見摧抑者也,故曰「晉如 末,猶君子道未 乎晉者也。 上未信于其君,下未澤于其民,事未施 鄉爲身死 一言進 鄉爲身死 摧 其 鄉爲 抑抑 m 退當以其道也。 然居 本 初 不受,今爲宫室之美 也。 爲之,是亦不可 心。」蓋 六處于 身死 得行,志未得伸,于始 妄動以覬君上之信, 而不受,今爲妻妾之 下卦之下,處衆 初六處晉之始,有 而不受,今爲 戒 最 既 其 下, 進 不 「罔孚,裕, 位卑 而 可 以 孟 有所 公推如 子日 徇 己 言輕 陰之 乎? 所 间 固 摧 進 爲 而

言 咎」,未受命也」者,言處于卑下而自寬 免其 于當 裕者,是未受君之命也。 處,蓋其所守獨在于正也。「『裕,无 行正也」者,夫君子于求進之初,其位卑 自咨嗟怨憤 可隕 輕而 、悔咎也。 穫 世 :有所摧抑,然不自爲損,以道自 己志,而當綽綽然寬裕 ,道未行 而不失其本心,如此則乃可 《象》曰「『晉如,摧如』,獨 于天下。 苟如是, 固 樂道,不 不

焉,未見信于君而有憂,然亦不可隕穫其道,以之一時是進用其君。愁,憂也。 共道,以之一時是進用其君。愁,憂也。 并道,以之一時是進用其君。愁,憂也。 中,未見君之所信,道未能行,是以進而中,未見君之所信,道未能行,是以進而可,未見君之所信,道未能行,是以進而不以一身是進用其君。《象》曰:「受兹介福」,以中正也。 焉,未見信于君而有憂,然亦不可隕穫

之象; 也。 然而受其介福也 道而行,雖天地鬼神无不祐之,以至暗 者,六二雖未見君之信任,蓋以中正之 也。《象》曰「『受兹介福」,以中正 則當懷道畜義,居仁守正,以自寬裕。 躁動,常以 受其介福,若「鳴鶴在陰,其子和之」是 至深至密之地,蓋由至誠 居是位,則當隨事制宜,臨機應變,使无 兹介福,于其王母」者 不通濟,則必受其遠大之福。通于王母 夫六二處中居内,以位言之,至卑 以時言之,至暗之象。處是時 Œ 道 而 行則得其吉也。「受 王, 王 而行,自暗 母,内之貴者 也 面

上行也。 六三,衆允,悔亡。《象》曰:「衆允」之,志

也,然而居下卦之上,爲衆陰之長,三陰過于六二,不中不正之位。其本有悔義曰: 允,信也。夫六三,以陰居陽,

時,事 志 皆欲上行, 允」之,志上 同 圃 而 上行,其 心 進 業可 也。 進 而 而己處其先,是爲衆所信, 以致其 悔 行也」者,言居晉之時 可以 其先, 用,故衆 亡 也。 是道 義 陰 可 同 日 以 心 ,衆陰 見信 行 同

厲」,位不當也。 九四,晉如鼫鼠,貞厲。《象》曰:「鼫鼠貞

也。 義曰: 于 此 當尊大之位,附 之物也。 殘 壞天下之事 進于君 正 而 于 既 道 往 以不 危 物,故天 則 鼫鼠者, 當晉之時,衆君子以 厲 必讒 九四以陽居陰,不正 也 正而進,上又切近于 了, 如 下 諂 上罔 田 賤之 鮖 佞 中食稻粱、 媚 鼠 下,刻剥天下之民, 荷 如脈 然,无 取于君上 鼠 益于民,但 柔 然 貪 殘 加 也。 ·君,是 進者 剥刻

六五,悔亡。失得勿恤,往,吉,无不利。

象》曰: 則是所 以失 必憂恤之也。 之細,其間未必不无一失。 義日 无有不舉。 旌任賢者,賢者皆進而輔之,故其政 往,吉,无不利」者,夫以天下之廣 輔己、故其悔 道,旌别衆賢 處至尊之位 入慶之事 「失得 進 此 得 輔 而 勿 勿恤」、往有慶也」者、言六五所 往无有不吉不利者也。《象》 往 于己,故其教化舉行,仁義興作。 失得勿恤 六五 也 恤 若萬物之中苟有失得,亦不 者、蓋由 ,居離明之中,能擴大明之 不 而 一履不 所 夫既是失得皆不須憂恤 惟 信任之, 衆賢者類 以亡也。 一,往 止 得 獲 其能任賢者,使賢 正,有悔 有慶 其吉 「失得 今六五既 也 ,而又且有 者 也 萬 進 恤 幾 而

吝。《象》曰:「維用伐邑」,道未光也。上九,晉其角,維用伐邑。厲吉无咎,貞

進之極 之,其道未光 咎,以此雖 義 邑也。 須攻伐其邑,然後服之,故曰「惟用 過亢不已,不能端拱无爲,物皆不服 進其角」。 邑」,道未光也」者, 日 伐而服其物,是由 ,過明之中,已在 「厲吉无咎,貞吝」者,兵者,凶 角 Œ 者 「惟用伐邑」者,在角猶進。 也 亦已賤矣。 最極之象 用伐乃服, 角而 危乃得吉則 《象》曰「『惟用 也 0 猶進 夫 F 故 一九處 雖 必 无 伐 得 日

### 明夷

## ■ 離下 明夷,利

艱

受之以 義日 衰 地 E 一而升于天,明照于天下。 : 明反人于地中, 明夷。夷者,傷也。」晉卦是明 按《序卦》云:「晉必 是明有 有所 然晉極 所 傷 傷 也。 必 出 故

> 能 无有 荒耄之年,精 處此之時,固當 進 德,如周公佐周 已,則必有所傷也。 以人事言之,則猶君子之始進 已有所傷,而 至于耄年,宜 而 上,佐君澤民,立功立事于天下, 利艱貞」者,夫明夷之世則是君子之明 窺測 也,此聖人 退,全身致 所傷也。 則 可以免其患害也 小 所 知退其身, 政求其 力倦怠,是宜以 人在 若功成年耄, 是也。 艱 以 難 著萬世 上便巧 惟聖人爲能終始 安息,則其明終始 守正,不 凡下于聖人者, 而不可終于求 一君臣 得 復進 功 使小人之 志。 于 一之戒也。 成 朝 然 而 事 廷之 君子 至 立 不

柔順 其明 (象))日 義 義 也。 也。 ,以蒙大難,文王以之。 内難 「内文明而外柔順」者,此以二體 明人地中,明夷」者,此釋明夷之 明人 而能正其志,箕子以之。 地 中,明夷。 「利艱 内文 明而 貞」, 外 晦

其禍 无所 大德,有事君之小心,故 道,外修柔順之德,當明夷之世,蒙冒 言 君子,而文王居爲西伯,三分天下 者,文王是也。文王當紂之亂世,衆小 難而不爲小人所賊害,若古之人有行 人在紂之左右前後讒諛佞倖,皆欲害 一,終能外執柔順之德,内晦文明之道, 之 有 而 小人衆多,終不能窺見其所爲,故免 居父師之位、是處至親之地、所謂 也。 處 至也。夫明夷之世,闇主在 能 患也。《表記》曰:「文王有 夫 正其志,箕子以之」,言内 也。」「『利艱貞」,晦其明 親言之,庶兄也。 箕子之于紂,以 至 順 親 是 之地而終不 内, 君子之人能 離 爲 文 雖蒙大難 位言之,父 見 以 明 内守 害者 庶兄 ŏ 君 上 文 上,人 難 之 -有其 民之 而 明 桂 内 終 于 之 大

> 難 内能全晦其明,不 者也 人不能窺見也 箕 子獨 然 だ左右 能 前 使 冒 後 有 之 讒 以 所暴之于外,而 佞 正 諂 其 媚 志 ",皆欲 害

用晦而明。《象》曰: 明入地中,明夷。君子以蒞衆,

苟不慎 則物 害也。 是,則爲小人之所窺測,而 明,許善而 當内 君子性无不明,事无不通,好善而嫉惡, 義 日 不 晦 如 此,始可 能 是以君子務全其道 密 其明, 君 蔽欺 而宣之于外,則小 罔于己,己何由 子法此之象而 外示以 蒞衆也。 外示 柔 柔,則不傷 也 臨 而知之? 默 必罹小人之 蒞 何 人見己之 運其明, 則 于衆, 則

于行」,義不食也。不食。有攸往,主人有言。《象》曰:「君子初九,明夷于飛,垂其翼。君子于行,三日

也。 光晦 于義有所不可也。 苟遯去,必見小人之害,故行而不食者, 皆有猜貳之心、誹謗之言也。 之心,見君子遯去之速,以至三日不食 者,言當明夷之時,愚民盲俗不悉君子 間不遑暇食也。「有攸往,主人有言」 己,欲超然遠遯,心急于行,故至三日之 能先幾知變,以小人得志,慮其加害于 而有所往者,雖至親之人爲己之主,亦 而又垂斂其翼,是超然不可得而見之 之下,猶患難之始也。然明夷之主在 「『君子于行』,義不食也」者,言君子不 上,初最遠之。 「君子于行,三日不食」者,言君子 跡,不爲小人之窺見,若鳥之高 人得志,皆欲殘害君子。 :「明夷于飛,垂其翼」者,言明 君子有剛明之德,能 初九 夷之 處 飛 干

六二,明夷,夷于左股,用拯馬壯,吉。

《象》曰: 六二之「吉」,順以則也。

以則也」者,六二以陰處陰,至順者也, 則必見害愈深,故當決然拯其壯馬而 義曰: 至得吉,故文王見囚 可以獲吉也。《象》曰「六二之『吉』,順 行,外順小人而使不能見其所爲,然後 于明夷之時小有所傷,若不速務遯去, 之處也。「用拯馬壯,吉」者,言君子既 夷之主,故必小有所傷,但傷左 輕。六二履得中道,至于有位 而 難,以全其身也。 又處中行正,●是動有法則者也。 又有法則,故 夫人之股肱,右者 小人終不能害之,以 于羑里,終能脱禍 爲便、左者 一,漸 一股至 近 明 爲

《象》曰:「南狩」之志,乃大得也。九三,明夷于南狩,得其大首,不可疾貞。

●「處」,康熙本、《薈要》本作「履」。

主在 伐殷,謂其民曰:『无畏! 其民,若時 于民者誅之耳。 已深矣,故非 何則 不可加之暴猛峻之嚴刑 天下之民也。 其惡既除,其民 者,夫聖賢之所以 也。」是但誅其首惡 救民于溝壑,故如獵狩之事,但取其 視,故不得已往而征之,以蘇民于水火, 極,有至明之性; 姓 日 ,撫之以慈,與之解 「大首」者,元惡也。 夫以剛明大正之德居明夷之時,闇 上,殘虐生靈,塗炭天下,不忍 也。」若崩 「南」者,至明之地。 夫民之被害既已久矣,染惡亦 雨 降,民大悦。」又曰:「武 呕 厥 而 孟子曰:「誅其君 角稽首,征之爲言 往伐首惡者,將以 미 以陽居 而已。 拯 其倒 也,必 以 懸,然後以漸 陽,有至剛 九三,居離 「不可疾貞」 寧爾也,非 益苦之也。 狩」者,獵 須化之以 始蘇,固 加 之 正 弔 害 坐 敵 王

> 所得也。 迎 民 于虐暴之後,不可亟 深,如火益熱,亦運 而 人,以至明之道往伐其元惡者,所以 「『南狩』之志,乃大得也」者,言聖賢 王 而正天下,今既獲之,則己之志大有 正 之可 師。 也 此 无 故 他 孟 避 子曰:「 而 欲成俗也。 水火 已矣。」是正天 簞食 也 壶 如 水 之 救 下 益

《象》曰:「人于左腹」,獲心意也。六四,入于左腹,獲明夷之心,于出門庭。

左爲 義曰: 夷之主之心也。 色、柔邪佞媚從君之情,迎君之欲,納之 小人得志,又附于昏闇 近明夷之主,是小人而得志者也。 于惡依違曲,順人于左腹之間,復得 于出門庭」者,言小人之輔 順。六四以 凡手足以 陰居陰,履 左腹,言能 右爲 之主,以甘言 便,心腹之間 得其 順 闇 主,内既 于心也。 位,上 夫以 明 美 以

外也。 世 來之類是也。 則 有 迎 一,皆小人之所致也 宣之爲大惡,以至 逢其惡,外又不能 一過,則 揚之爲 「門庭」者,言宣露于 大過 慎密固蔽之。 騰 一、若崇侯、飛廉、惡 播天下,罪 君未有 形萬 君未

之貞,明不可息也。 六五,箕子之明夷,利貞。《象》曰: 箕子

也。 是明有 左右前後 親爲庶兄,是至近至親之位也。然紂之 箕子之道矣,故聖人特以箕子明此 中,非小人之謂 後皆小人矣,惟六五以柔順之道處 義 E : 明,自蒙其德,雖 何則? 箕子當紂之時,尊爲父師, 以至佯狂爲奴以全其身,是所利 所 明夷之主在 傷也。 皆小人,而箕子之道不得行, 然當是時,箕子能 也。 在 推象 于上六,則左 紂之近密 意以求之,則 而 終无 ~得其 自 右 爻 前 晦

> 貞,明不 者惟能自晦 故其明不可得息也 終不爲其所害者,蓋 可 息 而居 也」者 正 也。 以 由能 箕子切近 《象》曰「箕子之 以正道自守, 于紂而

失則也。曰:「初登于天」,照四國也。「後入于地」,日:「初登于天」,照四國也。「後入于地」、上六,不明晦,初登于天,後入于地。《象》

陰闇 瞻仰,則當大 于地」者,夫既居人君之位,爲天下之所 天下之主,故云「初登于天」也。「後人 也,此上六以繼世 臨照天下,而左右前後信任小人, 居一卦之極,明夷之主也。 暝昧,放恣殘賊,而 義曰:「不明晦」者,言上六處羣陰之上 初登于天」者,夫天尊且高,人君之位 《象》曰「『後人于地』,失則也」者 柔弱不有其明,故云「不明晦」也。 明以臨照天下,今反昏闇 而 不用其 立于人君之位,爲 明,是人 不能以明德 角致

0

終于昏闇,貽祖宗之羞也。言上六失爲君之法則,不能明照天下而

### 家人

**三** 難下家人,利女貞。

性柔弱 其正。 先 可得 闖之内,父子之列、尊卑長幼之序各得 治其家,必正其身,以 以此爲 次于明夷也。 外,則必反于内以求其安,故家人 家,故受之以 義 八之道 日 齊其家。」然則治家之道,在女正 而 治家之法也。「利女貞」者,夫家 正也,故《大學》曰:「欲治其國, 家既正,然後施之爲治天下,皆 无常,而 以女正 按《序卦》云:「傷于外者必反于 然此謂之家人者,蓋聖人 家人。」言人之有所 爲始,何則? 夫女子之 好惡隨人,故凡君 正 其女,以 Ē 其閨 子欲 所 傷 爲 以

于上,地以至柔之德、至卑之質位乎下

義,從婦凶也。」所謂「男女正,天地之大

也」者,夫天以至剛之德、至尊之體處

則不可從于婦人,故《恒》卦曰:「夫子制

焉,父母之謂也。父父、子子、兄兄、弟弟、 夫夫、婦婦而家道正,正家而天下定矣。 彖》曰: 始 是男子以義治外,其父子有禮,兄弟有 外事,但以致整于内而已,故《書》曰 治閨門之内也。 序,尊卑上下各正其位也。 九五也。九五以剛明之德處外卦之中, 女必正位乎内也。「男正位乎外」者,謂 義曰:「女正位乎内」者,謂六二也。 二以柔順之質處内卦之中,若貞正之婦 「牝雞无晨。牝雞之晨,惟家之索。」故 男女正,天地之大義也。家人有嚴君 也 家 人,女正 然婦人之道不可預聞 位乎内, 男正位 然以義制

之君。 嚴,子盡其孝,兄盡其友,弟盡其恭,夫 家道既正,天下斯定矣,故堯,聖人也, 盡 焉,故不可專任其慈而 以至兄弟、夫婦各有其道,是以 定矣」者,夫爲父有父道,爲子有子道, 弟弟、夫夫、婦婦而家道正,正家而天下 則家道 有畏懼之心,如君之尊而又如君之嚴, 加之以威嚴,董之以禮節,使一家之内 位 此 柄,四海之内莫不畏懼,羣 之謂也」者,夫君總生殺之權,操富貴之 天地之大義也。「家人有嚴君焉 親 其義,婦 手内 也 天地自然之常分也。 一,先刑于寡妻,至于兄弟以御于家 九族,然後平章百姓, 若父母之尊,則 男正 可以成也。「父父、子子、兄兄、 盡 位乎外,男 其 (順,如 此 无 女之位 以人言之,女正 一家之事 則 所斷制,必又 mi 家道 文王 歸之,故謂 Œ 父盡其 正矣。 一,亦聖 是是 父 主 母

邦。是君子之治天下必先正家,正家而

天下定矣。

物而行有恒。《象》曰: 風自火出,家人。君子以言有

道,不行于妻子」是也。 第,行有其常,一言一行无有妄動,此治事,行有其常,一言一行无有妄動,此治也。君子觀此之象治其家,使言有其也。君子觀此之象治其家,使言有其故。是也。物,事

志未變也。 《象》曰:「閑有家」,

爲之防,是非家人之罪,乃已陷家人于相,不然,使醜惡已彰,姦邪已萌而始君子之人治其家,必當思慮未及于邪、君子之人治其家,必當思慮未及于邪、我一、人治其家,或言思慮未及于邪、裁曰。 閑者,寬而防之之謂也。凡人

易 義

之道也。 之初,是治家之始有 之,惡彰而後治之,則无及矣, 也」者,夫君子防閑其家,待姦邪而 思慮未 人志慮未變之前豫防閑之,則所謂治家 有過之地也 悔亡」也。 動、私邪未萌之前以爲之防、 《象》曰「『閑有家』,志未 今初 九 剛明之德, 以 陽 居 陽 必于家 而 處 能 卦 變 防 干 故

六二,无攸遂,在 中 饋 貞 吉。 ^ 象 **>** 日 .

六二之「吉」,順以巽 義曰: 夫自古以來,上至天子之后 故云「无攸遂」也。 之得正者也; 陰居陰,處内卦之中,履 于閨門之内,皆禀命而行也。 (之妻妾,其所 飲食而已,故《禮》后有 遂者 專 職之事 但處于内 也。 也 「在中饋,貞吉」者, 夫婦 不過于奉祭祀 得其 m 瑶爵之獻、奠 人之事 妃,下逮庶 无所自專 正,是婦人 今六二以 雖治

> 吝。 嘻嘻」,失家節也。 九三、家人嗃 正,順而且巽上,能禀九五之命也 故得吉也。 所主在 盎之事,《詩》有《關 之職 《象》曰:「家人嗚嗚」,未失也。「婦子 也」者、言六二所以得吉者、以居中 也。 于饋 嗝,悔厲,**吉**。 《象》曰「六二之『吉」,順以 六二處内任 食而 己 雎 職此而又處其正, 》、《采蘩》,皆后夫 婦職 婦子嘻 而无所專 履

之貌 義曰: 嚴肅,使家人内外上下皆有畏懼之心, 雖至過嚴,終亦无所傷矣。 也,若爲一家之主而 故雖有悔吝之事、危厲之道,亦得吉也。 居陽,有剛明至正之德,居下卦之上,爲 一家之主者也。故爲家之主,若嗃嗃然 婦子嘻嘻,終吝」者,夫婦子,人之所愛 也。 嗝嗝,過嚴之貌也。嘻嘻, 夫治家之道,不可專任 私于所愛,不能嚴 今九三以 其慈 和樂 陽

節也。 之道 者,若婦子嘻嘻 嚴厲,未失治家之道也。 此 IE 其 而 也 萌矣。 治,使婦子嘻嘻然和樂, 《象》曰 夫如是至于終竟,必 而和樂,是失其治家之 「未失也」者,言雖 「失家節也」 則 姦 有 鄙 惡 嗃 嗝 由

順在位也。六四,富家,大吉。《象》曰:「富家,大吉」,

吉」,順在位 其 家 體 義 正 位,是君子既正己之家,至此則 邪,得正家之初 初,能防微杜 家 大臣之位 天下之家,故有君之爵、禄之富,以 人,是家道已成。 居服勤之職,九三又能過 曰 而 得其大吉也。 夫初 也」者,六四家道已成之後, ,上近于君,是順在其位,以 . 漸 九 也。 使 既 以 閨 六二 《象》曰「『富家,大 至六 剛 門之内 明之 一又能 四 嚴 居大 德 不 以 以 居 佐 畏 柔 臣之 君以 懼 于私 卦 順之 富 其

理,故治可移于國」也。治家之道移于國也,故《孝經》曰「居家

有家」,交相愛也。九五,王假有家,勿恤,吉。《象》曰:「王假

義曰: 《象》曰「『王假 道 兄兄、弟弟、夫夫、婦婦各以和順之道交 聖人能推恩愛于天下之家,父父、子子、 相愛樂也。 位,是謂王者能假此治家之道以治 下者也,故先正其家,使閨門之内莫不 于正,正家而天下定。是爲君者以此 恦 行,則不必憂恤 九五以 有家」,交相愛也」者,言 剛 明 中 而自得其吉也。 正之德居于君 于天

之吉,反身之謂也。 上九,有孚,威如,終吉。《象》曰:「威如

道之成,是能先正其身發其信于中,而畏。上九以剛明之才居家人之極,當家義曰: 孚者,由中之信。威,謂威嚴可

修其身,而後加于人也。 九所以有威信而使人畏敬之者,蓋能先曰「「威如」之吉,反身之謂也」者,言上肅然有序而畏敬之,故獲其吉也。《象》,亦兼之以威嚴,終成家道,使閨門之内

周易口義卷六

# 周易口義卷七

志,故

發之天下而功業被于世也,今既

宋 胡瑗 撰

下

經

睽

■ 熊上 睽,小事吉。

時,雖有大才大德之人,亦不能 外之志既乖,天下之人其心皆不同于 吉」者,夫睽乖之時,上下之情既異,内 窮極,則必至于睽異而離散也。 受之以睽。睽者,乖也。」言家人之道既 也。 須上下 何則? 按《序卦》云:「家道窮必乖, 協心、衆賢同力、无 夫君子之道必將大 大 有 有 所 故

物睽而其事類也。睽之時用大矣哉 地睽 上行,得中而 《彖》曰: 同居,其 者,言睽之時所以得小事之吉者,下以 上行,得中而 之生,長必從人,此天理之常也。 資,是有睽乖之義也。「二女同居,其志 下,水火相資,然後能 亦睽異之義也。 女同居,必有從人之志,是其志不同行, 不同行」者,離爲中女,兑爲少女,女子 今乃火動于上,水又動于下,水火不 釋所以得睽之名也。 火本炎上,澤本潤 義曰:「睽,火動 而 乖,故但 其 志 事同 睽,火動 不同行。 小事則 應乎剛,是以「小 也,男女睽 應 乎 「説而麗 而上,澤動而下」者,此 而上,澤動而下。二女 説 可以得吉 剛 而 成功而利萬物也 是以『小事吉』 麗 而 乎明,柔進 其 乎明,柔進 也 志 事古」。 通 也, 今二 天 相 Mi

0

八

衆多 以 之位 通也 也。 道有自然而合者。 故小事所以得其吉也。 及,又且下應于九二剛明之臣 美之也。 惟大才大德之人能之,故先聖 死,樂安懼 交,則生成之事同 同也」者,此以 卑 ,睽乖之世小人衆多,然順 同 而 ,品品 而其 所 ,故曰「男女睽 然而 也」。 附 而 血 E 于 處 行所 類 相 大 以 事 下 危 不 男位乎外, 資 類 明之人, 離之大 -,是 列則 同, 爲正合于 而 也。 下廣明睽之義也,言睽之 一睽也。 成 是 是 也,故 若天 明 而 一門之治, 其 睽 圃 睽之時用大矣 事 其志通也」。 也。 猶君 又 中 女位乎内 「天地 日一天 以高而處上,地 然 類 以 · 道 然 而 也 子以 柔 放日 陰 无過 一于此 m 地 一段而 時 一,夫如 則是其 進 陽之 好 睽 Щ 説 其 无 生 而 動 至 順 者 其 氣

初九 无咎。 皆欲 子,況睽乖之時小人熾 者,夫險惡 者,至彰顯之物,當睽之時,人心既已乖 所以亡也。 IE 義曰 故有 接見,必 外 上无其應,本有悔者也。然而 象》曰「『見惡人』,以辟咎也」者,夫君 雖 應,故與初 雖 日 日 悔亡。 勿 《象》曰:「見惡人」,以辟咎 和 加 睽 喪失 逐,當自 同,内之所存則異也 害 乖之象,夫睽異之時,小人 罹 初九居一卦之下,當睽乖之時 火在 上火下 于君子,故君子與之和 彰顯之物,必无有私匿之者, 之人,其用 喪馬, 其 心志相合,遠而相得,其悔 喪馬, 所 上,澤在 澤,睽。 復 害, 勿逐,自復。 也。 故 勿逐,自 心皆欲陷 下,二 見之乃 盛,苟不 「見惡人, 无咎 君子 以 者 復」者 九四 无 同 見惡 也 害 和 而 咎也 八衆多, 相資 同 亦 馬 无

子 所畏忌。 見之,所以避一時之咎也 進 用 于 時既 朝,道 睽 行天 乖 ,雖其惡人 下, 則斥 亦 逐 禮 小 下 无 而

巷」,未失道也。 九二,遇主于巷,无咎。《象》曰:「遇主于

途。 遇于主,亦未失君子之道也。 之于委曲隘狹之道,乃得无咎。《象》曰 應,以五爲主,不敢顯然相遇于明 不可顯然而行,雖由委曲隘狹之巷而 而 當治平之世,斥逐小 「遇主于巷」,未失道也」者, 皆欲加害于君子,故此九二與五 行。 日 顯然遇之,則爲 若睽乖之時,人心不同,羣 巷者,委曲不正之道 小人之所 人則可 坦 蓋睽之時 害。 也。 然 由 坦 但 君 之 得 遇 爲 消

初有終」,遇剛也。有終。《象》曰:「見輿曳」,位不當也。「无六三,見輿曳,其牛掣。其人天且劓,无初

應,然其有剛 然六三本以至誠 害之。上九既見六三爲小人之所害,故 應于上九,以其履不得正,故小人皆來 六三之誠而與之應,是有終也。 亦疑之,不與六三之從己,是无 割其鼻也。「无初有終」者,六三本以 正,皆欲害之,故或來髡其鬢髮,或來 人,即謂九二、九四也。 以六三履 爲筍篾」作「而」,亦謂髠其鬢髮 不正 有罪髠其鬢髮曰「而」,又《周禮》「梓人 後人傳寫之誤也。然謂「而」者,在漢法 且劓」者,「天」當作「而」字,古文相類, 之牽曳,其牛爲人之拘掣也。「其人天 之應,己 陰居陽, 義 日 一,則上下皆欲害之,故若其輿 ]得往 履失其 所 明果斷之才,故終則明 而應之,然睽異之時 以 正 而應上九,初雖不與之 載 ,上有上九之剛 物 而 行 也 也。 初 非 爲 履 三以 劓 其 其

見疑 无 一所遇 初 得 有 終 剛明之人也 終 則 知己之誠 遇 剛 也 ൬ 者,言初爲 與之應, 是六 上之

待也 既不 道 則可 則 九 九 相交,然彼此皆不正,故須必常若危 是睽之孤者也。「元夫」,謂 丽 相 四 以 以 亦无 剛 以免其咎悔也。 應,是其志得 爲 存之志不得行矣。 志行也」者,夫當睽乖之時果无 「厲,无咎」者, Œ 明之才處下卦之下 配 而合,是必傾至誠至信 偶 Œ 也。 應,是其心志相 「交孚」者,九 行 也。 《象》曰「『交孚,无 九四雖 今 四 丽 初 同 无 與初 乃 九 四、 Œ 與 以 也。 應,今 初 以 交相 初 類 以 厲 信 九 相

曰:「厥宗噬膚」,往有慶也。

 $\bigcirc$ 

斥此陰 悔者也 宗,謂九二也。 有喜慶之事也。 慶也」者,言六五之應既在九二,而 又何咎哉? 乖之時衆皆來肆害于己,故九二之宗排 噬 是己之宗黨也。 陽,故其悔 義 人之間厠,故九二終能 嚙者也。 日 于 既以 噬 若往 邪 柔 六五 然居至尊之位而下應九二之剛 至 脆 不 所 九二本以正 加 之 誠 正之小人,使之不爲害,是 《象》曰「「厥宗噬膚」,往 以 物也。 應之,則 來應于己,己往而應之, 陰居陽 九二既 亡 膚者, 也。 「往,何咎」者,言 ,履于不正 「厥宗噬膚」者, 不 噬嚙之,不 柔脆之物,易于 爲己之正應, 而 惟 應己,然當 相合,而 一,本有 妨 爲 有 睽 又 則

弧 上 九,睽孤。 説之弧。 見豕負塗,載 匪 寇 婚 媾 鬼 遇 車 雨 先 則吉。 張之

六

 $\overline{\mathcal{H}}$ 

厥

宗噬膚,往,何咎?

《象》曰「遇雨」之吉、羣疑亡也。

惡之甚也。「載鬼一車」者,鬼者,虚 爲有、妄僞之甚也。「先張之弧」者、言 惡,若見一車之鬼,是其造虚成實,以无 九見六三在九二、九四之間,故疑其穢 二、九四之間,故己之視乎六三,必有猜 甚者也。言六三爲己之正應,而在九 九處卦之終,是睽乖之極者也。 義曰 至明,上九處離之極明之至者也, 故上反疑之,張其弧矢欲以攻之也。 六三本爲己之應,今既厠于二陽之間, 而不可見也,車之所不可載者也。今上 貳之心,狐疑之惑,若視豕之負塗然,穢 豕,本不潔之物,而又負其泥塗,是穢之 後説之弧」者,上卦爲離,離爲火,火性 「雖有其道亦不能通,故亦曰「睽孤」。 爲兑,兑爲水,水性至潔,六三處兑之 四以无 正應 而曰「睽孤」,今上 睽乖之 无

> 六三以至誠 之而不與之應。然上九有剛明之德,知 者,言上九始以小人之讒間六三,故疑 吉也。《象》曰「「遇雨」之吉,羣疑亡也」 僞,是雖讒言不能間之而終得會合也。 所間,故不得會合,今既察明六三之情 婚媾」者,六三本以正道應己,然以二陽 誠,遂説去其弧而與之會合也。 明之性,故終能察六三之至清而 極至潔者也。 和合,是羣疑亡也 今上九之陽合于六三之陰,則是和而 往,遇雨則吉」者,雨者,陰陽之和也, 小人之所厠,至于致疑,然上九以至 而來應,遂不疑而與之會遇 六三本以至誠來應于己, 「匪寇 審其至

蹇

₩ 以下蹇,利西南,不利東北。利見大人。

貞吉。

險阻 夫當 之以 見大人」者,言蹇之時欲治天下之險,釋 險阻不通之地也。 北」者、東北、艮位也。艮爲山 然後得其安 次于睽也。「利 義曰 天下之難,必利見其 窮,故「利西南」而「不利東北」也。 「利 治天下之蹇,則置民于寬廣生育之域 遂其所,人人思治之時也。若聖賢之人 坤者,致養之地,廣大寬平生育之所也。 離異,人心不同,必有蹇難,此蹇之所以 貞吉」者,蹇難之作由上下人心乖異不 納諸 而置之安平,則是治蹇之道也。若 蹇難之世,生靈 蹇。蹇者,難也。」言睽乖之時上下 險阻之地,則其民 按《序卦》云: 而至于太平也。「不利東 西南」者,西南,坤位也。 若聖賢之人出民于 大才大德之人也。 不得其安,民物不 乖 (愈困 ·必有 而其道愈 難 山者, 故 受

正之道,然後乃吉也。正而然,今濟天下于无事,則必本諸大

用大矣哉!有功也。當位「貞吉」,以正邦也。蹇之時「不利東北」,其道窮也。「利見大人」,往止,知矣哉!蹇「利西南」,往得中也。是、知矣哉!蹇,賴也,險在前也。見險而能

前,止 所,是往而得其中道者也。「『不利東 北」,其道窮 南」,往得 止,知矣哉」者,坎爲險,艮爲止,見險 險,在上,故曰 在蹇難置之此,則得其安居而各遂其 日 也。 「難復置之此,則其民愈蹇,是其道 而不進,是其知 此 ?中」者,西南,寬廣生育之地 「『利見大人」,往有功也」者 因二體 也」者,東北,險阻之地,民 「險在前也」。「 以 釋其 也。 義 「蹇【利 見 也。 險 坎 而 西 爲 在 能

之也。 之心 共以 功也 後可以 圃 五得其君之正,二得其臣之正,各當位 守正、故能正 者,蓋蹇之時必得大才大德之人, )。「當位『貞吉』,以正 人與天地合德, 解其蹇難,致其安平, 經綸之志,民被 解天下之蹇,故先聖于此重嘆美 邦也。 日 塗 月 「蹇之時用大矣 炭 共明,●有仁義 邦也」者,謂 則 是 而 往 見之, 而 有

修德。《象》曰: 山上有水,蹇。君子以反身

義日 怨天,不尤人,但反己之身,修 之上,其勢必不 反其智,禮人不答反其敬。」此之 孟子曰:「愛人不親反其仁,治人不 反身修德」者,言君子罹此蹇難,不 . 山者,險 能 阻之物。 通 是蹇 之象 水 流 飾其德 也。 于 險 而 君 阻

> 宜待也。 初六,往蹇,來譽。《象》曰:「往蹇,來譽」,

時也。 前,未 義曰: 之,必量時 宜待也」者,言君子當蹇難之初,險阻 陷躁失,則保全其道,得其嘉美之譽,故 幾,觀時可 危,衝冒而 初六居卦之始,在險難之初,若不顧 蹇,來譽」。《象》曰「『往蹇,來譽』 可以進,宜退 夫蹇難之世,坎險在 否, 度 進,則蹇難 勢 可退則 而 進,以 而 退,復其所處,不 愈甚。 自保 自 處, 前, 若 其 翻 明。 君 然 子 ·居 其 知

臣蹇蹇」,終无尤也。六二,王臣蹇蹇,匪躬之故。《象》曰:「王

動,故初則「往蹇,來譽」,三則「往蹇,來義曰: 蹇難之時人人皆有所患而不可

●「共」、康熙本、《薈要》本作「並」。

其 冒犯 必盡忠 《象》曰「『王臣蹇蹇」,終无 不忠之罪。今六二既能 衝 反 一,上應于九五之君,而 身,以救天下之蹇,故終无尤也 人臣, 苟不盡忠竭節, 見危授命, 則有 **冷**難 而往 君 四 竭 則「往蹇, 也。 力,奮 下以爲 而 進者,非 「匪躬之故」者,六二所以 以 死 來連 其 民,救天下之蹇也。 不 處 顧 其一身之故,蓋上 二,獨 人 雖 盡 君 臣 忠竭 之位 此六 在 (尤也」者,凡 重 蹇難之中 險 節,不 履 二云「王 在 前 恤 亦

> 難,是内有喜悦 退 下之二爻皆得 m 反 日 「『往 居 其 蹇, 本 位 之事 其 來 所恃,安止 反 則 也。 不 内喜之也」 惟 己獲 而不犯 其 安, 者 兼 于

當位實也。六四,往蹇,來連。《象》曰:「往蹇,來連」,

有蹇 今四 《象》曰 爻,止 在前 故君 若能 四 則 義 居陰,得正 連」字從上 以 E . 連下之陽,是當位 子 陰 難 知時 何 而自守, 止 「往蹇,來連」,當位 居 而 蹇 昧 連者,牽 陰,得 ൬ 之不 不 難 而進,愈必 者也。 聲, 不往,若退而守,不務其進, 利。 之 미 有? 言四 則得 Œ 夫蹇之時,其 行,退 連之謂 然 當 位 往來進退之間 有難 其 而蹇難之世 而 此 者 安 附 而 注 也。 也 IIII 得其 也 牽 實也」者, 疏 人于深險 連 六 之 陽 險 實 注 下之三 四 失 爲實 在 也 疏 坎 以 也。 前 險 陰

内喜之也。

日

九三以陽剛之德居下卦之上

IE

則

得

其所安,故曰

「往蹇,來

反

可

行,度

勢之不

可

用,

反

丽

自

處

以

守其

前

往

則

愈

蹇、若君

子之人能

知

時

之

不

爲初六、

六二之

所

恃

也。

然

൬

險

難

在

九三,往蹇,來反。《象》曰:「往蹇,來反」,

. рц

九五,大蹇,朋來。《象》曰:「大蹇,朋來」,

節 剛 伊尹 輔于己,是其朋來也 之臣,二又得人臣之正,故 治之時也。 是蹇之大者也 日 中得人君之節,二以柔中得人臣之 「「大蹇,朋來」,以中節也」者,言五以 ,是君臣之間皆能以中節 ,武王救 五居蹇難之世 而九五 商 ,有若天 而得吕望之類也。 居 一,如湯之救夏 中履 下未 耐 處坎險之中 正,能任六二 也 盡 安,人民 心竭 力以 m 得

人」,以從貴也。 曰:「往蹇來碩」,志在内也。「利見大曰:,往蹇來碩,吉。 利見大人。《象》

將終者 義曰: 此之時,不可 而 退居其位,下應九三以守碩大之德, 也。 上六處蹇之極,居 夫險極必平,難 復 有所往,若往 極 則 卦之外, 益 必安,當 蹇,反

> 三也。 來則 則得 持久于治,不須 賢明大才大德之人 德之人以終其難,是從者貴也。 爻,至尊貴者也。 「【往蹇來碩」,志在 利 見大人」者,言險 有碩大之德者,蓋 其吉道,故 「「利見大人」,以從貴也」者,陽 復 日 今上六能 一往 有 ,則可以遠出 内也」者,言上所 難 所往 志 蹇來碩, 將 心應在 終, 也。 利見大才大 内卦之九 但 吉」也。 險 能 附 難 而

解

■ gr 解,利西南。无所往,其來復,吉。

有攸往,夙吉。

之,故解之所以次于蹇也。「利西南」不可使終受其難,必有聖賢之人往以濟故受之以解。解者,緩也。」言天下之民義曰:按《序卦》云:「物不可以終難,

六

吉也。 吉也。 亂,自 若復 故欲 用 以 也。 下之民 天下之難,不復更有險阻,故 東北,險阻之地, 生成,然後利 解 慮,恥一 有所往者,蓋以天下之民在于患難 趨 有攸往」是也,但來 西 「无所往,其來復,吉」者,夫聖賢所 天下 拯而濟之也。 義之道 往 有 取其 南, 「有 雖 所往,則是煩擾 而 之 已權安,然其 寬 物之失所。 、弊敗之道,若《屯》之彖言「 解之,以速爲 攸往,夙吉」者,言聖賢 ,躋之寬平之所,使皆遂其 患 廣 也。 生 難 解之時聖人 。 除 成之地 不言「不利 今天下之患難 生民之 丽 間 今難 復其所有,獲其 其 也。 尚, 有 民 **恢疾** 解之時,天 所 則 而 不 止 東 未 事 一言東 可 聖 務 北 既 得 散 賢 愈 必 解 北 釋 亦 1 勿 漕 須 之 mi

> 拆。 得 地 解 中 解 也 利 而 解之時 雷 西 「有 南」,往 雨作,雷 攸往, 大矣哉 一得 雨 衆 夙 作 吉」, 也 而 百果草 其 往 來 有 復 功 木皆 吉」, 也 甲 天

解」也。 若復 義曰: 不往 言聖賢既以仁義之道除釋民之患難,而 復吉」, 此 置之于寬廣生育之地,使各得其 于難也,故曰「解,險以 是聖賢之人動 而 攸往 有 行,則必 乃得中 所 煩 「解,利西南」,往 坎爲險,震爲 ,夙吉」,往有 往 擾其民守其止静, 得天下之衆心也。「『其 則 也」者,夫天下之難既 而能拯天下 瀆 亂 已甚之道 動。 動 功也」者,言患 一,動 之險,使皆出 動于險之外, 得衆也」者 則 而免乎險 得中也 也 所, 來

(彖》曰:

解,

險

以

動,

動

而

免

乎

險,

亦作『坼』。」
亦作『坼』。
「宋本注疏皆作『甲坼』,經文『坼』字不明,當

聖賢、 萌者 言 故 蹇之時用,是天下在于蹇而始將治之, 矣。 滿 陰陽 故天 速 既 「時義」,或言「時 解 必有所用,是以言「用」也。 既 下 則 難解之時无不釋,故止言「時」耳。 ,則百果草木皆敷甲而拆,以至句者, IIII 義」也。 時義」之類,是皆義有所存之時,故 「解之時大矣哉」者,按 之人 以 之 ,動者,植者,皆乘時 解 相 有 百果草木皆甲拆」者,夫 不言也。 後 蒸, ,故鼓之爲雷,蒸之爲雨,雷雨 陽氣降于下,地 功 不交則雷雨不作 不 也 剛柔始交,則必有屯難。 或天下之 可 此 「天地 遲緩, 卦于「義」、「用」並 用」,而此止 必 民 解 以 汲 有 而 陰 뻾 雷 汲 未 而 氣 萬 关 得 言「時」者, 雨 而 諸 又《遯》卦 獲 物不 升于上, 在 作 拯 其 卦或 其 之, E 所 无所 (亨通

> 象》 解之道: 蓋舊 者宥之,使之改過自新,遷善遠罪,蓋難 君子之人當此之時,有過者赦之,有罪 時,始出 日 日 一染污俗化上 之 也。 義 雷 雷 于塗炭,其有過惡 雨 雨 也。 既 作 作, 天下之民 薄惡之政而然也。 則 蟄 君子以赦 蟲 方 昭 ,遷善遠罪, 蘇,草木 此 调 難 宥 解之 罪 故 甲

无 而 卦之下,當解之初,天下之難盡 義曰 然濟民之難,務 有功也」,是濟難在 也、故卦言「有攸往 咎 无 柔 交際, 也」者,九四, 有所咎矣。《象》曰 夫民在患難,非聖賢 同 以 在 解 于 剛 于速 ,夙吉」、《彖》曰「 天下 也, 速,不可 也。 「剛柔之際,義 之難,其 初六,柔也。 則不能 今初六 使 已解釋 之久困 濟, 居 往

通將至,其義必无咎悔也。然无咎矣。以時言之,則患難初解,亨

九二,田獲三狐,得黄矢,貞吉。《象》曰:

九二「貞吉」,得中道也 也。 疑矣。 改正 也。 其吉也 大中之道,剛直之德行天下之正道而得 子當行其教化,革其殘暴之政,易服色, 尚疑,猶恐未脱于難 朔,以新天下之耳目,使民 黄,中也。矢,直也。 三者,言其象也。 如以田 田 ,獵也。 . 獵而獲三狐,猶言羣疑亡 狐者,隱伏 而 蹇難 又人于蹇,故君 言九二又得 初 多疑 解、民 心无所 之獸

也。今六三陰居陽,是小人而乘君子之器。陽,至貴,君子也。陰,至賤,小人義曰: 負者,小人之事。乘者,君子之且乘」,亦可醜也。自我致戎,又誰咎也。六三,負且乘,致寇至,貞吝。《象》曰:「負

衆人所 之也。 子之位 蹇難既 肖混? 者,小人之事也。乘也者,君子之器也 又何咎于人哉? 以一郡一邑言之、則爲致寇、 竊居君子之位,所以致戎寇之來也。 若 咎也」者,言小人不度己德,不量己勢而 位是播其惡于衆也。」「自我致戎,又誰 衆棄也,故致寇盜之至爲害于己 乃以不正之質居至貴之地,是小人在 器 下言之,則 是可醜惡之也,故孟子曰:「不仁而在 人慢其名器,不辨賢否而與之,以至爲 「負且乘」,亦可醜也」者,言小人在 也 淆 奪而 然而小人得在高位者,蓋 ",故君子之位而爲小人所乘。 夫昏 也,則天下之所不容,斯人之所 解、君臣上下各從其正、而六三 爲致戎。且寇戎皆自 致寇戎之所害也。《象》 亂之朝, 故《 庸 繋解》曰: 主 在 E 若以 在 而 則 「負也 上之 奪取 君 位

淫。 招 小 也。」 加 易》曰「負且 盗思伐之矣。 乘君子之器 乘, ", 盗 慢 致 藏 思奪之矣,上 誨 寇 盗 至」, 盗之 一,冶容 誨 慢

拇」,未當位也。 九四,解而拇,朋至斯孚。《象》曰:「解而

六五 也。 義曰: 也。 之主,則可包含荒穢而 拇』,未當位 去六三而 六三必忘于初,則初亦忘之矣。 四之下,上无應 解而 **類** 九四正 君 而 今九四不當至尊之位,故不 拇,朋 子維 必解去之,則其朋黨至 拇者,足指之大者也,謂 君子有解,小人退也。 專應 一應在 至 有 也」者,夫以至尊而 于初六,則至 斯孚」。 解,吉。 加 初,是其朋 附 于四,有足指 《象》曰 容天下之民 有孚 也, 而信矣,故 而信矣。 爲天 「解 今既解 既係于 可係于 六三 之象 物 下 而 居

> 之,使退也 天下之難,則豈患小人哉? 以避君子之誅也。 行,則小人自然望 用賢者、黜退小人、以 于小人」者,夫君子當解 行,是能 義 應九 人退也」者,君子之道既 日 一剛 解 五 天下之難 明之君子,以 以 大 風 中之道位上卦之中 《象》曰「君子有解 而 而 成其治。治道既 信 得其吉也。 難之時,必 服 君子 行于上以 退 必自然信 · 之道 藏 能 竄伏 「孚 解 既 進

利。 上六,公用射隼于高 之大位 義曰: 今上 非隼之所居也。 居下卦之上,是竊 《象》曰:「公用射隼」,以解悖也。 六 處 于身而不妄動 ,猶貪殘之隼而居高 隼者,擊搏貪殘之禽也。 解之時 六三以柔懦不正之體 居動 國家之名器,當君子 墉之上,獲之,无不 者 之極,是君子之 也 ,故能射去此 墉之上也。 高 墉

者也。」 器 不 何 如 也,弓矢者器 以以 射 括, 于身,待時 不利之有? IE 之 隼于高墉之上也。 小人 是 小 以 而當君子之位,以 出 m 使 也 而 動 故《繋辭》曰: 不 射之者人也。 有 得 何不利之有? 居 獲, 高 「獲之 語 位 成 而 此 「隼 无不利 器 竊 而獲之。 君 名 - 者禽 子 加 動 藏 而 動

往。曷之用? 二簋可用享。 ■ 克下損,有孚,元吉,无咎可貞,利有攸

損

之限 義曰 君之象 合于中正,則民皆勤身竭力, 有孚」者,言上之取于民,必 極,取之有時, 也,然上之損 此 損 桂 謂 損 用之以 下 下 木 以 可 益 制, 當 太過,必 樂輸于上 上 一, 損 以信? 取 信 民 須 于 益 立

損 享于鬼神,不待其豐備 菜,筐、筥、 信,澗、溪、 之,以享于鬼神也。 將何所爲? 故雖二簋至約之物 者,此言在上之人既能示 往无不利矣。「曷之用? 无咎者也。 道,取之不 无 有制,使上足其用,下不匱 世中正常行之法,所謂長久貞正 上,而其咎悔可知矣。 力,奉國不暇,如此則怨結于下,災 母,俯不能 民 道既以至誠 咎悔矣。 可薦于鬼神,可羞 其 民民 皆 以畜妻子,凶年樂 ·以信, 錡、釜 信 沼、沚之毛,蘋、蘩、 既有其孚,又守以 奉 至信 或暴 于 使其 之器,潢、汙、 而 《左傳》曰: 政 行,雖 于王公」是 民 也 則 故古之什 横 仰 獲元 民 二簋 賦 財 不 用二簋 以 歲, 能 臨 大 如 信 可 正 一芍 行 蕰 之 之 亦 也。 此 以 而 殫 一,則 用 潦 藻 有 取 爲 見 不 吉 事 可 則 大吉 可 財 之 之 明 另 所 萬 以 用 復 父 娲 而

用? 柔 有 時。 二簋可用享」,二簋應有 吉, 損益盈虚,與時偕行。 損, 无咎可 損下益上, 貞 ( ) 利 其道上行。 有攸 往。 時,損剛益 「曷之 損 而

皆樂 下而 民益 簋 所 大之吉,免其悔吝,然後可以常行,利有 吉,无咎,可貞,利有攸往」者,言貢賦之 口 下益上,其道上行」也。「損 人皆有常制,不失其信 一之外不以孚信,動有妄求,是過 往 如 應有時」者,言至約之物不可以常行, 儉 損 輸 也。「「曷之用? 二簋可用享」,二 取怨于民也,故必有孚信之道獲元 則 君必上有節止,絕无名之求,則 民 以説 而 儉 艮,上而止。兑,下而 應上 輕重之, 可 順 豐 之道 雖 則 則自然國用以羨而 不 豐,所應皆有 而上行也,故 可 過 三則可 ,然亦必視歲 也, 而有孚,元 説。 時也。 日 苟什 損 夫損 民 損

> 言不 益則益 有其 貢。貢者校數歲之中以 于彼,凡損益盈 初九 力 也。 L 不 可長損于彼而 子曰:「治地莫善于助,莫不善于 時,不可以常行,可以損則損,可 木 、九二之剛、益六四、六五之柔,亦 也。 也。「損益盈虚,與 損 剛 虚之道皆與時而行也, 益 益 柔 于 有 此,盈于此 時」者,此 爲常。」此之 時偕行」者, 謂 ൬ 虚 以 損

室欲。《象》曰: 山下有澤,損。君子以懲忿

義曰: 象也 无忿争之心、嗜欲之事,自君子而下 之善莫善于此。 欲,有忿則懲戒之,有欲則窒塞之,可 今澤在山下,是損澤益 言山澤之氣相 君子觀此之象, 按《左 一傳》曰 通 何則? 故得以 川 可損之事在于忿 山,損下益 竭 自非聖人 生于萬 則 Ш 開川 物也 不能 上之 損 是

時有之,固宜損之也。

「已事遄往」,上合志也。初九,已事遄往,无咎,酌損之。《象》曰:

えたい。 たびと為哉,可省合では从屋義曰: 初九居一卦之下,處損之初,民

之奉上,必皆斟酌其宜,使合中道。故其咎也。「酌損之」者,言上之損下,下穫之事既已,則速往以奉于上,乃得免養其上者也。事,謂耕穫之事也。言耕之象也。夫民之爲職,固當給衣食以奉

患,必斟酌其宜,合于中道則可也。不可盡竭其所有以輸于上,自取不足之畜,而又有州間、鄉黨、冠昏、喪祭之用,

民之于私,上有父母之養,下有妻子之

今初九能已自己之事遄速斟酌而往奉上之志所須在于民,民之志在奉其上,《象》曰「「已事遄往」,上合志也」者,夫

之,則是合上之志矣。

九二,利貞,征凶。弗損,益之。《象》曰:

「九二利貞」,中以爲志也。

志也 義曰: 也。 以大中之道而行。今初已損 《象》曰「『九二利貞』,中以 至二則不可更有所損, 言損上益下、損下益上皆不可過宜,必 己以奉于上,當反求上之所益則可也 之道也。「弗損,益之」者,言不可更損 者,言若損之不已,復往 損之太過,利在乎守正 也,過之則桀,殺之則貊,皆不得其 合于中正者也。夫什一者,天下之中 初已損之以益其上,至二復損, 夫損下益上必 須斟酌其 而奉于上,則凶 而 是以 己。 爲志也」者 而奉于上, 「征 中道 (宜, 使 則 中

《象》曰:「一人行」,三則疑也。六三,三人行則損一人,一人行則得其友。

一相應,則其志純,其道固也。今六三義曰: 夫天地、君臣、夫婦之道,若專

无所間矣; 者,言六三獨往應上九,則其志和同 《繋辭》云:「天下百慮而一致,殊塗而 駁也。《象》曰「「一人行」,三則 歸。」是言凡事在于一致,則其道純而 疑惑之志,慮其有害于己也。 之陰上應于上九之陽,若己與六四、六 五二爻同 若己獨往 往 而 若三人往之,則上九必有 應之,則 而應之,自得其友矣,故 反 損 上九之一 疑也」 m 无

「損其疾」,亦可喜也。六四,損其疾,使遄有喜,无咎。《象》曰:

大臣,其責甚重,若有一小人在位,爲國人臣之職也。「使遄有喜」者,六四既爲不可復往損于民,但民有疾則去之,有不可復往損于民,但民有疾則去之,有取天下之財以困斯民。今六四一爻當義曰: 遄,速也。夫爲人上者,不可過

事而 而 家之害,良民之蠹,則 安,是可喜之事也。 可喜也」者,言爲人臣之職,若能 于速,不可使之滋蔓,如此,則 損 國家之疾,除民物之害而使之獲 獲无咎矣。《象》曰「『損其 當損 去之而 有 (疾」,亦 東忠直 喜悦之 務 在

六五,或益之十朋之龜,弗克違,元吉。

《象》曰: 夫好賢 義曰: 志策來益 常,但其用之有制耳。今六五 也。朋,黨也。 故天下賢明才智之人皆盡 臣,己能虚心而接納之,又弗損于下,是 艮止之中而位至尊,下又應九二剛明之 道不可過苦,惟在 不能從, 而 六五 [元吉],自上祐也。 龜者,決疑之物,以喻人之才智 則亦與不用同。 不能用, 于己也。「弗克違,元吉」者, 十朋,衆也。 則 位 與不好同, 聖賢之人不以 故好賢者,必 |其謀慮,竭其 夫損 以 柔 下之 順 居 爲

之也。 任 人得 賢之歸 元大 『元吉』,自上祐也」者,六五以 [用賢知之臣,聽其謀,從其諫 其 違 盡 盡 五 才 其 能 而 善 其善,竭 ጠ 得元大之吉,自上而 言, 虚 盡 又 己以 聽 美之吉也。 其 其能 逆其諫,使天 接納 言, 此 丽 賢者 其 奉于上,是以 《象》曰「六五 任 而 人之道 信任之,又 下才智之 下无不祐 故得衆 柔居尊, 也 獲

志也。 得臣无家。《象》曰:「弗損,益之」,大得上九,弗損,益之,无咎,貞吉,利有攸往。

以 得臣 吉。 益天下之民,如 下之道,是以 日 今上九居損之極,在 无家」者,夫蚩蚩之民愚无所知 既 大凡居上者,不可常 獲 其 古, 施仁義之術生成天下, 此,則 則 所 得 往 艮之終,更無 其无咎,以貞 何 不 損下以益 利 哉?

> 得 故曰 服而 若 于下,則是天下之民无不臣服 志大得行于天下也。 九 志 在 既 歸之,遠近无有疏間,天下爲一家, 「无家」。《象》曰「『弗損,益之』, 上者益之以道 也」者,言上九居上體之極 不 損 加 反 益之, 則 ,則天下之民皆臣 歡 心 而 歸 而 一而反 之。 益 今

## 益

## Ⅲ <sub>震下</sub> 益,利有攸往,利涉大川

義曰: 益 以益民,明聖人 衰,損久必益。 故受之以益。」蓋言凡物之理,盛 益 君之德也 上則謂 民之財, 按《序卦》云:「損 之損者,蓋既損民之財, 而又益君之德也。 損上益下 之志在于民也。 益者,損上以益 則謂之益者,蓋 而 不 然上之益 已必 然損 下,損君 又損 極 既 必

舜其猶、 哉? 之益 心。 損 利 長久貞正之道,故始得利有攸往。 下信之,然後有元大之吉 有攸往」者,蓋損之時是損于民,必使 貞」,然後曰「利有攸往」,此則直云「利 上乃能益于下也。「利有攸往」者,夫上 利而利之,因其可益而益之,故非 化,興利除害,以益其民。 民敦本而棄末,又爲之擇守令,宣 爲農官,或興 雖 下 廣,生靈之衆,苟家 至 L 非 也 益 既得 愚 下是損 謂 然《損》則云「有孚,元吉,无 下,得天下之歡心, 病諸,蓋居人上者爲之求賢,或 耕 ,固知不 「利涉大川」者,夫君能以仁義之 天 而 有餘而補不足,故得天下之 下之歡心,則 食之, 水利, 勸其力 可 也。 蠶 不至户 而衣之,以 故 到 傾施 丽 穑,使游手之 人 何往 是皆因 无所往 无 人給之, 外,以 濟衆, 而 天下之 咎 此 不 其 一行 損 而 利 天 教 則 所 可 于 則

> 濟 道 効命以 涉之也 益 于下,下受其 助 其 君, 雖 (賜 有 大 則 險 捐 大 軀 難 而 **\***,皆可 報 于上,

與時偕行。 无疆。天施 下下,其道大光。「利有攸往」,中正 利涉大川」,木道乃行。 彖》曰: 益,損 地生,其益无方。 上 益 下,民説 益動而巽,日進 无疆。 凡益之道, 一有慶。 自 F

也。 五以陽位乎上,中正之君也, 事自上而流布于下,故其道廣大而 下,其道大光」者,夫損 之歡心,民從之无 民各安其業,皆被 足,今以九五之有餘益六二之不足,使 上之德,今上能自損 六二也。夫陽本實而 義曰:「損上益 「利有攸往」,中正 下」者,此謂 有 其澤,如此則得天下 以 疆 有餘,陰爲 益 畔 下而益 有慶」者, 也。 其 損九 下 -, 一自 六二以 五 虚 光明 夫九 Ē 益 則損 ൬ 而 之 下 益 不

也。 極。 氣以生成萬物之形,其利益之道 之氣以益于地,爲萬物之始,地 「天施 意,下順民心,則德之進而无有疆 思 爲民之益,民既受其 涉大川也,猶人能盡仁義行于上,動 爲木,下震爲動,故以木爲舟楫,動 也 正 之道不可以常行,可損 不私,至正而不邪,至廣至大而 一益 有 輔 之道 動而巽,日進无疆」者,此以二體言 夫行益之道,居上者能動而上順天 「凡益 偏黨私邪,其道廣大而 「「利涉大川」,木道 下,中正之臣也。 亦若聖賢以仁 于上,故 地生,其益无方」者,夫天損一元 下益 之道 于 雖大險大難无 民, ,與 義利益天下之民,而 以 時偕 益,則莫不 此 則 君臣之間 乃 故 行」者,夫 損,可益則 行」者,上巽 獲 无 福 不 有 至公而 承天之 盡其 无 皆 慶 極也。 有方 行 窮 則 之 以 益 心 己 能 而 中

> 若常使 有事 之道,必 知自損。 下,若常益之,則在 何 則 而 ? 益之, 損之。 天以 與時而偕行也 是故先聖于此戒之,言凡 則 一氣降于地 君子以仁義 萬 物 下者 滿 而 亦 以 過 生 寬愛而 施 亢 一驕亢 也, 生 萬 爲益 恤 是必 丽 于 不

則改。 風雷益,君子以見善則遷,有過

義曰: 能 過 則大善著矣, 象,見人有善則遷而從之,知己 聲益遠, 則大過除矣。 改而正之。夫日遷一小善,積而不已, 也,故孔子 改,是吾憂也。」 是 夫風得雷則威益 相 Ė: 益之象 蓋 日改一 益之大莫過于遷善改 「聞義不能徙,不善不 也。 小過,改 彰,雷 君子法 而 一有 得 過 此 風 倦 則 益 則

「元吉,无咎」,下不厚事也。 初九,利用爲大作,元吉,无咎。 《象》曰

益之道 也。 今初九 志于有 勢,操重權,乃能當之,至于位卑勢寡之 故須萬舉萬全至于大吉,然後无咎也。 之才利于大作,然初本卑下,不當厚事 後免咎,故曰「利用爲大作,元吉,无咎」 謀始之責,至難至重,故須所爲大吉,然 寡,非可致之地。 義 也」者,夫大有所爲以益天下,必須履胄 人,則不可僭 日 《象》曰「『元吉,无咎」,下不厚事 . 必須 雖 初九 ൬ 有剛 居位 欲 以 有所興。 興 明 剛 益 興 得勢,而後行之有餘。 又況當益道之初,有 陽之力震動之始,是 (益之心,而位卑勢 于天下者也。 今初九實以 剛

古。 道、盡人臣之節、率其衆賢、皆盡 能盡忠竭力以事其君, 吉」者,王者能任賢受益 以事其君,則得其吉也。 天下賢智之歸,其勢至重, 違,元吉」者,蓋損之六五居得其正,爲 者,按《損》之六五言「十朋之龜,弗克 益之十朋之龜」。「弗克違」者,夫以 能 正,以此之道享于帝而 侵君之權,其爲禍不細矣,故當永守正 損之主,是以天下賢智歸之而獲元大之 柔之德聽信之,弗有違戾也。「永貞吉」 下之人樂告以善道,而己又能以中庸和 人各欲獻其謀慮而 行,无蔽 「象》曰「「或益之」,自外來也」者,六二 盡 今六二在于下卦,居人臣之位,受 人臣之節以事之,无有偏黨姦邪之 塞賢者之心,是以 來益于己,故曰 則其吉可知矣。 得吉、況其爲臣 而 「王用享于帝, 弗違,又能永 一失 天下明 其正,必 忠竭 力 天

公用主。 六三,益之,用凶事,无咎。 君,故賢智之人皆自外 中得正, 《象》曰: 又能 盡 人臣之忠義 益「用凶事」,固 來 而 有孚中行,告 益之也 以 事 有 其

義曰: 瑞也 千餘家,帝遺汲黯往視之,黯曰:「此不 之信而行,執其符瑞以告于公而明其 益 則已不顧一身,奮然往而 益之事,若民之凶荒、疾苦、札瘥、患 益之事。 得其无咎也。 于中道,欲施益于下,非所當也。 政,若居其位,當其任,則 伽 以 行 今此六三以陰居陽,位非其 然後 一,所 凶 事,然亦當以由中之信合于中 以執 凡君子之人不在其位,不 若漢武之時,河内失火, 可 而 也。「告公用圭」者,圭,符 「有孚中行」者,言六三雖 爲信。 言六三既以 益之,則可 미 以 有 IE 然所 爲 凡 由 謀 而 道 所 渦 其

> 足爲言 及歸 《象》曰「益『用凶事」,固有之也」者,言 有之也。 數,黯遂 六三雖居非其位,然其救民安國之心固 是乃非其位,越其職 患。」時 朝,乃請 矯 命 河内之民值歲凶,疾苦計 矯制之罪,帝遂賢而釋之。 發 廪 以 救 以 之, 濟 凶荒之事。 民 由是活。

曰:「告公從」,以益志也。 六四,中行,告公從,利用爲依遷國。《象》

國。 之,則其小者從可知也。《象》曰「「告公 竭力,上以益于君,下以益于民,告其所 致君澤民,故雖遷國之大皆依從而利用 用爲依遷國」者,夫天 于民,以此告于公,則无有不從也。 以爲益之道也。 近于五,下應于 今以六四居得 六四,以陰居陰,履得其正,上 初,在益之時,是能盡 夫既能 Œ 下之大莫大于遷 位,行得大任,能 上益 于君,下益 「利 1

而已。

市以一身一家爲念,所志者惟益于上下,以益天下,使君尊民富各得其所,是從」,以益志也」者,言六四能恢有爲之

我德」,大得志也。德。《象》曰:「有孚惠心」,勿問之矣。「惠九五,有孚惠心,勿問元吉。有孚,惠我

義曰: 此、則是王者惠心之謂也、《論 之也,但勸之教之通商惠工而已。如 民之温飽,非待王者耕而食之,織而 户養之也,蓋所惠者惠于心而已。天下 廣,生靈之衆,聖人在上非可以 信興利于民也。「惠心」者,夫天下之 位,下應六二賢明之臣,是能 及于天下,則不待問而自獲元大之吉 勿問元吉」者,言九五既以仁義之心惠 因民所利 九五以剛明果斷之德處至尊之 而利之,惠而不費者」是也。 以 語》所謂 家 由 撫 中之 衣 而

外來也。「有孚,惠我德」者,夫民无常懷,仁也。「有孚,惠我德」者,夫民无常懷,仁也。「有孚,惠我德」,大得志也」者,言九五能興下之民亦惠信九五之德也。《象》曰「"惠我德」,大得志也」者,言九五能興益之道以利于民,則其志大有所得也。「鬼我德」,大得志也」者,言九五能興於之,或擊之,立心勿恒,凶。「有爭,惠我德」者,夫民无常懷,仁也。「有孚,惠我德」者,夫民无常懷,仁

外 己,不知其益人,立心勿恒,故人或自外 中 來 而擊之也。 守 而 正,其益 益之。 在 上九 君民,故明智之人 居益之極 求 益 皆 自 于

夬

不 利即 兑 乾 上下 夬, 揚于王庭,孚 號 有 厲。 告自 邑,

也。 (之三月,五陽盛 日 決,故受之以 夬,決也。 長,以剥

之象也。 並進,協心宣力,以衆君子決 必 小人道消, 能潛光晦跡,欲以直道顯然而 以人事言之,則是聖人在上,羣賢 戎。 然之理也。 「揚于王庭」者,夫君子道長, 利有攸往 小人道長,則君子道消。 凡羣小得 夬。」以天道言之, 《序卦》云:「益 志 削一陰之時 ,君子之人 去一小人 而 不 則

此

之,終累聖明之德也。

「利有攸往」者、

則

則 唐之太宗 危厲 于王 長征遠討,荼苦生靈,以速危敗。 即戎」者,然當此之時更不可恃其剛壯 下,所謂自内及外,由 邑,使一邑之人信服之,然後告及于天 然以威勢加于天下,故宜 令,雖當夬決之時,君子道盛,亦不 肆意而遂以爲安,故當肅肅 廷,布宣號令,決去小人,然亦 子之道既 是衆賢 則 號令,使天下之人皆信 有厲」者,厲,危也。 恃 反 其剛 庭 爲 則 而 (盛 小人之所害矣。 可矣。「告自邑」者, 威 可謂英 盛,必須信賞必罰 決去之也。「孚號有厲」者,君 長,小 以 有高麗百濟之征,至今稱 人消剥,故 主矣,然而享治既久, 通及遠也。 夫以衆賢聚于朝 今夬決之時 服 告自己之一 미 祇懼 뻮 ,決然示其 夫發 以 不 從之也。 顯然 而 可 「不利 若昔 放 可 號 自 爲 心 揚 則

利 是 又 夫 勢微力弱, 也。 夬決之時, 君子之道 坦 下之五 一陰乘 然 加 陽共 陵 于 衆 无 進 所 而 陽之上,而 往 決去之, 面 不

戏」, 所 終也。 號有 決 《彖》曰: 而 厲」 和。 尚 其危乃光 乃窮也。 「揚于王庭」,柔乘五剛 夬,決也, 也。 「利 剛 決柔 「告自邑,不利即 有攸往」,剛長乃 也。 健 也 而 孚

者,言君子之命令所以顯然不憚宣揚于 夬決之時,用剛 行必得其中,剛不至暴,柔不至懦,故雖 爲説,以健而決,以説 猶衆君子去一小人也。 王 和」者,此以二體言之。下乾爲健,上兑 義曰:「剛決柔」者,言以 ൬ 濟之。 庭者,蓋以一柔而 「揚于王庭」,柔乘五剛 以決小人,則亦必 乘陵 而和 五陽 「健 五 剛,一小人 而 蓋 而決一柔 説 君 決 子所 以和 也 丽

> 下,居德則忌。 象》曰: 坦然得一 人信 之故也,是君子之道大成終美于此也。 往」,剛長乃終也」者,言君子之道所以 伐不戢,則自取窮凶之道也。 信服 懼 能兢兢危厲,審克而舉,則其道益光也。 言君子當此得時得位號令必行之際,更 面 言發號施令先告自己之一邑,使一邑之 「告自邑,不利即戎」,所尚乃窮也」者, 也。 乘 也。 陵 服之,然後告及天下,則天下无不 行者,蓋由五剛盛 「「浮號有厲」,其 五 澤上于天,央。 苟若恃其剛壯,玩兵黷武,侵 君子,是以公行決 君子以施 危 長、 乃光 去 「「利有攸 一陰消 而 也」者 无 禄 有畏 及 景

于下。「居德則忌」者,此「則」字當作也。故君子觀此之象,則施其禄惠以及也。今澤升于天,是必決然流霈于下義曰: 夫至高者,天也。潤物者,澤

夫己正 忌 決然可以刑加之也。不然,不先示以禁 下,使天下皆知其禁,有不服 蓋 德自居于身,而後可以明其禁忌 人之非。 明」字,輔 傳 ,則孔子所謂不教而誅也。 寫 |則可以責人之邪,己是則 之誤 今夬決之世,君必先 嗣之説亦曰「居德以明禁」, 耳。 「忌」 則 禁忌 從者然後 以仁 之義也。 以 可以責 示天 義之

不勝而往,咎也。初九,壯于前趾,往不勝,爲咎。《象》曰:

象。 進則進,決然 之時,雖君子之道長,然 義 小人,必須量敵 不度己力,不察彼勢,躁急而往,則反受 「壯于前趾」。「往不勝,爲咎」者,夫夬 日 剛明之才欲往決去上六之小人, 夫夬之時,小人乘陵于上,而 初九當一卦之下,故有足 加 而後進,慮勝而後會, 發, 萬舉萬 而欲 全矣。 往 一決勝 若夫 趾之 故 初 可 其 日 九

> 有咎也。 乃決然不顧而往,則必爲小人之所害而勝而往,咎也」者,夫力既不勝于小人,其害,故曰「往不勝,爲咎」。《象》曰「不

九二,惕號,莫夜有戎, 戎勿恤」,得中道也 義曰: 戎之事,然亦不煩憂恤之也。 「「有戎勿恤」,得 也,故雖有驚惕號呼,莫夜之間 決然而往,排去小人,不 九二以剛健居一卦之中, 中道也」者,言九二以 勿恤。《象》曰:「有 爲慉縮 《象》 而有 而 不 則 能 日 兵 進

九三,壯于頄,有凶。君子夬夬,獨行,遇何所恤也。

剛健之德決去柔邪之小人,而又所行所

爲之道无過

无不及,皆得大中之道,又

夬」,終无咎也。

雨若

濡。

有愠

、无咎。

《象》曰:

「 君 子

夬

義曰: 此一爻有錯倒之文,當曰:「壯

六也。 致也。 之道 君子 之无 能上 同心 于 獨應之,而其志和合,故曰「獨行遇雨 夬夬,无咎」者,夫雨者,陰陽和合之所 五小人而 夬夬而後无咎也。 曰:「『君子夬夬」,終无咎也。」以此固知 陰柔被決之小人。 夫既應于小人,爲小 子夬夬,无咎。」何則? 人之所污辱,則何得无咎哉? 又,《象》 小人之性,近之則不孫,遠之則怨。 頄,有凶。 也。 決去 咎」。 一應君 而決一小人也 夫剥之卦,五陰長而一陽在上,猶 衆賢方共決上六之一小人而三 上六處一卦之上,故有面 「獨行遇雨,若 小人而 剥一君子,六三于小人之中 子而 此卦五 獨行 不爲剥削之道,故曰「剥 反私 一陽進 遇 頄者,面之骨, ,獨九三不與衆君子 雨,若濡 應之,是壯 而決一 三應于上,上爲 濡 有愠 有愠 陰,是 于順 順之 君子 獨 五 君

> 也。 去小人,則无過咎之累也。 能抱公却私,與君子之衆同德合義以決 撓,奮然決之,乃得无咎也。 人性明而志果,居九三之位不爲應之所 污辱,是獨 今夬決之時, 「君子夬夬」,終无咎也」者,言九三 「夬夬」者,敢決之辭也。惟君子之 遇 君子得志 雨 而 濡 潤 其 而反爲 (身,且 小 《象》 有 人之所 愠 終 日 怒

「聞言不信」,聰不明也。不信。《象》曰:「其行次且」,位不當也。九四,臀无膚,其行次且。牽羊悔亡,聞言

行也。 剛,與衆賢協心盡力上決于小人 物,謂九三也。言九四若能牽連九三 之質獨當其路,爲衆賢之所傷而 君子皆欲上進以決去小人,九四 義曰:「次且」者,其行不安之貌 可亡也。 「牽羊悔亡」也者,羊者, 「聞言不信」者,九四雖 剛性之 不得安 也。 人,則其 以 不正 之

剛 于九 不明也。 九四所以聞言不信者,以視聽之間有所 强 曰「「聞言不信」,聰不明也」者,言 而 自任,故 而 其 悔得 雖 亡。 聞 其 然 言亦 九 四之性本以 不信之也。

行无咎」,中未光也。 九五,莧陸夬夬,中行无咎。《象》曰:「中

中之道 自能 義 以中行得无咎者,何也? 至尊之位,以天下之威而躬 必得天下之賢而任使之。 「中行无咎」,中未光也」者,言居至尊 中行无咎」者,九五既能 小人,則決之甚易,若去莧陸之草也。 E : 不能任天下之賢而用之也,若能以大 今九五 決去小人,故不勞己力可以安而无 而 莧陸,草之柔脆者也。 以 則方得无咎也。 萬乘之威而躬決小人,是 賢人衆多,則 決去小人,而 夫爲君之道, 親決上六之 《象》 九 五 日 居

大也。 而親決小人,雖得中正,未足謂之光

終不可長也。 上六,无號,終有凶。《象》曰:无號之凶,

義曰: 上六以陰柔小人之質當夬決之時,居衆賢之上而貪其榮寵,戀其禄位,不能退避君子,而又乘陵于上,卒爲君子之所誅,故雖號呼于天,亦終不免其必,故先聖戒之,言无用號呼亦不能逃其誅而免凶也。《象》曰「无號之凶,終不可長也」者,上六當夬決之一,是其勢微力弱,必爲衆賢之上,是其勢微力弱,必爲衆賢之上,是其勢微力弱,必爲衆賢之上,是其勢微力弱,必爲衆賢之上,是其勢微力弱,必爲衆及其於之人,以陰柔小人之質當夬決之

姤

■ <sup>戦下</sup> 姤,女壯,勿用取女。

義曰: 按《序卦》云:「夬者,決也。決

其上。 壯 可 從 用 以 也。 陰 賢之人 必 **貴賤、尊卑、少長、師友之間皆得** 言之,則是臣遇于君,君遇于臣 而 取 羣 取 不 有 而終。 Ė 女」者,女之爲道,固當 遇 陽 ,猶不忠不一之臣不可 陰而遇五 「女壯」者,此指初六而言也。 所 于陽 得 不順之女,故聖人于此戒之言不 今初六乃以一陰 並 遇,故受之以 其 進 臣之爲道,必盡 以 相 以 遇也。 決 剛,是女之壯者也。 柔 小 而 人, 遇于剛 然謂之姤 姤 小 而遇 0 人既 姤 用 也。 心竭力以 婉 者, 五陽,是剛 也 娩柔順 者, 也,以至 以 遇 其遇 以其 蓋 則 也 事 事 以 聖

矣哉 也。 女」,不 (彖》日 剛 遇中正,天下大行也。 可 與長 姤,遇也。 也。 天地 柔遇 相遇,品物 剛也。「勿 姤之時 義大 咸 用 章 取

義曰:「柔遇剛也」者,言初六以一陰而

女」,不 下。 中正之位 事,師友相 成天下之治,夫 以一陰之氣 明姤之義也。 終始 女用 夫婦 遇 而 中正,天下大行也」者,凡人有剛 萬物發生 順之臣 而遇于衆陽,是不可與之永長 于尊,以 天 不遇中正之位,則  $\overline{H}$ 地 今初六之陰不能專一,其行 之 剛 以 于 相遇、品物咸章也」者,此 一用于 間 也。 閨 口 相 賤 而 門,則 與 皆 加 保 遇 而 以 承于天,天地之氣相 无剛 章 長 得 也,故 天以一 朝廷,則不 遇 則 人事言之,則 明 其 也」者,夫以 于貴,君臣、上 能 婦 不能成其室, , 姤遇 也。 明之德,則不 成 相 日「不可 不能 其道 陽之氣降于 遇 故 者也 能盡 則 君 行 業 能 臣 不 0 是 其道, 也。 與 成 忠 相 Ē 「一勿 下 以 以 能 長 閨 以下 以 ጢ 不正 遇 明之德 不 卑 遇,故 地 門之 也」。 害天 稱 剛 剛壯 順之 貝 用 而 遇 廣 能 地 不 取 遇 四方。 象》曰: 相遇不久則不能成道業。 下,夫婦相遇 之道,患不得其時, 道者也。 位,故能大行教 久之也。 至大至難,故先聖于此重嘆美之也。 今九五 既得其時,又得其義,然又患 「姤之時義大矣哉」者,夫 故君臣 天下有風,姤。 既 不久 有 化 剛 相遇不 (則不能治閨門,朋友 于天下, 明之德,又居 得其 久 則 后以 (時,患 是姤之時 而 不能 盡 施 中正 姤 命 治 姤 得 遇 誥 能 與 天 其 遇

義曰: 物无 四 施 天下,諸侯之治 「后」者,天子諸侯之通稱。 方之民莫不順 義之教,命以 不相遇 風之行于天下以 而 得 國,皆當 從而 其 韶告于四方之民,則 生成,此姤之象 悦服也。 發生萬物, 法姤之象,發 夫天子之治 也。 則

初六,繫于金柅,貞吉。

有攸往, 見凶。

羸

能專 言初六既以一陰而 也,淫壯之甚 之道 可以 不遷,則得其吉也。 是剛 下制 九四之正應而繫于九二,則當專一守正 以附合,不顧 正,然姤遇之時人无常親,有賢者則 于己,九二有堅剛之德,能制物之動。 初六居姤之始,以 今初六若能繫之而不躁求妄動,正 「有攸往,見凶」者,初六既不能順 日 也。 獲安,若苟有所往 壯不正之女也。 車之行,是制 一守正以繫于二,則可以獲吉矣。 金者, 「羸豕孚蹢 正應而繫之也。故初六若 者 堅剛 也 一陰而上承于五陽, 之物。 上承于五陽,又不能 動之器, 然初繫于二本非 躅」者,羸 蹢 然上有九二最近 而妄 躅, 柅者,車輪之 躁動 動 謂九二也。 家, 牝 則 之貌。 從于 是凶 面 其

專一 牽 柔道 淫 而繫于九二之陽,是陰道之牽也 · 躁之 繫于剛明之人乃可也。 牽 守正,躁動 甚者也。 也」者,夫陰柔之體不能自立,必 而欲有所往,是若 《象》曰「『繁于 今初六以 金 柅」, 羸 陰 豕

有魚」,義不及賓也。九二,包有魚,无咎,不利賓。《象》曰:「包

義曰: 己,是擅有他人之民。 魚非 賓」者,夫饗賓當以其正,今九二所得之 來附于己,非己所召,己得初六之 之時,君臣、上下、貴 己所召,近而相得,可以无咎也。 四,而己擅之,是有咎也。 庖廚之有魚。 交相際接,然後事克濟矣。今初 人,是義之所不可也,故《象》曰「義不 其正也。 魚,陰物也,謂初六也。 然「无咎」者,初之應本 初本九四之民,今附 賤 擅有他人之民而 、尊卑各以 以初之來 夫 六 「不利 陰 、之陰 姤 Œ 于 非 在 加 消 遇

及賓也」。

九三、臀无膚,其行 象》曰:「其行次且」,行未牽 義曰: 也。 能 陽,所履得正,處非 咎」者,言九三雖爲下之所傷,而以陽 ൬ 得其安行,故曰「其行次且,厲」。 當其路,又乘九二之剛,必見所傷 上无所應,下无所繫,是不得相遇之道 貴賤皆得其遇,然後有所濟矣。今九三 周 牽連衆陽 其行次且」,行未 然姤之時,下之君子欲上進,而己 防警戒,則咎亦无大矣。 夫姤 而 遇之時,君臣、上下、尊卑 獨當上進之路,所以次且 有妄,若能常自危 牽 次 且 也」者,言九三不 一,厲, 也。 无 《象》曰 「无大 大 而 居 厲 不

凶,遠民也。 九四,包无魚,起凶。《象》曰:「无魚」之

而

不安也。

義曰: 魚,亦謂初也。夫姤之卦以一

《象》曰「「无魚」之凶,遠民也」者,夫民 順之。 无其民 遇之時 庖有 于二,九四不得有之,是遠于民 不 者多助,失道者寡助。 躁 而 正 陰 加 反爲 安之 邦本,本固 之身居上 動 m 作 魚 遇 正,履失其 情 ,動而有凶也,故孟子曰 九二之所繫,則是君无其臣,國 不 寡助之至,親戚畔之。」今九四居 五 必 而 陽 失 與 得 四 一卦之下,雖有初六之正應。 其 反 二相得 天 「邦寧。 ,則淫 E 下臣民,然後有所輔助 无之也,「起凶」者,夫姤 也。 中,是寡助之人 壯甚矣。 而失 初爲九 今九四以 多助之至,天下 四之應,是 四之民而繁 也。 初 「得道 不中不 六 既 猶

志不舍命也。曰:九五「含章」,中正也。「有隕自天」,九五,以杞包瓜,含章,有隕自天。《象》

義曰: 杞者,杞梓之材,木之秀者也。

求臣· 正 爲己之應援,故曰「有隕自天」,明九 不已。 言此 陽在 命則已, 命,以求天下之賢。 以待天下之賢。是以盡其至誠,不舍其 求天下之賢。 賢明之輔,是以終日之間,焦心勞思,以 以己有 足 材 但 不能宣布于四方,于是但含蓄章美之德 而无從,有仁義不能 尊之位,爲 爲 也」者,按《坤》之六三曰「含章可貞 雖 如 一之切 美 甚 下 延 蔓相纏 天必生賢明 剛明之才,居至尊之位,而下 材之累。「含章,有隕自天」者, 來助 盛茂,而 爻有剛 也。 若天未隕墜其 姤之主 于己,然在下者各固其位 蓋自念有倡而 《象》曰 ,終无所益。是猶杞秀之 明 爲瓜之延 (之才) IIII 之臣 言天若 不遇其應。 施于天下,有禮 九 中正 以 五「含章」,中 命,則我求之 蔓纏繞之,適 爲 隕 之德, 无 己之輔佐 墜,我之 和,有令 雖 有衆 居  $\overline{h}$ 无 至

角」,上窮吝也。

角者,物之最上,窮極之處

也。

上九,姤其角,吝,无咎。

《象》曰:

「姤其

心,乾乾不已也。

策。 矣。故古之高宗諒闇三年,其惟不言恭 求賢,以得王朴任之爲臣,以建太平之 傅説,置之爲相。 默思道,至于夢寐之間孜孜求賢,以得 者,言此九五之君求賢之切,若天不隕 左右雖有百官,而无中正之臣,故孜孜 而後已。「「有隕自天」,志不舍命」也 而宣發之,故守其中正之位,待其得賢 或從王事」,彼以其爲臣之道,言其在下 亦含蓄章美之德,而无中正之臣以輔己 而含蓄章美之德,待其君而後發,此云 「含章」,君之道也。 我之命,則我之志不舍其求賢之命 以此見自古聖人治天下,求賢之 又周之世宗,以 九五居中正之位, 朝 廷

> 《象》曰「「姤其角」,上窮吝也」者,言上 鄙吝,又何咎于人哉? 角,窮盡而無所容也。「吝,无咎」者,以 按此上九居一卦之極,在无位之地。當 之道也。 其居窮極無位之地,上无所容,是自取 姤之時,上无所遇,下无所應,如至于 九不能自量其時,而進至于角,是窮吝 故曰「无咎」。

周易口義卷七

二三九

## 周 易 口 義卷人

宋 胡 瑗

撰

利 請 貞。 兑坤 上下 萃,亨。 用大牲,吉。 Ŧ 一假 利有攸 有廟。 往 利 見大人,

萃

下

經

義曰: 通 相 故受之以萃。萃者,聚也。」蓋言聖賢既 相姤遇,則天下之人得以會聚,故以 王 于姤 遇 其 假有廟」者,廟,貌也,言聚先祖之 、志得以上行,故「萃,亨」者此 民物和會,當此之時,其道得以 也。 按《序卦》云:「物相遇 然萃所以得「亨」者,蓋君臣 而後聚 大

之道 心而 則民 在 莫大于此。「利見大人,亨」者,夫小民 之時,皆知尊事其 見之志而 魄歸于地。于此時也,孝子慈孫雖有 神萃之于身,及其 神于其間, 假其萃聚之道設 而 神,故謂之廟。 君之所以 之人,然後民得以亨通矣。 聚之世,民物和會,故當利見大有才德 蚩蚩不能自立,是必得大有才德之人以 仁義之道生成之,然後得其所亨。 于正道,苟居上者不以正 不得爲之奉養。 始雖 施教于天下,使天下之人當此萃聚 所 利 得民,民之所以從君,必須利 不能見其容貌,雖有虔奉之心 衆 者 以 多 惟 奉四 而 在 何 爲 聚,終 于正。 死 則 祖先也,故萃聚之道 時之祭,以 廟桃 是故聖人觀萃之卦, 也 ? 亦 魂 ,以萃祖宗之精 夫人之生 「用 離 氣歸 「利貞」者。 道 叛矣,是萃 大牲,吉 盡孝子之 而治之, 于天,形

必 通 其碩大之牲爲之享祀,以答天所貺之 之也。故王者當此 爲人上者撫有萃聚之世 者,夫君之所有天下者, 之世,君臣會聚,天下和同,故聖賢君子 與賢,則與賢 命,故得其吉也。 當往 矣。 而爲天之所 而 康濟之,使天下大得其亨 眷祐者也 天與子 「利有攸往」者,萃聚 萬物萃聚之世,必 故 一,皆 ', 則 蓋 與子。」 由 由 孟 子 功 天 日 業 所 付 是 被 用 則 與

故聚 《彖》曰: 攸往」,順天命 之情可見矣。 也。 「王假有 萃,聚 以正 也 也。 廟」, 也。 觀其所聚,而天地 順 「用大牲,吉,利 致孝享也。 以 説 剛 中 利 而 萬物 見

言之。下坤爲順,上兑爲説,是聖人在會聚之時也。「順以説」者,此就二體以義曰: 萃,訓即聚也,言天下君臣民物

可得 言王者假立廟貌以聚先祖之精神,以修 時,則王者用大牲之禮答天之意,以 之民,使天 也,故代天理物,以仁義之道生成 往」,順天命 同德 上,能 須得大有才德之人以正道治之,則天 人」,聚以正也」者,言當此萃聚之時,必 下,使皆能明享親之禮 四時之祭,以盡孝子之心而 而聚矣。「「王假有廟」,致孝享也」者, 中,有此 柔正之臣,是君臣之間倡而 蓋 應,故聚也」者,此指九五、六二而言 五 而 而 以 以 久 治 剛 亦 公仁義 四德之備,然後天下之民 大矣。「用大牲,吉,利有 者也。 德居中,爲萃之主,下應六二 以 下之民皆受其 也」者,夫君者,天之所 順 之道順民之欲,説民之心, 説 夫既 而 相 順 合 也。 而 也 賜 和,令而行 説,又剛 「利見大 而 示教于天 一剛 會 天 以 因 中 下 攸 得 命 下

從 其所聚,而天 天命」者,夫王 萬物之情狀矣。 世,聖人觀此萃聚之道, 天地聚會之情也。至于昆 下,及其陰陽相交,萬物發生而萃聚,此 廣 承 明萃聚之義也。 其類,故《繫辭》曰「方以類聚,物以 濟之,所以 天之所 是也。 今此 也。 地 順上天付與之命也 一者既 萬物之情可見矣」者, 君臣 然 代天 夫天本居上,地本 「利 民 有攸 理 物各 則 物 可 (往」 而 蟲草木 則 相 以 見 萃聚之 必 天地 亦 各 在 羣 觀 而

之所 世 也 一、民既 用其兵,是必韜藏其弓矢,偃息 聚。 除,去也。 和説 今澤 海内 處地之上,是萃 言君子之人當 晏然,于是之 此 聚 時 萃聚之 其戈 之義 不 口

其

志亂也。

笑,勿恤,往无咎。《象》曰:「乃亂乃萃」, 初 所備。 去戎器 備而 六,有孚不終,乃亂乃萃。 聖人安不忘危、存不忘亡之道也 聚之世,至平之時,亦當戒于不虞,此 之職,以 極 于是時 故雖萃聚之世,民已和會,然不 華山 翦商之後 矛,以示 |治矣,然猶立司馬、司 戒不虞。 之陽,放牛于桃林之野,是所謂 亦常因 者 蓋 天 訓習兵戎。 事久 載 也。 下 木 櫜弓矢,倒 至如堯舜 民之隙訓習師 則弊,隆極必替,故 然天下雖安,忘 復 用 兵也。 以是觀之,雖在萃 載干 商周之時, 徒、司空、 若號,一 故昔 戈, 旅 戦必 ,以爲 **可** 歸 者 司寇 心聖人 不 握爲 可謂 馬 武 乃 有 或 王

世,上應于九四, 曰 欲相萃聚。 孚,信 然 也。 是以 而六三以 按 此 始 初 初 貝 六 不 居 正之身居 以 萃 至 信 聚 之 相

恤

,往无咎」者,夫君子爲

小人之所疾

然終得與四爲之萃聚而

應,故亦不至于深久。

雖初始則號

咷,

有懽笑也。

「勿

四

雖

爲三之所

間

隔于己,而

本

·與初

不得與四萃聚,故始則

有號咷之怨。然

以至誠公直而行,往 謗,然君子之心何必 害,小人爲君子之所 今初爲六三小人之 疏 憂恤,但執其正道 決去,此 求于四之應,則必 間 于己,爲之讒 理之常也

其間

(,上无其應,又最比于四

」,遂招

誣

謗

待于

四,今既爲小人之所間,則

初

六

誠

謂

之言以間

于己。

是以

初

雖

始

有

誠

以

六三既

爲

間

于初六,不得

與四

相從,是

信之心不得其終也。「乃亂乃萃」者,

以初六心志必

爲惑亂也,故曰「乃亂」。

用 象》 日

行也。 也; 誠信相交,心志相接,然後其 其中,又上應九五中正之君,然亦 君,而幸其時之寵榮也,是故 其君援引于己,然後往之,此 盡進身之道也。今六二以陰居陰,履 用必須有道,待上之聘求,然後往, 信以待舉,力行以待取。是君 ൬ 无 咎也。 禴,薄祭也。 今當萃聚之時,君臣之間 君子之進,不可自媒,以 「孚乃 利用 夫君子之進必在 禴」者, 孚,信 道 君子 所以得吉 子凡所 誠 可以 苟 必 懷 則 媚 待 大 得 得 進 其

六二,引吉无咎,孚乃利 引吉无咎」,中未變也 无咎矣。

所濟。

然此初雖與四爲正應,然爲六三

萃聚之世,必上下相求和

會,然後必

有

小人之所間

. 厠

于其間

以以

疏隔于初,使

也,

際,初雖心志惑亂,終得其萃,故曰「乃

「若號,一握爲笑」者,號,謂號

叫

握,謂掌握之間,至淺末者也。

然且當萃聚之世,是上下皆相求萃聚之

行矣。 之見引而後進者,蓋守中正之道 咎」,中未變也」者,言六二之所以 變,不爲富貴貧賤之所移,待求而進,是 亦 則道可大行,孚信中立,則雖禴之薄祭, 而 通,而欲其道之大行,則孔 志未有變也 可 諫,則以爲謗己」者也。 通 志既通,則 若夫君 于神明 臣之間 也。 可 以 《象》 誠 不 信 煩 蓋君 外 日「引吉无 子所謂「未信 未 著 飾 臣 · 其道 旧相應, 待君 而不 志 未 得

《象》曰:「往无咎」,上巽也。六三,萃如,嗟如,无攸利。往无咎,小吝。

義曰: 望 不正 中不正之身居于萃聚之世,上无 而 不納 欲 復 親 也 何所利哉? 比 于 如,語辭也。六三以陰居 己。 于四,然四本與初爲正應,是 居下卦之上,不中也。 既 不 「往无咎,小吝」者 見納,是 以 嗟 其應, 陽,位 以 不

> 有所 陰爲巽順,必下接于已也。 无咎也。 巽也」者,言六三捨九四而往應于上,必 所以 類求 然小有鄙吝者,蓋上六亦陰,以陰求陰, 見納,然當是萃聚之時,捨其四之陽以 萃聚之世,上下相求 小吝而已。《象》曰:「「往无咎」,上 成。 類,則往 今此 何則? 蓋上六以陰爻在上 六三 而 應 雖 于上六,亦 以 无 成萃聚, 正 一應,而 免其咎。 然 四 又不 後 事

位不當也。 九四,大吉,无咎。《象》曰:「大吉,无咎」,

九五,萃有位,无咎。匪孚,元永貞,悔亡。

上六,齎咨涕

· 洟,无咎。《象》曰:「齎咨涕

象》曰:「萃有位」,志未光也。

于上。 《象》曰「『萃有位」,志未光也」者,言五 是其志 爲天下之所信,苟能自守永長貞正之 臣而使己之威賞號令不行于天下,而不 孚,元永貞,悔亡」者,言五雖有侵權之 勢,然本有剛明之才,中正之德,但 雖有其位 德,无私无陂,久而 不得以大行,亦可以自得无咎也。 「匪 己之路 當是時,下有九四不正之臣,據羣陰歸 「无咎」者,以 不歸 未甚 以及于天下 而固塞之,是使衆民 今五有剛明之才,居至尊之位 于五,故五所 萃聚之世,天下之民皆遇聚歸 而其道不 光 大也。 五雖有權臣 得以大行,而教化號 不 不爲天下之所信 變,則 存者位 在下侵權 皆歸于四, 可以悔亡。 與號耳。 其道

洟」,未安上也。

以類 答涕洟」,未安上也」者,言上六所以 之身在 萃聚也 咨涕洟者,以不得其所而不安其居也。 又下无其應,是以嗟 上進无所往 涕」,出自鼻曰「洟」。 曰:「齎咨」者,嗟 求類,此所以无咎也。 下卦之上,亦无其應,是以 然則得无咎者,蓋六三以 ,引退无所適,當萃之時 嘆之貌。 嘆 上六居卦之極 而 涕洟,以 《象》曰 出 自 求 目 與 不 其

升

征吉。 ■ ☆ 升,元亨,用見大人,勿恤。

南

聚之于多,自下而至于高以升于上,故升,故受之以升。」言物之衆萃,自少而義曰:按《序卦》云:「聚而上者謂之

六

保其 濟天 卦; 也。 進,雖有是大生大通之德,然不 南方之位,故曰「南征」。 之,然後升其高位而不至于危, 侕 獨往,必須用見大有才德之人 之 往 進 生 所 此 者,按此一卦,上坤,坤爲 就 「用 人 之時,必附麗 禄位,復 下之事, 成天下之民 升 下 升 次 南方長養寬平之地以 巽,巽爲東 見大人,勿恤」者,夫君 、于萃 于 Ŀ 无 何 然後得 位 也 不 有所憂恤哉 物,又有大亨之德 ,必須有元 南方離明之主,又 通 然日二元 南之卦。 盡 濟, 所以升 夫聖賢之人 故 亨」者,言 大始生之德 生成天下, 可 上下 ? 以 西 子之 上 以 可 「南 可 · 皆 南之 之 以 孑 依 以 居 其 是 征 永 升 道 附 聖

是以大亨。「 彖》曰: 也 柔 以 用 時升。 見大人,勿 巽 而 順 剛 有 中 慶 而 也。

[曰:「柔以時升」者,此釋卦名之仙吉」,志行也。

子執柔 應,則 也。 以釋 升進之道,以 ൬ 五 柔順之德,内 爲所行之事皆得其中正。然 柔順之行,使剛不過亢,柔不至懦,而 之,則失于懦,是必内有剛明之才,外 夫君子必不可全任異順之德,若全 是以大亨」者,此又以二體兼 ,是以大亨也。 中正之君。 其 在 日 又三陰在上 升進之義也。 元亨之義。下體,巽也。 下,坤在上,二卦之體 剛中」,九二也。「應」,謂六五也。 亦不可 「柔以 順之道 時升」者,此釋 是當 得 有剛明之才,苟或 元大始生之德通 一,以 一,得時 而升進,故今又 「「南征吉」,志行也」 其時 「巽而順,剛中而 此 而 之時,君 之可 進 ,亦猶賢 卦名之義 進 皆主柔 九二、六五 子 而 上體 而 濟 應 Ê 皆 外 進,是 得 于 无 人君 既 也 任 其 有 有 所

立之志、所行之道皆得以大行矣。南方生養寬平之地以生成于天下,是所者,言君子之進既附麗其大人,又即其

小以高大。《象》曰: 地中生木,升。君子以順德,積

抱,是升進之象也。 于地,始自 月,以月繼時,以時繼歲,至終身久而不 順之德,常積善道,不矜細行,以 由大賢以至于聖,皆從微而至著,由小 變,積小善以至大善,由小賢以至大賢, 至大,故曰「積小以高大」也。 日 坤爲地、巽爲木。 芽蘖,至 一把握,積久以 君子觀此象,執柔 夫木之生 日 至 資

上合志也。初六,允升,大吉。《象》曰:「允升大吉」,

位,而行其道也。今初居巽之體,處升之時,君子所志在于乘時以升進于其義曰: 允,信也,率從之稱也。夫升進

進,故得大吉也。 皆信 以 之賢合志而進,使衆人亦率從于己而升 爲升進之始,雖上无應,然與九二中正 得升進,則其道得以行,其志得以伸, 下,故吉之大者,此也。《象》曰:「『允升 澤可以 進之始,雖无其應,然于九二同 大吉」,上合志也」者,初六當升進之時 進 而 于位,爲衆賢之先倡,故賢 率從之以進于上。君子之人既 福于生靈,其功業 可以 被于天 心合 其

之孚,有喜也。 九二,孚乃利用禴,无咎。《象》曰: 九二

中巽順 其道者也,以至于所行之道,所爲之事, 居其巽,是其剛 也。九二以剛陽之德處下卦之中,而體 柔 順 加 而 孚,由中之信 升者也。 接納 于己,是 不過亢,柔 而又上應六五之君, 也。 升而 禴,春之薄祭 不至弱,執大 得 其 、時,得

礙,退

不

爲

時之

所

凝

圃

上六又爲

之

引道,上下

相

順

, 无有疑

間

以

是

而

升于

九三,升 孚,有喜也」者,夫君臣相信以成天下之 此爲臣,何咎之有? 咎」者,九二以至誠之道奉于君,而君任 以薦于鬼神,可以羞于王公」是也。 筐、筥、錡、釜之器,潢、汙、行潦之水,可 澗、溪、沼、沚之毛,蘋、蘩、蕰 于鬼神也、《左傳》所謂「苟有明信, 信之,則是諫行、言聽、膏澤下于民。 亦若誠信立于中,雖薄禴之祭亦可以 不假外物,不須外貌,而君自然信任矣。 事其君。若然以 則下 ,以立太平之功,是有喜慶之美也 不合于 得盡 邑。《象》曰:「升虚邑」,无 中。 其由 夫君既 至信至誠 中之信、至 《象》曰「九二之 以 柔 而事其君,則 順 誠 而 藻之菜, 之 接 道 納 元 通 所 以

六四,王用亨于岐

山

,吉,无咎。

君子之位,若升虚邑然,復何所

疑哉

王用亨于岐

山」,順事

也

通 仁必先 世禄。 于岐山之邑,當此之時,文王有聖 文王之象。昔商紂在上,文王爲 之君,又下乘衆陽剛强之臣,六四 五,是進得其位者也。 此六四以陰居陰,履得其正,上 治之地也。 才,无聖人之位,而以仁義之道生 順之道,率其剛强之臣以事 義曰:「王」,即文王也。「岐 故歸 開機 至如 于窮 者 而 如 耕者九 夫升進之道貴于柔 民,是以 不征 歸父母。 市 一,罪人不孥, 廛而 岐 然比于六五 當是之際,文王 Щ 不税,發 之 Ш 其君, 民皆 比于六 西 順 文王 成 得 政 仕 柔 伯 執 之 其 柔 弱 所 今

疑

也

虚

E :

九三以

陽居

陽,

履

正

者

也。

而

有上六以爲之應,進不爲小人之所阻

之事也。 服事于紂,不失臣子柔順之道,是至 之地,三分天下有其二,且盡率 亨于岐山」,順事也」者,言文王治 之道,執柔順之節,率天下之民 民, 荷不以柔順之節奉于上, 則臣子之 已歸矣。 于紂,故得吉而无咎矣。《象》曰 分虧而凶咎必至矣。故文王能 之位,升進之道固已盛矣,天下之心固 也。「吉,无咎」者,文王以仁義居 升進之道愈 如是則幾于侵君之權,擅君之 心盛,故 曰「王用亨于岐 -其民以 以 盡 王用 臣子 岐 服 人 Ш 事

大得志也。 《象》曰:「貞吉,升階」,

有大中之德者也,而又下有九二剛明中柔順,今六五有柔順之道居得其中,是居陽,本失其正者也。然升進之道貴于義曰:「階」是尊者所居之地。六五以陰

受其賜,則己之志大有所得也。 能守至正以居其位而治天下之民,使皆 正之臣爲之輔佐。 至尊之位也。《象》曰「大得志也」者,若 不正,若能守之以 Ē, 然所爲之事 則 山 以 獲 患 吉 在 而 當 于

升」在上,消不富也。 上六,冥升,利于不息之貞。《象》曰:「冥

已,以至于上,若能知升而 則止。今此上六,其性冥冥然无所知 義曰: 冥者,冥昧也。夫升進之道 而 之貞」者,息,長息也。言雖冥昧不知其 至于亢極,故曰「冥升」也。 「利于不息 不已,過于至尊之位,失其大中之道 但知進而 其正,可 爲情所遷,不爲情所誘,進退存亡皆得 于五位,大中之極也。 惟聖賢之人 可以退,謙虚,消損,不務長息,以正 以進 不知退,知存 則進,可以 加 退則退,可以 不 可以已,知進 知亡,升 (則不 而 止 而 至

不爲尊大,以自至于富盛也。 存亡之幾,以至于上位,固當消虚 自 上,消 則 口 不 獲 富 其 也」者,言上六既 也。 象》 日 自損 不達 冥

不信。 真,大人吉,无咎。有 城下困,亨。貞,大人吉,无咎。有

木

極則 之,是君子之人不得其位,不逢其 故受之以困。」言升進之道 道不能行于天下而 大,尚有困 而不已,必至過亢之悔, 困」。然得「亨」者,言君子之道身雖 窮,困從而至矣。 必至龍 按《序卦》云:「升 極,況于人乎? 戰之災。 身至于窮 至如天之道,升 以天地之道至 不 而 地之道,升 可 不 以 困 已必 過 人事言 極 困 其 而 调

不見信 窮困 通,故 能 固 道,不令而民自信,不言而 不信」者,夫聖賢之人居得其位,行得其 取正于大有德之人以爲法則,故所 則其爲禍也不可勝道矣。 之時、憂愁、迫蹙、姦邪、竊亂无所不至, 焉,雖窮居不損焉。」 此之謂 動 不得其道,所以獲吉而无咎矣。 「有言 人吉,无咎」者,貞,正也,言小人居窮困 窮 其 道 行 而 聖,惟 德 以 其道,雖有言可 ,則能以聖賢之道自爲之樂,又能 心,是身雖 也。至于窮困之時,不得 道 孟 充 言語見信于小人哉? 自 于人,亦勢然 子曰:「君子所 積 亨, 賢 于中,不 知 何 賢,是君子 則? 處 困 ·爲窮 以爲天 也 而 夫君子之人 性,雖 其道 達富 當 何 民 惟君子處于 也。 則 下法,而 窮 自從,其勢 自 大 貴 其 ? 困 「貞,大 行 得 患 孔子, 之時, 位,不 行 以 難 以 終 加 亨

言 時 人 雖 加 也 人終不見信之也。 歷 3 聘于諸國,人皆謂 孟 一子,賢· 人 也 之迂濶,是有 困 于 衰 周之

其所 剛中也。 《彖》曰 之。 其 所 窮 下,小人居下位以奉于上。今困之 陰 坎 義 人所蔽,困之象也。 體 困 下,陰居上,是剛爲柔所掩,君子 爲柔,小人之象。 爲陽,兑爲陰。陽爲 亨,其惟君子乎?「貞,大人吉」,以 曰:「剛,掩也」者,此釋困卦之義也。 則 險難之時,而能以聖人之道 亨,其惟君子乎」者,此以二 以亨通之道。 下坎爲險,上兑爲説。言 本居于下,猶君子居上位以治于 處 「有言不信」,尚口乃窮也 險而不改其 困,剛掩也。 「險以 非君 説 夫剛體本居于上, 險以說,困 剛 是于困 子,其能 (説, 困 , 君子之象。 君 而 自 子 而 而 ,雖居 與 體言 爲 () 不 説 不失 不 失 陽 小

> 之人也。 此 見信,苟尚口頰,徒益至于窮困也。 者,君子當是窮困之際,道不得行,言不 子居此困窮之時,必當持正,此大有德 九二、九五也。言二、五皆有 而又得其中,是大有賢德之人也。 ? 「『貞,大人吉」,以 「『有言不信」,尚口乃窮也」 剛 中也」 剛 明 之德 者 故君 即

象》曰: 道不及 物不被 義曰: 澤上 天下以澤萬民則宜矣。 致命遂志」者,命,謂天之所命也, 而澤天下之民,今反在 (身,固當居大位,處重權,施其 ,使其道不得以行,是事非己招, 極 而 盡之義。 于天下,此困 其潤澤,猶君子之人所以居大位 浸潤萬物,今水反 澤无水,困。君子以致命遂 兑爲澤,坎爲水。 言君子有仁義之道蘊諸 之象 困 今居于窮困之 在澤下, 也 窮之地,是其 夫水本聚于 「君子以 (事業于 是萬

以遂其志也。 躓易其操,不以貧賤變其節,恬然自樂,然而君子之心自達于性命之理,不以困己致,匪人力所爲,蓋天命之使然也。

《象》曰:「人于幽谷」,幽不明也。初六,臀困于株木,人于幽谷,三歲不覿。

之下不 之正 覿 有 陂 者,枯老朽槁之木。 而 于下,是猶 義曰: 盛之意也。 三上无其應,下比于四。 暗 九四爲之應,然爲二所間 險之下,其體陰柔,不能自濟。 爲二、三之所間,使不得進,而又在 一者 應,是以己 ,此爻窮困 能 谷之中而无 臀者,最處卑下之物也 自濟,進 「人于幽谷」者, 于枯 一欲上進 已 不 槁之木, 更无 甚。 所 初六,居困之始, 得己之應, 明 類也。 而不得, 雖 初以三專侵 有 初既 隔, 四之正 「三歳不 如 居 牛 又 又 0 長 最 有 株 窮 于 困 木

> 中, 與 明也」者,初最居下,如困于幽暗深谷之 下 四 體 无所 相見。 ,難于上進,至于三歲之間, (明顯 《象》 也。 日 「人于幽 谷」, 亦 幽 未 不 得

慶也。 《象》曰:「困于酒食」,中有凶,无咎。 《象》曰:「困于酒食」,中有九二,困于酒食,朱紱方來,利用亨祀。 征

然後能 饜飫 義曰: 寵 體 歸,則天子必委任之。 子之服,天子純朱紱, 歸之者衆,則 既有剛明之德 下卦之中,有剛明之德,是能自濟者也 一既有 命將 貌以禮之,厚恩 之象也。 至,故曰「朱紱方來」。 剛明之才,大中之德,爲衆人所 濟 凡居 于世。 所奉者厚,故「困于酒食」, 窮困之時,必有 「朱紱方來」者,朱紱,天 而能自濟, 今九二以 命以 尊 既委任 方,將也。 寵之。 則衆皆歸之。 剛 剛明之才 陽之質處 之,則 「利 言九 天 降

意也。 至誠上 又爲天 之事也 者,言九二有剛明之德,居得其位 禍必至矣。 其勢已尊,其權已重,其寵已隆,人臣之 祀」者,凡《易》中言「享祀」之類,皆謂 天子所任,得行其道于天下,而有喜慶 分盡于此矣。若不知止 于神明也。 下之人以 (所致,復何咎于人哉? 《象》曰「困于酒 通于神明。 子所任,則必能進 奉于上,如享祀之時竭誠以通 夫凶禍之來皆己所招,非他 「征凶,无咎」者,以此九二, 九二既爲 而 食」,中有慶也」 其至誠,率天 此亦戒之之 復求其進,凶 衆 而 爲 以

之有刺者也。大凡居困之際,必有剛明義曰: 石者,堅頑之物也。蒺藜者,草「入于其宫,不見其妻」,不祥也。其妻,凶。《象》曰:「據于蒺藜」,乘剛也。六三,困于石,據于蒺藜,人于其宫,不見

《象》曰「『據于蒺藜」,乘剛也」者,言六 既辱且危,死期將至,妻其可得見耶?」 道也。故先聖亦繫此爻曰:「非 中正 困焉,名必辱。 見之,是猶人其宫而 其窮困至極,則雖至親之人尚不可得 又不獲所安,上又无 安也。「人于其宫,不見其妻,凶」者,言 己,故曰「據于蒺藜」,是進退皆不得其 則有九四之剛陽以隔塞其路,故曰 之質處 九二以中正之才爲己所乘陵,則反害于 石下而欲守其位,則乘于九二之剛。 據崇高之位,上无其應,當困之時, 二,是行不得其中。 三所以據于蒺藜者,蓋乘九二之剛也。 三以柔順不正之質,進既不得行道,退 之德 于陽 乃能自濟。 位,是履 非所據 以不中不正之身妄 正 不得 不見其 今此六三以 而據焉,身必危。 應以 其正 (妻,此 爲己輔,是 過 所 困 凶 困 陰 上進 于 之 夫 而 于 而

其凶,是豈爲祥善者哉?「不祥」者,祥,善也。以不見其妻而罹

與也。曰:「來徐徐」,志在下也。雖不當位,有口,來徐徐,困于金車。吝,有終。《象》

然而 《象》曰「「來徐徐」,志在下」者,徐徐 求,雖爲二所 正,爲二之所 鄙吝也。 路,使不得以相會遇。 二在下,上无其 居 也 義 非 吝之道也。 、堅剛之物。 日 而 · 其位 行,但徐徐然舒緩 圖之, 九二也。 以己 徐徐者,舒緩 ,當困之時與初爲 則 隔,而 間 「有終」者,九 有正 初 按此 隔,然當 車者,至 應、欲其比之,固 六 應 初六本與己爲應,但 終 九 而 與己爲之應 不 是以九四不可決 四 丽 爲二所固 困 剛 敢 爻以 圖 一之時 一四既 決進 載 正應。 之也。 物 陽居陰, 上下 履非其 加 也 [塞,是 塞己 然九 行者 吝, 也 而 相

> 道 來, 正 位者也。 應,雖 也。 不當 蓋 本 位 然初六之陰本己之正 與 見隔于九二,亦終有 有 初 爲 與 (也」者 ΙĒ 應, 以以 是 志 陽 在 居 于 應、既 陰,不 相 下 與之 也 爲 當

祀。 説」,以中直也。 九 之刑 義曰: 五 惠,以仁義之道居己以 也。 之時,衆所 所以 繹。」是言諸 詩 樂而歸之。 《象》曰:「劓刖」,志未 ,劓刖, 言 夫居困之時, 車 也。 劓者, |劓 攻》篇云:「赤紱 赤紱 困 刖, 今不能 不附,爲 侯 于赤紱, 「利用祭祀」,受福 割鼻之刑也。 困 者,諸侯之服也。 來 朝用此 于赤紱」者,言五 衆 寬其 困之主,困之 所 乃徐有説, 不 下 (慈惠 得也。「乃徐 赤紱也。 附當 金 于人,則 舄, 反反 刖者,断 也。 寬 利 以 按《毛 其 極 同 居 用 圌 此 皆 慈 者 困 有 壯 有 足 祭 五

之道、刑罰之威以服其人,使民

道,必 布惠, 之所困 其 信,其 時盡 之,欲 尚 得其 祭祀」者,言九五 爲人所不從,若 服之,非心 无别? 也」者、 志 (君之位,居君臣之分,尊卑之差,豈 享祀」,五 ,由己居得其 未 其至誠 (中,又履得 刖 曰 (禮則 須盡其至誠以接天下,猶祭祀之 天 則人必感悦 也。 有 威服 「「劓刖」,志未得也」者,言五專 故二曰「亨祀」,五曰「祭祀」也。 下 言五 所 服 諸 「乃徐有説」者,言九 以 得 云「利用祭祀」者,蓋至誠 于人,而人心將不樂從,故 。但九二人臣之位,九五 也 侯 一所以 通于鬼神 也。「『乃徐有説」,以中 ,故人必不從, と皆從 能 其 緩 徐 正 而從 中,行得其直故也。 緩 而 徐緩 一,雖始失于威 圖之, 于己,然 而圖之,有感悦之 矣。 也。 而 以有感悦 然二云「 然亦「利 圖之,施 反 後 五 爲 以 本 暴 威 諸 利 之 用 至 可 居 而 力

> 古。 悔, 上六, 《象》曰: 有悔」,吉行也。 利 至 困 誠 用 于葛藟,于臲卼,曰 以接于下,猶祭祀以受福 祭祀」,受福 困 于葛藟」,未當也。 也」者,九 動悔、有悔, 五若能 也 動 征 盡

中, 然而 冒難 其事 義曰: 也。 于纏 所當居 葛藟」,未當也」者,上六居困 居于卦外極困之地,不能自濟,是以 安之地也。 動 不 思謀之辭。 上六 悔 ,動必有 往 丽 繞 可不動,必冒 則 而己居之,所以有纏 往,以 不得 有悔』,吉行也」者, 葛藟者,蔓生之藤。 、既處 可 言上以柔弱之質 所 獲其吉矣。《象》曰「【困 求 悔吝。 極 安, 其 凡吉凶悔吝,生乎動 困 變通 困之甚 既動 則思謀 難 加 不 丽 者也 行,則獲其 上六既居難 繞之困 有 其身,處 顧 下无 臲 極之地 悔,必 險 卼 難, 其 者,不 也 當 于 者 決 度 困

吉 也

井

井。 坎 巽 上 下 **汔至亦未繘井,羸其** 井,改邑不改井,无喪无 瓶、凶。 得, 往 來 井

義 得」者,夫井之淵源,終日汲之而不爲之 미 義,猶君子之德。 可 井者,是居其地 改井」者,邑者,都邑人民之所聚 歸于下,此井所 已,則必至于窮困,既困于上,則必 下,故受之以井。」蓋言君子之 可富可貧,可生可殺。 邑,民所居也,則可以遷,井之爲德則不 遷。 日 爲富貴、貧賤、生死所加損 夫邑之名,猶君子之身。 按《序卦》云:「困乎上 以次于困也。 而 君子之身,可貴可賤, 不 可遷改也。 君子之道, 人 一改 「无喪无 升 者 居 夫 井之 則不 邑 進 反 必 也。 都 反 丽

能施天下,亦凶之道

也

器。 哉? 君子 時也。 綆也。 綆未 賜,以至鰥寡孤獨、昆蟲草木无不 往來之人莫不資其養,蒙其利也。 于有 不能 **汔**,猶幾也,將至之謂也。 澤也。「汔至亦未繘井,羸其瓶,凶 子之德,所居之處,遠 民之幸與不幸耳,于君子之身何所 失 積其 位 出 īE 及于人,凶之道也。 凡井之有濟人之功。 M 「往來 雖終歲 反有至 身履 于井, 往者,取其井。 羸者,綰絆之謂。 使其澤及于 德 井井」者,井,所以 于身, 行,本欲 則贏 不汲,亦不至于盈 中 道 其 至于用 面 民 以 瓶 自 來者,亦取其井。 邇之人,皆受其 物,則 濟衆也,必 圃 傾 猶君子以 與不 瓶者,汲水之 覆 傾覆之,其 今水將至,而 繘者,汲水之 其 功 汲水 用, 必 濟一 ·被其 有 道 損 須 乃 成 猶

M 至亦未繘井」,未有功也。 也 世 日 「改邑不改井 巽 乎水 而 二,乃 上水,井。 以剛 「羸其瓶」,是以 中 井養 也。 丽 沱 不

未始變其道,如井之不遷 賤、生死之所移,其德至造次顛沛之間 之。二、五以剛中之德,則不爲富貴、 達,德不可以移易。若是,惟二、五能 掘地爲之,不可以遷。猶君子身可以 剛中也」者,言都邑之人居可以遷,井 而 井,泉源之所聚,往者、來者皆取 其水,井之象也。「井養而 水。 繘 无有窮盡也。「「改邑不改井」,乃 巽爲木,又爲人。 是以凶也」者,所汲之綆既 井」,未有功也」者,言水汔至而 于井,其 此先以二體明井之 功未濟于人也。 木能入水而 也。 不窮」 2義也 「汽汽至 「羸 以 舉 坎 其 者 綆 亦 貧 夫 窮 以

> 凶道也。 不能 井, 而 濟 又 羸 而又傾敗其 縮其 瓶 以 傾 覆 一義中 其 道 水 而止,是 如 君 子

勸相。 木上有水,井。君子以勞民《象》曰: 木上有水,井。君子以勞民

農, 義曰: 也。 以仁義之道被于民,得井之義也 使皆知遷善 序之教化,施禮樂之道,以勸天下之人, 者,舉天下之賢才,黜天下之不肖,興庠 此井象,以勞來安恤其民而勸相之。 舉上其水以濟于人,有井之象。 輕 既勞以安之,又勸 徭薄斂,節 巽爲木,坎爲水。 m 遠 罪也。 儉 國 用,所以 相 相,助也,謂 以 木能 助其生, 助其 君子 入水 生 勸 mi

柔之質、滓穢沈滯居一卦之下,上无其義曰: 泥者,水之滓穢也。初六以陰泥不食」,下也。「舊井无禽」,時舍也。

井也。 不及于物也。 泥不食」,下也」者,下,謂處 卑下之位,爲人所不與也。 己,不能日新其 滯,雖至賤之禽猶不向之,則 至 人,故爲時人之所共棄舍也 知矣。以人事言之,猶人不能脩 一于爲人之所不食 功不能及于上,是井之滓 禽者,至賤之物也。 「時舍」者、蓋 德,不務升 也。 井 進 《象》曰 久 于卑下,功 利不被于 廢 人 而 自 不 久 穢 潌 食 一井 潔 廢 處 穢 沈 其 于 可 沈 之

射鮒」,无與也。 九二,井谷射鮒,甕敝漏。《象》曰:「井谷

義曰: 道 水下漏,是皆言其功不能上濟于物 之中,上 積穢之所生。 , 所以汲取以濟于物。今九二處下卦 注 射于 谷者, 无其應,而下比 穢之物,又如甕 甕者,停水之器。 谿谷 也。 于初,猶谿之水 鮒, 之敝 即 鮒 凡井之 敗,其 魚 也。 也

> 也。 明,並受其福。《象》曰: 九三,井渫不 以 于 卑下,不務升進以行 濟 求「王明」,受福也。 人 物,以是天下之所共不與者也 于天下爲生民之福, (事言之,君子之人 食,爲我心惻, 其道 「井渫不 八有仁 而 潛 一,其澤 可 義 身 用汲。 食」,行 晦 之 不 迹 術 能 以 可 惻 王 及 自 以

義曰: 君以 故其 體,如井之清 清 用 者、憂惻也。言君子所憂者、非憂其 爻居陽,履得其 身貧賤,憂其 君子有仁義之術不爲時君之所 升進 潔 于上,其澤不能及于天下也。 中 察 可 用取汲而濟于物,君子 己之道 而 心惻然。 渫者,清潔之貌。 濟 天下之民,然所 君不堯舜,憂其民不仁壽, 潔而 德。 正,有剛明之才而 蓋以其道德仁義不見 不 若王者有 爲人之所 言九 患 至聖 有 者 食,亦若 = 且井 用 F 道 无 在 聰 以 德 明 之 惻 陽 口 下

時也。 之人皆受其福慶也。 升進于上,使其道大行于天下,則天下 膏澤不下于民,故所以憂惻其道不行于 經世之才,今反不用,則智謀不補于君, 者,行者,所行之道也。蓋君子有致君 于仁壽,則君臣上下罔不賴其德而受其 之,使其道行于天下,致君于堯舜 福慶也。《象》曰「「井渫不食」,行惻也」 之資能察己之道德,以升進于位而 「受福」者,是君子必求明王 躋 一以務 任用 民

六四,井甃,无咎。《象》曰:「井甃无咎」, 井 也。

位 此一爻以陰居陰,處得其 潔其行,有仁義之道可以濟于天下。然 使其泉源清潔,爲人所食。 義曰: 不得 見用,亦可自守其正而獲无咎也。 中,尚未汲以 甃者,以 砌累 濟于人,是君子雖 而脩 正,能自脩飾, 亦猶君子脩 補者也 按

> 食,中正也 九五,井洌寒泉,食。《象》曰:「寒泉」之

居至尊之位,有剛明中正之德,有仁義 所汲而食之。以人事言之,是聖賢之人 行,是猶井之有寒泉,清潔不撓,爲時 陽居陽,處得其正,以剛 義曰: 故若井洌寒泉,爲時人之所共食也。 下之民,以至往者來者皆得而濟之也。 之道,可以爲天下之法則,可以生成天 洌者,清潔之貌。 居中,清潔 按此一爻以 其

上六,井收。勿幕,有孚,元吉。《象》曰: 元吉」在上,大成也。

義曰: 天下 也。 者也。猶賢人君子脩仁藴義,沛然發施 以陰居陰,而處一卦之上,井道之大成 ·勿幕」者,上六井道既成,則當使天下 夫井之道以汲上濟人爲功,今上六 而福蒼生,是君子之道大成也。 收者,物之收成也。幕者,蓋幕

受其 既成 獲元大之吉也。 天下之人所信。 惠 亦不 獨擅 元吉」者,夫井 往往 賜 可吝嗇所爲 ,則當發施于天下,使天下之人皆 其利 君子道成 者來者,汲之以 故不可遯于山 而 蓋 幕之也。 道 ,則天下得受其賜,故爲 既能 而不施發 大成,則天下 取信于天下 亦猶 林而獨善其身。 得濟養,故 也。 君子德 得汲其 「有孚・ -, 所以 不 可

兑 離 上 下 革,巳日乃孚,元亨利貞,悔亡。

革

當淘治 革所 天下暴亂,人民塗炭,是必有大聖之興 故受之以革。」凡井之經久必 義日 以 : 次于井。 穢 按《序卦》云:「井道 滓 苡 革易其 革者,變革之義也。 故,使之鼎新,此 有壞敗,故 不可不 夫

> 智。 德有所不備,則將自取悔吝者也 德于天地 禮智之四德以生成天下之民物,然後合 貞,天地生成之四德,在聖人爲仁 皆出孚信于上,故即日不孚,至于「巳日 得其 乃孚」。 制作禮樂,一新民之耳目,使天下之人 民審知 猶恐未免于難,故 塗炭,雖聖人興起,亦未知聖人之所爲. 已成之日。 起 拯 言聖人爲革之道至難,必有是仁 寧也。 治 天下, ,然後改 「元亨利貞,悔亡」者,元 ,而可以无悔吝之道。 孚,信也。 「巳日乃孚」者,巳日, 革天下之命, Œ 須聖人丁寧誥戒,使 朔,易服 夫愚民知久陷 色、殊徽 令使天 苟于四 亨利 義禮 則 下 義 于 事

文明 不相 天 彖》曰: 地 以 得, 革 説 而 日革。 四 大亨以 革,水火相息,二女同居,其志 時成,湯武革命,順乎天而 巳日乃孚」,革而信之。 E 革 而當,其 悔 乃亡。

明時。

其時。: 謝,所以 子因 躔次,考步 也。 治國之大法也 其時而 晦明,以察天時之早晚,以觀 爲之曆數,以 君子觀此 興功業皆不失其早 蓋天地之大不 明示于天下,使天下之四 其陰陽寒暑、日月星 火之 革易之象 性 推 不 相 測其妙用,究 可 得 以 以治其 形究,是 晚。 故 四 有 辰、 時 此 厯 革 王 之 民 風 極 故 之 而 一者 代 因 其 हों 君 明

牛」,不可以有爲也。初九,鞏用黄牛之革。《象》曰:「鞏用黄

然後 之道 此 爲,必須 者,至順之物也。 初 九 固 可以 結結 (居卦之始,在革之初,故不 以 鞏者,固 大有 于下,使民 1 義之道 爲 而 也。 夫革之道不 行變革之事 漸 心信確 黄 被 者, 于 民 順 中 可 從于己, 也。 以 、驟有所 也 可 大中 4

> 然後 乎? 故但可固 革之也。 革之道必 日 然有 有所爲。 以 鞏 可 固 所 甪 于 以 爲,是必先 須德澤被于民巳日,然後 民,使 黄 爲 民 其 牛」,不可 固 即 改革更變之事 民固 守中順 日 以大中之道、至 信于己,順 而未孚,可遽革之 以 而結之,未可大 有爲 也」者,凡 也。 而從之, 可以 順

「巳日革之」,行有嘉也。六二,巳日乃革之,征吉,无咎。《象》曰:

之,所 信之,然後爲 之」。「征吉,无咎」者,征,行也,言二既 之中,能以 居陰、處得其中,又得其正,而又處 明之中,能以大中之道革變于民。 以得 必先 初 九 大中之道變革于民。 以 爲 變革之事。 大中之道固信于民,使 在革之始,不 革之事,故 今此六二以 日日日 可 驟 日乃 然 民 既 離 有 革 所 信 明

乎人。革之時大矣哉!

女。 也。 變號令,使決然无 信聖人,故當巳事之日乃 之道,生成之始皆出于塗炭,然民尚未 性之愚,久處暴虐,雖聖人興起以仁 適人之道,是其志自然不相 此因二體以言之。離爲中女,兑爲 火遇水而滅,是水火之性自 炎上,水火之性本不相得,水遇火而 火,上兑爲澤。夫水本積于澤中,火本 義曰:「水火相息」者,息,滅 亂之事于天下,遂以文章光明之道感悦 亨以正,四德畧舉之也。言聖人既變暴 亡」者,文明,離象也。 文明以 言女子之生,雖同其居,其志各有 「二女同居,其志不相 「「巳日乃孚」,革而 説,大亨以 疑,皆相 正,革 説, 兑象也。 信之」者,夫民 新 而 得,日革」者, 信 也。 當 更制 得,革之義 「然相 丁,其 而 下 作,改 從 八悔乃 息 離 也。 大 滅 義 小

是興師 亂,民 乎天 于民。 也。 順 納之安泰之域,其道至大,其事至深, 弊,救民于水火,爲王者 天地之道,寒暑 而 道,拯天下之難,興天下之治,皆 嘆之也。 大有聖德之人則不可爲,故先聖所以重 目,以變時之號令,拯天下塗炭之民 以順于天,下以 四 則革故從 其 時成」者,此以下廣明革之義 當其理,故其悔乃亡也。「天地革 序 「革之時大矣哉」者,夫革變之時 而 .墜塗炭,湯武憫生靈不獲其所,于 而 又有元 應乎人」者,夫桀紂之時天下暴 振旅,放桀伐 成其歲功 新,除苛解 亨利貞之四德 相易,陰陽相蕩,故四 應于民,此湯武興治 也。 紂,以革其弊。 擾,一新民之耳 「湯武革命, 能 濟 以 事之大者 也 順 爲 革 于 時 非 愐 順 之 而 夫

象》曰: 澤中有火,革。君子以治曆

^

下,而 得其吉也 夫以 離 ě E 是 明之中行大中之道,以變革于天 民悉 丽 巳日革之」,行有 行則得其 信之,是所行皆嘉美之事 (吉,又 嘉 何 也」者, 咎之有 夫 ?

曰:「革言三就」,又何之矣。 九三,征凶,貞厲。革言三就,有孚。《象》

象也。 明之道變革所爲,除去天下之暴,爲衆 就之。其順從皆有誠實 水。 義曰: 上,時爲革道,故上之三爻必須從 言三就,有孚」,後則曰「征凶,貞厲」。 離爲火,火性炎上。 其正,又在下卦之上,處離明之極。 何以明之? 此文以解之,則義无所當,蓋當先云「革 水火之性本不相得,所以得變革之 今九三既 今觀此爻經文有所倒錯,止 按此九三以陽居陽,處 處 上是兑,兑爲澤,爲 離 明 也,猶聖 之極 體體 人 性 以 而 離 成 得 炎 依

> 既能 人之所 《象》曰「「革言三就」,又何之矣」者,之, 即往也。天下之民既已革而順從,當是 凶,而于正道言之,是有危厲者也。 盡 미 更有 變革 革 所 之義 信從。「征 變其民,天下之民既 征 行,但守至正之道 也。 若復有 凶,貞厲」者,言九 所往,必罹 信 ,則可以 而 其

命」之吉,信志也。 九四,悔亡,有孚改命,吉。《象》曰:「改善時也,復何所往哉?

義曰: 以 非,是以獲吉也。《象》曰「「改命」之吉、 際,居變革之間,能 而 悔亡也。 下,當悅順之體,下承于火,火性炎上, 然以陽居陰,非居剛亢,而又在上卦之 治易亂,盡 九四能承其 九四居非 夫九 其 四 (炎而變革前政之非,故得 至誠之心以改革其前 既非其正,然則水火之 其正,本有悔者也 承此命,以仁改暴,

无疑忌之心,則獲其吉也可知矣。 改革之命令變其已往之非,信志而行,之際而居非其正。若能盡其至誠,承此信志也」者,言九四在澤之初,居于水火

人虎變」,其文炳也。 九五,大人虎變,未占有孚。《象》曰:「大

亂,以 之主。 其位 于此。 有肅 義曰: 虎者,攫搏之物而 威信之。是若非大德大才之人,則曷 之有文采,炳然著于外,又有威稜,使皆 非僻之心。能使朝廷之間、君臣上下皆 兼行,爲天下之所信,遠近 明著于外者也。 雍。 0 鼎新天下之號令,新民視聽,威 「未占有孚」者,言九五以大中之 又有剛明之才,以革去天下之暴 在上 大人者, 文章光明之美以發于外,猶虎 |卦之中,履其至尊,爲 即大 威稜可畏,又有文采 九五 有才德之人也 以 陽 皆畏 居陽,處得 而 變革 革 德 其

> 民信而 采,又使遠者近者望而畏之,如虎之文 革去天下之弊,使朝廷君臣上下皆有文 道 炳然而盛也。 曰「「大人虎變」,其文炳也」者,言聖人 威 信 從之,不待占筮 于天 下, 以革 一去當 而 自信矣。《象 時 之弊亂, 使

人革面」,順以從君也。 吉。《象》曰:「君子豹變」,其文蔚也。「小上六,君子豹變,小人革面。 征凶,居貞

既在 又可 于民。 義曰: 從 其天下之暴亂,有才有位,文章 于此位,則能 倡,又承水火變革之終,是臣民之位也。 五 而 于九五,則得爲革之義。 .臣民之位,則當盡其至正之道以 革道已成,且在 畏也。今上六,體是陰爻,過于九 故九五之爻爲革之先倡 夫爲革之道,必須 輔 于五,亦能同爲變革于 上卦之極、履非首 以以孚 使君子居之 信 顯 以 著 革 固 輔 而 結

若以臣 天下。 也。 言小人但變革其外貌以順從于上而已。 者、言君子居此位輔從于五、共爲變革 其吉。《象》曰「『君 凶之道也。 臣民之位當輔從于君,不可更有 雖有文采,但不及于虎,止可如豹文之 之文蔚,然其文采 但飾其外文,柔順其道以從于上,故曰 可謂之虎變,但謂豹變而 小人革面」。「征凶,居貞吉」者,征,行 小人革面」者,以君子居之,則能豹 ,然亦著見于外也。 言上六在卦之極,過于九五。 以小人居之,則必包藏狠戾之心。 民 雖使文章光顯,亦不 而 苟能居 行 ,則必有猜疑 子豹 是 威稜,次于虎者也。 位 「順以從君」者, 而 變」,其文蔚也」 己。 守其正 之禍,是有 及于五 言其變革 :所往。 一,則得 蓋在 一,不

## ■ 離上鼎,元吉,亨。

受之以 義曰 是 得其盡善盡美,然後獲元大之吉,其道 亂,必須改正朔,易服色,殊徽號,變禮 之謂也。 以亨通也。 . 新天下之視聽。 鼎。」鼎者,變生爲熟,革故 按《序卦》云: 言聖賢之人凡欲革天下之弊 「革物莫若鼎 故必法制 齊明 取 新

是以元亨。而耳目聰明,柔進而上行,得中而應乎剛,聖人亨,以享上帝,而大亨以養聖賢。巽聖人亨,以享上帝,而大亨以養聖賢。巽

卦之象。下巽,巽爲風。上離,離爲火。「以木巽火,亨飪」者,此因二體以解鼎義曰: 鼎者,鑄金所爲而有法象者也。

政。 得己之養。爲養之大莫大于此, 得中而應 爲已目,以成己之聰明。「柔進而上行, 謀慮,竭其忠信,以輔 禄,大其優寵,以廣求天下之聖賢,使皆 于上帝也 盡養天下之賢,又當以巽順之道 而 「大亨」。「巽而耳目聰明」者,言聖人既 人大亨以養天下之賢,使賢聖 之用 下 木入火而 木 耳一目之所能察,故聖人 故得其天下之耳爲己耳,天下之目 是以天下之賢者皆樂其所養,盡 然此所以言「大亨」者,以天下之 也 廣 以 .海之廣,非一聖一賢之所能致,又 明鼎 也 風 三乎剛,是以元亨」者,此指 m 夫五以柔順之道進而居 「而大亨以養聖賢」者,言聖 成也,故聖人亨之可以享祀 卦之義。 「聖人亨,以享上帝」者,此 入于火, 言鼎之所以 故有亨飪之 于君,以 分其爵 共 盡 公用者, 象 得其 成其 故曰 下接 至 其

> 之位 元 亂,天下之事无不得其大通,故曰「是以 亨」。 而 又下 臣 又在 相 會。 應九二剛 E 體 故能 之 中, 鼎 明之臣,是 是 新 所爲之 制作,革 事 去弊 賢 得 相 其

凝命。《象》曰: 木上有火,鼎。君子以正位

趾 實 以陰柔之質而 虚。鼎之爲器 而下 也 日 ·虚也。 「利出 陽 否」者,夫否者,否惡 以 既上實而下虚,遂 處一卦之下,是鼎 ,上虚而下實者 生物 爲 實, 陰 也 以 至 器 剥 不 鼎 反 初 六 顛 H

《象》曰:「鼎有

實」,慎所之也。

「我仇有

九二、鼎有實、我仇

有疾,不我能

即,吉。

疾」,終无尤也

之物 无咎。 其 則《公羊》所謂「子以母貴,母以子貴」 能荷先祖之業,承宗廟之重,故得无咎, 妾爲室 鼎雖顛覆,然能 下之耳目,終立 害,然利于覆去否穢,建立新法,以 後,思欲鼎 者,此其義 者,至賤 新 其 道未至于悖逆也。 于貴位 有子 也 也 夫既 而 《象》曰「『鼎顛趾」,未悖」者,夫 鼎雖 无 故 而爲正室,所 也 新天下之事,其 也。 以 咎,以子之貴故 也 妾以其 顛出否穢 顛 以至 覆去否穢以納其 天下之大功,所 其意若君子承弊亂之 卧 有子,何也? ,然利于出 一賤 (子,无 「「利出否」,以從 以 圃 以納其新,又以 反 爲尊者之配 也 所 咎」者,夫妾 得 爲 否去 以其子 以 雖 得其 械 天 以

雖爲二 才以事 不得以 仇, 終免曠官之尤悔矣。 寶」,慎所之也」者,言人才有大小, 蓋 雖 義 「我仇有 至,故宜慎其所之,不可 不甚大而 量,若職事過其才分,則有隳官之謗矣。 餗之凶。 量,不可以 應于五 山 有 有 日 實 復 實之鼎,不 謂 一陽所 于上 他職事即加于己,故己既得盡其 有 物 五 九二以 君子之人 加其煩任重職,則必有凶 ,然以三、四間隔其路,使其君 疾」,終无尤也」者,言我之仇 之象 所 、盈溢。 也。 間 而 加 圃 無隳官之咎,所以 疾,謂 剛陽 故 미 也 不能 若遇其 也。 復有所增,才任已極 雖 夫鼎 之質 復加事于己,則我 三與 《象》曰「『鼎 妄其 之 才德,亦 盈 處 四也。 溢 實 鼎 所行 之中 則 「敗之 若才 言一 有 有 有 覆

悔,終吉。《象》曰:「鼎耳革」,失其義也。九三,鼎耳革,其行塞,雉膏不食。方雨虧

卦之上 非,去 夫雨 不可 哉。 賢,則得 能容受天下之賢,雖天下有善謨善 天下之賢,故其行所以窒塞也 是其行之所以 IIII 受鉉 容鉉 待鉉 其爲鼎耳之義也。 「『鼎耳革』,失其義」者,言鼎必虚耳 窒塞, 雖 者,陰陽相 得 若君子之人以剛亢自處,不能 其 者也。 也,今革易其常道,以 ,有耳之象 而舉之,今以 而 虧損其悔而終獲其吉矣。《象》 九 [剛亢,上以交于君,下以 用 有雉  $\equiv$ 矣。 以 窒塞也。 鉉 和 「方雨 膏甘美之食,焉 陽 而不受,鼎斯不舉矣, 也。 而 居 然也。 陽 陽, 夫鼎之耳 虧 夫鼎 居 自實 陽而 悔, 若能 、實其 而 終吉」者, 也 自實。 不 夫既 得 改 虚 (耳,不 來于 《革前 容受 慮 而 之所 居 亦 不 食 下

曰:「覆公餗」,信如何也。九四,鼎折足,覆公餗,其形渥,凶。《象》

義曰: 九四居上卦之下,鼎足之象也。

勝 故先聖 四以 信 辱之禍,凶之道也。 足、傾覆公家之美實、不惟傾覆美實、 圃 獨 責,則必 薄 鼎 餗 又有沾濡其形體之凶。若人臣智小 不正之質,是不 其任也 謀大, 如 而 足所以上承于鼎,以受其 者 傾覆公家之事,而又有刑戮及身受污 陽 何」者、言禍及身、信无可奈何也 切進于君,當人 鼎之美 特繫此爻曰:「德薄 居 曠敗其職而 力小 陰,居非其 實。 而任重,鮮不及矣。」言不 能 上承 渥 《象》 傾覆公家之事。 主大任,荷國家 位,不 者 于鼎 沾 曰「覆公餗」 丽 Œ 美 濡 位尊,智小 者也 質 之 斷折 貌 今九 德 其 重 以 而

耳」,中以爲實也。 六五,鼎黄耳金鉉,利貞。《象》曰:「鼎黄

物。 六五以陰柔之質居大中之位 曰: 鉉,所以 黄者, 貫 (鼎耳 中 之 前 象。 舉之,謂 金 ,能謙 九二也。 至 剛 之 虚

成 中之道,以爲其實也。 之質本非 能无悔。 陰居陽, 加 至正之道,然後可以獲其吉也。《象》曰 亦非其正 以六五雖有大中之道以下接于臣,然以 下之賢相率而 「鼎黄耳」,中以爲實」者,言五以陰柔 鼎之道也。 下 加 不自高亢 舉。 接于九二之剛,猶鼎 履 故聖人于此深戒之,言利在其 故今得 一也。以不正之道 其實,而能虚 非 **下** 其正。 歸 以 接于天下賢明之臣,使 以輔于己。「利貞」者, 人事言之,則是君虚 金 鉉 貫 而九二以陽居陰, 中以納物,行大 其 虚其耳以 相親 中 ·而舉 比 1,則不 之, 待 謙 其

玉鉉在上,剛柔節也。 上九,鼎玉鉉,大吉,无不利。《象》曰:

義曰: 上九以陽居一卦之上,處鼎道之成,衆 合皆履 相 剛,而 濟 玉者,有堅剛之質 而 有 此 玉 一爻獨履六五之柔,是 鉉舉鼎之象。 而 其 以人事 色 温 潤。

> 六五以 體陽 言之,是爲人臣 節者也。然六五言「金鉉」, 懦,故所以致君于无爲,皆剛柔 大吉而无所不利也。《象》曰 柔順之質,剛而 上,剛柔節」者,上九以剛陽之爻 堯舜三代之治,成 ·玉鉉」者,夫玉之性,剛柔全也 「金鉉」。 而 陰而乘 履 柔,剛柔 陽 一者有 不至于暴,柔 ,差失其正 太 全也,故 平 剛 之化 柔之德, ,其德未備 日 故故 而 而 玉玉 玉 F 得 不 履 致 能 一鉉」。 九 至 鉉 其 六 君 獲 言 于 中 五. 在 其 于

周易口義卷八

## 周 易 口 義卷九

宋 胡 瑗

撰

百里,不喪匕鬯。 震震上下 震,亨,震 來 虩虩,笑言 啞 啞 震 鷩

震

下

經

義曰: 男。」此震者,坤 卦》又云:「震一索而得男,故謂之長 子,故受之以 國家之重器; 廟之祭,能主國家之重器也,此震 言正嫡之子可繼先 按《序卦》云:「主器者莫若 震。 震者,長子之象。 索之卦也,故有長 震,動也。」蓋言鼎者、 祖之業,奉宗 按《説 所以 男 長

爲也。 有 者,恐懼之至 者、蠅虎之蟲也、藏牕壁中蠕然而 既 氣居 敢爲妄,故動 則和樂之貌。 自安,如蠅虎蠕然 言威震之來,則人 以爲動者之法也。「震來虩虩」者,虩 其亨通,則不能成動之道,是動之妄者 君子一動,而天下之民无遠近小大,无 君子之人一動而不能法震雷,使萬物 鰥寡孤獨,皆被其德澤而各遂其所。 不震動 伸,枯者榮,天下萬物,昆蟲草木之類无 次 、于鼎 威剛之嚴 動 于 故聖人特于此言「震,亨」者,所 而亨通。 地 也。 有 下 威 而不加于己,故始 亨者,震 而 有法 也。 則 言始以 出 勾者 以人事言之,則是聖賢 于 「笑言啞啞」者,啞 則 而 爲之戰兢悚懼,不 地 動。 而 爲 威 出,萌者達,蟄者 上,故 不 雷,雷者,盛陽之 剛 然則重言號 陷 既 于 動 能 雖 刑 則有 戰 戮 有 恐 慄 若 得 嘅 能 雖 不

可 遠,使民心知有所歸,則威震之道全而 震 以鬱金草和酒而有芬芳調鬯之氣。 岐,所以舉鼎之實而升于俎也。 者、宗廟之器,以棘木爲之,似畢 之憂,終有笑言之樂。「震驚百里,不 匕鬯」者, 以主宗廟之祭,而不喪匕鬯也。 而繼諸侯以臨一國,是必有威德以及 有長子之象,大而繼天子以臨天下, 百里,即雷聲之所及 一而无 也 鬯者, 喪 兩

「後有則」者,言既恐懼而致其福,則是省,則不陷于禍害,而終致福慶之事。福」者,言震雷之來能戰慄恐懼以自修不通,聖人不動,則天下不亨。「恐致義曰:「震,亨」者,言震雷不動,則萬物

懼邇 失其匕鬯者矣。 之業、奉宗廟社稷之祭而爲之主、无喪 莫不趨向而樂從之。 言啞啞之樂也。 者无不驚恐,近者无不戒懼,是以 主」者,言長子既有威德以及于人, 不爲非妄之行 也。 出 可 而 以守宗廟社稷,以 動,有 「震驚 故出可 所 百里」,驚 法則, 以繼祖 致 則 爲 遠 有 民 考

象》曰: 義曰: 亨。 謂也。 不陷于過惡,刑戮所不及也。 修飭其身,省察其 威重仍而 君子 以上體是雷,下體 雷者,天之威也。 **游雷,震。君子以恐懼修** 觀此 至也 ,則萬物莫不震悚 震 雷之象,以 行,以全身遠害, 亦雷,則是天 游者,因仍之 驚恐 而 省。 戒 則身 獲其

後有則也。曰:「震來虩虩」,恐致福也。「笑言啞啞」,初九,震來虩虩,後笑言啞啞,吉。《象》

二七

之吉矣。 然己不能 妄,則禍 所嫌,故 之德而居震動之始,是不敢 一則其 以 日 驚 懼姦僞,懲戒邪惡。 剛 身益 患必不能及于己,而終獲笑言 无恐懼之心,既能 威 自外而 修 自外之辭。 加 其 來,本非己所招 行 益 夫剛 明。 爲 初 虩 非 九 威之行 不敢爲 虩 有 而 然 内无 剛 致。 恐 明

七日得。《象》曰:「震來厲」,乘剛也。六二,震來厲,億喪貝。躋于九陵,勿逐,

也。 之主,而己以陰柔之質下乘陵之,故其 柔之質居下卦之中,是履得其正,行 義 身必有危厲 日 也 中,既有中 震來」也 故雖 言當威 來者,亦自外之辭。六二以 剛威之來,亦非己所招致,故 也 正柔順之德,是不爲非 震之時 十萬 加 厲」者,蓋初九爲 m 日 乘震 億。 動之主,則 貝者,寶 陰 震 妄

> 得也。 之地 也。 自 正 喪失,而 其 則,雖 柔 然 身危厲 也。 順之德,不須馳 得之。言始 「躋于九陵」者,躋,升也。 有喪貝躋陵之事,然以 又超 九陵,言至高也。 而 所 履 喪失者多,故 高 雖 險,升于九陵之上。 逐追取,七日之間 有 失, 不惟多  $\Box$ 而終有所 陵,險阻 本有 喪 中

蘇」,位不當也。
六三,震蘇蘇,震行无眚。《象》曰:「震茲

義曰: 以 三以 震 行,所以警其邪僞 不正 威 之來非己所招,故曰「震 履 剛明之德,六二有中正之道。 陰居 震 非 之 之行,當威震之時,故蘇蘇 Œ 蘇蘇 來乃己所招 而 陽,履非 又高 者,震 虎,則 其正 而 恐之貌。 戒其姦惡,故 ,故不曰「來」。 是 而 爲高 邪惡之人也, 來」。 凡 亢者也。 剛 今此六 雖則 初 威 九 之 威

免其禍患,而灾眚不及于己矣。四之剛,于理爲順,故雖震威之行可以不正之行而下巽于六二之柔,上奉于九懼之也。「行无眚」者,言六三雖以不中

光也。 《象》曰:「震遂泥」,未

是而言,于己道未甚光大也。 失其正,雖有剛威,不能亨通于羣下,以 以剛陽之質爲衆陰之主,居非其位,履 安于下,則下之人相率而從之。今九四 安于下,則下之人相率而從之。今九四 是而言,于己道,泥滯不通之辭也。居人

喪也。「震往來厲」,危行也。其事在中,大无六五,震往來厲,億无喪,有事。《象》曰:

臣,往來之間皆有危厲。十萬曰億。言進則上无所應,退則下乘九四剛威之義曰。 六五以陰柔之質爲一卦之主,

也。 來之間皆危厲而行 權不正之臣,若專无爲而治,則不足拯 起大事,亦无所喪失 无喪」者,言處得其位,合于中道, 危行也」者,言六五居至尊而乘 以權天下可也。《象》曰「『震往來厲」, 天下之難,救天下之弊,固當有爲獨任, 雖往來之間時有危厲,亦不能大有所喪 之剛,然履得大中之位,行得大中之道 貝」。今六五 居不 六二處下卦之中,亦 得安 「有事」者,夫當威震之世,下 圃 大有所 爲一卦之主,雖下乘九 也 也。 喪, 乘于初 「其事在 是 以 九 稱 之剛, 剛,故往 「億 中,大 ·有剛 四 故

義曰:「索索」者,中恐懼之謂也。「矍

質居威震

之極,履不得大中之位,故當

視驚聳之貌也。

上六以陰

柔之

所

行,

故

威剛之來,索索然恐懼,矍矍然驚聳也。

其人。 H 見 見 上 下 无咎。 艮其背,不獲其身。 行其庭,不 見

往,是凶之道也。

「震不于其躬

于其

鄰,无咎」者,夫九

四爲剛威之主

itti

處

德,則當固守常分,庶免凶

一咎,苟復

有

所

征

.凶」者,言居威震之極而又无大

八中之

義曰: 之戒也。 所遷 鎮,安止而不動 悔吝生,故以艮次于震,所以爲世 止之,故受之以艮。 于邪惡。 于其利害未作,嗜欲未形,未 邪,制民之欲,節民之情,止民之事,必 萌之前。 若夫聖人之治天下,將禁民 所不見之所也。 言艮止之道,必止于 人之動静各有其時,若動 而 其 按《序卦》云:「物 , 夫艮者, 山之象。 若止之于背之後,目所不覩 心未動之前,先正 7、故爲止之象。 艮者,止 不可 而不已,必 其 山爲 爲外 心 也。」蓋 背者,目 以 而 終動, 地 物之 動 不 陷 之 之 未

艮

四

之身。雖不及其身而及其鄰,謂

五

犯

九

四之剛,有往來之厲,則己能觀

此鄰,戒

也。

「雖

区

无 咎

,畏鄰

戒」者,言

雖

有

X

所以索索然

恐懼,以履

不得

中

故

而

能

免其咎,以其能觀戒于五

而

畏

慎

其

中,雖婚媾至親之人,亦不能免讒問

《象》曰「『震索索」,中未得」者,

「婚媾有言」者,上六處不得位,

履不

得

之

以自修省其身、整治其行、故得无咎也。

地,遠于九四,故九四之剛威不能

卦之下,上六居一卦之極

而在无

位

之

及

己

若習禮 之治天 言能 其 故 有定 者止 士者 守其 習兵 所 庭 不 止 而 者 静 各 如 而 猶 見 不 有 正 者 指淺 行 分 職 于 有 其 止 不 于淺 不相 一于爲 專 見其 其 爲工,爲 者專掌于禮、習樂者 定分,不相揉 下也,其 所 加 身也。「行 相揉亂 事 止 不相干也。又如天下之民,爲 掌于兵, 近之處 于未 而 近一庭之間 人者,蓋 士,爲農者止于爲 揉 不 雜,處 ,故无咎也 商 在 萌 相 建 而言之也。 其 者止于爲 習刑者專掌于刑,各 之前 雜 雜故也。 止 官分職 庭,不見 不 亂 一易業 一得其道,各守其 ,使官民各得其 也 而 不見其人,是 一无 商,是亦各 專掌于樂 各有所責。 而 古之聖人 其 行 農,爲工 守其常。 人, 咎」者, 于淺 沂

行,動静不失其時 《彖》 Ė 上下敵應,不相與也。 艮, 止 也。 ,其道光 時止則 明。 止 艮其 是以不 時 11-則

其 之時者」 其道光 身。 言, 其 不失其 退止 咋 動静不 時 而進 特于此言聖賢之道: 必 而 止 可 曰「艮, 義 有其 止 時 則 動 日 静,艮爲 而于艮始言之者,蓋 退之。 「行其 : 加 所 止 而 可行者,若上有其君,下有其民,若 静之時,行止 大 失其時, 止 」,言孔子之道 不進,則君民无以自濟,故聖 察其道之可 時,若其 以 可以 若其 艮者,山 也」。 而 爲 庭,不見其人,无咎」也 山,山一定而 若行而不失其動之時,止 明 萬 速則 時 顯。 世 「時止則止,時 其道光明」者,大凡 可 時 之象也 速,可 動静之戒,不 以 可 否而 故孟 以 行, 動 可 當觀 静 止,則當 以 震爲雷,雷 己。 以 則當 不 子曰「孔子, 皆得其 行 久則久,惟 山爲止 動。 其時之可 則 然 行 行則 則, 行 于 而 止 恐後之 時, 一静,故 震 有 時 可 動 不 而 人 桂 以 聖 則 否 可 静 時 行 觀 而 不

又能使 静之戒 下之人 言上下六爻各相亢 得止之所也。「上下敵應,不相 止其所之象也。 止之處也。 「背」而 - 彖辭 此 Ê 而 言「止」者、蓋背者、目所 也 无 止 結之也 下各相 静 所 言「艮其止」者,能 「艮 之道,不復 濟,故特 其止, 止其 既能 守 其 敵 于 分 止 而 以求于進 此 于 情 而 言 不 未萌之時,而 不 所也」,不 之, 雜 相與,是各 IL 揉 用, 與」者, 于 不 以 未萌 見所 爲 使 天 動

《象》曰: 兼山,艮。君子以思,不出

其位

有 所思謀當專于 所 日 思 也 言 君 子 所 觀 職 不可 此 兼 Ш 越 止 出其位 静之象, 一而妄 凡

其趾」,未失正也。初六,艮其趾,无咎,利永貞。《象》曰:「艮

義曰: 趾者,足趾之謂也。初六居卦

无咎。 也。 止 趾」,未失正」者,言初六居卦之下 正 止,時行則行,動 之始,在 事于未萌,所以 而 行之,故日 夫足之趾 然止物于 事 之初, 本 利貞。 静 其始,必須 亦 未失其 能 不 處 失其正 動 《象》 于下, 有其 江正也。 永 一,所 時, 日二 長 猶 以 守 肼 艮 而 其 得 足 TE 其 能 志 其 則 趾

曰:「不拯其隨」,未退聽也。 六二,艮其腓,不拯其隨,其心不快。《象》

已 卦之最下,其象爲趾,六二處初之上,故 取人之一身之象以明其義,故初六居 而 爲腓之象。夫腓之爲物 不以爻之陰陽、位之貴 義 能 人不能 動 日 已,是足動 自 而 欲 拯 腓者,足之腨 救 制 11: 其 事 其 則 失,但隨 于 腓 動,足 初,及 必必 不 止 腸 物 事 可 賤 不能自 也。 則 而 得 È 尊卑 咋 動 動,利 加 按此 也。 ·而言, 「動,隨 止 今足既 一也,是 亦 如 足 桂 但

其隨」,未退聽」者,言不能制之于初始, 及事已作,雖欲止之,必未能于其所處 欲止之心不獲其快也。《象》曰「「不拯 聽其止静之事也。 嗜欲 雖 已萌,欲 强 止 之,則不 强 制之,終不 能稱己之欲,是 . 得 而 止

「艮其限」,危薰心也。九三,艮其限,列其夤,厲薰心。《象》曰:

義曰: 事于始,又不能 必分列其脊之肉矣。 也。夫身之中亦不能 下卦之上,于人之身體 夤者,脊膂之肉也。九三居上卦之下, 動則從而動之,上之有 而 得其道而 如上下已動而欲艮止其身之中,則 蠱敗其事,故有危厲之苦而薰灼其 限者,人之身上下分隔之際也 欲止于中道,則進退 成其事于終,措置之間 此言人不能制其 自動,惟 是 所 動 猶分限之際 亦 下之有 從而 不可, 動 所

心也。

止諸躬也。

爲貧 義日: 咎也 肢, 其術,防過得其要,不爲 不妄動,故如人之静止得其道,制禦得 止其身,今六四能止之得其道,使四 夤限之間,是身之象也。夫人患不能 今此六四出下體之上,在上體之下,處 體,統而言之則謂之一身,手足謂之四 , 賤之所移, 不爲富貴之所易, 故无 分而言之,則腰足而上亦謂之身。 身者,是人之一身也。 外 物之所遷,不 夫人之 肢 自

其輔」,以中正也。 六五,艮其輔,言有序,悔亡。《象》曰:「艮

者,所以主言語之所出。若其妄動,則中,以人身言之,有口輔之象。夫口頰義曰: 輔者,車頰也。六五居上卦之

之。 言皆有倫類次序,故禍不召而悔可亡 者必有言」是也。 非其正,然位得其中,是有大中之德而 慎也。今六五能正其口輔使不妄發,其 樞機之發,榮辱之主也。」是言語不可不 外應之。 有過失,其爲咎也不細。 曰:「君子居其 象》曰 正其 則 況其邇者乎。 所謂言滿天下,无 口輔,使口不妄發,孔子曰「有德 「『艮其輔』,以中正」者,此爻居 出其言不善,則千里之外違 室、出其言善、則千里之 言行,君子之樞機。 故先聖《繁辭 口過者也。

厚終也。 上九,敦艮,吉。《象》曰:「敦艮」之吉,以

富貴不能易,如此可以獲其吉。《象》曰自止,使邪欲不能汩,利害不能侵,死生厚之德。上九處艮之極,有敦厚之道而義曰。 艮者,山之象,爲地之鎮,有博

爲艮止之事,得其艮道之終也。「『敦艮』之吉,以厚終」者,以敦厚之德

## 漸

III <sub>限下</sub>漸,女歸吉,利貞。

于艮。 義曰: 天 務 内有艮静之心,外有巽順之德,故能 存心也。此卦上體是巽,下體是艮,是 二體皆艮止之象。夫專務艮止 故受之以漸。 自小積于大,自近及于遠,安然而行,不 于漸進,此君子之所爲也,故漸所以 進,則失其動静之中道,非仁義之人所 下 速 進 何 萬 則? 事莫 ,故曰「漸」。 然謂之漸者,謂自下以升于高 按《序卦》云:「物不 不有 夫女子處于閨門之内,以 漸,進也。」夫艮卦之上下 漸,然于女子猶須 「女歸吉,利貞」者, 可以終止 而不 有 次 求

醜之。 吉也。 其夫,能守至正之道 任,然後升進。 者,必潔身正志,爲下所尊,爲上所信 待君之聘召,然後可進于朝。 君子之事于其君,能守至正 乃獲其 以希高 急于求進。 夫君子之人處窮賤,不可以干時邀君, 然後乃成。 名,納采,請期,以至于親迎,其禮畢備 醜之女也,故父母惡之,鄉人賤之,天下 E 媒妁之言、聘問 媒妁之言, 天下。 道而獲吉也 是其爲女者,必 八吉也。 位。 然女者,臣之象也,事君之道也 至于天下皆能守正 處于下位者,不可諂諛佞媚 其禮而正,夫婦之道所以獲 在于窮賤者,必力行强學, 「利貞」者,若女子之歸于 聘問 入大 之禮 之禮,然後往之。若 位 則 皆 而 須男子之家問 可以正 由 往 之道,則可 者,則是 居于下位 而致之, 則可不 淫

> 位,往 位,剛得中也。止而巽,動不 曰: 有 功 也 漸之進 進 以正,可 也 0 女歸 以 窮也 吉 IE 也 邦 也 進 其 得

郡。 積漸 所以 其 位 男,臣能以道 陽居陽,是皆進得其正。 則功被于一 六四、九五四爻而言也。 人亦必潔身 義曰:「漸之進也。 進 女歸吉」者,言女子能以 進得位,往有功」者,此指六二、九三、 君 以正,可以正邦也」,此亦指四爻 六四、六二以陰居陰,九三、九五 子 進以輔佐于天子, 一,則所往无不有功。 而之往于所進之地也。 爲漸之名也。之,往也。 所 進 邑。進 修 得 爲漸進于其君,斯獲吉也。 其正 德 于一郡,則功被于一 積漸而 女歸吉也」者,此 道,則 則 。言四爻皆進得 禮 君子之人進得 若進于一邑, 功被于天下。 爲漸而歸于 往 升進之也。 故君子之 有 漸者,謂 功 也 而 以 釋

進也。 進 九五 尚 剛明中正之德處于至尊之位,亦由 有止静之道,外又有巽 止静之心而務于躁 而言之。外體是巽,内體是艮。夫内无 其位,剛 可 于剛暴, IE 則 以 以 ,則立于朝 動 剛 「止而巽,動不窮」者,此因二體 福天下之民 獲其利而无困 明之德,又處大中之位。 得 以是求進,動必 中」者,此因 廷,處于 進,外无柔順之德 圃 Œ 「窮矣。 順之德 天 列位 九五而 下之邦 の窮困。 一,其道 ,以是漸 言之。 國也 夫有 内既 iffi 而 惠

又依于 之間 義曰: 君子之人法 久歲深, 以務進其道 Ш 自萌芽至于把握 巽爲木,艮爲 是漸 此 漸 得 進之象,必居賢德善俗 必居賢善之間者,夫 其道,此漸之象 Ш 木 漸漸 生山 至高 大,而 上, 也。 H

> 子孫 有賢 聖之賢,蓋其擇賢善之力也。 之人也。 之母爲子三徙其鄰,卒使其子爲 甚愚闇者亦 月摩,出 人,然後漸 ,其所積習,其所居處,必得其賢善之 孫 善之人動 積 人動 不漸陶 而習,積而久之,皆至賢至善 可以造于君子之域,使其 作皆 染 不 離 加 由 進 道 正道,不入 歸于善也。 如 居其間 故君子之 于 萬 世 孟 H 亞 子 子 漸

《象》曰:「小子」之厲,義无咎也。初六,鴻漸于干,小子厲,有言,无咎。

義曰: 漸之象也。 千里,然始舉必有漸,故聖人特取 者,水際也。 曰:「坎坎伐檀兮,寘之河之干兮。」是干 卦皆以鴻爲象者、蓋 ,是猶鴻之始舉,漸 干者,水之際也。 今初六居一卦之下,居 鴻者,水禽也。按此 至于水之際。 鴻之禽一舉 《伐檀》之詩 漸 漸 鴻 可 以 之 爲 之 至

人事言之,是士之進始于細微,君子之人事言之,是士之進始于細微,君子之心皆欲起而害之,然終不能爲君子之心皆欲起而害之,然終不能爲君子之高,但有誹謗之言而已,終獲其无咎。字之進本以其漸,雖爲小人之所危厲,有主,但有誹謗之言而已,終獲其无咎。不是進本以其漸,雖爲小人之所危厲,不是士之進始于細微,君子之然于義自可无咎。

「飲食衎衎」,不素飽也。六二,鴻漸于磐,飲食衎衎,吉。《象》曰:

行行,和樂之貌。言六二既得衆心所之漸漸至于磐也。「飲食衎衎,吉」者,之所歸,是漸而得信,居得其所安,若鴻之所歸,以柔順之德漸得其位而又處得養曰: 磐者,山石之安也。言六二以義曰: 磐者,山石之安也。言六二以

此之謂也。
此之謂也。
此之謂也。
此之謂也。

此之謂也。

此之謂也。

於代檀》之詩曰:「彼君子兮,不素飱兮。」
是,下有德澤以被其民,故其所獲飲食
君,下有德澤以被其民,故其所獲飲食
君,下有德澤以被其民,故其所獲飲食
之樂皆得其道,非徒空受其飽樂而已。
《伐檀》之詩曰:「彼君子兮,不素飱兮。」
此之謂也。

寇」,順相保也。 醜也。「婦孕不育」,失其道也。「利用禦凶。利禦寇。《象》曰:「夫征不復」,離羣九三,鴻漸于陸。夫征不復,婦孕不育,

是其夫征往而不復反。夫既不反,則其四亦无應,近而相得,故三樂從于邪配,也。上无其應,下又无輔而切近于四,也。上无其應,下又无輔而切近于四,下卦之上,漸至于高位,猶鴻之漸至于義曰: 地之高平者謂之陸。言九三居

與四 之道 邪欲之事,以至孕而不育,是大失夫婦 者,言九三居下體之上而樂于 利矣。《象》曰「「夫征不復」,離羣 夫婦之禮已爲乖戾,故但可禦寇 婦 失其道」者,夫既征而不復,則其婦亦 去羣類,不復反其家矣。 復,樂于邪配,其情意相 至于凶 可以禦衛其外來之寇。 可 亦 也。 樂爲邪配,其情相 不 禦其寇難 也 能 「『利用禦寇』,順相保」者,三 守正,故有 「利用禦寇」者 也 孕 得, 然 而 得 「「婦孕不育」, 不育之事 于君臣 而莫能 ,言三既往 和順以相保, 邪配, 而得 之道 間,故 醜 , 爲 有

至于上卦,其位漸高。然則,鴻者水禽義曰: 木又高于陸也。言此一爻漸進曰:「或得其桷」,順以巽也。

也,今漸于木,非其所也。言四進无

正

九 其間 與二 于木。 義曰: 五,鴻漸于陵。 漸于高阜之上也。 尚 長勁直之木可以安棲,不至于失所, 相 中正之德,誠 生育之功也。然五 以巽也」者,所以得桷而安棲者,蓋 可以无咎也。《象》曰「『或得其桷』, 配之事,然三亦无 四以陰居陰,本得其 亦 《象》曰:「終莫之勝,吉」,得所願也。 合,可以相 非 剛暴,而能盡和順柔巽之德故也。 而 ",塞己之路,使不得往 爲應,而 其 下比 、 所也。 九五漸得位至于上體,是猶 大阜曰陵,是岡阜最高者,又高 于三,三亦无 三、四爲邪配之事,間 輔 以相待, 桷 婦三歲不孕,終莫之勝 佐 者, 而 正 婦謂 與二本 應,近 樂得其所。 IE 榱椽之屬也。 ,雖比 其心志不怠,雖 正應,樂于 六二也。 而 爲 而 相從,以 相 正 于三,有邪 應 得,情 猶 邪 其不 言 隔 言 得 鴻 配 成 五 順 TTT

三、四 勝之也。 則五與二心志相從而 」者,言九三、六四終不能爲之間隔 邪僻之人欲間 《象》曰「『終莫之勝,吉」,得所 得 其路,然 所 願也。 IIII 終 不 能

願

上九,鴻 象》曰 文。 之頂 也 過 夏之説亦然,其義未通。 也,又安有地 三皆 九復言陸者,按諸家之説,以謂上九、九 于陸,四 于下而升于高,故此一 義曰 即 反下,故上九處至 且陸者地之高平者也,陵者大阜 也。 . 按漸卦自下而漸于上,自微而 處一卦之上,故皆言陸。 初則漸于干,二則漸于磐,三則 「其羽可用爲儀,吉」,不可亂也。 漸于 按此 則漸于木,五則漸于陵,至此 编觀經文,又无 · 陸。 漸卦始于微而至于大,由 丽 反高 其 羽 于山阜者哉? 可 卦皆以 極之地反 陸氏之説 用 高 頂 爲儀,吉。 陸者,高 鴻漸 日 爲 陸 至 言高 手 子 之 漸 L 爲

> 之心不 哉? 也。 之義 亂也。 能 雖進 崇高遠大,可以爲天下之儀表,故獲吉 路,其羽翎毛質可以爲表儀,亦猶賢人 高平之陸,安得有高 君子自下位而登公輔之列,功業隆盛 也。逵者,雲路也,言鴻之飛 高大,且 可用爲儀,吉』,不 逵」字,蓋典籍傳文字體相 遠」爲「陸」字也明矣。《象》曰「『其 積 處高潔不累于職,峩峩清遠若止 累 按輔嗣之意,亦解爲雲路之義,言 哉 以 爲外物 ? 今考 其善,以 此 陵者,未爲極高之地,豈有 推之,是傳 所 于 動,不 至德 ·可亂」者,言聖賢君 經文,「陸」字 潔 業高 ·爲 録之際誤書 **峩**峩清遠之象 情欲所遷,故 類 大 高 而 而 至 録 不 一于雲 之誤 當 反 此 子 羽 在 下

## 歸 妹

震 兑上下 歸 妹, 征 凶 无 攸 利

姓,所 道矣。 祀 无後爲大。其諸侯守宗廟社稷之大,其 受之以 義曰 長 聖人重之,因震兑之象 右 事尤重,故聖人制禮,使一娶九女,廣其 而 歸,若進 繼嗣,生生不絶,永 配 媵,各有姪 適于人,故謂之歸妹。 男, 兑爲少女, 以少女從 而 也。 : 不廢也。 以親親 然則所謂歸 歸 而无所歸,則是于進之義 按《序卦》云:「進必有所歸, 非其配而從之者,則是姪 妹。」大凡人事,其進 娣,同 相 故娶一而二往從之,爲左 睦 ,絶争妬之 妹者,謂姪娣從女兄 姓 可 以 者 以 守宗廟 九人。必 明 夫人之不孝, 于 其 心 長 義。 社 必 男 失其 稷之 有 非 須 震 所 同 爲

> 以下而陵于上,以卑而侵于尊, 從 亂于嫡,是凶之道,必无所利也。 進,則是侵女兄之權,奪女兄之寵 之正配,當退守其分,苟非其位 者,此言姪 于女兄適人之義 娣 雖 從于人,然 也。 一征 上 凶 有女兄爲 无攸 以庶 而 有 利 欲 征 而

攸 以動,所歸妹 交,而萬物 彖》曰: 利」,柔乘剛也。 歸妹,天地之大義也。 不 也。 興。歸妹,人之終始也。 「征凶」,位不當也。 天地 一无 説 不

義曰: 義也。 姻之禮廢,不廣其繼嗣,則其社稷之祀, 廣繼 升,陰陽交通,二氣相感,然後 若其二氣不相交感,則 生成也? 廟之奉,絕而无守,是猶天地不交則 嗣 夫天 而 此廣言天地 承守宗廟社稷之祀。若其婚 故古者諸 地之道、陽氣 侯 之道, 萬 物孰由興發 娶九女,所以 下降,陰 以 明 萬物 歸 氣上 妹 生。 之 M

夫以姪 者也。 歸 兑, 兑爲説。 兑爲少女而從于震之長 以釋歸妹之義。 言人凡 亂 蓋六三之柔乘九二之剛,六五之柔乘九 權,凶之道 既不當其正 陰,六三、六五以陰居陽,是位不當也。 凶」,位不當」者,謂九四、九二皆以陽居 男,非其所説者,今動而得説者,蓋其所 其祖先之業,是「歸妹」者,「人之終始 萬 四之剛。言柔乘剛者,是卑陵于尊, 媵及姪娣繼之不絶,所以廣其嗣息 于嫡,必不利矣。 娶九女,正室 物 不 姪娣以從于女兄之故也。 娣而從于女兄,是不 「説以動,所歸 有 能 生 興 也。 則 位 也。 有 「「无攸利」,柔乘剛 而 死則右媵繼之,以至左 上體震,震爲動。 死 「歸 妄有征 ,有盛則有衰。 妹,人之終始」者 妹」者,此因二體 進 ,則奪 ·當其 正位, 諸侯 寵 「こ征 下體 而 承

知敝。《象》曰: 澤上有雷,歸妹。君子以永終

妹。 絶。 事之永久,法之,終末必有敝壞,當預 義 之可也。 生成之功,有歸妹之象,故 日 君子之人觀此歸妹之象,必當察其 一娶九女之道,使其永久繼 澤 上有 雷,所以鼓 聖 動 萬 嗣 名 物 而 爲 以 歸 廣 无

承也。 「歸妹以娣」,以恒也。 「跛能履」,吉相「歸妹以娣」,以恒也。 「跛能履」,吉相初九,歸妹以娣,跛能履,征吉。 《象》曰:

義日 娣」也。 以承其上,而 始,最近卑下之地 正配,然而從女兄以適于人,能 適于人,而能 配君子,而廣其孕嗣以成其家 : 跛者,足之偏也,猶姪娣者 女子少者曰娣。初九處 得姪娣之道,故 自 處 卑下,盡其卑順 是姪 娣 從 日 于 「歸 女兄 其 之道 卦之 非 妹 道 其 以

之雖 承 相 妹 往 能 而 事于 其家,吉之道 以 承也」者,言能盡其柔順承事于上以 適人者,人倫之常也。「「跛能 盡 娣」,以恒」者,言女弟以從 其 偏 君子,則獲其吉也。《象》 姪 而 能 娣 履 之道 地 也 而行,不至于廢 ,守卑順之質, 于 Ĭ 以 履」,吉 也 女兄 是 mi

幽人之貞」,未變常也。 九二,眇能視,利幽人之貞。《象》曰:「利

應,而 義曰: 處 如 履 陰,履非其正,亦猶姪娣從于女兄,非 廢于視也。 Ŀ 室之象也。 非 其 而 其位分,守其 妄 其正,然上有六五之應。 配君子 爲姪 求 眇者,目之偏也。 上進,則 一娣者 然而能盡卑下之節以 ,,廣其繼嗣,猶目之偏,亦 「利幽人之貞」者,言九二雖 幽 不 一静之道 奪 口 越 女 兄 其位 之 而不變,故獲 九二以 權,故當 分 雖上有其 加 承 陽 進。 退 于 不 正 居

> 其常也。 有其應,不妄求進,盡至正之道,是未變静守正以事君子,此道之常也。九二雖静守正以事君子,此道之常也。九二雖其利。《象》曰「『利幽人之貞」,未變常」

妹以須」,未當也。 六三,歸妹以須,反歸以娣。《象》曰:「歸

伯、 義曰: 始歸 其年尚幼少,故待年于 之家以爲姪娣。故《春秋》隱二年書「伯 剛陽之位,是履非其正也,猶 姬」之姪娣也。 姬 于女兄,其年尚幼,未可以適人,必待 于父母之國,待其長大,然後復歸君子 歸 「『歸妹以須』,未當」者,是言姪 叔者,長幼之稱,則 于紀,是 于紀」,至七年書「叔姬 須,待也。 姪 當二年伯 娣 有待 六三以陰柔 年之義也。 魯國,至七年乃 「叔姬」者,「伯 姬 歸 歸于紀」。 姪 紀之時, 之 娣之從 質 年 居

·四,帰未愆朔,壓帰有寺。《象》曰:「愆幼少未當歸人,必待年于父母之國也。

期」之志,有待而行也。 九四,歸妹愆期,遲歸有時。《象》曰:「愆

位 義曰: 而 期』之志,有待而 得其時也。遲,亦待也。 全備,俟其年之長大,然後歸 德,以其年尚幼未可以往,故待其禮之 之質居陰柔之位,不爲躁進,有柔順之 過期而未往。 正位,猶女子雖備姪娣之數以 行也。 一,有柔順之德,不務剛躁,是志有所待 愆,過 雖過 也。 行」者,言九四 別規未 九 四 往 以 、陽居 然 《象》曰「『愆 于君子,斯 而 適于人, 陰,處非 居其陰 以 剛陽

以陰柔之質居上卦之中,是猶帝乙之王義曰:「帝乙」者,商之賢王也。言六五如其娣之袂良」也。其位在中,以貴行也。良。月幾望,吉。《象》曰:「帝乙歸妹,不六五,帝乙歸妹,其君之袂,不如其娣之袂

于時最 妹」,此 如 婦道以 死而 言之,是正室得稱爲 義也。 知其 當常執柔順之道,但如月之幾近于望 室,處至貴之地,然不可時 陰道,婦妾之象也。 望」者,望爲月十五 賤之位,今六五 所以爲禮容也。 之奔奔》之篇曰:「鶉之奔奔,鵲之疆疆 者、蓋君者、正室之小君也、故衛詩《鶉 所 人之无良,我以爲君!」君者指宣姜而 姪 歸之妹 姪 娣之容禮 最詳,故聖人特取帝乙爲言以明其 娣繼爲正室,有柔 配于君子。 能 亦 「其君之袂,不 也。 盡 言之者,蓋帝乙是商之賢王 婚姻之禮。 然按泰之六五言「帝乙歸 最備而善良也。 居極貴之地,是正室 良,善也。 雖其 盈滿之時 言六五雖得繼爲正 君也。袂謂衣袖 如其娣之袂良」 周之去商尤近, 正 有驕 順之德,能盡 室之德,亦 言姪娣本卑 也。 盈之志 月者 「月幾

上六,女承筐无實,士刲羊无血,无攸利。 象》曰: 筐」者,上六位至窮極,進退无所適,猶 所利哉? 而 得,如女子之承 无所往,退則无所應,進退之間 今上六處一卦之上,居窮極之地,進 此事之常也。亦猶姪娣之適于人,進必 篚,必有物以實之,士之刲羊必有其血 爲正室以配于上,是以賤從貴而行也。 履至尊之位 中,以貴行」者,六 不 女徒承虚筐而无其實也。 有所遇,退必有所係,此亦女子之常也。 无其血,進退失所,若以此 盈 滿 筐,竹器也。大凡女子承其筐 上六「无實」,承虚筐也 《象》曰「上六『无 則 ,是姪娣至此得繼其 獲 筐 其 一而无其實,士之刲羊 五 古。 以 《象》曰「其位 其處 上卦之中, 而行,何有 實」,承虚 皆无 (嫡,而 所 則 在

■ 離下 豐,亨,王假之。 勿憂,宜日中。

#

樂,施 矣。 此豐盛之時,發號施 義之道,安能 天下之勢,无居天下之資。 義曰: 行賞用罰,則 義之道, 苟不得其時, 不得其位, 則无 多,是天下衆大之時 豐者,王者富有天下,生聚繁夥,民物衆 道必至盛大,故以豐次于歸妹。 大,故受之以豐。」言凡得其所歸者,其 富有天下,以至豐盛之極,是其道大 ,宜日中」者,夫天下至廣,有教化之 「王假之」者,凡有聖人之德,有 一發教化,可以大行于天下也。 按《序卦》云: 民 有 所爲 易 以 哉? 服 令, 也,故謂之豐。 「得 則民易以 是則 故聖人 其 至 所歸者 雖 然則 必假 從 有 興 通 必

光輝。 也。 者之所 不 **编及于天下** 之時,則徧照天下,无纖悉幽 日之過 被其燭,如此可以勿憂恤也 蓋 能 聖人雖富有天下,必須 中, 言 憂 及者,有一物 也。 日 則其 · 使无一民一物不被其澤、 未中之時, 今戒之勿 明將衰; 不 得其 憂 則 者 其 惟 所者, 明 隱 是 未 日 不 中 被 道 是 中 盛 則 其 Œ 王

時消 下也。 《彖》曰 假之」,尚大也。 盛大之時也。 八當豐 體以 日 體 息 日中則昃,月盈則食,天 離 而況于人乎? 義大被于天下,故此所以致 離 盛 明豐卦之義。 豐,大也。 言聖人 之時,以至 爲火。 「明以 「勿憂,宜 廣 有 雷主動,火主明。聖 明以動,故豐。「王 四海 況于鬼神乎? 明之德 動,故豐」者,此因 上體 日 萬 震,震爲雷 中」,宜照天 類,是豐 rfri 地 動 盈 ,則其 受費大 與與 盈

其間 也。 賤,則 之極 无所不燭,如日之中,乃可 照。王者之道能 消息皆 者,言凡當盛大之時,過必有 下,而成光大明盛之業,固 得天下之勢, 之 與時消息,而況于人 下」者,言日之中正,則天下萬物 其己而已。 如 于此豐大之時 德, 天地 則必傾昃。 則 是,況人之小者,鬼神之 「日中則昃,月盈則食,天 也 不能 雖 于 八有時 之道 居 時 Ē 虧 豐 「「勿憂、宜日中」,宜 而 而 則仁義道德 假之,尚大」者,夫 損。此言 以陰 盛 行。 消 月三五而盈,過 编通天下,使遠 以 虚 則 以 陽二氣 一有時 切戒之。言日之過 乎? 不 天 能 「尚大」者 地 可 況于鬼神 加 而長息, 日 互 以 非假 以 衰,是故 月之 邇 相 勿用憂恤 大 (地盈 盈 者 近 无 行 有 以 大尚 盪 盈 則 幽 所 蓋 照 自 聖 于 雖 虚 其 虚 必 于 隱 天 大 天 貧 不

二九

增修其 存 故 覆之事 不 于 忘 此 (德, 謹 特 也。 一,豐 戒之, 慎 盈 使君 其行 之 時 然後可 不忘 子之人 其 安不忘 衰微 以 免喪亡 之際 危

致刑。《象》曰: 雷電皆至,豐。君子以折獄

然必 不興 狀,若有威 也。 傷 而 日 親此 刑 于懦,故必 起 法 可致矣。 夫雷電皆至于天下,使天下 象 一而成 此 雷電者皆陰陽二氣 雷 而 无 豐大,是豐之象也。 折 電者,蓋 明 明則傷于暴,有明无 · 断 其 與威兼用之,則獄 獄訟,致用其刑罰 獄訟之情巧 相 君子之 擊 萬 威 僞 物物 可 而 折 則 萬 莫 成

初 日 九 「雖 ,遇其配主 旬无咎」,過 雖 旬 旬災也。 无 咎, 往 有 尚 0  $\wedge$ 

義 須上 下之間 配 主 謂 皆 九 有 四 光 也。 明 盛大之德以相 夫豐盛 之時

> 其德相 《象》曰「『雖旬无咎』,過旬灾」者,言 敷暢 于 下 之配主 時,可以无咎,若不能守光明之道,而過 有光明之德,以 无咎也。 是雖居其盈滿盛大之時,可以享豐盛 相符,今以其發揚光明之德 之德而上下相信,是由君聖臣 也,謂數之盈 下之間皆有 之德上 ·俱 盈滿,則 有 也。 明盛 合 應于 「往有尚」者,言既上下之間 配 可 必有傾覆之灾 「雖 一、故致 剛陽之德,光 四,四四 光大之德,故 滿 得豐盛之道。 此 也。 旬 而往,則 无 其 亦 言初與四皆有剛 豊 咎」者,旬者,十 有 盛 剛 也 明盛· 一,是 陽之德, 行有所尚 雖 今初 徧于天下 居豐 初遇其 賢,其德 大之道, 以 盈 是 剛 也 皆 H 四 陽

則相 燭。 暗昧之道,則必 然位下卦之中, 者,言六二雖 猶日之正 今二居豐之時,所應 德,則可以徧及于天下,无有不被其澤。 夫日之正中,其光輝徧及天下,无所不 斗,星之名也,日昏方見,暗昧之極也。 之人,是于豐大之時所豐者不能光大, 以陰柔之質而上應于六五,五又是陰昧 暗昧,然後可以發暢于天下也。今六二 之時,必上下之間 而乃豐于暗昧之物也。 ,以接天下之人,使之皆達其聰明, 至誠之心,由中之言,以 日 豐盛之時,上下之間 疑 III 蔀者, 中,反見其斗星也。 致 疾 以 掩 害 不能相取信,若有所往。 陰 是有中正之道,苟能盡 也。 蔽 皆有明德,不 柔之質无光明之德 暗昧 皆暗昧之道,則是 「有孚發若、吉 「日中見斗」者 之物。 皆有 發天下之心 六二既是 光明之 可 凡 豐 大

> 信 不 而 發其 ,則可以獲吉矣。 取 信 ,則蒙者 志意以親信之。 反而 爲 明, 如 疑 是 者 上 得 下 相 以 相 交

所以掩 也。 義 中見斗」。 之時不能光明盛大其道,是所豐者惟 陽之質,然居離卦之位,處文明之衰,所 猶有中正之德,未甚至于全暗,故曰一 星之大,沫者星之微,六二雖亦暗昧 蔽光明之物也。 應在于上六,上六又无光明之德,居 · 猶日中反見其微星也。 「折其右肱 ,而又所應者 日 九三雖以陽居陽,處得其正,有 蔽光明之物。 沛者,繫于旗竿,旌 今九三居文明之極,其 亦 「日中見沫」者,夫斗者 陰 昧之人,是暗昧之 沫者,星之微 旗之垂 明 已 日 曹 槒 剧山

《象》曰「「豐其沛」,不可大事」者,凡欲 明之德可也。今三已暗昧之甚,是不可 大有爲于事也 立天下之治,成大事大功,必上下有光 地、皆己自爲之、不可以 有光明之德,可以顯 亦不能用成其事也。 衰,又所應皆无光明之道,雖以陽居陽, 左雖存亦不足 ,夫手之便者在 適 用 右 也。 而已,若右肱折, 用,今處于衰暗之 「无咎」者,九三本 言三居 咎責于人也。 離明之 則

九四, 《象》曰:「豐其蔀」,位不當也。 斗」,幽不明也。 義曰: 盛大之德,如日之中正无不照臨 陽之德,居陰柔之位,是當豐盛之 反居于暗昧之地,故亦曰 「日中見斗」者,夫居豐 豐其蔀,日中見斗。 蔀者,蔽障之物。 「遇其夷主」,吉行也。 之時,當 遇其夷主,吉。 「豐其 言九 日 蔀 四 1光明 中見 時 有 也。 今九 剧川 而

> 道,是得吉而行者也。 主」,吉行也」者,雖居 質而 也。 剛明之夷主,以相輔佐而發明盛大之 之地,不能發其 明也」者,言本有剛明之質,而 獲其吉也。 與己同,故謂之夷主也。是上下之際交 之見斗星 相發明,申暢其光明之德,以被天 四 反反 又 以以 言四雖居陰暗之位,然本有剛明之 應在 剛明之質 ,暗昧之至 《象》曰 初 九,初 光明之道。「遇其 (處 暗 「「日中見斗」, 亦有剛明之質,德 也。 陰暗 昧之地 夷主,謂 ൬ 遇得 自 處 猶 初 幽 下 初九 幽 H 九 夷 而 不 中

吉,有慶也。 六五,來章有慶譽,吉。《象》曰: 六五之

下,故有慶善之事、嘉美之譽而獲吉也。自能爲章美光大之道,以發揚明德于天剛陽之位,以陰柔之質而來居陽剛,是義曰: 章,明也。六是陰柔之質,五是

也。「闚其户,闃其无人」,自藏也。三歲不覿,凶。《象》曰:「豐其屋」,天際翔上六,豐其屋,蔀其家,闚其户,闃其无人。

所覩 本蓋 言以 之,是暗昧之極者也。 其中,而過于豐盛之道,其暗至甚,猶 盛之終,是暗昧之極也。 家之蔀, 也。上六以陰柔之質居一卦之極,不 始飛于天際,上而 者,言上六之爻過于中道而 之道也。《象》曰 見其人,雖三歲之間,亦无 密而自藏也,又蔀掩之,亦謂暗昧 日 其光明而不能發 也。言上六陰暗之極,猶屋之豐, 至 而 復豐盛之,家本深藏 屋者,人之所蔽蓋其身也 雖闚視其户,寂然无所覩而不 視 其 户 寂 「豐其 无所 揚之也。 然 闃者,寂然 歸。 圃 [屋」,天際翔也」 无 家者,人所 所覿。 所覩 暗昧之極, 「自藏」者 而 又 一,今豐 此 掩 之 m 无 X 蔽

旅

■ 帳下旅,小亨,旅貞吉。

以大 義日 夫人 得以 以盈滿自取傾覆 時,恃其盛大,多過于中道而 戚 黨助己者衆,故其道得以大行,其志得 故謂之旅。 羈旅之義,言人寄身于他國,託居于外, 困,反居于外,故旅所以次于豐。 居,故受之 之道居于人上,但居旅不失爲旅,正 寡旅也」,言人自居于家,居于國,則 ※輔己 通。 居 大 旅之時親己者寡,不可恃其 通,故曰「小 者少,其道 按《序卦》云:「窮 今居旅,寄身託 以旅。」言凡人居 「小亨」者,按《雜卦》云「親 喪亡之事,致其身窮 不得以 亨」。 「旅,貞吉」者 大行,其志不 跡 大者 于 不知守常 于豐大之 他國,親 必 旅者 失 大正 親 其

吉矣。

旅之時義大矣哉!剛,止而麗乎明,是以「小亨,旅貞吉」也。《彖》曰:「旅,小亨」,柔得中乎外而順乎

也。 義曰 己者寡,必須求賢 體 託身于外,是能執柔順大中之德 明之人,是以小 順于剛,不紊其道,不悖于理,又附得 離爲明。 乎明,是以『小亨,旅貞 上,故能安其所而 于上九之剛,是以 質居于外,又有大中之道,而 乎剛」者,指上九也。言六五 中之道,不得其時,不得其位,皇皇歷 以言之。下體艮、艮爲止。 :「柔得中乎外」者,指六五也。 至如仲尼,大聖也,有聖人之德,有 言居旅之時,託身于 有亨通 明之人以附麗之。 不失 、卑而 正 事 吉」一者,此 而 也。 尊 得 旅之正吉 以 居 止 他國,親 上體 旅 以 柔 之時 因 而 順 丽 順 睯 麗 從 順 事

> 爲之也 聘于諸 或 也。 聖人于此嘆美之,惟大聖大賢之人可 得大賢大聖之人以爲其主,乃可以 皆當時之賢者能附麗之。 以 他國,皆必盡其柔順以奉其在上,而 大賢之人不得其位,不逢其時,託 跡于外,而隨大聖人爲之依歸,是大聖 顔、閔七十子之徒,三千之衆,是時皆託 ,託跡于外,處之最難,于道尤重,故 輔其人,有顔讎 「旅之時義大矣哉」者,寄旅于 國, 能 盡 其 由 順 以事 蘧伯 其 玉爲之主,是 至于游、夏、 君,又盡 獲 寄 他 又 于

刑而不留獄。《象》曰: 山上有火,旅。君子以明,慎用

其勢不 義曰: 則? 象,當明慎 夫刑 能久留,是旅之象。 火性 用 者, 炎 其刑罰而 斷人肌膚,傷人骨髓 主 一<del>,</del> 而 火 无留滯其獄。 在 Щ 上燎 君子觀 于物, 此 死 何

直 明 者 繫獄者无至于留滯也。 一,使无至于失法,又不可 顯 不 審 可 復 慎 生,斷 而 用 刑 者 罰 示 可復 辨 其 續,故 情 重傷其民, 僞, 君 正 子當 其 使 枉

瑣瑣」,志窮災也。 初六,旅瑣瑣,斯其所取災。《象》曰:「旅

災也。 賤 初 其 自 也。 義曰: 屑之行,如此 瑣 羈旅之道雖尚柔順,然亦不可過。 窮灾」者,言初六居旅之時而 取灾咎之道。 心,其道不通,其志窮 之地,而爲貧賤所動其心,故爲猥 六以柔順之質居 屑之事苟容于人,苟合于世。 言 既失其居,託跡于他國,而爲 瑣瑣者, 則人皆賤之,衆皆棄之,是 《象》曰「「旅瑣瑣」,志 細 一卦之下,是自處 碎煩屑之謂 困 爲卑賤 是以 斯, 也 今此 動 瑣 此 細 卑 夫

六二,旅即次,懷其資,得童僕貞。《象

曰:「得童僕貞」,終无尤也。

《象》曰「『得童僕貞」,終无尤」者,夫聖 无 旅之時失其 其尤患。 賢君子之人必有剛正之德,然後可以免 即就其次舍以 慢,爲衆所與。 其正,在上位而不至驕,在下位而不至 得中正之道,柔 時,託身寄跡 義 不失其所之謂也。 陰,履得其正,而 言羇旅之道 也。 屈身而伸道,不 能 日 事 其 盡 主也,是得此 柔 即,就 今二所以能免者,蓋古之人可 順 既 所居,是其道 于他 中正之道,故尤 尚其柔 也。 安身,懷蓄資貨 而 如此,是于羇旅之時能 處 可以屈道 不失其中, 國而能盡 「童僕」者,盡其至順 次,舍也。資,貨也 下卦之中,是羇旅之 順,而六二以陰居 至順之正道 不 以伸身。 · 得 柔順之質 順而不失 (以厚 以通,而 患 所 也。 以

義喪也。曰:「旅焚其次」,亦以傷矣。以旅與下,其口:「旅焚其次」,亦以傷矣。以旅與下,其九三,旅焚其次,喪其童僕,貞厲。《象》

悼矣。 求于上,又失其 欲親 與,故其次舍必見焚毁 者 九三以 義 道 又无應,進退皆失其所,以 九三既爲剛亢之行,爲 不 旅 爲 也。 通矣,而三反爲 己 曰 : 自取喪亡也。 失 比 所 旅 焚 夫託 陽居 其 其次」, 之,是始 「其 共 而 居旅之時,必尚柔 所, 疾 焚其次 (義喪」者,以旅之道 追身寄跡 陽,處下卦之上,是 之,危厲之道 圃 亦 復焚 務 童 以 舍,喪失 一僕 剛 剛亢之行,則 于外,是失其 傷 亢 事 其次舍,是 矣」者,言居 主柔 加 衆所不與,而 而不得安居也 柔 後 下近 也。 順 失其 順 順之道, 之道 而 之 于六二, 衆 亦 居 務 反 象》曰 正 所 旅之 所 與 剛 可 丽 不 L 亢 則 志

> 九 日 未快也。 四 「旅于 旅 于 處」,未得 處, 得 其資斧,我 位 也。 「得其資斧」,心 心 不 快。 象

志。 又有 爲高亢之行,故 得其止處者而不失其所也,然猶不及六 上 斧,斷也。 義 言 其中,未 快」者,言雖得其止息資貨,然所居 此,但得止息之地也。 是有柔順之節 二有大中之德,故安然就其居之次,故 [雖未 |卦之下,盡謙 티. 四 未快」者,雖得其資貨 剛 雖 象》曰「旅于 得其位,然能 明之德 得 得其位,則 處者, 止 言四 息之處,亦未 居剛 止 미 可 順之道,故旅之時可 以 息之地 以 以 剛 進 處」,未得位 而不爲亢者也。 自 安處 盡 陽之質居于陰 退 斷 其柔順之道,不 「得其資斧」者, 動 也。 也。 而 而 止 得 能 得 資, 不遂其心 其 其「心 斷 其資貨, 也」者, 位 貨 不得 也 位 也 以

、五、射雉一矢、亡。終以譽命。《象》得其位、未遂其志、故心所以未快也。

曰:「終以譽命」,上逮也

故孔子 仕 正柔 亦 守道,不爲困 矢而射之,其得失未可知也。然其執節 求,不必志其所得,猶人之射雉,但以一 方 雖 所謂「柔得中乎外而 中,有大中之道、巽順之德 義 終有 必 、知其所親比者寡,而未嘗固 ,有公養之仕。 有柔順中正之德,然寄身託跡于外, , 言但以其君交際之, 得其道 可以庶 日 有 順之德,雖一時至于亡矢而 ,羇旅 所 可嘉美之譽、尊顯之命而 此一爻以陰柔之質 水,故 幾 于周末,歷 行道 一窮 有行 貧 行可之仕者,言但 則從之; (賤之所 可 順乎剛」者也。 一聘于 之仕,有際 動,而 而 諸國 居于羇旅, 際 居上卦 一必其 미 秉其中 一,亦未 隨之。 不得, 之仕 可之 且 所 之

> 不固必 而 顯之命也。 孔子有此盛德,而于羇旅動止得其中, 其禮 而能盡柔順之節以奉于上,故爲上 也」者,上,言上九也。六五爲羇旅之人 求之也,其諸異乎人之求之與?」是言 必聞其政,求之與? 故子禽問于子貢曰:「夫子至于是邦也 曰:「夫子温良恭儉讓以得之。 必其所求,然 有尊顯之命及之也。 逮,即及也 則從之。 公養之仕者,言于其國養待之,得 (其所求,而自以爲嘉美之譽、尊 《象》曰「終以譽命」,上逮 是其 m 所居之國必 歷 抑與之與?」子貢 一聘天 下 與 而 聞其政 夫子之 一所信

夫羇旅之道貴在謙下柔順,而上九以剛義曰: 巢者,鳥之所居,最在于上也。也。「喪牛于易」,終莫之聞也。也。「喪牛于易」,終莫之聞也。

九八

哉? 處高 者,至順之物。 居,故後號咷也。 惡之事,而人无敢言之者,故曰「莫之 自當焚也,又況 在上,其義焚也」,以旅居人之上,于義 于平易之間,故有凶也。 極,自爲高亢之行,而喪失其 爲衆人之所疾,以及焚巢喪位而不得 爲尊貴之極,故其心自喜而先笑。 于外,而得處衆人之上,高顯之位,則自 所居而不得其安,如鳥之巢而見焚也。 疾 亢之行。 陽之質 反爲高亢,居衆人之上,則衆人之所共 ·旅人先笑後號咷」者,言旅之時,託 而欲害之。既衆人欲害之,則必失其 一亢之地,而身无異順之道,雖有 「『喪牛于易」,終莫之聞也」者, 處 E 行于羇旅,所親比者寡 卦之極,无巽順之道而 言上九 恃 「喪牛于易,凶」者,牛 !剛亢之質以處之者 以剛陽 《象》曰「以 柔順之道 而 居 少 至于 卦之 爲 過 旅 安 跡 高

> 聞 血 至于焚巢後號咷之凶也。

巽

受之以巽。巽者,人也。」蓋言凡人之爲 義曰: 異 異 上 下 則无所入,是必有巽順之德,然後有所 羇旅,託身于外,比己者寡,若不巽順, 巽,小亨。 按《序卦》云:「旅 利有攸往。 而无所容,故 利見大人。

310

也,故但「小亨」而已。「利有攸往

夫人剛健果決之性,或傷于暴

而

過

得以大通,其道得以大行。

巽順,有傷

于柔

儒

,其道不得以大行

今此巽

土

果斷之心,勇于所行,然後

有所立,其志

功,欲成天下之業者,必須有剛健之德,

人,故曰巽。「小亨」者,夫立大事,立大

者,冥然无狀,不知所至之地,无所

然謂巽者,以其巽體是風。

夫

之,使一歸于中正也。 道 利攸往,然其全用 者,夫人以 河則 能自斷,故必利 則 是 议 所 所 必 往 柔 往 无 之 順 當 所 地 之道雖 獲 利 必 柔 所利 矣。 見大有德之人以斷決 无 順,則失于太弱,而 所措 也。 爲能順于人而有 今此巽卦能 置 「利見大人」 必 无 用 所 辈 詳

利見大人」。行。柔皆順乎剛,是以「小亨,利有攸往,《彖》曰: 重巽以申命。剛巽乎中正而志

質處巽之體,又居上卦之中,以陽居陽,者,此指九五而言也。夫九五以剛陽之之欲,若風之所行,天下萬物,至纖至之欲,若風之所行,天下萬物,至纖至之欲,若風之所行,天下萬物,至纖至之欲,若風之所行,天下萬物,至纖至言上下二體皆爲巽體,故曰重巽。聖人義曰:「重巽以申命」者,此明巽之義也。

然後所 其發號 所行! 是必利見大有德之人以 所申之命令,所行之事不能大有所成, 處皆有所合。 爲,是以得其小亨,而 以下而奉于上。全任柔 引此彖辭而結之也。 尊也。「是以「小亨,利 陽之爻,是以下而奉乎上,以卑而 履 莫有不順之者,如風之及于物,罔有不 于巽體之中,初六、六四能 以柔順之質處巽體之下,而皆上順 人二者, 言上有柔順之德 「柔皆順乎剛」者,柔謂初六、六四也,皆 得 得 其 申之命令,所行之事 其 中正 施 中 令,則天下之人 - 所履 之位。 然其 得其正,則 性 居于 異 言九 所往之地,所入之 、果斷 有攸往,利見大 順,不能 至 順 而 无不順者 尊 執柔順之道 而 五 施之于人, 順于衆,復 傷 其 m 而 以 志 決白之。 于過柔 又 大有所 剛 巽 大 、于剛 奉 而 也 順 平 居

象》曰: 異,如 无 故曰「隨風、巽」。 君子法此巽風之象: 申其命,行其 有不順者也 日 風之人物,无所不至,无所不順, 隨 隨, 風,巽。 順也。 (事于天下,无有不至而 君子以 夫巽之體,上下皆 申命行

退」,志疑也。「利武人之貞」,志治也。初六,進退,利武人之貞。《象》曰:「進

義曰: 全用 則必 之下,又居巽體,是全用柔巽 剛柔之道皆得其 「武人」者,剛武之士也。言凡人有 豫,不能自決, 又上承于衆 可以行。今初六以陰柔之質復 在一卦之下,是至卑者也。 〔柔巽,是以有進退之疑,故利在 濟之以柔,有柔則必 此一爻以陰柔之質居巽之體 剛,則是柔弱 而或進或退无所定 中,然後 事 濟之以 怯 既處于卑而 懦 口 (者也。 遲疑 以 在一 剛 成,道 (), 使 剛 也。 土 武

> 既不能 皆得其 志 怯懦 其剛武之德,相濟而行,則可以治,正其 行事,使所行之事,所施之道,剛柔相 人之正用 「「利武人之貞」,志治也」者,夫既柔 而及于人也。 m 不能自決,則于身亦不能自治。 自治,安能治于人哉? 中,然後可 其剛 健之德,果敢之志, ·獲其 吉也。《象》 故必用 勇 弱 日 于 濟

《象》曰:「紛若」之「吉」,得中也。 九二、巽在牀下,用 義曰: 巫 身,接之于人,則事必 者,言此爻巽 不得其中道者也。「用史巫 位,是其 有剛陽之質,而居于巽體,又處陰柔之 即巫覡之人,皆所以道人之言以告于 則可以无咎。 謙巽過 牀者,卑猥之地。 順 甚,而 過 史巫者 心甚,以 史巫紛若,吉, 所行 不 甚巽 ,史即祝史也 · · 蓋此 于卑猥之地 而 而 紛若、吉」 施 施之于 一爻本 无咎 于事

鬼神, 降監 以 得其中矣。 位,是失其中道。 也」者,言本以剛 无咎也。《象》曰「「紛若」之「吉」,得中 至誠,巽其言辭,以使精誠上通,則明 言九二既異 事鬼神 一,福 而 復 祉來應,紛然衆多,以獲其 則 道 順 可 鬼神之意以達于人者 也。 過 健之德,而反居陰柔之 極,失于中道,惟是用 然施之以事鬼神,則 夫事 鬼神者必 吉 盡 靈 其 而

志窮也。 九三,頻巽,吝。《象》曰:「頻巽」之「吝」,

則是上承六四,下乘九二,勢不自得,是態,蓋居于陰位亦得巽順之道。今九三時,失其謙巽之道矣。然而上爲六四之上,是其全剛亢而不能巽者也,居巽之上,是其全剛亢而不能巽者也,居巽之為曰: 頻者,頻蹙憂愁之貌。九三以義曰: 頻者,頻蹙憂愁之貌。九三以

至誠,如是亦可鄙吝者也。其心志憂愁,然不得已而爲之,非出于以捨其剛亢之道,不得已而爲柔巽,屈

品」,有功也。 六四,悔亡,田獲三品。《象》曰:「田獲三

義曰: 悔也。 獸,以充三品之用。 三品,即一爲乾豆, 所行必有成功,是猶田獵之時而獲其禽 其巽順之節,不失其爲臣之道以奉于 人以爲諂也。」言人之事君,其柔巽過甚 九五之君,竭其志誠,盡 上,承流宣化,奉君之威權,行君之事 而見疑,然不可以見疑而變其志,當盡 上,故得悔亡。且孔子曰:「事君盡禮 亦謙巽過甚,而 一爲賓客,三爲充君之庖是也。《象》曰 『田獲三品』,有功也」者,言六四雖始 六四以陰居陰,而又居巽之體 然以陰居陰,本得其正,而上 又行 不得其中,是 其異順 以 奉其 以 承

失其正,則可以悔亡而有其功也。 之禍,況于悔乎? 于此盡其巽順 之事 尚 大臣之事,君若 悔 于 然能竭 必 有 佞媚之行 成 其 巽 不以 如 順 以 田 ,則不可免其誅戮 恭巽至 獲 承 事 三品之禽也。 于 君 正之道, ൬ 則

九五,貞吉,悔亡,无不利。 无初有終。 先

吉,位正中也 庚三日,後庚三日,吉。《象》曰: 義曰: 吉而 之質復處 有剛明之才而 之道,所以有悔也。 當以謙 心,所以 , 无異順 悔 亡,既獲吉而 順之德下接 无 言九五處人君之位,爲巽之主 剛陽之位,失于太剛,无柔 无初也。 之德 初有終」者,言五 不失其治天下之道,故 以 接于下,不 行臣。 然以居中正之位, 悔亡, 面 有 今五以剛陽 剛 一始以 則所往无 能 明 中 剛 九五之 悦 强 之 不

之吉,位正 懼,則天下大治 知其 惡者 君之號令。 也。 令在于當,其賞罰在乎信,使善者知勸 之令拯濟之,故曰 甲于五行爲木,于四時爲春,仁恩之道 三日以 主嚴厲,此巽爲風之象,无 五行爲金,于四時 庚、甲者皆十日之名,取申令之義也。 庚三日,後庚三日,吉」者,凡《易》中言 德,得所 也。 知懼。 其 、皆服從之,固不可驟然 號令之必行,賞罰之必信,有 蓋蠱者承衰 申諭之,後三日以 以治天下之道,故 中也」者,五 然賞罰號令之出,將使天 言五處人君之位,其發號施 履得其正,而 圃 亂之後,聖人當以仁恩 吉矣。 爲秋。 先甲後甲。 庚者,于 所以獲吉者, 不失治天下之 《象》曰「九 丁寧之,使 所 金主 有終 而行,故 不入,主人 断割, 也。 所 秋 下 五 戒

周易口義卷九

曰:「巽在牀下」,上窮也。「喪其資斧」,正上九,巽在牀下,喪其資斧,貞凶。《象》

乎凶也。 猥也。 是失斷割之才于正道而凶也。 可以自斷,而反處一卦之極,无位之地, 于貞道凶者也。《象》曰「「巽在牀下」, 剛明之才,又不能斷割以 九所以至于卑猥者,蓋處无位之地,无 者也。「喪其資斧,貞凶」者,資,貨也, 之地,是所行謙巽亦過甚,而至于卑猥 上窮也」者,處巽之極,其道窮困以至卑 人之才也。斧,斤也,善于斷割。言上 義 本有剛明之質,而居重巽之極,處无位 曰: 「正乎凶」者,上九本有剛明之德 牀下者,卑猥之地也。 自決其事,故 言上九

11011

## 周 易 口 義卷十

宋 胡瑗

撰

天下之人皆感説之,故得其亨通

利貞」者、夫感説之道多失于邪、若

小

聖賢發仁施惠布德澤以説天下之人,使

説,故去其「言」而爲「兑」也。

亨者

道

恩惠之事

固

不

可

以言語

口

而

爲

物,以 之法也。 其 受之以兑。」言人能 兑 上 下 懌也。然不謂 則 義 、象爲澤,其性爲 人皆説之,故次于巽。 日 兑,亨,利 爲生成之功,使之皆得 按《序卦》云:「入 然澤者,水之所 貞 「説」而謂之「兑」者,蓋聖 悦,所以 以 柔順之道入于人, 而 然謂之兑者, 聚 爲 後説之,故 而 天 滋 眷 滋 下説之 息 而 萬 説

> 貞,是以 彖》曰: 利也。 苟容于人,如 荒亡以説于心,巧言令色、柔佞邪諂 亡家失天下,是説 人施其感説之道皆本于至正 人之人止以淫聲媚色、雕墻峻宇、流 順 兑, 説 乎 天 此、皆所以喪身敗德,以 加 也。 應 非正 乎 剛 人。 中 然也。 而 説 柔 以 一,則无 外,説 故聖賢之 先民,民 所 以 利 至 連

兑

下

經

民勸矣哉 忘其勞。 説以 犯難,民忘 其死。 説之大,

義 卦内二爻爲剛 者,當内有其剛,外示以柔。 日 . 「剛中 而 ,外爻爲 「柔外,説以利貞」者,言此 柔。 言所以 然而止 \感説

賢之人將欲感天下之心,必當以仁義之

三〇四

于

死

地

則

民

亦説樂

而

從之,无

有

説

之大、民勸矣哉」者、夫施

所不 有 夫天之體之德,運 説人,則 昴 剛 利也。 示 則至暴,而 之 人皆説 以 「是以順乎天而應乎 柔。 无以 而 内 動 歸之,是得其 既剛 感説 M 不 外復 己,是至 天下之心, 柔 Œ 一剛者 以 而 无 此

苦之心也 先民,民忘其勞」者,民之情皆欲安 也; 賢先能發仁義 仁義恩惠感説之,則民從其役使 勞,若聖賢之人將欲役使之,必當 天之心,而下能應乎人之情也。 義,發其恩惠,以 有剛明之德,而外示柔順之道,施 危亡,説仁義而懼鄙吝。今聖賢之人 不失其柔也。 及其降氣以生成 夫就 德 人之情莫不好安逸 死 澤,然後使之冒犯 説于天下,是上 者,人之所 萬 物,則 難 一能順 至 m 也 而 説 其仁 發 而 柔 聖 其 惡 以 平 内 惡

> 其勞役 道 須有 善教 一,固 非 八犯其 仁義 ,民固勸而説從之矣。 小小之事 德澤 死難 以徧 ,皆无怨心 可以感懷天下之心, 施 天下 ,使民雖從 況乎納

(象》曰: 業愈 者聖 朋 遠,則不能无厭倦之心。 惟以淺近爲説,以快己之欲,然至于久 道,必當施之于大而至于久遠。 義曰: 君子之人當説其大者,惟朋友講習。 喪身、亡家、敗國、失天下,皆由于此,故 其説之大者也。 而使之皆得其説懌,而況二澤相 夫水之聚于 一澤之中,則能 其 友之道,同心同德,其志 所 人之道 圃 不 上下二體皆兑,是二澤相麗 麗澤, 兑。 聞,日 愈新,皆无 德,所習者聖賢之事業,日 見 君子觀是象,凡施説 其 君子以朋友講習 其厭 所 不 厭倦既生,至 倦之心,是爲 見,使道 氣相契,所講 滋息 若小 麗 道萬 德 也

説之道莫重于此也。

行未疑也。 初九,和兑,吉。《象》曰:「和兑」之「吉」,

中而 以 其兑之義也。今初九居兑之始,是能剛 物,萬物皆説而 中和之道説天下之人。心无所係,故得 其有剛明之才,故曰 于物,而使之自然感説而從之,則不失 廣發其中和之教,所應不係于一 義制天下之民,使之感説而歸之,故當 卦也,以四時言之則爲秋,秋所以 「『和兑』之『吉」,行未疑也」者,初九能 此 中和之道,上不係應,而行不在私,故 ·之懽 柔外。 柔外, 加 施説于人,則人皆説 和,謂中和 · 心 而 以施其 夫内既剛,外又柔,是能以 成也。 獲其吉者 説 也。 I剛中; 也。 君子之人在 夫兑者,西方之 何則? 也。 而從之,復 體夫兑説, 《象》 一,无心 蓋 成 上 立 以

何所疑哉?

「吉」,信志也。 九二,孚兑,吉,悔亡。《象》曰:「孚兑」之

位不當也。 一獨其吉,是得其所以爲説之道,悔 一獲其吉,是得其所以爲説之道,悔遂 一獲其吉,是得其所以爲説之道,悔遂 一獲其吉,是得其所以爲説之道,悔遂 一疾、《象》曰「『孚兑』之『吉」,信志也」 一疾、《象》曰「『孚兑」之『吉」,信志也」 一疾、《象》曰「『孚兑」之『吉」,信志也」 一天下,天下之人莫不説而歸之。 一天下,天下之人莫不説而歸之。 一天下,天下之人莫不説而歸之。 一不當也。《象》曰:「來兑」之「凶」,

居陽,又在一卦之上,是履不得中,行不也,固不可以言語、口舌、柔邪以苟取于的偏係,使天下之人自然而説之則可新偏感,使天下之人自然而説之則可

之民 説 諂 得 斯 佞、姑 E 民。 時 息、 懽 不 是 苟且 1 中 施 卞 而 説 説 以 Ė ·, 非 從之,終无其道以久 來天下之説 一之道,是欲 X 而 何? 以 雖 柔邪、 天下

四之喜,有慶也。 九四,商兑未寧,介疾有喜。《象》曰: 九

得大位 之徒 介,隔 義曰: 制 其 位 民 位 以苟説 則 之資居 邪 一,則 所説之義,則 ,人求説己及己之説人 之間皆 止 媚之人皆欲以甘言巧語、柔佞之道 旦夕憂慮 上必爲害于君,下必爲害于民,君 也。 欲 與持重權者也。 F 于己,將以希進用之地。 商,謂 被 |卦之下,切近九五之君,是居 榮進一身而 疾,謂 其 疾害。 商 ,常恐小人之進,故 不 六 議 失其正 三也。 裁 是則 制 已,若使進 既爲權位之臣 八皆當 也。 九 九四 然既 商商 四 寧,安也 然小人 以剛 既 議 商 圃 裁 有 議 有 明 裁 制

> 斯須 以 喜者,蓋由能介隔六三諂 民 于 富 之小人, 以裁 爲君 柔邪 不得進,所以杜君民之害,使賢者得路 民皆得其安,上以致 施仁義於天下,獲其福慶之事也。 「九四之喜,有慶也」者,九四所以 遑 民 制 欲 安也。 壽之域,是有其喜慶者也。 之害矣,故 説 而 則天 于 介 己 隔 下之賢者得以進,天 介介 杜 欲 一絶之。 九 圖 疾 四 進 有喜」者,六三既 國 則 其 于太平,下以 既 當 身,苟進之, 佞之小人,使 能 施 介 剛明之德 隔 《象》 下之 六 納 有 則 以

位正當也。 九五,孚于剥,有厲。《象》曰:「孚于剥」,

上 義 冨 人皆以仁義爲 日: 壽 可 而不被其福慶也,此聖賢之所 之域 以 致君 孚,信 使使 于无過之地,下可以躋民 天下罔有 先。 也。 剥,刻 若使之進 民 也。 于 物不 夫聖賢 有 位 用 得 ·, 則 之 於 其

信者剥刻之小人也。既信剥刻之小人 當信任其賢明有德之人以輔助于己,故 若以至誠委任天下之賢,使推其仁義之 亂 害于國 則賢者退 用之,反比于上六邪佞不正之臣,是所 兑之主,是有可致之資。既有其資,則 心,以布澤流惠,則天下不勞而治矣。 可致之資,反委任上六柔邪之小人以剥 天下皆被其賜矣。且五雖本應于九二, 今九五以剛明中正之德居至尊之位,爲 被其剥刻。然則爲天下者欲治于民,莫 貪殘狠毒爲心,若使之見用,于上 也 (戒之之辭也。言九五居可致之位,操 于君,于下必爲害于民,以至天下皆 小人則 曰「『孚于剥」,位正當也」者,此聖 有剛正之德,而己不 而及 而 不 乎天下,是其危厲之甚也。 朝廷昏亂,紀綱 然, 外以 柔 能盡 邪諂 廢弛,以至 柔巽以任 佞 必 内 以

> 五也。 刻君子,自取危厲,故于此切戒之,責于

使盡 義日 人乎? 未光 道亦未足爲光大也。 柔邪不正之道苟且以牽引天下之民,欲 陰柔居一卦之極,當无位之地,故欲以 私 歸 : 邪而不可行,況其以柔佞欲苟説干 也」者,夫施説之道一失其正,則皆 説于己。 今上六既然,故雖得人之説,其 引者,牽引之辭也。言上六以 《象》曰「「上六,引兑」,

涣

利貞。 
三二 
東上 
漢、字。 
王 假 有 廟,利 涉 大 川,

義曰: 按《序卦》云:「説而後散之,故

其容貌 也。 有所 受之以 先 欲 미 體 則生,散則 使皆得萃聚 德釋去民之險難,以和衆情,以導衆志, 君子當此之時,必以 人心 幽 苯聚 下所 極 禮 祖 得 貌 魄歸之于地則爲鬼,冥冥然,倀倀然, 之 「王假 睽 以 壅 而 則 而 至離 薦 ,竭心 以 其 涣。」涣,散也, 容貌。于是四 塞、志有 離,上下 見之,故先王因 不知所之。爲人子者思 享之,所以 親之神靈,故假立其 涣散,故民 有廟」者,言人精氣、體魄萃 死。 散, 歡 而至于亨通,故曰「涣亨」 以奉養、雖有悽愴之懷、不 極 故涣次 精氣散之于天則爲神, 違 所 則 不 悲 散之謂也。 權 通 所 軟 表追念悽愴之心, 時 離 于兑。然涣者是 變之術,剛明之 以 此涣散之義,思 ,是以涣散。 追 也,釋 樂之極 睽離,蓋由 感 設設 也。 亨者, 廟,以狀 欲追念 久 爲祭祀 而 言 故 道 不

酒沃之 親之志 民 當 肆,而邪 之患難,无有不濟者也。 楫之利以濟不通,是巽木能涉于水也。 然者,蓋巽體 聚,不至離散 利在涉此大川以 之時民心違離,上下 猶聖人有才智而又有 患,故古之聖人刳木爲 大險必往救其生靈,不可 大川,是故聖賢君子 涉大川」者,大川,險阻之謂 離散之時不以 血 也。 此之際,利守正 又燔 燎 ,教天下追思奉先之道 于 僻之事從 煙薌以 地 屬木,涉于川而无 以 正 而各得其濟也。 達 達 道 拯天下涣散,使皆 而 諸 諸 而 道, 必起 相 至矣,故聖賢之人 陰,所 剛 陽,酌鬱鬯芬香之 拯 舟? 戾,必不能 則 濟之,則人心愈 健之德,能拯民 懼其 「利貞」者,言 而濟之,雖 剡木爲楫,舟 可萃天下之 以 也。 盡 也。 患難,是 夫涣 所以 沉 孝 溺之 子思 涉 萃 甚 其 能

外而 彖》 利涉大川」,乘木有功也 上 曰:「涣, 同 王 亨」,剛 假 有 來 廟 加 不 王 窮, 乃 柔得位 在 中 平

瀆,不 而相得 外也。 道 立 容貌 幽 比九五之君,九 有廟」,王乃在中也」者,言人體魄既散, 之難,萃聚天下之民而濟之也。 居陰,居得其正,而在上卦之下,是位 陽之德,來居坎險之中, 義曰:「剛來而不窮」者,此言九二有 柔得 者也。 其 陰 有 廟宇,設其祭祀,追思念舊,不可 而難見,是故王者假立此廟以萃其 剛明之才,終不陷身于窮 位乎 可 四 ,同心戮力,上與 既居外卦之下,下无其應,然上 以 時祭祀以表悽愴之心。 「「利涉大川」,乘木有功也」 外 疏,是王者教人之孝亦在中 而 上同」者,此言六四 五亦无應,故與之志合 五同,涣散天下 而上无所 「工工假 然 困 應、然 以 也。 以 乎 陰 岡

> 賢當此涣散之時,必須冒 散者皆萃聚之,故往則有功也 體 者 木爲楫。」是唯舟楫爲能 木,故爲舟。《繋辭》曰:「刳木 坎,坎爲水,故爲 ,言川者,水之聚, ]] 濟之以舟楫。 利涉大 上 涉 體 險 異,異 ·爲 難 Ш 舟, 使涣 猶 今下 聖 爲 剡

立廟。《象》曰: 風行水上,涣。先王以享于帝,

廟貌 也。 義曰: 道也 祀、備其物儀、薦享于天地、以 之象也。 之帝。言先王當此 天,以氣言之謂 立廟者,言萃聚先祖之精 四時祭之,以表悽愴之心,奉先之 夫風 帝,即 行水上, 之陰陽,以 天 帝 涣散之時,設 也,以 涣 然 形言 主宰 而 散, 神,立爲 報 之 言之謂 是 其 成 謂 得 功 郊 之 涣

吉,順也。初六,用拯馬壯,吉。《象》曰: 初六之

道 《象》曰「初六之吉,順也」者,言當此 暴,則民 散之時, 无所 柔居于卦下,而復在 于解民之難,使得萃而不散,吉之道也。 而 之質居一卦之下,又在涣散之始,是往 既 義 乖 拯之不可後,時固當用 以拯濟之,故得其吉也。 曰 不 離 至,事難濟矣。 ,救之緩則情僞交作,姦邪並起, 愈怨而 固不可 夫涣散之時,人民既 以 心愈離。 剛 暴拯濟之,苟尚 事初,能執柔 今此初六以陰柔 今初九 剛壯之馬,急 違散,上下 既 順之 以 涣 陰 剛

机」,得願也。
九二,涣奔其机,悔亡。《象》曰:「涣奔其

然而初亦无應,能知事始用拯濟之馬以既无合契之人,居又失正,是有悔者也。上又无應,是无同心同德合契之人也。上又无應,是无同心同德合契之人也。,以陽居陰,失正者也。。此義曰: 机者,人所倚憑,謂初六也。此

行,志不得伸,其身不能有 者,言二當涣散之時,上无其應,道不得 得其萃聚。 可以 得其所憑倚之地也。 救天下之涣。今二若能 有所憑依,則是得中心之所願 奔從于初,與之共謀爲慮,同心協志 亡矣。《象》曰「『涣奔其 同 .謀合慮,以拯當時之難,使天下 天下既以萃聚,則其悔得以 既得 奔從 机」,得願 其 所 于初 所 也。 濟。 憑 既能 則 也 則 是 而

明之才以己爲正應。既以己爲正應,是其才不能釋天下之難,在險之終,有陶正,當涣散之時,其德不能安天下之衆,正,當涣散之時,其德不能安天下之衆,正,當涣散之時,其德不能安天下之衆,正,當涣散之時,其德不能安天下之衆,其,或位崇而德薄,或志大而位小,皆不義曰: 夫有才者或无位,有位者或无

六四,涣其羣,元吉。 大濟 應,往以從之,思展其志于天下國家也。 者,言三雖居 吝也。 不 天 能 下之事 古 《象》曰「『涣其躬」,志在外也」 其所 非 亦亦 守,往從于上。然雖 其位,而得上九爲之正 可 涣有丘,匪夷所思。 以 釋 一身之患 不 而 无 能

象》曰:「涣其羣,元吉」,光大也

涣之任 義曰: 子者當尊其父,然後君父臣子之道正 功,故得盡善元大之吉也。 意,使天下之黨盡散,則天下之危以濟, 以行其志,内掌國之機務,外宣君之德 秉大公之道,以濟天下之涣。 且又得君 乖離,人自爲羣。 夷所思」者,夫爲人臣者當尊其 加 天下之難以 皆得以 加 羣,衆也。天下之涣,起于衆心 萃聚,上下悉有所歸。 居陰得正,下无私應,是大臣 解,天下之心 六四上承九五 不至于乖離 「涣有丘 。有此 (君,爲 當 濟

> 子之道,得其光明盛大者 君,使天下之衆不至離散。 羣,元吉』,光大也」者,言涣散之時, 亦未嘗敢平其思慮 惕,竭其 其職匪易,故六四常終日乾乾,終夜惕 以釋天下之難,一責于己,是其權既重 乖離之際,其承君之命令,宣君之德澤, 九五之君,下 乖離,六四獨 丘者, 臲卼不平之地。 臣節、能自臲卼、不敢少安、而 -爲 能執柔順之道以事 百官之長,當天 也。《象》曰「渙其 也也 今六 如是,于 下 四 涣 散 上 其 臣 F.

曰:「王居无咎」,正位也。 九五,涣汗其大號。涣,王居无咎。《象》

所者。 猶上有教令釋天下之難,使天下各得其 壅滯,愈人之疾。 ,居得其正,履 今此 汗者,膚腠之所出,出 九 五 居至尊之位 得其 然且 中,能出 出 而 ,爲涣散之 則宣人之 其號令, 不可

有其德澤,宣天下壅滯,發天下湮鬱,使有其德澤,宣天下壅滯,發天下湮鬱,使有其德澤,宣天下之人皆更,善者賞之,惡者罰之,使天下之人皆更,善者賞之,惡者罰之,使天下之人皆更,善者賞之,惡者罰之,使天下之人皆更,皆是時,上能自正其位,下能於之主,當是時,上能自正其位,下能於散之主,當是時,上能自正其位,下能於散之難,正天下之廣居,輔王者之尊位,使天下之人皆知上有明君,下有賢臣,无疾散之難,正位也」者,言九五既居尊位,使无下之人皆知上有明君,下有賢臣,无不可之时,正位也」者,言九五居至尊之人情,正位也」者,言九五居至尊之人情,正位也」者,言九五居至尊之人情,正位也」者,言九五居至尊之人情,正位也」者,言九五居至尊之,是一个人。

「涣其血」,遠害也。 上九: 涣其血去,逖出,无咎。《象》曰:

上下乖違,情僞叢生,利害紛起,必有所義曰: 逖者,遠也。夫天下涣散之時,

## 節

■ <sup>放上</sup>節,亨,苦節不可貞。

使父子有禮,上下有等,男女有别,尊卑故爱之以節。」言凡物不可使之終有離故受之以節。」言凡物不可使之終有離故受之以節。」言凡物不可使之終有離義曰:按《序卦》云:「物不可以終離,

「萃」上、康熙本、《薈要》本有「能」字。

則 身一家節,過則猶无 者,人之所難嗜者也 制 法,使其 是故聖人 節之道不可過,過則人不樂從。 事,无不獲亨通 天下,皆有所節, 然其得亨者何? 齊家治國正天下 各當其分,如 有所處,士農工 服器,以至税賦、徭役以其時,賢不肖各 皆有所節。 有 人民之衆, 度皆 序, 天下未易治也。 政、賞罰、號令、宫室、旌旗、車輿、 長 有其節, 車 幼 預爲 輿、器用、宫室、旌旗、衣服、 有倫, 圃 至于 此之類,舉 節之太甚,則必不樂從。 之備,曲爲之防,酌中立 也。 商各守其業,富貴 ,皆有所節,故謂之節 一國以及天下用度、禮 夫婦 合于中正。 蓋 則所往之地,所爲之 且如 「苦節不可貞」,苦 大害,若于治天下 ,猶味之苦 人之修身,以至治 有 賦 而言之,是修身 制 税之設,非 内 苟苦之, 外 以其 也。 有分, 貧 夫 賤

> 者不 聚斂 貢,殷人七十而助,周 酌民之厚薄,使天下之人樂從而易于輸 則在上者用度不足。 甚,則在下者財匱 必有中道,故中者天下之通制。 郊廟之祀 法而得天下之中。 可謂得節之道也。 可 其 廢 対財 也。 ,賓客之供,兵儲之備,此 貨, 厚 是以不得已而取之,取之 取 而不能給; 于 是以 民 人百畝而徹,皆什 故夏后氏 以 自足 量時之豐約, 已 取之薄, 五十 取之過 爲 蓋 或 有

《彖》曰:「節,亨」,剛柔分而 度,不傷財,不害民。 節,中正以 節不可貞」,其道窮也 通。 天地節 加 説 四時成,節 以 行 剛 得 險,當位 中。「苦 i 以 制 以

得亨者,陽本在上,今處于上,、陰本在得中」者,九二、九五之爻也。夫節所以爲陽,陽爲剛。下兑爲陰,陰爲柔。「剛義曰:此因二體以明節亨之義。上坎

以 樂從之也。「當位以節」者,言九 九 當其位而能 明之德,居至尊之位,爲節之主,是所 節之時,雖有險阻,能以説順行,則人亦 蓋言聖人緣人之情,酌 爲險,下兑爲説,是説 樂從,是不可久行于世 道,使天下皆 下 法,窮困之道 道不可過 「『苦節不可貞』,其道窮也」者,夫節之 得 ,履得其正。 通」者,此又言九五居中履 (五以剛陽之質居剛陽之位,又居得 剛 今居于下, 其中又得其 柔分」也 一,過 酌民情爲之節制也。「 也。 則 得其正,則不入于私 是君臣 得 當節之時,能爲節制之 不能 正。 「剛得中」者,言九二、 中制, 「説以 緣人之情,而衆不 得其 上下各有分也, 而能 而爲萬代通行之 中 行險」者,上坎 是以亨通 以 、中,則无過與 爲 行於險也。 正,所爲 通 五 制 中正 有 也。 居 節 剧山 其 故

> 害也。 時成 制,設其禮法,各有常分,以至取 爲節之道也。 道,始始終終,陰陽相盪,寒暑往來,不 終,復以 是 得其中。 失其序,所以能生成萬物,此 之序,以生以成,皆有所 已下廣明節之道 盡 中 ,節以制度, 所以爲節制之義 正 則 所爲之道 春 有 如是而行,自然財不傷而 陽 風 聖人法天地之道,爲之節 爲發生之始。 雨霜雪以殺之, 也。 可 不傷財,不害民」者, 以 也 夫天地之道,陰 通 行 節。 「天地 萬 。是天 世, 天地 至如 殺之 予无 使天 節 地 盡 民 生 而 其 之 既 成 此 下 四

《象》曰: 澤上有水,節。君子以制數度,

議德行。

則不能順往而流,故有節制之象。數然,順于下,莫之與禦。今水在澤中,義曰: 夫水之性,決之于江河,其性沛

古光節之象,定其呂牧,立其別度,吏名數也。 度者,制度也。 言君子之

中也。「議德行」者、夫人本五常而生、禮樂之道、度量之分无得過差、盡合于

其性有全,有偏,唯聖人受性之全,賢人口也一言語得利。君、ラフス言言言

才之大小,隨其德之優劣以任用之:則才智有所偏。是以當節之時,必量其

其无德无行,則没身而不用。 大才者置之大位,小才者置之小位,若

庭」,知通塞也。初九,不出户庭,无咎。《象》曰:「不出户

義曰: 洩 之情,莫不欲安逸,而 非、絶僞,人莫不惡之。 之非,絶人之僞。 此節者,節人之邪情,約人之私欲 章未備,法度未詳,必 于人。 户者,門之内牖 苟所行不密,則必爲人 而 惡節制之 當慎 節 然當節制 之 情、約 間 密 也。 之,不可 欲、遏 爲禁。 之始, 遏 八所窺 夫人

之始 令未 下 則 辭》曰: 露 幾密,慎其法制,不 巧詐 初九 不密則失 以塞則塞之, 制之初,典章 居事之始,所以 之間,所以成節制之道 曰「不出户庭」,知 天下之人由之而 而 于人 皆失其節 官 害 敗 露 成 履 ,故當慎其幾密,不使宣 下 不生,則是能 壞 八是能 っ言 ·而詐 于人 下 成 「亂之所 臣,臣 卦之下,居節制之初,是謀 事 了; 則 起,必 大凡幾密之事,必當慎之。 如是則不能免于咎也。 法 通塞不失 知 如 君 不 其 度 不出户庭者,非是 生, 不知之。 是, 失 不 時 慎 密則失身,幾事不 未甚大備,不 - 宣布 通塞 可 臣,臣失身,以至天 則言語以爲 其幾 可 則 以節制之也。 而无咎矣。 其 以 法 于天下,蓋 也」者,言 宜 密,不出户 未 通 而情僞不 也。 則通之, 出 露于人,使 而 可以 階。 故《繫 姦 藏 當 初 密 其 九 官 節 可

三一六

九二,不出門庭,凶。《象》曰:「不出門庭,

凶」,失時極也。

失時而 《象》曰「「不出門庭」,失時極也」者,言 備,法度已立,必當宣布于天下以 ൬ 九二居得其中而法制已成,當行而不 是恣人之情,縱人之欲,速凶之道也。 之資而反不出門庭之間,使制度不立, 于人情,使其姦僞不敢萌,巧詐不得作, 户庭也。今此 未完,故幾密而不宣露于人,是以不出 九在卦之始,處節之初,典章未備,法度 節人之情僞,必當慎重而幾密之。 天下之人皆合于中制可 上下无别,以至天下之人皆亂其常,則 上下无等。 施而不施,使天下之人情僞交作 不宣布,以至窮極亦不能行,凶 在外謂之門。 節制之道不出門庭之間。 九二居卦之中,是典章已 大凡居事之始 也。今有可致 故初 制 節

其宜矣。

節」之「嗟」,又誰「咎」也。六三,不節若,則嗟若,无咎。《象》曰:「

義曰: 其身,又不能節制其人,是雖有嚴 不生,而人自信從之矣。今反不能自 信,罰必當。正身,立法度,平典章,宣 故《象》曰「又誰『咎』也」。 嗟若之凶皆己自爲之,又何咎于人哉 不正之身居衆人之上,不能節 必不可爲節制之主也。 法,人亦不從,故反自生嗟怨之聲, 政教,以節天下之人,則姦僞不作,巧 人之上者也。 失其中,又非其正,且在卦之上,是居 爲不正, 則天下孰不從之。今六三以陰居陽,是 須先正 其身,然後可以正人身。 若者,語辭 在下卦之上,是爲不中。 夫居衆人之上,必也賞必 也。 「无咎」,蓋三以 夫爲節之道,必 制, 既 如是 刑 峻 詐 衆 Œ

承上道也。 六四,安節,亨。《象》曰:「安節」之「亨」,

正自正 其節制 以柔正之道自正其身,上承于君以 人之邪僞,禁天下人之非僻,使天 正,又能宣君之令,布君之德,以 之情,制 君,下率其民。 尊,而又以 義 曰「「安節」之「亨」,承上道」者,言六四 一之道也。 ,所以率天下之人得以亨通,是承君 日 : 歸于正 ,故所往无不得其亨通也。 其身,以至 按此爻居上卦 君之欲,防君之邪 陰 而得節制之道。 居 以柔正 陰, E 履得其 君率民,安然 之道,上 之下,近 僻, 正 是由 以 致 九 去 下之 **关下** 行節 節 承 君 而 以 五 柔 其 君 之

義曰: 甘者,味之甘人所嗜也。夫節之「吉」,居位中也。

荷節。 不及。 之中,是能正其身而爲節制之主。 者,五以 下之人皆尊尚 人中正之道。 大中之節,不失其時,以此而行,則合聖 通其情,故能達節; 「「甘節」之「吉」,居位中也」者,言聖人 五有所 世世之通行,而天下之民皆樂從之,是 嗜甘味也,所以 而從之,是九五爲節之道,使人樂從如 長幼、上下,以至于遠近幽隱,皆悦然樂 當節之時,能以中正爲之節制,无過无 也。 之道是節人之情,防人之欲 上卦之中, 今九 往,則爲人尊上者也。《象》 夫能通天下之情,不違其理, 施于當世,則天下之人无尊卑 中正之道爲節制之法,可以爲 五以 履至尊之位,爲節制之主 今五居至尊之位,在上 陽居陽,處 而 得 從之,是居位 其吉矣。「往有尚 常人違其情,故多 得 人人之 其正,又居 中正 使 所 E

故也。

貞凶」,其道窮也。上六,苦節,貞凶,悔亡。《象》曰:「苦節,

義曰: 苦之,是過爲節制之道,以至窮極也。 喪,與其易也,寧戚。」是言凡過節于一 亡。故孔子曰:「禮,與其奢也,寧儉。 苦之也。以正道言之,則已凶矣,故 也。所爲節制之道皆過于中,是人所 從之。今上六過于九五,是居不得 之極,所爲 凶」,其道窮也」者,以陰柔之質居節 身,則可以无悔 下,則害其事。今上六居无位之地,但 行于一己而自節,苦于一身則可以 「貞凶」。然「悔亡」者,夫節制有苦于天 夫節制之道貴乎中正, 一失中正之道,而天下之人厭 也。《象》曰「『苦節、貞 則 ?中者 人 厭 制 悔 

中 孚

義曰: 山林, 是故聖王作爲節制。 從之,以至至微至隱之物皆亦被其信 也,魚是蟲之至隱者也。夫聖賢之人所 孚信既發于中,施之于外,則天下必信 居中是虚中,而發誠信于内,出之于性。 乎,信也,信由中出,故曰中孚。 之法,故以中孚次于節。謂之中孚者 以信而行之,使久而不變,可以爲萬世 之以中孚。」言聖賢之人爲節之道,必當 異 兑上下 立正教必須信于天下,使天下之人皆順 之矣。「豚魚吉」者,豚 火田。 中孚,豚魚吉。 數罟不入 按《序卦》云:「節而信之,故受 如是之類,是皆取之以時, 八污池; 利 涉大川 斧斤,不時不入 是獸之至微者 昆蟲未蟄,不 利貞 蓋二陰

世,必 若 服。 之有 其 至 无 德 下之難,何 天下相信, 疾疫,險難 盜之虞,于天則水旱蟲蝗,于人則 險難之地。 知矣,故曰「吉」。 不 濡 于上下,苟涉大難必有阻溺。 不信。 ·妄有 猶 不 誠 上,是所利在 其 利矣。 上下 不 已及于豚 性 節 以至信及 所 息,不爲 使至 故聖賢 和 傷,則 豚 所不 戚疏相睦。聖人以 之事 大則 魚、无 「利貞」者,夫信而不正,不 同, 一微 于正 魚,則天下之人无不 邪 至 有 物情不違,故 利哉? 于天下。 也。 所 有兵革之事,小 「利 隱之物皆 ·識之類,其蒙信 欲 識之物, 節制 也。 所 涉 夫節制之道行 勝 大川」者,川 必 若不以至信 不遺 ,則天下皆信 須 猶 遂 涉 此 此 其 且 微微 偏 于大 則有 拯 中孚之 被 牛 濟 死 也 澤 而 及 難 寇 天 于 則 可 而 涵

( 彖 ) 日

中

孚,柔在

内

而

剛得

中,

説

而

也。 巽, 孚, 乃化 利貞」,乃應乎天也。 利 涉 大 邦 川, 也。 乘 豚 木 魚 舟 吉 虚 , 也 信 中 及 孚 豚 以 魚

《左氏》曰:「小信未孚,神弗 賢之人不可爲 孚信于天下,則天下之人説順 乃化邦」者,言此卦下體爲兑,兑爲説; 下,故剛以得 不中不正,則爲 于中,行于外,使天下之人皆信之,故 三、四以柔 之信發之于中,施之于外,无偏黨私 信,使天下之人皆孚信之。 五也,二爻皆以剛居中而得正。 處其中,則是 義曰:「柔在内」者,謂六三、六 柔在内」也。 體異,異爲風。 順 虚其 處 中爲貴也。「説 「剛得中」者,謂九二、九 小小之信,必當立其大 中,而四陽居外,二陰 私,爲暴,不可信于天 是九五能以 中也。 言誠信之道 上既 福 而 風 四 也。」夫聖 而信矣。 夫剛一 巽, 孚, 以 也 由 既 發 而 言

濟之而 澤者水也; 有大難,則可以使同心戮力以順從于君 信相接,何所不從哉? 若國有大患,人 號令,風教于天下,使天下之人上下以 在上者能以 象也。夫大川之深至險至浚,若以舟楫 之所及至廣至遠,取之有時,用之有節, **僞不作,巧詐不興,亦以至誠至信奉于** 皆合于中,則天下之人皆化上之信, 不傷其性,以至至微至隱皆被其德,故 豚魚」者,言豚魚所以得吉者,蓋由孚信 上,故曰「乃化邦也」。「「豚魚吉」,信及 「利涉大川」,乘木舟虚」者,下兑爲澤, 小雅·魚麗》之詩蓋言萬物衆多也。 『利貞』,乃應乎天」者,夫天之道无所 共拯之,无危險,而不獲其濟。「中孚 正,无所不信,故冬至則陽氣應之,夏 居于其中,所涉无不濟矣。 節制之道,由中之信,施 上巽爲木,木在水上 一,舟之 是猶 爲

> 天下皆信之,是應乎天也。 无毫釐之差,是天地、陰陽、寒暑、晝夜、 日月皆有其信而不失其正,是天之不言 而能信萬物者也。今聖賢之人能推由 中之信,无偏黨之邪以取信于天下,使 平之信,无偏黨之邪以取信于天下,使 至則陰氣應之,寒暑代謝,日月往來,皆

至信之道也。 要信之道也。 是一, 物无不從, 猶君子之人以由中之 以緩死」者, 君子觀是之象, 以謂獄者, 繁獄之人, 就苦而告之, 以所死者不可 繁獄之人, 就苦而告之, 以所死者不可 以一, 就 是之象, 以謂獄者,

吉」,志未變也。 初九,虞吉,有它不燕。《象》曰:「初九,虞

與之爲燕樂也。 謂縱有它來從己者,己亦執心不變,不 正應、雖有二、三間之、而能虞度之,以 隔 應,裁量其情 始,上有六四 志專一,與四 變」者,此一爻居事之始,在兑之初,其 故得吉也。 三間隔己之應,是以 而變其志,自能虞度,終以 虞, 度也。 「有它不燕」者,初既 爲應,其志終不變易矣。 以孚信于己,不爲二、三間 爲之正 《象》曰「『虞吉」,志未 應,然中 初九能 樂 也。 至誠待之, 有九二、六 度 此 四之正 以四 居 党之 爲

願也。《象》曰:「其子和之」,中心與爾靡之。《象》曰:「其子和之」,中心九二,鳴鶴在陰,其子和之。我有好爵,吾

今九二 塞。 而 日 有 苟无信 一以剛 由中之信以及于下,上无其應。 夫信 陽之德居 實,雖 出 于 无 中,雖天 識之物亦不己從。 兑之體 地 ,在中孚之 亦 可以 充

> 願也。 感,上下和悦之至也。《象》曰「『其子 中 之」,中心願」者,言誠信之人願與 我有美好之爵與 相應,今得誠信而應之,是中心之所 爵,共天禄,而 下,上下自然以誠信相交,故與之共 靡之」者,言聖賢之人既以誠信達于 圃 下同類之人以孚信應之,若鳴鶴之在 无所私係,在三、 其子自然應 而不失其信,是 和。 无所離間。 四 爾共散之也,蓋 以 重 「我有好爵,吾 聲 陰之下,處 聞于 靡,散也,言 至 至 與 同 誠 于 暗 夫 陰 和 天 類 所 天

也。 者也。 義曰: 是以六三得其所敵,故曰「得 夫小 切近于四,四以 六三以陰 人 而 近 君 居陽,履 子, 則 陰 必 居陰,君子者 非 敵」。 陷于君子, 其 正,小人

子,則懼 无 地,反有所喜,故曰「或歌」。 守己薄責,不爲區區之行,不屑 必 三不中不正,所爲失道,而 易,非小人之所能勝,則反 「或罷」。 八校計, 雖 戰, (常也,故《象》曰「位不當也」。 欲害君子,君 則 且小人既不克勝,而 其 則小人獲 或 鼓 侵奪,故日 而 進,故 存 子執正 而 「或泣」。 日 得出 自 或鼓」。 道 强 罷 加 以 弱 得罪 敝 是 然君 憂 屑 无 喜之 見六 懼之 與 所 于君 故 然 小 子

匹亡」,絶類上也。 六四,月幾望,馬匹亡,无咎。《象》曰:「馬

義曰: 與日相望之時 居得其正,奉九 小人也。 陰柔居于内, 邦,得臣道之正也,如月之近望,光輝 月者,陰之體。 六四以陰柔之質居異順之體 也。 五之君,能 而六三以其不正,故爲 此一 卦惟六三、六四 望者,光魄 布德教以孚 盈 滿

> 人无間 其區 自 之尊,是自能以正道上應于五也 是獨行也,能下絕六三之類,上順 分,養成至德,故獲无咎也。 校、是以絶其羣類、上承于五、固 明 「馬匹亡」,絶 三所侵來與己争,然己得其正,犯 校分毫之利害。若以君子而與 君子守其道德以務遠者大者,不與 匹亡,无咎」者,匹謂匹耦, 1戒慎, 盛 品 编 以至 屑屑, 不自滿假,故曰 照 天 患害所及。今六四 下 則賢不肖混淆, 類上也」者,言匹 0 然 懼 招 「幾望」也。 君父之疑 羣 , 而 類 《象》 馬 也 君子 雖 加 守 而 爲 九 小 其 日 六 小 校 五 不

如」,位正當也。 九五,有孚攣如,无咎。《象》曰:「有孚攣

正之德,是有至誠至信之心發之于内而至尊之位,履正處中也。夫居尊而有中義曰: 攣者,牽攣之謂也。此九五居

上九,翰音登于天,貞凶。 通,是得爲君之道而獲吉,復何咎之有。 誠信奉于上。上下内外皆以 **F**, 以孿天 下之心,使天下之人 《象》曰:「翰音 誠信相 皆

登于天」,何可長也 爲所: 聞其 于天,邈然不見其形,杳然莫覩其迹,徒 其 也。 自内而 在 于人,殊 于人,而 曰 虚 久愈凶, 「何可長」者,言上九徒以 道觀之可謂凶矣,故曰「貞凶」。《象》 卦之上,居窮 、虚聲而已。 「貞凶」者,君子之人 今乃居无 作,必皆本其純誠、篤實、光大以 出,无純 外飾,以 无純 人亦以誠實奉之,此君子之謂 翰者、鳥羽之高 故 聖人 誠篤實之行。 實之地,任无誠之聲,以 矯 誠之心,篤 僞 極之地,是其誠 戒之曰: 爲尚,如 飛 實之道,徒 也。 虚聲外 以此而 鳥之飛 何 此 口 上 長 不 能 九 所 如 感 登

> 此。 蓋 欲 改 過 一、反誠 以信實爲本

## 小 過

小

過,

亨,利

貞。

미

小

事,不

可

大

事。 微,故聖賢之人以大才大德過越常分, 陽居内,二陰 次于中孚。然謂之小過者,蓋大過以 之,故受之以小過。」言聖賢君子有 外,二陽居内,是綱紀未甚隳壞,天下之 以救天下之大難。 矯天下之弊,使至平治 而不行,固當發之于外,以拯天下之失, 之信,至誠之道,則不以小人之所疑 震艮上 E : 飛鳥 少有差忒,故聖賢之人小小過行其 矯正之。 遺之音,不宜上,宜下,大吉。 按《序卦》云: 故若喪過乎哀,用過乎儉, 在外,本末皆弱, 今此小過以四陰 「有其信者必 而後已,故以 上下皆 由 此 四

迁

遠

无所濟矣。

「飛鳥遺之音」者、

情

反大過其事,不近于民,則

所爲

趨大中之道可也。

如當是時不

能

別附順

約附所爲, 之世,乘時藉位,矯過常分以正當時,不 已,則愈窮 迹,然又不可大過而愈上,若愈上 宜 迹,謂如 夫鳥之飛騰于空虚,但 可大越其事,遠于人情,必當附 于物,則得其 但使民由之,而不使知之也。「不宜上, 君子過越中道 mi 所棲止也。 不 得其所歸,故當下而 ~,矯正 聞其音而不見其 猶 而

晏子一

狐裘

而三十年是也。天下皆薄

也。

天下皆奢矣,嗇儉一己以矯之者

下之人一歸于大中之道而得亨通

天

推

至

一誠

之道

過

行小事,以矯

時之失

皆

小

有

所 過

也

亨者,夫聖賢之君既

也, 貞」,與時行也。柔得中,是以「小事」吉 宜下,大吉」,上逆而下順也。 有「飛鳥」之象焉。「飛鳥遺之音,不宜上 〈彖》曰: 剛失位 小過,小者過而 而 不中,是以「不可大事」也。 亨也。 過 以 「利

當小過之時,本末未至甚弱,政

教未至

然後利也。「可小事,不可大事」者,夫

妄,天下不能信服之矣,故當率己以正,

者,夫小過之時,非常行之時也,苟不以

而行之,所以勸進于中道

也。

「利貞」

不入于口者七日是

也。

蓋人情已弊,矯

于喪也,哀毀一身以矯之者,曾子水漿

至正之道,推至誠之心,則人于詭譎誕

甚頹,天下之事小有所差,君子

固

一當過

越而行其小小之事,以矯世勵俗,使復

義曰: 以小者之事過而行之,以矯一時之弊, 失,君子思欲拯濟之,不可大過其分,但 夫小過之時,天下之時小有過

下,大吉」者,夫鳥之飛翔雖不見其 然後獲吉也。 君子當小過 天下之弊, 近民心。 附 不

五

之卦 故 卦自 可也。 不得 三四四 之才居于内,柔 大事!」者,夫成大事、立大功必 事則吉也。「剛失位而不中,是以『不可 中,故曰 以『小事』吉」者,夫大過二、五皆以 其 則 居中,故不 者,夫君子 過以「利 分 H 大過其 宜,適權 後得亨也 有 中 中 四 加 雖有剛明之才德,而 ·, 故 飛 陽 ·孚而 行。 有一飛 可行大事,今小過二、五皆 在 貞」,與時 鳥 分而 所 不可 可大有 應變,一皆必出 約 外,二陰在 來,有飛 翰音之言。 爲 鳥」之象焉」者,按小過之 民中道,驅 行; 以行 過 觀 順之道行于外可 以 所 時 行也」。 「利 鳥 其大事,惟 爲,但小有 時之小 而 内,内虚 動: 之象者, 今小 貞」, 而 居失其位,行 「柔得 于正,故 弊, 納 過 時 與 之,隨 時行 而 之大弊 有剛 過 蓋 則 四 也, 陰 中 事 爲之 以 小 陽 也 在 孚 過 今 明 柔 居 日 事 渦

> 附 外,二 過行其事,以 依著,愈上則 吉」,上逆 則 也。 人情,亦宜 身可安,是下則順 陽在内,是 「飛鳥 而 下順」者、言飛鳥翔空、无 矯世 下而不宜 愈窮,是上則逆也; 遺之音,不宜 内 勵 俗 外 上也 也。 虚 一,故 民易從,必下 猶君子之人 上,宜下 有飛 下 鳥 附 所

乎恭,喪過乎哀,用過乎儉。《象》曰: 山上有雷,小過。 君子以行過

人居 義日 傲慢,君子則 是以過行小 是小過之象也。 之時,將以矯世勵俗,驅合于大中之道 矯 奢侈、君子則過儉以矯之。 之, : 喪過差, 故若天下之人有所行過差,而 夫雷者出于地,今反在山之上 若天 事 而 過 于身,使天下之人觀 下之人 恭 失于率易,君子則 君子當天下小有差弊 以矯之; 用 度過差, 是皆 若天 下之 ൬ 過 失 而 于 失 哀 化

之人過爲小事,以矯天下之大中也。

「口丁儿。初六,飛鳥以凶。《象》曰:「飛鳥以凶」,不

可如何也。

獲凶 制宜 无所 所容,以 「不可如 何」者,初六雖在 太過,所爲已甚,雖位在下而 之時不宜上,君子必須應機適 之下,然所應在四,故如飛 以明之。今初六一爻雖以柔 矯一時之失,正當 而己獨爲之,皆在于身,故取飛鳥之象 日: 一,附近于人情 也。《象》曰 附著,是以 何也」。 小過之時是君子過 罹 其凶, 凶 下,而已升至窮極 「飛鳥 將可 而後 也。 時之弊。 奈何 미 何則 以 也。 鳥 凶」,不可 衆所 . 哉? 行小 ? 志愈上,故 若其 之愈 而 居 蓋 事 不 所 隨 小 E 下 爲 行 无 加 事 渦 mi 桂

无咎。《象》曰:「不及其君」,臣不可過也。六二,過其祖,遇其妣,不及其君,遇其臣,

分則 下,使 大有所 之體,是所遇得 五也。 下,比于初,則爲過, 之世不可爲已甚之事,事爲已甚,則有 也。「不及其君,遇其臣,无咎」者,小過 以柔順處于内,故曰「過其祖,遇其妣 曰「「不及其君」,臣不可過」者,爲臣之 僭逼之嫌而罹其上逆之凶。蓋二 義 君,蓋爲臣之道,不可過 日 必奉君之職,而行臣之事,不敢及 今不敢過越其君以行事,正 一歸于中 臣、六二也。 爲,但小 祖 ,始也。 過 其分,故无 耳。今六二已過于初, 而合其宜 妣,在 夫小過之君子不可 比于五,則 越 内 咎也 也 一, 欲 也。 得 矯正天 君,六 爲不 在其

「從或戕之」,「凶」如何也。九三,弗過防之,從或戕之,凶。《象》曰:

正天下,不使小人得過也。今九三雖處義曰: 小過之時,蓋君子行大事以矯

得過 凶 剛 使 而 使近于己,則得禦小人之術。 應之則爲 人所戕,蓋 心常欲陷 上六之小 致 禍之來皆自取之也。 陽之位 也。 XI, 理已 「凶」如何」者,言既爲 將如之何哉? 9 害君子,惟君子預自防 小人之戕 不 」乖矣, 有 能 而 明 預 使之得 斷之質, 而況復從 防,以至優柔不斷,是 害必矣。 過。 《象》曰「『從 是不 然 反 夫 而 今三爲 能過防之 小人 應之 既 不 且 能 小 使 開,不 八所戕 乎? 人之 過 小 或 小 防

厲必戒」,終不可長也。貞。《象》曰:「弗過遇之」,位不當也。「往九四,无咎,弗過遇之,往厲必戒,勿用永

其 道 義 日 六,是能下附 也。 之」者,言小過之時 . 小過之時,不 今九四 人情 1雖位 故 上 宜 得无 桂 上,宜 ,事小有差,君 之下 答也。 下, 前 應 則 「弗 得 于

> 六五,密雲不雨,自我西郊,公弋取 不肖皆 子宜 義 其道 陰居陽, 厲之災,必須戒慎之,不可用此爲 是不可往 貞正之道。 小過之事 而 四 《象》曰:「密雲不雨」,已上也。 日 不 以 也 至 過 陽 已 可 行 居 履 小過之時,小者過也。 甚。 企 而過也。 「往厲必戒,勿用 切近人情,但矯正風 而 陰 于至尊,是小者過而 此蓋聖人戒慎丁寧之辭 而 矯 雖 而下附人情,使天 及之,是弗爲 正之, 不 若往而不已,將致危 得 乃權 正 一, 是 時之 永貞」者,言 過 能 宜 甚 過 俗 得中, 六 行 下之愚 而 也 而 永長 彼 五. 遇 其 也。 在 以 得 事

能 過 何 位,是陰雖 爲 之主也。 則 ? 則相蒸 雨 澤施 夫 極 薄 雨 然 于下,但 而 而 者,陽氣 以柔居剛,又 德 爲 未盛,其 雨 爲 上騰, 今陽 西 郊 惠未行,故 艮止于下 密雲而已。 陰 履 能 至 一尊之 固 止 不

以柔 伏而 陽以 陽氣已止于下,故不雨也。 也。 猶聖賢雖過行其事,意在矯下也。 以不雨也。 已上」者,「上」當爲「止」,傳寫之誤。言 可爲公之事也。《象》曰「「密雲不雨」, 取 不 一,陽止而不雨哉? 彼 郊 升 而 而 弋者,所以射 在下也。公以弋繳而取穴中之物, 也 在穴」、言六五之陰極盛、故稱公 通,是以不能 處 交于陰,則 至尊之位,无剛陽之德,故止 西郊,謂 陰 高也。穴者,所以隱 陰之正 爲 氣 蓋陽艮止于下,所 雨 雖强 而 位 豈有陰盛于 雲 盛 也。 徒 于上 密 「公弋 然五 而 无

《象》曰:「弗遇過之」,已亢也。上六,弗遇過之,飛鳥離之,凶,是謂災眚。

不知所止,上而愈无所適,以至窮極而是亢極之甚而无所遇也。若鳥之高翔,義曰。 上六一爻過而不已,不知所止,

故外來之災,自招之告,皆有之也。猶人之過而不已,不近人情,亢己而行,離于凶禍,不能反于下,以圖其所安。

## 既濟

靈皆濟 義曰: 小過 皆已修 能 坎 離 上下 食皆已實足,君臣上下皆已和正,軍旅 教化已行,德澤已著,人情已安,倉廩衣 故受之以既濟。」既,盡也。 彖》曰「小者,亨也」,此當曰「小亨」, 過行 既 得 也 其 既 濟 練,四 所, 也。 于治,无所不 其 濟,亨小,利貞,初吉終亂 按《序卦》云:「有過物者必濟 事, 然既濟者,是聖賢功業已成 至至纖 夷皆已賓服,无一民一物 以矯天下之失,使天下生 亨小」者,傳寫之誤。 至悉皆得通濟,故 通,此既濟所以 言聖賢君子 次

初,而 形 之君蓋生于康樂、故多忽。 文、景之初,而 則 弊,治或永 其傳之子孫,流之後裔,則 得 故 創業之主蓋 重器,以 兢慎持,惟 下之始治。 无所不利也。「初吉終亂」者,初,謂 則逸豫怠惰之心生,而放恣邪惡之事 者,言天下既濟之後,或不守之以 面 亂 不思危,居 其所濟而亨通,況其大者乎。 既 上下、遠 濟 也 至罹于凶禍矣,故必長守正 亂 之時 至顛敗 于 至如 加 近、 恐有失,故 昭、穆之後; 夫天下既治,惟君子爲能兢 得 朝 存 多闕,以至 亂于武、元之後。 纖 于 廷 周 覆隕,皆 而 悉、微隱 已 憂勤,故多吉, 治于文、武、成、康之 不思亡,不念祖 盡 其 正 由 逸 始則吉也。 漢治于高祖 教化 此 至 豫怠惰,居安 聖人特于此 事 小 漸,是其終 或久 之物 己 「利貞」 以 道 Œ 盡 宗之 而 是知 守成 一,則 道 行 天 多

> 安慮 言之者 傾 危 危 也。 在 將 治思 以 爲 亂 萬 而 世守成之戒, 豫爲之備,不 使 ·使至 之 居

「終」止則「亂」,其道窮也。剛柔正而位當也。「初吉」,柔得中也。《彖》曰:「既濟,亨」,小者亨也。「利貞」,

陰居 流, 喻矣。 正。 草木无知之物,仁尚及之,他則不言 者 貞」,剛柔正 雖物之至微至細者,亦皆遂其 父、子子、夫夫、婦婦、兄兄、弟弟各得 日 可知矣。 則中國爲中國,夷狄爲夷狄,不相揉 貴賤長幼各得其序,君君、臣臣、 人情皆得其安而教化大行矣。 施之人事,則是 陰,九三、九五 : 以 既 此 濟者,天下之物无 ൬ 如《行葦》之詩仁及草 知 位當」者,言六二、六 聖賢 功業已成,德 以陽居陽,皆得 君 子小人各得 所 不 -木,夫 濟 澤 四 「利 則 其 其 以 而 大

既 此聖人深戒之辭。 至矣,故曰「『終」止則「亂」,其道窮也」。 苟止于逸樂,不自省懼,以爲終安,亂斯 之道,當須至兢至慎,然後可以久濟。 其正,在下卦之中,居離 德,然後能 所 亂,而天下萬 其安,萬務易墮,禍患不警,故持盈守成 于憂勤而死于安樂。 「『終』止則『亂」,其道窮也」者,夫民 柔中正文明之道以濟 「「初吉」,柔得中也」者,謂 濟之時,天下之民物,國家之教化,无 不濟,蓋在上 致 事无所不濟,无所不利 也。 者有中正之道,文明之 六二以陰居陰,不失 天下久治,則人苟 天下,故曰吉也。 明之體 六二也。 ,是得寬 生

而豫防之。《象》曰: 水在火上,既濟。君子以思患

性不相人,然相資而成功,有烹飪之利義曰: 坎上爲水,離下爲火。水火之

思 以 常戒慎,則可以久于既濟矣。 之備,居安思危,居存思亡,動作語 治安,君子宜深思遠慮,豫爲之防, 患 濟 而 于用,故得 豫防之」者,既濟 既 濟之象也。「君 之時,天下 曲 既 子 爲 以

其輪」,義无咎也。初九,曳其輪,濡其尾,无咎。《象》曰:「曳

尾。 也。 義曰: 輪」,義 天下之憂,欲 深冒于難,終得无咎也。 往,欲行之速,故至于摇 于安平,是以 思慮,經營心志,欲濟天下之患難,使 卦之始,是天下之未濟 濟之初,盡心竭力,不顧險難,但 雖然曳輪 聖賢處此之時,當此之責,則 无 夫既濟由未濟 咎」者,言初九 濟天 不顧險難之在前,衝 濡尾,其心无他,蓋 下之患 丽 曳其 而 《象》曰 以 來。 難 險難之未 剛 輪 而 健 初 二。曳其 之德居 九 故 能 焦 潤 冒 居 平 绺 其 而

如是,則于義自然无咎矣。濟爲心,故至于搖曳其輪,濡潤其尾。

「七日得」,以中道也。六二,婦喪其茀,勿逐,七日得。《象》曰:

之矣。 民大和 義曰: 婦之象也。 綱未墮,上下方盛,當此之時,雖有小人 正不回,則不待捕逐,凡七日之間自得 不容之也。 而志不 以柔弱之質,故必爲他人之所侵。 所以爲容也。 「勿逐,七日得」者,夫既濟之時,天下之 二則險阻已平,治道已成,萬事莫不 一能執 然此爻介于初九、九三之間,而 是猶天下新治,民已見太平,紀 ,雖有邪佞之人處于其間,終亦 ·可奪,故所喪者但 中道,持正不變,所應專在九五, 六二當既濟之時,處下卦之内, 故六二始雖喪茀,然己能執 茀者,首飾也。婦之有茀, 按初爻則天下未甚濟,至 喪其首飾也。 又

《象》曰:「三年克之」,憊也。九三,高宗伐鬼方,三年克之,小人勿用。

也。 絶,王道衰微,綱紀將頹,逮乎高宗能 高宗以明之。言昔商運之衰, 復先王之業,而起中興之治,故聖人 猶人君不能持盈 爲日,日之過中,明則衰矣。 義曰: 復商家之衰運,纘成基業,以致太平之 于衰亂也。 然必伐鬼方者,蓋衰亂之後必有幽 九三處下卦之上,當離明之極。 高宗,商之賢王也。鬼方,遠方 然當是時,必有聖賢之君恢 以 傾 覆祖先之業,而 施之人事, 禮 樂 廢 取 興 至

民。 亂 之,其力猶憊,況用小人乎? 平之功,必用賢明之士,然後功業 然後克勝之也。「小人勿用」者,夫復 也,故戒之勿用 不 矣。況中興之際,其勢衰弱, 然威服之道不可速成,故須三年, 賓之人,故當 此小人也 用 師伐罪, 以 是愈益 君子居 安定其 有 于 所 太

遠

六四,繻有衣袽,終日戒。《象》曰: 終日

戒」,有所疑也。

濟之時 豫怠 義曰: 當其教化之流行,仁義之洽浹,无所不 之道 也。 破敝也。今六四以陰柔之質居得其正, 既濟之時,居坎險之地,是猶繻有 服 惰 起 ,久而必有弊敗。 夫九三當衰亂之後,而復能以 也。 中興之治,此六四當已治之時 繻者,盛美之服 則 傾覆之患復至矣,如盛 若人君不得持盈守成,而逸 故居上者處 也。 袽者,衣之 至盛 美之 剛明 袽

> 之時, 者,言六四 間,兢兢戒慎 危故也。 自疑,恐其事久必壞,治久必亂,安久必 之務,必有先見之幾,察事于未兆,故當 慎如此者,蓋能通天下之志,欲成天下 戒之也。 安泰而有磐石之固 知 `《象》曰「『終日戒」,有所 其必 雖居坎險之下,而能終日 ,常以弊敗爲 有 傾覆在後,故 也。 故聖人于此深 慮 則 當 可以永 終 日之 疑 戒

九五 福。 也。 「實受其福」,吉大來也 《象》曰: ,東鄰殺牛,不如西鄰之禴祭,實受其 東鄰殺牛,不如西

義曰: 道 東西言之? 言西鄰。 紂居東都,故言東鄰。 東鄰」、「西鄰」者,取文王與紂之事也 ,邦國凌遲,所存者位號也。 此一爻,聖人深切戒慎之辭。 紂, 蓋紂繼世有天下而暴虐无 君也。 文王,臣 文王居岐 也。 文王身 Щ 何 一,故

物,不 之薄也 雖甚 之,蓋 以時而瀆其神,雖豐不享; 吉大來也」者,言以至誠 日 薦于鬼神,然有至 牢以享于鬼神, 雖 不惟慶及一時之身,且將延及其來系, 在德不在 前,故神亦 稱之也。 其二以歸之,是有君民之德,故以鄰 吉大來也。 「東鄰殺牛,不如西鄰之時」者,祭不 一薄約, 臣 如文王之得時也。「「實受其福」, 一以誠 而 物、鬼神享德不享味也。 言紂雖在上以豐盛之祭,殺 功德 夫牛者,祭之豐也。 不享, 實受福 福斯受矣。 已被天下,故三分天 然无至 誠馨香之德,神 也。 文 王 是以商 以是觀之,人君 而享其福禄, 誠 雖 以 祭得其時, 德 薄 約 約 充 《象》 雖 .則享 之祭 塞 下 盡 則 干 大 國

何可 上六,濡其首,厲。 久也? Ĕ 「濡其首,厲」,

> 《象》曰「「濡其首,厲」,何可久」者,言上六 亡不遠,故當翻然而警惕。 當既濟之終反于未濟,至于濡没其首,危 安不 剛,居物之上,其道窮極,至于衰亂也。 義日 久如此乎? 溺其首,是危厲之極也,皆由治不思亂 故天下之事 上六處既濟之終,位在一卦之外,以柔乘 慮 危,以 物盛則衰 傾敗而不能支,如涉險而 故曰「何可久也」。 至窮 4,治極 極 而反于未 必 亂, 理之常 圃 濟 何 濡 田

## 未 濟

利。 離坎上下 未 亨, 小 狐 沱 濟, 濡 其 尾, 无

攸

受之以 上者不 義日 : 未濟。 能持盈守成,以至窮極而无所通 按《序卦》云:「物不 終焉。」 蓋 言既 可 濟 窮 之後,在 也, 故 阻

之在前,奮然往

而濟之,則

可以立大

之人與之戮力同心,一志畢慮,不

顧

險

聖

一賢

功,欲拯天下之難,必藉大才大德

以人事言之,猶天下未濟,欲興

太平之

于

濟,然勢力微小,必至

濡溺其

尾

性、善涉水者也、然以小者渡之、雖

濡其尾,无

攸利」者, 汔者, 幾也。

狐之

幾至

物各得其濟

而

獲亨通

也。

「小狐汔濟,

朝廷正,然後正

天下,必使天下人民

事

、于既 而爲 濟 未 也。 不思其 濟 濟之 也。 此 桂 謂之未 危 後 生,是以 自自 恃治 治 既 平 濟 濡 面 水,雖 之,欲 勳,圖 火也。 難 也。

道 濟,使民心之安,教化之興,宜 者,是天下法度敗壞,教化不興,故曰 其首,反既 不思其亂,逸樂不已,亂所由 久,人心怠忽,恃安而 六而來,明 故 拯救之,是必先正其身,然後正 亨者,聖賢 以 此 天 次 濟 下之事既 君子當是時 欲 以仁 復 朝廷, 一義之 有所 未 濟

> 僅至于濟,不免濡溺,无 濟天下之險阻,是猶 大業,拔 苟以小才小 天下 ·德、位卑 於困 厄, 小 勢 出 所 狐 寡之 天 之 利 下 涉 于 于水 人 淵 拯

終也。 濟」,未出 ★ 一、「未濟,亨」,柔得 雖不當位 中也。 ,剛柔應也 濡 其 (尾,无 中也。 攸 利 小 , 不續 狐汔

義曰: 難之中矣。 濟」,未出 天下之事,所 者,以居上者所爲有過,不得中道所 小才涼德之人欲 者往涉于水,其力微弱,未必能濟, 委任九二剛明之臣 也。今六五能以柔順之質履 ,小狐之涉水雖幾及其濟,然以力弱不 柔,謂 中也」者,下坎爲險,以狐之小 「濡其尾、无攸 以獲其亨通也。 六五也。 濟險涉難,必不能 與之同心竭力,共 言未 利」,不續終 濟 大中之位 二小狐 之所 出 猶以 以然 由 汔 險 濟 來

相應。 也。 之濟 應,則可以共濟天下也。 皆不當位。 民于塗炭,不能卒有所成,故曰「不 四以陽居陰,六三、六五以陰居陽,所處 自 難,其 奮 「雖不當位,剛柔應」者,言九 施之人事,猶君臣同心戮力 ,故致濡尾,不能終濟也 勢弱,其 位雖不當,然上下二體 才薄,終无餘 0 力 亦 二、九 而 剛 續 以 如 相 柔 拯

物居方。《象》曰: 火在水上,未濟。君子以慎辨

義曰: 所,則賢爲賢,愚爲 審其事,明辨于物,使各居其 以有未濟之象。 君子因此之象,則當 火上之義也。 一既濟。 明,各安其分,不相 ,水自就下,水火相戾 夫水火相資,然後能 今此二體火上水下,火自炎 愚,貴貴,賤賤,法 踰越、蓋取諸 而不能 方,皆遂其 濟于物, 相資,是 水 度 故

不知極也。初六,濡其尾,吝。《象》曰:「濡其尾」,亦

知其 質居一卦之下,處坎險之底,且欲拯 蓋 夫以薄才,當未濟之時求安其身,猶未 德,反自取禍于躬,以至濡 下之難,除天下之害, 火者,非大才大德之君子,有可致之資 義 尾」,亦不 可致之勢,固不能也。今初六以柔弱之 ·小狐汔濟,濡其尾。」言力不能濟,反自 其 E : 不量己才分,而不知道之極也 害,誠 可也,況欲濟天下乎? 欲 知 濟天 可鄙吝也。 極」者,言初所以 下之險難,拔生靈 謂不量力,不度 《象》曰「『濡其 溺其尾也。 濡 故彖曰: 溺 一于水 天

吉」,中以行正也。 九二,曳其輪,貞吉。《象》曰: 九二「貞

非剛明才德之君子未知其可也。今九義曰: 夫欲泰天下之否,解天下之蹇,

吉」,中以行正」者,言二本非正,以其有 雖摇曳其輪、盡力而退、固无咎 坎險 二以 吉」者,爲其以陽居陰,所處非正,然己 經綸當世之治,以勞賚安定天下之民 而行,則吉可知矣。《象》曰「九二」「貞 有濟難之力,苟能用大中之道,由大正 中之德,可以行正道而獲吉也 于己,與己同心戮力,往拯 ()然所 剛明之才德居大中之位,雖未 應在 五 五 五 又以 柔 天下之危 順 也。「貞 之道信 出 干

任

六三,未濟,征凶。 未濟,征凶」,位不當也。 利涉大川。《象》 曰:

IE

義曰: 進 未濟,如之何其可乎? 身且 身在坎險、欲拯 是不正懦弱之人也。以不正 川」者,蓋六三下近九二剛明中正之 救天下,是窮 六三以陰居陽,又在 凶之道 天下之患難,濟 也。 然 不正,反欲 懦弱之人, 坎險之極, 云 天下之 「利 涉

九四,貞吉,悔亡。震用伐鬼方,三年有賞 于大國。《象》曰:「貞吉,悔亡」,志行也。 成績 紀綱久 竭力盡 其酬 也。 義曰: 明之位,是能用其威震,興 鬼方,三年有賞于大國」者,震,謂威震 是以有悔。 間 三年,然後有功 則悔可亡,故曰「貞吉,悔亡」。「震用伐 于險難,故曰 有剛陽之才。然以 人,上比九四 伐鬼方」,而曰「高宗」,此但言「震 而 也。 當未濟之世,風俗久瀉,典章久墜, 功報勞,以大國 能 闕,而九四有剛 心以附順于上,以興天下之衰 依附之,則 九四出坎險之中,居離之位,是 然按 苟能守正而上承六五之君 「利涉大川」也。 興衰撥亂之臣 既濟 7,使復 可 陽居陰,所履不正 之卦,在 以 而 于 獲安 賞之,所以 明之才,又居 既 濟 師動衆,亦須 加 ,處二、四之 ,故聖人 九三亦言 不 至 寵 溺 重 其 身

行其救難之志也。 天下,故能以剛明之才德,大正之道,施天下,故能以剛明之才德,大正之道,施興衰之臣也。《象》曰「『貞吉,悔亡」,志興衰之臣也。《象》曰「『貞吉,悔亡」,志

《象》曰:「君子之光」,其暉吉也。六五,貞吉,无悔。君子之光,有孚,吉。

義曰: 共治天下,當絶疑忌之心,以信相待,則 五 君子光顯之德也。「有孚,吉」者,言六 者,以柔順文明之道 「「君子之光」,其暉吉」者,六五之君能 慮,與天下興利除害,致 正,然後得吉而无悔也。「君子之光」也 主也。然以陰居陽,本亦有悔,故必 治之 以柔順之質委任 二剛明之臣,與之同心戮力,一志畢 功畢 六五以柔順位于至尊,未濟之 m 終獲其 九二剛明之臣,與之 所行得中,且下應 吉 天下于既濟, 也。 《象》 守

> 是。《象》曰:「飲酒」,「濡首」,亦不知節也。 上九,有孚于飲酒,无咎。濡其首,有孚,失 是」。 義曰: 以无爲而治,不勞聰明,委信于臣,而飲 綱紀已振,教化已洽,法令已備,故己 明之臣,使既濟之道已成,至于上九則 子光暉之用无所 以柔接物,以信遇臣, 信之道,取 首,有孚,失是」者,夫安不可恃,樂不 食宴樂以相和悦,所以无咎也。 壞浸潤之禍,至于濡溺其首,蓋 極,任臣 此聖人深戒之辭也。 夫六五柔順之主能下接九二剛 不可以不察,如是則有苟簡 不節之嗟,故 不至,而獲其吉也。 興天下之治,是 曰「有孚,失 失其所 「濡其 敗 可 口 君

周易口義卷十

## 周 易 口義卷十

胡瑗

宋

上

《周易》言「繫辭」者,按《周易》始于 子復作「十翼」以釋之,欲使後世之人可 易曉,則于常常之人固難知矣,是故 辭義深遠,其理精微,至淵至奧,不可 不備載,雖有爻彖之辭以解釋之,然其 周公作其爻辭,以釋逐爻之義。然而 義,曲盡天地之道,總包萬事之宜,而 人作卦,其道至大,以至纖至悉之事无 爲 達聖人之淵奥,知聖人之行事也。 四卦,又作卦下之彖辭以解釋一 八卦,至于文王定爲六爻, 演 卦之 伏羲 爲 孔 聖 又

凡十二章: 文而 《雜卦》以辨衆 之德業; 奥,人事之終始, 爲第三章,「精氣爲物」爲第四章,「顯諸 以解周公之爻解, 《彖》以解文王卦下之辭,《大象》以釋 《繫》、《説卦》、《序卦》、《雜卦》。 《大象》、《 謂「十翼」之名者,曰上《彖》、下《彖 仁,藏諸用」爲第五章,「聖人有以見天 人設卦觀象」爲二章,「彖者,言乎其象」 而下至篇末分十一章,各列于後,今隨 夫子「十翼」之中第六翼,自「天尊地卑」 一卦之理。此《繫辭》以統言天地之淵 十翼」,以釋六十四 卦之名義; 解之。 《序卦》以序六十四之次叙; 小 然按先儒周氏云,上《繫辭 象》、《文言》、上《繫》、下 自「天尊地卑」爲一章,「聖 《小象》分于六爻之下, 卦之錯雜。 《説卦》以陳説八卦 《文言》以文釋乾坤 卦之義。 此上《繫》是 上、下 凡 此

辭 屬 章,以「大衍之數」并「知變化之道」共爲 十章,「是故易有聖人」爲第十一章,「子 變化之道」爲第九章,「天一地二」爲第 第七章,「大衍之數」爲第八章,「子曰 而別解之。 日 繋辭 焉 .書不盡言」爲第十二章。 虞飜分一 其 章取之。 之蹟」爲第六章,「初六 以 解 焉以 ,故謂之「繫辭」也。 盡其言」,是繫者取 于爻卦之下,故此篇 斷其吉凶」,第十二章云「繫 然分義之段數未盡 然「繫辭」有二説,是聖人繫 藉 其繫屬 用 第六章云 白 意,隨文 「茅」 爲 知

天尊地卑 乾坤定矣。

義曰: 判 也 其 坤定矣」而下至「天下之理得,而成 中矣」爲一章,以釋聖人 混元廓開,而萬物之情皆生于其間。 夫易之所始,始於 此言天地之道者也。 天 地 法天地之義 自 天 此 地之 位 乎

> 也。 地 理、萬品之類皆自乾坤爲始,故 尊卑既分,則乾 於下而爲卑。 既 地爲乾坤之象,乾坤爲天地之用。 萬物,大无不包,細 爲剛柔,是以交錯,以至生成萬物,覆載 氣,積於上而爲尊; 觀 柔陰居下而有卑下之分。二氣始交,分 之理,以盡乾、坤、水、火、風、雷、山、澤 卦,以類萬物之情,以盡天地之道、人事 之象,是《易》之卦始於天地者也。 天尊地卑」者,何也? 尊卑也 萬 于天文,俯以察 然 物之情皆生于其間,是故 則首言天地尊卑者、蓋 剛陽居上而有尊高之象。 坤之位 于地理,于是 无不有其形狀,故 地以積陰之氣居 因 夫天是純 而 可 空人 萬 先 以 畫 天地 然則 陽之 事 制 爲 仰 之 定 以

卑高以陳,貴賤位矣。

日 卑者,謂地體卑下。 高者,

皆自高 如是无高卑之分位矣。 卑、君臣、父子、夫婦、長幼不得其序,夫 處 子、夫婦、長幼皆有其分位矣。 若卑 體 之情皆 「爻各有 卑,高不處高,上下錯亂,則貴賤、尊 高 上 ,卑之位既陳,然後從而定矣。 在 貴 夫天地卑高 其 , 賤高卑之位, 是以君臣、 中,故六十四 既 定 故此貴 卦、三百八 則 人 事 賤之分 萬 父 不 物

動静有常,剛柔斷矣。

以柔 居於 常理 納 夫君 有常 萬 義 則 物 日 剛 其 下 則 各 陰 善 以 柔之分可 則剛 爲 有 而 剛 居於下 夫天以 君 柔。 徳居 常度,動 静。 柔 聽 미 之。 動静既 以斷矣。 則 於上,爲 君出其 剛陽居於上則爲 以斷矣。 爲静。 君臣 而 有常則 有 令而 動 若 常分,生成各有 動 天地之道 以人事言之, 静 動 爲 既 臣行之,臣 而 臣以柔道 剛,静 不常, 有常 動 生 成 而 地

> 經雖 静 夫 剛 如 也 消 論 是 不 成 天地之性,然亦兼總萬物之動 則剛 柔 静 不 而 可以 不常, 斷定 則 也 柔 道 然則此 不 立

方以類聚,物以羣分,吉 者爲 隨其類族矣。 以 爲士者則以 道 方者,道也。 義 族黨,爲 以君子爲 子小人各從其類, 吉凶生矣」者,夫上言「方以類聚 其 商 木、巖穴之物各從 同 日 羣 爲 : 於己者 類聚, ,走者則以 類 工者 此 朋 而 已下言聖人 偶,小 士爲同 爲 則 則 夫君 是皆以 「物以羣分」者,上既言 黨 相 以 也。 走 此 推 人 子之人同 I 道 其 者 又言萬品之物亦各 同道 爲 則以 愐 X ,爲農者則以農 至如飛 爲 羣,各從其 類聚之。 同 生矣。 法天地之象 羣, 道,爲商 小人 爲 道 之共處, 以至昆 者 爲類黨 丽 則 君子則 分也。 者 以 也 桁 飛 君 貝川 爲

則凶 非 所同,則吉是以生焉。 若乖 吉凶 術者則爲吉,非 同於君子之人則吉,小人人於君子之黨 類者也。 生 了是吉凶之道生於非類,无所分别。 其所趣,則 於異 此 言 類,善 「吉凶生矣」者, 其類 X 惡 一是以 者則 由 是吉凶之道 夫 生焉; 爲 影 N<sub>o</sub> 何 哉? 若君子 若 同 [順其 生於 道 齊 夫

在天成象,在地成形,變化見矣。 既言 化 之理,自 則 天者,則爲 草木也。 義日 見矣」者 有全體 爲草木 地 . 「在天成象,在地成形」,此復言「變 以柔陰之氣在於下而承天。 然 象,謂日月星辰也。形,謂 夫天 而化者,有久大而化者,有 ,何哉? 而 日月星辰之象。 ]1] 然也。 之形。 以剛陽之氣居於上 蓋 「變化見矣」者,上 是天地之道,生成 天地之道生成之 在於地者, 一而生 在於 Щ 111

> 然 能 究 而 八其實 化 者 但 [知其自: 變萬 化,皆有形象, [然而 然 也 ൬ 莫

是 卦 地之間 陰 故 桂 爻位 體法於陰陽,剛則爲陽爻,柔則爲陰位 理得矣。夫八卦之始本於天地,剛柔二 剛柔互相 則反 也。 下降,地 也。 相 日 剛 五 相錯 而 : 柔 推盪於天地之間,所以 夫天本在上,地本 爲陽、陽剛 相摩,八 此 月,一陰生 氣上騰,陽 雜,然後以成八卦,推 若十一月,一陽生 切 已下明天 摩,更相變化,然後 土 相 而陰柔,陰消 極 一 盪 地 則變而 推去 在 陰 下。 陽 一陽。 成 相 而推 爲陰,陰 於六十四 及夫天氣 推 加 盪 萬物之 盪 陽伏 去一 於天 之 極 事

鼓之以雷霆,潤之以風雨。

激搏,則其聲爲雷。霆者,怒雷則謂之義曰: 鼓者,動也。雷者,陰陽二氣相

此至「一 其 巽風、坎雨,使天下之物无 及 者是生成之氣,能滋生於萬物,故亦言 天地之道也。然而 事之理。 地二氣相盪 潤 「剛柔相摩,八卦相盪」之事也。 也 風 所以生萬 寒 又鼓之以 而成 暑」,重明上文「變化 八卦之象,相推 物, 風亦言其 震 雨 雷、離電,滋潤 所 以 不遂 潤 潤 者、蓋 動 其性者 m 見矣」 植 夫天 成萬 也 風 U

日月運行,一寒一暑。

夜,以 義曰: 以月 地之道也。 之氣也。夫天地之道生成 云乾、坤、艮、兑者、蓋乾、坤之道上下備 雷霆,又滋潤以 一而照 寒者,是純陰之氣。 成寒暑之候,以盡生成之功者,天 日者,太陽之精。 臨之。 然而直 及夫日月 風雨,以 云 震、巽、離、坎,不 運 日 暑者,是純 萬 月者,太陰之 行 物、既鼓 加 煦育之。 ,以成晝 陽 動

> 其義焉 言,艮、兑非鼓動 其實,亦 雷 電 風 雨 運行之體,故不言之。 出 於山 澤,故 亦兼包

乾 道 成男,坤道 成女。

成也。 道也。 故 純陰在 因 子,爲婦,爲少。 爲長,爲上。坤自然而爲女,則爲臣,爲 居於下,則爲卑。二氣交感以生萬 夫柔順。 日 有男女之象。 陰 而 得爲男,坤因陽 下,故爲坤。 夫天以 道 乾自然而爲男,則爲君,爲父, 者,自然而生 純陽 乾居於上,則爲尊。 然則坤必言成者,蓋 在 乾主乎剛健,坤主 上,故 mj 也,此言乾 得爲女,故言 爲乾。 坤之 地 乾 坤

乾 知大始,

之時也。 義曰:「大始」者,是陰陽始判,萬物未 之氣在於上,故萬物莫不始其氣 乾者,天之用 也。 夫乾 而生, 天陽 生

三四二

无形 生、卵化、蠕飛、動 不 秋 一,而 假 實,冬藏。 其 入於有形也。 氣 而 成 0 躍 承 得 其 其 氣 是乾知大始起 生者, m 成 者 春 英, 則 於 胎 夏

坤作成物。

之物也。 爲。 於天 義 不育,是乾始於 「作」者,蓋 日 : 陽之氣 故乾言「知」, 物之形狀也。 坤能 坤者,是 夫地 承 乾之生 以 於 以 生 天 无 純 地 萬 而 氣 物 形 之形 陰 物 坤 已成之物事 起 而 之 言「作」也。 乾言「知 於 无所 坤 氣 也 无 能 在 形,未 載之,以 不 於 物 載, 者 下 , 有營 坤 无 可 萬 所 品

乾以易知,坤以簡能。

義曰 之生物假天之氣, 是自然而 言而 夫 然者 四 、乾之生 時 也。 自 行,不勞 其道 物 「坤以簡 本 亦 於 簡 而 能」者,夫坤 略 氣, 萬 物自遂 其 其 八用省 道 簡

> 爲易知; 能 默 能 能承陽之氣以 在上,坤道在下。 IIII 「易知」,坤言「簡能」者,何 知其時,下降而 物 而 也。 不須煩勞,故乾言「易知」, 自遂、是自然 已, 若夫生成之道於 不 若於事煩勞,則 假 煩 作成萬物之形狀 勞 生之,坤道 萬 脯 而 然 物始於 物 者也 自 物 不 生 也 爲簡 艱 无 ? 在 不 難 坤言「 形, ,其道 於下 蓋 假 則 則不 乾 加 乾 施 也。 凝 乾 體 言 爲

易則易知,簡則易從。

勞而 之道,寂 義 知 萬 也 生靈之主,天下之事固 及夫四時之代 也。 事之要目, ,然而必當法 日 自然者也 「簡 然不 此 復 則 見 说 則天下之道亦自然簡 易從」者,復解上「坤 謝,萬 其 上「乾 此 夫人君 (用, 杳 乾 道簡 物之生殺,不待 以 不可 居 然 易 易之德, 兆 知」也 而 以一言而 民之上,爲 不 知 其爲, 以簡 易 以 夫天 總 煩 而 盡

梁棟,作士民之冠冕,必當法此地 下,簡其萬事之要,則天下可易從矣。 簡易,承君之命,宣君之化,敷布於天 各遂其性 萬物,不在 也也 0 夫地以 者也。 煩 绺 純陰之氣上承 夫爲臣之道,爲 而 自 然簡易,天 於天 國 下 道之 家之 以 之 物 生

易知則有親,易從則有功。

義曰: 理 事易從,不在冗屑,而其功易成也。 命,行君之事,不在繁冗,使天下之人於 功」者、言人臣之道法此 下,昭蘇萬有,養育萬民。 道,簡其萬事之要,不假繁冗 下之人皆悦 性性在 也。 親者,親比 此二句論聖賢法此乾坤簡 廣 其 而親 仁義生成之道以 比 也。 之也。 言聖人法 地道,奉君之 夫如是,則 「易從 屑 及 屑 於天 則 於治 此 易之 有 天 天

有親則可久,

義曰: 此二句論人法乾坤久而益大

言聖 也。 世。天下之人既親比之久而不朽,此聖 情,成其至道之要,施之无窮,傳之萬 一人既 物 既 和 能 親,无 法 天之生物,順 相殘 害,故 其 町 (萬 久也。 物之

有功則可大。

人之道至大者也。

成其功業,至大至廣,使人易從。 爲臣之道既能法地之道,承事其君,以義曰: 事業有功,則積漸可大。此言

可久則賢人之德,

可 大則賢人之業。 義曰: 使天下之人不可名狀,以成其德也。 心積慮,法天地簡易之德,以生養天下, 照臨之迹者,聖人之功 顯諸仁,藏諸用,若日月之照臨 浩然其神之所 義,地之所以載 夫天之所以 爲者,天 而不 覆 知所 也。 地之功也。 而 不 以 ·知所 然聖人之操 載之理、浩 丽 以 不 覆之 知

之業 其功不 也? 行 之理 之无 也。 以法天之簡易 之道,順從於人以成其 言業,何也? 之,則聖人固 不言聖人而 後世之人止 以至昆蟲草木皆蒙其澤,无所不燭,故 事,施其德澤以滋生於天 成久大之功業,垂之萬 人之業也。 日 也。 事皆稟君上之命 以承君之命,行君之事,執其柔順 不 夫爲臣之道 此聖人垂教之法也。 載 可以形 然此 此言賢 故稱曰 謂聖人可以 言 然則,此聖 可 蓋聖 而 不言聖人 賢 狀,如天之无 知 人之分, 行 人也。 也 既 德。 事以 人代天理 能 而 爲臣 功。 世 法 生 人言德 而 法天之行 可 且賢 則 下, 地 뻾 以 成於天下 言賢人 言賢 見所爲 不覆, 之簡 之道,法 物、法 形狀,故 然出一令、 不 順其物情 人尚可 ·朽,此 爲 人亦 八者, 如 天行 之 臣 可 何 謂 地 地 者 督 洂

> 易 簡 而 天 下 之理得矣。

爲 尊卑貴賤,各得其分。 功,使天下之人,天下之物,長幼上下, 勞,發號 義 而治,聖人之理得矣。 日 言 施 聖 令,廣 人既能 布德 從 澤,以 如 其 此,則天下无 簡 成天 不 下之 在 煩

天下之理得,而成位乎其中矣。 義曰:

其萬事 得其序,則天地之位皆由此矣。 之理,使君 言聖人既能順其簡易之道 臣、父子、夫婦、 長 幼 順

八設卦 一觀象,

其間 之道。 間,故易之所 上既言易之所起始 易始於天地。 日 一,是故聖人仰則觀象 : 然天地 夫天地既判 此已下至「自天祐之」爲 始因 始判,而 此 又言聖人設六十 一萬 前 於乾坤,故首言 物之情而 萬物之情已在 萬物之情 於天,俯 作 己 則 天地 見 故 四 於 卦 其 日

之法也 法 四卦,以通 坤、水、火、風、雷、 於地, 揆 人 天地鬼神之情狀,以爲 事之理,盡 山、澤之象 萬物 設 之情,乾、 爲 萬世 六十

繫辭焉而明吉凶,

其 陽。 也。 下, 義日 有 至深,聖人若不繫之以 (正者 失有 則後世之人不能曉聖人設卦之意 然則,卦爻之中有剛 陰陽相推盪於其間,則有凶有吉, :則其辭吉,失其處者則其辭 得,故六爻之下皆繫屬其辭,得 六十四卦既設,其道至大,其 辭,散於諸 有柔,分陰分 以。 爻之 理

剛柔相推而生變化。

物。 天地既 義 而 皆由 生者,有 日 有全體 判,剛柔 此已下言天地人 剛 卵 柔之氣互相 而化者,有漸 而 化者 二氣 ,千變萬 互 相 推盪 推 事之理 而 盪 化者,有胎 化,自然 以 以 成 也。夫 生 變化 成 而 萬

爲震。也。如乾之初九交於坤之初六,其

桂

是故吉凶者,失得之象也。

《剥》之「不利攸往」、《離》之九四「突如 者,爲吉。不合於道,悖於其 際,吉凶未定,行善則吉,行惡則凶 凶 其來如,焚如,死 考義,是吉可知也,故 之事據文可知,或不須明言吉凶 凶。是吉凶者,失得之象也。 凶者,是失之象也。合於道而不失其 四 吉凶生於非類,悔吝 義 自見。若《乾》之九五「飛龍 四卦之中言吉凶者,義有 不正。若辭之吉者,是得之象也。 日: 卦、三百八十四爻 可見,故不 此總明諸卦象不同之事 言凶 如」之屬,據其文辭,其 也。 有 生 不須云吉也。 亦有 剛 於 數等,或吉 動 有柔,有 在 爻處吉凶之 静,故六十 天」, 然觀六十 理者,爲 而 也 尋文 吉 Œ X X 有 IF.

悔吝者,憂虞之象也 《豫》之上六曰 中吉,終凶」。 相形,終始有異,若《訟》卦「有孚,窒惕, 吉,大貞凶」,是一爻相 九三「棟橈,凶」,九四「棟隆,吉」,是一 以足,蔑貞,凶。」若有一卦之内,或有一 吉。」以陰居尊,嫌其不吉,故直言其吉。 乘馬班 卦相形也。《屯》之九五「屯其膏,小貞 爻之中,得失相形,須言吉凶,若《大過 有直言其「凶」者,若《剥》之初六:「剥牀 有直言「吉」者,若《坤》之六五:「黄裳元 年乃字。」是吉凶未定,故不言吉凶 厲,无咎。」 若《屯》之六 乾》之九三:「君子終日乾乾, 如, 匪 寇婚媾。 :「冥豫,成有渝,无咎。」 有有咎 形也。 而能 女子貞不字,十 二:「屯如 改之者,若 亦有一事 夕惕 邅 也

者,曰悔。事之微小,可爲鄙吝者,曰義曰: 事之小小已過,其意有可追悔

吝。 者,是憂虞之象也 中所言吉凶者,是得失之象, 不可解者,皆自細微以成之也。 漸者必至於著。 小不思之。 大咎,然亦當憂虞思慮之,不可 夫人始於得失微 故事之小者必至於大,惡之 惡積 而 小之事,雖 不 可掩,罪 謂 言悔 故《易》 木 大 之微 至 而 於

變化者,進退之象也。

吉。 自於盛 象有盛 居終而 六爻之中有剛 義 悔」,《復》之初九言「不遠復,无祗悔,元 而變者,此皆是進退之象也。 日 退之象也,若《乾》之上九言「亢龍 倒退,往來不窮,互相 衰之理,生死之道、吉凶之驗皆 衰,故來則爲盛,往則爲 夫物之生有全體 有柔,或從 始 而 化 推 而 夫進 者, 盪 上 衰。 進 以以 退之 有 成 或 故 有

剛柔者,晝夜之象也。

明,爲畫。 事之要,以 夫聖 柔則爲陰,爲幽,爲夜。 盡 人設卦分其剛 萬 物之宜 剛則爲 柔,以 剛 明 柔

義

也。 成吉凶、悔吝、憂虞之象 推以成晝夜幽明之理、變通之道,以 然推觀其上文,始總言「繫辭 也,故總言之 焉 而

明吉凶,剛柔相推 「吉凶者,失得之象。悔吝者,憂虞之 而生變化」,此又别

象。變化者,進

退之象。剛柔者,晝

夜

之象」者何也? 蓋吉凶、悔吝、失得、晝 夜之象皆由剛柔相推盪 而致者,故得失

晝夜者,是總變化而言也。上文云「吉 異,故始云「剛柔相推 凶者,失得之象」,下文又云「悔吝者,憂 有重輕,變化有小大,合之則同,分之則 而生變化」,不云

虞之象」者,蓋吉凶之事皆由得失而成,

得失之本皆由

悔吝而成,悔吝之本皆由

虞而有也。

六爻之動,三極之道也

爲吉。 此復 事,故有吉凶、悔吝、得失、變化之道也。 以象人,上二爻以象天,是六爻之中三 中則有六爻,故下二爻以象地,中二爻 動,互相推盪,則是天地人三才窮極之 才之道畢矣。然六爻之道有變有動,有 有吉,有得有失。若動 明變化進退之義也。 動而悖於事,則爲凶。是六爻之 而合于道,則 夫《易》卦 之

是故君子所居而安者,易之序也。

化,有得有失,有剛有柔。 象,知其易之以序,以修其身,以 意,以爲修身之法也。夫《易》卦之中有 自此已下言君子觀聖人設卦作《易》之 困之間,皆得以安止也。至如《乾》之初 事,以之居處進退,不惟尊卑、貴賤、貧 觀此剛柔變化、吉凶得失、悔吝憂虞之 M 有吉,有否有泰,有悔有吝,有變 夫君子之人 行其 有

道。 進退之間皆可行之,是易之序也。 世,則有否塞不通之象, 時,則君子 君子之人可進則當進之。 行治家之法, 九言「潛龍 不惟尊卑、貴賤、貧困,窮極安處 如此之類,皆是 也 勿用」,是言君子之人 可引類 九二則言「見龍 居旅之時,則爲行旅之 而 用得其時,不失其 進於朝; 居於家人,則 又如 在 田」, 居 居 可 否之 泰之 隱 是 則

所樂而玩者,爻之辭也。

見其惡 向其 以爲居處之術,又當樂玩其六爻之辭。 義 之道,至纖 夫六爻之辭有凶有吉,有否 當愛樂 有失,皆隨 目 安 則 而 圃 夫君子之人既能 躭 舍 思 時而 至悉,无不備於爻辭之間,故 其 懼 玩之,見其善則 危 而 變通。 门,以 改, 趣其治 至吉凶 是故君子之人必 知易之以序, 思 有 而 之事,悔吝 齊其 泰,有得 去其亂

> 是故君子居則觀 君子所 得。 生之道,變通之理,則无咎過之事。 以知事之吉凶,明其 之象,明其萬事之理,以躭樂六爻之辭, 日 君子之人故當居處 樂而 夫爻卦之間有凶 玩者,爻之辭也 其象而玩其 事之得失,以至 之間,觀 有吉,有失

動則觀其變而玩其占。

之奥。 其變而 義曰: 静 皆變而爲占,故古者取其蓍草之數,隨 興作之間必知其休咎之驗矣。 故君子若觀此六爻之變,凡於動 后之,以明休咎之事,以究鬼 夫易以變而爲占,自六爻之中 神

是以「自天祐之,吉无 害。 刻則 日 玩 如 此, 其占,以 言君子之人既能 則 自 奉順 Ŀ 天之所祐助,鬼神之 不利」。 易象,則 居

則

觀

其

分子

有 凶

協吉

何所不利也。

爻者,言乎變者也。

彖者,言乎象者也

《乾》之彖「元亨利貞」曰「大哉乾元」, 《彖》辭以解之彖者,總論一卦之象,如 卦之義。雖然有周公爻辭散於諸爻之 此復言文王作彖分於諸卦之下,以釋一 下,然文王之彖,其義淵深,孔子復作 凶悔吝、聖人設卦繫辭之義,細意未盡 者,各指其所之」爲一章。上章既言吉 者,各指其所之」爲一段,自「易與天地 章,則非 |坤》「元亨」曰「至哉坤元」,《屯》「元亨」 蒙,山下有險」,是皆解一卦之辭也,故 象者,言乎象者也」,自此以下至「辭 「彖者、言乎其象也」。 屯剛柔始交而難生」、《蒙》「亨」曰 加 下至「盛德大業」爲一章是 也。 疏以爲自此至「死生之説」爲 今觀其文辭,當從「辭也 也。

> 未盡。 義曰: 而 總人事之要道,明萬事之吉凶,隨其爻 王之作彖辭以釋一卦之象,然其義亦有 動,有凶有吉,各隨時而變改之。 通變之,各順其用。 周公復作爻辭,散於諸爻之下, 夫六爻之設,内外二體,有變有

吉凶者,言乎其失得也。

柔。 義曰: 之間矣。上文「吉凶者」,失得之象也。 陽位則或失其常,或近 凶,故吉凶之端,失得之義,盡在於爻辭 而有所比,合於道 若陽居陰位,則 夫爻象之設有凶 者則吉,乖 不 得 而 其正 不相 有吉,有 於道者 一,或 得,或 剛 陰 遠 居 則 有

悔吝者,言乎其小疵也。

義曰: 慎之。夫小惡不改以至於大惡,小善不 姦生於隱暗。 行有至微而 疵者,病也。夫人禍發於細微 可 以鄙吝者,故當憂慮 事有至小而 미 以追 悔者, 而戒

小 積 而 其 不 生也 以 動静之理。 而 至於大 悪 至矣。 凶 以 ,故君子之人觀此爻象之辭, 而從其吉。 至 凶 於大惡,捨其失 積其小善以 ,至乎鄙吝之道皆由微 故悔吝之來,皆由微 成於大善,積 而 處其得, 小

无咎者,善補過也。

古也。 《豫》之上六曰「冥豫,成有 義日: 嗑》上九「屢校滅趾」之類是也。 小過不防以至乎大過,所以 慮,過爲其事。 之,故六爻之中有能改過而无咎者,若 无咎」者,蓋言人之有失者善能 隨》之初九曰「官有渝, 夫人 所以有 小惡不改 咎者,蓋 貞吉」,從 以以成 有咎,如《噬 渝,无咎」, 由 乎大惡, 操 此 自 正 心 言 改 則

是故列貴賤者存 . 位者,即六爻之位。 子位 夫 卦之

> 中 從而定矣。 位,是尊卑大小各有其分, 有 大。 凡有六爻,分其上下,有 若九五則言君位, 九三則 尊有 則 貴 卑, 賤之位 言 有 臣

齊 小大者存乎卦,

其德· 義曰: 所用不同,有小有大,各隨時 之與益,小過與大過,既濟與未濟,是皆 明辨之。 理以定其位也,故有大有小,君子必當 其德大; 小。 夫陽主 至如乾之與坤,泰之與否,損 故六十四 陰主柔 剛 順 明 卦皆 而 而 有 有 本陰 消 生 而用之也。 剥 成之德, 陽剛柔 之行,故 之 故

辨吉凶者存乎辭

夫六 義日 此 有以 之爻位多矣,聖人若不繫之 以 臣 十四卦有 陽 居 居陰 辭者,卦爻之下所繫之言辭也 君位者,有以君 位 陽 者,有以 居陽 位,陰 陰 居 居 臣 陽 居 位 位 陰 一者。 者; 則 位; 如

陰,曰「何校滅耳,凶」。是吉凶之文皆 无咎,君子吝」; 之初六以陰居陽,則其辭曰「童觀,小人 凶之事,觀其辭則可知矣。 在於所繫之辭也。 居陰,則其辭曰「隨有獲,貞凶」, 道,何其咎? 畜》之初 Œ 一,則 无由見矣。 其 解曰 九 以 「比之自 陽居陽, 吉。 至 如《比》之六二居 《噬嗑》之上九以 君子之人若明辨吉 《隨》之九 内,貞吉」; 則其辭曰「 四 「復自 陽居 《觀》 以 得 陽 其

憂悔吝者存乎介,

凡 爲,勿謂 也。 喪身夷族,然後 不可掩,罪大 不補以成於大疵。 義 日 小疵、病、鄙吝之事必先憂虞之,所以 夫人,小惡不改以成於大惡, 介者,纖介也。 小惡无 而 傷 悔 不 之亦 可 而 勿謂小善无益 解,以 佛去。 其晚矣。 悔吝者,小 至何校滅耳 及夫惡 故聖人 小疵 疵 積 丽 不 丽 病

堅冰」者,則聖人教人防微杜漸之深芥,故聖人豫防之。故《坤》卦曰「履霜獲其无咎也。然則萬事之理皆始自纖

震无咎者存乎悔。

戒

也。

所以舉 迹。 義曰: 蓋存乎悔也。 失者,必改悔之; 至正之德,知其吉凶之道,明其得失之 事之小疵者,預憂虞之, 動 震者,動也。 而无咎者,蓋有 所以舉動而无咎者, 悔 者 剛明之才,有 一, 過 也。 事之將 夫人

是故卦有小大,辭有險易。

正,居非其位,行事失其中,則卦爻之下則卦爻之下亦有和易之辭, 若履非其竭有塞,故六爻之中有變有動,有險有調之小。夫六十四卦之設有大有小,有親曰: 其道光明則謂之大,其道消散

是也。 之。 則 子 明夷之時,則言明有所傷, 亦 善,惡與不惡,卦爻之下各繫其 道 言大者壯也 有 故上文所謂「齊小大者存乎卦」者 長 險 難 之文。 居 否 之時,則言君子 以至吉凶 至 如 居 泰之時, 悔吝,善與不 大壯之時, ,則言君 道 辭 以 消 明

辭也者,各指其所之。

言也。 之所變而 順,適於離 義 日 桂 則 其 至如適於泰卦則 言六十四 言也 辭 桂 艱 則 險, 其 土 辭文 適 所 於於 明,是各指 謙 其辭和 卦 則 其 指 其 辭 適 於 巽 而 事

易與天地準,

義 既 遠 日 同 可 .憂,盛德大業,至矣哉」 桂 以 爻 自此 與 辭 天 理之 已 地 下 相參 義,此 至 「鼓 準 又廣 也 萬 爲 物 夫 明 而 天 章。 上 不 地 道 與 之 聖 深

> 地也,至: 覆之, 而 善; 之類是也。 以至總包萬事之理,皆以簡 道,自然 道 地,故六十四 三才而妙萬物也。 然 一,福 則其 也。是大易之道之可 善禍 爻之惡者, 以 乾 (辭吉; 偂 至 淫, 以健而法天,坤 生 然 **桂、三百八** 也 成 善者 萬 失其正者,則 則其 故爻之善者,則其 則祐 밂 夫易之道 之 (辭惡; 物 助之,惡 + 皆 ·四爻 以 以 易之道自 本 順 準 以 其解 得 者 擬 所 始 簡 而 於天 其 於天 法 以 則 正 地 辭 統 傾

故能彌綸天地之道。

道微 不 事之終始,上可 義 口 日: 備 以 者 經 妙,包含萬象,知鬼神之情狀 也。 綸牽合於地 彌者,縫也。 以 彌 理,无所 縫 綸 補 者 合 經 於天 不 也 ·載,无 道,下 明 言易 所

仰以觀於天文,俯以察於地理!

所 象成文 萬 聖人仰以觀於天文,俯以 ]1[ 地,故稱 義 物之情,盡 原隰 不包,无所不備,是易之道 日 : 高 章,故 理 天文者,則 也。 卑上下, 人事之理,以 稱 夫易之本始,始於天 文 也。 是 各有條 日 地 月星 理 察於地理,揆 至纖 也 理, 者 布 至悉 繁 則 盛 謂 設 地。 无 於 Ш

2说。是故知幽明之故。原始反終,故知死生

爲陰。 義日: 説」者,夫易道深遠 之義也。 事物之終始,反復 萌兆,陰陽之運 地,下總括於事 包於其間 四四 夫聖人之作《易》,本 幽者,无形之謂也。 時之變化 矣。 明則爲畫,爲陽; 「原 動,幽 物,鬼神之情狀,吉 天 始 ,吉凶之兆,動 知幽明之故 人之本末,萬 反終,故知 一明之義理,莫不 準 明者,有 幽則爲夜, 擬 死 以 於天 物之 生之 凶之 原 統 究 形

贰爲勿,连鬼爲變,理,以至死生之説,莫不知之。

之積聚、 能聽。 義曰: 氣爲物 則爲 於下則爲鬼,是天地之精氣萃聚 於下,精 之太過,及其死 神,得精氣之少者則爲 知才能 於人身則謂之魂,故口能言,目能視,耳 萬物之間受陰陽之精氣 氤氲 久,精神已倦,心知已勞,髮膚 口、鼻、心知、髮膚,而爲之體 人受陰陽之精氣萃之於身,則有耳、 地之道,陰陽之精氣萃聚 精 積 心能思慮則謂之神,故用思慮 神 聚而 則謂之變。 ,歸爲分散之時 遊 神散之於天則爲神, 精 體魄矣。 魂 氣者,則爲陰 爲 爲 萬物 也,體 變 也。 得精氣之多者則 故《左氏》載子産之 随魄降 魄。 則謂 陽精 m 遊 於地,骨肉 靈 圃 魂 及夫思慮 遊魂。 生 者則爲人。 靈之氣也 者,伸爲 體 魄也。 漸 萬物、於 於人身 魄 衰 散 夫天 之 既 爲 用 心

形 也。 《禮記·祭義》曰:「氣也者,神之盛也。 神,死則骨肉散而 神之著也。」是言人之生則 上,爲昭明,焄蒿 骨肉斃於下,陰 魄也者,鬼之盛 骨肉斃於下,散 於身,久而必去,則精氣歸於天則爲神, 者爲神,受精氣之少者爲魄。 言 離體,則爲變化之道也。 何以能 衆生必死,死必歸土,此之謂鬼。 「心之 久?」是 精爽, 也。 圃 於野土。 悽 爲鬼,而 无所之,則爲鬼。 区馆,此 言 是 合鬼與神,教之至 凡 謂 人得 魂 百物之精也, 其 精 精 魄 魂改變,去 氣發揚於 氣聚而 精氣之多 神魄萃之 魂 魄 爲 又 去

是故知鬼神之情狀。

義 視之弗 由 鬼神之道 日 骨肉體魄散之而有冥冥然,不知其 . 見,聽之弗聞者,鬼 鬼神者,不 本諸精氣體 疾 而 行, 魄 神之道 不 聚之而 言而 也。 生,

> 道 有則日 所 地,達於幽明,不惟幽 言知其形狀者,蓋言易道至大,通於天 可以見矣。 在 不知 聖人以其 其 有 爲 形狀 无 隱章顯之間, 則 可 覩 不仁, 哉 ? 以 然此 其 而 爲

與天地相似,故不違。

作也。 物。 義曰: 地 道若合符契而无違越。 推其本原,大易之道皆聖人窮神盡 悉,莫不總明之,故不可一 窮幽極遠,總括萬事,從无人有,至纖 下者,飛者走者,莫不生育之,故不可以 長秋殺冬藏,包含萬彙,无 理,幽明之故也。 一言而盡也。 ,則其道不異, 前乎天地, 上則準擬於天地,下則包言于人 此已下言易 夫大易之道,陽剛陰 則其道不過; 夫天地之道,春生夏 中於天地之間, 道 廣 是易之道與天 大, 盡 小无大,高者 言而 後 生 盡 乎天 性 死 則 也 而 至

地相似者也。

知 周 行之事,合於大中无過无不及之事。 天下之人皆得其所,皆獲其濟,而又所 能思慮周及萬物,至於纖介之類皆蒙被 宜,是不過也。 下皆養,是道 乎 又以仁義施及天下,使萬品之物、 萬 : 物 聖人无物 而 道 濟 濟 夫聖人以仁知之德,才 天 天下,故 不 下 知,是知周也。 也。 不過 萬事 皆得其

旁行而不流,

无 流」者,蓋言聖人非善於一身,以至正之 會合大中之道 爲一家,以萬民爲一情,凡所 居,拂其己之私邪,去其 義 德上符於天,下合於地,中合於人,无私 之事中立而不倚,正行 (枉,无所不契,雖旁行於天下之間,亦 日 夫聖人 而行之。 中天下而立,正 此言「旁行 而 己之阿黨, 不 ·邪,以 動作 南 :莫不 天下 圃 所 面 而

> 公至 无 私 邪 正 淫 而 過 致 然 流 也 蕩之事。 所 以 然者,蓋 至

樂天知命,故不憂。

奈何。 知命。 既无 恤 知 天也。莫之致而至者,命也。」是言人之 以 性命之理,死生之道,皆本於天,固无可 奢侈之心。故孟子曰:「莫之爲而爲者 賤,亦不爲險詖之行; 折,皆繫於天,是以心无憂恤。 其不可改者,天命也。 也。 命 知己命。至於富貴、壽考、貧賤、夭 日 可 原始而 奈何, 然則富貴稟於天,死生繫乎命 夫聖人順天施化,識物 順天施化是樂天, 則宜順從於天道,樂天而 思終,安静而 雖在富貴,不爲 由 是推 識 居,則无憂 物始 測天道 始終,以 雖在貧 終是

安土敦乎仁,故能愛。

義曰: 安者,静也。愛者,養也。夫聖

睦,而敦仁愛之心矣。 既遂性 之物皆安土 下 |以安天下之物,使天下之人、萬品 由是推己之性 有 天 地 ,則父母兄弟,親 物 之全性,五常之道皆出於中 而定居矣。人能安土,●物 不 被 其 以觀 賜者,若己 疏上下,遞 天下之性,推己 内 於

範圍天地之化而不過,

皆模 而立。 車 則 時伐,禽獸以 天地之情,然後正己之情。 肅 天 地之化而 範 殺之,使物 也。 觀天地之性,然後正己之性。 於天地陰陽之端。 範,謂 夫聖人粹天地之靈,中天地 時 无過越也 模也。 殺,春夏則生育之,秋冬 遂其性,民安其所,是範 圍, 謂 至如樹木以 凡所行事, 周 也。 過

曲成萬物而不遺,

義曰: 曲者,曲屈委細而成就萬物也

通乎晝夜之道而知 遺者 地 不麝不 以仁信屈 萬物之性 以 保民,雖 棄也 卵,是皆物之微細而 曲 命,模 0 而成就之。 事物之微,昆 夫聖 範 人 天 地 宅 以 天下之廣 至 最之 如 施 不 化 綱罟以時 遺棄也。 細,亦皆 輔 居, 相 天 司

无所 義日 能 之所爲,精氣 謝,星晷之相旋,陰陽之晦明 聖人得天之正性,秀出 暴,未有不先知之矣。 默運鬼神之奥,雖晝 合其德,與日月合其明,通曉陰陽之宜 爲明,爲陽也。 極 神盡 不知, 无所不 通者,无所不通之謂也。 慮,推幽測隱 爲 夜則 物,遊魂爲變之事 曉。 爲 夜之道、幽 ,无所不知也 自此已上皆言神 幽 於人,上與天地 至如 爲陰 ( )風 寒暑之代 明之理 也。 雨 之凄 夫 則

故神无方而《易》无體。

亦不 既 與天地之道相準,如鬼神之妙用也。 也。 天地,包含萬 道,寂然无迹,春生夏長,藏往知來,故 體 不可以方隅而論之。 夫大易之道,總括 度,故曰「神」。「无方」者,不見所處,運 義 也。 不可以象類索,又不可 不息,是无方也。《易》者,即《周易》 日 无體者,唯變所適,往來不窮,是无 可以定 夫天地之道,妙用无門,鬼神之 神者,陰陽不測,幽微 體 象,惟變所適。 而論之也。 以形器求,是 是大易之道 道无 不可 冷常用, 以 測

一陰一陽之謂道。

則謂之 之, 則謂之易, 測 開 義 物 日 言之,則謂之神, 通 . 務言之,則謂之通; 道者,自然之謂也,以數言之, 以體言之,則謂之无, 總五常言之,則謂之 以應 機 以微妙不 變化言 以

> 皆遂其 以成就 故於夏 洪者纖 臨,所以謂之道也。 於天地之間。 然後 之。 氣下施,散而爲春夏,以生成萬物,以至 能自生,獨陰不能自成,是必陰陽相須, 盡 道 也。 陽,互相推 神,妙用无方,不可以方隅形體 此又言天地生成之道。 可以生成萬物,故於冬至之日,陽 性 為物,以至洪者纖者,高者下者, 至之日陰 者,高者下者,皆遂其生以盈滿 上既言天地之神,大易之道 以 成就於天地之間。 盪 然萬物既生不可不成之, 一天覆 氣下施,散而爲秋冬。 而 地載,日照 夫獨 是一陰 陽 而 窮 丽 月 不 求

繼之者善也,

物,千變萬化,以盈滿於天地之間,使高義曰: 夫天地之道,陰陽之功,生成萬

■「言之」,原闕,今據《薈要》本補

三五九

得天 理 愛天 氣爲衆善之長,聖人繼其元善之功,以 卦曰:「元者善之長。」是言天以 繼天 於物也。 不 得 養物之功,●以爲善行也。 下之物,以 地之全性, 陵於下,在 其 高 之分, 義宜 卑者 繼 下者不過其分,是聖人 天 |天下之衆,使居上 得 地 其 生 卑之 成之功, 理 故《乾》 一元之

成之者性也。

地之性 性,寂然不動。不知所以然而然者,天 而 有善性,至明而 下之物。繼天下之善性 天下共怒,以仁愛天下之人,以義宜 不私。 日 成就已之性,又成就萬物之性。 既成 而 也。 性者,天所稟之性也。 不暴,喜則與天下共喜,怒則 聖人得天地之全性,純 然而元善之氣受之於人,皆 不昏,至正 以 而 成就己之性, 不 邪,至公 天地 而 天 之 與 不

> 仁者見之謂之仁,知者見之謂之知, 厚於禮一 世法則之書。 聖人之兼 之道 道无 義 分而已矣。 仁,知者見之則知聖人之知,是各資 之妙用,惟變所適,量時制宜,故不可 雷、山、澤之象,本準擬於天地,統鬼神 重於文王,爻辭於周公,是三聖人垂萬 就萬物之性,則於天地之性 義而求之也。若仁者見之則知 日 繼 多 所 天地之善者,人之性也。 不備。 所 而 夫聖人得天性之全,故五常之 薄於信,是五常之性故不能 也。 不備,或厚於仁而薄於義,或 夫大易之道,卦於伏羲 其間寫天、地、水、火、風、 賢人得天性之偏,故五常 可參矣。 聖 人之 其 如 是

百姓日用而不知,故君子之道鮮矣。

以然 其間。 之行事 事。 之道者亦鮮矣。 道以爲用,觀易道以 天下,則天下之人咸戴而行之,莫知所 義 育、鬼神之妙用,人道之終始无不備於 夫大易之道載聖人之行事,包乾坤之生 性之少者,故不可以明聖人所行之事。 偏窺之,至於天下百姓,常常之人,得天 得天地之偏,又可以 日 而然也。 然聖人之道至深至奥,賢人尚可以 聖人體其用,成其功業,發見於 夫聖人得天地之正性, 无 所 然而聖人君子雖 不知, 无所不明。 施化,然能 仰及於聖人之行 悟君子 能體易 繼 天 賢 地

顯諸仁,藏諸用,

「藏諸用」者,謂潛藏功用,不使物知,是體,顯見仁功,衣被萬物,是其顯也。與神功不異也。「顯諸仁」者,言道之爲義曰:上言神之所爲,此論易道之大

地、鬼神无以異也 見其迹,是「藏諸用」也。是大易之與天 世,施爲德澤,則可以衣被萬物,是「顯 緜緜 諸仁」也。及夫推究原本,測度云爲,不 杳然不見其形,以之悦懌生民,功業萬 之用也。夫大易之道,寂然不見其體, 者,聖人生成之仁也,然不知聖人生成 澤浸,政 知天地生成之用也。 夫聖人之道, 恩涵 日臨 使百姓安其土而不遷、勸其 藏諸 而 月照,春生夏長,秋殺冬藏,使萬物 用」也。 不 漸仁煦,薄賦輕役,恤孤軫貧 絕者,天地生成之仁也,然不 夫天地之道, 乾 、功而 剛 坤柔 樂事

鼓萬物而不與聖人同憂,

萬物之中有夭折、暴亡、凶荒、札瘥者,物洪者纖者,高者下者,皆遂其性。或殺,雷霆以鼓動之,風雨以滋潤之,使萬義曰: 夫天地之道,以時而生,以時而

憂也。 皆任 之道載 乎聖人所 能 萬物爲芻狗」者,此也。 舞於萬物,而 如己内於溝壑之中,是天地之道 生 牧 (下,物之夭折、暴亡、凶荒、札瘥者,常 成 民, 自然之理,不能 老子曰「天地之道 天地 於萬物,又能憂 繼天之善, 不得者,天地之 生成之理, 不能憂恤 以仁義之道生成 憂 恤 恤 於 而 之。 權 不能 於 萬 氣猶 也。 萬 物 也。 夫 與 民 聖 故大易 聖人 也 但 人同 聖人 能 鼓 於

盛德大業至矣哉

義曰: 用,鼓萬物而 之説皆以謂「顯諸仁,藏諸用」 至「陰陽不測之謂神」爲一章,自「夫易 道義之門」爲一章,今觀「顯諸 文天地不 章,此是「十翼」之中第五章。 此已下至「陰陽 測之事,故 不與聖人同 自 不測之謂神」 |憂||三句,皆言 此 「盛 德 仁,藏 今注 加 旦下 下 諸 疏 至

> 業也。 耒耜 德至 德,廣大之業至 蟲草木,无不 以通有无, 之而理,而 用,廣生成之道,萬物由之而 大業」者,蓋施 所不生,无所不育,以生成之功言之,其 廣矣大矣」而 盛德大業 則 廣,而 以 爲之網罟, 耘 又作工巧 其 至矣哉」者,夫天地之道,无 被其賜者,是聖人充盛 以 功 下至「易簡之善」爲一 於行 極矣哉。 耨。 至大也。 則爲德,行於事 天下之人,至於昆 以 則 以 便器用,立 然必 畋 聖人法天之 通,政 以 一云「盛 漁,爲之 則爲 教 商 之 德 . 賈 由

富有之謂大業

明易與 天 用,聚天下之民物,以爲之富有 義 地之間,則謂 日 其 乾坤之事。 德澤, 自此已下覆説大業盛 施其教 之富。 夫天之生物 化、竭 聖人法 天 下 天 盈 之 之 滿 因 財 行 於

天下,措當世於不拔,故謂之大業也。

日新之謂盛德。

盛大。 聖人法此天地之道,增修其德,持 其德愈新,以至生成 教,適時之變,量事制宜,使其 生,四時更變,寒暑相推, 日 夫天地之道,日 萬物,日日而盛大。 往 一日復 月來,陰 (徳日 日 循 極陽 政 日

生生之謂易,

數,寫天、地、水、火、雷、風、山、澤之象, 義曰: 總陰陽生殺之理,包人事萬物之宜,變 生,使萬物縣縣而不絕者,天地聖人之 成之道,變化死生,生而復死, 大業,以日新言之則謂之盛德。 地之道,聖人之德,以富有言之則謂 而 德業也。夫大易之道盡 必通 生生者,陰生陽,陽生陰也 ,終而復始,隨時之變,因事制 七、九、八、六之 而又生 死而復 多天 之

相續而不絶也。宜,準擬天地之間,則其功不異,是生生

成象之謂乾,

健之功 義曰: 健而 卦皆取健用爲象也。 嘗有分毫之不及,以至生成萬物皆以 里,自古至今未嘗有毫釐之差忒,亦 地三十六度,一畫一 狀如倚杵,南樞入地三十六度,北 仰而望之,其色蒼蒼。 神其用,以成就萬物之形狀,非剛 則 乾者,健也。夫天以一元之氣, 不能 如是也。 夜凡行 然下周 故伏羲始畫 九十餘 於 地,其 樞 乾 未 萬

效法之謂坤,

「成象之謂乾,效法之謂坤」者,蓋萬物取效坤順之義而名曰「坤」。然則必言皆效天而生育之,故伏羲畫坤之卦亦皆之氣而始終,萬物无所不載,无所不生,義曰: 坤者,順也。夫坤地之道,承天

地道 之生 之設,非臣不能行也。 之道。天下之事,非君不能立, 以人事言之,乾則爲君之象,坤則言臣 柔順,必得 必 由 天 道 剛 陽 健, 氣,然後順其物理 然後 成其 形 庶政

極數知來之謂占,

焉而以言,其受命也如響」,此之謂也。 成其文也。故下文所謂「將有爲也,問 可而先見,皆聖人以蓍象之數占其事物 之理,逆知來事之意,考其行事之騐,以 之理,逆知來事之意,考其行事之騐,以 養曰: 夫大易之道總包天地、動賾、鬼

通變之謂事,

義曰: 宜之。 加 物之所以理,事之所以 通其變,使民 復始,皆自於變化之力也。 易窮則變,變則 夫暑往則寒來,陽生則陰伏。 不倦; 通,生而 神 通 通 丽 化之,使民 則久」,是 故黄 後滋,周 帝

皆自通變之道,然後成天下之事也。

陰陽不測之謂神。

理,及究其生育之形,不可得而知也。復生,不言而信,不疾而行,以至變化之以生成之,然生成之道周而復始,極而裁曰: 夫萬物之生皆由天地陰陽之功義曰: 夫萬物之生皆由天地陰陽之功

夫易,廣矣大矣,

下文云「廣大配天地」是也。四達、是廣矣、 窮於上天、是大矣、故易之道至廣而至大也。夫易變化極於爲一章、此「十翼」之中第六章、贊明大義曰。 自此已下至「易簡之善配至德」

以言乎遠則不禦,

可知 義曰 藴,盡人事之終始,推於天下,則天下之 夫大易之道,至廣而至大,極天地之淵 无不備; 窮於 遠者,四遠之外而 四遠,則四 施之萬世,則萬 遠之處 不 世之事皆 禦 不能 止 也 以

禦也。

以言乎邇則静而正。

以言乎天地之間則備矣。

義曰 化 近之處,則其 乎遐遠之間,則 之道,則无所不備矣。 言大易之道至 道 静 不 默; 可禦止; 一廣而 以言乎天地 至大, 以言 乎邇 以 言 變

夫乾,其静也專,

剛健之德也如此。夫然而生育之時,雖剛至健,一晝一夜,凡行九十餘萬里,其義曰: 乾者,天之用也。夫乾之體,至

物。 默,任其專一之道,以生於物也。 純 陰用 雖當純 事 而 陰用事 坤 道 之時 承 陽之氣以 而陽 氣 發 凝 生 静 萬

其動也直,

義曰: 暑无差,剛 於地,以生萬物,其 生萬物之時,其 直,謂正直 而得正。 静 也專,及 也。 運 轉則四時不忒, 言乾之用, 其陽 氣下降 雖 未 寒

是以大生焉。

德運動而不失其正,是以能大生於萬義曰: 言天地之道,以其專一至静之

物也。

夫坤,其静也翕,

其動也闢,是以廣生焉。 降之時,則翕斂其氣,閉藏其用也。 下,承天陽之氣以生於萬物。當陽氣未養曰: 翕者,斂也。夫坤之道,凝然在

義曰: 夫坤之道,凝然在下,翕斂其

以其生育之道至廣而无限極也。之時,開闢其用,承陽之氣以生於物,是氣,閉藏其用,而不動。及其陽氣下降

廣大配天地,

其道至深而至遠也。備,上可以配之於天,下可以周之於地,易之道至廣而至大,无所不包,无所不義曰。 此已下申明大易之道也。言大

變通配四時,

時也。 變通。 生而 義曰: 已,必冬幹之,是四 道,生殺之理: 常定,亦可 必夏長之,長之不已,必秋成之,成之不 不絶,周 夫易之道至幽 有變通之理,所以配於四 以 而 配 於四 復 春 始。 ... 時 則生之,生之不已, 時。 生殺皆有其時 至 變 賾,惟變所適 通之道,无所 至如乾坤之

> 明。 爲明, 以 日月。 義 有陰有陽,猶乾坤之有日月,運其寒暑 成畫 E 故大易之道,變通之理,有剛 夜。 夫日者,是 月者,是至陰之精,照於 夫易之中有陰 至 一陽之 陽 精, 照 乾 於 夜 坤 有柔, 之有 畫 而 爲 而

易簡之善配至德。

勞,可以配天地之至德也。悉,无所不載。然而其道簡易,不尚煩義曰: 夫大易之道,包含萬象,至纖至

子曰:「易,其至矣乎!

門」爲一章,此贊美易道至大至廣也。義曰: 此已下至「成性存存,道義之

夫《易》,聖人所以崇德而廣業也

業也。 人用之,可以增崇其至德,廣大其功以括天之高明,下可以包地之博厚。聖以哲天之高明,下可以包地之博厚。聖義曰: 夫大易之道,至廣而至極,上可

陰陽之義配日月,

知崇禮 卑,

出。 不能 於聖人之知。 能及,故禮卑如地之下,至微而 飾之,故知崇則如天之高,至貴 出於禮之用也。 是至崇者不能及於知之高,至卑者 夫萬物之理,萬事之原,不 然聖人之知 必 由 人 而 禮 不能 能 出

崇效天,卑法地。

卑而 義曰: 以卑退爲本,故爲卑 下法於地。 言聖人之知崇而 知以 幽遠 也。 爲 F E 效 一則 于 八爲崇, 天,禮

天 地 設位 ,而易行乎其中矣。

義曰: 設,則大易之位,萬物之情 柔陰之氣積於下。天地 夫天以 純陽之氣 初判,二位 積 以行於天地 於上 地 既 以

其

成 性存存,道義之門。」

之間矣。

義 性者,天所稟之性也。 存存者,

> 聖人 物宜 於天下 其道義之門,爲人之所出人而 无曲,成其治性之道,存存而 大易之道,準擬於天地,至公至正,无私 能成其道義之門,不能開通其物。 邪佞,而放僻之事從而至矣,如是,則不 若夫不能觀天之性以正己之性,則陷於 存而 能觀天之性 而 不絶之貌 有以見天下之蹟,而擬諸其形容,象 不昏 不 絶,而道義之門自此塗而出也。 ,以盡萬物之性,使萬物之性 至 也。 Œ 丽 Щ 成就己之性,則可以生成 夫人稟天地之善性, 不邪,至公而不私 不絶; 取 法也 故此 至 存 成 明

盗之招 測 形象也。 義 日: ,此又明聖人見天下之賾以成萬物之 」,則非也。 也」爲 自此 賾者,幽賾也,人之難見者也。 一章。 已下至「負且乘,致寇至, 上既言易道變化,神理不 注以 謂至「其臭如

若否 泰卦 宜,使 其六十四卦之中,皆有所象矣。 之理則擬乾之形容,柔之理 了,以 聖人推 桂 艮之性 陽物則言其剛,陰物則言其柔。 準 皆各得其宜,各順 則言泰之形容,象其泰之物宜。 ,則言否之形容,象其否之物宜。 · 擬 測 萬物之形 天下之幽 則言其止,震之性 容, 賾 其 以 以 性。 」則 象 擬 萬 擬 度 則 坤 至 物 萬 言其 ·之形 如 之 事 岡川 所 之

是故謂之象。

理,以 辭,以 義曰: 言乎其象也」,是言聖 十四卦之中皆謂之象,故 因 明萬 明一卦之象也,則謂之象。 故謂之象。 擬度萬物之形容,以象萬 此已上結 物之宜,故謂 象者,即文王所 成卦象之義 人因推 定之象也 前章云「卦者, 測 也。 物 天下之 作彖 之 然六 夫言 所

聖人有以見天下之動,而觀其會通,以行

其典禮。

繋辭焉以斷其吉凶,是故謂之爻。 明其 動静之理,變通之事,會合其典禮者也 謂 道者,則舍而去之。 爲之常禮 變通之事。 義 通 日 公吉公 變 也。 動 得失之要,以觀 而 言聖人觀此 行之; 其有合於理,通 謂 變 動 是聖人明六十四卦 也 其有悖於理 諸卦爻之變動 天地萬物會合 於道 合 也。 一違於 2者,則 通

各繋屬 不能明 義曰: 則 比 或 禮者則爲 動,會合於典禮者則 ,則吉, 近 ,則言其 其 而 其文 曉 相 吉 夫六十四卦有剛有柔,有變有 X 耳 得, 凶。 解以 或居夬之時而行剛壯之道 是以 則 若陰 或居泰之時 言其吉, 解釋之。 而 聖人於諸卦諸爻之下 居陽 其義幽 爲吉,不會合於典 位,則 若陽居陰位 一微,常常之人 或遠 而 行君子之 言其 加 不 凶。 · 相

動,明 是故謂之爻。 則 見也,故上章云「爻者,言乎變者也」。 其位者爲凶,是吉凶之效自爻之動静 而 N<sub>o</sub> 繋 萬事之常理。 《屬其 是皆觀天下之變動,合剛柔之常 辭, 爻者,效也,效諸物之變 以斷定其吉凶之效也 得其正者爲吉,失 而

言天下之至賾而不可惡也。

義曰: 失皆備言之,故雖小人之心亦不能惡, 子之心。然君子之人,凡所作事,使小 也。 大易之道也。 人之道无不備載於其間。 大易之道,廣之如 事,坦然而行,小人不能以 人之辭,然无心 人不得間 夫小人之性爲讒,爲諂,常有害君 此覆説上文聖人見天下之蹟 而 窺,不得伺而 專 地,高之如天,君子小 在於小 人,但 疑 然雖 惡忌也。 故所 有 黜小 事 行之 故

言天下之至動,而不可亂也。

也。 能 之終始,有會合於典禮者則爲吉, 道,亦无心於聖人,惟天地之通變,人事 義 下,以明變動之理,雖小人之情僞亦不 於常道者則爲凶。其文皆散在諸 其間,則天下從而 莫不錯雜於其間。 錯雜而紛亂之。 日 夫天下之動,吉凶 此 覆説上文聖人見天下之動 亂矣。 既姦邪 是非,姦邪 情僞 今此大易 錯 爻之 悖亂 雜 之 於

變化。擬之而後言,議之而後動,擬議以成其

也」。 得失。 之。 者,此覆説上文「天下之至動而 下之至賾而 義曰:「擬之而後言」者,此覆説上文「天 出之,則其言必善, 何哉? 蓋言之有 言聖人觀天下之運 言之出,必深思遠 不可惡也」。 ·善有 若不 動 議 明 擬 慮,然後行 不善,若擬 之 而出之, 而 不 後 事之 可 亂

以通 惡也。 至焉。 之而後行,則深思遠慮,久而必精,則 滿 則 亦須合於道。 天 其 下无 言 一天下之變化,爲天下之法則者也。 若不議論而動之,則悔吝有 若議而動之,雖行滿天下亦无怨 若能言動之間,擬之而後爲,議 或 有 口 不善, 過,故云。 若議論而 必 須擬 夫人動 動之,則无悔吝 而 出之, 静之間 時 則言 可 而

靡之。」「鳴鶴在陰,其子和之。我有好爵,吾與爾

外

應之,況其邇者乎。

義曰: 所 時,二、五以至誠 陰,其同類者必 爲六三、六四以陰柔 夫中孚之九二上應於九五。 陰」者,此《中孚》之卦九二之爻辭也。 擬議於惡,則惡 適,退无所遇,二、五雖不得相會,然 上既言 擬 相應之也。 應 相應,用心不私,然雖 議於善, 之。 間 風於其 是 猶 則 夫「鳴 當中孚之 鳴 善 間, 鶴 應 一之在 進 鶴 之, 無 在

> 子曰:「君子居其室,出其言善,則千里之 故也。 之如此 者則善者應之,言之惡者則惡者應之。 不私,至公至正也。 類之人共分而靡之,是言結之深,用心 爵,吾與爾靡之」者,亦是言至誠相 至 蓋明聖人之言行當擬議 聲聞於外,其子從而和之也。「我有 一誠 相 夫美好之爵不自獨有,宜與爾 待, 也。 終得 是猶鳴 其 應,此中孚之 鶴之在幽 然此引而證之者, 而行之,言之善 陰之 時 中 待 桂 同 之 好 而

表曰: 此孔子因言聖人之言,出於其 美曰: 此孔子因言聖人之言,出於其 教曰: 此孔子因言聖人之言,出於其

居其室,出其言不善,則千里之外違之,況

其 、邇者乎。

違而不從之,況邇近乎。 之害,不能興天下之利,則千里之人皆 不善,則不可爲天下之法,不能 言君子之人,凡居 其 室 除天下 出 一言

言出 言行,君子之樞機。 乎身,加乎民; 行發乎邇,見乎遠。

義曰: 者,弩牙,主其矢之中否也。夫言户樞 得,有失。若户樞之主通塞,猶弩牙之 遠,由中而及外,若發而爲善,則天下從 之發,或中或否,主其發矢之中,猶君 之發,或明或暗,主其通塞之道。 違去之。是言行之出,爲命,爲令; 言行,出之於身,行之於外,自 之人,言行有善有不善者也。夫君子之 而法則之; 中否,中則爲天下之榮,否則爲天下 樞者,户樞,司其通塞之道。 若發而不善,則天下從 邇 而 弩牙 及 子 而

之辱。是言行者,君子之樞機也。

樞機之發,榮辱之主也

言行,君子之所以動天地也,可不慎乎?」 義曰: 義曰: 當思慮之。若思之不精,慮之不深,則 與不中,是榮辱之主也 夫君子之言行,有善有不善,必 言行者,本由君子之出,發之中

天明威,自我民明威。」言天體雖高,而 也,故《書》曰:「天聰明,自我民聰明。 言之不善矣。善與不善皆動之於天地 天。怨氣瀆於天,則上天降之以禍。 於天。善聲動於天,則上天降其福 之人和樂而從之。 民既和之,則善聲動 令,以除天下之害,以興天下之利,天下 下聽於卑矣。夫君子之言,善則 下之人既嗟怨而不 下之害,則天下之人嗟怨而不從之。 言之不善,不能興天下之利,不能除 從之,則怨氣瀆於 爲 天 若 天 號

致思之,可不戒慎乎? 君子之言行出則動乎天地,必當精心而

「同人先號咷而後笑。」

義日 《易》之辭有理義未盡者,孔子復引而 難,終得爲正 誠相應,終得 得與二爲應,是先號咷也。 之。言同人之九五,始爲三、四寇難,不 之寇難,六二以至誠相待,雖爲三、四 九五,下應於六二,然有九三、九四爲 言行,陳其至誠之道,故引以爲 此是同 會遇,是後笑也。 應也。 人九五之辭。 然此引之者,凡 然二、五 言同 義也。 故因 人之 明 至 寇 此

者之朝,以濟天下之民,故曰「或出」,濟世之才,若遇其時,遇其君,則進登王義曰。 夫君子之人,懷才抱道,有經邦子曰:「君子之道,或出或處,

或默或語,

當擬 皆其 子佯 憂。 然合於道矣。 顔子一簞食,一 饑如己之饑,憂天下之溺如己之溺。 後言之。 其心一歸於大中之道也。 无怨惡,使天下之人莫不悦而從之,而 人同類相應,同心相得,不必 夫如是,雖言滿天下无口過,行滿天下 言之時,必精思 妄語,但 E : 心 狂 孟子 而 殷 後 異 寂 夫君 言 而 調 紂,微子去之,比干諫 至如禹稷事於堯朝,憂天下之 然 議 其道同也。惟君子之言,必 禹、稷、顔回 不言,默然 子之人,凡居 一瓢飲,在陋巷,人不堪其 而後動, 而慎慮之,然後可言也 則語 同道。 不語。 然則君子之 於室 默出處,自 同其道 或當 而死,是 又 不 如 可 处然 箕 又 口 以

二人同心,其利斷金。

若不遭其時,不遇其君,

則守其至正之

,待時而動

が、故日

「或處」。

義曰: 金者,至堅之物也。夫君子之

是 是同心之人至利者也 雖至纖至悉之利亦可以 如二人同心,合謀共慮,成天下之能 同於己之道者,但其心一同 同 推 心 誠 以 同 待物,則物以 類之人皆感悦 至 断截堅剛之金 丽 誠待於己。 從之,不必求 則可也。 至 凡

同心之言,其臭如蘭。」

義曰: 芬芳,以達於天地之間也。 言君子之人既能同心同 吐言發語有馨香之臭氣,如芝蘭之馥郁 臭者,香氣也。 德,合謀共 蘭者,香草 慮 也

至也。 而 初六,藉用白茅,无咎。」子曰:「苟錯諸 可 矣,藉之用茅,何咎之有? 之 地

則是。 義曰: 過 疏以此 之時 爲第七章之始,非 此是大 自此 政教陵遲,紀綱廢墜,上下失 已下 過 初六之爻辭也。 · 當連 上文爲一章。 也, 當連上 夫大 注 文

> 之有乎。 器於地,又藉以白茅,是慎之至也,何咎 之,則安全而无傾覆也。故孔子因 之茅薦藉之,是過慎之至也。 事,而以災其身。 道,本末衰弱,惟是 子擬議其言行,故以此明慎事之始 不慎重之。 分以拯救天下之事,然居事之始, 常分以 而无傾覆之事,今置器 拯救之。 苟不能慎重之,則害 然聖賢 夫置器於地,必 有大才德之人 於地、又以 之 人 雖 既 调 於 過 安 如 論 潔 不 越 過 全 置 君 慎 成 可 越

往,其无所失矣。」 夫茅之爲物薄,而用可重也。 慎斯術 也以

義曰: 祀之時必取 雖爲物甚微,然有潔白柔順之質,其用 所用之重,以明慎重之術,以此 也重矣。 夫茅之爲物,雖柔弱菲薄, 聖人因其慎事之始,又取茅之 而爲 用,以薦藉宗廟之靈 而往, 然 祭 則

小之事乎。 无所失。且大過之事尚且如此,況於小

當也。 也? 之極位,上奉於君,下在百官之上,其責 義曰: 唯其君子之人,慎始至終,有其本末,故 心易變,朝行而夕改,不能 有終者也。 常惟曠官之責。 君,下則勞謙以接於人 言之,則居得其正,以身言之,則在 之九三,以陽居 云君子終吉也,在古之時,惟周 至重,其職非 王 戎衣而天下定。 迨夫成王幼弱,已居 之 夫小人之性亦有謙順之時,然其 叔。 夫周公是文王之子,武王之弟, 此是謙卦九三之爻辭 然則,必言君子之終者,何 當周之時,而相武王 輕,是以上則勞謙以事於 陽,在下卦之上。 夫如是,是勞謙君子, (,不以勤勞爲慮, 終始而行之。 也。 公可以 一伐紂 以位

子曰:「勞而不伐,有功而不德,厚之至也。 Щ 矣。 義曰: 業,又不自矜伐其功,逞己之德,稱 派,以通水之性,成其功業,天下之人得 己之謀慮,周行天下,疏河決導,尋源分 夏禹事於堯舜之朝,洪水滔天,浩浩懷 古至今未有如周公之德者也。 忠節以奉於君,下盡謙恭以下於人,自 明堂,天下臣民 慮,以事於沖君,復制 免魚鱉之患,此禹功之最大者也。 善者也,在古之時惟夏禹可以當也。 心,猶且吐 也,而周公盡 位非不尊也,權 三公之責,攝天子之位,握天下之重 襄陵,下民昏墊,天下之人物幾魚 而禹獨以聖人之德,盡己之力,竭 此孔子因言君子勞謙以成功 哺握髮,以 人臣之忠節,竭人臣之思 陶然而歸之。 非 不重 下白屋之士,上盡 禮 也,天下非 作樂,朝諸 然周公之 侯於 爲 夫

德厚至極者也。 等能。」是大禹不自矜伐其功德也,此是下莫與汝争功。汝惟不矜,天下莫與汝下莫與汝事功。汝惟不矜,天下莫與汝不矣,天下莫有及禹之功者也。然禹不至今,天下莫有及禹之功者也。然禹不

語以其功下人者也。

九三,能以謙順之功卑下於人者也。功而不德」,故此大易之道語説謙卦之義曰: 上既言「勞謙,君子有終」,「有

德言盛,禮言恭。

言恭」者,取其恭順之謂也。 能恭敬而行之,亦不足謂之禮。故「禮 找一禮,必以謙順爲本,以恭敬爲先,苟不 其日新之謂也。「禮言恭」者,夫君子之 其日新之謂也。「禮言恭」者,夫君子之 其日新之謂也。「禮言恭」者,夫君子之

義曰。 夫君子之人,在人臣之極位,虔謙也者,致恭以存其位者也。」

須致恭,然後可存其位也。 也也。若居人臣之極位,在百官之上, 位也。若居人臣之極位,在百官之上, 不能盡恭順之節以事於君,不能懷恭順 之誠以接於下,然後可以存乎其 百官之上,必當盡恭順之節以事於君,

賢人在下位而无輔,是以動而有悔也。」 「亢龍有悔。」子曰:「貴而无位,高而无民 之位 子曰 義曰: 失其中道而在窮極之地,是天下之民不 吉也,若不能謙順,是爲亢龍之悔咎矣。 亡也。夫君子之人,若能居富貴之位 乾之上九處一卦之極,過於九五,在窮 不自高亢,執其謙順,則可保其位 極之地,是知進而不知退,知存而 有悔也,故引乾卦上九之辭以證之。 止於 「貴而无位 上既明謙德保位,此明无謙則 九五,今上九之爻過於九五 ,高而无民」者,夫人君 一而獲 不知 夫

與 吝也。 也,是 无權之人也。 之爻過於九五,在窮極无位之地, 既有其君,即盡忠竭節以事之。今上九 用,患乎不才, 於九五,上九之爻則是「高 五 後 者,夫欲率天下之民,莫非有才 者,夫天下之賢,患乎不 「賢人在下位而无輔,是以 可以无 也 藿,處於蒿萊,不輔於上九過亢之人 ,雖居德位之尊,奈何天 故云「貴 以上九動静之間, 悔。 雖天下賢才至衆,但 今上九已過中道,越於九 既有其才,患乎无君 加 无 位 」。「高 用, 動 必須有其 下之民 而 而 无民」也。 圃 有 有悔也」 既得 位 无 2皆歸 甘於 則是 民 悔 其

「不出户庭、无咎。」

其驕亢之心,以至其道窮極,動有悔吝,乾之上九不知進退,恃其崇高之位,生義曰: 此節卦初九之爻辭也。 上既言

節卦初· 耳。 事。 得間而 苟能周密慎重,不露其芒角,使小人不 密,不可使人窺 凡君子之人爲節之道,必當慎 僞,天下之所惡聞,人情之所不願者也。 此 人之情僞 之情,防人之欲,禁民之非,止民之 又言聖賢語 故君子凡節天下,不可不周密之。 如是則法 窺,則可免其過咎矣。 九之辭 姦詐萬狀叢然而生,壞於成 以 默之間必當周密,故引 出 覩。 證 加 之。 姦生,令下而詐 若一漏洩其幾,則 夫節之爲道 重 加 起 周 此

子曰: 君不密則失臣, 義曰: 亂之生,皆自言語以爲之梯階也。 之人排斥姦邪,創 之所生也,皆言語以爲之梯階。 語,苟言之不慎 「亂之所生也,則言語以爲階。 階者,梯階,人之所履 ,則亂之所 文 制 度,必當慎 由 矣。 也。 夫君子 其言 夫亂

人生嫉妬之心,以至失臣之身也。君不能慎密,彰露其事,爲衆所共聞,則言姦邪,或指陳僭忒,與君同謀共慮。君,或興天下之利,或除天下之害,或斥裁曰: 夫爲臣之道,盡忠竭節以諫於義曰: 夫爲臣之道,盡忠竭節以諫於

臣不密則失身,

害,則是自害失其身也。 苟言行之有虧失聞之於外,爲人之所疾下之法制者,必當慎其幾,藏其密也。害,成一時之功,爲萬世之法,以鼎新天義曰。 夫人欲興天下之利,除天下之

出也。」幾事不密則害成。是以君子慎密而不

君子凡立成事,謀議姦邪,不可不爲之於法制,如是,則天下從而亂矣。是以姦邪互生,情僞交作,害廢於成事,敗壞慎,苟一漏洩其幾,爲小人之所窺覩,則義曰: 言君子之人,幾密之事不可不

曰:「手″易》等,其口盎之? 慎密,是以君子慎密而不出也。

知盜乎?」
知盜乎?」
知盜乎?」
知盜乎?」
知盜乎?」
知盜乎?」
如盜乎?」
如盜乎?」
如盜乎?」
如盜乎?」
如盜乎?」

也。 負也者,小人之事也。 易》曰: 義曰: 人之所不與焉,故曰「負且乘,致寇至」。 良民,不可以久居其位,必爲盜之所奪, 人而居君子之位,行其諂佞之行,荼毒 之則不正也。 居於陽位,以位言之則不中也,以身言 以釋天下之難。六三之爻,以陰柔之質 時,承蹇難之後,君子有才有位者,則可 小人而乘君子之器,盗思奪之矣。 「負且乘,致寇至。」 此解卦六三之辭也。 夫以陰柔不中不正之小 乘也者,君子之器 夫解 難之

奪也。 不惟天下之所厭棄,抑亦爲寇盜之所争 居之,若以負擔之小人而乘君子之器,● 太平之功可致矣。夫君子之器必 民,須賢者居之,則天下之人受其 子所乘之車也。 義 日 負者,是負擔之小人。 夫人 臣之位,佐君 君子 賜 m

上慢下暴,盜思伐之矣。

義曰: 非 任 官之上,必當任賢使能以居其位。 人居君子之位,此蓋在上之人不能選賢 盜之侵伐矣。然則,居人臣之位,處百 之人,暴虐爲政,不唯盜 小人之然也,蓋在上者選之不精也。 能,遂使小人乘時 夫小人居君子之位,驕慢 '得勢而至於高位, 之所奪,抑亦 今小 在 爲 下

誨 洛

IIII 藏之。 目 夫爵禄之位 苟不能自實藏之,常守不謹, ,實器之物,必當慎

> 也,非盜賊之然也。 則是教誨 竊盜之人以取之,是自己之招

冶容誨淫。

義曰: 復引《易》「負且乘」云。 以至爲寇之所奪,亦由己之所招也,故 其身,貪殘茶毒,恃其崇高,耽其驕慢, 侵于己也。 行,反自妖冶其容,粧麗其色,使外 窺覩而生不軌淫慾之心,是教誨淫 能侵人之正女,今女子不能 不正所招也。至如小人在位,不能慎守 冶者, 夭冶也。 此蓋非外物之然,蓋己 夫强 内守閨 暴之 身之 男不 門之 者使 人之

《易》曰「負且乘,致寇至」,盗之招也。」 文首尾皆稱《易》曰「負且乘」者,蓋欲人 所奪者,蓋由己身不正而然也。 言小人乘君子之位,必爲盜之 然則上

慎重其事,故再言之。

大衍章釋義

三十。 乎?」「下文又不言「變化之道」。又一 九,地十」。又次言「天數五,地數五,五 爲乎?」」次言「天一,地二, 天三,地 之,則此文倒錯而脱漏矣。 下文又不言天地之事。大衍之數五十 五,地六, 章言「天一,地二, 天三,地四, 錯之文。 有五,而經文止言四十有九。以此推 子曰: 「知變化之道者,其知神之所 得而各有合。天數二十有五,地 天五,地六, 「知變化之道,其知神之所爲 凡天地之數五十有五,此所以成 按此一章有脱落之處,亦 鬼 何以知之? 天七,地八, 神 也。乾之策二百一十有 天七,地八; 按下文云:「 天九,地十」, 今當先言 有 倒

> 之,天下之能事畢矣。 故可與酬酢,可與祐神矣」。 卦,八卦而 掛。是故四 奇於扐以象閏,五歲再閏,故再扐而 十,當萬物之數也」。次言「大衍之數五 兩,掛一以象三,揲之以四以象四 當期之日。二篇之策,萬有一千五百二 六,坤之策百四十有四,凡三百有六十, 十有五,其用四十有九。 分而爲二以象 小成。 營而 引而伸之,觸 成易,十有八變而 顯道,神德 類而長 成 後

爲乎?」
子曰:「知變化之道者,其知神之所

化之理,其知神之所爲乎。 知其變化神用之理,故大易之道知其變品,春生夏長,秋殺冬藏,自然而然,莫神所爲也。夫天地生成之道,變化萬義曰:此言大易之道知變化之理,知

天一,地二, 天三,地四, 天五,地六,

天 七 數十。 火,故 也。 天以 故 來,見於日道。 天以三生木,生數 生 地 四。 生水,生 而陰往。冬,水位也,以一陽生爲 九 以 數 然數之所 五月,夏至日, 成數七。 陰陽有 成金,成數九。 也。 天以五生土,生數 六成水,故 此 數一。 言天地 天 如 九, 兀 起, 十一月,冬至日,南極陽 是,則陰 地 而物乃成,故謂之成數 生成 地十。 地 ----本起於陰 以 成 北 以二生火,生數二 《數六。 八成 地以 之數 地 極 无 五。 陰 以 兀 木,成數八。 進 也。 陽, 十成土,成 四生金 一,陽 天以 此 而 是天地 陰陽往 夫天 无耦。 陽退。 七成 水 生 以

夏,火位也

一當以

陰生,爲火數。

奇數,必

以耦,故以二陰生爲火數也。

1,木位

也

),三陽已生,故

爲木數。

冬至以及夏

至,

當

爲

陽

來。

Œ

月爲

又加其 又加 是十二 天五 三十。 者,自二加其 偶之大數,總而言之,五十有五。 偶者,二、四、六、八、十是也。 數奇者,一、三、五、七、九是 稱十,是奇偶之數以分陰陽之象。 陽,故爲奇而 水, 以 奇,故其數二十有五。 土 春之季。季,土位 金 數。 位 及 ጠ 是九,九又 五 其 也,四 冬至,當 終於土者,此 是以天一 (天九, 十有五,以成變化之道,以 地 ,十二又加 此其生數之由 陰已生,故 是一 稱九,地是純陰,故 地 爲 地數三十也。 加其天七是十六, 四是六,六又加 陰 加天三是四 也,五陽 其 十五數也。 進。 地 也。 四 也。 陰數偶 爲 八月 (是二十 然則,天 以生,故 金數。 故五 也; 爲 , 是 故天 地數 四又 秋 以 故 行 其 爲 三月, 自 其 地 是 天 + 五 地 加 偶 陽 陰 始 故 其 數 陽 純 於

五數也。故言天數五地數五 一至五是天之五數,自地二至十是地之 成二十有五,地之數合而三十。自天 之數,所以成天下之務。故天之數合

天數五 義曰: 合」者也。 爲木,自地四合於天之九爲金,自天五 合於地之十爲土。是「五位相得 二合於天之七爲火,自天三合於地之八 ,地數五,五位相得而各有合。 自天一合於地之六爲水,自地 而各有

天數二十有五,

九合爲二十五也。 義曰: 言天之數奇,自一、三、五、七、

地數三十。

義曰: 合而爲三十也 言地數偶,自二、四、六、八、十

鬼神也。 凡天地之數五十有五,此所以成變化而行

> 變化之道、萬品之數,而行乎鬼神之幽 義 賾者也。 有五十五數,以成陰陽奇耦之數,成其 蓍草之數占之,以明陰陽之用也。 地幽賾之事,明 地之數,自二十五至三十,總而合之, 日 此已下 聖 其 人 天 因 地 萬 其揲蓍,以 物之理,故以 言天 考天 則

乾之策,二百一十有六,

單八策,四爻是一百四十四策,五爻是 爻有二十四策。 奇,故一爻有三十六策。陰爻偶,故 十六策,二爻是七十二策,三爻是一百 十四爻,陰陽之數相半,故陽爻一百九 三百八十四爻。故乾爲老陽,一爻有三 十二,陰爻亦一百九十二,總而言之有 百八十策,六爻是二百一十有六 夫乾坤二卦,陰陽之象。 自乾坤 而下,凡三百

坤之策 百四 十 有 四

爻有 凡三百六十日也 故、聖人因其乾坤奇偶之數、成爲一歲、 奇偶之策,總而言之有三百六十。 爻有一百四十四策。 二爻有四十八策,三爻有七十二策,四 日 九十六策,五爻有一百二十策,六 夫坤 爻偶,故一爻有二十四 是乾坤之十二爻,

凡三百有六十,當期之日。

閏。 行遲, 義曰: 分度之一,故月行速,一月一周天, 有六十日。然天之有三百六十五度四 人因之以成爲一歲。 六小月,三年之中餘三十六日,故爲一 一歲三百六十日餘其六度。又一歲有 其二十四日,合前六日成三十日, 一閏之中又餘六日。 夫乾坤之策,凡三百有六十, 一歲一周天。若以全數言之, 一歲之内,凡三百 又於五年之 , 則 日 聖

> 日,爲一歲之期也。 又爲一 閏,是 五 歲 再 閨 也。 此 言期 之

數也。 二篇之策,萬有一千五百二十,當萬物之

義曰: 策,却於二百爻中退八爻,三八二十四 故爲下篇之終。凡此上下二篇,有三百 終之,故爲上篇之終。 四十八策,是乾之爻一百九十二爻,都 爻是三千六百策,二百爻是七千二百 爻三十六策,十爻是三百六十策,一百 百九十二,坤之爻亦一百九十二。 凡陽 八十四爻,陰陽之數各半,故乾之爻一 大,故爲下篇之首,以既濟未濟而終之, 萬物,故以 以其易道廣大、卦義淵深、乾坤能始 夫伏羲畫八卦已後,文王重爲六十 却二百 二篇者,言乾坤上下之二篇也 四十策,又六八四十八,又除 乾坤 爲上經之首,以 自咸恒明人事之 坎 離 . 四 生

陰老 總策 陽奇耦之數,其中有萬,有千,有百,有 爻二百八十,一百爻是二千八百,二百 三十二是少陰之數也。 八是少陽之數也。 夫萬物之數,无所不備矣,然此皆是老 十,故可以極天下之務,成天下之事。 五百二十策,以象萬物之數矣。 合坤之四千六百八策,都合爲一萬一千 内有一百九十二爻,都總策數是四千六 六十策,又四八三十二,又除三十二策, 百爻内除了八爻,二八一十六,是一百 四百策,二百爻是四千八百策,却於二 策,十爻是二百四十策,一百爻是二千 陽之數也。 百九 (策也。以乾之六千九百一十二策, 陽之數也。 數是六千九百一十二策。 十二爻,每 故少陽之數七,四七 而乾坤之間 少陰之數八,故四八 一爻策數是 自二十八至十 亦 然則陰 有 少 爻 陰 十 四

> 千五 内有 陰老陽少陰少陽,其數皆一,亦有 其變則神其用,舉其大則 陽,止言老陰老陽者,蓋易以變爲占, 老陰老陽 五百二十,當萬物之數,是少陰少陽 十四策。 八一十六,一十六策,内有六千一 了八爻,三八二十四,二百四十策,又二 百二十爻三百二十,●一百爻三千二百, 爻是 二百爻六千四百策。却於二百爻内除 四是六 加 百二十,當萬 五千三百七十六策。少陰之數三 五千六百策。 少陰少陽從 其 共計少陰少陽之數一萬一 十四策,除了二百二十四 十六,一百六十策,又八八六 數皆一也。此不言少陰 物 又於二百爻内 可知矣。 之數,故但言老 明其 小。 然必日 萬 百 蓋 除 老 74

● 上「三百二」,疑衍。

以少爲貴。 陽老陰少陽少陰者,蓋陽以老爲尊,陰

大衍之數五十,其用四十有九 數三十,總而五十有五也。 之道,自然之理,積其 之道始於太極,是故聖人因其天地 天三, 地四, 何以 五,以明天地之大法。今注疏之説 五十者,蓋簡編脱漏矣。然則天地 五之數,豈得止言五 言天一地二、天三地四、天五地六、天七 言其用五十,殊不知天地生成之數。  $\vec{\pi}$ 日: 也。 八、天九地十之數,上文既言五十 十者、謂十日、十二辰、二十八宿也 (明之? 天九,地十。是天數二十有五,地 按此 代 以 人大衍 按上文言: 來言之者甚 天五,地 之數當有 十哉? 成數,總而五十 六, 天 衆, 今經文但 五 此注 一,地二; 天七, + 京 · 有 房 疏 生 生  $\overline{h}_{\circ}$ 上 但 一成 成 之 有 有

日 生日 五 弼則 用」, 坤二用,凡有五十。 位 有太 凡 謂之太極。」此皆殊无 地之數五十有五之數,五十有 則曰:「卦各有六爻,六八四十八,加 六以象六畫之數,故減之用四十九。] 王 生十二月,十二月生二十四氣。 實 ,但言聖人推測天地之數止用五 ,然而又不知四十九之用。 信、董遇三人皆言天地之數五 不動,其餘四十九轉運 不用者,以其 五. 「其一不用者,太極也。 十其一 曰:「演天地之數,所賴者五十。 故用 月,日月生四時,四 故 極,是北 用 四十九也。」鄭康 四十 不 辰 用 虚无非所用 九焉」。 也。 者,天之生氣將欲 《乾》初九『潛 太極 所 一時 據。 馬 而用也。」荀 生兩儀, 生五 成則曰:「 季長云: 也。」子夏則 无可名之, 獨鄭康成 今注 五者, 行, 北 一十有 龍 兩 辰 五 以 天 其 其 爽 居 行

言虚 之象也。 非 自然之理,酌其老陰老陽之數,以 之盛於君,子盛於父,卑盛 之象也。 是老陰老陽之數也。 九,何則? 生成自然之數。 事之理,萬事之情,萬品之物,无不總此 數,以其 三十之中去其六策,又合於坤之一策二 於陽數,而陰者是臣之象也,陽者是君 十,是天地生成之數,自然之理。 萬 空之説 可 千五百二十,陰陽奇耦之數,天 數 過 ,遂以地數以卑爲尊,故去其六數, 而 於陽,臣 以象 以 數以之通,不用 上文既言天數二十五,地 是故聖人因其天地生成之數, 今地數三十,陰之盛於陽,臣 惑後 夫天數二十五,地數三十, 虚 世 无之氣,此 不可 然而其所賴者四十有 今止取五 盛於君,故於地數 以數言之,陰數多 而 皆近 用 於尊,此至逆 以 十有 於莊 之成成 其陰 下 數 Ŧī. 老 之 有 空空 又

> 於父, 其用四十有九,然後 九 止 數。 以二十四 卑下於尊,此 取 其 【合於天數二十五,共爲四 陰 下於陽,臣 可 是 至 以神其用矣。 順之道 下於君, 也。 了 下 + 故

以象四時, 分而爲二以象兩,掛一以象三,揲之以四

義也 手則 義曰: 者,又以 之類皆備於其間。 分,而人事未備,又於左手之中掛 次分而爲兩, 之時則爲一,以象太極,天地未判之際。 有春夏秋冬四時運轉、寒暑往來 於小指之間以象三才,言天地人 其所賴者四 爲 陽,於右手則爲 左右手握之,四數之,以 夫大衍之數,始本五十有五 十有九。 以象陰陽分剖之理,於左 又揲數之以 然四十 陰。 然陰 九數未 不絶之 象 事 陽 天之 其 萬 四 既 分 時 品

歸奇於扐以象閏,五歲再閏,故再扐而

後掛。

未備; 指之間 天。 於左手 剩。 也。 義曰 以象其閏,然於二年之中爲 之,其有歸餘殘奇之數, 度餘有六度。是故聖人因此 天之有 日 月又剩六日,遂於五年之中積爲二 日 歲之間 生成之數推測幽隱,以其揲蓍 行遲,一歲一周天。 也。 加此六日即爲三十日,故 \* 然揲蓍之數歸 以全數言之,則日一年行三百 遂於五年再閏 所剩 三年之中,凡三十六日,故 ,以象其閏。 · 所掛 三百六十五度四分度之一。 於三年之中爲一閏,又其數 言既 六度,又有六小月,是十二 一之處,以 揲數之,其 餘殘奇零,止有 月 行 則 既取歸餘殘 其數始足。 象 有餘 則歸於 速,一月一 其 閏 里。 者 己數 五 大 年 又 奇之數 所 衍 則歸 然 (其數 ·再閏 閨 故 掛 六十 四 數 地 周 日 四 出 之 小

> 之,然後見成閏積分之數也。 以全數爲殘奇,則无 歲再閏,故再扐而掛之是也 而後掛者,蓋上 三爲殘奇也。 奇,則非 殘 奇。 也。 今注 且 若无餘,則 四 言歸奇於扐 四 疏之説, 數之, 所據,但 是全 再 以 以 扐 謂 然謂 止 象閏 數 而 有 四 也 爲 再 後 一,若 扐 掛 五 殘

是故四營而成易,

此 閏,五歲 謂四 義 日 揲之以 四度經營,然後成其 度經營而成變易也 是故者,連上文也。 再閏,故再扐 四以 象 四 時, 、變易之道。 丽 歸 後 奇於 四營者, 掛 四 是 營者, 扐 也 以 則 象 謂 凡 貝

十有八變而成卦。

變而成一卦也。 爻。一卦六爻,三六一十八,是十有八義曰: 凡言一爻,凡三度揲之則爲一

卦而

小成

### 顯道,神德行,

萬事之情,原其所由,不知所以然而然,畢載於《易》,故可以顯明其萬物之理、義曰: 上既言天地之數、天下之能事

是故可與酬酢,可與祐神矣。又可以神其德行,莫見其迹也。

致,是可以祐明神之德而行事者也。 之难,又以蓍數明其吉凶之事。知其吉凶之 來,明其已往,使人占兆之,知其吉凶之 來,明其已往,使人占兆之,知其吉凶之 來,明其已往,使人占兆之,知其吉凶之 人應聲而應對之也。「可與祐神」者,言 易道既言吉凶之事,從吉而背凶,若響 易道既言吉凶之事,使人占之從吉而懼 以,是可以祐明神之德而行事者也。言易

# 《易》有聖人之道四焉:

賾索隱以成其道,故所用之道有四焉。焉」,此之謂也」爲一章,言大易之道探義曰: 此已下至「『《易》有聖人之道四

### 以言者尚其辭,

聖人之情顯見於言辭之間,故君子之人辭也。言聖人探賾索隱,作爲《大易》,義曰:言,則謂《大易》之中所述之言

ズハ

屬之文辭,見聖人之情意也 欲觀《大易》之意,必觀聖人諸 卦爻所

以

則吉。 動 既有變動 變通之理,然後趨其善而背其惡,向 悔吝、存亡之幾,必先觀其諸卦諸爻之 應有不應者,是諸卦之爻有變動 爲六十四卦,其爻有 也。言聖人仰觀俯察,作爲《大易》,設 而悖於理者, 有變有動,有正有不正,有中有不中,有 者尚其變, m 曰 避其凶,所以致身於无過也。 ,然後可以知吉凶之事,悔吝之虞, 是故,君子之人,凡欲知其吉凶 動,則 ,則吉凶悔吝生乎動矣。 則凶。 謂 諸 桂 有 得 諸 位者 動而合於道者, 爻 也。 有失位 者也 有動 動

以 制 器者尚其象,

六十四 卦之法象也。 象,則謂《大易》之中 至 一如伏 義作 聖 人 結 所設 繩

> 象 觀 如 諸 而 益 也 制 此之類、皆是尚其法象也。 爲 網 器 , 罟, 之用,必觀聖人設卦制器之法 蓋 室 取 取 諸 大 離 壯 3 神農 弧 矢 作 故君子欲 取 耒 諸 耜 取

以卜筮者尚其占。

爲六十 不得以 誠,取其蓍龜之數,審之於天地之數,明 義 覩,不可以 不知,必謀之於鬼神, 凶之道,雖聖人有所不知。 以其凡人不能 夫凡人之生,必 有異然,聖人必謀之者,是故假其 日 卦諸爻變動之理,以明 然鬼神之道至 四卦, 前知,是故聖人 筮,則謂 象窺,冥冥 有變通之理,有吉凶之驗, 无疑,不能 有疑 蓍 幽 策 貮 以明得失吉 至 然 作 龜兆之占筮 之事,得失之理 隱,不可 莫 无吉凶。然吉 爲《大易》,設 過 聖人既 知 去未來之 其 所 以 凶之 有所 也 形 至

事,則必以卜筮占策,然後可以前知矣。

是以君子將有爲也,將有行也,問焉而以

言,其受命也如響。

應聲。 意子之道,然後其受命也如響之之理,吉凶之道,然後其受命也如響之之理,吉凶之道,然後其受命也如響之之理,古凶之策,通變事,凡有所施爲,凡有所行往,必先問焉。

无有遠近幽深,遂知來物。

凶禍福之驗,天地陰陽之理,將來之事,遐遠邇近,幽邃深密之間皆前知。其吉義曰: 言此大易之道告示於人,无有

已往之失,皆前知矣。

義曰: 言大易之道,若非至極精妙,通非天下之至精,其孰能與於此?

參伍以變,錯綜其數,

達天下,其孰能與於此哉

義曰: 參,則謂三也。伍,則謂伍也。

綜統,以成萬物之數。 生土,是天地之數三五通變,上下錯雜交於地之六生水,地之十上交於天之五言天一之數有三有五。至如天之一下

通其變,遂成天地之文;

極其數,遂定天下之象。

策,萬事之理,纖介之微,然後可以定天義曰: 言聖人窮極天下之數,陰陽之

下之法象也。

義曰: 言大易之道極窮天地之數,以非天下之至變,其孰能與於此?

道,其曷能與於此哉? 成天下之法象,若非天下至變至通之

下之故。 易无思也,无爲也,寂然不動,感而遂通天

之宜 任用 義曰: 至誠之心感而行之, 然不見其迹,默然不見其形。 極盡天下之事。 自然, ,自然而達矣。 言大易之道能 , 不須經營,任用 然而易之道 則通變之理、萬事 極盡 自 不假 天下之數 若聖人以 動 思慮, 寂

理未形之幾也。

非天下之至神,其孰能 其孰 義曰: 神者,寂然而无不應。 象數所由立也。 不可亂 遺數者,无以 妙 與於此 變化 夫非忘象者,則无以 如神, 至變者,體一而无 極數。 言大易之道,若非道極 極深 與於此 至精者,无筮 研幾,探蹟索隱, 斯蓋功用之母 ? 不周, 制象, 策而

> 夫易,聖人之所以 深者 極深 義日: 則謂之幾也。 極窮幽隱,識照幾先,而作其《易》者也 則謂 其用者也。 此 未有其理、未見其 以 下 言聖人作《易》以 極 文 幾,則謂 深 明 而 聖人作《易》之道 研 幾 有其理未形, 也 形,而聖人 極其有

唯 安平而 志。 深 情莫不欲富貴而惡其貧 饑寒,人情莫不欲壽 以見天下之心,以己之志 己之深可以通天下之志。 形,而又天下之心,億兆其心,而聖 下之心雖億兆之心,而聖人以己之心 也 天下之心,億兆之衆,深情厚貌,皆可 曰: 一,故能通天下之志。 何則? 夫人情莫不欲 惡其勞苦。 夫人之深,未有 是故,聖人以己之心 考而 賤,人情莫不欲 可以見天 其 惡 何 飽煖 其 理 也? 短短 , 未 而惡其 折, 下之 有 蓋 U 其 口 天

見矣。 其理,未 見矣。 但以一己之心,一身之勞逸,雖 顯其形,則天下之心自然 雖億兆之心至多而難 見, 未見 而 圃 聖

唯幾也,故能成天下之務。

矣,所謂知至知終者是也。 如是,則雖天下之務、萬事之微盡 審問之,慎思之,明辨之,篤行之。既能 君子之人,欲極天下之務,必先博學之, 幾者,是有理未形之謂也。 可見

唯神也,故不疾 而速,不行而至。

者也。 義曰: 之務,是其功如神,不疾 爲,寂然不動 夫大易之道極深研幾,无思无 能通天 下之志,能 而速,不行 定天下 而 至

謂 子曰「《易》有聖人之道四焉」者, 也。 此之

義 日 此又言大易能通微妙,以言者

> 象,以 之中亦不出於聖人之道四,故首尾總而 之至精,二曰非天下之至變,三曰非天 爲此一章之中所陳者三事,一曰非天 矣。然則,首尾俱 結之也。 下之至神,皆是廣言大易之道。 尚 其辭,以 卜筮者尚 動者 尚 其 言聖人之道四者,蓋 其變,以 占,故天 下之能 制器者 然三事 尚 其

子曰:「夫易,何爲者也?

義曰: 易,何爲者」」,此蓋孔子歎大易之道,其 爲一章,此「十翼」之中第十。 曰:「夫易者,何爲者也?」 功深蹟,故假 自此以下至「民咸用之謂之神 設此發問之辭以問之, 。「子曰『夫

者也。」 義曰: 者,通也。 此夫子自釋易之體 用 也

夫易,開物成務,冒天下之道,如

斯

而 已

冒者,覆也。言大易之道,其

之務,覆冒天下之道 子用罔」、《乾》卦則言「亢龍有悔」者,如 《遯》則言「遯尾」之厲、《大壯》則言「君 功宏 易之體用也,故云如斯而已。 此之類,是皆開通萬物之志,成就天下 言「鼎新」之旨、《旅》則言「无敢折獄」, 之宜、《革》卦則言「治歷」之事、《 卦則言「財成」之義、《履》卦則言「履素」 下之務, 博, 能 覆冒夫天下之物也。 開 通 於萬物之志,成就 如斯之道,則大 至 一如《泰 《鼎》則 夫 天

是故聖人以通天下之志,

義曰: 也? 聖人以大易之道以通天下之志者,何 故」,聖人以此之故,以通達天下之志者 見天下之志。 己之心可以見天下之心,以己之志可 然則,天下之人,心志至衆至繁,而 蓋聖人有深幾之見,極未形之理, 夫大易之道,其功 雖天下之人,心志至衆 廣大。「是

是故蓍之德圓

而

神

者也。 利害, 至 繁,然聖人以己之幾,深度人之情 極 未 形之理,可以見天下之志 僞

以 定天下之業,

義曰: 天下之功業也 深研幾,成天下之務,冒天下之道,以定 言聖人以此大易之故,極其 妣

以 斷天下之疑。

辭,以 義曰: 以 聖人雖以其蓍策占筮之,然亦不能 其來」,如此 惑之心,而又謀之於鬼神,謀之於天地 爻有得位失位者,然吉凶悔吝雖聖人 有所不知,於人事之間不能无疑。 言潛龍 成其卦爻。又於卦爻之下繫屬其文 決斷天下之疑 言大易之道通 勿用」、《離》之六四言「突如 ,是斷其 疑 也。 也 於人事,一卦六 至如《乾》之初 无疑 是故 亦

神,運 悔吝 咔 日 人皆 而不窮,周流通暢也。 其通變之道,天地之宜, 夫蓍 不 策之數,未占已前 可見, 无有 窮極, 无 其 用 有 吉 如 定 X

卦之德方以知,

之變通 有止, 藏往 窮 如神, 義曰: 知者,蓋神以 事,極其未形之理,其情僞 故言「方以 爻,卦爻之下有得位有失位,有中有正, 有凶有吉,有悔吝,皆繫屬而 然則,必言蓍德圓 一是往 及其揲蓍之後布成其 知之象 其吉凶 言蓍策之數,未占之時,雖 則无 數无 有 知」者,是知 常 常也。 也。 窮神之象也。 知來,是來无方也, 悔吝周流通 體 ,猶圓之不窮。 知可以識前言往行, 物既 而 其 神、卦 有常,猶方之 利 過 卦解爻分有 , 卦, 卦 變,運而不 不可變動, 去未 害 德 故蓍 方以 可見 來 其 知以 之 用

方象知也。 神可以逆知將來,故蓍以圓象神,卦以

六爻之義易以貢。

義曰: 貢者,告也。言聖人因蓍策之 數,以布設六十四卦。卦有六爻,以盡 期,以布設六十四卦。卦有六爻,以盡 其間吉凶悔吝皆不能告諭於人,故 正,其間吉凶悔吝皆不能告諭於人,故 正,其間吉凶悔吝皆不能告諭於人,故 也。至如《比》之初六言「吉」、《大過》上 也。至如《比》之初六言「吉」、《大過》上 也。至如《比》之初六言「吉」、《大過》上 也。至如《比》之初六言「吉」、《大過》上 也。至如《比》之初六言「吉」、《大過》上 也。至如《比》之初六言「吉」、《大過》上 也。至如《比》之初六言「吉」、《大過》上 也。至如《比》之初六言「吉」、《大過》上 也。至如《比》之初六言「吉」、《大過》上

聖人以此洗心,

義曰: 於諸 之理,盡人事之宜,其吉凶 行善則吉,行惡則凶,是洗 卦爻之下,聖人觀之可以 至如萬物有疑 夫大易之道,至公至正, (則卜之,是洗 悔 吝 洗 1皆繁 湯 極 其疑 蕩 天 其 地

心也。既洗蕩己之心,然後可以洗蕩萬

物之心也。

退藏於密,

者,此也。 。故上文所謂「顯諸仁、藏諸用」 之術,而人不知自用,是其功如神之藏 之術,而人不知自用,是其功如神之藏 。故上文所謂「顯諸仁、藏諸用」

吉凶與民同患。

是故聖· 義曰: 之間 凶 性昏蒙,憧憧然 患,使趣其善者舍其惡,向其吉者 ,是大易之道與民同憂患也 雖 人 有凶咎悔吝之事, 夫人之生,愚夫愚 以此大易之故 派不知 所 以 (,明示: 而 然 婦婦 不 者 而 其吉凶 然,舉 甚 知 一衆,其 自 背 止 其 動

神以知來,

知以藏往

言知 來, 過 義 去已形之理,其妙皆知之也。 日 來藏往者,蓋 . 卦成象於終,於蓍 言此大 易之道 蓋蓍定 爲往。 为 因 數於始 蓍之 於 策 然則 全 知 其 爲 必

而不殺者夫。 古之聰明叡知,神

武

之。 既能 思 不 古 往,非此之故,其孰能與於此哉 義 如此之類,皆是神其威武,不用刑殺而 威福之理。 爻之下,各隨 曰 聞,故 知。 无 者聰明叡知之人可 日 至如 所不 察微,又有剛 言惟 言大易之道神以 日 通,故 弧 示人以信,則人自然而 是 聰。 矢 動 聰 取諸睽 静,神 日 明 目 斷,故於大易之間,卦 叡。 叡 无 其吉凶之事 知之人有文 所不見,故 刑 以 才无所不及,故 與之。 罰取 知 來, 諸 耳无 知 (有武, 日 ",明 噬 威服 以 惟 其 所 藏

天下自然威服也。

人肯忌月。 是以明於天之道而察於民之故,是興神物

以前民用。

善而去其惡者也。 一不殺,是以大明天地陰陽變化之道, 一不殺,是以大明天地陰陽變化之道, 大察天下情僞利害之故,又以神靈之物 大察天下情僞利害之故,又以神靈之物 大察天下情僞利害之故,又以神靈之物

聖人以此齋戒,

微之處皆得以先知也。 之事,使憂虞悔吝不能及於己,至幽至言聖人以此大易之道齋心防戒其患害義曰: 洗心則謂之齋,防患則謂之戒。

以神明其德夫。

是故闔户謂之坤,

收藏,如户之閉也。 也。 而生之,若陽氣不降, 主夫生成萬物,若陽降其 夫坤者,陰也,主夫 此以下又廣明大易 則地道闔閉, 地。 氣 自乾 則 然坤之道 坤 坤 能 而 成 來

闢户謂之乾。

出,故先言坤而後言乾也。 則先言坤而後言乾者,蓋凡物先藏而後是乾爲開闢之端,如户之開通者也。然是乾爲開闢之端,如户之開通者也。然氣下生萬物,使萬品之物皆遂其生者,義曰: 乾者,陽也,主夫天。夫天陽之

一闔一闢謂之變,

往來不窮謂之通。

三九六

間,循 日 言天 不 絶 地之道 周 ൬ 復 ,生成之理,往來之 始 无 有 窮

自 通流,是謂之通也

見 乃謂之象,

之象也。 己。 寅之位,萬物顯見於世,有其形狀,故 日: 自十一月建子,陽氣 言天地之道,陰陽之功,生 下復,至於丑 而 不

形乃謂之器,

始有其 義曰: 後成其法式也。 凡 是故聖人因 創制器 形。 言天地之道,生成不已,故萬物 開 形之不已,乃可成於器用。 此《大易》六十四卦之形象, ,必觀其 形 象,爲之準範,然

制 而 用之謂之法,

取大壯 爲範 模 、後世 網罟取 言聖人裁制 以 諸 之爲 離 ,書契取 法 其物,凡所施 式 也。 諸夬,弧矢 至如宫 室

爲後世之法。

取諸

睽,如此

之類,皆是聖人制

成器

用

利用 義曰: 神,而人不知所以然而然 下之人既皆得其利,是聖人之妙用 人於此,使天下之人 出 人,民咸用之謂之神 言聖人 、既制器用,或出 用之皆得其利。 也。 於此,或 天 如

是故,易有大極,是生兩儀。

地。 道,始於太極。太極者,是天地未判,混 兩 陰陽之氣,輕 利」爲一章。「易有太極」者,言大易之 元未分之時,故曰「太極」。 儀 是太極既分,遂生爲天地,謂之 此以下至「自天祐之, 吉无 而清者爲天,重而濁者爲 言太極既 分 不

兩 儀生四

然生成 E : 四象。 言天 地之道,陰 四象者,即木、金、水、火 陽 之 自然

言四象,則土從可知矣。 為木金水火,則地之道本於土而成,但 對,生爲五行,然二氣既分,則自然生而 然此止言四象,而不言土者,蓋天地既 陰陽自然相配生成金、木、水、火之象。 以此是四天七生火」,如此之類,是天地 是也。故上文謂「天一下配地六生水,

#### 四象生八卦,

行所生, 畫爲八卦也。是故伏羲因此五四象五行之所生也。是故伏羲因此五兑, 木生於巽, 土生於艮, 如此之類, 是卦。至如水生於坎, 火生於離, 金生於義曰: 言水火木金互相生成而成八

#### 八卦定吉凶,

之間,以成吉凶之事,使人退省其身,日之得者爲吉,事之失者爲凶。言於得失其爻辭於諸爻之下,明吉凶之變,凡事義曰: 言伏羲既畫八卦之後,又繫屬

其凶也。 修其德,趨其吉而悖其惡,從其善而去

#### 吉凶生大業。

能保守其分位以成其大業,故大業之成縣,使人知自修省。人既知自修省,則爲凶。聖人又繫屬其辭,以明吉凶之縣及之中,得其正者爲吉,失其位者。此行之,失吉凶之兆也,皆在於六十四

# 是故法象莫大乎天地,

變通莫大乎四時, 變通莫大乎四時, 變通莫大乎四時, 變通莫大乎四時, 一、法象,則謂吉凶之理,皆由二體 也。是人仰觀俯察爲之法象,善者賞 也。聖人仰觀俯察爲之法象,善者賞 也。聖人仰觀俯察爲之法象,善者賞 也。聖人仰觀俯察爲之法象,善者賞 也。聖人仰觀俯察爲之法象,善者賞 也。聖人仰觀俯察爲之法象,善者賞 也。聖人仰觀俯察爲之法象,善者賞 也。聖人仰觀所察爲之法象,善者賞 也。聖人仰觀所察爲之法象,善者賞

化,皆由四時之氣推盪而成也。生之,是其天地之氣,生殺之功,千變萬以成之。成之不已又殺之,殺之不已又道,生成之功,春秋冬夏,生而不已,是義曰: 言天地之道,陰陽之氣,變通之義曰: 言天地之道,陰陽之氣,變通之

縣象著明莫大乎日月,

乎日月也。 其於著明運行不息,无所不照者,莫大義曰: 言天地之道布懸,其法象星辰,

崇高莫大乎富貴。

位 故 之人,若无富貴之位,則其功不能 極侈其位,夸恃其富貴,是故天地之道, 屬之者, 通之事,日月之明,此後言以富貴而 一代天 E : 能生成萬物,不能生成天下之人。是 君子有大才大德,凡居崇高極盛之 上既言天地之道,陰陽之理,變 理 何也? 蓋聖人非以恃其崇高: 物,能 以 義教化,生成 以及及 天下

> 者「曰位」,惟在行 其位 於天下也。 於天地、日月之後也。 「聖人之大寶曰位」,是言聖賢所保重 也,蓋 重其行道於天下。 是故 其 道 所 而 以 己。 重富 故以 故下《繋 富貴次 非 平 重

聖人。備物致用,立成器以爲天下利,莫大心

楫之利 下。 揉木爲耒,耒耨之利以教天下。 繩爲網罟,以佃以漁, 通,故能成天下之利也。 天下者,无出 天下之器用,以便於天下也。 下之用也。 義曰:「備物致用」者,備天下之物,致天 爲 地爲臼 又如黄 弧, 以濟不通。 剡木爲 ,断木爲杵,臼杵之利 「立成器」者,則謂 (帝刳木爲舟,剡木爲楫,舟 於聖人也,聖人則无所不 矢,弧矢之利,以威 又如 神農斵木爲耜、 至如 宫 室 凡能 建立 包羲氏 ,萬民以 取大壯, 又如弦 便 一成 結 利

天下之亹亹者,莫大乎蓍龜。 探賾索隱,鈎深致遠,以定天下之吉凶,成

凶。以其吉凶之事,告示於人,使人趨也。若事得於道者爲吉,失於理者爲吉凶,惟是聖人以卜筮之占皆得以知之極遠之事,天地幽隱之處,過去未來之處。言至幽至遠、至隱至近之處,鈎深義曰: 探,謂探尋。賾,謂幽隱難見之

下之亹亹者,皆由蓍龜之占筮也。而知勸。夫如是,定天下之吉凶,成天善從吉,去惡避凶,雖愚者昧者皆勉勉

是故天生神物,聖人則之。

事也。 得失,是故聖人取之爲法則,考人之行 得失,是故聖人取之爲法則,考人之行 的生者蓍龜之靈,知人之休咎,明人之 也。灼龜以爲卜,揲蓍以爲筮。言天之 也。灼龜以爲卜,揲蓍以爲筮。言天之

天地變化,聖人效之。

天垂象,見言凶,聖人象之。 天垂象,見言凶,聖人象之。 若以為法之,當賞則賞之,當刑則刑之,事之人者必改其弊,器之泥者必革其新,是聖人法效天地之變化也。若據疏説,是聖人法效天地之變化也。若據疏説,是聖人法效天地之道,陰陽之氣,生殺之天垂象,見言凶,聖人象之。

義曰: 言天之垂象,以示人之吉凶。

節 則 以示於人 而 陰陽 象其吉,災之來,則 平其政也 霜雪之不時,如 之慘 (),聖人 舒, 必 日星之災 當象之。 此之類,皆是天 應以 變, X, 或祥之來, 或修其 風 雨 (垂象 不

洄 出 圖 ,洛出書,聖人 八則之。

伏 世 居 世 卦,感上天之美應者也。 洛 以法則之者,蓋法其 出 則 義 位,是 書」, 在 則之」也。 之法則。 一典章法 書出見於世,伏羲因得之而畫成 和 日 亦當畫 上,至 : 氣 以爲 充塞於天地之間, 以 按此 度未 一德 經綸天 若河 爲八卦,以爲後世之法。 瑞應之驗也。 然按諸 動 河圖 於天地,天下之人和治, 立,伏羲 圖、洛 是天之大瑞也。 地,畫成八卦, 一時 儒之説,以謂河圖 而 以聖人 且上古洪荒 行 則「河出 未出 是故聖人所 事,故曰「聖 見之 之才德 以爲 圖 若聖 之 且

書而畫· 圖 也。 也。 情。」此八卦自是伏羲觀 天下 於天 上,錫五 書。」是亦因 畫成 鳥獸之文,近取諸身, 又按洛書賜 洄 麟鳳者,天之瑞物難見者 有 孔子不當言伏羲仰 圖 吾已矣。」夫是孔 八十 ,仰則觀象於天, 八卦, 地 卦, 又曰:「龜龍在 又如孔子曰:「 且按下《繫》曰:「古者包羲氏之王 洛書 八卦哉 福 則 以 也 於 是天之大瑞, 則 河 通 禹是亦八 ,又豈得謂 龜鱗 圖 八卦不當言伏 神明之德, 一、洛 庶 而 若果河圖 政行於 書、龜 至矣。 郊藪, 子因 鳳 遠取 俯則觀法於地 卦,更有聖人 觀 鳥 伏 天 若 一其鳳 俯 也。 不 (國,和 河出 羲 以 諸 果 地 此 察 、洛書已有, 至 感 取取 羲 物,於是始 河 類 蓋 若聖 龍 鳥 圃 河 河圖 所 圖 圖 萬 孔 成 而 鳳 畫 物 八卦 子 不 物 所 出 洛 爲 充 ,觀 也。 出 出 書 洛 之 在 而

易有四象,所以示也。

所以示 義曰: 出圖,洛出書,聖人則之」,亦非也。 效之。天垂象,見吉凶,聖人象之。 「天生神物、聖人則之。天地變化、聖人 義象,有用象」,則非也。又,何氏以爲 道有此四象,所以示人之吉凶。 象也,剛柔者晝夜之象也。是言大易之 也,悔吝者憂虞之象也,變化者進退之 天地自然相配,水、火、金、木以爲之象, 氏謂「六十四卦之中有實象,有假象,有 也。又一説,吉凶者失得之象 按此「四象」有二説。 一説 疏,莊 以 河

繫辭焉,所以告也。

大知憂患之慮也。 紫屬其辭,明其得失,所以貢告於人,使 紫屬其辭,明其得失,所以貢告於人,使 是人象之。河出圖,洛出書,聖人則之。 聖人象之。河出圖,洛出書,聖人則之。 聖人則之。天垂象,見吉凶,

定之以吉凶,所以斷也。

象,趨其吉,而背其凶也。 其吉凶之驗以斷天下之疑惑,使人知其義曰: 言既繫屬其辭以明得失,又定

《易》曰:「自天祐之、吉、无不利。」 《易》曰:「自天祐之、吉、无不利。」 是大有之世、天下富盛、諸爻皆乘於剛、 以定之以吉凶、所以斷也。言天下之 人、既知其吉凶之驗、禍福之理、又引此 大有上九之爻辭以證之。言天下之 是之以吉凶、所以斷也。言天下之 以完之以吉凶、所以斷也。言爰下之 是大有之世、天下富盛、諸爻皆乘於剛、 是大有之世、天下富盛、諸爻皆乘於剛、

不利」也。此大有之時如此也。吉,己獨乘之,是以得「自天祐之,吉,无

賢 人之所 子 也。 信也。 義曰: 日 之所祐助,鬼神之所協吉,天下之人皆 賢德矣。 其順 于六五柔順之君。 其信也。 五居中,有信於天下,而上九承之,是履 信 所 "「祐者,助也。 助。 是以「自天祐之、吉、无不利」也。」 也。 以得「自天祐之」者、蓋由己以陽承 助者,信也。履信思乎 既 此孔子解釋之辭也。 夫既爲崇尚賢德之人,則上天 履其 既已履信,則天下之人亦助 人之所以助之者,信也。言六 夫如是,何所不 順,又履其信,則是崇尚 天之所以祐之者,助 天之所助者,順 利哉? 順, 言大有上 又以 也。 以 尚

之意,其不可見乎?」子曰:「書不盡言,言不盡意。然則,聖人

義曰: 自此以下至「默而成之」,是夫

發問之辭,疑而問之。 不可見乎?」此孔子歎美聖人之言。 書不盡言,言不盡意。「於聖人之意,其 言,必不能盡 子總言大易之道, 人之意幽深宏遠,不可以見之耶,故假 无隱,故三百八十四爻之間雖皆聖人之 言聖人之意,思慮宏達,无遠无近,无幽 必不能盡聖人之言也。 之則,爲天下之令,然於簡牘之中所載 書不盡言」者,言聖人之言出 其聖人 當 之意也。 連上 「言不盡 文 則爲 爲 如是,則 意」者, 天下

子曰:「聖人立象以盡意,

之中,二 義曰: 不能 也。 名,取其天體剛 坤爲名,取其地體柔順 盡 言聖人之言,書不能盡其 可以明之。至如天之道 此夫子釋聖人之意有可見之理 其意,惟是大易之道,六十四 健,生 成 不息, ,能承順於天。 以 地之道 乾 言又 土

功妙用,惟乾坤之象可以盡之。是聖人設乾坤之象,以盡聖人之意。宏

設卦以盡情僞,

人之情僞,以盡物之得失也。 小之情僞,以盡其意,又觀萬物之象,萬 然既言不能盡意,又立象以盡意,既立 然既言不能盡意,又立象以盡意,既立

繋辭焉以盡其言,

變而通之以盡利,

惟是聖人立象以盡意,設卦以盡情僞,通變之道,以至窮極,必至於敗壞也。義曰。 夫萬事之理,萬物之情,若无其

量時制宜,變而通之,以盡天下之利也。萬化,隨時措置,立成其事,无有壅滯,繫辭焉以盡其言,而又裁制創立,千變

鼓之舞之以盡神。」

之功。 義曰: 舞之,足之蹈之,自不知聖人之道所 之,致天下舞樂之。 然而然,是聖人之道漸染於人,如神 知手之舞之,足之蹈之也。既不知手之 无所知識,然被上之教化,其心康樂,不 術,漸染於天下之人,天下之人雖冥 樂之義? 蓋聖人以仁義之道,教化 辭盡言之意。 盡天下之情僞,以説天下之心,又鼓 此總結立象盡 言聖人以其仁義之道 然則鼓舞何以 意,設卦盡情,繋 爲 以 然 發 發 之

乾坤,其易之緼邪?

大易之道本始於天地。緼者,藏緼也。義曰: 上既言聖人立象盡意,此又言

根源 之道本始 萬 言 事 地之間。 天 也 之理,皆藏緼於大易之道,是大易 地 初 判 於乾坤,故乾坤爲大易緼積之 之時, 然天 地之道,萬物之形象, 而大易之道已緼 藏 於

乾坤成列,而易立乎其中矣。

乾坤毁,則无以見易。 理, 義曰: 中矣,是大易之道本始於天地 坤既設, 日月 萬事之 而大易之道,變通之理以 運行,皆由乾坤之所生。 言天地設 情, 以 至寒 立 易不可見,則 ,陰陽之端,萬 暑往來, 也。 四 然乾 時代 乾 物 文 亚 之 坤

義曰: 百八十四爻。 大易之中。 是天地之道,萬物之理,變化之道 爲 八卦, 言大易之道皆本起於 至如乾生三男,坤生三女, 而 易之根源皆自 相 重爲 六十四 乾 乾 坤 。皆在 前 坤, 凡

> 若乾坤 故乾 毁,則无以 幾乎息矣。 坤 毁棄,則无以見易之用。 成 見 而 易 乾坤之用,如是則乾 道 變化 建 立 乎 其中 夫易既 坤或 矣。

是故形而上者謂之道,

於无形,而終於有形也。 措之則曲 法,由 局於器用,推於天 元 形、皆由 義 氣,散乎方隅 日 而通之謂之道。 道之所生。 言天之道 盡其變。 則 潛 兹乃道之本也,然始 下則无所 始 於象類,浩然 道者,人 於无 前乎天 形 不 可 而 地 通 以 終 间 爲 於 舉 而 混 前 之 不 於 有

形而下者謂之器。

幾乎息矣。

義 内 用之也。 形 者謂之器也 日 器 丽 者, 生於有 器者,是有形之 故在 則爲有形之用,但 形之外者謂之道,在 形,故形於下 實。 者 言 可 則 ıŁ. 天 形之 始 爲 其 於 而

化而裁之謂之變,

推而行之謂之通,

滯,皆得其亨,故謂之通。於心,緼之爲事業,推而行之,无有壅義曰: 言聖人因其天地陰陽之道思之

舉而措之天下之民,謂之事業。

其形容,象其物宜,是故謂之象。 是故夫象,聖人有以見天下之賾,而擬諸

言」,明言以爲教化之術也。象者,萬物以盡意,設卦以盡情僞,繫辭以盡其義曰: 此以下皆覆言上文「聖人立象

形容而爲之也。 一之象,艮爲山之象,如此之類,皆是推廣之象,艮爲山之象,●坤爲地之象,離爲日至如乾爲龍之象,●坤爲地之象,離爲日至如乾爲龍之象,如此之宜,故謂之象也。之形象也。言聖人推其天地之理,萬物

其 聖 人 之禮。 義 曰: 典 爻者,效此者也。 吉凶得失之理,以示於人,故謂之爻也 於道則爲吉,有悖於理則 物之形容,有會合通變之道,以行典常 、禮,繫辭焉以斷其吉凶,是故謂之爻。 有以見天下之動,而觀其會通, 又於諸卦之下繫屬其文辭,有合 言聖人以見天下之變動,觀 爲凶,以定其 以行 萬

極天下之賾者存乎卦,

之情僞,以存諸卦之中,使人觀之,以爲義曰: 言聖人窮極天下之幽賾,萬物

❶ 「龍」,康熙本作「馬」,《薈要》本作「天」。

法則也。

鼓天下之動者存乎辭。

之,知其吉凶之如此也。 失,有吉有凶,存於爻辭之間,使人觀義曰: 鼓,謂發揚天下之動。有得有

化而裁之存乎變,

於天下,故存乎變也。成其器,施爲仁義道德,千變萬化以及情,天地之道,日月之經,創制裁度,立義曰: 言聖人觀此萬事之理,萬物之

推而行之存乎通,

而行之,隨時措置,无有窮極,无有凝義曰: 言聖人觀此大易變化之道,推

滯,故存乎通也。

神而明之,存乎其人。

義 卦,鼓天下之動 變,推而行之存乎通,以成其易,若章 日 言聖人 既 存 乎 能 解,化 極 天下之蹟 而 裁之 存 存 顯 乎 平

默而成之,不言而信,存乎德行。

人矣。

知者見之謂之知,无

有窮

極,是存乎其

其

功,則其用如神。

仁

者見之謂之仁,

蕴德行之如此也。 「不怒而民威之,如鈇鉞者也。」此蓋素 时存忠恕,外有全德,如此則默而成之, 内存忠恕,外有全德,如此則默而成之, 内存忠恕,外有全德,如此則默而成之, 大寶也。言聖人素積其德,素蓄其待,

周易口義卷十一

## 周易 口義卷十一

宋 胡瑗

下

繫

《繫》、下《繫》也 理。」皆失之。 極」。 義曰: 曰:「上篇論易之大理,下篇論易之小 何氏則曰:「上篇明无,故曰 『易有太 上《繫》、下《繫》之説,先儒議者多矣。 下篇明幾,故曰『知幾其神』。」或 此「十翼」之中第七翼也。 蓋以簡編重大,故分爲上 然按

八卦成列,象在其中矣。

義曰: 火、山、澤、風、雷之象,畫爲乾、坤、艮、 言伏羲始畫八卦,取天、地、水、 自此已下至「禁民爲非曰義」爲

> 因 而重之,爻在其中矣。 天地萬物之象莫不在於八卦之中也。 巽、震、離、坎、兑之卦。 八卦既成列,而

義曰: 者,效也,使後世之人效而法之,故卦爻 爻,以盡天地之賾,人事之理。有得有 之常,有動静之事,有剛柔之限。凡人 之中有情僞之理,有是非之道,有變通 有利有害,盡 失,有吉有凶,有應有不應,有正有邪, 數而重爲六十四卦,分爲三百八十 之終始,是以取伏羲所畫之八卦,因其 生,巧妄交作,則八卦不能盡吉凶之變。 文王囚於羑里,極天地之淵藴,明人事 可以盡人事之宜。迨乎後世,民欲叢 情僞未遷,利害未作,雖八卦之設三畫 情,萬事之理,在伏羲之時,世質民淳, 水、火、風、雷、山、澤之象。 然於萬物之 夫伏羲始畫八卦,以盡天、地、 在此卦爻之中。 然則,爻 四

神農 因其 用,以 是 錫 重 觀 其有相資益之義。 罟,蓋合德 蓋取諸 木爲耜、楺木爲耒、耒耨之利以教 之。蓋見下文「包犧氏之王天下 仲尼曰:「易之興 而 易》者,其有憂患 中古, 有 仲 禹」之言,故有此説。 ,或曰神農 其 而 卦之説,先儒 爻 未耜 所 此 爲 尼所作,蓋仲尼因其聖人制立器 取合於聖人之卦,以其結 益。 重 網罟,蓋 説 則 一,則文王 也。 有益 於離 知 神農之時,又非憂患。 其 所 又因《尚書》之文有「洛書 且六十四卦,既是伏羲、 於人,蓋合德於益 效法此象而 取 卦,取其 重,或日 議 何心哉? 者多矣。 也,其於中古乎。作 先儒不究 諸離。神農氏 乎。」且伏羲之時, 夏禹 殊不知《繫辭 有 7附麗 或 行 原 所重 不然,何 事 日 本、故 之義; 繩 伏 也。 -,作結 一卦,以 作, 一,皆失 泛天下, 推 爲 以 此 又 疑 網 所

以言,文王重卦之心,又可見也。

剛 柔 然則,不言 《繋》曰「剛 動,物之久 之體,言剛柔,則陰陽之功可見矣。 者、蓋陰陽者天地之氣、剛 通,是故聖人因其剛柔二氣互相 義 六爻之間,然後 有變有通,有 柔,陽主其生,陰主其殺,故剛柔之位 相 四卦之中,卦有六爻,陽爲 日 推,變在 剛者,陽也。柔者, 動則静。 陰 柔相 其 動 陽 八中矣。 成其生養之道 有静。 推 相 加 動静之道則有 推」,而止言「剛 生變化」者是也。 故事之久 柔者是 陰 也。 也,故 剛 陰爲 静 盪 變 夫六 柔 有 則 於 則

繋辭焉而命之,動在其中矣。

得失之道,吉凶之變,情僞之端,萬事之故於諸卦諸爻之下各繫屬其文辭,以明盪,而爲生成之道,又恐後世之人難曉,義曰: 言聖人既因剛柔二氣互相推

在 則 所命之辭,皆可見矣。 口 ,使人觀其得 以 明 其 凶 則可 逆順之道, 以 知其 動静之理, 失, 趨其吉

吉凶 悔吝者,生乎動 者也。

兆可 凶。 合於理 有悔有吝,皆由爻位之動 日: 觀之不失於動静之道也。 ,推其情僞之端,明其得失之迹,使 以鄙吝者,皆繫在 是故聖人因卦爻之變動,明 有事之微小可 則 夫六十四 爲吉, 卦 以 有六爻,有吉有凶 動 ん追悔 而 一於卦 者也。 昧於道, 者 ,有事之萌 爻之變動 若動 人事之 則爲 面

剛柔者,立本者也。

義曰: 本此 之大本,以成天下之大法,天下之人皆 臣 陰陽之理,以 父子之所法,皆由此剛柔之象爲之 以爲法則 言伏羲 也。 始畫 成 故六 剛柔之道,以 一八卦, 十四卦之所本, 窮變於天 爲 萬

> 根 是立其卦本 坤,陽卦 本者也 ·而不 至如 陽, 遺也。 剛定 體 陰 爲 桂 兩 乾,柔定 陽而一陰,

變通者,趣時者也。

而行。 當屯 義曰: 時,其諸爻各言其一人,以趣就其時也。 至於六四「乘馬班 九、九六寇難,@然專應於五,不改其節。 不字」,言女子守正,應於九五,雖 故其卦體以象其屯,故初六居卦之始,❶ 之道,上下相應而成變通,所以趣就 體象其一時,一爻之義象其一人,六爻 時者也。 [息天下之人。至於六二言「女子貞 難之時而 如此之類,是皆一 凡六十四卦,卦 至如屯之卦言天下屯難之時 「磐桓,利居正,利建侯」, 如」,退守其正,待時 有六爻,一卦之 卦 則 言其 初

- 初 六」,當爲「初九」之誤。
- 「九六」,疑爲「上六」之誤

君子之人,動作之間,皆從其時也。 然則君子之人凡所 (中,故《中庸》曰「君子而時中」,是言 動作必從其 時, 不失

吉凶者,貞勝者也。

凶吉也 乎累; 義曰: 事不至於凶。 若居爻位之凶,而能行大正之道 吉,又能行其大正之道,則其事愈吉, 六十四卦之内,人事之端,情僞之作,吉 之變而不累於吉凶者,其唯貞勝者。 凶之驗,无不備 貞者,正也。 殉吉者,則未免乎凶。 惟是貞正之道,則能勝於 載 於其間。若爻位之 夫有動者, 盡 則未免 則其 一會通 故

天 地之道,貞觀者 也

義曰: 地以 本不 相 純陰之氣騰於上,二氣上下交相通 夫天本在上, 地本在 得,及夫天以純 觀者,爲天下之所 陽之氣降於下, 下,天地之性 仰 觀,則謂之

> 者也。 感,然後以 生成之理,皆本正一,故爲物之仰觀 成生長之道 是天地之道

日月之道,貞明者也

得貞一 往來不停,照臨下土,不混其光者,蓋各 義曰: 四時,晝夜不息者,日月之明也。 而明有所一也。 夫日爲 陽 德, 月爲 陰精。 運行 而

天下之動,貞夫一者也。 義曰: 若以至正之道、純一之德 皆歸一而後可正也。然則天下之廣,周 於萬里,人心至衆,萬孔千狀,執一何由 之所宗。故天下之情僞,人事之動静 之,則天下自然 下自然而治矣; 而治哉? 「夫衆不能治衆,治衆者,至寡者也。 夫少者,多之所貴, 蓋萬化一術也,天下一 而 睽 若不以純一之德而治 「乖矣。 而治之,則天 故王輔 寡者,衆 一統也, 嗣嘗

而已。 是 夫 天 動 下 不 能制 之動 動,制 必 由 動者,貞夫一者 寡之所 治 貞 其 也。」

夫乾,確 然示人易矣。

是示人易也。 則謂 義 之故也。故无爲而 不息,生成萬物,示人以和易,由其得一 日 剛 健者也。 此 又言天得一之道也。 夫乾 物成,不言而時化, 以剛 健之德運行 確者

夫坤,隤然示人簡矣。

之道 義 之氣,生成 之得一也。 遂者,亦由其得一故也。 坤不得專一之道,或 萬品自化,是示人簡也。 、簡矣。 日 ),或有 隤然,則謂柔 且以乾坤之道,生成之理,確 萬物,不煩 隫然,則不能 夫坤之道,以柔順之德承 有確 而 順 物成,不 若乾 故不 者也 示人易矣。 然 則 不得專 · 須 不能 · 勞 經營 此 言 而 宗 天 而 物 地

> 然隤 可正 若爲君爲臣能法易簡之道,則天下國家 夫 尊 之命,行君之事,則天下不勞而治矣。 天下,不至於煩勞,則天下從而治矣。 夫爲人臣者必 也。 然示 爲 聖人必 人易簡,況爲天下之君者哉? 法此坤之柔順之德 法此乾之剛健之德,生成 心,承君

爻也者,效此者也。

者也。 非,故通變之道皆在諸爻之中,爲人之 所效法也。故所謂爻者,效物之變動 義 有動有静,有邪有正,有凶有吉,有是有 曰 夫六十四 卦分三百八十四爻,

象也者,像此者也

義曰: 爲象,坤以地 水、火、風、雷、山、澤之象 如此之類,是皆象其卦之所本之 夫六十四 爲象,艮以 卦之象皆法 山 爲 也,如乾 象,坎以水 於天 以天

像也,注所謂「象此物之形狀也」。

爻象動乎内,吉凶見乎外,

之外也。 之外也。 之外也。 之外也。 之外也。 之外也。 之,文象之間有正有不正,有應有不應, 文,文象之間有正有不正,有應有不應, 之外也。

功業見乎變,

聖人之情見乎辭。

《乾》之初九言「潛龍勿用」,則聖人勿用情意者,觀其爻象之辭則可見矣。至如凶悔吝皆在爻辭之間,欲知聖人設卦之四卦之中,有情僞之端,得失之理,其吉義曰:辭者,則爻象之辭也。夫六十

何

以守位日仁,

之類,皆在爻辭間可見矣。如此首,凶」,則聖人无首之情可見矣。如此之情可知矣,《比》卦上六曰「比之无

天地之大德曰生,

有極,則所生之道不廣也。 限極,故其德常大。若生之不常,運之氣上下相交,生成萬物,周而復始,无有義曰: 夫天地之大德者,惟是陰陽二

聖人之大寶曰位。

下, 其功德也。是故聖人重德行道於民,故 大寶其位也。 以及於天下,无有遠近,皆被其澤,皆被 聖人之大寶何以在乎位? 也。 夫聖人之大實者,惟 才德,若无其位 日: 若有其至尊至實之位,則 寶者,愛也。 ,則其功不 位者, 所守之位 在其位。 蓋聖人 能及 其功 八之有 於天 然 口 則

理

位 義 以仁愛之道生成於天下,使天下之人皆 被己之仁德,然後父子有禮,上下相 一,何 日 以 守其 言聖人 位 哉 既 ? 有 才 必 德, 須法天元之德 又能 大 八寶其

何 以 聚人 八日財

親也。

之心; 類,則 財 爲 兄弟遞相親睦矣。 族内外自相親愛, 生,使天下之人各得其所,如是 水、火、金、木、土五行之事,正德利 能萃於天下之民。是故古之聖 一財而 商者 日 IE 仰有所奉,俯有所畜,則天下有戴 辭,禁民爲非 可以 已。 勤 夫聖人何以萃聚於人哉? 若其衣食不足,用度不備, 於貨,爲 保六親 財者,使衣食豐足,用度常 如是是聚人 工者勤 至於爲農者勤於耕 義。 六親 既 於器,如此之 相 日 保, I財也。 則 人 則親 (修其 父子 用 則 不 厚 君

> 所。 者,蓋裁制合宜之謂 使皆合於 正 義 不得積其私,少者皆得盡其 其解 以 日 財 然而貨財之道必主 爲 言 之節 義 天下 聖人 而 制,以 得其宜矣。 既 父 子 能 義也。 禁民 各 守 位 於均 有 之有非僻者 所 以 然則所謂 養。 平, 養 使多 又 又 各 須 能 得 者 與 其

俯 取 古者包犧氏之王天下也,仰 諸身,遠取諸物 則觀法於地,觀鳥獸之文,與地之宜,近 則觀 象於天

章。 則 則 法度 宜 獸之文與地之宜,以畫成其八卦也。 義 爲天下之主。 上既 觀 日 」,既言「觀鳥獸之文」,下又言「遠取 未 法 言包犧氏 立,而 言 於 自此已下至 二觀 地 、既觀 法於 包犧 然於上古洪荒之世,典 以聖人 地」,下又言「與地之 察 氏 仰 天 蓋 之才德 地 則 取諸夬」爲一 之 觀 象,又觀 象於天,俯 以王天下, 鳥 章

之宿則 之初也 手。 者,至如乾爲首,坤爲腹,震爲足, 天,俯 諸身,又遠取諸 象,萬物所生之宜。 獸之文,又觀其地之動植、山 此之類,是伏羲 文,又觀地之所生之宜,然後近取 宿則爲 ,如此之類,是近取諸身也。 物」者,何 又近取人之一身,其有思慮口 則 (爲白虎,北方之宿則爲龜蛇。 蒼龍 觀法於地者, 此又言鳥獸之文者,蓋 哉 ,南方之宿則爲朱鳥 ? 萬物之象,若乾爲龍 仰觀天之垂象之宿,鳥 蓋 上文言仰 既觀天之垂象之 蓋 是 伏 川、丘陵之 則 既 東 始 觀 鼻之 諸 近 艮 西 方之 觀 象 坤 身 如 取 爲 方 於

於是始作八卦,

爲馬,山、澤、風、雷之類是也。

萬物之象,然後興起八卦,以象動植之義曰: 作者,起也。 言伏羲因此天地

宜

也。

以通神明之德,

此之類,則謂之神明。 運,變通 日 神明, 不測之宜, 即 謂 吉 天 是八卦 X 地 未兆 之道 通 之事 陰 此 陽 神 如 之 明

之德也。

以類萬物之情。

聚萬品之情僞,皆可見也 天、地、水、火、山、澤、風、雷之象 義 可得而 日 知之也。 夫萬物之情狀至 聖 人 作 此 繁 至 八 卦, 衆, 取 故 其 不

作結繩而爲罔罟,以佃以漁,

蓋 取 佃 食之物,是故 情,以至天地之始終,人事之淵藴,无 羲既畫 義 諸 備 以 日 離。 於其間。 漁,使人取其魚獸,以爲所養。 八卦以通神明之德,以類 網罟者, 伏羲又結 然 而 取 於人 魚獸之物 繩 事之間 以爲 也。 未 萬物之 有 言伏 所 不

之也。 也,非 聖人創立其事,不必觀此卦而成之,蓋 罟,使人用之。 鼈麗之。 居水之深,皆得而 能及之,而聖人創立其 日 作事立器,自然符合於此之卦象 言山之高 . 準 然謂之「蓋」者、即疑之辭也。 -擬此卦然後成之,故曰「蓋取諸 然則 蓋者,疑之之辭 而禽鳥麗之,水之深 山之高,水之深,而 雖 禽鳥 取之,是使人麗 居山之高,魚 事,結繩 也。 離 而 者 而 爲 m 鼈 (莫 言 用 網 麗 魚

日

義曰: 言包犧氏既没之後,又有神農耒,耒耨之利,以教天下,蓋取諸益。包犧氏没,神農氏作,斵木爲耜,楺木爲

神農 氏以聖人之才興 E : 網罟以佃 五 寸,其首有 氏 是以樸斵其木以 言包犧 以漁 華觜以爲耕作之用。又 氏既没之後,又有 ,然而未有飲食之道, 起於世。 爲 之耜。 以 其 人 / 既得 神農

> 中爲市,致天下之民,聚天下之貨,交易 利 揉 益者,取其有益於人,爲萬世之利也 其禾黍之利, 其曲木,其 教於天 下 曲 以爲飲食之養,蓋取諸益。 之 有 人,使 鉤 以爲之耒。 四時 耕作之種 耒耨之

義曰: 言於日中爲其市,以貿遷於貨而退,各得其所,蓋取諸噬嗑。

義曰: 嗑之卦上 之時,取其遠近之人皆得以及矣,故於 然必取於日中者,蓋日之早而遠者必不 之民各得 散施之。既貨財交易,貿遷有无,天下 市 日中爲市 能及,若日之晚而又失其時,必於日 交,民之无者從而 財,以萃聚於天下之人,使皆貿易之 明 也 於上,是下 又頤中有物日 言於 也。 體 其 是 所,各得其宜,故曰 日中爲 離 然 動而 則 ,下體是震,震 有之,民之有者從 蓋 上 其市,以貿遷 噬 取 明,聚之則爲之 嗑 噬 ,凡頤中有 嗑 者,以 動 市也 於下 其噬 於貨 相 中

物有所合也。梗之物,必囓而去之也,然後得其通,而

不倦,神農氏没,黄帝、堯、舜氏作,通其變,使民

不通。 事之 黄帝以聖人之才德 義 民 壞,故黄帝能通其變化 以 之,隨其物之變通, 木爲 既 萬 交易之爲之市。 厭倦之心。 日 世之法,使民 理,以其伏羲既結 得其利用 耜,楺木爲耒,又聚天下之民 法既不通 夫法之久 是故 ,則无怠倦之心也。 八則必 則 ,因其時 然事 神 繼 宜之,皆得其利用。 人情多至怠 世 . 農 繩 一弊,弊 而裁之,引 既 而 之久必 而 興 没之後 加 (起,能 爲 更造之,以 則 網罟, 有 物 惰 其 通 而 有 伸 桦 团 有 所 而 而

神而化之,使民宜之。

之民既得其利用,則不知聖人之制作所義曰:「神而化之,使民宜之」者,言天下

作 以 爲 然 用 而 皆得其 然 也 既 宜 不 巾 知 所 以 然 而 則 所

易窮則變,變則通,通則久。

神而 際,可以永久爲萬世通行之法也。 終始之理,无有限 變,變極而 易通變之道也。 義 日 化之,使民宜之。 言黄帝既能通其變,使民不 必通。 夫大易之道,窮極 極,周而復始,无 天地生成之道,人事 如此者,蓋 得 而 復 大

是以「自天祐之、吉、无不利」。

證之。 道, 義曰: 神、人民既 鬼神尚且 往之處 則自天而 何所 言黄帝之法如此 祐 以 助、況 不 祐 下至於鬼神皆祐助之。 助,則 利 哉? 於天 盡 下之人乎? 善盡美之功,所 故 爲 引《易》文 萬 世 久行之

乾 黄 帝、 坤。 堯、 舜 垂 衣 裳 而 天 下 治, 蓋 取 諸

始於黄帝,成於堯 之德在於上,故爲尊, 質民淳,民皆敦樸,則上如槁枝,下如野 堯、舜而通言之也 然則黄帝、堯、舜連言之者,蓋衣裳之起 上下、貴賤之等,此蓋 在於下,故爲卑。 之世,垂衣 鹿,則上下自然而正矣。 因 象 裳 丽 此 而天下治, Ÿ. 已 下,凡 制 爰作衣裳,以分尊卑、 也。 舜之時,故以黄帝、 有九 取乾坤之象也。 夫上古之時,世 迨黄帝、堯、舜 坤有柔 以其乾有剛 事,皆黄 陰之德 陽

通,致遠以利天下,蓋取諸涣。 刳木爲舟,剡木爲楫,舟楫之利,以濟不

義曰: 舟也,以濟 又剡削其 通,免其沈溺之患也。 公深而 刳者,謂刳木之中, 木,以爲舟之用也。 不可以涉之,而黄帝能刳木之 於水,使人乘載之,以 「剡木爲 虚其 凡人 中以 楫 有川 濟不 爲

> 以利。 巽,下是坎,巽 下,使人免其沈覆之患,故此亦得變通 也」,能散 爲舟,有 患 中爲舟, 一,使 一端也。 利涉大川,乘木有功也」,是言巽木 一蓋 乘之皆 又剡 涉 釋其民難,令爲舟 取 川之象也。 削 諸 爲木,坎爲水,故其象 得 其 涣」者,蓋涣之卦, (木爲 以 濟,致遠之處 楫, 又曰「涣者,散 以濟 濟 Ш 於天 皆 險 上是 辭 之

諸隨。 服牛乘馬,引重致遠,以利天下,蓋

遠者利之,天下之人皆得其利,蓋取諸也之,至遠之地亦得以至之。重者引之,智其牛,調習其馬,使重者得以及之,遠智其牛,調習其馬,使重者得以及之,遠親,一,調習其馬,使重者得以及之,遠親,一,一,一,一,一,

取

隨 動 作 則 也 亦 所 然則 在 隨 ,皆隨 於 隨者是 於人也 以 之 動 近 作 則 必 亦 隨 隨 於 於 人,以 之

重 門 擎柝 以 待暴客,蓋取 諸 豫

時,外 是故 聲以 既 也。 義 ൬ 以發生萬物。 豫》卦「雷出地奮,豫」,言雷自地奮出 豫,樂也」。 日 云「蓋取諸豫」者,蓋言凡人居治平之 聖 能 爲之警備,使其姦人暴客不能踰 : 然而必取 既 犯,則在内者自然安矣。 人用其 夫治平之世,不能无姦宄之人, 有警備 此「重門 諸豫者,蓋豫者樂也 物既生,各遂其安,故曰 兩木相擊,昏夜之間擊其 則 姦人不能 擊柝,以待 犯。 暴客」 姦人 按 越

濟 斷 蓋取 木 杵, 諸 **小過** 掘 地 爲 臼,臼杵之利, 萬 民 以

義 然又不能精治其 日 言聖人 既 五 能 穀 教 以 民 爲 飲 以 粒 食之養,是 食 五 穀,

> 白,以 蓋 既 穀,是小有過爲其 既教人粒食以 過於人。今此杵臼 故 濟,故取諸 後世 小過之卦,聖賢之人過爲 精治其五穀, 其 聖人復斷 日 小過 杵 之 自 利, 馬。 則 其 事故也。 養,又教 而 天下之萬民 木爲杵, 以 然則 取 精 小 治 必 過者 人 其 又 其 取 八精 五 掘 小 事 治 皆得以 蓋聖 穀 其 過者, 以以 其五 地 矯 爲

弦木爲弧,剡木爲矢,弧矢之利, 下,蓋取諸睽。 以 威 天

人, 者,即 間 義 矢既 其木,取 懲也,是故 故,聖人雖立刑 亦有不 成 弓也。 堯舜之代,不 ,以威中於不 其 夫治平 庭不軌之人,非刑罰之威 復以弦繋於木 矯 既 厲 故故 以 罰之事以 之世,不 弦 能 爲 庭不軌之人。 於木爲弓, 矢 无逆命之人。 以 Ė 懲戒之, 能 中於人。 以 无 爲 姦 又 弧 剡 暴 然其 威 可 之 削 以 弧 弧

上棟

下字,以

待風

雨,蓋取諸大壯。

古

、 居

而野處,後世

聖人易之以宫

便而言,故

不

可

例取

也。

諸 心。 蓋擊柝之事,止以禦暴客,是亦利之異 舟楫皆云利者,此蓋 有 中 中 離之心,故制 於王者,今不能貢賦,反有倍於王者之 至如蠻夷之人,當奉於中 也 利也。 離 也。 睽也。 國 ,故云「天下治」,「治」亦利 ,言人心之乖離者 於 丽 不庭不 懼 二之心。 又如,姦猾之俗不能 ,有離叛之心。 「垂衣裳」不言「利」,此 矣。 然則 然「重門擊柝」不言所「利」者 軌之人, 然蓋 弧 如此之人,聖人因其 弧矢、杵臼、服牛、乘馬、 矢以威服之,故云蓋 取 諸 又如 則天下之姦暴 一器物有益於人,故 必 用 睽者,蓋 國 歸 諸 弧 矢以威之。 ,反抗衡 奉於上,反 侯,當尊 亦 也。 一睽者 隨 此皆 便立 有 者 取 睽 奉 於 皆

> 時,人 也。 之字,以待 後世聖人易之以宫室,上 既安居,然於 義 有便於人,故取大壯也。 日 : 然必取諸大壯者, 但 夫 冬則居營窟, 上古之時, 風 雨 風 有所棲 雨之時 未 夏則居層巢。 以 无 止 有 隆 可 其制度宏壯, ,故取諸 宫 其棟,下爲 禦止,是故 室 一,當 大壯 此 之

諸大過。 樹,喪期无數,後世聖人易之以棺槨,蓋古之葬者,厚衣之以薪,葬之中野,不封

蔭其尸 義曰: 制 戚 不 間,又不能 木合爲之棺椁,以蔭庇其尸, 又无其 能 知 又 耶? 種 无時 , ,但厚衣之以薪。及葬之中野 樹爲別,是「不樹」也。 夫上古之時,凡人之死 日月之限,是无數 封 不 而止,但哭除則止。 知 土 耶? 爲墳,是「不封」也 是故後 也。 世 及其 不 聖人 其於死 喪之 能 期 哀 之

取

不

事。 時者也 大 又立 爲之墳,種樹以爲之别,立其 既終,孝子之大事。 生必 救天下,則爲之大過。今此人之死不能 之卦,是聖人大有所爲,過越常分, 蔽蔭其尸,而 又立五服之制、 過 重人之生。 也 故過爲棺椁以 響祀之禮,其事過越至大,故取諸 有其死。 爲之墳 然則「蓋取諸大過」者,原 取此大過者,何也? 孝子哀戚之情,以其人之 蓋 三年之喪,使其 又 死者是人之終。 蔭庇其尸,又封土以 種 重其死者,人之大 其 樹 以 五服之制 爲 哀 之 人之 蓋聖 以 大過 戚 别

· 送日: 天二百乙醇, 土百己草, 青马云官以治, 萬民以察, 蓋取諸夬。 上古結繩而治, 後世聖人易之以書契, 百

則 一凡人有 結之以大繩; 夫上古之時,世質民 事必結其 繩 若有小事 而取 信。 淳 若 情 則結之 有 僞 大 未

> 既 情僞,以決斷之。 事之姦詐,不可以 者、蓋夬者、決也、能明決 萬民之情皆得以察。 以取其信驗,契券所以取其 聖人易之以文書,成之以契券。 作,巧詐 以 立,契券既明,則百官之事皆得其治 小 繩。 萬狀,不可以救正之,是故 迨及 後 世,情僞 隱也。 自此 然 而後,民之利病 呵 其 己 (要約。 蓋 遷 事,驗人之 取諸夬 文書 利 文書 後 害 所 世 漸

是故,易者,象也。

澤,如此之類,皆是本於物象也。成。至如乾爲龍,坤爲馬,艮爲山,兑爲章。夫大易之道皆本諸萬物之形象而義曰: 自此已下至「小人之道」爲一

象也者,像也。

巽爲木,坎爲水,離爲火,如此之類,皆其物像而名也。至如兼山艮,麗澤兑,義曰: 言聖人立六十四卦之象,皆因

是本諸象也。

彖者,材也。

之材德而成之也。 貞」。此類皆聖人設其彖辭,以象一卦貞」。此類皆聖人設其彖辭,以象一卦「乾,元亨利貞」,「坤,元亨,利牝馬之義曰: 彖者,即六十四卦下彖辭也,如

爻也者,效天下之動者也。

之也。 之也。 美曰: 夫六十四卦,一卦則象其一時, 義曰: 夫六十四卦,一卦則象其一時,

是故吉凶生而悔吝著也。

然動静之間,有可追悔者,有可鄙吝者。若動得其道,則吉, 動失其道,則凶。位者,有凶有吉者,皆繫於爻之動静也。義曰。 夫六十四卦之爻,有得位有失

若能 著見 所 能 謂 慎 於 慎 於外,皆繫於爻之變動也,故上文 「吉凶悔吝生乎動者也」。 動 於 静 動 静,則 則 凶 咎著焉。 区 区 害不 生矣; 是吉 X 悔 不

陽卦多陰,

其下矣。 如坎之一卦,上下二陰,而一陽在 義 下矣。震之一卦,二陰在 有一卦有二陽者,有一卦有二陰者。 夫八卦之設,有純 日 艮之一卦,一 陽者,即 是陽卦多陰也。 陽在上,而二陰在 剛 陽之卦,有純陰之卦, 也。 陰者,即 上,而一 柔 陽在 其 也 其 中

陰卦多陽,

兑之 一 巽之一 至如離 卦多陽也。 日 卦, 卦,二陽在 之卦,二陽在 夫八 陰在 卦之中,有陰卦而 上,而 上,而 外, 陽 陰在下。 陰 在下 在内矣。 多 陽者。

何 也

多陰,陰卦多陽,其故果如 日 此 是孔子疑 問 之 辭 何多也? 也 言 陽 卦

陽 卦奇,陰卦偶

多陽, 因 者,蓋陰卦純二,故多偶 者、蓋陽卦純一、故多奇 義日 其奇偶之數,所以如此 各有本末也。 此是孔子復陳陽卦多陰, 言陽卦 也。 也 也 所 陰卦 是故聖人 以 多 陰 陽 陰 卦

其 行何也?

義曰: 何 以多奇, 此孔子又發問之辭。 陰卦 所 以多偶,其於德行果 言陽 桂 所 如

陽,一君而二民,君子之道也。

是民, 義 偶」之所由 上,則二民歸之。 一陽在上,則衆陰歸之, 此是孔子又自釋「陽 也。 言陽之卦是君,陰之卦 猶天下 一統, 卦 奇, 一君在 陰 桂

> 是君子之道者也 則成邦國之道。 是至治之本,

陰,二君而一民,小人之道也

義曰: 之道,是致亂之本。此是小人之道也。 的從,則天下不能統一。如此則乖 在下之人无所的從。在下之人既无所 陰在上,而一陽歸之,是由二君在上,而 言陰者,是小人之象也。 夫二 邦國

《易》曰:「憧憧往來,朋從爾思。」

段。 義曰: 《咸》卦九四之爻辭。 聖人之道亦不求感於人,蓋但任仁義之 道以行於世,則天下之人自然而歸之。 理,不能感於物,蓋物自然 特引於此而明之。言天地之道,生成之 今九四,以陽居陰位,是不正也。當咸 理深遠,卦爻之内未能盡 「憧憧往來, 自此已下至「德之盛也」爲 朋從爾 凡《易》卦中有 其義者,孔子 思」者,此 而 咸感之。 是

是則

所感之道至廣

也

感之 之,惟是己之朋黨者則感之也。 所感之道不廣,但 感於人,反自思慮其 時,以不正之身不能任以仁義之道 其 憧 朋以求所感,故 憧 然朋 從爾思

子曰:「天下何思何慮? 天下 同 歸 而

殊塗,

之,但 義曰: 而殊塗」。 下雖廣,而人自感悦 之大,萬宇之廣,爲感之道聖人未嘗 任其仁 此 孔子自釋 義之道以 九 而隨之,故云「同 四之辭。 感於天下,則 言天 天 思 下

致而 百慮,

也,終歸於一致也。 日 言人之百 慮 雖 然煩 多, 及 其 歸

天下何思何慮?

之衆,爲感之道 此重言之者,言聖人 不在思慮以感於人,如 凡有天下

> 生焉 B 往 則 月 來, 月往則 日 來, 日月 相 推 而 明

義曰: 臨 人,而天下之人物自然感日月之照 端,人事之理,萬物之情,亦自 自 之道互相推盪於天地之間,而 也。言日往 也。 然明 矣。 此已下又明天地之道, 則 然則日月之道 月來,月往 一則日 不求照 來, 夜 然 陰 之道 耀 日 陽 圃 於 月 之 然

成焉。 寒往 則暑來,暑往則寒來,寒暑相推 圃

於寒暑 義曰: 之道非自求成其歲功,蓋歲功自然 陰,以陰陽之道 暑之道互相推盪 也。 夫天地之道,晝 互 而成歲功。 相 推 盪 則 MI 爲 陽,夜 成寒暑, 然則寒暑 加 則 隨 寒 爲

往者屈也 日 ,來者信也,屈信 此一節 又 明萬 事 相 之理 感 而 利 亦皆本 生

歲

尺 也 蠖 利 也 於 害 自 之 生焉。 往 然 屈,以 者 ൬ 既 然 求信也。 是利害自然而 去,來者 也 屈者, 求進,屈 龍 去 蛇之蟄, 生於屈信也。 也。 信之間 信者, 以 存 而 進

其安身 信也。 而凡 義 日 : 於 也 龍蛇 動静之間非自樂 夫尺蠖之 之蟄,潛其所處,蓋 屈 雖 一本於天 也 蓋所以 所 賦 求其 以 求

精 義人神 致用也

於義 之事者,何也? 義曰 天地之全性,凡 下之用,興天 諸善,不學而 至正,然而 ,書契取諸夬 : ,以通神妙,及發於 夫人 有 下 得 致 服 所動: ,宫室取 之利也。 諸 蓋 君子之事者,有 天性之自 不 日 作,精思遠 善也,惟是 操 心積 外 諸大壯,凡 至 然, 也,可 如 慮,學 網 慮 聖 服 罟 以 五 常之 而 百 人 取 措 以 小 得 所 諸 天 合 致

> 爲之事 神、然後 有 能 利 也 用 於 民 者, 皆 由 聖 精 義

利 用 安身, 以崇德也

業也 自 其體,居 義 下之用,又能 隕 日: 穫 富貴 言聖人 如 此 宴 而 則安 (樂 既 不 自 能 以 於 充 安 精 身 其 詘 義 神, m 人 神 崇 貧 飲 大 賤 以 其 以 致 而 養 天 不

過 此以往,未之或知 也

聖人亦不能知之也 義 利用安身以崇德,舍此二道 日 . 言聖人舍其 精 義 人 神 而 以 往 致用 則雖

窮 神 知 化,德之盛也。」

見其妻,凶。」 易》曰:「困于石,據于蒺藜,入于其宫,不 變化之終始。 日 如是 . 利則可 言聖人既能 以 此 窮 是 極 德之至盛者也。 精 鬼 神 義 之 人 情 神 狀, 利 通 用 安

其 性 進,必 故困 既无所進,下既无所適,是猶入於其宫, 又下乘九二之剛,故曰「據於蒺藜」。 之上,是不 之爻,以 亦不可得而見之,況於他人乎。 於石 動而 (其妻,凶之道也。 須俟 此 、欲上進,是故爲九四之所止, 也。 其 居 中 是 時。 陽 也。 困 既上不 位 排 今此六三,居困之時 六三之辭 ,是不正 夫君子之人,凡欲求 能進,復退其居, 夫妻者,至親之 也; 也。 在下卦

子曰 其 三居 所以困於石者,非是所困 然君子之名必 名 「非所困而困焉,名必辱。 必 困之時,躁 辱也 此已下是孔子之辭。 求榮,今爲九四所困,是 而 求進,爲 丽 九四之所止。 困 言此六三 焉。 蓋六

義曰: 夫君子之人,進必以道,動必合非所據而據焉,身必危。

既辱且危,死期將至,妻其可得見邪?」 義曰: 不能安全其身,而身必自至於危厲也 剛,爲九二之所據,爲九四之所止,是必 義,不惟澤天下之人,又且 而據,既辱且危,是不 不陷於過惡也。 言六三既 。今六三既 非 :: 知 死 木 而 先 下 期將至也。 困,非所據 安其 乘 九二之 身 而

不利。」《易》曰:「公用射隼于高墉之上,獲之,无

既死

期將至,雖屬至親之人,必不可

得

而見也

義曰: 墉 以小人居君子之位,是猶貪殘之禽居於 時,而六三以陰柔不正之身居於下卦之 上,是不正之小 貪殘之禽也。 丽 牆之上,必爲 獲之,則何所不利哉 此是 解卦上九之辭 墉者,牆也。 人之所射 人也。 夫居 加 獲之。既射 解之時,而 也。 言解 難之

者,人也。子曰:「隼者,禽也。弓矢者,器也。射之

君子藏器於身,待時而 義曰: 道。 无 殘之禽,必以弓矢而射去之,然後可 所 其業於身,待其時而動之,則所往 以 其才,有 義 除天下之害者也。 目 獲 時位,欲去非類之人,必 有 所施 也。 是故君子 言君子之人,凡去小 其 夫弓矢之事,皆是威天下之器 爲,有 、德,有其時,有其位,然後可 之人 所動作也。 必當藏畜其器,韜光 今君子之人欲去貪 動,何不利之有? 自取敗亡之 若无才德, 人,必須有 必有 也。

者也。」 
動而不括,是以出而有獲。語成器而動

之事 畜積 義 日 其 ,如是則沛然莫之能禦也。 (德, 韜 括者,結 藏 其器,則无 也。 夫君子之人,凡 有括結 以 至凡 凝 能 滯

> 子曰:「小人不恥不仁,不畏 義也。 有 有 義曰: 此已下又言小人之道也。 人之性不常,亦不 八設其 刑法威之,則不畏不義。 不 所 所 成功 施 恥 爲 鞭朴之事、刑法之威者,蓋 不仁所以設之,使知 是語 有 所 成其 動 知仁義,不知康 作 器 必 而 有所 動 不義 者 是故古者聖 獲,所 也 畏而 恥,不 爲 夫小 在 小 爲 必

不見利不勸,

義曰: 見其利 互 立 相 爲 廛 耕 ,則不 養 市 言 而 使 小 有 得 知 人 所 交相貿 有 之 勸 所 心 也 勸 專 易,立農桑, 勉 在 也。 於 利 是故 凡 **於聖人** 使得 事

不威不懲。

心,而 也 義曰 放 小 僻 惡 夫 小 邪侈之事无不至矣,若不以 爲 人 无 傷 以 而 小 弗 善 去 爲 也 无 益 但 恣 而 縱 弗 其 爲

刑 而 懲之,則不知懲戒者也。

小 而 大誠,此 小人之福 也。

也。 惡,此亦小人之福也 亦非君子之素心也,蓋 日 然雖小有所懲,而若能戒懼不爲大 : 言君子之人既以刑懲於小人, 爲 小人不恥之故

易》曰: 其罪 无咎。 此 義曰: 也 此 受刑之始,其罪未至大,其惡未甚著,故 但屨校其足,滅没其趾 嗑之卦是先王用刑以去剛梗之俗。今 ,初九居卦之初,是受刑之始也。 噬 嗑 亦不至於大,此是小人之福,故引 之初 今此小人若小懲 此是噬嗑 「屢校滅趾、无咎。」此之謂 九而證之,故 初九之爻辭也。 而能改之,所以 mi 能 曰「此 戒 慎 之,則 然居 也。 夫 暰

示積不 義 足以成名,惡不 言凡人若能 積小 . 積 不足以 善以 滅 至 身。 一於大

> 其名也。若以 惡積之已久,反成大惡,及其 萬世之名也。 善,積之不已,以 惟受戮,亦致滅没其身也 若小 小惡爲无 至著見於外, 善 不 傷 積 门則 而 著見於外。 弗去,及小 則 不 能 口 以 以 成 成

小人以小善爲无益而弗爲也 義曰: 身,是以因因循循,至於老 加 也。 不爲,以致喪身取 夫小人之性,以小 咎, 自取滅亡之 耄 善不 不 能 能 脩 益

飾

於

以 小惡爲无傷 而弗去也

道

至大惡 義 而 弗去,以至惡大罪深也。 日 ,從微至著,日復一 言小人以惡爲无 傷,積 日,不 能 小 悪 悛 改 以

故 積 而 不可 掩,罪大而 不可

爲其小惡。 而 日 彰顯於外,不能以 言小人既不能積其小善,反 小惡之積久 掩 圃 閉 不 已,及 而及 大思 自

宜矣。 於身, 不 可 以 解 脱, 如 是則 滅 身受戮也

《易》曰: 「何校滅耳,凶。」」

義曰: 惡,但以小惡爲无傷,以至惡積罪深,而 大。至此上九居受刑之終,不能悛改其 凶之道也。 其身受戮,滅没其耳,何校其首,此是大 居受刑之始而屢校其足,其罪 此是噬嗑上九爻辭也。 亦未甚 言 初 九

子曰:「危者,安其位者也。

義曰: 其不安而社稷之危也。若能居安慮危, 其亂,以至泰久必否,安久必亂,所以致 然居位,恃其泰不爲之備,恃其安不知 居治思亂,然後可以保其位而不失也。 : 夫君子之人所以危者,蓋由 安

亡者,保其存者也。

不思其危,恃其存不思其亡,任其放僻 夫人之所以亡者,蓋由 侍其 安

> 之行,則可以保其存而不亡也。 隕墜也。若能常自深思遠慮,不爲 邪侈之事,所以致其身之危亡, 基業之

亂者,有其治者也。

生也。 義曰: 之治,不能思慮存亡之機,不能憂恤 下之人, 恣其驕盈之志, 不知亂之所 言人居安平之時,但 侍 其 天 天

是故君子安而不忘危,

吉也。 義曰: 時常自戒慎,恐有傾危之事,則可 言君子之人,若能居於安平之 以

存而不忘亡,

之事,所以保其存而不亡也。 義曰: 言居平易之時,能常思其危亡

治而不忘亂,

鑒其前 義曰: 車之覆,則无禍亂之事也。 言居治平之時,當自恐懼修省,

是以身安而國家可 保也

保也。 是,其身可以安,其國家社稷可 日 而不忘其亡,治而 言君子之人既 能 不忘其亂,夫如 安 而 不 以永 志 其

易》曰:『其亡其亡,繫于苞桑。』」

既居否塞之時,能休去天下之否,常自 義日 IMI 於苞桑之上者也。桑者,即是其根深固 言我其亡乎,我其亡乎,是猶繫其社 能休去天下之否,常思其社稷之危亡。 否塞之時,小人在 其 慮 不拔。 戒懼 根深固不可 此是否卦九五之爻辭也。 一是猶繫其 苞者,即是叢生之類。言九五 以 拔也。 下皆失其道,獨九五 社 一稷於苞桑之上, 言當 稷

子曰 德薄 而位 尊

日 可以居也,若才之薄,德之寡,而居於 夫居君子之位必有才有德,

尊貴之位,必不可

知 小 而謀大,

尚 可謀國家之大事也 有 之大事,是必不可也。 不受君之誅戮者鮮 日 不免其誅 言人之才知之小,反 戮,而况居於 矣。 然 是小知者,不 居 明盛之時,其 幽闇之時, 欲 謀 或 家

力小 而任 重,鮮不及矣。

用,若任以國家之重器,其勝任者亦 日 夫小力之才必當 任 其 輕 小人之

鮮矣。

《易》曰: 不勝其任也。」 「鼎折足,覆公餗,其形渥,凶。」**言** 

義曰: 身、居於大臣之位、而才力之不勝其職、 是猶鼎之折足而 以陽居陰位,是不正 且污染其鼎也。 此是鼎卦九四之爻辭。 傾覆公家之美實,而又 然則君子之人,凡居高 也。 夫以 言九四 不正之

位,而 爻而結言之。 者,此是孔子引此鼎卦之醉,以 位尊、知小謀大、力小任重之人,故以 勝其任」也。 紀,是大凶之道也。 猶鼎之九四以不才之身而居國家之重 家之大任也。若无才无德而 :傾覆公家之美實,敗壞國家之綱 2須有其才,有其德,然後 然則謂之「言不勝 如此之人,所謂「不 居大位 可 釋德 以 其任 稱 濆 此 酦

交不瀆,其知幾乎? 君子上交不諂,下子曰:「知幾其神乎? 君子上交不諂,下

知之,是其知如神之妙用而通於靈也。定,凡有所施爲,必能極未形之理、未萌之兆皆先慮,凡有所施爲,必能極未形之理、未萌謂也。夫君子之人有先幾之識,深思遠謂也。夫君子之人有先幾之識,深思遠辭。「子曰『知幾其神乎』」者,幾者,是義曰:此一節是孔子釋豫卦六二之

語,以 是 下交不瀆,又極於未形之理,未萌之兆 於下者也。 待於下,未嘗敢以 雖於下交亦以中正之道,至正之德,以 瀆亂於下。是故君子之人,凡居上 下交之人必以强暴之性,苟悦之道,以 瀆,其知幾乎」者,夫常常之人,凡見其 不以甘言巧語以 識,待時而動,不以邪佞之道以求其進, 守其正,自潔其身,切問近思,博聞 人知其諂諛佞媚之道不可以求進,是以 有權位之人,則必行苟諛 君子上交不諂」者,夫常常之人, 知幾之人也。 求其説,以 言如此之人,既上交不諂 水其 柔邪苟媚之道以瀆亂 説其上也。 進。 佞媚,甘言 是故君子之 「下交不 凡 位 强 15

幾者,動之微,吉之先見者也。

凶 義 有道,是幾者吉之先見者也。 之事。 了是以從其吉而背其凶,去无道 日 福萌兆之來,則於動 言人知 動得其道則吉,動 其 有理未形之事, 静之間,戒其 失其 而 道則 極 就

君子見幾而作,不俟終日。

日之間而可以明見矣。微小之事,夫如是,則吉凶之變,不俟終義曰: 君子之人,既知未形之理,慎其

石焉,寧用終日,斷可識矣。《易》曰: 『介于石,不終日,貞吉。』介如

於上,以求其進,故爲九四之所見從,但時,不能守其正道,但以柔邪諂媚以説 之質,居豫之初,爲九四之正應,當豫之之質,居豫之初,爲九四之正應,當豫之 之時,九四以剛陽之德居上卦之下,是 表曰: 此是豫卦六二之爻辭也。言豫義曰: 此是豫卦六二之爻辭也。言豫

凶 。 動,不待終日而獲其貞吉。 心,不苟其進,故其心如石之堅,不能變 於已萌之後,則是不知幾也。 斷可見矣。此是知幾之人也。 知之,則吉凶之來又寧用於終日之間 之事,未嘗不知之。既幾微之事未嘗 能上交不諂,下交不瀆,動静之間,幾微 四,亦未嘗敢 六,亦未嘗敢 之心,履得其中,居得 易其心,堅然守一介之節,確然守不 其正,不爲富貴以易其志,不爲貧賤 聞於外,是虚 柔邪諂媚之道以 下卦之上,履非其位,上承於九四,亦以 有 「盱豫,悔」。惟此六二以陰居陰,居得 聲名虚 至於六三比於九四、居豫之時,在 譽以 譽也。 以 以 聞於外。 柔 非 悦於九四,故其爻辭 順而苟求,但 道而褻瀆, 故其爻辭曰 其正,雖 然既有聲名 然則六二 雖近 下比 然則「 若見 |堅執 「鳴豫 於 於 不 其 初 傳 mi 既 九 變 以

如石 之美,故仲尼稱美之也。 夫子解釋六二之爻辭也,言六二有如 寧 用 終 日,斷 可 識 矣 者,此 此 是

君子知微知彰

者也。 其 事。 節, 是知微也。 慮,吉凶之兆,禍福之理 著聞於外,如此是知彰也。 知之。既知之,則舍其凶而趨其吉, 人,凡所施 日 理,未有其形,更不可使 以 夫微者, 解復 唯君子之人,凡所動静,凡 此已下至「无祗悔,元吉」爲 **尼**爲動 排 既知其微,逆知禍 亦是幾微之事,有理 初 作之間,必慎其微 九 之辭 ,未萌之前 也。 彰露顯 言君 福 雖 未形 子之 有 小小之 然 而 此 思 有 丽 已

知柔知剛,萬夫之望。」

之理 小而 日 至大,自柔而 自於幾微,以 夫事之萌漸 至於剛 至凡 必始 也 百之事皆 於柔 是故 小, 君子 是自 得 失

> 之人 仰 是,則可 本末之間 ·賴也。 極未形之理,既 以 不使吉凶之道形著於外,夫如 爲萬夫之所瞻望,天下之所 知其本, 又知 其末,

子曰:「顔氏之子,其殆庶幾乎? 有不善,

未嘗不知,知之未嘗復行也

也。 義曰: 唯 之高弟,亞聖之上賢,能知禍福之萌,吉 之事、未嘗不知、既知之亦未嘗復行、故 遷怒,不 於事業。故孔子曰:「有顔回者好學,不 凶之兆,有不善未嘗不知,有一惡未嘗 幾可以近之。夫「顏氏之子」者,即孔 子能修其身,能深其慮,凡有吉凶 不悟,及其知也,便從而改之,未嘗復行 顔 子庶幾可以 自古已來,惟 ·貳過,不幸短命死矣。」是言顔 此孔子言知微知彰,知 近乎。 顏子一人而 柔 一不善 其 知 甲甲 庶 剛

《易》曰: 『不遠復,无祗悔,元吉。』 男女構精,萬物化生。

之時, 初九 稱舉之,曰「不遠復,无祗悔」者,惟顔 千徒中,惟此顔子一人而已,故孔子特 中道。自古聖賢之中,惟顏氏之子知有 性,使過惡不形於外,所行之事皆合於 賢人君子得天之性,凡思慮之間,亦 不善,未嘗不速改之,以復於善道,故三 不善之事,則能早辨之,明其心,復其 物,是復之初九而來復之速者也。 一人而已。 ,以陽之德居復之初,當羣陰 獨以 此是復卦初九之爻辭。 陽 而 反於地下以萌 夫復 亦 用 生 有 猫

天地絪緼,萬物化醇,

感之象,是以萬物皆得以亨通也。 天地之道,陰陽之氣二氣相 六三之爻辭。 曰 此已下至「言致一也」, **絪縕者**,蓋 薰蒸之貌 薰 蒸 解損 而 成交 夫 桂

> 義 亦得以變化而 曰 言男女相 生也 構 和 會 而 萬 品之物

則得其友。」言致一也。」 『三人行,則損一人, 一人行,

後得其友也 陽,若但六三獨往之,則得正應之道,然 於醇一。今若以三陰上進,必損 九之陽者也。然則天地之道皆尚於 九之陽,是其志不能醇一也,必損 此六三、六四、六五以三陰上進,歸於上 時,損下以益於上,損民以益於君。 一,故一陰一陽之謂道,男女相遇亦 日 此損卦六三之辭 也。 上九之 夫損 於 在 醇

子曰:「君子安其身而後 動

義曰: 動」者,言君子之人,凡欲動作施爲,必 益卦上九之爻也。「君子安其 先安其身,若身不安,則行事之失是必。 自此已下至「立心勿恒,凶」, 身而後 解

於 行 所 事 施 ,則无有所失者也。 爲, 必 先安静其身,然 後 動 作 施

易其

皆 形於言語。 先平易其心,安静其志,深其思 日 中於節,所行皆合於道也 心而後語 言君子之人,凡欲形 夫如是,則言无 於語 미 慮 擇,所出 然後 默, 必

定其交而後求。

之。 義曰: 辱之事。 愚,不素定其交分,躁而求之,則自取窮 可與之求,則求之, 定其交,觀其人之可否,量其人之賢愚, 其或不觀人之可否,不量人之賢 言君子之人,凡欲求進,必須先 不可與之求,則退

君子脩此三者,故全也。

義曰: 者,故所行之事,得其全者也。 心 而後語,定其 言君子若能安其 交 而 後 身 求 而後 能 脩 此三

> 危以 動 則民 不與也

以危而  $\equiv$ 義 者之事也。 日 . 動,必爲民之弗與也。 言君子之人, 若不能 此復 安 其 (身而 解 E

懼以 語 ,則民不應也。

應也。 義曰: 間自恐自懼,所出之言,必 能安易其心,深思遠 言君子之人,若於言 慮,反 爲民 自 以 語 之所 言 之 語之 間 弗 不

者至矣。 无交而求, 則 民 不 · 與也。 莫之與,則傷之

義曰: 也。 素結其分,妄而求之,必爲人之所不與 既爲人之所不與,則傷害之事從而 言君子之人,若不能先定其求,

恒,凶。」 易》曰: 「莫益之、或擊之、立 心

勿

義曰: 此是益之上九之辭也。 當益之

時,損 无益之故也。 之所擊棄,如此者,蓋是立心勿恒,所求 下,心又无厭,故爲人之所不與 此上九,當益之時,反自求於下,既求 人不與,抑亦爲人之所擊棄也。 莫益之」。「或擊之」者,言不惟所求之 上以益 於下,損 君 以 益 於 也,故 既 民。 爲 於

子曰:「乾坤,其易之門邪?」

之門户也。 之門户也。 之門户也。 是乾坤者,其爲易 一章。言天地初判,乾坤已有形狀,而 一章。言天地初判,乾坤已有形狀,而 一章。言天地初判,乾坤已有形狀,而

柔有體,乾,陽物也。坤,陰物也。陰陽合德而剛

柔順,爲陰物也。是以陰陽二氣上下相義曰: 言乾體剛健,爲陽物也。坤體

剛柔之體、上下之象自然而成也。 不 配 相 , 則 配 丽 萬 合,則 物得 成生育萬物之道。 以生。 萬 物不生。 萬物 得 故 以生, 陰 乾 陽 坤 則 相 Ė 其 下 配

以體天地之撰,

陰陽,奇耦之數由此而成也。 生萬物,自然而成剛柔之體。以是而分義曰: 撰者,數也。言陰陽相配合而

以通神明之德。

事之理也。生成之道,可以通於神明之德,窮於萬中測度也。今此大易之道,變化之理,義曰:「神明之德」者,即爲妙用无窮,不義曰:「神明之德」者,即爲妙用无窮,不

其稱名也,雜而不越。

相 義 日 干亂,不 其稱 言大易之道,其爻卦 相 名 踰 也 越 雜 也 而 各 有 倫理,不 物理

於稽其類,其衰世之意邪?

三六

其 由,无不盡載於諸卦諸爻之間。 天地人事之道,變通之理,吉凶悔吝之 夏及商,世漸澆瀉,民欲叢生,是故文王 立 之時,世質民淳,情僞未作,典章 義 一,伏 、義類,其皆因衰世之意邪。 伏羲所畫之八卦重爲六十四卦,盡其 日 養畫 稽,考也。 一爲 八卦,以 類,物 爲萬 類 世之法 也 然稽考 法 言 度 H

夫易彰往而察來,而微顯闡幽

義曰: 闡 者,亦皆由此易道 事,至於微 皆由易道 凶之理、得失之迹,彰明已往未來之事, 一章。夫大易之道,至深至粹,明其吉 幽」。 自此已下至「以 可明也。 小 继 闇之理,凡 而顯闡之,故曰 既 彰明 明得失之報」爲 Ê 事 往 不 可 未來之 微 以 明

開 義 而當名,辨物正言,斷 開, 謂 開 釋爻象,各當諸 辭 則備矣。 卦 之

> 辭,无所不備矣。 辨 ,斷定其 其 事 吉 物 X 之理 悔吝之事,皆繫屬之爻 0 正 ,謂 正 其 聖 人之

其 (稱名也小,其取類也大。

義曰: 之端无不備於此矣。 夫婦、兄弟、長幼之道,天地之理、陰陽 類也至大,故於人事,則爲君臣、父子、 皆天下之一物耳,雖 至如乾則稱龍,坤則稱馬。 言諸卦之名皆取其 稱名也小,然其取 然則龍與馬 類 而

其旨遠,其辭文,

明龍 文也。 言居 義曰: 旨遠也。 不尚質朴者也。 至遠,其理雖委曲,然於其辭則有文采, 中 戰之事,遠明陰陽鬪 得 旨者,意 又如《坤》言「黄裳元吉」,不直 位,乃言「黄裳」者,是其辭 至如「龍戰於野」,是近 也。 言其 争之理,是其 易之旨 至 近

其言曲而中。

必隨物之屈曲,而各中其理。 義曰: 言變化无恒,不可爲體例,其言

其事肆而隱。

然其義幽隱,不可驟然而曉之。 之事,於爻象之間,雖其文皆陳列其事,義曰: 肆者,陳列也。言《易》之所載

因貳以濟民行,以明失得之報。

背其凶 之行事 吉,有失位不得正者爲 之理,吉凶之道,二者之理 義 日 則有善應,因 然萬 一,向 ,,以明得失之報,使人趨 寬,則謂吉凶二理 其善而 事之理,有得位 違其惡也 此二者之理 N N 以 也。 得 濟 失 則 其 正 以 萬 言得 吉 者 民之 濟 有 爲 民 X 失 而

《易》之興也,其於中古乎?作《易》者,其

有憂患乎?

義曰: 自此已下至「巽以行權」爲一

之淵 爲漸 情。 防 向 不 道,得失之理,憂虞之象,悔吝之事,无 君之見去,下慮民之情僞,是以取伏 文王罹於憂患之中,有聖人之才,上 世質民淳,情僞未形,巧妄未作,世凝 所畫之八卦,重爲六十四卦,以盡天地 而 患 備 其善而捨其惡,以爲萬世之法,使人 不撓。當此之時,雖八卦亦盡萬事之 藴 於未萌也 載 夫《易》之起始於伏羲。上古之時 遷,巧妄已作,澆浮崇尚不可勝説 歷夏及商,至於桀紂,暗君在 於其間,使人知其吉而 ,以明人事之終始。 至於吉凶之 背其凶 上,情

是故履,德之基也。

特取 也。然則六十四卦皆是防患之術,何以 曰 ,爲人事之先,故特 此 九卦者,蓋 此已下九卦,是 此 九卦最是修 陳 此 修 九 身 防 排 患 也 德之 之

失其尊卑之分,如此是「履,德之基也」。者,禮也。言人踐行其禮,敬事於上,不

謙,德之柄也。

「謙,德之柄也」。 則雖危而不失,雖高而不危,如此是他,若能居爵禄之位,必當持謙順之德, 人,若能居爵禄之位,必當持謙順之德, 人,若能居爵禄之位,必當持謙順之德, 人,若能居爵禄之位,必當持謙順之德, 人,若能居爵禄之位,必當持謙順之德,

復,德之本也。

之,如此是復其性,爲德之根本也。心,至於思慮之間有不善之事,必先改義曰: 言君子之人,若能復其性,明其

恒,德之固也。

變,如此則其德固,故恒卦爲德之堅義曰: 言爲德之時,常能執守,終始不

損,德之脩也。

固也。

益,德之裕也。

有所包容也。能利益於人,日新一日,則其德寬裕而義曰。 裕者,寬大也。言人凡所作事,

困,德之辨也。

道,然後能明辨困否之事者也。 困否之時,備歷艱苦,知其君子小人之其安逸之性,多不知艱險之事,惟是居義曰。 言君子之人,居於治平之時,恣

井,德之地也。

可改,猶井之居地不可遷改也。富,而其志不可易,其心不可變,其德不義曰: 夫君子之身可貴可賤,可貧可

巽,德之制也。

非辟姦僞无所不至矣,是故聖人必行號義曰: 夫愚民之性,蚩然而无所識,其

此已上九卦,各與德爲用也。 變之術而巽人於人心,然後民可制也。 令以示其法制。然行號令之始,必以權

履,和而至。

以至於道也。
行,必須與人和同。既與人和同,則可者,禮也。言人有恭敬之德,有剛直之義曰:此已下又復明九卦之德也。履

謙,尊而光。

如是則德益大,而身益光也。之勢,必須謙恭以自卑,謙遜以接下。義曰: 夫人有其才有其德,雖在崇高

復,小而辨於物。

咎也。 有其不善,便從而改之,使无能爲之之初,吉凶未形之時,始於微小之事,●

恒,雜而不厭。

間,亦其心不厭倦於事。 其操,不變其節,雖錯雜混處於小人之義曰: 言君子之人,能守其常道,不改

損,先難而後易。

失其法度,是後易也。 既成,所言皆合於道,所行皆中於禮,不 以尊於人,是先難 己,以及於他人,是損己 故君子之人,必須先減 義曰: 他人謙損而奉於己,則失爲人之道。 言凡人若不能 也。 損其 及其性既復,行 謙 以 損於己,反 益 身,謙讓 一於下,損身 其 欲

益,長裕而不設。

義曰: 身。身既益,則其仁義之道 天下。然其仁義既及於物,則 天下,因其所利 言君子之人, 先求 而利之,不待先爲施 可 可 以 義 長 推 以 裕 及於 益 於 於

● 「微」,原誤作「爲」,今據康熙本改

而行之,而天下之人自有其餘者也。

困,窮而通。

井,居其所而遷。

不可遷易,不可變改,而其道可以濟人。而其澤可以遷施於人。猶君子之德固義曰: 言井之道,居其所不可以遷改,

巽,稱而隱。

不知所以然而然也。 以權變之術行其號令以及於天下,而人義曰: 巽者,是聖人之權也。言聖人

履以和行,

必以禮而和之,故《論語》曰「禮之用,和義曰" 言凡人有剛直之性,温良之行,

爲貴」者是也。

謙以制禮,

義曰: 言人性能謙順,自卑,尊人,則

復以自知,

可

以裁制

其

禮

法而行之也。

恒以一德,

義曰: 而 始不移,雖 不自移,是純 言人能 居 富 守其 一其德者也。 貴而 常道,不 不自恃, 變其 雖居貧賤 節, 終

損以遠害,

以尊於人,則无患害之事也。 義曰: 言人能自降損其身,謙沖其德

益以興利,

又益於他人,因其所利而利之也。 義曰: 言人能以仁義之道自益於身,

困以寡怨,

濟天下 日 之義,故於井之道可 言井之道,居其 地 而 以 不 明 移。 辨 其 其

義

巽以 行權

義也。

故 順 凡發號 能 其 曰 行權也 物性,以洽於人心也。 施令, 權者,反經而合道也。 則 以 巽 順之德 既 而 能 行之,以 言聖人 順時,

易》之爲書也不 可遠,

節。 義曰: 也; 占,是言《易》之爲書也 事,吉凶之理,萬事之情僞,人事之終 不可遠之,故上文謂「吉凶 始,无不備載於其間。然於人之行 其象 言大易之道,其爲書言天地陰 是故君子所居 所樂而玩者,爻之辭也。 自此已下至「道不虚 而玩 其辭,動 則 而 示 可 觀 安者,易 遠 其 悔吝生乎 也。 變 一行」爲 而 君子居 之序 陽之 若 玩 也

> 遠之,則是吉凶 悔吝所生者也。

爲道. 也屢遷,

義曰: 陰陽,其變化之理,爻象之間 屢者,數 也。 言易之爲道, 有 傚 遷 法

易也。

變動不居,

義曰: 止,或陰居陽位,或陽 言六爻之位互相 居 陰 位、是變 更變, 无 有定 動 不

居也。

周流六虚

義曰: 徧,互相更易,在於六位之間 言一 卦六爻有 陰有陽, 也。 下周

上下无常,

下也。 義曰: 陽在下復是也。 若九月剥卦一陽在 言六爻之位,位无 常定,或上 上,十一月一 可或

剛 柔 相易,

義曰: 言六爻之位,交相錯 或

陰位,或陰易陽位是也。柔,剛柔之道互相推盪於其間,或陽易

不可爲典要,

爲要約,隨時所變而已故也。推盪於六爻之間,則不可爲常典,不可義曰: 言大易之中,剛柔二氣既互相

唯變所適。

其出入以度,

義曰: 要,然其或出或人,或居或處,皆不失其 不至奢,是皆出入以度者也。 法度,皆不失其 不可爲要約。 虚,上下无常,剛柔相易,不可爲常典, 言大易之道,六爻之位 既上下无常,不 倫 理。 若明 以處暗 一,周 可爲 流 典

外内使知懼,

義曰: 言大易之道,明其吉凶之理,得

吉而背其凶也。而不敢爲非僻之事,明其用捨,則趨其使人自内自外觀此大易之道,皆知戒懼失之道,以至過去未來之事,朕兆之間,

又明於憂患與故,

之,不敢爲非也。 陽之理,亦言人之憂患之事,使人明曉義曰: 言此大易之道,不惟言天地陰

无有師保,如臨父母。

慈,使人一歸於善道也。 慈,使人一歸於善道也。 其示人也雖无父母之教,如臨父母之 時保之嚴,如有師保之教也。「如臨父 時保之嚴,如有師保之教也。「如臨父 蘇,如有師保之教也。「如臨父 慈,使人一歸於善道也。其教人也雖无

初率其辭,而揆其方,

言人初能率循大易之文辭,則可以揆其義曰: 率,循也。揆,度也。方,道也。

大易之道,而 知典常之理,明其義之所

也

既 有 :典常

則 日 知變化之理,典常之道 言人既能 率循其大易之文辭,

荷 非 其人 ,道不虚行。

揆度其 世。 義曰: 易之道不虚 通聖之人,則不能曉達易之道理,則大 然大易之文皆聖人所用之道,若非 (道,知其常典,是易之道得行於 言人既能率循大易之文辭,又 也

《易》之爲書也,原始要終,以爲質也。

義曰: 其爲書也,不 半矣」爲一章。質,體也。 之事,而又原其萬 至如《乾》之初 自此 有悔」; 獨 已下至「觀 明人之得失之理,憂患 事之始,要其萬物之 九 《坤》之初六日「 日「潛龍勿用」,上 其彖辭則 言大易之道, 思過

> 以爲大易之體質,以成諸卦之用也。 終之大本也 霜」,上六日 「龍戰於野」。 既 原 始 要終,則 此 是 窮 原 其 始 大 要

六爻相 雜 ,唯其時物 也。

皆由 義曰: 此之類,是隨其時而言之,其諸卦諸爻 皆隨其 下交相錯雜,唯其時物之事,得失之理, 磐桓,利居貞」,六二言「屯如邅如」, 此 八時事 而可明 言一卦之中,六爻之位,剛柔上 而言之。若《屯》之初九言 也。 如

其初 卒成之終。 難知 ,其上易知,本末也。 初辭擬之,

義曰: 卦之大義,吉凶之理,情僞之端,皆始於 矣,是難知也。 有其理,雖 上卦之上也。 言一卦之事,雖有其 始之間。 言一卦之始,始於 有其意,然於人事未 然其爻象未備,萬 「其上易知」者,上,則謂 細 事之理 能 顯 雖 見

者也。 雖擬 道 之卒了,成就皆在於上也。 以定,而吉凶悔吝之道皆可見矣。 辭,是始於微 則爲末。 知本末。 之理,吉凶之道,有正 終」者,言至終之時,卦之上是卒成之 初擬其辭者,言六爻之位,剛柔之體 是「易知」矣。 「本末也」者,言大 是其道已成,其理已定,其爻象以正 其下五爻皆布 ,既原其始,又要其終。 初 爻, 度 其 夫卒成之時,而 則 是初難見,則爲本, 已下終始之間,本末可見也。 萬事之宜、萬物之理 其 而至於著者也。「卒成 道 列 難 其 見。 位 有 其象以分,卦體 剛 至 不 原其始終,則 柔 於 IE 之體 F 者 九之時 終易知, 可見矣。 而 一,得失 八易之 是 成 也, 時 其 之

義曰: 此又言六爻之義。六爻之位,

也。 危之道 之事 其中,三則又過於中。 元吉」。是皆中爻可以辨攝一卦之是非 大咎也。 惟在二、五之爻斷可明矣。 二、九五是也。 而不 數聖人之德,辨定是之與非,則非中爻 上 坤》之六二曰「直 ,惟是中爻即 其 下 然則一卦六爻各主 ·可明 之體 中,履得其 亦有時 九五曰「飛 有時 心也。 至如《乾》之九二曰「利見 ,交相錯綜,雜聚天下之物, 而至矣。 而至矣; 中爻者,則六二、六五、九 可明辨其得失也。 八正,雖 龍在天,利見大人」。 夫得之與失,正之與邪, 方大」,六五 唯在 有其 過於中者 不及中者,悔吝 其物,各 失,必不 二、五之爻居 故初則不 日 「黄裳 至於 則 其 又 |XI 及

觀其彖辭,則思過半矣。噫!亦要存亡吉凶,則居可知矣。知者

曰: 噫者,歎美之辭也。言凡欲知

義

《乾》則言「元亨利貞」、《坤》則言「元亨, 之大義,吉凶之理,思慮之間已知一卦 卦之情偽,然知者觀其彖辭,則一卦 若聰明賢智之人觀之,則一卦之理 馬之貞」,如此之類,皆是卦下之彖 至萬事之端,皆在於卦下所屬之 然彖辭之間雖未能盡萬事之理, 惟欲知吉凶存亡,但 然則謂之彖者,則 知矣。「知者觀 一多譽 ,一卦之 中之 如 其 此 觀 則 彖 如 中 是 所懼也,故言「四多懼」也 下 譽也。言二居中而不失其正,又所行之 章。 君,下則逼近於臣,故當恐懼之,是四 外也。「四多懼」者,言六四居 事无過无不及,故有嘉美之譽以 不同也。「二多譽」者,譽者,謂 四 順,不失其中正之道,故其善也大矣。 以陰爻而 内 言二居下卦之中,是居得其中,行得其 上卦之下,是異位 異位」者,言二則在下卦之中,四 ,上比於五是至尊之位也, 之上,是權臣之上也。上則 .居上卦之下,失其中道,故其善與二 惟二與四皆是陰 言六十四卦之中一卦六爻,六爻之 居之,是同 也。 位,而得其位 其 「其善不同」者, 陰功也。 上卦之 逼近於 者故 下在 傳 嘉 美之 聞 則

彖辭。

理,以

辭則

思過半矣」者,言大易之道,

爻所居之位,則

미

大凶之道

也。

爻所

居之位則可知矣。

若失其

而

不

·知其

亡而不知其存,

其 存

之與亡,凶之與吉,

,則其

在

中也。 柔之爲道,不利遠者,其要无咎, 其 用柔

兀 多懼,近 也也 二與

四

同功而

異位,

其善不同。

已過半矣。

利牝

之本末已過半矣。

義 日 自此 已 下 至「其剛勝邪」 爲

ĮΨ 匹

於

九

獨陰不 其无咎,必須用其柔中之道 非居得其中,履得其正,則必有咎也。 成,若遠於陽,則其道不能 義 日 立,必 此 覆 須 解上「四 比 附 於陽, 多懼」之意 利。 則 則 其 可 若欲 功可 也。 也 要 以 夫

之等也。其柔危,其剛勝邪。三與五同功而異位,三多凶,五多功,貴賤

義曰 其所處 其功德 之,則克勝其任, 之等也。 多功」者,五在上卦之中而有人君之位, 之中,是異位也。「三多凶」者,三在下 向,是多功也。 卦之極,失於中道,故多凶咎之事。 功同也。 . 一而必 可以被於天下,爲天下之所歸 言九三與九五皆是陽位,故其 五與三俱是陽位 然而三在下卦之上,五在上卦 至於傾危 五爲貴,三爲賤,是貴賤 若以 也 柔 一,若以 陰居之,則失 剛 陽居 五五

道焉,有地道焉。

下, 一文以象人,下一爻以象地。 等天,中一爻以象人,下一爻以象地。 大山也。有天道、人道、地道者,言伏羲 其間也。有天道、人道、地道者,言伏羲 其間也。有天道、人道、地道者,言伏羲 其間也。有天道、人道、地道者,言伏羲 其間也。有天道、人道、地道者,言伏羲

爻以象 故上二 義曰: 才之道 天地之事,萬物之理,无不畢備。 人又從而 也。 地 爻以象天,中二爻以 言伏羲 ,所以六之者非他也,蓋象三 兩之爲二體,兩 畫卦始以三爻爲一卦 象人,下一 而 爲六爻, 後世

道有變動,故曰爻。

義曰: 言六爻之内有變有動。動而合

易》之爲書也,廣大悉備,有天道焉,有人

變動之間必合於道也 於道者,爲吉, 動 而 ,故曰爻。 悖於理者, 爲 X

爻有等,故曰物。

義曰: 故爲陰物。 爻稱「龍」,故爲陽物, 有陽,有貴有賤,有等有差。至如 物者,類也。言六爻之位,有 如此之類,故曰物也。 坤之爻稱 「馬」, 乾之 陰

物相雜 故曰文。

義曰: 爻之間,有陰有陽,有柔有剛,互相 而成文章,以顯著於外也。 言萬物之類皆在 六爻之間。六

文不當,故吉凶生焉。

義曰: 道,皆生於文不當矣。 於事,則有凶 於道者爲凶,順於理者爲吉。吉凶之 事,則吉凶不生。若不當位,則遺 言剛柔錯雜 ,有吉,有邪,有正。 而成文章。若文妨 若文

易之興也,其當殷之末世,周之盛

當文王與紂之事 邪?

是易之興也,其當殷之末世焉。 吉凶之理,无不備載於其間, 天地之淵藴,極天下之能事,民之情僞, 文王有大聖人之才,罹於憂患之中,極 朝,君子在野,天下紛然,不可以整之。 起,左右前後,皆非正人端士,小人在 商,至於桀紂之世,民欲叢生,巧詐互 大紀, 无不畢備於其間。 其乾坤健順之性,天地之大象,人事之 以爲萬世之法,以盡天下之事。 易之道始於伏羲,仰觀俯察而成八卦 段,明易之興起在紂之末世者也。 義 自此以下至「易之道 是以 故曰 。然而寫 也」爲一 歷 夏及

是故其辭危。

間 紂之君无道在上,故使天下之人思慮之 日: 姦僞互起,以至天下大亂。 言文王 演 其 大易之道,因 文王罹於 其桀

危 辭至簡 於諸卦之下, 極天下之險 急患之 |徳者 也。 至約 中 如 作 此之類, 然有四德者 阻, 爲《大易》, 是其 以至憂患之事无不備言 辭 推 危 也 究卦義,是其 盡 一,有一 萬 然則卦下之 民 德者,有 之情 解

危者使平,易者使傾。

若 者 惡 言 則 吉,有得有失,皆在爻辭之間。 此大易之道,見其凶 也。 其 危者使之平易,其文辭 人觀此大易之道,見其 日 則易者使之傾喪,則其所繫之辭 X 言易之道, 是 使 含 六爻之位 事能 凶 從 小心 亦言其平易。 (吉事 吉 畏慎者, 趨 若人觀 而 慢易 X 亦 有

其道甚大,

人之情僞,其爲道至廣而甚大也。 義曰: 言此大易之道,示人之吉凶,明

百物不廢。

懼以終始,其要无咎。 道也 慎。 位,吉凶之理,若能觀 卦曰「包荒,用馮河,不遐遺」者是 終而思戒,終始之間 悉之事, 義 日 日 如 此 言大易之道 言大易之道,若 百 則要其无 種之物,皆无 此之謂易之道也。 極其 其始 无所 咎,此是大易之 有 人觀 思慮,常自 而 不 廢棄,如《泰 包, 知懼,慎其 其六爻之 至 也 纖 戒 至

夫坤,天下之至順也,德行 夫乾,天下之至健 義曰: 於煩勞而知 乾,天下之至健也。 健順之美,兼明易道愛惡相攻之事。 一元之氣下生萬 也,承天之氣 自此以 艱險之事。 下 以時 也 物、故德 至篇末 德 乾有 而 行 恒 夫坤 生 簡以 爲一 恒 行常易, 剛健之德,以 成 易 萬物 ,天下之至 章 , 知阻 以 知 不至 險。 明 夫

天 而 自 地之道 知 常簡,不至於煩 險 然,不言 阻之事,其 至 健 而 至 四 順 生成之理故可知矣。 時成 簡 而 ,不勞而 知艱阻之事。 易 之德、生成之 萬物得, 以

能説諸心,能研諸侯之慮,

也。 虞之理不生也。 聖人作此大易之道能自悦美其 義曰 研究人之思慮 慮」於義无取,當言「能研諸慮」也。 之」二字蓋是後人習慣其 若順其文而言之,則 按此 「能 ,使其情僞之道不作,憂 注疏之説皆失之矣。 研 諸 侯之慮」,其「侯 言而傳寫之誤 一能 研諸侯之 心,又能 言

定天下之吉凶,成天下之亹亹者。

又能 日: 理 研 勉勉而從善,不陷於邪佞也。 桂 者爲吉,失 精諸 爻之中,則 言聖人作《易》,既能悦懌諸心, 慮,又定天下之吉凶。 其理者爲凶。 「成 天下之亹 既定吉凶 有得

是故變化云爲,吉事有祥。

得其吉,則有嘉美之祥而應之也。爲。若合於道則吉,違於道則凶。若行義曰。 言大易之道,有變有化,有施有

象事知器,占事知來。

是大易之中,總此諸德者也。 之方, 觀其占策之數,則知未來之事。 義曰: 言人觀此大易之象,則知作器

天地設位,聖人成能。

是也。 義曰: 謂 以成就天地生成之功者 物,聖人由是乘天地之正 「財成天地之道, 言天地設其上下之位 輔 相 也。 一,以生成天下 天 如泰卦所 M 地之宜 生成萬

人謀鬼謀,百姓與能。

義曰: 一,謀及 先 庶人,詢及 言聖人,凡 與 衆 謀 其 欲施爲,凡 得 衆 失 庶 之 ,謀及鬼神, 理 所舉 謀 之卿 之

自 明 不役思慮而得 姓既與之能,則不勞採賾 行,則得其吉而 策,以考於天地鬼神,然後思慮之間不 爲謀者,蓋聖人取其卜筮之兆,占蓍之 道,至幽 夫如是,則天下之百姓樂推而與之。 煩憂戚,決然而行之。 其 然而見矣。 得失,以 至隱,不 别 失自明,以至萬物之情僞 其 不凶,向其善而獲福。 可 以 吉 形見,而聖 X 又與百姓參合而 而吉凶自見, 然 圃 鬼 人 八與之 神 白 之

八卦以象告,

交象以情言。 皆以象告於人,知其吉而背其凶也。 水、火、風、雷、山、澤之象,凡吉凶之事 義曰: 言伏羲所畫八卦,寫其天、地、

爲六十四卦,爻爲三百八十四爻。又於感之事也。言伏羲畫八卦之後,文王重義曰: 此又明卦爻剛柔變動、情僞相

之也。 得失之理、憂虞之端皆以人之情僞而言諸卦之下繫屬之彖辭,以明險阻之事,

義曰: 言六爻之内有剛柔雜居,而吉凶可見矣。

自然可見矣。 於理者爲吉,逆於理者爲凶,吉凶之道位上下錯雜,有得有失,有正有不正,得義曰: 言六爻之内有剛有柔,剛柔之

變動以利言,

以利天下之物也。 告於人,使人由而勸之,以盡天下之利,義曰: 言六爻之内有變有動,皆以利

吉凶以情遷。

是故愛惡相攻而吉凶生, 由人之情僞遷移者也。 由人之情僞遷移者也。 由人之情僞遷移者也。 如,有凶有吉,動而合於道則吉,變而失 義曰: 言大易之道,爻象之内,有變有

惡,或惡攻於愛,是吉凶之道由此生矣。貪愛,有所忿憎,兩有所攻,或愛攻於義曰: 言吉凶所生皆由人之情性有所

遠近相取而悔吝生,

義曰: 相 相 近 而 有近 也。近,謂爻位相比近也。 資 得 而 有 取而 而 `,則爲悔吝。悔吝之道,皆由遠近 相得,則爲吉, 應者,有遠 相得者,有近 遠,謂内外兩卦上下相應之類 生也。 加 无 應者。 而不相得者,有遠 遠而无 言六爻之内 遠而有應, 應,近而不

情僞相感而利害生。

爲 既利 也。 則爲利。 義 而 害。 至矣。 日 害生於情僞之間 是情僞相感 情者 言人之情實 人之虚僞 1,則情: 而 實 感物 利 感 也。 害生於其間者也。 ,則吉凶之事由此 物 而 僞者,則 而 動 失 動 其 得 其 虚 理 則 僞 理

凡易之情,近而不相得則凶。

故吉凶之道生於爻位之間也。相得者,則吉,有近而不相得,則凶。義曰: 言大易之道,六爻之情,有近而

或害之,悔且吝。

失,必不至於大咎也。 等,必不至於大咎。或有害之者,如此雖有為然不至於大咎。或有害之者,或有不相得為不至於大咎。或有害之者,或有義曰: 失凶咎之道亦有輕重,人之情

將叛者,其辭慙。

之色,其辭不以實告於人也。 其辭不同。位雖相親,而其容常有慙赧義曰: 言人之情或有叛違於己者,則

中心疑者,其辭枝。

異,若樹之有枝葉,紛然盛多者也。辭各異。其心不定,其辭一出紛然有義曰: 言人中心之間有所疑惑,則言

吉人之辭寡,

語,但默而成之,安而行之者也。 義曰: 言吉善之人,其辭寡少,不在言

躁人之辭多。

義曰: 言誣罔善誣善之人,其辭游。

辭游蕩虚浮者也。 言虚誕,架虚爲實,從无人有,自然其言義曰: 言誣罔善人之人,其心矯詐,其

失其守者,其辭屈。

者也。此六事,皆大易之中六爻之位述此之意此六事,皆大易之中六爻之位述此之意其志,志无所伸,必其辭屈撓者也。凡義曰, 言人居失其時,失其所守,不遂

説卦

理,故謂之《説卦》。 《説卦》,以陳説諸卦之情僞,爻彖之義義。然其理或有未盡之事,孔子又作此重爲六十四,復作爻彖之辭以明卦爻之重爲六十四,復作爻彖之辭以明卦爻之,致王、,以其代羲畫八卦之後,文王、

生蓍,昔者聖人之作《易》也,幽贊於神明而

其萬物之數者也。 於鬼神,以生用蓍之法,然後揲蓍以求以盡天地之理,人事之要,又通明贊助義曰: 言昔者聖人之作爲大易之道,

參天兩地而倚數,

易》,上準擬於天地,下幽贊於神明,是義曰: 言聖人既畫成八卦作爲《大

以 此而立矣。 地、奇偶,老陰、老陽、少陰、少陽之數自 六之數,以爲天地之成數。 之數,以分陰陽、奇偶之數也。 生 「參天兩 一、三爲天之生數,二、四爲地之生 因其天 其用蓍之法,以揲求天 地 ,地之生數,又有七、九、 而 倚數」者, 因 地 其 然後分天 之數。 天地生成 生數,則

觀變於陰陽而立卦,

變動之理,而立成一卦者也。其奇偶之象,是以觀其奇偶之數,陰陽義曰: 言聖人因其天地生成之數,分

發揮於剛柔而生爻,

又觀陰陽之變動 互 一相資 之道、得失之理、發越揮 日 取而 言聖人既能參天兩 生於六爻也 而 V. 成 卦, 散剛柔之體 地 又察其變 而 倚 數

和順於道德而理於義

之道 於天 義 窮極 日 者 地 萬 也 下又和 物之象、人事之義理,以 言八卦之位,大易之道,上以 合參 順聖人之道 成變化 通 又

窮理盡性以至於命。

義,又 義曰: 間 其 陷於邪佞, 所禀受之善性者也。 體 能守己之性,而放僻邪侈,无所不至, 物之性,又能盡人之性者,蓋性者,皆 亡之類是也。 至于命者也。 於天地,下又贊於鬼神,又發揮 、觀之則趨吉背凶,向善改惡也。 、,有變有動,皆所以盡人之性命者, 命不能固矣。是故大易之道,爻象之 而 分其爻,又和順聖人之道德 窮極萬物之理以 言大易之道,爻象之設,上 則其命可以 命者,則謂 然則大易之道皆能 若能守己之性 知矣; 盡 長短、凶折、夭 萬 物之性, 若人 剛柔 而理 盡 既 不 於 則 萬 通

合於道

則

謂

義。

又因

其

人

而

立

義 之

昔者 理 之命,下順萬物之性。 畫 義 生成之性命,則 无 爲八卦作爲《大易》者,蓋 日 聖人之作《易》也,將 不備載於其間 明卦爻之意也。 自此已下至「六位而 其言吉凶 也 言古者聖人 以 既能順天 順 一之道、 性 以 命之 成章」爲 L 情僞之 地 順 八所以 萬 天 物 地

是 以 剛 立 天 之道 日 陰 與陽, 立 地之道 日 柔

之道 成之性 義日: 地能 氣 E 下 日 承受天之氣而生成萬物,是以 交感,而成剛柔之理也。 柔與 命,是以立天之道 言大易之道 )剛。 言其天地 既以 盡 日陰 陰陽 天 地 與 剛柔 萬 陽 立 物 其 地 牛

立 之道 日仁與義。

生於其 曰 者,博愛之謂仁 天地既立,則 間, 則 文 也。 仁義之道 人生於其間。 義者,行 以本於人。 而宜之

> 兼三才而兩之,故《易》六畫 爻既備,以成一卦之理 義曰: 象天,中二爻以象人,下二爻以象地,六 圃 後世聖人因而 象人,下一爻以 爻爲一卦,故上一爻以象天,中一爻以 道 ,以生成於天下 兩之,以 言伏羲既畫八卦之後,但 六畫 兼之,重其三才之道,兼 而 象 也 成一卦,故上二爻以 地 以盡三才之道。 加 成卦 以三

天 分陰分陽,迭用柔剛,故《易》六位而成章。 地定位 之位 義曰 之間,上下 之道 五爲陽位,二、四、六爲陰位,分爲陰陽 一,分其 ~, 陰 雜,或 則 Ш 既以六畫而成卦,又以一、三、 澤通 升或 、陰陽之象,用其剛柔之理,交 變動,而成其 爲柔,陽則爲剛。 氣, 降、故此 雷風 文章者也 相薄,水火不相 大易之道,六爻 因其六爻

射。八卦相錯,數往者順,知來者逆,

之數,人之過去未 其物 萬物。 相通。 後,取 之性,其性濕而潤下, 八卦之象互相變動,互相 而炎上。因其水火之性 生萬物,又取雷、風之象能 德,澤有潤物之性,山、澤之象 聖人觀其天地生成之體,又艮 象爲坎,火之象爲離。 象爲兑,雷之象爲震,風之象爲巽,水之 天地定 八卦,以盡萬物之理,萬事之情。 畫 日 理,以稽考其人之情僞。 爲乾坤之象,取 此山、澤、雷、風、水、火之象 又觀水、火之性不相資 又因雷之能 位之後作 此 章言伏 爲八卦。 來之事,若數 震 義 山之象爲艮, 動萬物, 不 因天 火之性,其性 錯 相 卦之始, 故因天 相 雜 資射 八地定 分其 擊 射。 其 風之能 有 以以 其 搏 氣 以成 八已往 奇偶 推 位 言水 以 畫 澤 地 後世 始 山 燥 測 以 爲 生 因

> 吉凶 數其 之事 知 用,使人知其吉而背其凶 也。 ,則以 之兆,皆以 未來之事 是故聖人因 順 ൬ 數之,言其易 則 逆數之術,以前 以 此大易之象,逆人之 逆 间 也 數之, 知 也 言 萬 民 其 之 難

是故易逆數也。

雷以動之,

義曰: 此一節總明八卦養物之功也

風以散之,

物也。 言雷能鼓動萬物,風能散育萬

雨以潤之,

義曰: 潤,滋也。萬物之生,非雨而不

潤也。

日以晅之,

義曰: 既雨以潤之,又日以乾晅之。

艮以止之,

**黄邑**、 艮以止静之德止於萬物,而不

使過其分也。

兑以説之,

義曰。 兑能和説萬物,使之成就也

義曰: 乾以君之,

坤 義 以藏之, 日 : 坤 以 柔 剛 健 順 君 能 臨 含藏 於物 於物 也 也。 此八

説言乎兑,戰乎乾,勞乎坎,成言乎艮。帝出乎震,齊乎巽,相見乎離,致役乎坤,卦交相錯雜,然後能成於物也。

義曰: 巽,令萬 萬 之帝。 物 生萬物必自 則在 物 帝者,生物之宗,以尊 乎 此復言 相見 坤 震 而 和 而 八 繁盛 説 始,潔 、卦之 萬 物 必 用 齊 必 在 萬 也 在 平 物 而言之則 乎兑,陰 離 言 則 致 帝之 在 役 平

> 能 陽 成 相 戰 萬 物 必 則 在 在 乎 乎艮者 乾,受賜 也 萬 物 則 在 乎 坎

者,明 南 南 萬 之義 物 時,萬 者,以 之象,以 也。 也, 以震是 義 也 生、故萬 面 加 臨 日 出 而聽天下, 嚮明 以 也,萬物皆相見,南 也 然而聖人之治天下,必 照之,故萬物相 乎 齊 物 巽 離是南方之卦。 東方之卦。 也 震,震,東方也。 物皆 言「萬物出 潔 是 明天下之事,取其 者,言萬物之 齊 東 m 南 由 不 之卦。 震 而 相 ጢ 斗 乎震,震 治、蓋取諸 見 瀆 出 必 杓指 萬物盛 方之卦 亂 斗杓 潔 也。 齊乎巽, 自 也。 明 齊 法 離 東爲春, ,東方」者 「齊乎巽」 指東南之 无 也。 此 大必 也。 圃 此 離者,明 所 離 後 也 巽, 假 不 爲 口 離 也 明 東 H

坤 坤 也 B者, 地 兑,正秋 也 一,萬 也,萬物之所説 物 皆 1致養 為,故 也,故 日 致 説言 役

之卦也,萬物之所成終而所成始也,故曰也,萬物之所歸也,故曰勞乎坎。艮,東北薄也。坎者,水也,正北方之卦也,勞卦乎兑。戰乎乾,乾,西北之卦也,言陰陽相

成言乎艮。

者,以 説也 義曰: 卦 益 陰地 之卦 物非止於一方,故言 是有勞役之事,故曰 夜,所以爲勞。 日 由 也。 一下皆坎,有水之象焉。 戰乎乾。 也。 良以本之,其位在丑寅,故曰東北 ,萬物説兑必在於秋,故兑爲正秋 而乾居之、是有陰陽相薄之義,故 日萬物之所歸也。 乾是純陽之卦,主於 萬 坤者, 然不言方而言秋者,以兑説萬 物之所成終,萬品之所成始, 坎者,水也,北方之卦也。 地 萬物之生,非水 也,以 1 致役 秋 地能生養萬物。 也。 艮者,東北之 水行不舍 乎 西北。 坤。 「戰乎乾」 圃 兑者, 不 西是 畫

之卦也。

萬 風。 物 相 説乎澤。 動 神 萬物者,莫疾乎雷。 也。 物者、莫盛乎艮。 悖, 者,以其 以然而然,是其用如神也。 也。 也者,妙萬物 義 燥萬物者,莫熯乎 而求其真宰之用,无有遠近,不知所 曰 山 言八卦運動,交相錯雜,以 澤 潤萬物者,莫潤乎水。 此 无形,无狀,人之所不見者也。 通 已下 氣,然後能變化,既成 而 爲言者 一節明八卦 故水火 撓萬物者, 莫疾乎 火。 也 説萬物者,莫 相逮,雷風 然則謂之神 終萬 生成之用 妙萬物。 [物始 萬 不

乎雷。 義曰: 也。 兑説 乾燥 撓散萬物者,莫疾乎風,風者,巽之 震者,雷之象,故 動者,鼓動也,言鼓 萬 萬物莫説乎澤,兑者,澤之象 物莫熯乎火,火者,離之象 不 言 動 震 萬 而 物 言 莫 雷 疾

故言 火之性,至於終始 化之道 澤相 有相 象也 之理息 言艮者 也 也 資 相 懸 艮而不言山 滋 (之理 逆者,蓋雷風若相悖逆, 以以 ,生成之理也。 水火 始 潤 圃 能 萬 萬 其 八之性 物 物 通 動 雷風相 者 氣 莫 撓 ,莫盛 強不 也。 潤 萬 燥 夫 乎水,水 物之義於山 潤之功,是 如是,然後 然而雷風 薄 相 然則艮 乎 m 艮,艮者, 不 然 者,坎之象 相 不言 悖 而相 則 相 雷 能 逆,山 生 薄 風水 止之 成 山 逮, 物 而 變 而

,故言相薄 而不言悖逆也

> 乾爲 物,故 爲雉,艮爲狗,兑爲羊。 爲 馬,坤爲牛,震爲龍 止。兑象澤,能澤潤 艮 象 Ш ,巽爲雞,坎爲豕 Щ 萬物 有 止 ,故爲説 静之德 也。 故

爲狗, 謂遠取 爲羊,外柔而不害物也 濕,故爲豕 龍, 義曰: 物 輕舉之物,主於下也。 也。 潛動 狗能善守,禁止外人,故爲狗。 諸 坤爲牛,至 此一 而變於陰 物者,此也。 也。 節説八卦 離爲雉,有文章也。 也。 順,能任 巽爲 坎爲豕,豕主 乾爲 畜獸之象也。 重 雞, 馬 也。 '健速之 體 多陽 震爲 所 兑 艮 污

乾爲首 離 爲目,艮爲手,兑爲口。 一,坤爲 腹、震爲足、巽爲股、坎 爲 耳

坎,陷也。

離,麗也。

艮,止也。兑,説也。

天,運行

不息,故

以爲健。

坤象地、能承

順

此

一節説

卦名訓

也。

乾

,故爲順

震象雷,能奮動

萬物、故

爲

巽象

風,无所不人,故

爲人。

坎

,水居險陷,故爲

陷。

離象火,能著

乾,健也。

坤,順也。

震,動也。巽,人也

首。 義曰: 謂 近 故爲足。 取 坤 諸身 能 此一節説八卦人身之象 包 者,此也。 容萬物,故爲 異順 於人,故爲股。 乾尊在 腹。 上,故 震 也 坎 動 陽 在 爲

艮能止静其物,故爲手。兑能和説於明在内,故爲耳。離陽明在外,故爲目。

人,故爲口。

故謂之少女。 蒙而得男,故謂之少男。兑三索而得女,女,故謂之長女。坎再索而得男,故謂之中女。艮三女,故謂之長女。故謂之長男,故謂之震一索而得男,故謂之長男。巽一索而得乾,天也,故稱乎父。坤,地也,故稱乎母。

也。 坤爲 也。 配 乾初求於坤而 女生也,得父氣者爲男,得母氣者爲女。 一於乾 於坤,得少男,曰艮。 曰 坤 坤之初求於乾而得長女,曰巽,坤 、地,母之道也。二氣相求勝,而男 索者,求也。 也。 再配於乾,得中女, 此一節明 乾之再配 得長男,日 乾爲天,父之道也。 乾坤六子父母之道 於坤,得中男,曰 坤三配於乾,得 震,乾生於坤 一一解。

> 之道備矣,天下之情見矣。 少女,曰兑。二氣相推,八卦著矣,男女

馬,爲駁馬,爲木果。寒,爲冰,爲大赤,爲良馬,爲老馬,爲瘠寒,爲冰,爲大赤,爲良馬,爲老馬,爲瘠乾爲天,爲圜,爲君,爲父,爲玉,爲金,爲

於地也爲黑。爲子母牛,爲大輿,爲文,爲衆,爲柄。其以爲地,爲母,爲布,爲釜,爲吝嗇,爲均,

四五九

順 廣 取其均平也。 其於地也爲黑」,取其極陰之色也 爲文」, 爲吝 也。 載 生 育 也 也。「爲 「爲 萬 取其色雜也。「爲衆」,取其載 此 物 「爲 大 取其生物 節 故「爲母」。「爲 「爲子母牛」,取其生育之 輿」,取 釜」,取 柄」,取其生物之本也。 明坤 不 之象 其能 其化生 移 也。 也。 載 。「爲均」 布」,取其 成 萬 坤 物也。 熟 爲 地

也爲反生。其究爲健,爲蕃鮮。爲善鳴,爲馵足,爲作足,爲的顙。其於稼子,爲決躁,爲蒼筤竹,爲萑葦。其於馬也震爲雷,爲龍,爲玄黄,爲旉,爲大塗,爲長

剛 義 二,取其 二,能 日 : 而 爲玄黄」,取其蒼雜之色也。 E 震於物 此一 (敷布 |柔,萬物之出 節 圃 也。 牛 廣 也 明 「爲 一。「爲大塗」, 震之象 也。 龍」,陰中 「爲長子」, 也。 之畜 取其 「爲

> 出也。 取其一 上也 馬也 也。 甚 以其 蕃鮮」,取其蕃育之盛 爲馵足」,取其 也 爲 爲 爲萑葦」, 動也。 初 「爲 「其究爲健」, 「其於稼也爲反生」,取其反 求 鳴」,取其象 蒼筤 也 「爲的顙」,取其陽下 0 剛在 以其 竹」,取 爲 決躁」, 取 下 類 也 雷聲之遠 其 也。 而 其 剛 列 堅 爲作 也。 行 貞 其 也。 而上 剛 足」, 甲 應 其 性 爲 而 於 於 虚 之

市三倍,其究爲躁卦。於人也爲寡髮,爲廣顙,爲多白眼,爲近利白,爲長,爲高,爲進退,爲不果,爲臭。其與爲木,爲風,爲長女,爲繩直,爲工,爲

義 物 在 木」,取其可 爲 直 上 日 , 也 器 . 取其 也 此一節 「爲長女」,取其 揉 齊一 「爲白」,取其能 而 也。「爲工」,取 順 廣 也。 明 巽之象 爲 初 風」,取其 求 潔於物 也。 也。 其 能 「爲 也。 陽

盛也。「爲躁卦」,取勢躁急也。 情,多近利也。「市三倍」,取其 取其色多白也。 其風性高遠也。 上下也。「爲不 爲廣顙」,取其 爲長」, 取 其 風 有容也。 果」,取其 行之遠 「爲進退」,取其隨 「爲近利」,取其 也。 「爲多白 能樂於物也。 「爲 生 (躁 高 一物之 眼, 物之 人之 取

坎 卦,爲赤。其於馬也,爲美脊,爲 其於人也,爲加憂,爲心病,爲耳 下首,爲薄蹄,爲曳。 取其北 爲水,爲溝瀆,爲隱伏,爲矯輮,爲弓輪 輪 義 通,爲月,爲盜。其於木也爲堅多心。 通 日 其 也 矯 取其 輮 難 「爲隱 方也。「爲溝瀆」,取其水行无不 此一節廣明 激 也 取 矢運行。 伏一, 其曲 「爲心病」,取剛在中 其於輿也,爲多眚, 直 取其 坎象也。 「其於人爲加憂」, 得 水 所 行 也 地 「爲水」, 痛,爲血 亟心,爲 「爲弓 中

> 行也。 心」,取其剛在内也。 盗」,取其 爲多告」,取其重載 也。 其水 水流向下也。「爲薄 其 爲亟心」,取其急也。 爲 、於馬也爲美脊」,取其 耳 「爲曳」,取其行地也。 痛 地 「爲月」,取 中也。 潛 取其 行 也。 主聽 「爲 也。「爲通」,取 其水之明也。 「其於木也爲堅多 赤」,取其 蹄 也。 「爲下首」, 」,取其水 「爲 陽 「其於 血 在 血色也。 卦」, 中 以其水 流 興 取其 也。 也 取

兵。 上 蟹,爲羸,爲蚌,爲 離爲火,爲日,爲電,爲中 槁 其於人也爲大腹。 龜。 爲乾卦, 女,爲甲 其於木 爲 - 胄,爲 也 鼈,爲 爲 科 戈

火」, 義 爲電」,取 日 「爲 取 南方 甲胄」, 此 有明也。 也。 節 取 廣 「爲 剛 明 爲中女」,取再求 日 在外也。「爲戈 離 之 象 取火精 也。 也。 「爲

其 也。 取 其陰 陰 剛 在 在中而空也 「爲鼈,爲蟹,爲羸 取 外也 在内 外 剛 利 也 「其於木也爲科上槁 也 「爲 其於 乾 ",爲蚌, 卦 也 取 爲龜 其 爲 日 大 一,皆 所 腹 取 炬

其於木也爲堅多節。 爲闇寺,爲指,爲狗,爲鼠,爲黔喙之屬。艮爲山,爲徑路,爲小石,爲門闕,爲果蓏,

蓏 也。 節 剛 鼠 山 義 止 可 也。 」,取其静 日 」,取其止人也。「爲黔喙之屬」,取 取 而 取其陽在上也。 丽 「爲門闕」, 其 能 「爲止」,取其止物也。 行中 此一節 、陽生· 喙 而不 物也。 也。「爲小 也 取其止出入也。 動 廣 也。 明 「其 「爲閽寺」,取其 艮之象 「爲徑路」, 於木也爲堅多 石」,取其陽 「爲狗, 也。 「爲 取 其 禁 果 堅 其

> 附 澤, 決,其於 外順也。 妾」,取其少女也。 地 義 口説人也。「爲毀折」,取其缺於上也。 爲附決」,取柔附上,非所 爲巫」,取 也爲剛 日 取潤下也。 地 此 鹵」,取其 也 其順也。 一節 爲剛 廣 「爲少女」,取三索也。 鹵,爲妾, 「爲羊」,取其中壯 下 明 「爲口舌」,取其能 ·堅而 兑之象也。 上潤 麗 也。 也。「爲 「其於 「爲

## 序卦

卦之義也。 義 常常之人故難曉矣。孔 上下二篇,其先後之次,其理未見,在 序 日 因 其 . 以 相 夫《序卦》者, 發明大易之淵 次 按文王既繇六十四 之義,以序説六十四 所 藴 子就上下二 以 故 序 説 謂之《序 卦, 六 卦之 + 於 四

兑

爲澤,爲少女,爲巫,爲口舌,

爲毀折

言相受之理也。 卦》。自乾坤而下,至於既濟、未濟,皆

萬物,故受之以屯。屯者,盈也。有天地,然後萬物生焉。盈天地之間者唯

屯者,物之始生也。 首也。 者,載萬物之本 義曰: 地之間也,故屯卦所以次於乾坤也 時,必先屯難,而後至於盛大,盈滿 屯難,然後成也。 事之本始者也。 坤次於乾 坤能順承於天,以生成萬品之物,故 以爲育物之理。故有天,然後有地。 得陰,不能成生物之道。 之生,必自乾 乾者,天之用也,生成之祖宗也。 然而獨陽 夫乾 也。 而始,故乾爲六十四 卦是伏羲所畫八 故乾坤者,天地之用,萬 也。 然天地之生萬物,必 不生,獨陰不成。 物生必蒙,故受之以 故草木之生莩甲之 坤者,地之用 天不 純 降地,无 之卦。 1卦之 於天 陽不 萬 也。 地 須 以

> 以履。 故受之以 故受之以 故受之以 飲食必有訟,故受之以訟。 養也,故受之以需。 蒙者,蒙也, 小小畜。 比。 師。 師者,衆也。 比者,比也。 物之稺 物畜然後 需 者, 也。 有禮,故 比 衆必 訟 飲食之道 物 必 必 稺 有衆起 有所畜, 有所比, 不可不 受之 也

必須親 義曰: 比之道貴於得正,既得其正,必有所畜 兵之事,故以師卦次於訟也。行師不已 然而争訟不已,物情 必有其争訟之事,故以訟卦次於需也。 也,飲食之道也。 也,故以需卦次於蒙也。 若不滋潤之以成生養之道,則不能成 故必蒙。 大,故以蒙卦次於屯也。 比,故以比卦次於師 夫物既屯難而生,未至於盛大, 然 加 盤 飲食之道,養而不已, 屈 盤 乖 屈 離,必有行師用 然而需者,養 不已,然 然 也。 物 生蒙昧 後盛 圃

禮 一故以 以小畜次於比也。 履卦次於小 畜也 物既 畜 聚,必須合

履 物不可以終通,故受之以否。 否,故受之以同人。 而 泰然後安,故受之以泰。 物不 泰者,通也。 可

卦也。 義曰: 必亨,必須和同,故以同人之卦次于否 否卦次於泰卦也。 次於履也。安之既久,必有其否, 能行禮者,其身必 然而否之既久,其道 安,故以 故 泰 土 以

者不可以 與人同者物必歸焉,故受之以 豫,故受之以豫。 盈,故受之以謙。 有大而 大有。有大 能 謙 心

義曰: 順 衆,不可 其衆,故以大有次 八有也。 剛 、必悦豫而隨之,故以 既與人同,衆物必歸, 暴,必 ൬ 既 2須謙 大有 於同 順,故 天下之衆, 人也。 以 豫卦次於 謙 既 必 又 大 須 卦 能 有 次 大 謙 於 其 有

謙也

可大,故受之以臨 事,故受之以 豫必有隨,故受之以 蠱。 蠱 隨。 者, 事 以 也。 喜 隨 有 事 者 而 必 有

卦也。 而必 故以隨 義曰: 極,必敗於成事,故以 事既已久敗,必須 卦次於豫 天下既悦豫,則人樂然而隨之, 也。 然 而 有 以喜隨 蠱 才德之人以 桂 次 人,久 於隨

臨治之,故以臨卦次於蠱也

臨者,大也。物大然後可觀,故受之以

可觀而後有所合,故受之以 | 噬 嗑

可觀, 義 物,故以噬嗑次於 必以德化,德化 日 故以觀 臨人之道必在中正,中正 計次 既 觀也。 行,必 於臨 也。 須 去其剛 觀民之道, 梗之 一必有

嗑者, 以 賁。 合也。 飾 物 也 可 以苟合而已,故受之

義 日 物既 相合,必須脩飾於外,故 以

觀。

物

不

可以終過,故受之以坎。

坎者,陷也

義

物既大過,必至險陷,故以坎卦

**賁卦次於噬嗑也。** 

致飾然後亨則盡矣,故受之以剥。

表写: 物既文飾,久而必敝,故以剥卦

次於賁也。

剥者 妄。 畜然後 故受之以 養則不可動,故受之以大過 剥也。 有无妄然後 可 復。 養,故受之以 物不 復則 可畜,故受之以大畜,物 可以 不 終盡剥,窮上反 妄矣,故受之以无 頤。 頤者,養也。 下

妄,必 必致於大過 於大畜 物既大畜,必有所養之道,故以頤卦次 以行於己,故以无妄次於復也。 卦次於剥也。 日: 有可畜,故 也。 物不可終剥,必復其性,故 養之必以 ,故以大過次於頤卦也。 既復其性,必有由中之信 以大畜 其道,苟失其節, 次於无 物既无 妄也。 以 復

次於大過也。

陷 三十卦 必 以 義曰: 恒首明人事,夫子以丁寧而説之,後人 離而終之,其實三才之道皆備矣。 之,故以離 有 簡編重大而分之也。 所 ,爲上經,統言天地之道 麗,故受之以離。 險 卦 難 次 既 久,必 於坎也。 須 明 離 自此以 者 德之人以治 麗 放以 也 蓋 咸 坎 凡

有 有 有 有 父子 天 上下然後禮義有所 男女然後 地 然後 然 後 有 有 有 夫 萬 君 臣,有 婦婦 物, (有夫 錯 有 君 萬 婦婦 物 臣 然後 然 然 後 後 有 有父子, 有男女, 上 下,

義曰: 錯 也。「有天地然後 明夫婦之道,人倫之本,故爲下 有夫婦。 婦之道必自陰陽爲本始也。 丽 生萬物,而 自此 夫婦既正,則有父子。父子既 以下凡三十四 有男女。 有萬物」者,此 男女既 卦, 夫天地 經 廣 咸 之首 明 恒 則 交 首

既 立 天下,治邦國,人倫之大本也 有 則 上下, 有君 則 臣 禮 義之道 君 臣 既 有 E 所 則 注 錯 有 上下。 此 Œ

者,久也。物不可以久居其所,故受之以 夫婦之道不可以 不久也,故受之以 恒。 恒

遯。 以 義曰: 卦次於咸 常久,然後可以成室家之道 萬世不易之法也。 少女以成夫婦之道,以成咸感之象,此 在上,艮爲少男,兑爲少女,以少男下 遯卦次於恒 少而言之。夫婦之道 遯者,退也。 夫咸者,感也。 也。 也 物既 然而 常久,必至 咸道貴速,故 不可不久,以 艮體在下,兑 也,故以 退遯,故 須 恒 以 於 體

物 不可 以 終遯,故受之以 大壯

能 用 義 剛 出 日 ,故以大壯次於遯也。 壯之道以 物不可以終遯 出其所 處 M 也 退 處之, 不 動 則 必 須

> 物 不 之,故以 義日 可以終壯,故受之以晉。 晉卦次於大壯 物既 大壯 動 而出 也 乎 晉者,進 遯 也 進

進必有所傷,故受之以 明 夷

義曰: 以明夷卦次於晉也。 人之所不與。 物不可以久進,進之不已,必 人既不與,必有所傷,故 爲

夷者,傷也。

以家人。 義曰: 傷於外者必反 傷於外者必反其家,故受之 於家,故 以 家 人

家道窮必 乖,故受之以睽。

之卦次於明

、夷也。

咎。 日 苟失嚴正,則其 夫治家之道 道 必 必 須 乖,故以 嚴 正 然 睽 後 掛 无

次於家人也。

睽者,乖也。乖必有難,故受之以蹇 義曰: 蹇卦次於睽也 物 既 乖 離 必 成蹇難之事,

蹇者 解者 而不已必益,故受之以益。益而不已必 1,難也。 緩 也。 物不 緩必 可以終難,故受之以解。 有 所失,故受之以損。

決,故受之以夬。

已,必 義曰: 故以解卦次於蹇也。 須益之,故以 (,故以損卦次於解 須決去之,故以夬卦次於益 物不可以久難,必 益針 次於 也。 解人之難,必有所 損也。 損之不已,必 須 解 益之不 而散之, 也。

夬者,決也。 決必有所遇,故受之以姤。

義曰: 於夬也。 決之,則 君子有所喜遇也,故以姤卦 剛決之道必 須以正。 既以 正 次 而

萃者,聚也。 姤者,遇也。 物 聚 相遇 mi 上者 而後聚,故受之以萃。 謂之升,故受之以

故受之以革。

者必

反下,故受之以井。

井道不可不革,

升而不已必困,故受之以困。困乎上

義曰: 卦次於井也。 井道既得其所,不可不革治之,故以革 之既久必 已,其道必困,故以 須升進,故以 聚之,故 以 君子 反於下,故以 萃卦次 既 升卦次於萃 有 於姤 所 困 遇 卦 也 井卦次於困也。 則 次於升也。 也。 萬 既萃之上必 物 升而 莫不 升 不

革物者莫若鼎,故受之以鼎

故以鼎卦次於革也。 義曰: 革之必得其道,有鼎新之 義

也。 主器者莫若長子,故受之以 物不可 以終動,止之,故受之 震 震 者,動 以 艮。

也。 无所容,故受之以巽。 得其所歸者必大,故受之以豐。 漸者,進也。 艮者,止也。 窮大者必失其居,故受之以旅。 進必 物不 有所歸,故受之以 可以終止,故受之 豐 者,大 歸妹。 以 旅而 漸

義 日 物既鼎新,凡所主者莫非長子,

必有所 有所漸 故以 以 也。 强,必須巽順,故以巽卦次於旅也 以致天下 歸,故以 旅卦次於豐也。既居爲旅,不可以 時既豐大,或有所過失 震 故以 ĨŁ. 卦 歸妹 , 故 次於鼎 於豐大,故以 以 漸 次 於 卦次 艮 也。 桂 漸 於艮 次於震 物不 也。 豊生 也。 物既 可 也。 而 以 次於歸 漸必有 歸之, 爲旅,故 終動 止 物 剛 妹 可 所 心 動

兑者,説也。説而後散之,故受之以涣。 義曰: 散之,故以 次於巽也。 人也。 人既巽順,物亦和説 人而後説之,故受之以 涣卦次於兑也。 説之既久,不 可 偏 ,故以兑卦 係 必須 兑。

涣者,離也。

物 義日 不可以終離,故受之以節 義曰: 道也,故以節卦次於涣也 物既 物 不 涣散 可 以 ,必致於乖 終離、必須 離 有 也 止 節之

> 節 而信之,故受之以中孚。 日 爲節之道,必須 由 中之信 以

有其信者必行之,故受之以小過 義曰: 事,必須小有所過,故以小過之卦次 合之,故以中孚次於節 孚信之道或失其正,或過 也 越 其

有過物者必濟,故受之以既濟。 行之。 義 既濟之卦次於小過也 日 既附人而行之,則有所濟,故 事既過越,凡矯過者必附 人 加

中孚也

物 故以 以 四 義曰 不可窮也,故受之以未濟。 是生成之宗,故爲六十四卦之首也。 未濟而終之者,以其常人之性多失成 ,或居安不能慮危,居存不能思亡,以 卦,始於乾坤,終於未濟者,以其乾坤 未濟之卦次於既濟也。 物既得所濟,或居安不能 終焉。 然觀六十 慮危, 必

以

至自取其咎,故以未濟而終之也。此聖

人垂教之深旨也。

## 雜卦

翼 常定,物无常體,可 孔子取其六十 本,故謂之雜卦也。 則止之,故揉 事,交相錯雜 義 也。 日 . 夫《周 雜 以以 易》所 四 諸 陳其義 卦之中, 卦之義,以 以施則施之, 此「十翼」之中第十 以 言《雜 也。 人所 爲 以 卦 常 行 其 可 事之 以 事 之 止 无

乾剛坤柔,比樂師憂。

臨 失其道 順,和 日 之義,或與或求。 順 乾剛 則憂 則人心樂。 夫乾用剛健,必以柔順 坤 ,必致於行師動衆也。 柔」。 夫親比之道貴於和 樂 得其道則正,樂 而資之,

> 天下, 正 義 一,則 日 可 則 以 夫防民之道,貴於中正,既 爲下之所 風化於天 相 下。 與,或爲下之來 既可 以 風 化於 中且

屯見而不失其居。

事也。 其居,不失其所,此則是君子治屯之必須利建侯以安天下,使天下之人皆安必須利建侯以安天下,使天下之人皆安

蒙雜而著。

震,起也。 則 者以發明之。然 義 日 曰 无所錯雜而自然著見 夫蒙昧之人未知 艮,止也。 震,東北 而既 之卦, 損益,盛衰之始也。 得賢者以發明之, 也。 能起生萬物也。 所著,必求賢

「盛衰之始也」。

時偕行,可

損則損之,可益

則

益之,故曰

艮有止

静之德,故爲止。

損益之道,

與

大畜,時也。

无妄,災也。

則自取其災也。 心之所樂與。若以不信之人厠於其間, 義曰: 夫无妄之時,天下之所共信,人

萃聚而升不來也。

義曰: 若 故能聚。 可 也。 進 不 夫萃聚之時,天下 由其道則凶,進 聚之不已,其道必上進 得 之所 其 和 可也。 洽 不 也,

謙輕而豫怠也。

噬嗑,食也。賁,无色也。輕」也。然而爲逸豫之道,又自怠也。義曰: 夫謙恭之道,不自尊大,是「謙

其剛 之色,是无所定也。 **賁貴其文飾,但合於中而已,不在煩多** 義 日 梗 之物也,故言「食 夫雷電 相合, 如 也 口 頤 夫山 之中 火之 隘 去

兑見而巽伏也。

之道也。 道,貴其卑伏,若不能卑伏,則非爲行巽顯見於外,合於正,則吉也。 夫巽順之퇧兒 、

隨,无故也。蠱,則飭也。

濟也。 夫蠱敗之事,必須整飭之,然後事有則行之,可止則止之,故云「无故也」。 義曰: 夫隨時之義,不在於有,故可行

誅也。 親,爛也。復,反也。晉,晝也。明夷,

也,衆陰消萬物之義也,故云「爛」。夫義曰: 夫五陰一陽,小人剥君子之象

有誅傷之事。曰「晝」也。夫明人地中,明有所傷,必也。夫晉者,日出地上爲陽,陽爲晝,故也陰在上,一陽在下,是陽氣反復之時

井通而困相遇也。

之也。 夫物既久困,必須所遇有賢德之人以出義曰: 夫井以濟人爲德,故曰「通」也。

咸,速也。

也,故有咸之象也。女,艮爲少男,以少男下於少女,是貴速義曰: 夫夫婦之道貴於得正。兑爲少

蹇,難也。睽,外也。恒,久也。涣,離也。節,止也。解,緩也。

難,解而緩散之。蹇者,山上有水,故曰久離,必須節止之。解,緩者,言天下蹇也。涣散之久,物必乖離也。物不可以義曰: 夫婦之道,貴於長久,故曰久

於外也。除者,乖也。物既乖離,必居

不可終壯,則必止遯之乃可也。 卦反其類也。雷在天上,大壯之道。物在上,地氣在下,否之象也。是否、泰二天氣下降,地氣上騰,泰之象也。天氣

大有,衆也。同人,親也。革,去故也。 大有,衆也。同人,親也。中孚者,有 就正。夫火在天上,明有所矚,故可大 就正。夫火在天上,明有所矚,故可大 就正。夫火在天上,明有所矚,故可大 是,取新也。小過,過也。中孚,信也。 以,我也。草,去故也。

豐,多故也。親寡,旅也。

義曰: 豐,言盛大,高者懼危,滿者懼

溢 ,故多憂也 親者寡少,故曰 旅 也。

離 E 而坎下也。

義 E : 離爲日,故宜 在上 也。 坎爲水,

故宜在下也。

畜,寡也。 義曰:

小畜者, 言風 行天上,不能 偏及

於物,故曰寡也。

履,不處也

定處也 義曰: 履以謙爲本,隨人而行,故不 可

需,不進也。

義曰: 需者,養 也, 但待其時 圃 養

故曰「不進也」。

訟,不親也。 大過, 顛也

天水相違,訟之道 也,故 日一不

相陵,本末顛錯,故曰「顛 也

親」。不親者,不相親洽也。

大過者,上

姤 遇 也,柔遇剛也。漸,女歸待男行也

> 遇剛 義 而進之,然後成其夫婦之道也。 也 姤者, 漸者,進 遇也。 也,男女之行必以 天下會遇之時,

:

頤,養正也。

義曰: 也。養其正則吉。 Щ 下有雷, 爲頤之象,故

既濟,定也。

義曰: 大治,物性大定之時也。 言水火 相 濟,君臣 相 得, 是 天下

歸妹,女之終也

義曰: 其道,以成夫婦,此則是「女之終」者也。 夫女者,有適人之義,若從男得

未 濟,男之窮也。

義曰: 安不能 慮危,以成其未濟,是自取 夫男子之道,多失於怠事,故居 第之

憂也。 夬,決也, 道也。 剛 決 柔 也, 君子 道 長,小人道

詳解之。 详解之。 詳解之。 詳解之。 美田: 夫五陽一陰,是五剛而決一柔 養田: 夫五陽一陰,是五剛而決一柔

周易口義卷十二

序

附

録

也。 卷,乃門人倪 大抵詳於義理,而 稱「先生」。 安定,故泰州 晁 氏《讀 天隱 按 志 略 今所刊《口 所纂 人,此書仍得之於其鄉 於象數 非其自著,故「序」 胡 安定《易傳》十 義》,即 此書

中 嗣, 學,未免有 圖 而空之,專以 於李挺之,以 而諸家之説遂 蓋自漢以 圖」出自希夷 穿鑿 義 來,言《易》者多泥 理 傅 爲 爲主。 廢。 會之弊。 天 四四 地 傳 宋邵 萬 唐 丽 物之 至堯 堯夫 至王 人 疏 理 於象 夫。 始 解 輔 得 獨 嗣 在 數 先 宗 堯夫 其 天 之 輔

> 其義則 舍義 然而 實由於安定。 也 焦、京、管、郭之術,非儒者之所務 爲大備。 後有象,有象 得之,遂 (於是。 之 皆知伊川之《易》爲大備,而不知其淵 道四 理 自 體用一 宋 象 而言象數,雜以機祥,墮於隱怪,此 明於象數之學。 一,而 其言曰: 何也? 迄今,學者言《易》,莫不以伊 在其中矣。」議者以 原,顯微無間 伊 而 川專求之於辭,似乎有闕 後 「至微 象數 有 數。 固不 者理 '。」又曰:「有理 而 因 伊 在義理之外, 象以 也 爲《易》有 ĴΠ 之《易》 至著者 知 也。 數, ĴΠ 聖 源 得 mi 則

翼之、 義 示人以學《易》之方,亦令先讀 處 論 以 理 試諸生,得伊 學職。 方安定在 王 而畧於象數者也。 介甫三家《易》。 其 太學 獨知之契如 川作,大奇之,即 時, 此可以知其 三家者 此。 顔子所 E 他日, 請 輔 皆 好 嗣、 相見, 淵 伊 詳 何 源 胡 於 JII 學

氏, 之所 惡可忘其所自哉 必盡當。 始乎椎輪,八音造端 人之道者,未有如安定此書者也。 自來矣。 而介甫多偏駁之説,其解《易》 求其粹然一出於正而不詭於聖 然輔 嗣之《易》,宗旨不 於土鼓。 讀程《易》者 大路託 亦未 離 老

力也。 校文字,省視鐫工,則皆訓導丁德明之 初 而 出 讀之,曠若發矇,遂刊之以惠來學。 ,先生篤信而深好之,書以告余,余得 睢陽湯潛菴先生,當世大儒 也。 是書 讎

水

與

安定講授之餘、欲著傳而 義》十卷,而《揚州志》亦仍其目,誤也。 文志》有之。 口義》十卷外,又有《繫辭》上下及《説卦》 (非其師之親筆,故不敢稱「傳」而名之曰 倪天 此三卷者,晁氏所不載,而《宋·藝 八隱,不 但既列《易傳》十卷,復列《口 · 知何 許人,其 未逮,天隱述之。 所述上下 經

> 一 口 義」,各從其所見,實無二書也 義」。傳 諸 後 世 一, 或 稱「傳」, 或 稱 口

議、學者當潛心玩味,以爲入道之門,慎 名字者多矣,而 弧假卜子夏,阮逸假關子明。《易》之依託 嚮者矯誣之徒同類 嗟乎! 孟喜假田生,劉炫假 此 書 獨 伽 源 並疑之也。 流 井然,無可 連 山 張

李振裕維饒氏謹 康熙二十六年歲 書於澄江官舍 在 丁卯孟春下澣,

四 上五

### 易童子 間

(存目,見《歐陽修全集》)

[北宋] 歐陽修

撰

# 温公易説

[北宋]司馬光 撰

下經	卷四:	姤	夬	益	損	解	蹇	睽	家	明	晉	大	遯	恒:	咸	下經	卷三:	離	坎	
五五	五五		<b>T</b>	<u></u>	五〇	五〇	四九		人 四七	<b>吳</b> 四六		社 四五	四四					四〇	三九	
未	既	小	中	節	涣	兑	巽	旅		歸	漸	艮	震	鼎	革	井	困	升	萃	
濟	既濟	小過	中孚		:	:		:	:	妹	•	:	:	:	:	:	:	:	:	
	•	•				•	•	•			•				•	•		•		
	•	•	:	•	•		•	•	•		•	•				•		•	•	
•	•	**************************************	:	•	• • •	0 0 0	•		•		•			•	•	•	•	•		
	•	•		•			•		•				•				•			
	•	•		•	•											•				
				•	•	*	•	•					•			•		0 0		
•	•	•			•	•	•	•				•	•	•	•	*				
	•			•	•		•	•	•	•	•					•	9 9			
•								-	_	-						-				

・・・・・・・・・・・・・・・・・・・・・・・・・・・・・・・・・・・・	
--------------------------------------	--

=

#### 校點説明

闡》、《稽古録》、《温公瑣語》、《温公日記》等。○八六)撰。光字君實,號迂叟,山西夏縣凍水鄉人,世稱涑水先生。寶元進士,累官端明學士,哲人,世稱涑水先生。寶元進士,累官端明學士,哲作除《温公易説》六卷,北宋司馬光(一○一九—一

醉注》二名行於世,但傳佈並不廣,至南宋時則鮮簡不揆,宜見誅絶於君子者,然亦庶幾景仁矜其有簡不揆,宜見誅絶於君子者,然亦庶幾景仁矜其有意於學,痛爲銀治其蕪穢,明示以坦塗,使識所之志於學,痛爲銀治其蕪穢,明示以坦塗,使識所之志於學,痛爲銀治其蕪穢,明示以坦塗,使識所之志於學,痛爲銀治其蕪穢,明示以坦塗,使識所之志於學,痛爲銀治其蕪穢,明示以坦塗,使識所之。以確考。司馬光在《與范景仁問〈正書〉所疑書》中以確考。司馬光在《與范景仁問〈正書〉所疑書》中以確考。司馬光在《與范景仁問〈正書〉所疑書》中以確考。司馬光在《與范景仁問〈正書〉所疑書》中以確考。司馬光在《與范景仁問〈正書〉所疑書》中以確考。司馬光在《與范景仁問〈正書〉所疑書》中以確考。司馬光在《與范景仁問〈正書〉所疑書》中以確考。司馬光在《與范景仁問〈正書〉所疑書》中以確考。司馬光在《與范景仁問〈正書〉所疑書》中,與

卷」,則其時《易說》即有一卷本和三卷本傳世,晁 文志》著录光「《易說》一卷,又三卷,又《繁辭説》二 《説卦》下亦有注二則,此其可疑者也。《宋史•藝 原名《易說》和《繁醉注》,似不及《說卦》,然今本於 於北方少數民族,但傳佈中或經後 據此可知,鑒於司馬光之聲望,是書兩宋間曾傳佈 其後曹。 爲人,「傳令軍中,無得驚司馬太師家,又揭牓以曉 陽時,温公家人避禍曾遭羣盜執,盜首因欽佩温 爲真與僞也。朱熹并從炳文處得知,金人入侵洛 始亦喜其書之獲全,今則不能無疑,然無以考其果 乃復得其全書,云好專者於北方互市得版本焉。 温公手事,適至而與亡之故所存止此。 二之半,而其後亦闕焉。 墨……是時又得温公《易説》於炳文、盡《隨卦》六 爲多,時爲賓客道,語亹亹 馬氏。及諫議大夫無恙時爲子壻,逮聞文正公事 安,予得從之遊。 已已,洛人范仲彪炳文避章傑之禍,自信安來客崇 有完本。 以故,骨肉皆幸無他,而圖書亦多得全。」 朱熹《書張氏所刻潛虚圖後》云: 炳文親唐鑑公諸孫,嘗娶温 炳文自言其家使人就 不厭,且多藏文正公遺 人增竄。 後數年予 「紹 是書 國 司 興

原 《經義考》注此書爲「已佚」,是其在清初已無傳本, 之處在所難免。 再加古籍卷帙浩繁,翻檢不易,故所輯《易說》脱 《温公易説》。此定六卷,實乃《宋史·藝文志》之誤 《易說》與《繁辭注》,合爲一編,定爲六卷,名之曰 唯《永樂大典》有之,清修《四庫全書》,從中輯 與書目》云: 公武《郡齊讀書志》、董真卿《周易會通》所引,明 本照録,而是時常據已意删削改易。 清修《四庫》時、《永樂大典》已佚失兩千多卷。 首篇設問答語,後有《繫醉》雜説。」朱彝尊 馮椅《厚齋易學》附録《先儒著述下》引《中 「《易說》一卷,本朝尚書左僕射司 且四庫館臣輯録時,並未嚴格按 出 青

傳》相類,而簡略過之。 是書並非《易》之通釋,每卦或釋三四爻,或一二爻,亦有全卦無解說者。《繫辭》部分尚屬完備,二爻,亦有全卦無解說者。《繫辭》部分尚屬完備,二爻,亦有全卦無解說者。《繫辭》部分尚屬完備,

典》内罕見之籍,在武英殿以活字刻印,這就是「武編纂《四庫全書》時,乾隆命人彙輯《永樂大

《榕園叢書》重刻聚珍本。 佚文四則,附於後。 易正義》(簡稱「通行本」)。 本」)爲校本,并參考阮元校刻《十三經注疏》本《周 本和武英殿聚珍版外,尚有河南新鳢《經苑》本、 版爲祖本。 書》本爲底本,以武英殿聚珍版叢書本(簡稱「殿 易說》其後又經多次翻刻、 英殿聚珍版叢書」、《温公易說》即在其中。 現常見之版本,除文淵閣《四庫全書》 今即以文淵閣《四庫 重修,均以武英殿聚珍 另翻檢前人《易》注,得 <u></u> 温 公

校點者 劉保貞

## 四庫全書易説提要

卷。 所列實不止于隨卦,似 注爲「已佚」。 異,其後乃并失傳,故朱彝尊《經義考》亦 數年,好事者于北方互 洛人范仲彪,盡隨卦六二,其後缺 書。《朱子語類》又云,當得温公《易說》于 云: 三卷,又《繫辭説》二卷。 《宋史•藝文志》作: 臣等謹案: 是其書在宋時,所傳本已往往多寡 光事蹟見《宋史》本傳。 《易説》,雜解《易》義,無詮次,未成 今獨《永樂大典》中有之,而 《易説》六卷, 即朱子所稱後得之 市得板本,喜其復 晁公武《讀書志》 《易説》一卷,又 考蘇 宋 焉。 司 撰 馬 後 光 互 光

學也, 貫徹 則不見其所 曰 : 虚 《答韓秉國書》,謂王 非《易》之本旨,不足爲據。 撰次未成,如所著《潛 爲宋代原本無 同其遠,小人同其近。」 坎之《大象》 曰:「君子樂與人同,小人樂與人異。 真本,並非有所殘 下僅 全無 陳友文《集 水之流也,習而 會通》諸書所引光説核之,一一具在,知 無元渺之説,故于古今事物之情狀 疏 説 其釋 得二條,亦與晁公武之言相合。 心 習而 者 通,推闡深 荷 ,惟《繫辭》差完備,而《説卦 本卦或三四爻,或一二爻,且 傳精 傾焉 不 可 止 怒, 疑。 義》、馮 以以 不止,以 供也。 則 怒則 至。 其解義多闕者,蓋光 輔 物 成 虚》,轉以不完者爲 以 不 大賢。」 嗣 椅《易學》、胡一桂 如 光《傳家集》中 ·見其 其 以 成大川; 解 蓋 老莊 類 同人之《彖》 其意在 所 應之,故喜 咸之九 可喜 解《易》, 君子 人之 日 無 一深闢 又以 四 本 有

總校官臣陸費墀總纂官臣紀昀臣陸錫熊臣孫士毅

説 析 行。 吕之交,正而不頗,明而 義畫 真人 而 至 其 龜 者 師 失 ,稿雖未完,其論太極陰陽之道,乾坤律 讀 爲 滙 咎 圖 亡幾,田、丁、施、費脈 合沙 哉 者瞭然如生三代之世。 而 御字,玉澤萃鍾,異人間世。● 希夷抉 述而不論,河汾猶難之。歷越五閏, 也浮。● 二千年間,易道倀倀如蒙霧 爲 書,或左用之而不悟。 編,視諸老尤最 九師興而易道微。《易》之微,豈 漢上 成于邵,濂溪泄周經而融于程,以 而尚象。 《彖》翼而下,旁薄深廣,留七分 而尚變,演爲考亭而 三聖玄藴,剖抉靡遺, 心通暢。 不鑿,獵獵 脈師授,俾勿墜龍 晚得温 京房守緯數, 今流傳人間 尚占,支 與 公《易 專 九

> 參習是編,易道庶其明乎。 茶陵後學古迂陳仁子同俌序。 談《易》而病其隱且艱,非深于《易》者也。 與民同患之書也,非 安,學者直心 貫 穿。 中間 分剛 會 爾。 柔 中正 隱 《易》之作,聖人吉凶 奥難深 配 四 丙申臘月朔 而 時,微疑 難見也。 未

影元抄本)卷七《温公易説序》同《經義考》。韓康伯談名理,其失也浮。」陳仁子《牧萊脞語》(清初此句「經義考」卷十九引作「京房守緯數,其失也泥,

● 「世」、《經義考》作「出」。

「直」《經義考》作「宜」。

易

説原

序

=

易總論

塗也。 也 君也,父也,樂也,德 於物,莫不有陰陽五行之道焉。故陽者, 之變也,五行之化也,出於天,施於人,被 敷?」曰:「易者,道也。 遭禮 或曰:「敢問易者,天事 也,刑也。 孰爲天? 五行者,五事也,五常也 孰爲人? 故易者,陰陽 也。 道者,萬物所 陰者,臣 歟,抑人事 也,子 曲 之

> 樂乎? 也。 五 在 其 且子以聖人爲取諸 也。 八專於 蓋 推 一有所本之矣。」 天 而 、專 廣 之, 於人? 凡宇 胸 宙之間 二者之論皆蔽 臆而爲仁 皆 易 也

之知也。」 嘗一日而去物之左右也。 窮。是故《易》之書或可亡也,若其道 前 甚愚,而易未嘗亡也。推而上之,邃古之 易不可見,則乾坤或幾乎息矣。」是故人雖 則易可亡。 蝦蠃蚌之處於海,食焉游焉死焉,而終莫 而易已生,抑而下之,億世之後而 或曰:「易道其有亡乎?」「天地 孔子曰:『乾坤毀則無以見易, 萬物蚩 蚩,若魚 미 則 易 敝 無

樂刑德,陰陽也。仁義禮智信,五行也。「義出於數也。」「義何爲出於數?」曰:「禮曰:「義急,數亦急。」「何爲乎數急?」曰:爲義乎?」曰:「皆爲之。」「二者孰急?」 或曰:「聖人之作《易》也,爲數乎?

四

工者之不可偏廢也。」 其象而玩其辭,動則觀其變而玩其占」,明其所來,則益固矣。《易》曰「君子居則觀則蹶,是以聖人抉其本源以示人,使人識則蹶,是以聖人抉其本源以示人,使人識則、是以聖人抉其本源以示人,使人識

五.

經

上

比屯 履需

訟乾

■ 乾乾上

乾,元亨利貞。

初九,潛龍勿用。 獸,變化無常, 盛,萬物未被其澤,故曰「潛龍」。 建子之月。陽氣方萌于黄泉,太陰始 初九,陽之始也。于律爲黄鍾,于曆 陽也。 陽則曷謂之龍? 升降有時,故象陽也。 龍者神 龍 者 其

宋 司馬 光

九二,見龍在田,利見大人。 時不可用而用之也

潛龍之時,伏于泉,不可用

也,是故冬華

而雷爲妖爲災,人躁而狂爲凶爲殃,皆

言「勿用」何? 聖人觀象而爲之戒也

也,故曰「利見大人」。 不歸焉。雖未有功,善之端也,治之本 君子修德行義,始聞于人,人莫不悦,莫 其言「利見大人」者何? 通之于人也 物忻忻,生意昭蘇,故曰「見龍在田」。 爲建寅之月。陽氣蔟達,發而在田,萬 九二者,陽之見也。于律爲太蔟,于曆

九三,君子終日乾乾,夕惕若,厲,无咎。 戒也。九三在下體之上,居上體之下, 言「夕惕若,厲,無咎」者何? 也,故君子進德修業,自强不息也。 建辰之月。萬物畢生而趨于繁茂之時 九三,陽之進也。于律爲姑洗,于曆爲 聖人爲之 其

厲」,然後得「无咎」也 勤 則進乎上,怠則退乎下, 故 「夕惕若

九四,或躍在淵,无咎。

言「在淵无咎」者何? 失于進不若失于 成,德業誠盛矣,而未至于大亨,安居 不能,欲進 建午之月。 九四,陽之盛也。于律爲 止之愈也。 而自疑,故躍以試之也。 萬物誠茂矣,而未及 蕤賓,于曆 于大 夫 則 爲

九五,飛龍在天,利見大人。

普施,大人亨矣,萬 建申之月。黍稷既實,功德成 九五,陽之成也。 于律爲夷則,于曆爲 物熙熙,道力行矣, 矣,德業

上九,亢龍有悔。

故

日「利見大人」。

乾上九。 微 而舍其彰,何也?」曰:「君倡而臣和, 也,物之成則夷則不若仲吕也,舉其 或曰:「物之盛 則 賓不若林

> 九四。 陽生而 據此則此爻注于律應爲無射,爲建戌之月,乃此條復 射篇》。章昭注云"「十一月曰黄鍾,乾初九。 又 論蕤賓、林鍾、夷則、仲呂,不及無射,疑上有脱文。 太蔟,乾九二。三月曰姑洗,乾九三。 陽者倡 何疑矣。案: 七月日夷則,乾九五。 陰 陰成,故陰者佐陽 而 尸 其功也,是 光解乾坤六爻本于《景王將鑄無 九月曰黄鍾,乾上九。 君 侕 五月日 代 臣之道 有 蕤賓,乾 終 正月日 也 也

用九,見羣龍无首,吉。

首則亢矣。 謂之龍。 己之類,當推 氣能生能成,聖賢能出能 龍者神獸,能隱能見,有變化之象。 惟聖知 而下之,勿爲之首。爲之 聖,惟賢知賢。聖賢見 處,故《易》皆 陽

咸 成,時乘六龍 雲行雨施,品 《彖》曰: 命,保合大 大哉乾 和,乃利貞。 物 以 御 流形。 天。 元,萬物資始,乃統天。 乾道 大明終始,六位 首出庶物,萬 變化,各正 一時 或

潛龍勿用」,陽在下也。「見龍在田」,德象》曰: 天行,健。君子以自彊不息。

施普也。「終日乾乾」,反復道也。

先王之道而力行之。「反復道也」,君子進德修業,反復以求

「或躍在淵」,進无咎也。

「進无咎也」,言進亦无咎,而君子寧在

飛龍在天,大人造也。

淵也。

「大人造也」,大人之所宜爲也。

「亢龍有悔」,盈不可久也。「用九」,天德

不可爲首也。

足以和義,貞固足以幹事。君子體仁足以長人,嘉會足以合禮,利物會也。利者,義之和也。貞者,事之幹也。《文言》曰: 元者,善之長也。亨者,嘉之

猶首也。仁者愛人,人皆歸之,可爲之「元者,善之長也」,「體仁足以長人」,長

首。「亨者,嘉之會也」,「嘉會足以合善。「亨者,嘉之會也」,「嘉會足以合義」,仁者,聖人不裁之義,則事失其宜,人喪其利,故君子以義制仁政,然後和。「貞者,事之幹也」,「貞固足以幹事」,「貞者,事之幹也」,「貞固足以幹事」,「貞者事之幹也」,「貞固足以幹事」,「貞者事之幹也」,「真固足以幹事」,「貞者事之幹也」,「真固足以幹事」,「萬會之幹也」,「嘉會足以合首。「亨者,嘉之會也」,「嘉會足以合

之,確乎其不可拔,潛龍也。」 无悶,不見是而无悶。樂則行之,憂則違德而隱者也。不易乎世,不成乎名,遯世德而隱者也。不易乎世,不成乎名,遯世君子行此四德者,故曰「乾,元亨利貞」。

遇無道,不得行其志則憂。樂行憂違,君子遇有道,得行其志則樂,「不見是而無悶」,舉世非之亦無悶也。

化。 之謹, 子曰 九二 也。」 曰「見龍 易》 開邪存 「龍德」 曰「見 而 在 其誠,善世 正 田 龍 中 者也。 在 利見大人」, 田、利見大人」,君 脯 庸言之信,庸 不伐,德 何 謂 博 也 而 行

君 正中信謹以下,皆 德 也 而 無 其 位,修己以俟 所 以 修 身 時, 也。 德己 君 子 及 有

咎矣。」 與存義也。 也。 信 九三 而 不憂。 可 以進德也; ● 曰「君子終日乾乾, 何謂 知至至之,可與 也? 故乾乾 是故,居上位而 子曰:「君子進德脩業。 因 脩辭立其誠,所以居業 (幾也; 其 時 夕惕若,厲, 圃 不驕,在下 知終終之, 惕, 雖 危 · 位 无 忠 无 可

言辭, 「修辭 事業所以日新也 内 立其 推 至 誠 誠 所 内 以 外 居 業 相 應, 也 令無不行, 君子外修

> 无咎。 」 離羣 九 曰:「上下无常 四 也。 或躍 君子進德脩業,欲及時也,故 在 非 淵, 爲邪 无 咎」, 也。 進 何 謂 退 无 也 恒 ? 一,非

類也。」 子曰: 九 本乎天者親上,本乎地者親下,則各從其 就燥,雲從 五 以 君子時行則上進,時 求利,非違衆以干名也,恐失時而 曰「飛龍在 「同聲相應,同氣相求。 龍,風從虎,聖人作 天,利見大人」, 止則下退, 水流 圃 何謂 萬物覩。 非爲邪 濕,火 也? 已。

亦從其類也。聖人在位,萬物無不知之,故聖賢畢集,

以 而 亢 无位 而 曰「亢龍有 有 ,高而无民,賢人在下位 悔 也 悔 ١, 何 謂 也 ? 而 子 无 日 輔,是

既亢驕自賢,則賢人在下位,莫肯輔,其

●「可」,殿本、通行本作「所」。

顛危也。

潛龍勿用」,下也。「見龍在田」,時舍也。

爲時所捨,故有君德而無其位。

窮之災也。乾元用九,天下治也。也。「飛龍在天」,上治也。「亢龍有悔」,「終日乾乾」,行事也。「或躍在淵」,自試

德。 乃見天則。 在淵」,乾道乃革。 下文明。「終日乾 潛龍勿用」,陽氣 「亢龍 有悔」,與時 乾」,與時偕行。 潛 「飛龍在天」,乃位乎天 藏。 偕極。 「見龍在 乾元用 田」,天 「或 九 躍

无咎。

乾元 矣哉 乾始 者,始 能 以 美 而 利 亨 利 者 也。 天下, 利 不言 貞 者, 所 性 利,大

大哉 雨施 乾 旁通 乎! ,天下平也 情 剛健 也。 中正,純粹 時 乘 六龍, 精 以 也。 御天也。 六爻

君子以成德爲行,日可見之行也。潛之爲

卷

用也。 言也,隱而未見,行而未成,是以君子弗

德也。《易》曰「見龍在田'利見大人」,君君子學以聚之,問以辨之,寬以居之,仁以

九四 九三 不在人, 乾乾因其 重剛 重剛而 時 故或之。或之者,疑之也, 而 不中,上不在天,下不在田 而惕,雖危无咎矣。 不 中,上不在天,下不 在田 故 中 故

于人乎? 況于鬼神乎? 天弗違,後天而奉天時。天且弗違,而況與四時合其序,與鬼神合其吉凶。先天而矣大人者,與天地合其德,與日月合其明,

亡,知 退存亡,而不失其正者,其惟聖人乎! **亢之爲言也**,知進 得而不 知喪。 III 其 不 惟 知 聖人乎 退,知存 1 而 不 知 知 進

■■ 坤坤 上下

貞,吉。後得主利。西南得朋,東北喪朋。安後得主利。西南得朋,東北喪朋。安坤,元亨,利牝馬之貞。君子有攸往,先迷

天。 《彖》曰: 朋,乃與類行。 貞之吉,應地无疆。 君子攸行,先迷失道 物咸亨。 坤厚載物,德合无 牝馬地類,行地无疆,柔順利貞。 至哉坤元 東北 ,後順得常。 喪朋,乃終有慶。 疆。 萬物資 含弘光大,品 生,乃順承 西南得 安

象》曰: 地勢,坤。君子以厚德載物。

載則 也。 《乾》之《象》曰「自强不息」,《坤》之《象》 户,二《象》者,道德之關樞也。 法天,厚德法地,德不厚則物不得 之謂也。 曰「厚德載物」,何也? 物無 是故自强不息則道無不臻,厚德 載者,安濟之謂也。君子自 不濟。 夫乾坤者、《易》之門 日: 强者,勉 而 而 强 濟

初六,履霜,堅冰至。

道,至「堅冰」也。《象》曰:「履霜」堅冰,陰始凝也。馴致其

寧也。 等,杜禍于未萌,是以身禔而國家乂君子見微而知彰,原始而知終,攘惡于未至」,霜者,寒之先也。冰者,寒之盛也。 是故君子謹之。其曰「履霜,堅冰建未之月。陽氣方盛,陰生而物未之知。 。是故君子謹之。其曰「履霜,堅冰

六二,直方大,不習无不利。

不利,地道光也。《象》曰: 六二之動,直以方也。不習无

之主? 夫陰陽雖殊,皆主中正者也,故爲擅地之德? 坤之主也。六二何爲坤大」何? 直方而大地之德也。六二何草木黄落,暑去而寒至也。其曰「直方六二者,于律爲南吕,于曆爲建酉之月。

卷一

之也。氣,方者言其形也,大者兼形與氣而言氣,方者言其形也,大者兼形與氣而言地之得其爲直方大者何? 直者言其乾九五,陽之主也,坤六二,陰之主也。

王事」,知光大也。《象》曰:「含章,可貞」,以時發也。「或從六三,含章,可貞。或從王事,无成有終。

也。 慎而 咎」、《坤》之六四以陰居陰而不中,故 陽居陽而不中,故曰「夕惕若,厲,無 以陽居陰,不皆爲咎也。《乾》之九三以 則消,陽勝則亢,是故乾、坤,以陰居陽、 陽則不生。 乾、坤之爻,得位未必吉,失位未 九二、六五不失其中,德美次之。 其故何也? 曰: 「括囊,无咎无譽」,皆剛柔太過,故須畏 九五、六二居中履正,其德最美。 後免咎也。 陰陽之道,表裏相承,陰勝 然未失其正,故不凶 陽非陰則不成 九三、 ~,陰非 必凶 E

此之謂也 天之經也,人之紀也。《虞書》曰「予欲 臣則百職曠矣。 物以陽生,得陰 專成,下之職也。 尊之極也。 左右,有民汝翼,予欲宣力,四方汝爲」, 而行。故陽而不 于下,剛不疑乎上,故曰「可貞」。 王者 乎柔而志存乎剛,故曰「含章」。柔不泥 百穀斂藏,萬物備 六三者,于律爲應鍾,于曆爲建亥之月。 爲臣之榮,從王役也。不敢 而成。 陰則 陰陽 承事之終,臣之力也。 成。 萬物傷矣,君而 同 令由君出,得臣 陰功小終,體執 功,君臣 同體,

六四,括囊,无咎无譽。

七

榮,體柔而志剛,乘陰而佐陽,中美能天地始闢,和氣融明,莩甲發散,庶物滋六五者,于律爲夾鍾,于曆爲建卯之月。《象》曰:「黄裳,元吉」,文在中也。六五,黄裳,元吉。

黄,上美則

元,下美則裳,是以吉也。

上六,龍戰于野,其血玄黄。 象》曰:「龍戰于野」,其道窮也 能 上六者,陰之窮也。 自 不已,不能守中,是以 建巳之月。 重,重之者,上也, 純陰 用事,陽道 于律爲仲吕,于 戰 臣不能自大, 也。 已窮,冒 夫下不 .
暦

> 如此其深乎 《文言》曰:「臣弑其君,子弑其父,非一 不早辨也。」鳴 朝一夕之故,其所由來者漸矣,由辨之 得而勝之,猶有傷也,故曰 機,禍無從來。 君子執臣之樞,守臣之機,謹其樞,固其 不已君必虧,既 大之者,君也。 -呼 樞機之失, 儓僕爲災, 雖 危且 重 1 而 聖人之戒爲人上者 虧,能 不 已上必 「其血黄玄」。 無 戰 危,大 乎? 故

用六,利永貞。

《文言》曰: 《象》曰: 其順乎? 方,後得主而 承天而時行。 用六「永貞」,以大終也 有常,含萬物而 坤至柔而 動 也 剛 化光。 至静 坤 而 道 德

《易》曰「履霜、堅冰至」、蓋言順也。
之故、其所由來者漸矣、由辨之不早辨也。 餘殃。臣弑其君、子弑其父、非一朝一夕 積善之家、必有餘慶。積不善之家、必有

无不利」,則不疑其所行也。 以方外,敬義立而德不孤。「直方大,不習直其正也,方其義也。 君子敬以直内,義

焉 ? 不陷于敗,動 方者,守諸己 陷于敗也,義則所適不失其宜 外,敬義立 君子法地之直方,則「敬以直 正,施于國 「敬以直内,義以方外」? 可以 斷然無疑矣。 Mi 而德不孤」,則大也 則 而無待于外也。 威 治 不 爽其宜,施 ,夫又何習 敬 内,義 則 于身 君子 间 也。 何 所 而 ,居則 受 不 直且 何 以 方 利 身 不 謂

終也。也,要道也,臣道也。地道无成而代有也,妻道也,臣道也。地道无成而代有陰雖有美,含之以從王事,弗敢成也,地道

于四支,發于事業,美之至也。君子黄中通理,正位居體,美在其中,而暢《易》曰「括囊,无咎无譽」,蓋言謹也。天地變化,草木蕃。 天地閉,賢人隱。

卷

陰 天地之雜也。 焉,猶未離 疑 于陽必戰,爲其嫌 其 類 天玄而地 也,故 稱 黄。 于无陽 血 焉。 也,故稱龍 夫玄黄者

数 坎震 上下

建侯而不寧。中,大亨貞。雷雨之動滿盈,天造草昧,宜中,大亨貞。雷雨之動滿盈,天造草昧,宜《彖》曰: 屯,剛柔始交而難生,動乎險屯,元亨利貞,勿用有攸往,利建侯。

初 象》曰: 者也。 者何? 然後物得其分,事得其序,治屯之道也。 是以君子設綱 然其難也。《象》曰「君子以經綸」,經綸 屯者何? 草木之始生也,貫地 ,磐桓 雲雷,屯。 結而不 猶云 ,利居貞,利 「綱紀 解則 布 紀 君子以 也。 亂,亂 以 建侯 緝 屯者,結之不解 其亂,解其結 經綸 而不緝則窮, 而出, 屯

賤,大得民也。《象》曰: 雖「磐桓」,志行正也。以貴下

九

也。「刘昺真」皆可? 台之下E,初九「磐桓」者何? 治屯之道,不

屯》

愈以亂之也。「利建侯」者何? 建侯所可遽也。「利居貞」者何? 治之不正,

亂之不緝? 何結之不解乎? 此之謂以治其綱也。治其綱,百目張,夫又何

經綸之道也。

六二,屯如邅如,乘馬班如,匪寇婚媾。女

子貞不字,十年乃字。

《象》曰: 六二之難,乘剛也。十年乃字,

反常也。

而正,通可必也。十年之屯猶一日也。人臣之道,患不正也,患不一也。苟一

六三,即鹿无虞,惟入于林中,君子幾不如

《象》曰:「即鹿无虞」,以從禽也。君子舍

之,往吝窮也。

六四,乘馬班如,求婚媾,往吉,无不利。

《象》曰: 求而往,明也。

九五,屯其膏,小貞吉,大貞凶。

(象》曰:「屯其膏」,施未光也。

上六,乘馬班如,泣血漣如。

《象》曰:「泣血漣如」,何可長也

!

見 艮坎 上下

蒙,亨。匪我求童蒙,童蒙求我。初筮告,

再三瀆,瀆則不告。利貞。

則不告」,瀆蒙也。蒙以養正,聖功也。志應也。「初筮告」,以剛中也。「再三瀆,瀆以亨行,時中也。「匪我求童蒙,童蒙求我」,《彖》曰: 蒙,山下有險,險而止,蒙。蒙亨,

開而弗達也。「初筮告,再三瀆,瀆則不矣,故君子之教,道而弗牽,强而弗抑,我」,孔子曰「不憤不啓,不悱不發」,夫我」,孔子曰「不憤不啓,不悱不發」,夫我一定,就後曉然識其是非,故夫蒙者,意,如君子之教,道而弗牽,强而弗抑,

夫鍜 養進其天才而已。 決其滯,發其蔽,抑其過,引其不及,以 悖。故人者受才于天而受教于師,師者 者天也,不教則棄,教者人也,不才則 以塞聰也。「瀆則不告」,告乃成蒙也。 爲兵,圃雖良不能植穀而生梓也。 也、堅實者木也,則工雖巧不能 聲曰:「初筮告」,啓其宗也。「再三瀆」, 告」,孔子曰:「學而不思則罔。」又曰 一隅不以三隅反,則 礪者工也,犀利者金也,植藝者圃 《繋辭》曰「苟非其 不復也。」陸希 持土 故才 以

育德。《象》曰: 山下出泉,蒙。君子以果行

人,道不虚行」,此之謂也。

以養正」也。子動果而静專,内明而外晦,此之謂「蒙果行者言其動也,育德者言其静也。君

初六,發蒙,利用刑人,用説桎梏,以往吝。

《象》曰:「子克家」,剛柔接也。九二,包蒙吉。納婦吉。子克家。《象》曰:「利用刑人」,以正法也。

六四,困蒙,吝。《象》曰:「勿用取女」,行不順也。

六三,勿用取女,見金夫,不有躬,无攸利。

不學者也。
民斯爲下矣。」聖人于是爻也,將以戒夫六四「困蒙,吝」。孔子曰:「困而不學,《象》曰:「困蒙」之吝,獨遠實也。

六五,童蒙,吉。

上九,擊蒙。不利爲寇,利禦寇。功,況明哲之君用忠良之臣者乎!

《象》曰: 利用「禦寇」,上下順也。

#### **≝** 坎乾 上下

需,有孚,光亨,貞吉。利涉大川。

往有功也。往有功也。「利涉大川」,一方」,位乎天位,以正中也。「利涉大川」,不陷,其義不困窮矣。「需,有孚,光亨,貞《彖》曰: 需,須也。險在前也。剛健而《彖》曰: 需,須也。險在前也。剛健而

坎,陷也。其云不陷何? 需然後進,故

何?「有孚,光亨,貞吉」者,人君所以不陷也。又曰「位乎天位,以正中」者

待天下之道也。

宴樂。《象》曰: 雲上于天,需。君子以飲食

榮以滋。飲食燕樂,及下之道也。之,滂沱下施,萬物飲之,以豐以肥,以需之爲飲食,何也? 雲上于天,萬物蔭

初九,需于郊,利用恒,无咎。

恒,无咎」,未失常也。《象》曰:「需于郊」,不犯難行也。「利用

九二,需于沙,小有言,終吉。

《象》曰:「需于沙」,衍在中也。雖「小有

言」,以吉終也。

九三、需于泥、致寇至。

敬慎不敗也。《象》曰:「需于泥」,災在外也。自我致寇,

寇雖邇,不犯不至,故曰「自我致寇也」。

六四,需于血,出自穴。

《象》曰:「需于血」,順以聽也。

子曰「繫辭焉以盡其言,變而通之以盡不競乃善也。以需血者非需之地也。「需于血」者,入險而傷也。出于險者,

利」,此之謂也。

九五,需于酒食,貞吉。

上六,人于穴,有不速之客三人來,敬之

天之福禄者寡矣。

足以盡天下之治也。舍乎中正而能享

終吉。

當位,未大失也。《象》曰: 不速之客來,「敬之終吉」,雖不

■ 乾坎 上下

利涉大川。 
訟,有孚窒惕,中吉,終凶。利見大人,不

正也。「不利涉大川」,入于淵也。「終凶」,訟不可成也。「利見大人」,尚中「訟,有孚窒惕,中吉」,剛來而得中也。《彖》曰: 訟,上剛下險,險而健,訟。

《象》曰:「不永所事」,訟不可長也。雖「小初六,不永所事,小有言,終吉。

九二,不克訟,歸而逋,其邑人三百户,

有言」,其辯明也。

无眚。

《象》曰:「不克訟」,歸逋竄也。自下訟上,

\_\_

患至掇也。

六三,食舊德,貞厲,終吉。或從王事,

无成。

《象》曰:「食舊德」,從上吉也。

九四,不克訟,復即命渝,安貞,吉。

《象》曰:「復即命渝,安貞」,不失也。

九五、訟元吉。

《象》曰:「訟元吉」,以中正也。

上九,或錫之鞶帶,終朝三褫之。

《象》曰: 以訟受服,亦不足敬也。案: 訟

卦説原本缺。

坤坎上下

師,貞丈人吉,无咎。

未之有也。然或得之小,或得之大,或也,所親者仁也,三者不備而能用其衆,則不能。夫衆之所服者武也,所從者智之也。夫治衆,天下之大事也,非聖人一一,貞丈人吉,无咎」,何也? 曰: 難

廢」,此之謂也。 爲不正,咎孰大焉! 正。夫衆非小人之所用也,小人用之以 威不軌而昭文德也,聖人以興,亂人以 之,所謂大也。夫小人之得衆也,以 武,安人爲智,利人爲仁,天下皆悦 爲武,瞲瞲爲智,煦煦爲仁,衆人亦有悦 用之邪,或用之正。 之得衆也,所以禁暴 上則暴,以爲下則亂,故謂之邪。 得失吉凶相去遠矣。 而從之者,所謂小也。 而止 邪正大小之道 子罕曰「兵者 彼小人者,以 聖人者以正 亂也,故謂 所 聖人 矯 而 人 以 > 從 其 爲 爲

毒天下,而民從之,吉又何咎矣。正,可以王矣。剛中而應,行險而順,以此《彖》曰: 師,衆也。貞,正也。能以衆

險而 用 王者何? 大人之謂也。 剛 順」者,治衆而不以 而不獲中則暴而 無親 剛 剛 則 , 上 中 慢 加 而 無應于 應,行 不振

毒天下。毒之者,其志將以安之也,若故曰行險。財用之蠧而民之殘也,故曰應,行險而順者乎? 夫兵者,危事也,吉而无咎也。吉而无咎,則惟剛中而若,下無應于民,則身危而功不成,所施君,下無應于民,則身危而功不成,所施

畜衆。《象》曰: 地中有水,師。君子以容民

咎也。

鍼砭之所以已疾也,是以民從而无

道一也。
道一也。

道一也。

道一也。

《象》曰:「師出以律」,失律凶也。初六,師出以律,否臧凶。

《象》曰:「在師中,吉」,承天寵也。「王三九二,在師中,吉,无咎,王三錫命。

錫命」,懷萬邦也。

六三,師或輿尸,凶。

《象》曰:「師或輿尸」,大无功也。

六四,師左次,无咎。

六五,田有禽,利執言,无咎。長子帥《象》曰:「左次无咎」,未失常也。

師

弟子輿尸,貞凶。

尸」,使不當也。 《象》曰:「長子帥師」,以中行也。「弟子輿

伐罪之謂也。 不成,故曰「利執言」。 功,若田狩 于二,二以剛中,能任其事,是以動則 任責成功而已矣。 制、賞罰之權皆決于外,不從中覆也,委 寡人制之, 閫以 者人君之遣將也,跪而推轂 師六五,柔也,其爲師 而 獲 舉國家之衆而委之一人, 食也。 外將軍制之。」進止之 六五以柔居尊,下應 之主,奈何? 執者何? 師出無名,事故 曰:「閫以 内 古 有

凶也。 凹地,弟子與尸」。「貞凶」者,雖正猶謹擇其人,是人君之事守也,故曰「長子此安危之機,存亡之端,不可以不謹。

用」,必亂邦也。《象》曰:「大君有命」,以正功也。「小人勿上六,大君有命,開國承家,小人勿用。

**□** 坎坤 上下

也,是故初六曰「有孚比之,无咎」。夫也,故吉。原筮者何? 比者,不可苟合比吉,比之所以吉者何?《雜卦》曰:比吉,比之所以吉者何?《雜卦》曰:比声,此之所以吉者何?《雜卦》曰:「原筮,元永貞,无咎」,以剛中也。「不寧(象》曰: 比,吉也,比,輔也,下順從也。

他吉。初六,有孚比之,无咎。有孚盈缶,終來有

六二,比之自内,貞吉。《象》曰: 比之初六,「有他吉」也。

六三,比之匪人。《象》曰:「比之自内」,不自失也。

一六

《象》曰:「比之匪人」,不亦傷乎!

六四,外比之,貞吉。

外比于賢,以從上也。

者,皆非君子之道也 不比,小人比而不周。] 故比而不中正 夫比非大公之道也。子曰:「君子周· 從上者,苟不出乎正,猶不免乎 疎者,非親賢而從上則不可也。 外比者何? 棄親 而從疎也。 棄親 親賢 凶 而 從 而 而

九五,顯比,王用三驅,失前禽,邑人不

順,「失前禽」也。「邑人不誡」,上使中也。 《象》曰:「顯比」之吉,位正中也。舍逆取 者,光顯盛大之謂也。「王用三驅,失前 用中正以求比者也,故曰 者賞、違命者誅、善善惡惡、而不在于私 爲衆陰所歸,暢其中正以懷海内,從命 九五顯比吉,何也? 九五履至貴之位, 顯比吉。 顯

> 何? 求與之相親 禽」,前禽者何? 而不可得者也。 背去之禽也。 失者

上六,比之无首,凶。

《象》曰:「比之无首」,无所終也。

■ 異乾 上下

畜。健而巽,剛中而志行,乃「亨」。「密雲 《彖》曰: 小畜,亨。密雲不雨,自我西郊。 小畜,柔得位而上下應之,曰小

不雨」,尚往也。「自我西郊」,施未行也。

《象》曰: 風行天上,小畜。君子以懿

文德。

《象》曰:「復自道」,其義吉也。 初九,復自道,何其咎? 吉。

九二,牽復,吉。

《象》曰:「牽復」在中,亦不自失也。

九三,輿説輻,夫妻反目。

《象》曰:「夫妻反目」,不能正室也。 六四,有孚,血去惕出,无咎

《象》曰:「有孚」惕出,上合志也。

九五,有孚攣如,富以其鄰。

《象》曰:「有孚孿如」,不獨富也。

上九、既雨既處、尚德載、婦貞厲。月幾

望,君子征凶。

凶」,有所疑也。案:小畜卦説原本缺。《象》曰:「既雨既處」,德積載也。「君子征

乾兑 上下

履虎尾,不咥人,亨。

《彖》曰: 履,柔履剛也。説而應乎乾,是

以「履虎尾,不咥人,亨」。剛中正,履帝位

而不疚,光明也。

《象》曰: 上天下澤,履。君子以辨上下、

定民志。

下定民志」者何? 夫民生有欲,喜進務死。禮者,人所履之常也。其曰「辨上何? 禮之謂也。人有禮則生,無禮則履者何? 人之所履也。人之所履者

観之心,此先王制世御民之方也。親疎有序,然後上下各安其分,而無覬之,使尊卑有等,長幼有倫,内外有别,各溢而無窮也,是故先王作爲禮以治得,而不可厭者也,不以禮節之則貪淫

初九,素履,往无咎。

《象》曰:「素履」之往,獨行願也。

九二,履道坦坦,幽人貞吉。

《象》曰:「幽人貞吉」,中不自亂也。

六三,眇能視,跛能履,履虎尾,咥人,凶。

武人爲于大君。

也。「武人爲于大君」,志剛也。 履」,不足以與行也。「咥人」之凶,位不當《象》曰:「眇能視」,不足以有明也。「跛能

九四,履虎尾,愬愬,終吉。

《象》曰:「愬愬,終吉」,志行也。

九五,夬履,貞厲。

《象》曰:「夬履,貞厲」,位正當也。

易說卷一

九

温 公 易 説

卷

經

上

司馬光

宋

撰

治,治之所因

日

辟,崇天普地,分羣偶

物,使不失其

統

者莫若乎辟。

天辟

乎

所貴曰生,物之所尊曰人,人之大倫

則天地何以得通乎?

《太玄》曰「天之

君者,所以治人

而

成

天

地之功

也

, 非

之者地也,天地能

生成之而

不能

治也。

之宜」,何也?

夫

萬

物

生之者

天

也

成

无 豫 妄

**■** 坤乾 上下

坎 觀 泰

噬 否 嗑

實同

剥 大

復謙

人

大 隨 畜

上,地辟乎下,君辟乎中」,此之謂也

初九,拔茅茹,以其彙,征吉。

《象》曰:「拔茅」征吉,志在外也。

九二,包荒,用馮 河,不遐遺,朋亡,得尚 于

中行。

地

《彖》曰:「泰,小往大來,吉亨」,則是天

萬物通也,上下交而其志同也。

内

陽

小往大來,吉亨。

交而

《象》曰:「包荒」得尚于中行,以光大也。

恤其孚,于食有福。 九三,无平不陂,无往 不復,艱貞无咎。

勿

《象》曰:「无往不復」,天地際也。

原也,通者塞之端也。三居天地之際, 極 則反,天地之常也,是故治者亂之

道,輔相天地之宜,以左右民。

象》曰「后以財成天地之道,輔

相 天

地

子道長,小人道消也

《象》曰:

天地交,泰,后

以

財

成天地之

而外陰,内健而外順,内君子而外小人,君

0

乎」。 哉? 无往 之謂也。 是蓘、雖有飢饉、必有豐年、故「勿恤 之不篤,不患人之不信,譬如農夫是 福」。《詩》云「愷悌君子,求福不回」,此 已矣,然後能永享安榮也,故曰「于食有 故曰「艱貞,無咎」。君子之道也, 剛德將退,柔德將進,故曰「无平不陂 不復」。 君子之干禄也,修其性,俟其命 必也執節守道而獨行其志 君子于是時也,何爲而 患志 乎? 其 而 穮 미

孚」,中心願也。《象》曰:「翩翩不富」,皆失實也。「不戒以六四,翩翩不富,以其鄰,不戒以孚。

《象》曰:「以祉元吉」,中以行願也。六五,帝乙歸妹,以祉元吉。

貞吝。 上六,城復于隍,勿用師。自邑告命,

《象》曰:「城復于隍」,其命亂也。

## 乾坤上下

衙,不利君子,小人道長,君子道 剛,内小人而外君子,小人道長,君子道 來」,則是天地不交而萬物不通也,上下不 來」,則是天地不交而萬物不通也,上下不 來」,則是天地不交而萬物不通也,上下不

進之謂也。 進之謂也。 在之所施非其人也。 否者,壅塞使之不 來,則君子之道否也,故曰「否之匪人」, 來,則君子之道否也,故曰「否之匪人」, 來,則君子之道否也,故曰「否之匪人」, 不不 亂,小人否則天下治。 今大往小 大下亂,小人否則天下治。 今大往小

難,不可榮以禄。《象》曰: 天地不交,否。君子以儉德辟

初六、拔茅茹,以其彙,貞吉亨。

《象》曰:「拔茅」貞吉,志在君也。

六二,包承,小人吉,大人否亨。

《象》曰:「大人否亨」,不亂羣也。

而必通,故曰「亨」也。人者體順履正,和而不同,否不能久,久居之則爲吉,大人居之則爲否也。然大否而得位,以柔應君,包承者也,故小人

六三,包羞。

《象》曰:「包羞」,位不當也。

故六三不當其位,而進退包羞也。小人之所侮,居于上則爲君子之所恥,君子之不得其時也,失位而居于下則爲

九四,有命无咎,疇離祉。

所以施于下也。四以陽居上,變否爲四者,陰退而陽進之時也。命者,上之一象》曰:「有命无咎」,志行也。

九五,休否,大人吉。其亡其亡,繫于之謂也。陽德將亨,故曰「疇離祉」。

之端見矣,故「有命无咎」。

疇者,羣

陽

命之所施必施于賢者,賢人進則泰

苞桑。

上九,頃至,先至爰喜。 《象》曰:「大人」之吉,位正當也

《象》曰: 否終則傾,何可長上九,傾否,先否後喜。

也

■ 乾離 上下

同人于野,亨,利涉大川,利君子貞。

正也。惟君子爲能通天下之志。川」,乾行也。文明以健,中正而應,君子「同人」。《同人》曰「同人于野,亨,利涉大《彖》曰: 同人,柔得位得中而應乎乾,曰

同? 皆出于桓,魯衛異國而皆出于姬,姬姜 則相惡。愛則相利,惡則相害。 之,與人異者人亦異之。 同人,不可不察也。 交安,相害則交危。 同人者何? 同于人之謂也。君子樂與 人同,小人樂與人異。與人同者人 請借魯事以言之。 利害安危之端在 何謂君子樂與人 夫季孟異室而 同則 相愛,異 相利 (亦同 于 則

何也? 然則 日 至也 故 其遠,小人同其近。 之道 弗恤 哉?」此 悦,遠者來,同人之利,豈不大哉 救也,異之爲害,豈不大哉 也,吾何與哉?」又曰:「彼此異民也,吾 謂小人樂與人異? 會,此君子之樂與 何與哉?」又曰:「爾汝異身也,吾何 同 自西自東,自南自北,無思不服。」同之 迭 姾 人于野,亨,利涉大川, 「噂喈背憎,職競由人。」異之至也。 相攻也。 極 ,父有疾 同而已矣,其曰「同人」者何? 而 又曰:「翕翕訿 皆爲 于人也,草 日 樂與人異也,是以 中 加 野則 迭相 國 子弗憂,兄有 夷夏 人同 言其 小人曰:「季孟異 木 遠故 攻 [泚,亦孔之哀。]又 禽獸 非 、遠也。 異 也 無 同人之道 俗 民 利君子貞」, 不 不 有 禍 是 《詩》曰 而 可同 同也,近 君子同 灾 皆 以 而 弟 而 近 列 也。 也。 同 弗 君 與 室 者 何 于

適所以 近。 也。 者爲 其能 也。 故其 不及 君子同于正, 害之而身不亡者、未之有也。 害人之身而 然則 故愛其道。道者,所以保天下而 身故愛其親,愛其親故愛其國,愛其 亦大乎? 畜使之,皆所以 私者也。藝穀樹 之私大, 衆人之私 同小。 心。是故識其大者爲大人,識其小 小 遠故大,近故小。 聖 君子之愛身也遠,小人之愛身也 私 未有危人之親而人不危其親者也 哉 自危,害人適所以 人其有 夫惟聖人爲能 非 邪正者,小大之分也。 人不害其身者也。天下交 夫君子小人,其爲愛身一 故其同大。 其志之異 私 役物 蔬 乎? 小。 丽 而 食之,犕牛乘 聖人 小者非他也,智 養人也 EI: 也, 識之蔽也 小人同于邪 愛其 自害也,烏在 者以 然則危 有。 身, 一,所 兼利之 天 愛其 私 馬 下 人 國 不 而

公 易 説

亂。 不欲利而惡害,欲安而惡危,欲治而惡 一人也,此之謂「能通天下之志」。 君子能通天下之志」? 君子能安之、利之、治之,使天下猶 天下之志,

象》曰: 天與火,同人。君子以類 族

辨物。

初九,同人于門,无咎。

出門「同人」,又誰咎也?

右,附于前者必離于後,故同者必有所 初者,動之始也。 夫向于左者必背于

係也。 異也。 初九「出門同人」无咎,言未有

六二,同人于宗,吝。

象》曰:「同人于宗」, 吝道

宗,類也,類之中又有類焉。 同其 類者

所同狹也,故吝。

九三,伏戎于莽,升其高陵,三歲不興。 象》曰:「伏戎于莽」,敵剛也。 「三歲不

興」,安行也

九四、乘其墉、弗克攻、吉。

《象》曰:「乘其墉」,義弗克也,其吉則困 而

反則也。

《象》曰:「同人」之先,以中直也。「大師」 相遇,言相克也。 九五,同人,先號咷而後笑,大師克相遇。 下。上可變,下不可變,逆順之勢也。 異之分也,故迭争而交不勝也。「伏戎 九三「伏戎于莽」,九四「乘其墉,弗 于莽」者,下襲上。「乘其墉」者,上陵 攻,吉」,何也? 三四者,上下之際,同

歸之。 九五,君也,以中正而施同人者也。 同者之與多,異者之與寡,寡不足以勝 中則不阿,正則不私。 未孚,近者不服,遠者不懷,故號咷也。 君子好同,小人好異。 始于憂勤,終于逸樂,故後笑也。 不阿不私,天下 德之未充,信之

四四

乎! 美之至也。 蘭」,蘭,芬物也。 断,況于衆乎! 衆,故聖人在上,天下大同者,化 金,物之難斷者也。二人同心,猶可 金」,言道之同也。二人,言其寡 語」,言迹之異也。「二人同心,其利斷 子曰「君子之道,或出或處,或默 「同心之言,其臭 言猶如是,況其 于衆 也。 道 如 以 或

上九,同人于郊,无悔。

人者,所以通之也。物通則大有矣。異,異則争,争則窮,故受之以同人。同義,否者,物不相交之卦也,不相交則是以无悔,而志未得也。按《序卦》之是以无悔,而志未得也。按《序卦》之。不同于人而亦不異于人,

離 乾上下

大有,元亨。

《彖》曰: 大有,柔得尊位,大中而上下應

而時行,是以「元亨」。之,曰「大有」。其德剛健而文明,應乎天

勝于明則反之,此大有所以當明也。 明勝于健,則賞不失 也。 也。然則大有何以 中,行不失時,然後能 之端也。 見,後有賊而 柔中爲主也。 得其心者,能以恩信結之也。 敢違也,動而人莫敢逆也,故戒之在 故以柔爲主? 夫爲人上者,言而 下,諸侯富有其國,大夫富 大有之道,烏能 大有者何? 而不能舉,知惡 夫上之所以 明以燭之,健以決之,居不失 富有之謂也。天子富 不知。 柔而不明,則前有讒 得其下乎。 而 能有下者,得其 不能去,二者皆亂 上明而下健? 功,罰不 明而不健,則 保有其衆 有其家,非 然則大 ·失罪; 故大有 加 心也。 知 有天 元 有 曰: mi 莫 以 何

《象》曰: 火在天上,大有。君子以遏惡

揚善,順天休命。

有四方,所以順天美命也。明而能健,慶賞刑威得其當,然後能保遺矣。善則舉之,惡則抑之,上之職也。火在天上,明之至也。至明則善惡無所

初九,无交害,匪咎,艱則无咎。

《象》曰: 大有初九,「无交害」也。

九二,大車以載,有攸往,无咎。

九三,公用亨于天子,小人弗克。《象》曰:「大車以載」,積中不敗也。

《象》曰:「公用亨于天子」,小人害也。

九四,匪其彭,无咎。

六五,厥孚交如,威如,吉。《象》曰:「匪其彭,无咎」,明辨皙也。

如」之吉,易而无備也。《象》曰:「厥孚交如」,信以發志也。「威

「厥孚交如」,言孚發于中,而應之者交六五柔得尊位,大中而上下應之,故曰

至也。 柔 如吉」,此聖人所以儆戒人君優 易 而 而无 而不立者也。爲人君者剛而 不可犯,此所以爲皇極之道。 備 夫以柔德 所 可戒者在 而主衆 一于無 剛, 威, 推 游 故 誠 不 任

上九,自天祐之,吉无不利。

《象》曰: 大有上吉,「自天祐」也。

坤艮上下

謙,亨,君子有終。

謙尊而光,卑而不可踰,君子之終也。流謙,鬼神害盈而福謙,人道惡盈而好謙。卑而上行。天道虧盈而益謙,地道變盈而卑而上行。天道虧盈而益謙,地道變盈而以影,亨,天道下濟而光明,地道

謙者,君子之終也。矣,不謙以持之,則無以保其終也,故夫無不通也。君子之德誠盛矣,業誠大人之將有行也,將有爲也,施之以謙則

《象》曰: 地中有山,謙。君子以裒多益

寡,稱物平施。

初六,謙謙君子,用涉大川,吉。

《象》曰:「謙謙君子」,卑以自牧也。

六二,鳴謙,貞吉。

《象》曰:「鳴謙貞吉」,中心得也。

九三,勞謙君子,有終吉。

《象》曰:「勞謙君子」,萬民服也。

六四,无不利,撝謙。 勞謙,有勞而謙者也。

《象》曰:「无不利,撝謙」,不違則也。

《象》曰:「利用侵伐」,征不服也。

六五,不富,以其鄰,利用侵伐,无不利。

上六,鳴謙,利用行師,征邑國。

《象》曰:「鳴謙」,志未得也。可用行師,

神一

征邑國」也。

震坤上下

豫,利建侯行師。

《彖》曰: 豫,剛應而志行,順以動,豫。

乎? 豫,順 忒。 聖人以順 天地以 以 動,故天地如之,而況 順 動 動 則刑罰清而 ,故日月不 過 民 建 而 服 侯 四 時不 豫之 行 師

德,殷薦之上帝,以配祖考。《象》曰: 雷出地奮,豫。先王以作樂崇

時義大矣哉!

薦之上帝,以配祖考,用樂之盛者。之也。豫,喜意也。作樂所以飾喜也。出地以動萬物,萬物莫不奮迅悦豫而從雷出地者,春分候也。春分之時,雷迅

初六,鳴豫,凶。

《象》曰: 初六「鳴豫」,志窮凶也。

六二,介于石,不終日,貞吉。

《象》曰:「不終日,貞吉」,以中正也。

六三、盱豫、悔。遲有悔。

《象》曰:「盱豫」有悔,位不當也。

九四,由豫,大有得。勿疑朋盍簪。

《象》曰:「由豫,大有得」,志大行也。

六五,貞疾,恒不死。

《象》曰: 死」,中未亡也。 六五「貞 疾」,乘 剛 也。 恒 不

上六,冥豫,成有渝,无咎。

《象》曰:「冥豫」在上,何可長也!

隨,元亨利貞,无咎。

《彖》曰: 隨,剛來而 下柔, 動 而 説, 隨。

大亨貞,无咎,而天下隨時,隨時之義大

矣哉!

《象》曰: 澤中有雷,隨。 君子以嚮 晦 人

宴息。

初九,官有渝,貞吉。出門交有功。

《象》曰:「官有渝」,從正吉也。 一出

功」,不失也。

六二,係小子,失丈夫。

《象》曰:「係小子」,弗兼與 也。

六三,係丈夫,失小子。 隨 有求得, 利

居貞。

《象》曰:「係丈夫」,志舍下也。

九四,隨 有獲,貞凶。 有孚在道, 以 明,

何咎?

《象》曰:「隨 有獲」,其義凶 也。 「有孚在

道」,明功也。

九五,孚于嘉,吉。

《象》曰:「孚于嘉,吉」,位正中

上六: 拘係之,乃從維之。 也。 王 用 亨

西山。

《象》曰: 「拘係之」,上窮也。 案: 隨卦 説 原

本缺。

**員** 見異 上下

蠱,元 亨, 利 涉 大 川 先 甲 = 日, 後 甲

三日。

彖》曰 蠱,元亨」,而天下治也。 蠱 剛 上而 柔下,巽 「利涉大川」,往 圃 止

有事也。 「先甲三日,後甲三日」,終則有

于

始,天行也。

故主義。天以陰陽終始萬物,君子以仁 行令,故主仁。 也。 義修身,以德刑治國,各有其事也。 後之三日以慎其終。 之終,爲義爲刑。先之三日以謹其始, 難也。甲者生之始,爲仁爲德。庚者殺 下,善登而惡降也。 疊者,物有蠹敝 除蠹補敝、故大通也。 巽以少陰在上而行令, 而事之也,事之者,治之 巽而止之,利以 蠱以少陽在上而 剛上 而

育德。《象》曰: 山下有風,蠱。君子以振民

象也。 發號施令,革弊除蠹,以振民于下,風之其心,一以待人以育德于上,山之象也。 艮爲丘爲山,巽爲風爲號令。君子洗濯

《象》曰:「幹父之蠱」,意承考也。初六,幹父之蠱,有子,考无咎,厲,終吉。

君之事 之心,非以高君父而自名也,欲以 臣能 終吉也。夫事有蠱敝,不可不更。 事之始,敢自安乎? 然,故必有賢子,然後考得无 乂寧,後世稱之爲明君。 帝得昭帝以爲子,霍光以爲臣,而國 得胡亥以爲子,李斯以爲臣,不旋 漢武之奢汰驕暴,相遠也無幾耳。 子者所以承父之事而成之,臣者所以成 而全美,故曰「意承考也」。 亡矣。天下後世之言惡者必歸焉。 自非聖人不能 掩君之惡,然後爲幹蠱也。以秦始 而 終之。天下之事大矣,多矣, 無過,故子能蓋父之愆 故戰戰兢兢,乃得 隋唐之祖 咎也。 臣子 始皇 掩惡 **運** 家 亦 适 而

九二,幹母之蠱,不可貞。

《象》曰:「幹父之蠱」,終无咎也。《象》曰:「幹母之蠱」,得中道也。

剛幹之,故 親 无大咎也。 有 過 下 小有悔 氣怡 聲 以諫 也。 然不失其正,故 禮 也。 三以 重

六四,裕父之蠱,往見吝。

《象》曰:「裕父之蠱」,往未得也。

其私欲干國之典。」遂不用。《易》曰: 之薦,不羞珍異,不陳庶侈。 芰。屈建命去之,曰:「國君有牛享,大 之曰:「祭我必以芰。」及祥,宗老將 也。父不義而順之,是裕之也。往而不 夫有羊饋,士有豚豕之奠,庶人有魚炙 六四「裕父之蠱」,楚屈到嗜芰,有疾,屬 裕父之蠱,往見吝。」裕之爲言饒也,益 夫子不以 薦

變,斯可醜也。

六五,幹父之蠱,用譽。

《象》曰:「幹父用譽,承以德也。」 有譽也。 五居盛位,以柔承剛,又有中和之德,故

上九,不事王侯,高尚其志。❶

〈象》曰:「不事王侯」,志可則也 陽者,君子之象。致仕而無位,年高

以 可法也,故先王養老乞言焉,非夫矯亢 德尊,雖不能以力幹事,而智慮深遠,志 驚俗,虛驕而無用者也。 而

■ 増 上 下

臨,元亨利貞。 至于八月有凶

《彖》曰: 應,大亨以正,天之道也。「至于八月有 一,消不久也。 臨,剛浸而長。 説而順,剛中 而

M

臨。 也。 陰之戒也。 八月者,周之八月也。陽生于復,長于 聖人防微杜漸,故于陽長之初而著 陰生于姤,長于遯。 遯 與臨 反者

象》曰: 澤上有 地,臨。 君子以教思无

志」,通行本作「事」。

# 窮,容保民无疆

教思无窮,容保民无疆」,功之所以

大也。

初九,咸臨,貞吉

象》曰:「咸臨,貞吉」,志行正也。

順之矣。人化而順之,所以大也。 于内則志氣夷懌矣,浸長于外則人化而 君子之所以能自大者,學于道也。學充 有應

初九所以能感物而大,志行正也。孔子 于外,化順之象也。夫道以正心爲本。

遠方來,不亦樂乎?」傳曰:「大學之本, 曰:「學而時習之,不亦悦乎? 有朋自

心正然後身修。」

九二,咸臨,吉无不利。

《象》曰:「咸臨,吉无不利」,未順命也。

二在下體而不當位,故小人未肯盡受

命也。

六三,甘臨,无攸利。 既憂之,无咎。

《象》曰: 「甘臨」,位不當也。「既憂之」,咎

不長也。

六四,至臨,无咎。

《象》曰:「至臨,无咎」,位當也。

六四進升上體至大之境,已得其位,故

无咎也。

六五,知臨,大君之宜,吉。

《象》曰:「大君之宜」,行中之謂也

上六,敦臨,吉,无咎。

《象》曰: 敦臨之吉,志在内也

異坤 上下

觀,盥而不薦,有孚顯若。

《彖》曰: 大觀在上,順而巽,中正 一以觀 天

也。 下。「觀,盥而不薦,有孚顒若」,下觀 觀天之神道,而 四時不忒,聖人以 而化 神

道設教,而天下服矣。

觀者,上以德示人,使人觀而化之也。

盥, 圭潔其德也。薦, 豐備其物也。

易

孚顒若」。 人也。 至。 已,所謂神道設教而天下服也,故曰「有 不爲而成,不言而化,恭己南面,顒然而 本畧末,德潔誠著,物皆信之,然後可以 于鬼神,可羞于王公,而況下民乎! 信,澗溪沼沚之毛,蘋蘩蕰藻之菜,可薦 日「盥而不薦」。 君 苟内德不充,雖外物豐備,不能 有德之容 故黍稷非馨,明德惟馨。 也。 君人者能隆内殺外,勤 夫德 由 内 出出 苟有 物自 故 明 化 外

《象》曰: 民設教。 風行地上,觀。 先王以省方, 觀

先王省方,考禮樂, 示人爲觀之象。 協時日, 飭法度,以

初六,童觀,小人无咎,君子吝。 初六「童觀」,小人道也。

六二,闚觀,利女貞。

象》曰:「闚觀」女貞,亦可醜也。

六三,觀我生,進退

《象》曰: 六四,觀國之光,利用賓于王。 「觀我生,進退」,未失道也。

《象》曰:「觀國之光」,尚賓也。

九五、觀我生、君子无咎。

《象》曰:「觀我生」,觀民也。 上九,觀其生,君子无咎。

《象》曰:「觀其生」,志未平也。

離震上下

噬嗑,亨。 利用獄。

《象》曰: 《彖》曰: 中而上行,雖不當位,「利用獄」也。 「亨」,剛柔分,動而明,雷電合而章 「明罰勑法」,先王明罰,非以殘人,所以 雷電,噬嗑。 頣 中有物, 日「噬嗑」。 先王以明罰勑 噬 法。 柔 嗑 得 而

正法也'

初九,屢校滅趾,无咎 象》曰: 「屨校滅趾」,不行也。

也。

文明以止,人文也。觀乎天文,以察

六二,噬膚滅鼻,无咎。

《象》曰:「噬膚滅鼻」,乘剛也。

六三,噬腊肉,遇毒。小吝,无咎。

《象》曰:「遇毒」,位不當也。

乾者謂之腊,噬之至難者也。 噬嗑,食也,故皆以食物明之。 乾 禽獸全 肉者難

九四,噬乾胏,得金矢,利艱貞,吉。 于噬膚,而易于乾胏者也。

《象》曰:「利艱貞,吉」,未光也。

六五,噬乾肉,得黄金,貞厲,无咎。

《象》曰:「貞厲,无咎」,得當也。

上九,何校滅耳,凶。

《象》曰:「何校滅耳」,聰不明也。

見離 上下

賁,亨。小利有攸往。

《彖》曰:「賁,亨」,柔來而文剛,故「亨」。 分剛上而文柔,故「小利有攸往」。 天文

時變。觀乎人文,以化成天下。

《象》曰: 山下有火,黄。君子以明庶政,

無敢折獄

初九, 賁其趾, 舍車而徒。

象》曰:「舍車而徒」,義弗乘也

六二, 賁其須。

《象》曰:「賁其須」,與上興也。

九三,賁如濡如,永貞吉。

《象》曰:「永貞」之吉,終莫之陵也。

六四,賁如皤如,白馬翰如,匪寇婚媾。

《象》曰: 六四當位,疑也。「匪寇婚媾」,

終无尤也。

六五,實于丘園,東帛戔戔,吝,終吉。

《象》曰: 六五之「吉」,有喜也。

上九,白賁,无咎。

《象》曰:「白賁,无咎」,上得志也。案:

卦説原本缺。

### 見坤 上下

剥,不利有攸往。

子尚消息盈虚,天行也。攸往」,小人長也。順而止之,觀象也。君《彖》曰: 剥,剝也,柔變剛也。「不利有

初六、剥牀以足、蔑貞凶。

《象》曰:「剥牀以足」,以滅下也。

《象》曰:「剥牀以辨」,未有與也。六二,剥牀以辨,蔑貞凶。

六三,剥之,无咎。

《象》曰:「剥之,无咎」,失上下也。

六四,剥牀以膚,凶。

六五,貫魚,以宫人寵,无不利。《象》曰:「剥牀以膚」,切近災也。

#### ■ 坤震 上下

謂也。

(注) 及夏,川宜女庄。復,亨。 出人无疾,朋來无咎。 反復其道

七日來復,利有攸往。

「反復其道,七日來復」,天行也。「利有攸「出入无疾,朋來无咎」。《彖》曰:復,亨。剛反動而以順行,是以

往」,剛長也。

復其見天地之心乎?

關,商旅不行,后不省方。《象》曰: 雷在地中,復。先王以至日閉

初九,不遠復,无祗悔,元吉。

《象》曰:「不遠」之復,以修身也。

六二,休復,吉。

《象》曰:「休復」之吉,以下仁也。

六三,頻復,厲,无咎。

《象》曰:「頻復」之厲,義无咎也。

過而復,亦已危矣。雖然,猶愈于迷而復者,過而能復之謂也。不慎其始,頻

六四,中行獨復。不復也,故曰「无咎」。

《象》曰:「中行獨復」,以從道也。

不曰白乎? 涅而不淄」,此之謂也。復」。孔子曰「不曰堅乎? 磨而不磷。羣邪,而能自復于善者也,故曰「中行獨中,獨能履正思順,下應于陽,不陷溺于中行者,行于衆陰之中也。四行衆陰之

六五,敦復,无悔。

《象》曰:「迷復」之凶,反君道也。敗,以其國君凶。至于十年不克征。上六,迷復,凶,有災眚。用行師,終有大上,,迷復,凶,有災眚。用行師,終有大

■ 乾震 上下

攸往。 无妄,元亨利貞。其匪正有告,不利有

之矣? 天命不祐行矣哉?「其匪正有眚,不利有攸往」,无妄之往,何動而健,剛中而應,大亨以正,天之命也。動而健,剛中而應,大亨以正,天之命也。

三五

三六

《象》曰: 天下雷行,物與无妄。先王以

《彖》曰:「大畜」,剛

健篤實輝光,

日

新

其

剛上而尚賢,能止健,大正也。

茂對時,育萬物。

初九,无妄往,吉。

《象》曰:「无妄」之往,得志也。

《象》曰:

天在山中,大畜。

君子以多

識

食吉」,養賢也。

「利涉大川」,應乎天也。

六二,不耕穫,不菑畬,則利有攸往。

《象》曰:「不耕穫」,未富也。

六三,无妄之災,或繫之牛,行人之得,邑

人之災。

《象》曰:「行人」得牛,「邑人」災也。

九四,可貞,无咎。

《象》曰:「可貞,无咎」,固有之也。

九五,无妄之疾,勿藥有喜。

上九,无妄行,有眚,无攸利。《象》曰:「无妄」之藥,不可試也。

《象》曰:「无妄」之行,窮之災也。案: 无妄

卦説原本缺。

■戦

大畜,利貞。不家食吉,利涉大川。

初九,有厲,利己。

前言往行,以畜其德。

《象》曰:「有厲,利己」,不犯災也。

九二,輿説輹。

《象》曰:「輿説輹」,中无尤也。

九三、良馬逐、利艱貞。日閑興衛、利有

攸往。

《象》曰:「利有攸往」,上合志也。

六四,童牛之牿,元吉。

《象》曰: 六四「元吉」,有喜也。

設而無用也。

國武而物自服,故曰「童牛之牿」,言雖以止其觸也。四用柔正以畜剛健,不用

六五,豶豕之牙,吉。

《象》曰: 六五之「吉」,有慶也。

上九,何天之衢,亨。

《象》曰:「何天之衢」,道大行也。

見 見 足 上 下

頤,貞吉。觀頤,自求口實。

之時大矣哉!也。天地養萬物,聖人養賢以及萬民。頤頤」,觀其所養也。「自求口實」,觀其自養頤」,一質,貞吉」,養正則吉也。「觀《彖》曰:「頤,貞吉」,養正則吉也。「觀

養乎? 曰: 猶是也。 者爲陽,所不煦者爲陰。 灼 凡 養謂之義。 得 者爲陽,所不灼者爲陰,和 萬物有者爲陽,無者爲陰,日光 而愛養也。 聖人之仁無不及 曰: 愛養萬物謂之仁,其所不 義者,裁仁以就宜者也 暴亂 聖人 而 爲 豈樂殺哉 心也,而 物害者,聖 聖人之于仁 有 氣 不 之 愛不 之所 愛 所 何 義 所 不 或 煦

> 斯不肖也。 取,窮視其所主,達視其所舉,足以知其 禮,斯賢也。 觀其自養」? 其 其 人 所 不 養」? 肖則所 故富視其所與,貧視其所 取于人無度,自奉養無節 取于人以義,自奉 其 人賢則 養 必 不 其 肖 所 也 養 一養以 何 必 謂

爲人矣。

象》曰: 山下有雷,頤。君子以慎言語。

節飲食。●

初九,舍爾靈龜,觀我朵頤,凶

六二,顛頤,拂經,于丘頤,征凶。《象》曰:「觀我朵頤」,亦不足貴也。

六三,拂頤,貞凶,十年勿用,无攸利。《象》曰: 六二「征凶」,行失類也。

八四,顛頤吉,虎視眈眈,其欲逐逐,无咎。 象》曰:「十年勿用」,道大悖也。

「《象》曰」以下十六字。底本與殿本並闕,據通行本

三七

六五,拂經,居貞吉,不可涉大川。《象》曰:「顛頤」之吉,上施光也。

《象》曰:「居貞」之吉,順以從上也。六五,拂經,居貞吉,不可涉大川。

《象》曰:「由頤,厲,吉」,大有慶也。上九,由頤,厲,吉,利涉大川。

大過,棟橈,利有攸往,亨。

弱也。剛過而中,巽而説行,「利有攸往」,《彖》曰: 大過,大者過也。「棟橈」,本末

乃亨。大過之時大矣哉

也。 剛 攸往,乃亨」,何也? 然則《彖》曰「剛過 陰,陰當居内以佐陽。今大過多陽 陽之所以過差者奈何? 内,小過多陰 大過者何? 過 而 有攸往者,猶云有爲而然者也。 不得其中,又不以異説行之,其 大者陽也,陽之過差者 而居外,此其所以爲過也 而中,異而説 大過者,剛之過 陽當居外以 行,利 而 也 有 夫 居

> 則 志非 者,將以有爲也,非道之常也,故曰「利 者,此數德 何以得 以有爲 亨乎? 故也。 也,苟 求過人而 故大過之 君子或爲過人之行 已 所以 矣, 得亨 如 是

有攸往,乃亨」。

懼,遯世无悶。

象》曰:

澤滅木,大過。

君子以獨立不

初六,藉用白茅,无咎。

《象》曰:「藉用白茅」,柔在下也

九二,枯楊生稊,老夫得其女妻,无不到

《象》曰:「老夫」女妻,過以相與也。

九三,棟橈,凶。

《象》曰:「棟橈」之凶,不可有輔也。

之陽皆以居陰爲吉,而不以得位爲義濟之以柔,而不可濟之以剛也,故大過它吝」,何也? 夫大過剛已過矣,正可《大過》九三「棟橈凶」,九四「棟隆吉,有九四,棟隆,吉。 有它吝。

「有它吝」。 謙,能隆其棟者也,然過而失中,故曰九四以陽居陰,而在一體之下,剛不違化强愎,不可輔弼者也,故曰「棟橈凶」。也。九三居陽履剛,而在一體之上,剛也。九三居陽履剛,而在一體之上,剛

无譽。 九五,枯楊生華,老婦得其士夫,无咎《象》曰:「棟隆」之吉,不橈乎下也。

士夫,亦可醜也。《象》曰:「枯楊生華」,何可久也。「老婦」

咎,不足以有譽也。五居中履正,故无翳盈之君以愚庸之臣輔之,雖幸而无也。上以衰陰符于盛陽,其于國也,如

上六,過涉滅頂,凶,无咎。

《象》曰:「過涉」之凶,不可咎也。

**以** 坎坎上下

習坎,有孚,維心亨,行有尚

《彖》曰:「習坎」,重險也。水流而不盈,行《彖》曰:「習坎」,重險也。水流而不盈,行

習教事。《象》曰: 水洊至,習坎。之時用大矣哉!

君子以常德

者也,故君子以常德行。水之流也,習德,無有方圓曲直高下夷險而不失其平坎「以常德行,習教事」,何也? 水之爲

止,以成大賢,故君子以習教事。而不止,以成大川, 人之學也,習而不

初六,習坎,人于坎窞,凶。

象》曰:「習坎」人坎,失道凶也。 象》曰:「習坎」人坎,失道凶也。 想不禁其終,防其微不防其章,故《坤》 之初六曰「履霜,堅冰至」、《震》之初九 曰「震來虩虩,後笑言啞啞,吉」,皆原其 始而要終也。夫人之于險也,始皆有恐 懼之心焉,及幸而濟也,則狃以爲常,至 一大身而不自知也,是以聖人于險之初九 可震來虩虩,後笑言啞啞,吉」,皆原其 一大身而不自知也,是以聖人,以爲常,至 一大身而不自知也,是以聖人,以爲常,至 一大身而不自知也,是以聖人,以爲常,至 一大身而不自知也,是以聖人,以爲常,至 一大身而不自知也,是以聖人,以爲常,至

六四,樽酒簋貳,用缶,納約自牖,終无咎。《象》曰:「來之坎坎」,終无功也。《象》曰:「來之坎坎,險且枕,入于坎窞,勿用。九二,坎有險,求小得。

《象》曰:「桲酒簋貳」,剛柔際也。《象》曰:「桲不盈」,中未大也。《象》曰:「坎不盈」,中未大也。《象》曰:「壿酒簋貳」,剛柔際也。

離離 上下

《彖》曰: 柔麗乎中正,故亨。是以「畜牝牛吉」也。 木麗乎土,重明以麗乎正,乃化成天下。 離,利貞,亨。 吉也。 正也。 蔽。 成天下。柔者失于弱 于邪,是以聖人重明以麗乎正, 中正,然後乃亨。 離,利貞,亨」,離,麗也,麗者不可 二以明德而 夫明者常失于察,察之甚者或人 離,麗也。日月麗乎天,百穀草 畜牝牛吉。 夫太明則 用 丽 中正,是以獲元 不 立,故柔 察、太昧 乃能 以 麗 化 則 乎

《象》曰: 明兩作,離。大人以繼明照于

四方。

初九,履錯然,敬之无咎。

于未兆,見于未萌,方事之初,而錯然矜欲燄而至于不可撲滅者也,是以明者慮初九「敬之无咎」,何也? 夫火者始于《象》曰:「履錯」之敬,以辟咎也。

六二,黄離,元吉。

慎,以避其咎也。

《象》曰:「黄離,元吉」,得中道也。

嗟,凶。 九三,日昃之離,不鼓缶而歌,則大耋之

《象》曰:「突如其來如」,无所容也。九四,突如其來如,焚如,死如,棄如。《象》曰:「日昃之離」,何可久也。

之方熾,其來甚盛,極盛必衰,故「死如,四以剛乘剛,用其不正以陵于上,若火突者,子之不順者也。火性炎上,而九

棄如」也。死者,禍之極也。棄者,衆所

不與也。

六五,出涕沱若,戚嗟若,吉。

无咎。 上九,王用出征,有嘉折首,獲匪其《象》曰: 六五之「吉」,離王公也。

醜

《象》曰:「王用出征」,以正邦也

易說卷二

四

卷

下

經

宋 司 馬 光

撰

《象》曰:「咸其股」,亦不處也。

《象》曰:

雖「凶,居吉」,順不害也。

六二,咸其腓,凶,居吉。

象》曰:

「咸其拇」,志在外也。

九三,咸其股,執其隨,往吝。

志在隨人,

所執下也。 九四,貞吉悔亡,憧憧往來,朋從爾

思。

《象》曰:「貞吉悔亡」,未感害也。 來」,未光大也。 「憧 憧 往

悔! 而 以應萬,守約以 善爲惡、爲吉爲凶、無不至焉、必也執 動于往來則心傾矣。 也來也,屈也伸也,而 憧,心動貌。 四在脢,下感其心者也。 類應之。 遇 禍,猶爲福也。 故心正則事 是故喜則不見其所可怒,怒 朋,類也。 御衆,其惟正乎。 無不吉而悔亡也。 心苟傾焉,則物以 求仁得仁,又何 心不爲之動焉。 心苟正矣,則往 心感于物, 夫正 爲

四

546

睽咸

蹇恒

解遯

損 大 壯

益晉

夬 明 夷

姤 家 人

《彖》曰: 咸,亨,利貞。取女吉。 咸,感也。柔上而剛下,二氣感

應以相與,止而説,男下女,是以「亨,利

貞,取女吉」也。 感人心而天下和平。 天地 感而 觀其所感,而天地萬 萬物化生,聖人

物之情可見矣!

《象》曰: 初六,咸其拇。 山上有澤,咸。 君子以虚受人。 象》曰:「咸其脢」,志末也。

九五,咸其脢,无悔 周也。 慮? 神而知化。大人之德,莫盛于斯矣。 以往,不足思也。 治之養之,以至于精義入神,則用無 于人乎! 故大人之道,正其 天地之氣也。天地猶以 也。 水、寂然不動、物有萬變、而所以應之者 故于文一止爲正。 則忘後。 惡則不見其所可愛。 則不見其所可喜,愛則不見其所可惡, 下何思 曰「未光大也」。孔子曰:「天下何思 用之于身則身安而德崇矣。 天下同歸而殊塗,一致而百慮,天 日月者,天地之精也。 夫又何思 何慮!」歸與致者,豈非正歟 視必有所蔽,聽必有所偏。 久而不息,則可以 而何慮焉? 正者,止于一而無 顧右則失左,瞻 屈伸相感,而況 心而已矣。 寒暑者, 譬諸止 過此 故 前 違 窮 ? 何 不

上六,咸其輔、頰、舌。

《象》曰:「咸其輔、頰、舌」,滕口説也。

震異上下

《彖》曰: 已也。「利有攸往」,終則有始也。 利貞」,久于其道也,天地之道,恒久而 與,巽而動,剛柔皆應,恒。「恒,亨,無咎 物之情可見矣! 于其道而天下化成。 天而能久照,四時變化而能久成,聖人久 恒,亨,無咎,利貞,利有攸往。 恒,久也。 剛上而柔下,雷風相 觀其所恒,而天 日月得 八地萬 不

通也。 利,利居貞也。 恒,亨,无咎,利貞」。 行而可久,必無咎也。常久之 久于其 道,無不

初六,浚恒,貞凶,无攸利。 象》曰: 雷風,恒。君子以立不易方。

《象》曰:「浚恒」之凶,始求深也。 九二,悔亡。

껃

九三,不恒其德,或承之羞,貞吝。 九二「悔亡」,能久中也

《象》曰:「不恒其德」,无所容也。

九四,田无禽。

《象》曰: 久非其位,安得禽也?

六五,恒其德,貞婦人吉,夫子凶。

《象》曰:「婦人」貞吉,從一而終也。 一夫

子」制義,從婦凶也。

上六,振恒,凶。 象》曰:「振恒」在上,大无功也。

恒久之終,體動 振者,木之摇落也。上以柔弱之質,當 加 應風,摇落之象也。

常久之道由兹而墜,故曰「大无功也」。

乾艮上下

遯,亨,小利貞。

應,與時行也。 《彖》曰:「遯,亨」,遯 小小 利貞」,浸而長 丽 亨也。 剛 當位 也。 而 遯

之時義大矣哉

不惡而嚴。

初六、遯尾、厲、勿用有攸往

《象》曰:

天下有山,遯。

君子以遠小人,

《象》曰:「遯尾」之厲,不往何災也?

六二,執之用黄牛之革,莫之勝説。

象》曰: 執用「黄牛」,固志也。

遯之爲道,避内而趨外者也。二以柔 内,未得自去者也。 牛革,取其柔而堅韌也。 用黄牛之革,莫之勝説」。 不流,執志之堅,人不能奪,故曰「執之 然履中守正 黄者,中也。 和而 居

九三,係遯,有疾厲,畜臣妾吉。

《象》曰:「係遯」之厲,有疾憊也。「畜臣妾

吉」,不可大事也。

位不退,危之道也,故曰「厲」。 係于人而不能自去者也,故「畜臣妾 不能自退,故曰「有疾」。 三以剛德居位而宴安于内,係于榮利, 小人道長,貪 臣妾者,

九四,好遯,君子吉,小人否。

《象》曰:「君子」好遯,「小人」否也。 四以剛德而處非其位,君子難進 一而易

退,小人反是者也,故曰「好遯,君子吉,

小人否」也。

九五、嘉遯、貞吉。

《象》曰:「嘉遯,貞吉」,以正志也。

中正,德之嘉也。君子邦有道則見,邦 無道則隱,可以進而進,可以退而 退,不

失其時,以中正爲心者也,故曰「嘉遯,

貞吉」。

上九,肥遯,無不利。

《象》曰:「肥遯,无不 利」,無所疑也

大壯,利貞。

壯。 《彖》曰: 大壯,大者壯 「大壯,利貞」,大者正也。正大而天 也。 剛 以 動, 故

地之情可見矣!

《象》曰: 雷在天上,大壯。 君子以非禮

弗履。

初九,壯于趾,征凶,有孚。

《象》曰:「壯于趾」,其孚窮也。

九二,貞吉。

《象》曰: 九二「貞吉」,以中也。

九三,小人用壯,君子用罔,貞厲。 羝羊觸

藩,羸其角。

象》曰:「小人用壯」,君子罔也

九四,貞吉悔亡,藩 決不 羸 上 北 于大輿

之輹。

《象》曰:「藩決不羸」,尚往也。

六五,喪羊于易,无悔。

《象》曰:「喪羊于易」,位不當也

上六,羝羊觸藩,不能退,不能遂,无攸利,

艱則吉。

象》曰:「不能退,不能遂」,不詳也。

則吉」,咎不長也。案:大壯卦説原本缺。

離坤上下

晉,康侯用錫馬蕃庶,晝日三接。

庶,晝日三接」也。 大明,柔進而上行,是以「康侯用錫馬蕃《彖》曰: 晉,進也。 明出地上,順而麗乎

明德。《象》曰:明出地上,晉。君子以自

昭

咎」,未受命也。《象》曰:「晉如,摧如」,獨行正也。「裕,无初六,晉如,摧如,貞吉。 罔孚,裕,无咎。君子進其明德,如日之升也。

六二,晉如,愁如,貞吉。受兹介福于其命,然後可進。无命而進,凶道也。則凶,寬以待之,无咎。未受命者受上刺凶,寬以待之,无咎。未受命者受上初進者德業未著,人莫之信,躁以求之,

《象》曰:「受兹介福」,以中正也。

王母。

六三,衆允,悔亡。

九四,晉如鼫鼠,貞厲。《象》曰:「衆允」之志,上行也。

六五,悔亡,失得勿恤,往吉,无不利。《象》曰:「鼫鼠,貞厲」,位不當也。

《象》曰:「失得勿恤」,往有慶也。

上九,晉其角,維用伐邑,厲,吉,

無

《象》曰:「維用伐邑」,道未光也貞吝。

明夷,利艱貞。

《象》曰:明入地中,明夷。君子以莅衆,其明也。内難而能正其志,箕子以之。柔順,以蒙大難,文王以之。「利艱貞」,晦柔順,以蒙大難,文王以之。「利艱貞」,晦

不食。有攸往,主人有言。初九,明夷于飛,垂其翼。君子于行,三日

用晦而明。

六四,人于左腹,獲明夷之心,于出門庭。《象》曰:「南狩」之志,乃大得也。《象》曰: 六二之「吉」,順以則也。《象》曰: 六二之「吉」,順以則也。《象》曰:「君子于行」,●義不食也。

哉!

魯有慶父之難,齊桓公使仲孫湫

則國家從之。

嗚呼!

爲人君者可不慎

去也,爲國者禮樂法度不可失也。

而機失,綱絶而網紊,紀散而絲亂,法壞

六五,箕子之明夷,利貞。

《象》曰:「人于左腹」,獲心意也。

焉,故曰「利貞」。 無箕子之正,苟生以忘其君者,罪莫大息也。爲人臣者,有箕子之正則可也。 君子之晦,以避難也。内修明德,不可君子之晦,以避難也。内修明德,不可

地」,失則也。《象》曰:「初登于天」,照四國也。「後入于上六,不明晦,初登于天,後入于地。

以立者,法也,故爲工者規矩繩墨不可上六之象,其言「失則」何? 國家之所

異離上下

于國

,豈不重哉

猶秉周禮。

周禮,所以本也。」然則法之

視之,曰:「魯可取乎?」對曰:「不可,

家人,利女貞。

▶ 「行」,原脱,據殿本、通行本補。

初九,閑有家,悔亡。物,而行有恒。

《象》曰:「閑有家」,志未變也。

六二,无攸遂,在中饋,貞吉。

《象》曰: 六二之「吉」,順以巽也。

九三,家人嗚嗚,悔厲吉。婦子嘻嘻,

嘻」,失家節也。

《象》曰:「家人嗃

嗝」,未失也。

「婦子嘻

六四,富家大吉。

《象》曰:「富家大吉」,順在位也。

九五,王假有家,勿恤吉。

《象》曰:「王假有家」,交相愛也。

親以及人之親,長其長以及人之長,上御于家邦,大其家以至于有天下。親其假,大也。文王刑于寡妻,至于兄弟,以

下交相愛而天下和矣。故曰「交相愛

无咎。

上九,有孚威如,終吉。

《象》曰:「威如」之吉,反身之謂也。《象》曰:「威如」之吉,反身之謂也。家人望上九以陽居上,家之至尊者也。家人望上九以陽居上,家之至尊者也。家人望上九以陽居上,家之至尊者也。家人望家。同:「威如」之吉,反身之謂也。

離 兑上下

睽,小事吉。

初九,后 《象》曰: 《彖》曰:「睽」,火動而上,澤動而下。二女 物睽而其事類也。 地睽而其事同也,男女睽而 上行,得中而應乎剛,是以「小事 同居,其志不同行。 悔亡,喪馬勿逐,自復。 上火下澤,睽。 睽之時用大矣哉 説 而 君子以同而異。 麗 其 乎明,柔進 志 見惡人 古古。 通也 一,萬 天

《象》曰:「見惡人」,以辟咎也。

九二,遇主于巷,无咎。

《象》曰:「遇主于巷」,未失道也

六三,見輿曳,其牛掣,其人天且 劓, 无初

有終。

《象》曰:「見輿曳」,位不當也。 「无初有

終」,遇剛也。

九四,睽孤,遇元夫,交孚,厲,无咎。

《象》曰:「交孚」无咎,志行也。 六五,悔亡,厥宗噬膚,往何咎。

(象》曰:「厥宗噬膚」,往有慶也。

上九,睽孤,見豕負塗,載鬼一車,先張之

弧,後説之弧,匪寇婚媾,往遇雨則吉。

《象》曰:「遇雨」之吉、羣疑亡也。

数 坎艮 上

蹇,利西南,不利東北。 利見大人。 貞吉。

止,知矣哉 蹇,難也,險在前也。見險而能 「利西南」,往得中也,「不

> 也。 利東北」,其道窮也。 當位「貞吉」,以正邦也。 「利見大人」,往 蹇之時用大 有功

矣哉!

《象》曰: 山上 有水,蹇。 君 子 以 反

身

修德。

初六,往蹇,來譽。

《象》曰:「往蹇,來譽」,宜待也。

六二,王臣蹇蹇,匪躬之故

《象》曰:「王臣蹇蹇」,終无尤也。

九三,往蹇來反。

(象》曰:「往蹇來反」,内喜之也。

六四,往蹇來連。

〈象》曰:「往蹇來連」,當位實也

九五,大蹇朋來。

(象》曰:「大蹇朋來」,以中節也

上六,往蹇來碩,吉。

人」,以從貴也。 象》曰:「往蹇來碩 」,志在内也。 睽蹇二卦説並原 本缺。 「利見大

## 震坎上

夙吉。 解,利西南。無所往,其來復吉。有攸往,

解之時大矣哉!解而雷雨作,雷雨作而百果草木皆甲坼,中也。「有攸往,夙吉」,往有功也。天地中也。「有攸往,夙吉」,往有功也。天地解「利西南」,往得衆也,「其來復吉」,乃得解。》曰:「解」,險以動,動而免乎險,解。

六藏器于身,待時而動,君子韙之。達,時可以往而應之太緩則無功,故上者存乎時。時未可往而用之太速則不吉」何也? 夫能濟難者存乎中,能有功

《象》曰:剛柔之際,義无咎也。初六,无咎。 剛柔之際,義无咎也。 初六,无咎。

爲彼。

《象》曰:九二「貞吉」,得中道也。九二,田獲三狐,得黄矢,貞吉。

《象》曰:「負且乘」,亦可醜也。六三,負且乘,致寇至,貞吝。

又誰咎也。 《象》曰:「負且乘」,亦可醜也。自我致戎,

九四,解而拇,朋至斯孚。

《象》曰:「解而拇」,未當位也。

六五,君子維有解,吉。有孚于小人。

上六,公用射隼于高墉之上,獲之,无《象》曰:「君子」有解,「小人」退也。

不利。

《象》曰:「公用射隼」,以解悖也。

#### ■ 艮兑 上下

損益之名,以内爲主者也。内爲己,外之用? 二簋可用享。 損,有孚,元吉,无咎,可貞,利有攸往。曷

用? 二簋可用享」,二簋應有時。損剛益「有孚,元吉,无咎,可貞,利有攸往。曷之《彖》曰:「損」,損下益上,其道上行。損而

柔有時,損益盈虚,與時偕行。

日 山下有澤,損。君子 以 懲 忿

窒欲。

初九,已事遄往,无咎。酌損之。

《象》曰:「已事遄往」,尚合志也。

九二,利貞,征凶,弗損益之。

《象》曰: 九二「利貞」,中以爲志也。

六三,三人行,則損一人。一人行,則得

《象》曰:「一人行」,三則疑也。

六四,損其疾,使遄有喜,无咎。

(象》曰:「損其疾」,亦可喜也。

六五,或益之,十朋之龜弗克違,元吉。

《象》曰: 上九,弗損,益之,无咎,貞吉,利有攸往。 六五「元吉」,自上祐也。

得臣无家。

象》曰:「弗損,益之」,大得志也。

**工** 異震 上下

无疆。天施地生,其益无方。凡益之道, 益,利有攸往,利涉大川。 下下,其道大光。「利有攸往」,中正有慶。 利涉大川」,木道乃行。 彖》曰:「益」,損上益下,民説 益動而異,日進 无 疆 一,自上

與時偕行。

《象》曰: 風雷,益。君子以見善則遷,有

過則改。

《象》曰:「元吉,无咎」,下不厚事也。

初九,利用爲大作,元吉,无咎。

六二,或益之,十朋之龜弗克違,永貞吉。

王用享于帝,吉。

《象》曰:「或益之」,自外來也。

六三,益之用凶事,无咎。有孚中行,告公

《象》曰: 益用「凶事」,故有之也。

六四,中行,告公從,利用爲依遷國

「告公從」,以益志也。

《象》曰:「有孚惠心」,勿問之矣。「惠 德」,大得志也。 九五,有孚惠心,勿問元吉。 。有孚惠我德 我

不以德者,何也? 垂死而饋之酒肉,其物非不美也,而人 善也。夫人墜于絶壑而 「惠心」者何? 惠之所施,孚于心,然後 非其心之所欲也。 遺之珠 玉 一,寢疾

《象》曰:「莫益之」,偏辭也。「或擊之」,自 上九,莫益之,或擊之,立心勿恒,凶。

之謂也。 辭」者何也? 求益爲常心也。 上九「立心勿恒,凶」,何也? 知益于己而不知恕于人 「莫益之」、《象》曰「偏 戒人勿以

夬,揚于王庭,孚號 ,利有攸往。 有厲。 告自邑,不利即

> 終也。 決而 戎」,所尚乃窮也。 有厲」,其 和,二 日 揚于王庭」,柔乘 危乃光也。 夬,決 也,剛 「利有攸往」,剛長乃 「告自 決 柔 五 也 剛 邑,不利即 也。 健 乎 M 説

象》曰: 澤上于天,夬。 君子以施 禄及

初九,壯于前趾 下,居德則忌。 ,往不勝爲咎。

《象》曰:「不勝」而往,咎也。

九二,惕號,莫夜有戎,勿恤

《象》曰:「有戎勿恤」,得中道也。

九三,壯于頄,有凶。 君子夬夬獨行,

象》曰:「君子夬夬」,終无咎也。

若濡,有愠,无咎。

君子居之,體剛履正,決決 行,而不易于世,故雖怨怒,不足爲 曰「壯于頄」也。 "肚于頄」, 肚形于面也。 物惡太健,故有凶。 三爲健 無疑,信志 極 咎

也。雨濡者,怨謗之象也。

九四,臀无膚,其行次且。牽羊悔亡,聞言

信」,聰不明也。《象》曰:「其行次且」,位不當也。「聞言不

故「聞言不信」也。 心也。制其狠心則悔亡矣。不正而決,不安也。羊,狠物也。牽羊者,制其狠九四任其剛決以據健之上,故居與行皆

《象》曰:「中行无咎」,中未光也。九五,莧陸夬夬,中行无咎。

《象》曰:「无號」之凶,終不可長也。

上六,无號,終有凶。

■ 乾 巽 上 下

姤,女壯,勿用取女。

也。剛遇中正,天下大行也。姤之時義大女」,不可與長也。天地相遇,品物咸章《彖》曰: 姤,遇也,柔遇剛也。「勿用取

矣哉!

之。以是觀之,姤之爲義豈不大哉! 舜而六府三事允治,地平天成,伊尹遇 則亢, 定,不然泯泯于衆人之中,後世誰克 湯而格于皇天,師尚父遇文武而 五典克從,百揆時叙,禹、稷、契、皋陶遇 以數求也,遇與不遇而已矣。舜遇堯 之窮通,事之成敗,不可以力致也,不 卦也。孔子何大焉! 則人違之,故剛遇中正,然後可以大行 于天下也。 剛,陽德也,君子所尚 剛 而 不正則戾。 「姤之時義大矣哉」,姤,消 夫世之治亂,人 也。 亢則人疾之,戾 然 剛 天下 而 不 大 而 知 口 中

四方。《象》曰: 天下有風,姤。后以施命誥

豕

《象》曰:「繫于金柅」,柔道牽也。

温公易説

九四,包无魚,起凶。《象》曰:「其行次且」,行未牽也。《象》曰:「其行次且」,行未牽也。《象》曰:「包有魚」,義不及賓也。九二,包有魚,无咎,不利賓。

《象》曰:「无魚」之凶,遠民也。

天」,志不舍命也。《象》曰: 九五「含章」,中正也。「有隕自九五,以杞包瓜,含章,有隕自天。

之時,無應于内,不食者也。蘭生深林,九五剛遇中正,有美材矣。遇小人道長杞,材之美者也。包瓜,不食之物也。

姤其角者,行無所之之謂也。《象》曰:「姤其角」,上窮吝也。上九,姤其角,吝,无咎。

易說卷三

五四

情可見矣。

順以説,

萃之象也。

上剛中

而

下

應

往」,順天命也。

觀其所聚,而天地萬物之

「用大牲吉,利有攸

大人,亨」,聚以正也。

卷

四

《象》曰:

澤上于地,萃。君子以除戎器

也。

聚得大人,然後通也。

之,亦聚之象也。大人者,

以 正

聚物者

戒不虞。

宋 司馬光

撰

笑,勿恤,往无咎。

初六,有孚不終,乃亂乃萃,若號,一

握爲

《象》曰:「乃亂乃萃」,其志亂也 六二,引吉,无咎,孚乃利用禴

《象》曰:「引吉,无咎」,中未變也

上 見 上 下

豐萃

旅升

巽 困

兑 井

涣 革

節鼎

中震

小 艮

既 漸濟

未歸濟妹

下

經

象》曰:「往无咎」,上巽也。

六三,萃如,嗟如,无攸利,往无咎,小吝。

九四,大吉,无咎。

《象》曰:「大吉,无咎」,位不當也。 九五,萃有位,无咎。匪孚,元永貞,悔亡。

故聚也。

「王假有廟」,致孝亨也。

「利見

《彖》曰:「萃」,聚也。

順以説,剛中

耐

應,

用大牲吉,利有攸往。

王假

有廟,利見大人,亨,利貞。

象》曰:「萃有位」,志未光也。

以剛中之德,僅能保位无咎,而德信不 治于民,未足光也,故必以元永貞之道

聚民,然後悔亡也。

五五

五六

齎咨涕洟,无咎。

《象》曰:「齎咨涕洟」,未安上也。

■ 単 単 異 上 下

升,元亨,用見大人,勿恤。 南征吉。

《彖》曰: 柔以時升,巽而順,剛中而應,

是以大亨。「用見大人,勿恤」,有慶也。

南征吉」,志行也。

《象》曰: 地中生木、升。 君子以順 德,積

小以高大。

初六,允升,大吉。

《象》曰:「允升,大吉」,上合志也。

九二,孚乃利用禴,无咎。

《象》曰: 九二之「孚」,有喜也。

九三,升虚邑。

《象》曰:「升虚邑」,无所疑也。

六四,王用享于岐山,吉无咎。

(象》曰:「王用享于岐山」,順事也

太王避狄,順也, 肇基王迹,升也。

六五,貞吉,升階。

《象》曰:「貞吉,升階」,大得志也。

上六,冥升,利于不息之貞。

《象》曰:「冥升」在上,消不富也。

困,亨。貞大人吉,无咎。

有言不信。

《彖》曰:「困」,剛揜也。險以説,困而不失

其所「亨」,其唯君子乎!

「貞大人吉」,以剛中也。「有言不信」,尚

口乃窮也。

《象》曰: 澤无水,困。君子以致命遂志。

初六,臀困于株木,入于幽谷,三歲不覿。

《象》曰:「人于幽谷」,幽不明也。

谷者,險而窮下之象也。

九二,困于酒食,朱紱方來,利用享祀,征

凶,无咎。

《象》曰:「困于酒食」,中有慶也。

六三,困于石,據于蒺藜,人于其宫,不見

于葛藟」,未當也。

動

悔 有

「利用祭祀」,受福也。

動悔有悔,

井,改邑不改井,无喪 至亦未繘井,羸其瓶,凶。 无 得。 往 來井井,汔

巽乎水而上水,井。 井養而 不

四

窮 至亦未繘井」,未有功也。「羸 也。 「改邑不改井」,乃以剛中也。 其瓶」,是以 汔

勸相。 《象》曰: 木上有水, 井。 君子以 勞

民

《象》曰:「井泥不食」,下也。 時舍也。 初六,井泥不食,舊井无禽。 「舊井无禽」,

困于赤紱,乃徐有説,利用

有與也。

《象》曰:「來徐徐」,志在下也。雖不當位,

九四,來徐徐,困于金車,吝,有終。

宫,不見其妻」,不祥也。

象》曰:「據于蒺藜」,乘

剛

也。

一人于

其

凶

也

《象》曰:「井谷射鮒」,无與 九二,井谷射鮒,甕敝漏。 也

于井,所獲微也。 谷,窮也。 窮于井中, 所守隘 甕者,所以 也。 汲 也。 射 鮒

九三,井渫不食,爲我心惻,可用汲,王明, 内,又不當位,上无其應,應斯象也。 敝而漏,水不可得也。 九二處下 而在

《象》曰: 受福也。 「井渫不食」,行惻也。 求「王明」,

並受其福。

五七

五八

六四,井甃,无咎。

《象》曰:「井甃,无咎」,修井也。

九五,井洌,寒泉食。

《象》曰:「寒泉」之食,中正也。

「井洌,寒泉食」,居位用事,而澤及于民

之謂也。

上六,井收勿幕,有孚元吉。

《象》曰:「元吉」在上,大成也。

革,巳日乃孚,元亨利貞,悔亡。

不相得,曰「革」。「巳日乃孚」,革而信之。《彖》曰:「革」,水火相息,二女同居,其志

天地革而四時成,湯武革命,順乎天而應文明以説,大亨以正,革而當,其悔乃亡。

乎人,革之時大矣哉!

牛」,不可變也。二則得時之中,故「已悔亡也。初則民心未孚,故「鞏用黄革之爲道不可易也,故「元亨利貞」而後

日革之,行有嘉也」。

《象》曰: 澤中有火,革。君子以治

明時。

初九,鞏用黄牛之革。

《象》曰:「鞏用黄牛」,不可以有爲也。

六二,巳日乃革之,征吉,无咎。

《象》曰:「巳日」革之,行有嘉也。

九三、征凶、貞厲、革言三就、有孚。

九四,悔亡,有孚改命,吉。《象》曰:「革言三就」,又何之矣。

《象》曰:「改命」之吉,信志也。

九五,大人虎變,未占有孚。

《象》曰:「大人虎變」,其文炳也。

上六,君子豹變,小人革面,征凶,居貞吉。

《象》曰:「君子豹變」,其文蔚也。「小人革

面」,順以從君也。

**主** 離異上下

鼎,元吉,亨。

凝命。 《象》曰: 木上有火,鼎。 君子以正位

是以元亨。

《象》曰: 從貴也。 初六,鼎顛趾,利出否,得妾以其子,无咎。 「鼎顛趾」,未悖也。 「利出否」,以

九二,鼎有實,我仇有疾,不我能即,吉。 (象》曰:「鼎有實」,慎所之也。 「我仇有

九三,鼎耳革,其行塞,雉膏不食,方雨 疾」,終无尤也。

虧

悔,終吉。

九四,鼎折足,覆公餗,其形渥 象》曰:「鼎耳革」,失其義也 以 。

象》曰:「覆公餗」,信如何也。 ,鼎黄耳金鉉,利貞。

> 《象》曰:「鼎黄耳」,中以爲實也。 上九,鼎玉鉉,大吉,无不利 〈象》曰:「玉鉉」在上,剛柔節也 不受也。 所以聽也。 鉉,大吉,無不利」。 六五「鼎黄耳金鉉,利貞」, 金者,剛而忍者也。 君子虚其耳以 黄者,中也。 聽 上九「鼎玉 于下 玉者,堅

然後能舉其大器者也。

也,故尚乎温。

夫柔不失剛

,剛不失温

而

温者也。

五,陰也,故尚乎

剛。

-,非則

耳者,

**置**震震上下

震,亨。震來虩虩,笑言啞啞。 不喪匕鬯。 震驚百里,

《彖》曰:「震,亨。震來虩虩」,恐致 笑言啞啞」,後有 懼邇也,出 미 以 則 守宗廟社稷,以爲祭 也。 震驚百里」,驚 福 也。

行得」 原作「得行」、據殿本、 通行本乙。

四

主 也

所守喪矣,故曰「震驚百里,不喪匕鬯」。 可 震驚百里,不喪匕鬯」,夫主大器者 以無 威也,無 威則民不服,民不服則

《象》曰: 游雷**,**震。 君子以恐懼修省。

初九,震來虩虩,後笑言啞啞,吉。

象》曰:「震來虩虩 」,恐致福也。「笑言啞

日得。 六二,震來厲,億喪貝,躋于九陵,勿逐,七

啞」,後有則也。

象》曰:「震來厲」,乘剛 也。

六三,震蘇蘇,震行无眚。

象》曰:「震蘇蘇」,位不當也。

九四、震遂泥。

象》曰:「震遂泥」,未光也

泥者,以陽居陰,喪其威也

六五,震往來厲,億无喪,有事

象》曰:「震往來厲」,危行也。 其事 在中,

象》曰

兼山,艮。

君子以思不出其位

大无喪也

躬,于其鄰,无咎。 上六,震索索,視矍矍,征 婚媾有言。 XI ° 震 不于 其

《象》曰:「震索索」,中未得也。 畏鄰戒也。 雖凶无咎

在此也。 此四 티 : 出次、不舉、過數,曰「吾自懼也」。 震不于其躬,于其鄰」者,禍在彼 國,爰究爰度」,其秦穆公之謂矣。 《詩》云「惟彼二國,其政不獲。 楚人滅江,秦穆公爲之降服 君子 加 思

**見** 艮艮 上下

艮,其背,不 獲其身,行其庭,不見其人,

无咎。

《彖》曰: 其所也。 行,動静不失其時,其道光明。 獲其身,行其庭,不見其人,无咎」也 上下敵應,不相 艮,止 也。 時 止 與也。 則 止,時 艮其止,止 是以「不 則

六〇

《象》曰:「艮其趾」,未失正也。初六,艮其趾,无咎,利永貞。

謹擇也。止于永貞,利莫大焉。何咎之有! 抑君子于其所止,不可不其位則下也,其事則初也。止而不行,

六二,艮其腓,不拯其隨,其心不快。

《象》曰:「不拯其隨」,未退聽也。

九三,艮其限,列其夤,厲熏心。

六四,艮其身,无咎。《象》曰:「艮其限」,危熏心也。

《象》曰:「艮其身」,止諸躬也。

《象》曰:「艮其輔」,以中正也。六五,艮其輔,言有序,悔亡。

正」,何也? 曰: 艮六五,文之誤也,二「龍德而正中」,艮之六五曰「以中凡剛柔當位,正之象也。孔子贊乾之九

非既正又中也。然則二爻其爲不正當云「以正中也」。正中者,正得其中,

貫也,相須而成,相輔而行者也。 乎? 曰: 非謂其然也。 中正者,道之

上九,敦艮,吉。

(象》曰:「敦艮」之吉,以厚終也

異艮上下

《彖》曰:漸之進也,「女歸吉」也。進得漸,女歸吉,利貞。

位剛,得中也。止而巽,動不窮也。

位,往有功也。

進以正,可以正邦也。

其

《象》曰: 山上有木,漸。君子以居賢德伯岡 祥中七 山門男 重力與七

善俗。

初六,鴻漸于干,小子厲。有言,无咎。

《象》曰:「小子」之厲,義无咎也。

六二,鴻漸于磐,飲食衎衎,吉。

《象》曰:「飲食衎衎」,不素飽也。

九三,鴻漸于陸,夫征不復,婦孕不育,凶。

利禦寇。

《象》曰:「夫征不復」,離羣醜也。「婦孕不

失其道也。 利用禦寇」,順 相 保 也

六四,鴻漸于木,或得其桷,无咎

《象》曰:「或得其桷」,順以巽也。

九五,鴻漸 于陵,婦三歲不孕, 終 莫之

《象》曰:「終莫之勝,吉」,得所願也。

上九,鴻漸于陸,其羽可用爲儀,吉。

《象》曰:「其羽可用爲儀,吉」,不可亂 也。

漸卦説原本缺

震党上下

歸妹,征凶,无攸利。

歸妹,天地之大義也。 天 地不

動,所歸妹也。 交而萬物不興。 歸妹,人之終始也。 「无攸 説以

「征凶」,位不當也。

利」,柔乘剛也。

澤上有雷, 歸妹。 君子以永終

知敝。

初九,歸妹以娣, 跛能履,征吉。

> 象》曰:「歸妹以娣」,以恒也。 「跛能履」,

吉相承也

履也。 不正 而合,是以跛也。 所以吉者 ,説以承上也。 以娣 而 故

九二,眇能視,利幽人之貞。

《象》曰:「利幽人之貞」,未變常也

六三,歸妹以須,反歸以娣。

《象》曰:「歸妹以須」,未當也。

九四、歸妹愆期、遲歸有時。

《象》曰:「愆期」之志,有待而行也

六五,帝乙歸妹,其君之袂,不如其娣之袂

《象》曰:「帝乙歸妹」不如其娣之袂良也

良,月幾望,吉。

其位在中,以貴行也。

上六,女承筐无實,士刲羊无血,无攸利。

《象》曰: 上六「无實」,承虚筐也。

■ 震離 上下

豐,亨,王假之,勿憂,宜日中。

時消息,而況于人乎? 況于鬼神乎?下也。日中則昃,月盈則食,天地盈虚,與假之」,尚大也。「勿憂,宜日中」,宜照天《彖》曰: 豐,大也。明以動,故豐。「王

致刑。《象》曰: 雷電皆至,豐。君子以折獄

初九,遇其配主,雖旬无咎,往有尚。

《象》曰:「雖旬无咎」,過旬災也。

發若,吉。 六二,豐其蔀,日中見斗,往得疑疾,有孚

《象》曰:「有孚發若」,信以發志也。

蘭生深林,不以無人而不芳。君子居中而不見,知于人者也,故曰「往得疑疾」。六二處下在内,以陰居陰,如蔀屋幽塞

發其蔀而行其志矣。 履正,久幽而不變,人將信之,然後可

《象》曰:「豐其沛」,不可大事也。「折其右九三,豐其沛,日中見沬,折其右肱,无咎。

肱」,終不可用也。

豐、歸妹之《彖》先陳其善,而後釋其凶。斗」,幽不明也。「遇其夷主」,吉行也。《象》曰:「豐其蔀」,位不當也。「日中見九四,豐其蔀,日中見斗,遇其夷主,吉。

聖人之辭,至公以直善惡也。豐九四之《象》先叙其惡,而後著其吉。

六五,來章,有慶譽,吉。

《象》曰: 六五之「吉」,有慶也。

三歲不覿,凶。上六,豐其屋,蔀其家,闚其户,闃其无人,

闋其无人」,自藏也。 《象》曰:「豐其屋」,天際翔也。「闚其户,

雕 艮下

旅,小亨,旅貞吉。

以

旅之時義大矣哉!剛,止而麗乎明,是以「小亨,旅貞吉」也。《彖》曰:「旅,小亨」,柔得中乎外,而順乎

《象》曰: 山上有火,旅。君子以明慎用

刑而不留獄。

初六、旅瑣瑣、斯其所取災。

《象》曰:「旅瑣瑣」,志窮災也。

六二,旅即次,懷其資,得童僕貞。

九三,旅焚其次,喪其童僕貞,厲。《象》曰:「得童僕貞」,終无尤也。

象》曰:「旅焚其次」,亦以傷矣。以旅與

下,其義喪也。

九四,旅于處,得其資斧,我心不快。

(象》曰:「旅于處」,未得位也。「得其資

斧」,心未快也。

六五,射雉一矢亡,終以譽命。

《象》曰:「終以譽命」,上逮也。

上九,鳥焚其巢,旅人先笑後號咷。喪牛

于易,凶。

易」,終莫之聞也。《象》曰:以旅在上,其義焚也。「喪牛于

「喪牛于易」,易者,不憂險阻之謂也。《大壯》之六五「喪羊于易」,《旅》上九

異異上

巽,小亨,利有攸往,利見大人。

行,柔皆順乎剛,是以「小亨,利有攸往,利《彖》曰: 重巽以申命,剛巽乎中正而志

見大人」。

《象》曰: 隨風,巽。君子以申命行事。

初六,進退,利武人之貞。

《象》曰:「進退」,志疑也。「利武人之貞」,

志治也。

《象》曰:「紛若」之吉,得中也。九二,巽在牀下,用史巫,紛若吉,无咎。

九三,頻巽,吝。

《象》曰:「頻巽」之吝,志窮也。

六四,悔亡,田獲三品。

《象》曰:「田獲三品」,有功也。

九五,貞吉,悔亡,无不利。无初有終,先

庚三日,後庚三日,吉。

九五之「吉」,位正中也。

**\$**° 令不嚴則不行,故「先庚三日,後庚三 初有終」。庚屬西方金、金主斷。 利」。民可與樂成,難與慮始,故曰「无 令,不失其中正,故曰「貞吉,悔亡,无不 風也。隨風者,申命之象也。風爲 《巽》之《彖》曰「重巽以申命」,重巽,隨 九五之君爲號令之主,得位以行其 制號

上九,巽在牀下,喪其資斧,貞凶。 日」吉也。

《象》曰:「巽在牀下」,上窮也。「喪其資

斧」,正乎凶也。

■ 兑兑 上下

兑,亨,利貞。

《彖》曰:「兑」,説也。 民,民忘其勞。 利貞」,是以順乎天而 説以犯難,民忘其死 剛中而柔外, 説以 應乎人。説以先

之大,民勸矣哉

初九,和兑,吉。 麗澤, 兑。 君子以朋友講習。

《象》曰:「和兑」之吉,行未疑也

九二,孚兑,吉,悔亡。

《象》曰:「孚兑」之吉,信志也。

六三,來兑,凶。

《象》曰:「來兑」之凶,位不當也。

九四,商兑,未寧,介疾有喜。

《象》曰: 九四之「喜」,有慶也

九五,孚于剥,有厲。

《象》曰:「孚于剥」,位正當也。

上六,引兑。

《象》曰: 説原本缺。 上六「引兑」,未光也。案:

異坎 上下

涣,亨。王假有廟,利涉大川,利貞。 「涣,亨」,剛來 而不窮,柔得位

利涉大川」,乘木有功也。 上同。 一 王 假 有 廟」, 王乃在中 也。

《象》曰: 風行水上,涣。先王以享于帝

立廟。

初六,用拯馬壯,吉。

《象》曰: 初六之「吉」,順

九二,涣奔其机,悔亡。

《象》曰:「涣奔其机」,得願 也。

六三,涣其躬,无悔。

《象》曰:「涣其躬」,志在外也。

六四,涣其羣,元吉。 涣有丘,匪夷所思。

《象》曰:「涣其羣,元吉」,光大也。

九五,涣汗其大號,涣王居,无咎。 (象》曰:「王居,无咎」,正位也。

《涣》「利涉大川」,坎下巽上,乘木有功 禀于大夫,大夫禀于君,君禀于天子。 也。九五「涣汗其大號,涣王居,无咎」, 王者,號令之從出也。 庶人禀于士,士

> 天子至尊,出令而非受令者也,其餘 有所禀而不敢專也,故「王居,无咎」。 則

《象》曰 "「涣其血」,遠害也。

上九,涣其血,去逖出,无咎。

歩 坎 上 下

節,亨。苦節,不可貞。

《彖》曰:「節,亨」,剛柔分而 節,不可貞」,其道窮也。 説以行 剛 得 險,當位 中。

制度,不傷財,不害民。

以節,中正以通。

天地節

而四

時

成,節以

《象》曰: 澤上有水,節。 君子以制數度

議德行。

初九,不出户庭,无咎。

象》曰:「不出户庭」,知 通 塞也。

九二,不出門庭,凶。

象》曰:「不出門庭,凶」,失時 極也。

六三,不節若,則嗟若,无咎。

《象》曰:「不節」之嗟,又誰咎也?

六四,安節,亨。

九五,甘節,吉。往有尚。《象》曰:「安節」之亨,承上道也。

《象》曰:「告節,复凶,,其首爲也。《象》曰:「甘節」之吉,居位中也。

象》曰:「苦節,貞凶」,其道 聖達節,次守節,下失節。」九五正 則乖。 嚴,峻也。 行險,得節之宜也。 則不能也,故曰「當位以節」。 中,故曰「苦節,不可貞」。 故曰「不節若,則嗟若」。 險而不知説則民不親。 節者,貴于適事之宜者也,故初无咎 善也。兑,説也。 德行者,議之而後動,動 二有凶也。「君子以制數度,議 慢與乖,亂亡之道也。 知説而不知險則民不肅,知 和,易也。 三極説 不肅 而中節,然後爲 上極險而過乎 窮也 節物者,無位 而 則慢,不親 子臧 坎,險也。 是以説以 過乎 德行」, 日 中,

> 「居位中也」。 者也。九五居夫尊位,以中節物,故曰九二以陽居陰,六三以陰居陽,失夫節上,以柔成剛而不失其正,守節者也。中,中不離正,達節者也。六四以下承

**里** 兑上下

中孚,豚魚吉,利涉大川,利貞。

「利貞」,乃應乎天也。也。「利涉大川」,乘木舟虚也。中孚以與,孚,乃化邦也。「豚魚吉」,信及豚魚巽,孚,乃化邦也。「豚魚吉」,信及豚魚

緩死。 《象》曰: 澤上有風,中孚。君子以議獄 莫之害,故曰「利涉大川,乘木舟虚」也。 現于人乎? 至誠以涉險,如乘虚舟,物 脱無知之物,苟飼以時,則應聲而集,而 敗無知之物,苟飼以時,則應聲而集,而

初九,虞吉,有他不燕。

九二,鳴鶴在陰,其子和之。我有好爵,吾《象》曰:初九「虞吉」,志未變也。

「鳴鶴在陰,其子和之」,言至誠以待,物《象》曰:「其子和之」,中心願也。

與爾靡之。

無遠不應。

六三,得敵,或鼓或罷,或泣或歌。

六四,月幾望,馬匹亡,无咎。《象》曰:「或鼓或罷」,位不當也。

《象》曰:「馬匹亡」,絶類上也。

九五,有孚攣如,无咎。

《象》曰:「有孚攣如」,位正當也。

上九,翰音登于天,貞凶。

《象》曰:「翰音登于天」,何可長也!

震艮上下

小過,亨,利貞,可小事,不可大事。飛鳥

遺之音,不宜上,宜下,大吉。

《彖》曰:「小過」,小者過而亨也。過以利

吉」,上逆而下順也。 鳥之象焉。「飛鳥遺之音,不宜上宜下,大剛失位而不中,是以「不可大事」也。有飛順失位而不中,是以「不可大事」也。有飛

「不宜上,宜下」,與其過而僭上,不若過小過何? 小者,陰也,陰之過差者也。

而逼下也。

乎恭,喪過乎哀,用過乎儉。《象》曰: 山上有雷,小過。君子以行過

初六,飛鳥以凶。

《象》曰:「飛鳥以凶」,不可如何也。

也,與坤、豫之初同。困、豫皆戒于初,《小過》初六「飛鳥以凶」者,止過宜在初

六二,過其祖,遇其妣,不及其君,遇其臣,

而慮于終也。

《象》曰:「不及其君」,臣不可過也。无咎。

九三,弗過防之,從或戕之,凶。

六八

上耳, 元 序, 房 遏 遏 N 。 上 属 公 龙, 7 《象》曰:「從或戕之」, 凶如何也。

九四,无咎,弗過遇之。往厲必戒,勿用

永貞。

《象》曰:「弗過遇之」,位不當也。「往厲必

戒」,終不可長也。

六五,密雲不雨,自我西郊,公弋,取彼

在穴。

《象》曰:「密雲不雨」,已上也。

上六,弗遇過之,飛鳥離之,凶,是謂災眚。

《象》曰:「弗遇過之」,已亢也。

過之道,上之所忌,下之所疾,故「弗過陰,臣象也。九三居下體之上,而用小者,下也,遇者,得其中也。陽,君象也。君,遇其臣,无咎。」夫過者,上也,不及君,遇其臣,无咎。」夫過者,上也,不及其《小過》六二:「過其祖,遇其妣,不及其

li離下 甚也。 六弗遇過之,初與上皆過而失中之六弗遇過之,初與上皆過而失中之之道,故「往厲必戒,勿用永貞」也。上

■ 坎離 上下

既濟,亨,小利貞,初吉終亂

《彖》曰:「既濟,亨」,小者亨也。「利貞」,

剛柔正而位當也。「初吉」,柔得中也。

止則亂,其道窮也。

可象方式。 《象》曰: 水在火上,既濟。君子以思

而豫防之。

初九,曳其輪,濡其尾,无咎。

《象》曰:「曳其輪」,義无咎也。

曳輪,不速進也。濡尾,後其難也。險

已濟,故雖艱无咎。

六二,婦喪其茀,勿逐,七日得。

《象》曰:「七日得」,以中道也。

九三、高宗伐鬼方、三年克之、小人勿用。

過恭者也,故无咎。行過乎恭,非過也,

曰「弗遇過之」。 若守以爲常,則消陽

防之」,則或就戕之矣。九四以陽居陰,

《象》曰:「三年克之」,憊也。

患

繻有衣袽,終日戒。

《象》曰:「終日戒」,有所疑也。

九五,東鄰殺牛,不如西鄰之禴祭,實受

《象》曰:「東鄰殺牛」,不如西鄰之時

實受其福」,吉大來也。

上六,濡其首,厲。

《象》曰:「濡其首,厲」,何可久也!

離坎上下

未濟,亨,小狐汔濟,濡其尾,无攸利。

《彖》曰:「未濟,亨」,柔得中也。「小狐汔 濟」,未出中也。「濡其尾,无攸利」,不續

終也。雖不當位,剛柔應也。

狐者,審于濟水者也。 而陷,猶未濟也。「濡其尾,无攸利」,未 **汔**,幾也。 幾濟

一險中,而力盡不繼也。

象》曰: 火 在水上,未濟。 君子以慎辨

> 是以君子能康乂民物,而永保安榮也。 無所復爲,則又思未萌之患而豫防之, 處之以道,如是則險無不濟,功無不成, 業未成,故君子以矜慎之心,辨物之宜

初六,濡其尾,吝。

《象》曰:「濡其尾」,亦不知極也。

九二,曳其輪,貞吉。

《象》曰: 九二「貞吉」,中以行正也

六三,未濟,征凶,利涉大川。

《象》曰:「未濟,征凶」,位不當也

九四,貞吉,悔亡,震用伐鬼方,三年有賞

于大國。

象》曰:「貞吉,悔亡」,志行也。●

四者,卦體變革之際,故否、睽、未濟之

《象》皆云「志行也」。

六五,貞吉,无悔,君子之光,有孚,吉。

「《象》曰」以下九字,底本與殿本並闕,據通行本補。

既濟、未濟,反復相承也。

險難未

濟

「重きずりまますり、「て見る《象》曰:「君子之光」,其暉吉也。

下,尾也。初不知極,上不知節,皆入于明,爲物所信,則吉從之矣。上,首也。明,爲物所信,則吉從之矣。上,首也。任賢以濟難,故曰「君子之光」。光輝著五雖未濟,以柔居中,又有文明之德,能

上九,有孚于飲酒,无咎,濡其首,有孚險,其揆一也。

《象》曰:「飲酒」濡首,亦不知節也。失是。

易說卷四

七

卷 Ŧi.

司馬光

宋

是故剛柔相摩,

移、易皆效之。

日月寒暑,一往一來。

八卦相盪。

出震成艮,迭相推盪。

鼓之以雷霆,潤之以風雨。

日月運行,

《繋辭》雜記前聖及孔子解《易》之語。

上

日舒月疾,一南一北,而寒暑生焉,此皆

寒一暑。

變化之道。

乾道成男,坤道成女。

斷矣。

卑高以

陳,貴賤位矣。動静有常,

剛

柔

天尊地卑,乾坤定矣。

上下以簡帙重大,故分之。

言天地設位,則《易》已著。

知,猶主也。萬物始生者,乾之所主,終

乾知大始,坤作成物。

乾坤變化,萬物自成。

乾以易知,坤以簡能。 成者,坤之所爲也。 撰

生,易皆則之。

在天成象,在地成形,變化見矣。

象有隱見,形有死生,猝變漸化,互相推

七二

方以類聚,物以羣分,吉凶生矣。

貴賤。

天地萬物皆有卑高,故《易》之六位亦有

方,道也。道同則類聚,志異則羣分。

同則相愛,異則相惡。愛惡相攻而吉凶

卷

五

一以貫之,故曰易簡。乾言易,坤言簡。

易則易知,簡則易從。

情無幽險故易知,事不煩苛故易從。

易知則有親,易從則有功。

難知則人不親,難從則功不成。

輔之者衆故可久,日滋月益故可大。有親則可久,有功則可大。

可久則賢人之德,可大則賢人之業。

凡勝人者皆謂之賢。

勿簡而天下之理得矣。

天下之理得,而成位乎其中矣。 天下之理不能出乾坤之外。

此言聖人上觀于天,下觀于地,中觀萬

物而作《易》也。易道始于天地,終于

人事。

右第一章

聖人設卦觀象,

統衆于寡,故設卦以觀萬物之象。 聖人窮理盡性以至于命,欲立有于無

繫辭焉而明吉凶。

以爻彖之辭,明言吉凶以告。化備矣。猶未得與衆共之,故聖人復繫八卦成列,以盡天下之象,因而重之,變

剛柔相推而生變化。

無形之神理,故復以剛柔相推,極變化爻彖所言者,有形之常道,猶未足以窮

之數,而占事知來。

是故,吉凶者,失得之象也。悔吝者,憂虞

之象也。

之吉也, 得而可恥,吉中之凶也。事得之爲吉,失之爲凶。失而知悔,凶中

雖小而皆可憂虞。

天地萬物皆有消息盈虚。變化者,進退之象也。

剛柔者,晝夜之象也。

一往一來,迭爲賓主。

天地人,至極之道。 六爻之動,三極之道也。

序上下終始之序。動謂有所興爲。象而玩其辭,動則觀其變而玩其占。而玩者,爻之辭也。是故,君子居則觀其是故,君子所居而安者,易之序也。所樂

右第二章

是以自天祐之,吉无不利。

彖者,言乎象者也。

物之本體。

爻者,言乎變者也。

變化云爲。

得道則吉,失道則凶。吉凶者,言乎其失得也。

悔吝者,言乎其小疵也。

事之可憂虞者也。

位,齊小大者存乎卦, 无咎者,善補過也。是故,列貴賤者存乎

辭也者,各指其所之。咎者存乎悔。是故,卦有小大,辭有險易。辯吉凶者存乎辭,憂悔吝者存乎介,震无辯皆凶者存乎辭,憂悔吝者存乎介,震无陰幽禍惡爲小,陽明福善爲大。

右第三章

示人吉凶大,趣使人引而伸之。

易與天地準,故能彌綸天地之道。

與天地準,與天地相似。孔穎達曰:

彌綸,彌縫補合,經綸牽引也。

仰以觀于天文,俯以察于地理,是故知幽

明之故。

揆所不見,則知幽明之理一也。 天文地理皆不能離陰陽五行,以其所見

原始反終,故知死生之説。

物有始必有終,人有生必有死。

與天地相似,故不違。知周乎萬物而道濟精氣爲物,游魂爲變,是故知鬼神之情狀。

利,如此則何有過差!知周萬物,無所不知,道濟天下,無所不

天下,故不過。

旁行而不流,

旁行謂觸類而長之,不流謂既有典常。

樂天知命,故不憂。

復何憂! 知易則吉凶有命,惟天所授而樂之,夫

安土敦乎仁,故能愛。

仁者求諸己,不求諸人。安土敦仁則内介甫曰: 安土謂不擇地而安之。光謂

範圍天地之化而不過,重而外物輕,乃能自愛。

範謂則效,圍謂周徧。

曲成萬物而不遺,通乎晝夜之道而知,

知陰陽通變,反復無窮,則無所不知。

故神无方而易无體。

光謂神者言其化,《易》者言其書。韓曰: 神則陰陽不測,易則惟變所適。

右第四章

反復變化,無所不通。一陰一陽之謂道,

吉而避凶,乃能繼成其道。 易指吉凶以示人,人當從善以去惡,就繼之者善也,

成之者性也。

于其中,而莫之能知,故夫知易之君子物之于易,猶魚之于水,朝夕起居不離百姓日用而不知,故君子之道鮮矣!

七六

知則滯 爲 少 于所見, 韓 日 君子體 百姓則 日 道 用 以 而不知。 爲 用 也, 體

斯道者,不亦鮮矣乎!

顯諸仁,

曲成萬物。

藏諸用,

韓曰: 日用不知。

鼓萬物而不與聖人同憂,

振動之而无爲。

盛德大業至矣哉! 富有之謂大業,

廣大悉備。

日新之謂盛德。

其益无方。

生生之謂易,

形性相續,變化无窮。

成象之謂乾,

見乃謂象。 乾知大始。

效法之謂 坤,

> 制而用之謂之法。 坤作 :成物。

極 數知來之謂占,

錯綜其數,遂知來物。

通變之謂事,

物各居其所則无事。

陰陽不測之謂神。

可測則不爲神。

夫易,廣矣,大矣! 以言乎遠則不禦,

莫之止。

以言乎邇則静 而 Œ,

静謂寂然不動。 正謂貞夫一。

以言乎天地之間則備矣!

百物不廢。

夫乾,其静也專,其 動 也 直

陽能制陰,陰不能 制 陽,故陽之動静

得

以專直。

是以大生焉。

大可以兼廣。

夫坤,其静也翕,其動也闢,

收斂發生,和而不唱。

是以廣生焉。

廣不可以兼大。

廣大配天地,變通配四時,陰陽之義配日

月,易簡之善配至德。

子曰:「易其至矣乎!」夫易,聖人所以崇

德而廣業也。

法易簡以成久大。

知崇禮卑,崇效天,卑法地,天地設位,而

易行乎其中矣。

易所以通成知禮之功。

成性存存,道義之門。

人各有性,易能成之,存其可存,去其可

去,道義之門,皆由此塗出。

右第五章

聖人有以見天下之蹟,而擬諸其形容,

以見之,立形于無形而爲卦。 賾者,精微之極致,人莫之見,聖人必有

象其物宜,是故謂之象。

物之質性各有宜。

聖人有以見天下之動,而觀其會通,以行

其典禮,

動雖萬變,必有可會之地,可通之道。

典禮猶法度。

繋辭焉,以斷其吉凶,是故謂之爻。

幽微無形者也,故聖人立象所以謂之形合其法度則吉,違之則凶。 賾者,至理

容也。會通,交衢也。典禮,法則也。

爻者,羣動之交也。

聖人以一類萬,以要知繁,故謂之爻。

動,而不可亂也。 言天下之至賾,而不可惡也。言天下之至

有條而不紊。

擬之而後言,

擬之于《易》。

議之而後動,

擬議以成其變化。議之于《易》。

成其龍德。

不慎乎?」
「鶴鳴在陰,●其子和之,我有好爵,吾與爾「鶴鳴在陰,●其子和之,我有好爵,吾與爾,是立,況其邇者平。 言出乎身,加乎民。行發乎邇,見乎其言不善,則千里之外違之,況其邇者乎。 言出乎身,加乎民。行發乎邇,見乎」,一種之外應之,況其邇者乎? 居其室,出衛鳴在陰,●其子和之,我有好爵,吾與爾「鶴鳴在陰,●其子和之,我有好爵,吾與爾

樞機謂得失至要。言行動天地,而況鶴鳴子和,誠信發于中,無幽而不應。

「同人,先號咷而後笑。」

中直求合,同之者寡,故先憂。聖賢相

值,天下大同,故後喜。

子曰:「君子之道,或出或處,或默或語,

迹不必同。

二人同心,其利斷金。

同心之言,其臭如蘭。」 二人心同,至堅可斷,況于衆多?

志同言合,芬芳條暢。

右第六章

也以往,其无所失矣。」也。夫茅之爲物薄,而用可重也。慎斯術而可矣。藉之用茅,何咎之有? 慎之至「初六,藉用白茅,无咎。」子曰:「苟錯諸地

有用可重,可以供神明。必言初六者,見其以柔處下。「薄」言易

有功而不德,厚之至也,語以其功下人者「勞謙,君子有終,吉。」子曰:「勞而不伐,

● 「鶴鳴」,通行本此二字互乙。

也。德言盛,禮言恭,謙也者,致恭以存其

位者也。」

愈盛,禮愈恭,致恭以存其位,保其則不能保其終。「德言盛,禮言恭。」德「勞謙,君子有終,吉。」雖有功勤,不謙

富貴。

「亢龍有悔。」子曰:「貴而无位,

仁不能守,是爲无位。

高而无民,

衆心不附,是爲无民。

賢人在下位而无輔,

雖無道而有賢人爲輔,猶可以不亡。

在下位,是无輔也。

是以動而有悔也。」

守静猶愈。

「不出户庭,无咎。」子曰:「亂之所生也,則

言語以爲階。君不密則失臣,

忠臣不親。

臣不密則失身,

陷于罪戮。

幾事不密,則害成,是以君子慎密而不

出也。」

事未動而先露,則無功。

子曰:「作《易》者其知盜乎

知盜之情。

《易》曰:『負且乘,致寇至。』負也者,小人

君子之器,盗思奪之矣。

德薄位尊,必不能守。

上慢下暴,盜思伐之矣。

上暴下,皆所以致伐禍也。「上慢下暴」者,慢其上而暴其下也。慢

慢藏誨盜,

守國不謹則敵人取之,立身不謹則禍辱

乘之。

冶容誨淫,

先自敗然後人敗之。

"「負且乘,致寇至。」 盜之招也 右第七章

大衍之數五十,其用四十有九。

三,此天地人所以立也。地二天三合而 子明曰: 數兆于一,生于二,極 于

成則無生也。有生于無,終必有始,既 爲五。其一不用者,六來則一去也,既

衍之極也,故曰大衍。光謂易有太極, 有則無去矣,既終則始去矣。 五位皆十

一之謂也。分而爲陰陽,陰陽之間必有

備。 中和,故夫一衍之則三而小成,十而大 小衍之則爲六,大衍之則爲五。

者,數之母也。 之主,子爲之用,是故小衍去一而爲五 數者,一之子也。 母爲

行,大衍去一而爲揲蓍之數。

分而爲二以象兩,掛一以象三,揲之以

以象四 時,歸奇于扐以象閏

奇者,四揲之餘。 **扐者**,不用之數

五歲再閏,故再扐而後掛。

左右手之扐皆合于所掛之一。

天數五,

韓曰: 五奇也。

地數五,

韓曰: 五耦也。

五位相得 而各有合。

生成相合爲水火木金土。

天數二十有五,地數三十,凡天地之數五

十有五,

皆積數。

此所以成變化而行 鬼神也。

乾之策二百一十有六,

二十八策。 老陽一爻九揲,三十六策。 獨舉老,取其變。 少陽七揲

坤之策百四十有四,

四

八〇

二策。

凡三百有六十,當期之日。

二篇之策,萬有一千五百二十,當萬物之

數也。

是故,四營而成易,

自「分而爲二」至「歸奇于扐」,

十有八變而成卦,

三變而成一爻。

八卦而小成。 引而伸之,觸類而長之,天

下之能事畢矣。

萬物所能之事皆畢。

顯道神德行,是故可與酬酢,可與祐神矣。

右第八章

子 日 知 變化之道者, 其 知 神之所

神之所爲,變化不測,惟易能知之。

卷

Ŧī.

易有聖人之道四焉: 以言者尚其辭,

繋解以 盡言。

以動者尚其變,

君子動静效易變化。

以制器者尚其象,

若舟楫杵臼之類。

以卜筮者尚其占。

是以君子將有爲也,將有行也

爲行所以異。

問焉而以言,其受命也如嚮,无有遠近

深,遂知來物。

非天下之至精,其孰能與于此? 參伍以變,錯綜其數,通其變,遂成天地

之文。

極其數,遂定天下之象。非天下之至變, 天有三辰五星,地有三正五行。

其孰能與于此?

易无思也,无爲也,寂然不動,感而遂通天

幽

八二

夫易,聖人之所以極 下之故。非天下之至神,其孰能與于此? 深 研 幾 也。 惟 深

也,故能通天下之志。 而

達物情。

惟幾也,故能成天下之務。

幾者動之微。慮之于微,則事無

惟神也,故不疾而速,不行而至。 感而遂通天下之故。

子曰「易有聖人之道四焉」者,此之謂也。 右第九章

天一地二,天三地 四,天五地六,天七地

八,天九地十。

此天地自然之數,所 以 成變化 而行

鬼神。

子曰:「夫易何爲者也? 通天下之志,以定天下之業,以斷天下 冒天下之道,如斯 而已者也。 夫易開物 是故聖人以 成務,

「開物」專示吉凶。「成務」成天下之務。 冒天下之道」,包而有之。

是故蓍之德圓而神,卦之德方以知

韓曰: 光謂蓍未形而不 圓者運而不窮,方者止而有分。 測,故曰神, 卦已形

而變通,故曰知。

六爻之義易以貢。

發揮變化,以進于人。

聖人以此洗心,退藏于密,

洗心,滌諸邪惡,存養精明。 藏密,返于

無形。

吉凶與民同患。

豫以告之。

神以知來,知以藏往,

藏往謂不知其始,所以言往。

其孰能與于此哉! 古之聰明叡知神武而

不殺者夫?

韓 目 服萬物 而不以威刑

是以明于天之道,而察于民之故,是興 神

物,以前民用

神物謂蓍龜。 凡卜中 然後用之, 故 日

「以前民用」。

聖人以此齋戒,以神明 为其德夫·

韓曰: 洗心日 齋, 防 患日 戒。 光謂

德

盛則合于神明。

是故闔户謂之坤

坤主收斂。

闢户謂之乾。

陽發生也。

闔 闢謂之變,往來不 窮謂之通。

見乃謂之象,

防象可見而未有形。

形乃謂之器

形質已定,各有常分。

制而 用之謂之法

> 利用出 各守其分,不相爲用,故聖人制而用之。 人,民咸用之,謂之神。

出外人内,無所不用,而百姓不知,故謂

之神。

右第十章

象生八卦,八卦定吉凶,吉凶生大業。 是故易有太極,是生兩儀,兩 敵。 也。 陰陽判也。 陰陽混 九八六,卦之端也。 凡物之未分,混而爲一者皆爲太 「易有太極」,極者,中也,至也,一也。 四象」,陰陽復分老少 兩儀」,儀,匹也,分而爲二,相爲匹 兀 「大業」,富有萬 萬物皆備,大業成也。 也。 一,化之本 太極,天也。 四象者何? · 原 八卦既形,吉凶全 也。 象。 而爲二,相爲匹 乾坤, 老少分也。 儀生四象, 太極者何? 兩 極,中也。 儀者何? 日月也 極。 敵。 七 四

八四

伯也。 或問 也。 國 然在 則無 六十 坤, 也 六旬有六日 四 夫宫者, 離之則 四 四 [方也。 也。 卦 象 寒暑也。 矣。 应 土木 太 六十四 土木者,堂墉棟宇也。 太 列 五 無 極 極 衆 四 宿 宫 土木之爲 八卦, 矣。 爻, 象, 有形 諸 地 也。 也 何謂 也。 卦,十二月 侯 也。 四象,四 都邑也。 四 雖然,合而言之,則宫 無形。 也。 衆 九州也。 也 岳 太極, 乾坤,山 爻, 卦, ? 也。 也。 衆爻, 一 時 十二 三百六 日: 王也。 也。 太極, 也。 六十四卦, 澤也 卿大夫士 卦, 舉堂墉 辰 衆爻,三 請 合之則 八卦,八節 木 十有六度 歲 也 州 以宫 乾坤, 則 也。 牧 四 無 棟 六 也。 喻 有, 也。 白 萬 巍 宫 宇 +

伸之, 者, 觸 也 類而長之,則算不能勝也, ,物之合也 ,數之元 也。 引

而

極

四 成,不 以 則 正而 矣 邪 剛 行。 太極 也,其至矣乎 者,德之府。 五 掊 不 一天下 天下之道誠多矣,而 哉 以 百 ,其爻三 蔽之,曰 而無中正則暴以亡,有柔而無中 能 凶者,其惟 圃 則不 以中 何? 消。 聚之, <u>-</u> +, 故天下之德誠衆矣, 盡 同 思 也 歸 剛者抑之,柔者掖之,不 而 Ė 嗚 ·成 百八十有四, ^ 思 歸 未 ∭ 得 口 也。 書》 呼 中正者,道之津。 中正 諸一,析 殊 始 無 不 不ト 剛 又曰: 有 塗, 孔子 邪。」《易》之卦六十有 曰「沈潛剛 能 中正之于人 柔 極 乎 宣 相 圃 也 1 會于中正 而 曰:「中庸之爲 也 致而百慮」, 「《詩》三百, 戾, 中, 得之則吉,失之 散之,萬有一千 剛, 而萃于 心 陰 非 不筮 克,高 陽 不 夏也。 中 也, 相違 能 剛 正 是 而 窮 非 慮 其 明 則 故 剛 柔 IF. 非非 古。 也 德 柔 柔 中 厚 則 有 不 而

謂道? 忠信。 凶,行而不以德則偏,德而不以道則隘。 以濟行,道以 日: 四者兼足,謂之聖人。 聰明强 中,春 티 : 何謂德? 勇。 濟德,是故才而不以行則 也。 遠大高深。 何謂 正,秋也。 曰: 行? 中和正 行以濟才,德 日: 何謂才? 直。 孝 何 友

無頗。 陰陽之治,無少無多, 盛則陽微。 醇 陰陽不相讓,五行不相容, 一而已。 而 五行不雜,中也。 尸之者其太極乎? 火進則木退,土興則 陽盛則陰 五行之守,無偏 故太極之德 正也。 水衰。 微,陰 陽

凶,成天下之亹亹者,莫大乎蓍龜。人,探賾索隱,鉤深致遠,以定天下之吉備物致用,立成器以爲天下利,莫大乎聖縣象著明莫大乎日月,崇高莫大乎富貴,是故法象莫大乎天地,變通莫大乎四時,

使人去凶就吉。天下利」,謂法度也。「亹亹」,勉勉也,用」,蕃育萬物以爲人用。「立成器以爲「富貴」,富有四海,貴爲天子。「備物致

是前子是, 子人民人。 香辛香, 子人市人。 人效之。 天垂象, 見吉凶, 聖人象之。 河上圖, 洛出書, 聖人則之。 天地變化, 聖是故天生神物, 聖人則之。 天地變化, 聖

右第十一章

言不盡意。然則聖人之意,其言有不可書者。

不

口

見乎?」

意有不可言者。

子曰:「聖人立象以盡意,

象能盡言外之意。

設卦以盡情僞,

繋辭焉以盡其言, 盡萬物之情僞。

盡羣言之要。

變而通之以盡利, 若「冥豫、成有渝、无咎」。

鼓之舞之以盡神。」

乾坤,其易之緼邪?

**緼,聚也。** 陰陽者,易之本體,萬物之

所聚。

乾坤成列,而易立乎其中矣。

變而通之。

乾坤毁,則无 以見易。 易不可見,則乾坤

或幾乎息矣。

言更相爲用。

是故形而上者謂之道,

無形之中自然有此至理,在天爲陰陽

在人爲仁義。

形而下者謂之器,

有形可考,在天爲品物,在地爲禮法。

化而裁之謂之變,推而行之謂之通,

爲氣節,在人爲明哲。

物久居其所則窮,故必變而通之。

在天

舉而錯之天下之民謂之事業。

易道既成,施之天下則爲聖人之事業。

其形容,象其物宜,是故謂之象。 是故,夫象,聖人有以見天下之賾,而擬諸 聖人有

明之存乎其人, 化而裁之存乎變,推 下之賾者存乎卦,鼓天下之動者存乎辭, 繋辭焉,以斷其吉凶,是故謂之爻。 以見天下之動,而觀其會通,以行其典禮, 而行之存乎通,神而 極天

## 卷

宋 司馬光

天地之道,貞觀者也。

以正道示之。

日月之道,貞明者也。

天下之動,貞夫一

于文,一止則爲正。

者也。

夫乾,確然示人易矣。夫坤,隤然示人

簡矣。

剛柔相推,變在其中矣。

極其變也。

因而重之,爻在其中矣。

羣爻大備,曲盡無遺。

八卦成列,象在其中矣。

下

萬物之象以備。

守夫至正故也。

爻也者,效此者也。象也者,像此者也

此效像天地之正道。

以不見爲内。

爻象動乎内,吉凶見乎外,

功業見乎變,聖人之情見乎辭。

剛柔者,立本者也。

不動則無得失。

吉凶悔吝者,生乎動者也。

繁辭焉而命之,動在其中矣。

效天下之動,因辭而後明。

撰

變通者,趣時者也。

材性有分。

時異事變。

吉凶者,貞勝者也。

正則吉凶不能動矣,故易道貴之。

八八

天地之大德日生,

日新。

聖人之大寶 曰位,

非位不能濟物。

何以守位曰仁,

人心歸之,乃能保富貴。

何以聚人曰財,

韓曰: 財所以資物生。

三者皆當斷之以義。 理財正辭,禁民爲非曰義。

右第一章

古者包犧氏之王天下也,仰則觀象于天,

成象之謂乾。

俯則觀法于地,

效法之謂坤。

見身状之文,民也之交治之言士

鳥獸之文若的顙黔喙之類,地之宜若剛觀鳥獸之文,與地之宜,

鹵之類。

近取諸身,遠取諸物,于是始作八卦,以通

神明之德,以類萬物之情。

情雖萬端,而聚之不過健、順、動、人、

麗、陷、止、説。

作結繩而爲罔罟,以佃以漁,蓋取諸離。

包犧氏没,神農氏作,斵木爲耜,揉木爲

耒,耒耨之利,以教天下,蓋取諸益。

而退,各得其所,蓋取諸噬嗑。

日中爲市,致天下之民,聚天下之貨,交易

神農氏没,黄帝、堯、舜氏作,通其變,使民

不倦,

法久必弊,爲民厭倦。

神而化之,使民宜之。

變而民莫之知。

易窮則變,變則通,通則久,是以「自天祐

之,吉无不利」。

聖人守道不守法,故能通變。

乾坤。 黄帝、堯、舜垂衣裳而天下治,蓋取諸

通,致遠以利天下,蓋取諸涣。 刳木爲舟,剡木爲楫,舟楫之利,以濟不

取諸涣,取其木在水上。

諸隨。 跟牛乘馬,引重致遠,以利天下,蓋取

重門擊柝,以待暴客,蓋取諸豫。

断木爲杵,掘地爲臼,臼杵之利,萬民以取諸豫,豫,怠也,柝以警怠。

濟,蓋取諸小過。

下止。 取諸小過,虞仲翔曰: 取其上動而

下,蓋取諸睽。 弦木爲弧,剡木爲矢,弧矢之利,以威天

右第二章

上棟下字,以待風 古穴 下,大壯之象也 取 風雨,動物 諸 睽, 居 而 取 野處,後世 其 也 先 違 雨,蓋取諸大壯 風 而 雨 後利 動于上,棟宇健 聖人易之以 宫

于

諸大過。 樹,喪期无數,後世聖人易之以棺槨,蓋取古之葬者厚衣之以薪,葬之中野,不封不

象也。人于土,而生者之情得以夷懌,大過之人于土,而生者之情得以夷懌,大過之巽,木也,入也。兑,説也。棺槨衛死者

官以治,萬民以察,蓋取諸夬。上古結繩而治,後世聖人易之以書契,百

是 與結繩爲識 可 契者,要約 非 知 ,故聖人作爲書 立決, 夬之象也。 也。 而已。其後 古之要約未 契。 浸相 書 契既明,則 欺背,亂不 有 文 字,

是故,易者,象也。

立象以盡義。

象也者,像也。

擬諸其形容。

彖者,材也。

各言其本質。

爻也者,效天下之動者也。

也。何謂動? 動者,感物之情也。舉措隨時。何謂材? 材者,天賦之分

是故吉凶生而悔吝著也。

吉凶悔吝生乎動。

陽卦多陰,陰卦多陽,其故何也? 陽卦

奇,陰卦耦。

陽卦奇,一奇二耦,凡五。陰卦耦,一耦

二奇,凡四。

也。陰二君而一民,小人之道也。 其德行何也? 陽一君而二民,君子之道

陽一君而二民,以寡御衆, 陰二君而

一民,無常心。

而百慮,天下何思何慮?「天下何思何慮?」天下同歸而殊塗,一致《易》曰:「憧憧往來,朋從爾思。」子曰:

至,所謂物至而人化物也。天下何思何至,所謂物至而人化物也。天下何思何不足爲之累。儻以往來動其心,則夫物不足爲之累。儻以往來動其心,則夫物極憧憧,心動貌。朋,類也。夫得喪往來,

慮,皆正夫一。

蛇之蟄,以存身也。相感而利生焉。尺蠖之屈,以求信也。龍推而歲成焉。往者屈也,來者信也,屈信生焉。寒往則暑來,暑往則寒來,寒暑相日往則月來,月往則日來,日月相推而明

皆因屈以致信。

精義入神,以致用也。

聖人虚一以静,存誠素至,故能精義人

公 易 説

過此以往,未之或知也。 利用安身,以崇德 窮神知化,德之盛也。」 言此聖人之極致。 先治其本。 神 以致其治世之用。

知化謂修己以安百姓。 右第三章

辱。 死期將至,妻其可得見耶?」 見其妻,凶。」子曰:「非所困 非所據而據焉,身必危。 曰:「困于石,據于蒺藜,入于其宫,不 而 既辱且危, 困焉,名必

不利。」子曰:「隼者,禽也。弓矢者,器也。 易》曰:「公用射隼于高墉之上,獲之,无 所有也。「不見其妻」,失其配 藜」,不度德而居人上。 困于石」,不量力而犯强敵。 「人于其宫」,已 輔。 「據 于蒺

> 語成器而動者也。」 何不利之有? 射之者,人也。 動而 君子藏器于身,待 不括,是以出而 時 有 而 動

也。《易》曰「屨校滅趾,无咎」,此之謂也。 勸,不威不懲。小懲而大誡,此小人之福 子曰:「小人不恥不仁,不畏不義,不見利不 止之于下。 惡,使人戒懼,不至于大。「屨校滅趾」, 小人之情盡如是,小懲而大誡。懲其小

可解。 善 傷 小人以小善爲无益 而 不積不足以成名,惡不積 弗去也,故惡積 《易》曰:『何校滅耳,凶。』」 而弗爲 而 不 可 也,以小惡爲无 掩,罪大而不 不足以 滅身。

者也; 子曰: 而 不忘危,存而不忘亡,治而不忘亂,是以 「危者,安其位者也, 亂者,有其治者也。 亡者,保其 是故君子安 存

終不能聽,故曰「滅耳凶」。

積惡貫盈,不得不誅。

或先告以禍敗

九二

繁于苞桑。」」

餗,其形渥,凶。』言不勝其任也。」任重,鮮不及矣。《易》曰:『鼎折足,覆公子曰:「德薄而位尊,知小而謀大,力小而桑之爲物,深根而難拔。 叢生曰苞。

承輔非才,覆敗美實,其形沾漬,喪國

亡家。

子曰:「知幾其神乎!

除惡于未萌,銷禍于未形,身安而後國

治,百姓莫知其所以然。

君子上交不諂,下交不瀆,其知幾乎?

諂上濱下,亂之所由生也。

幾者,動之微,吉之先見者也。

吉下脱凶字。

石,不終日,貞吉。」介如石焉,寧用終日?君子見幾而作,不俟終日。《易》曰: 『介于

夫之望。」

見幾而作,戒在不正,故曰正吉。「萬夫

之望」,衆人望之以爲表。

意夏·记氏再字记言。 未嘗不知,知之未嘗復行也。《易》曰:『不子曰:「顔氏之子,其殆庶幾乎? 有不善

遠復,无祇悔,元吉。」

曰: 祇,大也。「庶幾」,庶幾近于道。「无祇悔」,

韓

生。《易》曰:「三人行則損一人,一人行則天地絪縕,萬物化醇。男女構精,萬物化

得其友。」言致一也。

雖志在于益而不免于損,故聖賢相遇,并進,或哲或愚,莫知適從,無以致治,天地男女,皆一陰一陽相匹敵也。三人

一人足矣。

衆附身安,乃能兼人。 子曰:「君子安其身而後動,

易其心而後語,

卷

六

斷可識矣。

君子知微知彰,

知柔知剛

萬

彼 不 我疑,言則見信

子曰

乾坤,其

易之門邪?」乾陽物

也

坤,陰物也。

陰陽合德,

丽

剛

柔有體,

以體

天地之撰,以通神明之德

定其 交而後求,

施恩 德,無求不 獲。

君子修此三者,故全也。

無失。

危以動,則民不與也,

身不能自安,他人其誰附之?

懼以 也。 語,則民不應也, 无交而求,則民不

欲望人之施,人誰與之哉! 者,恩相往來之謂也。 審其所以適人,知人之所以求 己無施 于人, 我。 而 交

莫之與,則傷之者至矣。

忿其貪妄。

易》曰:「莫益之, 或擊之,立 心 勿

恒、凶。」

戒其立心勿以貪得爲常。 右第四章

澤。 也。 也 者,事之津,物之衢也,所以貫 也,止者皆艮也,説者皆兑也。 之健者皆乾也,順者皆坤也, 乾不專于天也,坤不專于地也。 健之枝也。 爲日月,散爲水火,鼓爲 之陽者皆爲乾,陰者皆爲坤。 爲體撰故 而成六子。六子者,非他 柔有體」,交錯而成衆卦,然其 易之門」,易由此出。 一,人者皆巽也,陷者皆坎也,麗者皆離 乾,健也。 乾坤者,陰陽之祖也。 也。 入、麗、説者,順之體也。 坤,順也。 乾陽物, 坤陰物, 「乾坤合 雷風,流爲 動、險、止 也,乾坤之雜 陰陽之精騰 動者皆震 剛 乾坤相 夫八 凡萬 柔 凡事物 德 而 各 而 全 夫 山 自 雜 物 圌

其稱名也,雜而不越。于稽其類,其衰世

之意耶?

有倫理,不相逾越。「衰世之意」,世衰「雜而不越」,雜舉事物以名其卦,而皆

則憂患多。

夫易,彰往而察來,而微顯闡幽,

闡之。「微顯闡幽」者,微其顯,闡其既兆爲往,未至爲來。顯者微之,幽者

幽也。

開而當名,辨物正言,斷辭則備矣。

断辭謂彖也。開釋義類,當其卦名,辨

其爻物,正言其吉凶。

文,其言曲而中,其事肆而隱。因貳以濟其稱名也小,其取類也大。其旨遠,其辭

**声謂不可爲典要。** 

民行,以明失得之報。

易更三聖,然後能極深。易之興也,其于中古乎?

作《易》者,其有憂患乎?

有憂患則慮事深。

井,德之地也, 異,德之制也。修也, 益,德之裕也, 困,德之辨也,復,德之本也, 恒,德之固也, 損,德之是故,履,德之基也, 謙,德之柄也,

窮而通,井居其所而遷,巽稱而隱。而不厭,損先難而後易,益長裕而不設,困履和而至,謙尊而光,復小而辨于物,恒雜

九五

易」,韓曰: 微 不移,而能遷其施 所,亨。 「井居其所而遷」,韓曰: 患,故後易。 事倫之極致。 而 和 辨之,不遠復也。 而至」,禮之用 「困窮而通」,困而 刻損以修身,故 「復小而辨于物」,韓曰: 和 爲貴。 「損先難 先難, 至者,言 不失其 丽 井居 無 後

辨義,巽以行權。德,損以遠害,益以興利,困以寡怨,井以履以和行,謙以制禮,復以自知,恒以一

右第六章

易》之爲書也不可遠,

道不可須臾離。

常,剛柔相易,爲道也屢遷,變動不居,周流六虚,上下无

内使知懼, 内使知懼, 一人《易》之六位,剛柔迭居,二有君上用 以傳, 一人《易》之六位,剛柔迭居,二有君上用 以傳, 一人《易》之六位,剛柔迭居,二有君上用 八人《易》之六位,剛柔迭居,二有君上用

以爲質也。

600

《易》以窮物之終始爲本質。

六爻相雜,惟其時物也。

時異事殊,吉凶不同。

其初難知,其上易知,本末也。初辭擬之,

卒成之終。 若夫雜物撰德,辨是與非,則

非其中爻不備。

「雜物撰德」,錯綜時物,數其德行。中

爻謂二至五。

噫! 亦要存亡吉凶,則居可知矣。知者

觀其彖辭,則思過半矣。

彖統卦德。

右第七章

二與四同功而異位,其善不同,二多譽,四

多懼,近也。

「同功」,韓曰: 同陰功也。「多懼」,韓

曰: 逼近君,故多懼。

柔之爲道,不利遠者,其要无咎,其用柔

六

中也。

利,其要在于隨時適宜,不犯于咎,以中柔之爲道,或以近而多懼,或以遠而不

爲用而已。

之等也。其柔危,其剛勝邪? 三與五同功而異位,三多凶,五多功,貴賤

六者非它也,三才之道也。 道焉,有地道焉。兼三才而兩之,故六。 《易》之爲書也,廣大悉備,有天道焉,有人

三才各有陰陽。

道有變動,故曰爻,

爻以效三才之變動。

爻有等,故曰物;

上下剛柔,各有貴賤,等級不同,以象

萬物。

物相雜,故曰文,

剛柔相雜,然後成文。

文不當,故吉凶生焉。

九七

或承或乘,有愛有惡。

「其辭危」,惡直醜正,實繁有徒。「易者懼以終始,其要无咎,此之謂易之道也。使平,易者使傾。 其道甚大,百物不廢。當文王與紂之事邪? 是故其辭危。危者易之興也,其當殷之末世,周之盛德邪?

事知來。

名」,福莫長于無禍。

使傾」,韓曰:

易,慢易也。

「其要无

乾健坤順,各守一德,以生萬物,故曰易夫坤,天下之至順也,德行恒簡以知阻。夫乾,天下之至健也,德行恒易以知險。

僞不能逃,故知險阻也。

簡。

然探賾索隱,鉤

深致遠,萬物之情

成天下之亹亹者。

能説

諸心、能研諸

侯之慮,定天下之吉凶

王輔嗣《略例》曰「能研諸慮」,則「侯之」

是故變化云爲,吉事有祥。象事知器,占之,知得失之有報,故審而行之。

來之驗也。 其象事則知制器之方,玩其占事則覩方 化云爲者,行其吉事則獲嘉祥之應,觀 化云爲者,行其吉事則獲嘉祥之應,觀 ,以卜筮者尚其占。韓曰: 夫變

天地設位,聖人成能。

地之能。
地之能。
聖人教而治之,以成天天地能示人法象而不能教也,能生成萬

人謀鬼謀,百姓與能。

八卦以象告,故舉無不當。能如是者則百姓與之。謂聖人謀之於人,謀之于鬼,以考失得,謂聖人謀之於人,謀之于鬼,以考失得,

示以吉凶之象。

爻彖以情言,

言其失得之情。

各居其所而不相交,則無吉凶。剛柔雜居,而吉凶可見矣。

變動以利言,

韓曰:變而通之以盡利。

吉凶以情遷。

恃吉而驕怠則凶,畏凶而戒慎則吉,故

日以情遷。

而不相得則凶,或害之,悔且吝。吝生,情僞相感而利害生。凡易之情,近是故愛惡相攻而吉凶生,●遠近相取而悔

攻猶取也。

辭寡,躁人之辭多,誣善之人其辭游,失其將叛者其辭慙,中心疑者其辭枝,吉人之

辭慙者不能隱其實,辭枝者一左一右,守者其辭屈。

者必苟巧飾,辭屈者内無主。辭寡者敏于行,辭多者急求人知,

右第九章

説卦

發揮于剛柔而生爻,和順于道德而理于蓍,參天兩地而倚數,觀變于陰陽而立卦,昔者聖人之作《易》也,幽贊于神明而生

故易六畫而成卦。分陰分陽,迭用柔剛,敢易六畫而成卦。分陰分陽,迭用柔剛,剛,立人之道曰仁與義。兼三才而兩之,是以立天之道曰陰與陽,立地之道曰柔與昔者聖人之作《易》也,將以順性命之理,

之中也。以物言之,則陽也,陰也,太極三才者,天,陽也,地,陰也,人者,陰陽

● 「攻」,原誤作「攷」,據殿本、通行本改。

九九

義,窮理盡性以至于命。

復有 天下之能事 位言之, 也 陰 以 陽焉,故因 事言之,則始也,壯 則 下也 華矣。 一,中 而 也, 重之,以 上也。 也 爲六爻,而 一,究 三才之中 也。 以

易逆數也。射,八卦相錯。數往者順,知來者逆,是故天地定位,山澤通氣,雷風相薄,水火不相

藏之。 之,艮 雷以動之, 以止之, 兑以説之, 乾 風 以 散之, 雨 以 潤之, 以 君之,坤 日 以 以 脜

帝出 明 也。 萬物出 説言乎兑,戰 也 乎震,齊乎巽,相 齊 萬物皆相見,南方之卦 也 乎震,震東 者,言萬物之潔齊 乎乾,勞乎坎,成言乎艮 方也。 見乎離, 齊乎異,異 也 也 致 役乎 離也者, 聖 (東南 人 坤 南

> 勞卦 也,故曰 艮,東北之卦也。 陰 言乎 陽 也者,妙萬物而爲言者也 兑。 相 也,萬物 溥 「成言乎艮」。 也。 戰 之所歸也,故 坎 乎乾 者水 萬物之所成終 三,乾, 也,正 西 曰「勞乎坎」。 北 北 動 之卦 方之卦也, 而 萬 所 物 也 成始 者 莫

火相 潤 神 熯 化,既成 疾 乎火, 乎雷 乎水,終 逮,雷風 萬物也。 撓萬 説 萬物始萬物者莫盛乎艮。 萬 不 物者莫説 物者莫疾 相悖, Ш 乎澤, 乎風 澤通氣, 潤 燥 然後 萬 萬 物 物 能 者 者 故 莫 莫 水

乾,健 離爲 乾爲馬, 坎,陷也 雉 也 艮 坤 離,麗 爲 坤, 爲狗,兑爲羊。 牛, 順 震爲 也。 也。 艮, 龍 震, ,異爲 止也。 動 也 雞 兑,説也。 , 坎爲 巽,人也

乾爲首 離爲 乾,天也,故稱乎父。 目 ,艮爲手,兑爲 ,坤爲腹,震爲足,巽爲 口。 坤, 地 也 一, 故 股, 稱 坎 乎 爲 母 耳

坤一。

兑,正秋也,萬物之所説也,故曰

「説

也

者

地也,萬物皆致養焉,

故

日

「致

役

平

面

丽

聽

天下, 嚮明

IIII

治、蓋取

諸

此

也

坤

于人也,爲寡髮,

爲

廣顙,爲

多白

眼

爲

近

中男。 故謂之少女。 索而得男,故 震 女,故謂之長女。 索而 離再索而 得男,故謂之長男。 謂之少男。 得女,故謂之中女。 坎再索 兑三索而得女. 而 得男,故 異一索而 艮三 謂之 得

馬,爲駁馬,爲木果。寒,爲冰,爲大赤,爲良馬,爲老馬,爲瘠乾爲天,爲圜,爲君,爲父,爲玉,爲金,爲

于地也爲黑。爲子母牛,爲大輿,爲文,爲衆,爲柄。其爲子母牛,爲大輿,爲文,爲衆,爲柄。其坤爲地,爲母,爲布,爲釜,爲吝嗇,爲均,

上

槁

于稼也,爲反生。 也,爲善鳴,爲馽足,爲作足,爲的 子,爲決躁,爲 震爲雷,爲龍,爲玄黄,爲旉,爲大塗,爲 白,爲長,爲高,爲進退,爲不果,爲臭。 (爲木,爲 風, 爲 蒼筤竹,爲萑 其究爲健,爲蕃 長 女、爲繩 華。 直,爲工 鮮 其 頼。 于馬 其 其 長

> 兵。 利 爲通,爲月,爲盜。其于木也,爲堅多 卦,爲赤。 其于人也,爲加 坎 離爲火,爲日,爲電,爲中女,爲甲胄,爲戈 下首,爲薄蹄,爲曳。其于輿 爲 市三倍。 爲贏,爲蚌,爲龜。 其于人也,爲大腹。 水,爲溝瀆,爲隱伏,爲 其于馬 其究 憂,爲心 爲 也, 躁 卦。 爲美脊,爲 病,爲 其于木也,爲 爲乾卦,爲鼈,爲 矯 也,爲多眚, 輮 耳 呕 痛 爲 八爲血 心 Ľ, 弓輪 科

中矣。 坎,北方也,陰之極 日 變化之本原也 陰生其中 坎 陽 者,至陽之精也 也 離,南方也, 而 矣。 爲月, 故坎 離 陰 陽之極 也。 離者,陰陽之交際, 月 也 者,至陰之精也 丽 陰 爲 極 也。 日 則 陽 陽 何 生 極 也 工 則

艮爲 爲 閽 山 ,爲徑路,爲小 爲指、爲狗、 爲 石, 鼠 爲 門 爲 闕,爲 黔 喙 之 果 蓏

其于木也,爲堅多節。

附決。其于地也,爲剛鹵。爲妾,爲羊。兑爲澤,爲少女,爲巫,爲口舌,爲毀折,爲

#### 序 卦

者, 蒙。 以 故 飲 者, 故受之以 養 故受之以 有天 履。 不可 受之以 也,故受之以 食必有訟,故受之以 萬 物之始 地 蒙者,蒙也,物 物, 必歸焉,故受之以大有。 也。 以 履 , 然 故 比。 師。 終否,故受之以 小 而 物 後 受之 生 畜。 泰 不可 萬物 也 比 然後 師 需。 2者,比 者,衆 物 以 以終通,故受之以否。 生焉。 之稺 物 安,故受之以 畜然後 屯。 需者, 生 訟。 也。 也 也。 必 屯 同人。 盈天 者, 有禮,故受之 飲食之道 比 衆 訟 物 必 必 必 稺 故受之 地 盈 有大 有所 有衆 有 與 之間 泰。 不可 也 所 人同 比 起 畜 也。 以 不 屯 者

> 坎者 以頤。 以觀 盡剥, 以賁。 嗑者, 離 之以大過。 故受之以大畜。 矣,故受之以无妄。 臨。 豫, 故受之以剥。 蠱 隨 不 者 者 可 故受之以豫。 臨者, 以 以 麗 陷 合也。 窮上反下,故受之以 事也。 賁者, 可觀 喜隨 頤者,養也。 盈 也 也 大也。 故 而後 物不可 飾也。 人者必有 物不可 陷 有事 受之以 剥者, 必 物 有所合,故受之以噬 物大然後 有所 以 豫 而後可 畜然後 致 不養則 以苟合而已,故受之 剥也。 有无妄,然後 謙 終過,故受之以 必 飾 事, 麗,故受之以 有 然後 復。 有 隨 故受之以 大,故受之以 不 可養,故受之 可觀,故受之 物 大 可 亨則盡矣。 不可 故受之以 復則不妄 圃 動,故受 能 可 以 謙 坎。 離 蠱 嗑 必

有 有男女然後有夫婦, 天 地 然 後 有 萬 物, 有夫婦 有 萬 物 然 然 後 後 有 有 父子, 男 女,

緩必 以 以 困 之以萃。 益 不 乖 家 也。 進 不可 也。 不可 有 有 可 が道 夬。 必 受之以 ,故受之以益。 必 E 不 父 以 有所失,故受之以 有難,故受之以蹇。 以 以 困 久 下 子 窮 傷于外者必 有 物 夬者,決也。 姤者, 然 終壯 不 久 也 然 乎上者 終 必 所 升。 萃者, 難, 乖, 居 後 後 ,故受之以 可以終遯,故受之以 傷 禮 有 其所,故受之以 ,故受之以晉。 遇 ,故受之以 故受之以 故受之以 。 必 升而不 君 義 也 聚 反其 反 有 臣 0 也。 益 下 所 物 決 加 恒。 有 錯。 家,故受之以家人。 已必 相 必 聚 不 君 損。 睽。 故受之以井。 解。 明夷。 有 蹇者,難也。 而 遇 已必決,故受之 恒者, 臣 夫婦之道不 困,故受之以 上 mi 所遇,故受之 睽者, 遯。 然 損 晉者,進 解 者謂之升, 後聚,故受 者,緩 後 丽 大壯。 久也。 夷者,傷 遯者, 有 不已必 乖 上 也 也 也。 下 物 井 可 退 物

> 之以 以兑。 其 受之以 以 以 其居,故受之以 故 所 終止,故受之以 道 之,故受之以艮。 鼎,故受之以 之以震。 震者, 必 信 涣。 巽。 受之以豐。 歸,故受之以 不 節。 濟 者 叮 巽者,人也。 兑者, 未濟,終焉。 必 涣者 ,故受之以既濟。 不 節 行之,故受之以 革, 而 離 説 鼎 故 豐者,大也。窮大者必失 信之,故受之以 也 旅。 漸。 也 歸 動 受之以 妹。 艮者,止也。 也。 主器者莫若長子, 漸者, 説 人而後 旅 物 而後 不 而 物不可以終動, 得其所歸者必 革。 可 無 小過。 進 不 以 散之,故受之 説之,故受之 所容,故受之 革 也。 終離, 可 物 中孚。 窮也 進必 者 有 不 過 故 可 故 莫 有 有

## 雜 卦 傳

乾剛坤柔,比樂師憂。 臨觀之義,或與或

求

原本缺。

也。 起也。 ,時也。 輕而豫 **兑見而巽伏** 屯 艮,止也。 丽 怠 无妄災 不 也。 失 也。 其 也。 損益 噬 嗑, 居。 隨,無故 萃聚而升不來也。 盛衰之始也。 食也。 蒙 雜 丽 也。 賁, 无色 著。 則

明夷,

誅也。

井通

圃

困

相遇

也。

咸,

飭

也

剝 ,

爛

也。

復,反

也。

晉,

0

謙

畜

緩

也。

蹇, 難

也。

睽,外也。

家人,

内

也。

也。

恒,久也。

涣,離

也。

節,止也。

鼎,

取

新也。

小過,

過

也。

中孚,信也。

多

故也。

親

寡,旅

也。

離

圃

坎下

大

有,

衆

也。

同

人親

也。

革,

去

故

也。

否、泰,反其類也。

大壯則

止

遯則退

也。

柔遇

剛

也。漸,

女歸待男行也。

頤,

養正

也

既

定

也。

女之終

也。

男之窮

也。

夬,決

也,剛

决

柔

也。

也。

訟,不親也。

大過,顛

也。

姤,遇也。

也。

寡

也。

履,

不處

也。

需,不進

易説 卷六 子道長 小 道 憂 也 案 序 桂 説、 雜 卦

> 説 並

0

四

卷九,又略見胡

震

《周易衍義》卷五,沈起元《周易孔義

# 温公易説佚文

《隨》六三: 利居貞。 得。 日 : 之階,小者之戇則有危亡之則,《易 忘患,自其心矣,而獨以所從爲禍福,故 得。」顧謂弟子曰:「善驚以遠害,利食而 問之曰:「大雀獨不得,何也?」羅雀者 也。昔孔子見羅雀者所得皆黄口 君子謹其所從。以長者之慮則有全身 三无中正之德而不凶者,所隨 :『係丈夫,失小子。』」(王宗傳《童溪易傳 「大雀善驚 黄口從大雀則不得,大雀從黄 《象》曰:「係丈夫」,志舍下也。 係丈夫,失小子,隨有求得 而難 得,黄口貪 食 得其人 口 圃 亦 易

> 大過》上六: 之。(馮椅《厚齋易學》卷十六《易輯傳》十二) 謂不可咎,言不救之於早,至此无及也。 咎,救之於三則已橈而凶。 欲救之,何嗟及矣! 滅木之澤,淫滔甚矣,而本爻不剛,无利 至於滅頂,自取其凶,何所咎也? 凶者,无舟楫而 猶滅之,人鳥可過涉以求濟哉! 上卦可知。 棟已橈矣,宜拯之於蚤也。 涉之材,至於滅頂,宜其凶。大過之世 一之畫 有人居澤中滅頂之象,故於上一爻發 畫奇,人之身也。初畫 耦, 兑之澤也。澤,陰水也。 澤之滅木,猶棟之橈也。木 過涉滅頂,凶,无咎 馮 河者也。 故藉之於初則无 一耦,足也。 。 下 桂 迨其傾摧而 澤溢於上, 如此, 孔子 過涉 中

一〇五

九二「利貞」,中以爲志也。

利貞,征凶。

弗損,益之。

附

耳。(魏荔彤《大易通解》卷八) 祇作弗損于上,言恐謀利之巧宦藉口損民而有益于國也,故弗損益之。 爻辭天下財利有數,不在上則在下,未有不

下,蓋取諸《隨》。《繋辭下》: 服牛乘馬,引重致遠,以利天

十九〉《周易會通》卷十三,又略見沈起元《周易孔義集説》卷服牛乘馬,附物而行,隨之象也。〈董真卿

#### 易

说 (存目,見《張載全集》)

[北宋] 張 載撰

### 伊 川易傳

(存目,見《二程全書》)

[北宋]程 頤

撰

# 漢上易傳

〔南宋〕朱 震 撰

目 録	<b>周易上經泰傳第二</b> 五四	履 四九	小畜 四五	比 四一	師 三六		需 二人	蒙 二四	屯 一九	坤	乾	周易上經乾傳第一 一		<b>進 司 易 表</b>	司易集專字 ······ · · · · · · · · · · · · · · ·	交贴说明		目録		
	坎······· 一二八	大過 一二五	頤 —二〇	大畜 一一六	无妄 一一一	復 一〇七		賁	盛	噬嗑傳第三	觀		<b>蠱</b> 八二	隨 七七	豫 七三	謙 六九	大有	同人 六一	否 五八	泰 五四

困 ·································· 二〇二     周易繋辭下傳第八 ·························	升 ··························· 一九九 周易繫辭上傳第七 ················	孝	<b>姤</b>	夬 :	<b>周易下經夬傳第五</b> 一八五 中孚	益		解	-	家人 一五九 豐	明夷 ······· 一五四 周易下經豐傳第六 ······	晉 一五一   歸妹	大壯	<b>遯</b> 艮	恒 一四〇 震	咸 一三七	<b>凤易下經咸傳第四 一三七 革</b>	離	
= 0	·····································	1   +1 +1		二六九	二六四	二六〇	::::::::::::::::::::::::::::::::::::::		 二四五				三九	<u>=</u> <u>=</u> <u>=</u>					

目録	跋(張元濟) 四〇二	<b>漢上先生履歷</b> 三九一	<b>周易雜卦傳第十一</b> 三八七	周易序卦傳第十 三八〇	周易説卦傳第九 三三二
	_		T	O	_

619

.==

#### 校點説明

之義明。 求辭官未准。 發生左司諫陳 郎、左朝請郎等等無實權的 居郎、中書舍人兼翊善、給事中、翰林學士、朝 襄都府詳議官。 參政知事趙鼎 曾任州縣官。 荆門軍(今湖北荆門縣)人。宋徽宗政和間進士, 「在經筵,不作争辯,論者非之」,紹興七年朱震 僚於祭文中稱其「位高職卑」。 四年(一一三四),因中書舍人侍讀胡安國和 朱震(一〇七二—一一三八),字子發,荆湖路 當陳公輔之說才上,若據理力争,則進 今一言不發,默然而去,平生讀《易》何爲 靖康元年被召爲太學《春秋》博士。 胡安國評論此事說。「子發求去,未 公輔上疏攻擊程頭的事件。 的薦舉,召爲祠部員外郎兼 此後先後任秘書少監兼侍講、 官職, 紹興六年,朝中 而以學 術知 時朱 川 陝 名, 請 退 震 散 起 荆

震來說,這種批評可以説是很嚴厲了。也?」對於標榜推崇程子易學且爲當時名儒的

朱

高宗。 苴罅 是書「以(程頭)《易傳》爲宗,和會雍、載之論,上採 並 漢、魏、吴、晉、元魏,下逮有唐及今,包括異同, 莊之言所造成的「專尚文辭」的治易學風。 是爲了矯治王弼易學盡去漢人象數舊說,雜以老 所居以爲名。」據《進周易表》,作是書的主要宗旨。 旨令臣進所撰《周易集傳》等書」表明,此書本名 説《周易》經傳之作,文字最多,也是其中最重要的 凡十八年而成。 和《周易圖》、《周易叢説》並《進周易表》進獻於宋 表人物之一。 周易集傳》,後人稱《漢上易傳》。《進周易表》「聖 周易集傳》。 非虚 種。應爲朱氏耗費心力最多的代表作。 7漏」。 就學術而言。朱震是宋代象數易學的 言。 朱氏自稱,三書起政和丙申,終紹興甲寅。 就該書解易的內容看,「以《易傳》爲宗」 説《周易》經傳必證以程氏《易傳》之 四庫提要云。「是書題日漢上。蓋因 紹興六年,朱震將所著《周易集傳》 三種書中、《周易集傳》乃詳 傳世的 朱氏稱 重要代 細解

表性著作。 並有較詳解說,從而成爲宋代象數易學的重要 體、五行、納甲、飛伏、卦氣等象數方法,廣泛運 漢以來如孟喜、京房、揚雄、荀爽、虞翻等諸家象數 易學之所長,或者說該書的特點而言,則在於廣采 漢上易傳》實偏詳於象數,學風與程、張迥然不 ,所言義理皆以 爲了闡明卦象,朱氏對漢易之動爻、卦變、互 解易每卦每爻、務必窮究其象之所由來。 程頭 易 説 爲 歸 依。 不過,就朱氏 代 用

《中國古籍善本書目》所稱之宋刻《漢上周易集傳 書館民國二十三年十月版《四部叢刊續編》本,原 九卷補以毛氏汲古閣影宋抄本而成。 書爲八册。 卷(三至十一)。 古籍善本書目》所録,朱氏的《漢上易傳》,有題 漢上易傳》十一卷。 中華再造善本》影印毛氏汲古閣影宋抄本(簡稱 漢上周易集傳》的宋刻本。 據上海古籍出版社一九八五年出版的《中 據該書前所記 另有清 這次校點所用底本爲商務 初毛氏汲古閣影宋抄 和張元濟跋,該本即由 原書爲十一卷,存九 所 用校本爲 印 本 爲 剪

説》)。 《卦圖》(或稱《周易圖》)和《叢說》(或稱《周易叢 次列《漢上易傳表》。 歷」,末附張元 正文前有《周易集傳序》,正文後有「漢上先生履 這三種本子的《漢上易傳》正文均爲十一卷。 書館影印文淵閣《四庫全書》本(簡稱「四庫本」)。 訂的《漢上易傳》(簡稱「通志堂本」)和臺灣商 汲古閣本」)、康熙《通志堂經解》本中納 四庫本於正文之前首列《漢上易傳原序》, 濟跋。 通志堂本首列康熙丙辰(一 四 庫本和通志堂本皆 蘭 成 後 底本 務 附 校

各自相對獨立的。 與《周易圖》和《周 傳序》之後。 留 傳表》即通志堂本所稱《進周易表》。 庫本所稱《漢上易傳原 序》,次列《周易集傳序》,次列《進周易表》。 叢刊續編》本和通志堂本所稱《周易集傳序》即 六七六)納蘭成德所撰《朱氏漢上易傳並易圖叢説 底本的内容和編次。 書關係密切,故據通志堂本增入,列於《周易集 朱震於《進周易表》中將《周易集傳 易 據張元濟跋、《周易集傳》與《周 叢 序》。 説》並稱,可見三者内容是 《進周易表》與《漢上易傳 四庫本所稱《漢上易 此次校點,保 四 四 部

 $\equiv$ 

傳》本首尾完具,獨立成書,所以此次校點不再附易圖》和《周易叢説》合刊,是南宋舊制。《周易集

列《卦圖》和《叢説》。

校點者 梁章弦

## 周易集傳序

易》。 也。 者,以變者爲用。 之中又有變焉。 而 六變而成位。 也,究則變焉,謂之策。 周易》也。 桂 生爻。變動之别,其傳有五 天地 變,曰 陽之稚,六九者陰陽之究。 聖人觀陰陽之變而 七八者、《連山》、《歸藏》也,六九者, 而 曰《連山》,二曰《歸 成文,謂之爻。 相函,坎離相交,謂之位。 互體,曰 經實備之。策三變而成爻,爻 變者,以不變爲體。 一三五陽也,二四 四象並行,八卦交錯,而 五行, 日納甲。 七八九六,或得或 昔周人掌三易之 立 卦,效天下之動 藏》,三曰《周 稚不變 而卦 不變 七八 六 陰 變

> 《革》曰「先王以治曆明時」,在《説卦》 《復》曰「七日來復」,《象》 復。 兑,謂之四正。 天 變者也。乾生者四卦,坤生者四卦 北方之卦也」,「艮東北之卦也」,此見於卦 也」、「兑正秋也」、「乾西北之卦也」、「坎 虚,萬物之盛 貞於未而右行。 自復至夬,十有二卦謂之辟卦。 有二卦,各主其月。 生三女。乾交乎坤,自姤 震東方也」,「巽東南也」,「離南方之卦 動 地 曰爻」,此見於動爻者也。 陰陽之升降,四時之消息,天地之盈 乎内,吉凶 萬物之情可見矣。其在《繫辭》曰「爻 衰, 咸繫 見乎外」,又曰「道 四正之卦,分主四 左右交錯,六十卦周天 乾貞於子而左行, 焉。 至剥,坤交乎乾 曰「至日」, 其 乾生三男,坤 在《易》之 坎離 時。 有變動 正 日 坤 在 而

頭,坤 揉,百 隨 耒 與 過、小過、頤 於陽 成 宇取大壯,棺槨取 也」,又曰「雜物撰 「八卦 門 生水而成六,二生火 耨 卦 而 兼三,五位相得,合而爲五十。 八,四生金 非」者也。 取 其詳 者成於陰,三天兩 坎 含四卦, 兩 柝 離 物 生 相盪」,又曰「六爻相雜 益,爲 離 地 取 具而生坎,在《 成 具 四 豫 而三天 象。 +=== 一、中 於六十四 卦 杵 市 此 mi 四 - 孚肖坎 亦 成 取噬嗑,舟楫取 其 在 卦變之中又有 卦之中復 臼 莫之動 也。 九,五生土 德」,此 大過,書契 取 坎 二《易》 卦之彖,所 小過,弧 繋辭》則 地 離 離 天 而 也。 見於 者 肖 以 成 有 則 其略 也。 乾 三兼二,地 七,三生木 變 離 取夬。 而 生 唯 坤 互體 動 變焉 矢 涣,服乘 罔罟取 震 成十。 於陰者成 故 陳 者 謂 其在《繫 取 , 上 下 其 合 乾 者也。 者 於《 が辨 也 時 又曰 而 坤 也。 前 以 物 棟 有 相 是 取 不

道 數,自有形無形言之謂之象,自推考象數 也。 戊 隨其變而言之,謂之辭。 言之,謂之占。聖人無不 五十五數具焉。 於坤者也。 辛,坎納戊, 也。 七 三日,後甲三日」,在《巽》曰「先庚三日,後 木」,「坎爲水」,「離爲火」,此 曰「懸象著明莫大於日月」,此見於納甲 地 也。 丙三者, 日 凡此五者之變,自一二三四言之謂之 日」,在《離》曰「己日乃孚」,在《繫 乾納 三天 故 天 甲 辭之所指,變也,象數也,占也 得於乾者也。辛己丁三者, 九 始於甲乙,終於壬癸,而天 地二、天三 壬, 離納己,艮納丙,兑納丁。 地 其在《易》之《蠱》曰「先 坤 + 納 乙癸,震納 在 一地 ^ 該也, 四,天 辭 説 也者,所以明 卦 見於五行 無不 五 庚, 巽 日 地 ·編也 巽 甲 地 得 庚 納 者 天

·「二」,四庫本作「四」。

矣。 變反於一也。 於此,止矣。卦可遺也,爻可忘也,五 也,陰陽動静之源也,故謂之太極。 器,可以卜筮。蓋不如是,不足以 已矣。一者,天地之根本也,萬物之權 之,動在其中矣」。 夫易廣矣大矣,其 變動而盡夫時中也。故曰「繫辭焉 可禦矣。然不越乎陰陽二端,其究則一而 無不具焉。是故可以動,可以言, 是故,聖人之辭因是而止 明 可以制 者之 學至 遠不 道之 圃 輿 命

=

## 進周易表

家,説 吏者。 也。 甲 其流 爲「周易大傳」。 可 所撰《周易集 "考也 以 原 解説 繋辭 五 《大傳》。天人之道自是分裂 獨 爲 莊老之言,於是儒者專 雖 行 魏 臣 臣 孟 上下經,故前代號《繫辭》、《説 不 》《 説 王 之 喜、京 聞 伏奉四月二十九日聖旨,令臣 一行所 同, 弼 商 類。 傳》等書,仍命 瞿學 與 卦 要之去 房。 爾後馬 鍾 集房之《易傳》 》,而 兩人之 會同 於夫子,自 喜書見於 費直 象數之源, 、鄭、荀、虞各自名 學,盡 言 亦以 尚方給 尚 同 去 唐 1 文 論 出 夫 解,不 舊 寬 人 桂 猶未 而 紙 八子「十 於《 者 説, ൬ 氣 不 札 猶 下 納 遠 周 雜 復 淮

百,七百餘年矣。

《太和 《皇極 數,敦 《太極 <sup>《</sup>先 卷,《 是時 政 爲表裏,有所 吴、晉、元魏,下 宦 數,或傳其辭 而 傳許堅,堅傳 之才傳邵 易傳》爲宗,和 和 後 西洛,獲觀遺 天圖》傳种放,放傳 周 粗 丙 張 或 頤 經 》、《三兩》等篇。 圖》 易 申,終 窺 載 家 作《通 世》之書,牧陳天地 講 雍。 圖》三卷,《周易叢 一二。造次 龍 傳 興,異 學於二程、邵雍之閒,故 或或 周 紹 未 范諤 放 書》,程 敦 逮有唐及今,包括異同, 會 書。 興 盡,以待後學。 兼 以 頭, 雍、載之論 甲寅、成《周 昌 人 而明之。 問 河圖、洛書傳李 ,諤昌傳劉 不捨,十有八年。 敦頤 閒 疑 或明 頤述《易傳 穆修 出 請 傳 修修 益、徧訪 説 更唱迭 其象,或 ,上採漢、魏 濮 五 程 V 易集傳》 臣 傳李 + 上 頤、 牧。 一卷。 一頃者 有 陳 師 程顥 溉,溉 和 之オ 修以 載 雍 論 <u>Ŧ</u>i. 摶 著 九 起 游 其 之 相 以

當日: 苴罅 以聞。謹進。 人遠矣。其書繕寫一十三册,謹隨狀上進 臣親逢陛下曲訪淺陋,則臣之所遇過於昔 昔虞翻講明秘説,辨正流俗,依經以立注, 雅,姑以自備遺忘,豈期清問,俯及蒭蕘。 使天下一人知己,足以不恨。 庶 幾 道 離 而 復合。 不敢 傳 諸 而 博

## 周易上經乾傳第

■ 乾· 克· 元亨利貞。

乾坤 皆六十有四。 也。 后氏作《連山 經是也。 坎離震巽兑艮,因而重之。 具,不足謂之乾。」伏犧初畫 德,故爲諸卦之祖。 九二曰「龍德 來,周流六虚 坎離爲上篇,震巽艮 下之辭,周公繼之,乃有爻辭 九二、九四、上九變動,亦正 也。 貞者,正也。 商人作《歸藏》,首坤 元,始也。亨,通 》,首艮 而 而不 至于文王,首乾次坤,以 正中者也」。 窮者也 而乾在巳。 初九、九三、九 程 顥 兑 《歸 曰:「一德 爲 八卦,乾坤 利者,得 也,升降 乾具此 心下篇 次乾,夏 藏》之初 其經卦 也, 五 不 故 四 īE. 其

> 初 天,利見大人。 龍无首,吉。 九 九三、君子 九四,或躍在淵,无咎。 龍 勿 用。 上九, 亢龍有悔。 用九, 見 終日 九二, 乾 乾, 見 龍 夕惕若,厲无 九五、飛龍在 在 田 利 見

何也? 復七。 之妙意也。乾爲馬,六爻皆以 震變而 七八爲彖,九六爲爻。 二,則初復八矣。」卦畫七八,經書九六, 者爲基,不變者以變者爲用。 易用六九而七八在其中。 六九變者也。《歸藏》、《連 易有四象,六七八九。七八不變者也, 陽在初稱初九、去初之二稱九二、則初 震爲 陰在初稱初六,去初之二稱 馬,故震其究爲健 爲乾,震變乾 乾體本坤,陽以陰 則乾爲龍、乾變震 四者互明,聖人 爲基也。自 變者以不 山》用七八, 陸績 龍言之,

《彖》曰: 大哉「乾元」,萬物資始,乃統

位 天。 正 性 時 一咸 命 成 寧。 ,保合大和,乃「利貞」。 雨 乘六 龍 밂 以 物 御 流 天。 形 乾 大 首出 道 明 變化,各 終 庶物, 始,

《序卦》、《雜卦》十篇,以贊易道。 《象》、《文言》、上《繫》、下《繫》、《説 乾,天也。 之後注連經文,王輔嗣始分《象》辭附 費氏易,馬融作傳,鄭 之爲二百一十有 之元也。陽生於子,萬物資之而有氣。 爻下。乾,存古文也。 不相附近,不居聖 一,故曰「乃 變而七,七變而九,四之爲三十六,六 子 作上《彖》、下《彖》、上《象 雲行雨施」,坎之升降也,「大明終 坎離 萬物資始於天,天之道 統 錯居。 天」。 六,而乾之策備 也。 坎 此贊元 一者,數之始,乾 康成傳之。 離者,天地 至陳元、鄭 也。 六爻天 一始於 之 衆 其 康 排 用 下 傳 於 成

首,震生萬 禀異而 散殊,「各正性命」。 女卦從 亨利貞,而後盡大君之道 坤從,天之道也,此贊「利貞」也。 侯,三公,二大夫,初元士,各 之而存,合之而聚。不貞則不利,故 氣,天地之所以亨也。 體元亨也。乾坤相交,是生變化,萬物 萬物生生而 始, 自子至戌 乃利貞」。不 時乘六龍」,潛、見、躍、飛,御天 萬國 成乾,首出 離 咸寧」,體 動分 、坤而 歸同。「太和」者,相感絪縕 坤 往 形 物,坤 不窮者乎,此贊亨也。 逆,所謂時 冷陰陽 來 乎庶物之上。 自未至 白 利貞 也 乾坤而 爲衆,變震 異位 所 性 也。乾, 西,男卦從乾 謂 「各正 源 也。 日 亨 同 乾 也 時 爲蕃 六位 君道 五辟,四諸 道者、乾 而分異,命 性命」, 而 Œ 萬 成。 其 (而行, 循 而 物 順 保 乾

(象》曰: 天行健,君子以自彊不息。

者,健 《乾》言「不息」,配天 德」,配地也。 厚,博厚則高 息 未 言誠者,誠天之道也 以是自彊不息,不敢横私其身也。夫不 有取互體者,有取卦變者。 乎内」,言爻象也。 夫子之《大象》,别以 者,言乎象者也」,言卦象也。 「易者,象也」,有卦象,有爻象。 則 盡 卦取義,錯綜 久,久則徵,徵則 者,於《大象》申之。天所以爲天 也。萬里一息,其行不已。 明。 兩者,誠 而成之。 博 厚 也。 悠 配 而 已矣。 地 遠,悠遠 有取兩體者。 大槩《彖》有 高明配 坤》言「厚 「爻象 「彖 獨於乾 則 君子 動 也

也。「亢龍有悔」,盈不可久也。「用九」,在淵」,進无咎也。「飛龍在天」,大人造施普也。「終日乾乾」,反復道也。「或躍「潛龍勿用」,陽在下也。「見龍在田」,德

天德不可爲首也。

天。 復,非終日乾乾能之乎?《玄》曰「首尾 三有伏震,震爲龍、爲足,五爲坎。 미 不離于道者也。 三,終正也。終則有始,反復乾乾,動息 初九、九二,乾乾也。 始著也」。 於物者普矣。《玄》曰「龍出乎中,龍 明,見龍也。 地 變坤,下有伏震,潛龍也。 索、三索,陸 乾之姤,曰潛龍 下之時,《玄》曰「昆侖旁薄 見龍在 夫子小《象》辭 以爲庸」,程顥曰「終日乾乾,對 表,田也。 蓋上天之載,无聲臭」也。初、二、 田。」此《繋辭》所謂乾一索、 三變離兑,日 績所謂初九、九二也。 龍德 坤變爲離,離爲文,文章 也。 勿 三則極。 用, 而見,如日下照,施 晉 初九,始正也。 太 史蔡 在乾之同人,日 在 極則 幽也」。 陽氣潛藏 下, 墨 反,反 終日 日 初 二居 也。 則 九 德 及 炳 在 九

四

之道 剛柔相濟 或躍 六用九」、《易 變也,九變則六,六變則 則剛過矣,人所不能堪 極,乾天德在萬物之先,復用陽剛之極, 爲毁折,亢滿之累也。 大人應而 變離,離 久也。《玄》曰「南征不利」。 在天也。 曰:「量可 而 四,履非 "龍幹于天,長類無疆」。 離 「東動 舜 也」。 攝,舜 也。 兑 其位,宜 爲飛、乾爲天。 青龍,光離于淵」,程頤《易傳》 兑爲 伏震 往造之,利見大人也。《玄》曰 離爲目,見 而進,其適時則无咎。」九五坎 伏爻何也? 然後 老 傳》曰「以 而 澤,澤,淵 爲 適乎中。 禹徂 龍,退 有咎,進則无咎。 也。 征之時乎? 也。 盈 離淵 而在淵也。 剛 曰 : 也。 九,九六相 關子明 爲 上九變兑,兑 九五 極則虚,不 九六陰陽之 九,陽剛之 足 天下先,凶 而 京房所 動, 進 飛,飛龍 日 乎五 《玄》 九二 用 口

> 也。 伏巽也。 飛伏 卦」,例飛伏也。 也,伏,既往 陰下藏, 也。 見者爲飛,不見者爲伏。 乾 一陽上舒」,此論復卦初爻之 也。 坤 坎 太史公《律書》曰「 《説卦》巽「其究 離 震 巽 C 兑 相 飛,方來 爲躁 冬至 伏 者

幹也。 禮,利物足以和義,貞固足以 《文言》曰:「元」者,善之長也,「亨」者, 之會也、「利」者、義之和也、「貞」者、事之 :此四德者,故曰「乾,元亨利貞」。 《文言》者,錯雜四德,六爻反復成文。 準之以「玄文」。「天地之大德 設爲問答,往來相錯,亦文也,故《太玄》 元」者,生物之始,善之長也,其在人則 君子體仁足以長 「亨」者,天地之極通,衆美之期 人,嘉會足以合 幹事 曰 生, 君子

「上」兑字,疑行。

初

九

曰「潛龍勿用」,何謂

也

?

子

百

龍

而

隱

者也。

不易乎世,不成

乎名,遯

世

无悶

不見是

而无悶,樂則行之,憂則

也。 所撓奪,乃能 利物足以 利 皆長也。 位,故君子體仁足以長人。凡長於人, 則 所謂「水包貞」也。 其中矣。「貞」正也,在 「乾,元亨利貞」。 順物理 會足以 也 事不立,立事之謂幹。 元也。亨,會 各得其宜。 君子剛健不息,行此 一天下之動,貞也。」 利」由 物不可以苟合,必致飾焉,故 和 而 合禮。嘉會,如 義。守正 行之,各得其所欲 建立庶事,故貞固足以 義 屈 我者,宜 ൬ 信 張 有德乃有事,德不 通 相 載曰: 堅固,不 也。 感 物則成 也 嘉 一,語 而 四德, 説諸 「天下之理 魂魄 生 爲萬物之 者宜在 義 者 也 列則 或 也 是 故 利 屈 一,故 也。 玄》 利 高 幹 E 在 或

常,非 之,可 也? 從龍 德也。 者親上,本乎地者親下, 子進德脩業,欲及 曜在淵,无咎」,何謂也? 子曰:「上下无 乾因其時而惕,雖危无咎矣。」九四曰「或 是故居上位 見龍 存其 而 在 飛龍 同聲相 君子終日 IE 田 確 風 中者 「,利見大人」,何謂也? 滅,善世 在 乎其不 爲邪也。 子曰:「君子進德脩業,忠信所 與幾也。 脩辭立其誠,所以居業也。 在田,利見大人」,君德也。」九三 從虎。 應 天,利見大人」,何謂 也。 同 乾乾,夕惕若,厲无咎」,何 而 可拔,潛龍 庸言之信,庸行之謹 而不伐,德博 氣 不驕,在下位而不 聖人作 進退无常,非 知終終之,可與存義 相 時 求, 也,故 而萬 水流 也。」九二 則各從其 『物覩。 无咎。」九五 濕 而化、《易》 子曰: 也? 離羣 ,火就燥, 憂,故乾 日 類也。」 本乎 也。 子曰: 知 至 以 見 閑 也 日 至 進 君 謂 日 邪 日

是以 而无 上 九 動 位 日 而有悔 高高 元 而 龍 无民, 有悔 也 Ξ, 賢人在下,位 何謂 也 ? 子 而无 E : 「貴

之也。 乎中 巽爲 成乎 也。 不見 也。 易午,故曰 乾 如「天下有道吾不與易也」之「易」。 龍 曰 有元會運 能德 世 九 之變化,龍 木在 庸。 名也。 是 也。 之四,行也。 一爻之 初九變,不正,不見 自 而 退而失位爲憂,憂則退違之也。 而隱者也。 世,世者,辰也。 初 下,確 无 初之四成兑説, 遯 乎 易世。震爲聲,巽見震伏,不 二爲中,二動 四,或曰遯或 九隱伏,不易 悶者,舉世非之而不加 中 德 庸言之,二陰遯 也。 乎其不 兑説,樂也。 初之四,變九爲六, 初 九 可拔, 是 爲庸 變 乎世 初九 日行,何也? 而 (坤,謂 世 潛龍 无 初九九 也。 也,自初 樂則 子,之四 而 悶 无 之潛 也。 也。 損 悶 依

其德 敷? 也。 之用 宜之五爲君 行,不伐也。 隱矣。二,不行矣。不聞其言,不見其 九之 且不自伐,以正中而遊,人 猶之煙盡火明,波澄水静。 誠,自成也,非外 化不失其中,故謂之庸。 而 而 下正, 閑邪也。 爲行,言行也。言中庸 異,化也。 日 弗失之,夫子告之以爲邦,九二君德 [君德。 一之動 行中庸 也。 四言 Œ 莫非 中。 二之五,兑 之, 誠 龍德 也。 五,君位也。 而正,庸行之謹也。 自二之五,善涉乎世矣,然 唯至誠爲能化,其德如是, 也。 德 行 施 是以利見九五之大人, 也。 而 鑠 九二動 言信 而 Œ 也 光普,博也。 爲 中 此 行謹 而 者 所 口 閑邪 Œ. 顔子擇乎中庸 應,庸言之信 、閑者 、爲言。 初九、九三上 謂 也 中,存誠 開 則 曲 閑 之 者 誰 邪存 言行 誠 庸 也。兑, 而 自 者, 中 文明 誠 存, 也 也 中

也。 業立 在下位 辭以立 辭也。 九二動 處,居上位而 終。」二者其得中乎,是故九 措之宜也。《玄》曰:「諸一則始,諸三則 初可與乎幾也。 忠信所以進德也。 巽,脩業也。 故 多 也。 而 日在上爲朝,在 也 爲夕、爲終日,在二爲暮夜、爲明人 白 誠以居之而已,非安夫上位而不 故乾乾因 終之,三可 0 而 二正 成巽,巽爲事業者,事之成 誠,誠立 眼, 乾 初九知中之可至, 不憂也。 剛 惕也。 ,誠也。 兑爲口,正以 之德,自初 不驕也。 其 與存乎義也。 而其業定,脩 一時 九三知中之不可過,則 五爲畫,在三、四爲日 是則乾乾 巽言不離於忠信,脩 而惕,雖危无咎。 九三之動,危厲 異爲股,立 初九遯 至三, 則行而至之, 動,忠信 者,進德脩 三動 辭所以居 進 m 義者,時 也 无 德 而 也。 悶, 也 巽 去

求也。 伏震。 羣。 君位。 中正 物,離目 巽往之五,五 業,至是欲及時爾,故進 本乎地,故親 五變來之二,二有伏震,雲從龍 二之五,離火見。離,燥 五成兑,下有伏坎。兑澤坎水,同 人之動无不時也。」五變之二成巽,下 四近君多懼,安得无咎。 《易傳》曰: 動正也,之五不正,疑爲邪。 五 地 [或躍。 中。 然上下進退无常者,乃九三進德 而 而 巽風震雷,同聲相應也。二動之 五之二,兑澤流坎,水流濕 出乎臣之類,離羣 居天位,聖人 日 [爲覩 上也。 或,疑 在 三,故 萬 下而見二。九二應五,九 兑成虎,風 辭 物 復之四,退 也,謂 覩 E 作也。 也。 夕 惕。 卦,火 則无咎。 非 從虎也。 九五變六,六 也。三陽 必也。 而 二震爲萬 四 九 下 就 臣位,五 也。 四 也 九 不 九 動 也。  $\overline{f_1}$ 聖 四 故

誤也。 故 事,所利者,見大人也。」九居上,處 之二五,則 不變以應之,賢人在下位,而上无輔也, 而失尊位,无位也。 本乎天,故親上而見五 動則有悔。 曰大人、《文言》曰聖人。 而不爲其大,大而化也。 高 而无民也。 三變成 聖人既 貴高而盈, 亢則窮也。 坤,坤爲衆、民也。 出 賢人,九三剛正也。 · E 王弼謂 0 下相 《易傳》曰 聖人有大之 初 見 上无位, ,共成 極貴 其 乾

窮之災也。乾元「用九」,天下治也。也。「飛龍在天」,上治也。「亢龍有悔」,「終日乾乾」,行事也。「或躍在淵」,自試「潛龍勿用」,下也。「見龍在田」,時舍也。

異。二陽方進而未泰,故可舍止。音:舍,止也。井初六爲九五捨之,與此象時在下也。「見龍在田」,時可止也。《易傳》曰:「言乾之時也。」「潛龍勿用」,

中,天下治也。 勝之理,故有悔。 不見其首則 天災 曰災,數極時也。 陰窮於六,位 其事。巽行 通,通則久」,上九窮不知變,窮之災也。 退无常, 茇舍之舍。 而致治時也。「亢龍有 日乾乾」,進 ,陽以九終,以 自試 九二 不過。 事 而 時也。 窮於上。 也。 行 事之時,非 極數也。 變遯, 天德不可爲首,用 不過,中也。六位 「或躍在淵」,上下 飛 《玄》有三統九 「窮 悔」,陽窮於九, 艮 龍在天」,在 然天人有交 乾乾不 則變,變則 止 意 能 得 九 進 終

德。 九」,乃見天則 下文明。「終日 在淵」,乾道乃 潛龍勿用」,陽氣 「亢龍 有 悔 革。 乾乾」,與時 潛藏。 「飛龍在天」,乃位乎天 與時偕 見龍 極。 偕行。 在 乾 田 元 「或躍 用 天

《易傳》曰:「言乾之義也。」乾伏坤見,陽

乾「元」者,始

乾始能

也。 也。 也。 天則則知中道乃固然之理,非人能爲之 淵」,天不可階 氣潛 虚,與時偕行 天,水火相息,乾道革矣。故曰「或躍 之時乎。 在天」。「亢龍 「受命首出,則所性不存焉」,故 而 終日乾乾」,行不息也。 見龍在田」。三陽方行,亦與之行,故 · 曰位乎天德者,成性躋聖也。 !施之普,光于天下,人文明也。 藏,故 乾元始也。 六九相變,天地之道,不可違之則 以其不可過也,故曰「天則」。見 四,人位,五,天位。 曰「潛龍 |則无 有悔」,上極也。 而升也。不曰位乎君位 於其始也,用九其終不 悔,偕極則窮,故 勿 用 1. 周公繼日待旦 坤文 消息 離人之 張 離 有 載 飛龍 在 悔 日

矣哉。

大

哉乾乎,

剛

健中

正,純

粹精

也

,以御天

中矣。

以美利利天下,不言所利,大 而亨者也。「利貞」者,性情 也。 六爻發揮,旁通情也。 其九五乎。 數之則中正 也。 撓也,健不息也。 者,故曰「大哉乾乎」。 之,天下至大,无不蒙其利者,不言所 之,利於此或不利 重乾乎,故《玄》準之以睟。 則其利大矣,故謂之元。 元又訓大 利則貞在其中。諸卦言利者,指事 已,貞也。貞,正也。 利貞者乾之性情 元者乾之始,剛反而動,亨在其 一、三、五正也,二、五中也 雲行 而 夫子欲言乾道之大,其辭有不 生物,利也。 雨施,天下平也 八卦皆純 而不倚也,純全 也,性情猶言資質也。 健者積剛 於彼。 不有其功,常久而不 時 也。 始則亨,亨則利, 乾揔言之則剛 乘六龍 乾始,萬 純 0 其首辭曰: 中而正者, 而粹美也 而 而

九

粹者,其

利

物資

- 而言

成

也、悉

不

能

盡

故

「雲行 施品 亨也。 始也。 康成本作「情性」。 也。 者,乾之情也。 諸卦,被於三百八 者,乾之性也。 加 者之精 健中正,純粹精也」。 陽 物 雨施」者,天下平均也。 二者體元 時乘六龍」者,以 健中正純 袀 流 而六者皆原於一 元亨則利貞在其中矣,蓋雲行雨 天地之本,萬物之一源,精之又 極」也。 賥 形則萬物各正其性命矣。 清明。」道 情,變動也。性,不變者 六爻發越揮散,旁通 粹自此 十四爻,无往 言該之, 至 《易傳》曰「精謂 而 於純粹,无 御天而行 出。 一者何? 日正。 故曰「剛 而 不 以 也。 利 於 Œ 鄭 復 六 乾

之,仁以行之。《易》曰「見龍在田,利見大用也。君子學以聚之,問以辯之,寬以居爲言也,隱而未見,行而未成,是以君子弗君子以成德爲行,日可見之行也。「潛」之

乎? 天時。 知進退存亡而不失其正者,其唯聖人乎 鬼神合其吉凶。先天而 合其德,與日月合其明,與四時合其序,與 疑之也。故「无咎」。 而不知亡,知得而不知喪。 下不在田,中不 天,下不在 无咎」矣。 兑 未成,是以弗用。 隱之爲言,隱伏而 可見於外而不可掩者行也,九二是也。 君子積善成德,以其成德行之爲行。 而 爲 説 「亢」之爲言也,知進 口 天且弗違,而 而未成之地。」初九正其始, 也。 問以辯之也。 以 ' 九四重剛 田, 聚之 故乾 九 在人 \_\_\_\_\_ 也。 張 ,故「或」之。或之者, 況於 乾 重 夫「大人」者,與天地 未見於世,行而其德 圃 載曰: 剛 因 聚 天弗違,後天而 不中,上不在天, 其 圃 二動中虚 人乎,況於鬼 者, ൬ 其唯聖人乎? 時 不 不 「未至於聖, 升 中, 而 知退,知存 而 惕, 上也。 一益之 不 則 日 神 奉

與天地 无咎。 故 九矣。 息, 三、九 行之,先後 神之吉凶 者,循萬物 行 地之覆載 或進而之五, 中二爻,人也。 而下已離田,動則 二爲田 五 有 應,有 之也。 疑而 人乎,況於鬼神 容, 因其可危之 四 日 未決,上下進 九三之惕,九 雖 君德. 以 以 九三居下位之上,雖上不在天 月 ,日月之照臨 豊 重 學聚、問辯、 之理 居之 天 剛 四 剛不中, 則 而 有 乘 也,是以 時 中 時 丽 四上不在天,下不在田, 意爲 也 不 鬼 剛 乎? 行其 危且有咎。 而惕,則雖 · 違。 不在人,可懼之地也。 神合,故順至理 m 退 之哉? 四 何 動 不 言行 寬居、仁 四四 天且 所无事者也。天 之 患 不 丽 鬼神者、流 中,過 疑,可 必 於 . 時 以 如上。 不 公過乎? 於處,是 巽行 之消長,鬼 危无咎矣。 大人其 故乾乾不 乎 違 謂能 ,剛也。 一云九 而 而 以 道 況 推 道 用 以

道 資 無 弘光大,品 朋,安貞吉。 往 一,後 疆 生,乃順 坤坤 上下 流而 退存亡而不失其 退存亡者矣。 必有 天 退存亡不失其正則德合陰陽,與天 故兩言之。 其正,不得其 亢者,處 而不知二,故 一,柔 地之間 迷, 喪 順 无不通矣。 退,存必有 坤,元亨,利牝馬之貞。君子 朋 得 順 後 承天。 極 常。 物咸「亨」。 「利貞」。 者也。 得主 《彖》曰: 而 乃終有 前 Ī 道 不 其 日 西 利。 坤厚 則 窮 知 Ļ, 此大而化之者也 是以 大人,此曰聖人, 道 南得 Œ 與 m 反 慶。 君 詭於聖人則未 得必有 西 者 天 者 載物,德合无 致 「牝馬」地 子攸行,「先 九 至哉「坤元」,萬 地不 南得 災。 朋」,乃與 , 其 也 「安貞」之吉、 五 利見 唯 喪。 相 朋,東 似 固 物之 類 大人也 亢 有 迷」失 ~,行 類行。 疆 北 有 乎? 理進 必 知 地 知 知 知 地 物 攸 進 進 得 進 喪 同

## 地无疆。

坤待乾 健也,坤 疆 類 也。 闢弘之也,以成其形,一静一動品 也。 也。 形。 而 亨,故曰「亨」。「品物咸亨」者,離之時 大者乾陽 坤之始皆謂之「元」。「光」者,坎離也。 之德合乎无疆,故地配天,坤合乾。 而 一,故曰 行,以 生 不言所利,此坤之利,所以異於乾之 也。 物 一萬物。 故 乾爲馬,坤 乾 天,无疆者也,坤所以配之者,載物 資 乾元 加 始 《柔承 乾 順 「利牝馬之貞」。 元 行 也,静翕含之也,以育其根,動 丽 以 而 坤爲大興,自下載之,積厚 乃能至於大,有氣 疆」者,乾 剛 日大哉,坤元日 亨, 始 承之,故曰 ,以順承 而 變之爲牝馬,「牝馬 无 有 所待 之行 坤。 健,乃能 也, 利牝 資 也。 坤 是 天先地後, 至哉。天, 馬 以 而後有形 以 坤 > 行 生 依 物 貞 地 而 則 无 乾 地 咸 有

坤之利 止 朋,宜若 雲不雨,故曰「先迷」。二順一,四順三, 龍」、「首出 也,故 正也。 午,至申三陰成 六順五,順乾得主。 乾,乃得坤正,則柔順 爲正,陰以 主也。」二進至三,坤 正,「先迷」也,失坤道也。 利 三、五,天也,二、四、六,地 後得主利」。《子夏傳》曰:「先迷後得 一、故曰 |於子,至寅三陽成矣。 敷? 而 不進,成艮。 曰「君子攸 是以君子 也。 「西南 君子乾之象,柔 有得也,而 庶物」也。 偶爲正。 臣待君唱,女須男行,故 得朋 體 往」。 東北艮也。 坤 坤 體 至亥 自 乃 陽先陰後,柔 者 而 一、三、五不得 成。 道有常,有常者 申 與 猶乾言 「時 ,利於承乾 行。 順 成 自 抵 牝雞无晨, 類 坤之 也。 坤,萬 西南,坤 寅 戌, 羣陰 行者,攸往 行 坤 抵辰,陰 陰生 陽 物 乾 乘 以 順 以 一於 陽 得 其 六 承 爲 西

張載 安其正 同。 皆盈 坤終復生。」陰陽之義配日月,其大致則 也。 至乾,與時偕行,消乙入坤,滅藏於癸, 懷也。」虞翻以 乎地之所以 也。 者婦之慶,三者未有不離其朋類而 類浸 順爲正,而地之順 得君者臣之慶,得親者子之慶,得夫 曰:「東北喪朋,雖得主有慶而不可 臣有獻 亡,宜若有 故曰「東北 ,故曰「東北 一,乃能 替,婦有警戒,子有幾諫, 無 悠久 月之生死論之曰:「從震 疆 喪也 喪朋,乃終有慶」。 喪朋,乃終 也。 而 天 一,而 無 而 窮,安貞之吉,應 故曰「安貞吉」。 无疆者,順夫正 至 已成 有 慶 乾,萬物 坤以 得者 各

(象))日 所歸, 一博厚,故能容載萬物。 西 而萬 北,地 地勢坤, 物各得其所。 傾 東 君子以厚德載物。 南 以 順之,故水 君子積順 德 潦 有 而

冰」,陰始凝也。 初六,履霜,堅 履也。 爲五月,自剥卦言之爲九月,至五 之氣爲冰,故坤之初六一爻自姤卦言之 始冰,亦坤之初六也,於斗建爲亥,乾金 坤之氣。寒氣人之,故露爲霜。 之六五也。剥窮成坤,上六也。露者, 剥之初六即坤之初六也,剥之六五即坤 者,剥之初六也。 矣。故觀其 焉,駸駸然馴致 霜堅冰之象,日 至於「履霜堅冰」也。 震爲足,自 六之動柔成 之初也。五陰而霜降,六陰而堅冰。 陰者,小人之道也。 或曰坤之初六五月也,何以 自坤卦言之爲十月、爲亥,至六 八所踐 剛,「陰始凝 一冰至。 馴致其道,至「堅冰」也。 所謂 乎盛陰而 履 霜降者,剥之六五也。 ,則一陰始凝 《象》 見微 一陰生於午, 也。 曰:「履 者 小人之道 也。 立冬水 知其 莫之禦 下 陰 有履 寒露 霜 剥 而 乾 進 必 極 初 堅

不見之形者,其能知小人之禍於甚微之 乎。 而 成冬。 《玄》所謂「水凝 地 坼 非 見

地道光也。 六二,直方大,不習无 一之動,「直」以「方」也。 不 利。 「不習无不利」, 《象》曰: 六

習,二動成坎,不習也。 也。 遂也。 也。 傳》曰:「二爲坤之主,中正在 方。」而《説卦》乾 焉。」又曰:「坤至 六二中正而動,中故直,正故 不習无不利也。 大,故「不習而 「乾,其 了,故以直方大三者形容其德。 故曰六二之動直以方也。 在坤道則莫之爲而爲也,在聖人則 、静 方者,不 也 專,其 无 易 坎爲光,光大也。《易 爲 柔 不 其 利」。 直 而 動 宜 動也剛,至 ,坤爲方,方亦 也 動而之五得正 也 直,是以大生 不習 方。 下,盡地之 ,謂 曲 重坎爲 静 直者 直 日 mi 岡 方 德

從容中道

《象》曰:「含章可貞」,以 事」,知光大也。 含章可 貞,或 從 Ŧ 時 事, 發也,「或從王 无 成 有

爲王 正也。 也。 静而 邵 坎離 事而 章者,坤之静也。 伏,「含章」也。 坤 三以 上爲 動 美歸之君。六三不正,非容悦 而 離 雍 是從 坤作 (外卦之終。「或從王事」者,三之上 己。 日 ,伏巽爲事。 含動,而弘坤之所以承天歟? 動,以時發也。 爲文明,三文之成爲章。 六三動 「陽知其始而享其成,陰効其法 王 爲臣 知,知 成物,无以 事 ,得恭順之道,知光大矣。 而 則正,惟 如 人臣當含章不 終其 以時發者,坤之動也。 日 三,内卦之上,爲成, 月 坤德含弘 成功自居,有終其 事 之明,「光大」也。 含章 職當然也。 也,故當 者也 光大,含 耀 坤 見 以 可可 可 其

而終其勞。」

六四,括囊,无咎无譽。《象》曰:「括囊无

咎」,慎不害也。

於義不害。若立人之本朝, 止 坤爲囊。 爻不以位言之。 而「括囊」緘默罪也。 地否塞、賢人遯藏之時,不利君子正,故 不正无譽可也,无咎何邪? 六四正,動則 |其口而不出者,慎也。 六四動成 不正。 艮,艮爲手,括囊也 四有伏兑, 兑爲口。 安得无咎? 慎以全身,故 道不行矣, 六四當天 故此

在中也。 《象》曰:「黄裳元吉」,文

而不過,故曰「文在中也」。曰裳則居裳,下體之飾。曰黄則守中有地道之美色,文者,地道之美見於山川動植者也。下,乃得元吉,否則必凶。黄,地之中下,乃得元吉,否則必凶。黄,地之中五尊位,六居之,人臣當此,唯守中居

而吉也。故元吉在吉爲至善。元吉也。元吉者,言其始本自吉,非變過,斯能居下矣。以是而動,動則得二,下,雖處尊位而不失坤之常,唯守中不

「龍戰于野」,其道窮也。上六,龍戰于野,其血玄黄。《象》曰:

未始離陽,故曰「以大終也」。杜欽曰:「地道貴欽。」陽始之,陰終之,道,故以九用六,乃能永久不失其正。六陰柔之極,不濟之以陽剛則邪佞之

弗敢 其所 之至也。 道「无成」而 也。 也,故稱 无譽」,蓋言謹也。 德不孤。「直方大,不習无不利。」則不 弑其父,非一朝一夕之故,其所由 慶,積不善之家必有餘 其順乎,承天 冰至」,蓋言順也。「直」其正也,「方」其 血焉。 美在 成也。 行 由辯之不早辯也。《易》曰 君子敬以直内,義以方外,敬義立 地 得 也 其中,而暢於 閉,賢人隱。《易》曰「括囊,无 主 夫「玄黄」者,天地之雜也。 陰 而 代「有終」也。天地變化,草 疑 地道也, 陰雖有美,「含」之以從王 有 坤至柔 而 焉 於 時行。 常,含萬 陽必 君子黄中通理,正位 猶 妻道也,臣道也。 而 未 一戰,爲其 四支,發於事業,美 殃。 積善之家必有 動 離 物 也 其 而 豆弑其 剛, 化 類 嫌於 「履 光 至 也, 來者漸 静 无 天玄 坤 而 木 疑 堅 咎 而 義 居 子 餘 道

而地黄。

至柔至 早 坤之用 也。 天而 不已,積之既久,則末流必多,乾 其順矣乎。 **煐,所謂化光也。」坤道至矣,一言可盡** 出於无畛。 之光即乾之光大也。《玄》曰:「天炫炫, 之,謂之方。其 生,品物咸章,保厥昭陽,坤 地隱魄榮。」隱 之者,陰含陽 其所動,而 ·,其禍至此,矧 一弑君。 夕之故,其 時行。 家,言臣子也。 也。 静 離日坎月,自下 者, 坤之順 善不善之報必 **嫹**嫹,出於无垠。 天動地隨,其行有時,故 方亦剛 也。 所 坤 所謂 體 由 之 不 《玄》曰: 德見矣。 則 體 來 辯 含萬物 坤積至五,子弑父, 也。 坤, 也 乎。 以 用 而進,非 有餘 先儒嘗 、則隨 其 也。 「天鬱化精 道 含萬物 ൬ 不 乃光。 公者,馴 剛 辯之不 及其化 炫炫嫹 乾 可易言 方 !坤是 以 而 朝 承 坤 而 生

準,以直方大也。 直内也。 祚,商辛之後有國 明,既滿 猶 之不亡也。 坤 坤 合内外之道。内直外方,敬義立 行也。二往之五,義以 方者,義之不可易也,有所不爲,有所 持其誠心而弗敢失也。 不誣矣。 陽息陰盡者矣。 立則相應相與其德不孤,放諸 在 化陽滅者矣。 行 動震見巽伏,不習无不利,則不疑其 論之,謂 也。 也。 正而 是故 而成虧,先儒餘 直内,言内省不疚,其理直也。 觀諸天道,月之生 上曰 君子 小人之道 不中者有矣,中則正矣。 一中則 有 之道 然 然 虞之子不肖 爻動爲行,巽爲不果。 而禄父再亡。 而 而 直,此言直其正,何 有 極 有 復 二動 方外也。 時 出 時 姤生巽者, 慶餘 而 爲 丽 死 以 消 震 消,於是 而 殃之 晦 直、敬 於於 敬者 陳齊 四海 矣。 杰 誠者, 論 餘殃 而 是 餘 敬 永 不 以 有 操 而 爲 生 有

在中 物之 道无 反其 子所謂慎爲善也。 時,天地閉塞,賢人亦隱,而況草木乎? 美在其中矣。 成坎, 傳 非閉其言而 三才一理也,是故併言之。 天地變化,草木亦蕃,而況人乎? 夫之事。不言子者,臣子一也。 終,自然之道也。 見,不能自美矣。然陰雖 陰,託之以爲美者 天地之間 豈敢當其 含蓄之以從王事,待時而發,不有己也 )所共 類,故其言如此。 加 成,順天而行。 通 所謂坤之比也。 由者也。 於理。 成功哉 萬 不出,蓋言謹 物粲 五君位,六變九,正位也。 理者, ? 故 也。 然 陰進至三成 通於理則大美具矣, 乾巽 而 臣終君之事,妻終 乾知太始,坤代 陽 中正 坤五 陳 盡 從 者, 坎爲 有陽之美,當 也。 謹者, 莊 括囊 則陰之惡畢 也,天 黄中, 王事 皆 通, 否,否泰 泰之時 陽 无咎, 也,地 否之 有美 地 麗 動 有 於 而

發於 足,暢 之 天 其 離 血 月 稱 日 龍 君,陰疑於陽必戰。 伯 於理者,无往 九 相 正 美在其中,暢於四支,發 陰,天 玄 體 龍 而 和 復, 傷 ,震爲玄黄。 者,天地未嘗一日 陰類,故稱 五 位 之事 公事業 也。 焉 ım 无君子,爲其純 剥 艮 而 於 居 地 ,乾在故也。 地之 四 初九庚子,子,坎之位。 艮 乎? 坤 黄,玄者坎 也。 剥者,復之反,震變 [支也。 爲 欲 體 血焉。 雜 而 手。 力勝 不不 誠 血幽陰也。 月 盛 也。 不 則形, 失爲 巽爲 二五 通,其伊 ,莫之助也。 上六之動 震者,天地之一交。 十月純 而 則 其 中之陽,黄者 陰 嫌 掩 形 臣之道, M 无 事 相 玄黄 於 陽 日,臣 則 業者,事之成 易 於事業」。 上六 川坤用 7 无陽 不 成 也。 亦 坤 周 可 震 黄裳 疑 未 故 彊 事 公、共 成 也 + 嘗 君 離 陽未 則 而 也 臣 中 故 疑 稱 通 故 爲

者親 世者四 神。 應者 如 在 乎上者應乎下。本乎天者親上,本乎地 變乎外者應乎内,變乎下者應乎上,變 即二,上即三,各以 應,何也? 於 曰:「有變必有應也。 初之四、二之五、三之上, 六爻 三畫之卦一二三重爲六爻,四 子太 其 初 其 祕 「,相 下。 六 初 流 兼 、然未 叔 應者, 應,二世者五應,三世者上應, 戒之, 應,五世 易之一也。 六虚,上下无常 於 論「 變之與應常反對也。 日。 陽 盡 迷復,凶」是也。 E 也 善善。 + 者二應,六世者三應。」 六 有 故 京 則 《繋辭》曰: 故 九 其 房 稱 變乎内者應乎外, 无 卦。 日 龍 類 所 及 剛 兩 焉」。 。昔之言應, 傳 相 己。 柔 則 應。 至虞翻 相易。」世 世 化 即 故卦 反 變 鄭 或 應 初, 邵 復 動 問 本 五 則 始 四 相

險 侯。 中,大亨貞。 坎 震 上 下 屯,元 日 亨利 雷雨之動滿盈,天造草昧 屯 剛 貞。 柔 始 勿用 交 丽 有 攸 難 往 生 利 動 平 建

宜

建侯而不寧。

之道。 坎,雨 以正 之時。」此以 日: 險 自 初 滿 而 索得之,剛 變,自震 難,「 盈 而 不 屯象而下,乃以卦 九、九五 屯 「始交而 動,與動 乎天地之間 未暢,雷 而 之主 也。 剛柔 利 初九 來,四之五。 也 釋二元 兑澤 上 而 柔始交也。 也,初往之五,行必犯難 正 震 始交 未暢爲屯,在時則天下未亨 升 乎 也 以天 坎釋 雨 險中不以 亨利 ,四之五 ,有不大亨乎? 面 降,其動以 地觀之,剛柔始交, 屯之義 難 變爲象。 成坎,故爲雨。 「貞」也。震,雷也 震者,乾交於坤一 生」也。 四之五成坎,坎 得 Ē 也。 当皆 位,大者 IE 屯, 《易傳 安乎險 非 則 此 萬物 濟 臨 以 亨 之 屯 初

何也? 礥。 六十四 无 體則以六爻相 用,以八卦爲 用,用无非變。 侯而 冥昧,坎爲勞卦,故 屯 卦氣言之,十月卦也。 始忘乎險難。 位,分民而治,建侯也。 爲亂哉。 侯,使人人各歸以事主, 始,草創冥昧,人思其主,能 「勿用 窮, ,易之祖也。 而 或曰: 不寧」。 不 而乾 有 「卦爲體 能 티 : 四爲諸侯。 攸 亨矣。 坤不變。 往」,此言初 此再言初九、九五 聖人既重 體則以六十四卦 則以 變 震爲草,乾之始也。 因 以乾坤爲 所謂天下之動,貞夫 爲 體 君子 用。 卦變爲用 以 曰「天造草昧, 九五在上,六 變者,易也。 明用也。 卦矣,又有卦變, 宜 《太玄》準之以 體用 雖有强 雖則建侯,而 九也。 守正 體則以 乘 ,以卦變 相資,其 時衆 待時 爲用 易无 天造 八卦 也。 宜 建 坤 四 誰 戀 爲 爲 非 以 建 爲 未 諸 故 正 與

也。故曰「剛柔相推,變在其中矣,繫

系育以介之。 焉而命之,動在其中矣」,又曰「辭也者

之所指,則於變也若辨白黑矣。夫易之各指其所之」。考其所命之辭,尋其辭

屢遷,將以明道,而卦之所變,舉一隅

曰某卦之某卦者,言其變也。若伯廖舉之所尚者,豈有既哉? 故在《春秋傳》也。推而行之,觸類而長之,存乎卜筮

初六曰「在師之臨」。其見於卜筮者,若豐之上六曰「在豐之離」,知莊子舉師之

遇明夷之謙者,初九變也, 孔成子遇崔子遇困之大過者,六三變也, 莊叔

楚江, 兼中遏見之云音,下耳楚五。者,六五變也, 陽虎遇泰之需者,六五屯之比者,初九變也, 南蒯遇坤之比

八,其别皆六十有四」。八卦謂之經,則《周官》: 大卜「掌三易之灋,其經卦皆變也, 陳仲遇觀之否者,六四變也。

六十四卦爲卦變可知。

故曰

卦之所變。

失。救之是也,盡斥之非也。舉一隅也。王弼盡斥卦變,以救易學之

《象》曰: 雲雷屯,君子以經綸。

綸也。 屯也。 坎在 決,反復思念,亦此象也。 也。 坎爲輪,綸也。 而又綸,終則有始。屯自臨 《彖》言雷雨之動滿 解絲棼者,綸之經之。經綸者,經 上爲雲,雷動於下,雲蓄 屯者,結而未解之時,雨 君子經綸以 離南坎北,南北爲經,經 解屯 盈者,要終而 難。 變,離爲絲, 雨 凡事有 而 則 未 屯

也。雖「盤桓」,志行正也。以貴下賤,大得民雖「盤桓」,志行正也。以貴下賤,大得民初九,盤桓,利居貞,利建侯。《象》曰:

旋 安、故盤 初 九剛 也。」盤 則 正, 屯難 桓。 犯 桓 難 一不進 成巽 子夏傳》曰:「盤 之 ,利於守正。 始,上有 爲 進 IE. 九居 桓,猶 不進,非 震 四 動 不

德」也。 也,剛 之。 之,至於九五巽也。 桓以待 也,震動 或問震又成異,何 夫子時楚 以貴下賤,大得民 能自存,有剛 此 命 於退 必言利建侯者、建侯萬世之利也。 陽貴陰賤,坤衆爲 頤中有物 相 者陽之德,柔 《明夷 時 之互體。 志 也 撰,數也。 踰越,故曰「雜 也,四比於九五,自三柔爻數 乎? 有四縣,趙簡子命下大夫受 以 在 • 彖》曰:「内文明而 剛 正 輔 日噬 初 中 行 之才使之有 五. 也? 在《易》,《 也、志 動 也。 其 且以屯論之,坎陽 嗑。」離震相合,中復 者陰之德, 濟屯,四 震陽物也, 正 屯難未 也 而 民。 故曰「利建侯」。 日 所謂「雜物撰 不越」。 正 噬 初 國,則衆從 解,衆陰 也 九退復初, 九 剛柔 異陰 可 不 先儒 忘 雜 物 物 不 建 盤 上

> 志。 體,蓋未詳所謂易道甚大矣。 體不足,遂及卦變」,鍾會著論力排 有山 異風也,乾天也。 順, 上。」自三至四有艮互體也。王弼謂「互 卜筮,如周太 卦中互有震艮巽兑。 在《 繋辭》曰:「八卦相 以 之材而照之以 大 難。」 也 、史説 又 風 離 觀之否曰:「坤土也, 坤 日 爲天於土上,山也。 天光,於是乎居土 内内 在《春秋傳》見於 相 盪。」先儒 難 中 而 復 能 謂坎離 有坎。 īE 互

難,乘剛也。「十年乃字」,反常也。子貞不字,十年乃字。《象》曰: 六二之六二,屯如邅如,乘馬班如,匪寇婚媾。女

如。 五,迫於剛 者也,故曰「屯如」。 九五屯之主,六二中正而 初不應五,二欲應之,與馬別矣,故 乾變震爲作足之馬,震 强,遭 □ 二乘初 而 不 應,共濟 能 九,欲往 爲足,乘 去,故 乎 邅 應 中

柔則 也」。 字,育也。坤見坎毁 也。 之,匪寇也,婚媾也。特以乘剛故耳。 女乃字。 屯難之極,至于十年二五合,剛柔 正,不苟合於初 屯解之象。 敵君,天地之道。 初九、六二正也,而致六二之難者 九視之,有險難之象,寇也。 女合也。 聲。」杜氏 據山險,寇也。 六反五。 馬 順,柔乘剛 二之五成坤,坤爲母,女子而爲母。 「屯難之世,其勢不過十年。」 二五相易,五之二成兑,兑女子 班 如。 九五應六二,婚媾也。五自初 屯本臨二之五,合則九 坤爲常,故曰「反常也」。 日 坤爲年,其數 「班,别 《春 男曰婚,女曰 則逆。 而貞 故曰「六二之難,乘剛 秋 ,剛柔以中正 傳》 也。」五坎爲盜,盜 於五、是以 妻不亢夫,臣 日 十六。 . 姻。 「有 自六二視 班 媾,男 个濟, 兑 反二, 不 一相濟, 「剛乘 馬 字。 之

> 禮》「三年者二十七月也」。 稼」、《春秋》書「有年」、「大有年」、《喪 日,謂之四始。四始亦乾之三爻也。 歲始。冬至日、臘明日、正月旦日、立春 建子,无非乾也。古之候歲者,必謹 陽也,陽生子爲復,息爲 弼 十月陰也,禾熟時也,故《詩》「十月納禾 三爻也。夏后氏建寅,商 不 知天 乎? 坤 爲年 何也 臨,爲 人建 ? 一丑,周 候 坤 歲

也。君子舍之,往吝窮也。如舍,往吝。《象》曰:「即鹿无虞」,以從禽六三,即鹿无虞,惟入于林中。君子幾,不

異離,有結繩爲罔罟之象。 言有求於君也。 五 六三柔不當位,不安於屯,妄動以求五 ,指蹤 君位。 不應,譬之即 而設罔罟者也。 艮爲 黔喙,震爲 鹿 若上六變而應三,艮變 无虞人以導其前,豈 上六在君之側 決 艮爲手。 躁, 鹿 也

也。 知 自取疵吝。 有後 君子,初 加 事有 爲 不恤 莽 不 中 得 君子安於屯,不若六三徒往而窮, 患,故見幾 中,林中也。 不可,貪求妄動,是以陷于林中 鹿乎。 九也。 故曰「即鹿无虞,以從禽也」。 艮 爲 往 知不可往,往无所獲,且 而舍之。舍,止也,艮 而 六三有從禽之欲,不 山,震爲 徒反, 退之三,陷于 木林也。三、

《象》曰:「求」而「往」,明也。六四,乘馬班如,求婚媾。往吉,无不利。

男下女,陰陽 應二,其情異,乘馬 馬,艮爲手。乘馬 六四柔而正,上承九五。坎爲美眷之 五不求而往,豈能行其志哉。五求四, 乘馬班 位 一、故吉无不利。 如。 相合,斯可往矣。 六四 也。 雖 而班别者也。 艮爲手,求也。 正,有濟屯之志, 四 自應 初, 往之上 五. 自 坎

> 之外日 故求。 爲月, 者來也。 也,西面望之往也,故晉之出爲明夷之 來,屈伸相感而无窮。 應,有凶。《易》言出人往來,何也? 人,蹇之往爲解之來。 出入以度」,内外也。 震東方明之時 故求而往,吉无不利。 出,自外之内曰入,出者往也,人 往者屈也,來者伸也,出 也。 天道東面望之來 卦有内外, 九 Ŧī. 否則志不 有 明 人往 自 内

「屯其膏」,施未光也。 九五,屯其膏,小貞吉,大貞凶。《象》曰:

膏」。言人君之屯也。九五中正守位, 一方三壅之,九五之膏澤不下,故曰「屯其 一有坤,權臣挾震主之威,有其民者也。 一有坤,權臣挾震主之威,有其民者也。 一有坤,權臣挾震主之威,有其民者也。 一有,有光之象故也。屯之時九 是。坎爲月,有光之象故也。屯之時九 一有共民者也。 一有其民者也。 一名,於爲澤。五之二成兑,有膏澤

上 易 倳

常屯,以至於亡矣。 非恬然不爲,若唐之僖、昭也。 求 政,諸侯復朝,以道 也。」若盤 主,禍將 乘五,蓋膏澤不下,五之施未光,民不知 貞吉」。 :「膏澤不下,威權已去,而欲驟正之, 凶之道也。 六四、上六自正。 不測 五動 庚、周宣修德用 而 矣。故「大貞 魯昭 正三,以君討臣,則三復 馴 公、高貴鄉公之事是 致 ,爲之不暴。又 陰爲 賢,復先王之 凶」。《易傳》 小, 不爲則 故

上六、乘馬班如、泣血 泣血漣如」,何可長也。 漣 如。《象》 日

巽,巽爲號。 屯,其情異矣,乘馬而班别也。 乘之。上應三,五自應二,雖欲用 上六屯之極也,五坎爲美眷之馬 血,泣血也。 无如之何,是以泣盡繼之以 上不得乎君以 上反三成 解,爲 濟 目 屯,難 上 血,連 一動 坎爲 五 動 成 濟 而

> 巽爲長。 如。 而 不 己。 然屯極矣,極則必變,何可 上之三, 連 兩 離 爻, 故 長 日 也。 漣

日 瀆 志應也。 亨行時中也。「匪我求 筮 則不告」,瀆蒙也。蒙以 告, 止 艮 上下 於外不可進也,險在內不可止也。 蒙,山下有險,險而止,蒙。 再三瀆, 蒙,亨,匪我求童蒙,童蒙求我。 「初筮告」,以剛中也。 瀆 則 不 童蒙,童蒙求我」, 告。 養 Î 利 ,聖功也。 「再三瀆 貞。《彖》 蒙亨,以 初

中也。 時 之,屯塞者亨矣。 屯九五 爲二,以亨道 蒙也。蒙者,屯之反。屯者,物之 其可亨之時而亨之,使不 故蒙而未亨,有屯塞之義。 加 而 止莫知所適,蒙也。 弗勝。 學者禁於未 故曰「蒙亨,以 行也。 發,發 蒙有 此以艮坎二體 ·失其 미 大者亨,五 圃 九二引而 亨行 後 亨之理,當 禁, 中者,時 時 則 反 過 達 言

則 蒙也。 也。 此以二、三、四爻言亨蒙之道也。 隨其屢問而告之,決之不一,不知所從, 應,再三瀆,瀆則 求達焉,則一發 以手持草,筮也。 皆求於二而志應者,應五也。 不憤不啓,不悱不發。 不問而告與問一而告二,皆非剛中。 蒙求我」也。 五、志謂 有剛中之德以 二柔順,與五相應,艮爲手,求之象,「童 必 至上體 初筮所以告也。 初筮告也。 燕 此 我者,二自謂 剛中也。 以九二言亨 頭 學,褻其 童蒙求我,然後二以志應 頤,養也。九二一爻自發 自守,「匪 而 不告也。不待其欲達, 初筮告者,以剛中 二爲衆陰之主,四陰 筮占,決也。五動二 六三、六四不與二相 通,通則不復塞矣。 (師訓。 也。 也。 蒙塞極矣,於是 我求童蒙」也。 二在 艮 瀆與 爲 震爲草, 下不動 少男,童 贖同。 蒙自 也。 夫

> 也。 德。 以利 月卦、《太玄》準之以童。 亡。」此以二五言利貞也。 心所欲不踰矩。則蒙以養,正 功成矣。蓋 童蒙養之,至于成德,躋位 蒙者言之, 虞翻曰:「二志應五,變得正 貞。 故夫子十五志于學,至于七十 自蒙者言之,純一之德未發。 剛 學未至於聖,未足謂之成 中 也。 而 乎中正,則聖 未正,故 在卦氣爲 作聖之功 成戒之 前 而 縱

《象》曰: 山下出泉,蒙。君子以果行

莫之能禦,故君子果其行,必育其 也。 德者,行之源。 泉,未有所之。 坎水在山 則發而必至。震爲行,乾剛 上爲雲,下爲雨,在山下爲泉,象其物宜 下,有源之水,泉 育德者,養源 蒙也。 泉積盈 爲德。 也。 也。 科,其 山 坎水 下 出 進

《象》曰:「剖用刊乀;以臣去也。初六,發蒙,利用刑人,用説桎梏,以往吝。

象》曰:「利用刑人」,以正法也 《易傳》曰:「立法制刑,乃所以教也。 也。 兑見坎毁,説桎梏也。治蒙之初,威之 卦言童蒙,爻言刑人,刑所 以刑,然後漸知善道,過此以往則吝矣。 之論刑者,不復知教化在其中矣。」 震足,交於坎木,桎梏之象。 坎爲律法 於其始也,正法以示之,蒙蔽者知戒,終 用此刑人。刑人,非惡之也,以正法也。 始,至死於桎梏而不悔。初六發蒙,利 初六之動,發蒙也。 不陷於刑辟,用説桎梏之道也。 初六動而正,正法也。 兑爲刑殺, 蒙蔽之民,不善其 以輔教也。 艮手,

> 《雜卦》曰:「家人,内也。」 也? 曰二内也,大夫之位。大夫有家。 包,則五不肯納。上柔不接,家道廢矣。 故曰「子克家,剛柔接也」。 能若是乎? 譬之子克家者也。二不能 中納之,非其道廣其施博,積誠以包蒙, 婦,子克荷其家者也。九二而致其君虚 爲家,坎爲乾之子。父有子而至於納 正,五之吉也。故曰「納婦吉」。 二在内 婦有相成之道,虚其中以納之,君道之 接柔,爲五所納。 也,二之吉也。故 曰「包蒙吉」。 艮男爲夫,巽女爲婦 一爲家何 二以

六三蒙而不正之陰。坎有伏離,離目爲《象》曰「勿用取女」,行不順也。

九二,包蒙吉,納婦吉,子克家。《象》曰:

子克家」,剛柔接也。

六五柔也,九二剛也。五以柔接剛,爲

一所包,含章有美而效之君,臣道之正

「見金夫」也。坤爲身,兑折之爲躬。三女,取女也。艮少男,夫也。乾變爲金,見。上九不正,下接六三成兑,兑爲少

家,是亦蒙矣。 悦,不能自有其躬。上九説之以利,於 女貴正,女正則家人吉。 六三見利 順,「无攸利」,故戒以「勿用取女」。 德爲不正,於理爲不順,取是女而欲正 之上,「不有躬」。坤爲順,三不正,行 取 而 不

獨遠實也。 六四,困蒙,吝。《象》曰:「困蒙」之「吝」,

困也。 息盈虚,相爲去來。消則降,息則升,實 爲實何也? 吝自取也。二坎,三動成兑。 初,則與二 應,三動而近二,四獨遠之,若動 陽爲實,九二剛實,發蒙之主。二與 二,介於不正,无以發其蒙。 滿,虚則耗。 也,耗者貧也。陰陽相循,禍福 故曰「困蒙之吝,獨遠實也」。 一相近。 曰陰消爲虚,陽息爲實,消 升者貴也,降者賤也 四懷居不動,獨遠 困不知學, 澤無水, 而 陽 重 應 五

坎爲盜體師, 盗用

師、寇也。

艮爲手,擊

爲寇者利於蒙闇昏亂之時,●蒙極

爲寇者,九二也。擊蒙禦寇者,上九也。

賤交,禍至而福逃。」 虚,流止无常。」又曰:「息與消糺,貴與 玄》曰:「盛則入衰,窮則更生,有實有 放义 爲貴賤、貧 (富、禍 福之象。 。《太

六五,童蒙吉。《象》曰:「童蒙」之「吉」,順 以巽也。

利用「禦寇」,上下順也。 上九,擊蒙,不利爲寇,利禦寇。《象》曰 之吉」也。五君位,成王求助之爻乎。 開導之。以此治蒙,優於天下矣,「童蒙 則易人,順則樂告之以善道,巽則優柔以 艮少男,童也。五求於二成坤,坤 二往資五成巽。巽,巽也。 順則易從,巽 順 也。

原作「家」, 據通志堂本、四庫本改

日: 盛衰之理焉。」 變,聖人所以酬酢也。 也。 之,坎毁成兑,民悦而從之,上下之情 寇 反合,爻有升降。 否變者十有二,泰變者十有二,反復 變者六,遯變者十有二,臨 也。」蒙屯之反,何也? 而 解 「若舜征三苗, 周公誅三監, 禦 「利用禦寇,上下順也」。 孟子謂取 上九 則 是 非 定,蒙暗 其蒙解之時,自上之三擊 之而 所以明天人之際,見 燕民 陸震亦曰:「卦有 明,故 以悦也。 曰姤變者六,復 變者十有二, 日一不 坤爲順 《易傳》 利 寇 相 順 爲

吉」,位乎天 往有功也 陷,其義不 \_\_ 坎乾 上下 需,有孚,光亨,貞吉,利涉大 需,須也,險在 困 位 窮 「,以正中也。 「利涉大川」, 矣。 需,「有孚,光亨,貞 前 也。 剛 健 而 ]|| 不

需,須也」,須,待也。 剛健 上行, 遇險

> 中」乎。 之象。 自四 位 光,坎離之象。「光亨」者,以貞吉也。 其德固已剛 德,四與五,孚未進之時,雖未得天位 遽孚之哉? 也。 言乎需也。 者,水在澤下也。 也。 卜之望成湯也。此以二五言需之才也。 健而不陷,其義不 屈,不陷於險,善用剛 未 五正中,待物之須而不匱者,唯「正 動,待時者也,故曰 乎天位」,爲須之主,萬物需之,「貞 而進, 孚者,己也。孚之者,人也。 坎,險也。 三陽剛 二者,夫子之待價也。 故曰「貞吉」。 則位乎天位,乃「光亨」也。 須以進者,需有 健有孚,特道未彰爾。 需自大壯變,大壯四陽 而 陽陷 健,能須以 困 需自二而上,有 窮矣」。 健 於陰 需道至於光 需 者也 須 中 進 也,險 ·,陷 孚而 此以 一,動 五者,天 也 及其 日一剛 豈能 困 兩 在 而 進 不 反 前

功也」。 坎爲 而 往 一, 何 大川,自四之五,往也。 於卦氣爲二月,故《太玄》準之 難 不 濟,故曰「利涉 大川 乾剛 往 須 有 時

《象》曰: 雲上於天,需。君子以飲食燕

未失常也。 初九,需于郊,利用恒,无咎。《象》曰: 需于郊」,不犯難行也。 待時而 養其氣體,燕樂以養其心志,居易俟命, 「雲上於天」,蓄膏澤而未降,須 子蓄其才德未施於用,亦須也 養萬物也。 動、蓋 需 坎爲水,兑爲口,爲和説。 有飲食之道。 「利用恒,无咎」, 膏澤,所 飲食以 也

動,不犯難而上行,故曰「需于郊,不犯前,當守正不動,以需其應。不先時而五坎爲險難。初九正應六四,而險難在三乾,天際也。四在内外之交,曰「郊」。

謂天下之至變。 也。 无咎。 者,需之恒也。 觀也。乾九 卦變也,所謂之某卦 也」、「乾道乃革也」,何取於卦也? 之,「未失常也」。 難 未通也。或問:「利用恒也」、「順以 在下,需六四之應而以巽行,以 之,如是應時之需,則上下相與,可 久之道。 下也。九五虚中以需六四,屈 「犯難」者,非其應而往,無因而至前,志 行 小畜之中又有離兑,故曰「革」,是 也 陰之從陽,地道之常也。 \_\_\_ 曰「恒 風 四「乾道乃革」者,乾之小畜 雷 蒙六五順 相 九五剛健 與,不失其 謂 也。 五 變 以巽者,蒙之 需「利用 四,動 (正,天 中正而 L 己 初 下 九 地 巽 言 m

終也。「需于沙」,衍在中也。雖「小有言」,以吉九二,需于沙,小有言,終吉。《象》曰:

二九

言 守亦 柔 剛 凶 正 于沙而不妄動,則平 合,坎化爲 時 二,故二需之。 相得,四見二不應而需之,與  $\overline{\mathbf{H}}$ 小有言」宜矣。 「需于沙,衍在中也」。 ,正則吉。 五 也, 留 而動,其動必以 沙 坎 矧 何傷 ,以吉行,故有終,勉之也 之 爲 於 餘 故「終吉」。 水,一 澤 象。 人乎? 哉。 者, 坤, 一、三兑 沙,近 剛 而兑毁 險難 夫子不 九二得 鹵 兑口 二非 Œ 象言「以 於險 也。 爲澤。 易而 (雖「小 , 積 誠 既 久 , 二 五 · 衍 固 終不 爲言也。 中,剛 進 者 爲平衍矣。 六四與五近 在其中矣, 在 猶不 水往 也。 有 進 吉終」者,二 澤 而 言 也。 (己異 中, 能 矣, 免 五 君 柔, 於 子 終 不 動 剛 而 趨, 自 而 故 无 有 則 需 相 應 待 其 而

> 至」。 坎爲盜 外也」。 敗也。 IE 以 不 坎 極 需需 故故 敬慎 六坎 也。 水 順以 正 進 坤土, 而 上乘三成坤爲輿,坎爲車多 曰「自我致 逼 于 九三正 在外, 聽 三、四下 而 迫之 九三守正 於 Ш 也 不 有 水 險 出出 動, 已 戎 澤之際 爲災, 已將 而明,能 自穴。 兵, 誰能 甚, 有 寇 可 伏艮。 ,敬慎不敗 寇也。 故 則至。 陷 也 爲 敗哉 《象》曰:「需 矣, 曰「需于泥 泥 抑其剛 動 艮 寇雖險 別上 需 故 九 止 敬 也 于 曰「致 也,慎 者 健 六乘之。 泥 剛 持 災在 持 我 健 也 寇 其 之 之 于 則 動

血 四

<u>\_</u> 進 處 乾 故故 險 礙之,有險在 者 坎 日 坎爲隱伏,兑 也。 爲血。 「出自穴」。 據坎兑之際,三陽自 前 九 進退  $\overline{H}$ 爲 六四 大 不 壯 , 穴也。 安其 可 則 位 陰陽 以以 六 故 下 四, 必 而 E

也。

泥」,災在外也。

自我「致寇」,敬

不

敗

需

于泥,

致寇至。

《象》

曰:

需

于

當位 所,故爲小人謀者如 戒之以敬客。君子得 二陰小人。於六四戒之以順聽,於上六 有所失人則失需之義 自得三人言之,則雖不當位 之,則得三人。自不當位言之,則失也 終吉」者,不失其正,故吉。 也。 [其「三人」止曰「不速之客來」者,爲 加 應,則 上六於二、於初,爲不當 得一人。不當位 此 矣。 位則 卦四陽君子, 小人必得其 卦體 未大失也。 而 位 需 也 應 上

淵 來 見大人」,尚中正也。 險,險而 大人,不 也 而 乾 坎 上 下 得 中 訟,有孚,窒惕,中吉,終凶。 利 健、訟。 也。 涉大 「終凶」,訟 川 訟「有孚,窒惕,中吉」,剛 《彖》曰: 「不利涉大川」,入于 不可 成也。 訟 Ŀ 利見 剛 「利 下

乾健 无險則无訟,无 也 ¬,坎 險 也。 健則不 兩者相 能訟。 敵 所 險 以 而 訟 健, 也

> 主 中。 見大人,尚中正也」。此以九五言訟之 之,以中正 則无 善聽者然後孚信, 偏係,君子小人各得 九五大人,聽訟者 可成也。 三之二,言九二之才也。 孚窒惕,中吉,剛來而 離 能 位,見窒於二陰,邪 反,終成其訟,必凶,故曰「終凶」,訟 故 三之二,二有孚于五 也。 水變兑,川壅爲澤。乾首没于澤中, 惕 爲 訟 懼 剛 0 目, 巽爲 所事於訟矣。 此以 訟 實「有孚」,信而 處柔,訟 此以成 一變巽,二變鼎,三變大過 一爲尚 兩 多白 體 也。 而 言訟 卦 懼 也。 眼,惕之象,故曰「有 不過乎中,則免矣。 Ē 上九 雖 其 而得中吉 離 剛 得中也」。此以 也。 是非,上未辩也。 有 中正在上,无 爲 平,故九二利見 見窒於人,不 來揜 言訟之終也 孚也,然剛 目,見也。 訟 訟 自 剛 於二陰之 ,故曰「利 遯 過 來, 而 所 失 不 九

則 四,坤順 至於相 需于血 聽,是以三陽出 善,故曰「需于 也。 爲六 小人 坎耳,聽也 四 安險,不傷 血 |者不 自 順以 穴 . 競 而 聽 无 而 不 也。 違焉。 順 Ė, 以 惟 聽之 故 順 日

吉」,以中正也。 九五,需于酒食,貞吉。《象》曰:「酒食貞

吉。 中正 貞吉,以中 者不過,過 者、止於飽 獲,各足其量,而止如飲酒者、止於醉 下,酒食之象。 天位,應天下之須。 需至于五,陰已退聽,難 「需于酒食」。 而已。天下之需於五者,无須 貞 震 爲禾稼,麥爲麴糵。東方穀也 (吉者,以中 則 Ė 需者无窮,應者不動,故「貞 應之有時 也」。 酒食,所以養人者也,故 九五爲需之主,應之以 坎、震 而 坎震 E 加 也。 已 窮,故曰 爲 爲酒,兑口 ]獲濟。 酒何也?● 中 則 酒 位 養之 在 不 食 乎

故東風至而酒湧。

不當位,未大失也。吉。《象》曰:「不速之客來,敬之終吉」,雖上六,入于穴,有不速之客三人來,敬之終

客而 敬者,持其正也。 穴,故曰「人于穴」。 九二、初九不當位而不應,君子固有 自外而入,主人未應,不速之客也。 速之曰吾子人矣,主人須矣。 需者,訟之反。三陽自外而入坎,兑 敬其二,則需之者 於是邦,无上下之交者,豈可以 人者,三爻也,故曰「不速之客三人來」。 之主也。三陽乾兑居西北之位,客也 不速之客三人來,敬之終吉」,而象 不敬乎? 三陽同類也,敬 上六、九三當位而應, 所 客在外, 失 大矣。 主人以 九五,需 其 爻辭言 不 二不 速之 至 爲

▶ 「坎」,原作「次」,據通志堂本、四庫本改

也」。 《彖》曰「柔來而文剛」、「分剛上而文 也。 卦變六十有三,此焦延 往來,明 主於内」,此舉一隅也。 柔」,在《无妄》之《彖》曰「剛自外來而 之已甚,其弊至於 于 爲清明三月節,故《太玄》準之以争。 國從亡。 濟之以 人見其訟也,戒之中正,戒之不可成 變二變,何説 淵也。 漢唐之亂,始於 相 此以卦變終言一卦之義也。 下,君子小人不 利害吉凶之无常也。 争,是以 故曰「不利涉 天下之難未 也? 君 亂 小 子 益 相 小 人 亂 壽 剛柔相變,上下 티 : 有不 大川, 入于淵 人淪 爲險,君子疾 《易林》之説 相激 難 起 在《費》之 是故, 始 於争, 而 作 在卦 爲

某台。 《象》曰: 天與水違行,訟。君子以作事

> 訟。 則訟 天 西 不作。 行,水東行, 事、乾陽 室, 訟之源 違行 始於 也。 次, 也。 相 III 違 乃有

其辯明也。「不永所事」,訟不可長也。雖「小有言初六,不永所事,小有言,終吉。《象》曰

初往 也。 初與 得,相訟者也,故二與五爲 剛初柔,各得其正,故雖「小有言」,而 事」,以訟不可長也。 坎險也,兑説 及禍者也。 永所訟之事也 易傳》曰:「在訟之義,同位 易明, 訟 四應,九二間之,此初六所以訟也 初六往而直己,九四體離而 初 二,四來 與 明故「終吉」。 四 兑爲言,陰爲小,「小有言 爲 也,異爲 獲 應 訟事之險者,「不永所 其 初,坎毁,巽降,兑見。 辯 永其訟者,未有 事。坎又爲可,不 明。 初 對 以 同 而 敵 四 相應 也。」 位 明。 而 與者 不 其 不 四

訟上,患至掇也。 售。《象》曰:「不克訟,歸逋」,竄也。自下九二,不克訟,歸而逋,其邑人三百户。无

爲非。 百也。 訟 坎動人於衆中, 竄也。 三至五歷三爻,坎在内爲眚,二動去位 變,則二三坤策,四五乾策,合而言之三 乾策三十有六,坤策二十有四。 逋竄也」。「自下訟上」,於勢爲逆,於義 其邑人三百户得以无眚。 不然,五來討 加 二,禍及邑人矣。「歸」者,二自五 二五本相應,以 「掇」,拾也。二去成艮手,掇拾之象。 逋」者,失位而竄。 訟  $\overline{f}_{1}$ 克訟者,義不克也,故退 也。 中正,不可也。 坤爲户,二在大夫位,爲邑。 禍 然五君也, 患至 兩剛 於 逋 坎爲隱伏,坤爲衆。 況 其德中正,以 不相下,此 鼠, 故曰「不克訟,歸 以臣訟君 自取 而 逋,❶則 之猶。 而 九二 所 乎 不 反。 Ė ? 以

> 則无 當天子之大夫也,食二百八十有八人。 諸侯之下士,視上農夫食九人。中士倍 《太玄》曰 逋之謂乎? 古者諸侯 大國之卿當小國之君。然則諸侯之卿 大夫,君十卿禄。天子之大夫視子男, 下士,上士倍中士,大夫倍上士。 百户,舉全數也 告。 「兩虎 故 日 「其 相牙,掣者全也」,歸 邑人三百户无 建國、大夫受邑。 卿四 告」。

❶ 「逋」,原作「通」,據通志堂本、四庫本改。

乎? 也。 身,不知六三之吉 剛,就之无所事訟,得位而食,「終吉」 能訟,明 乾,上九 上」。二爻皆以處 者,剛健之事,故初 而食,是以「食舊德」也,非從上之「吉」 事」,以成功歸之,已終其 喪其舊,以下訟四 家、邑、小都、大都之田 而失位,「厲」也。 四間之, 食舊德」。 不克」而渝,得吉。 三之從上,非苟從 卦之終,故曰「或從王事,无成 實嬰訟 乾五爲王,巽爲事,三内卦之成, 則 宜 郊之象。 一有訟。 知不 六三介九二、九四兩 田 可訟 蚡,上下相激,至亡其 柔不 往從上 然三 六三當争勝之時,不 而從上也。三從上 也。 訟以能止爲善也。 則「不永」,三則「從 而 ·終而 《易傳》 柔 止 是也。三公位 也。「或從王 九 事,不以无事 而 ,是以從上 得吉。 明,柔 則上屈 日 剛之間 四 則 其 而 不 而

> 曰:「復即命渝」,「安貞」,不失也。 九四,不克訟,復即命渝,安貞,吉。《象》

九五、訟、元吉。 敷? 故先 之得失。 象》曰「申命行事」,正與否則繫乎爻位 者天之號令,在人則命也,受之於天也。 不明,九四 前之失,安於正理矣。訟者始於剛 即命」也。 復其所,何訟之有? 心,而與初相應。 敵者,故「不克訟」,乃克其 九 也,不可訟 四 生於仇敵,故有忿争不安其命者焉。 明則 上 儒以巽爲命、爲 異爲命,何 承五 知 陸績曰:「訟之復,乾變而 命者,正理也。 也。三從上,初從四,无與爲 處 可否,斯 下乘三,而 《象》曰:「訟,元吉」,以中 柔 也? 體,離異柔,異故无 相應則情義相得,各 號令、爲事、《異 九四 各復其所者,「復 曰: 初爲應。 復即 所以能 、剛强欲訟之 巽爲風,風 命 復者 翼。」 則 强  $\overline{\mathcal{H}}$ 狠 君 而

正也。

元吉? 其始本吉,吉之至善者也。 召伯,聽訟之爻。 偏 九 五 係,邪枉之道不行,故吉。 \* 大人得尊位,以 聽訟之主,未能 中正 使人 此皋陶 [元吉]者 无 在上,无所 訟 淑問 何 謂

曰: 以訟受服,亦不足敬也。上九,或錫之鞶帶,終朝三褫之。《象》

毁,有「褫」之象也。 知其雖有是物,亦不 折,伏艮爲手,爲「受服」。 褫」也。 終朝三褫之」。自五之三歷三爻,「三 也。三,離日之上爲「終朝」。 兑爲毀 或錫之」,乾變爲金,腰以金飾,「鞶帶」 恥,不安其服,是以終朝三褫之。 限乎上下之際,腰之象也。 上九成訟 「敬」者,人 而居上位,受服 以其正 故曰「或錫之鞶帶, ·足取 敬於人,内自 三復位,鞶帶 ,足憚,故敬 上九之三 不以正,

> 逋竄,以訟受服則愧而三褫。 訟逆德,非人之本心,故不克訟則歸而

王矣。 而民從之,「吉」又何「咎」矣。 師」,衆也。「貞」,正也。 坤坎上下 剛中 師,貞,丈人吉,无咎。 而應,行險 Mi 能以 順,以 衆正 《彖 此 毒天 **>** 可以 日 下

比。 言也 衆。 歸往之,王者之道也。 本於正,使衆人皆得其正,天下之民 驕矜,雖迫之以威,非得其心也。 動之五,正也。 之至於二千五百人爲師,亦衆也。 之,亦用衆也。《周官》自五人爲 坤,衆也。 二者也。 師衆也」。 二有 至比 故曰「貞正也。 而 震體。 五陰 變師 得 用師之道,以正爲本。 尊 苟動不以正, 位,可 而一陽爲之主,利 ,二變謙,三變豫,四 震,動 以王矣。 能以衆正, 師 也。 自復來, 聚 出於忿鷙 衆 伍, 故 九二 初 可以 惟 而 於 將 積 用 動

矣,而 慢而 外,不從中制,是以出則有功。 之,其實生之。 從之,雖至險而行之以 之至險者,无若師也。 乎? 古者人君之用將,既得其人矣,跪 天下,至慘也。 疾,謂之毒。師之所興,傷財 二,進而上 而 顧 夏傳》本作「大人」。將帥之道,不剛則 王之於尚父,宣王之於方叔是已。《子 以衆者也。 稱 王 推 矣」。 一般,付之斧鉞,進止賞罰,皆決 不肅,剛而不中則 身在險 輒見疑,己且不暇恤,其 上无 「丈人」 行, 柔中之主 震爲長之象 中,服其勤 用毒 以此 聖人 行險而 一者 尊嚴 藥以攻 毒天下,而 不得已而用之,以 以 順 順也。 師 暴 勞 應之則 ~,言九二也。 也。 動以 八則衆 而 可信,長 疾,雖 无親, 害物,施之 坎自 凡藥石 睽孤, 能 應之,能 語 公安有 成 初 mj 天 剛 者 之 民 於 攻 下 功 内 中

> 吉 夏 故 險,又爲毒者,險難之所 而 毒藥以攻疾,所以濟險難 不從者哉? 民 四月,故《太玄》準之以衆。 日 丽 從之,吉又何咎矣」。 「剛中而應,行險而 无喪敗,合於義 兼 是 五 者,唯九二乎, 而无咎也。 順,以此 伏 也,故又爲藥。 在 也。醫 卦氣爲立 <del>毒天下</del> 師 以

衆》曰: 地中有水,師。君子以容民

蓄

《繋辭》曰「陽一君而二民,陰二君而一 謂 寬以容民,又有度量,上下維持以蓄衆。 險 所謂「容民」者,言内卦也。 民」,民謂陰爻也。有陽爻則陰爻爲民。 流泉,河海之大,不能出其 能有之,師之象也。 物之在天地間,至多者无若水 於大順,伏師旅於民衆,井田之法也。 蓄衆」者,言外卦 故 也。 土 一雖緻 或日 涯 坤爲衆,所 涘。 密 也。 . 加 君子 含通 地 中

初 律」, 六 師 失律 出 以 X 律, 也 否 臧 凶 ^ 象 **>** 日 : 師 出

之否。 伐 象也 也。 律, 凶 坎 曰:「否,不 日 起 失 失律」者爲不 逆 ? 之灋,不正 坤 於黄鍾之九寸,黄鍾 而以 律」,失律則 師 則 量 初 《春秋 爲 坎,律銓 出 生數,數生 教道素明, 兵卒有 劉遵 六不正, 律 「否臧」, 律可 否, 以 律, 傳》晉荀首 也。」故辭曰「否 衆 日 律謂 謂 善 而 散 也 否 失律 臧 動 凶矣。 「否字, 之法 動 爲 否臧 稱,稱 臧 乎? 則 弱 是 兵法 凶 坤 也。 亦失 別則不 者, 或日 坎 坎 日 ]1[ 日: 生勝。 古之不 地 位 制 否, 毁 壅 度 執 在 律,安 · 善。 也。 生 爲 臧 量 事 讀 師 勝 司 度, 衡 師之臨 ^ 順 敵 爲 師 失 馬 師 杜 字 爾 之法 得 成 出 出 律 之道 度 掌 也 象 預 可 之 以 生 九 无 日 亦 否

> 律,爲 臨 律 以 以 -竭。 竭, 」者,初 如 己 大且 也 六 坤 不 動 故 毁則衆散, 整,所 而 E 成 否 兑也 臧 以 其 X 坎毁 也。 律 坤爲衆, 竭 則川 也 日 「師之 坎坎 盈 爲 而 而

九二,在 懷 在 萬 師 師 邦 中, 中, 也 古一, 吉, 无 承天 咎, 王三 寵 也。 錫 命 三王 三錫 象

得 龍 得 也。 有 萬 光 ൬ 桂 中,乃 物 也 權 於 凶 中者也,故能「承 五. 義无 人臣的 咎。 而化光,非 ,不專制 陰 之專制 乾在上 聽 能承 惟 咎。 莫敖自 于 在 天寵。 以五 无成功之理, 師 爲天,五坎爲光,二震 九二剛居柔, 陽, 天地之施 可 用,得 龍之。譬之 以 在 天 不然,怙 下 專制,然 龍」。天龍 臣 丽 剛 乎? 得中 專 寵 威 加 制 專 心地道, 道 無 而驕 惟在 和 其 制 者,龍 乃吉 並 事 疑 用 爲 師 於

二,懷來也 之將。王錫命之至于三、極數也。然亦 有 不過乎中,萬邦所以懷歟? 過則濫賞, 者諸侯人爲天子之卿,天子之卿爲六軍 伏巽,爲命「王三錫命,懷萬邦也」。 古 能 功者不悦,非所以懷來之。 承天寵哉 五乾爲王。 坤 九自四歷三爻。二有 在上 爲邦,四諸 九自五之 侯,三

尸」,大无功也。 六三,師或輿尸,凶。《象》曰:「師或輿

> 咎」,未失常也。 六四,師左次,无咎。《象》曰:「左次无

六五 中行也。「弟子輿尸」,使不當也。 弟子輿尸 哉! 也。《易》發此義以示後世,其仁深矣。」 退,愈於覆敗遠矣。可進而退,乃爲咎 爲「无咎」。《春秋》書齊師、宋師次 北救邢,按兵待事,卒能救邢,何咎於次 慮勝,臨事而懼,未失坤之常也。 柔能自正 自固,豈用師之常哉,宜有咎。然六 時,師宿爲「次」。 六四之動,震爲左,日在地 下,救者當倍道赴之,動而左次,阻 ,田有禽,利執言,无咎。長子帥師 《易傳》曰:「度不能 **^,貞凶。《象》曰:「長子帥師」,以** 而下无應,知其不可行,量敵 坎阻水也。 進 下, 而完師 於義 于 水 難 夜之 以 聶 四 以 在

❶ 「日」,原作「目」,據通志堂本改

言而 也。 毁,既使二主師,又使三主之,「興 成艮,於震爲弟,於乾爲子。 柔,威克厥愛,以中道行師也。 如 五 五 如晉荀林父邲之戰、唐郭子儀相州之敗 義「无咎」矣。 奉辭罰罪 (易傳》曰:「自古任 害稼。 震爲長子,帥衆而衆從之者,以 田 手有上使之意,上使不當 ,成艮手爲執,伏兑爲言。「執言」者, 應二, 聖人再言之者,任 則非无名興師,「執言」則我有辭 所任不一,雖 行,去民之害,不得已而用。 獵。田既 然六五 二爲田 也。 四時之田,皆爲去害。 二往之 柔,於用人不可不戒。 六五柔中以任將帥 故 有禽,然後 0 曰「田有禽,利執言,无 正 震 將不專而致覆敗者 亦 爲 將 N<sub>o</sub> 稼, 不 取之。 坎爲 也。 九五,正也。 可不重 之三則坎 若五 興尸之 豕。 田田 剛 師 也。 於於 居 有 動 九  $\mathbb{H}$ 

> 《象》曰: 上六, 用」,必亂邦也 是 也 大君 大 有 君 命, 有 命」: 開 或 以正功也。 承 家 小 「小人勿 勿

成坤 巽三在二四之中,有「開國承家」之象。 巽,巽爲命,「大君 所使未必皆君子,及其成功而行賞,則 祖廟,示不敢專,故於上六併言之。 上,師之成宗廟之位。 夫爲 家。 長子,主宗廟社稷,「開國」者也。 功者承家,使受邑也。 九,臨之六五,皆曰 三不正,爲小人。 有功也。有大功者開 大君者,號令之所 一六動 ,乾在五上,五 初陰 邦也。 在 下承之,「承家」者也。 三之上,小人用於上, 有命」也。 行師之時,貪愚皆在. 自 「大君」。 國,使建國。 出 君 古者賞人,必於 四諸 也。 位, 侯位、震爲 「大君」也 有命以正, 故履之上 上之三成

致驕 若小人无厭,有民人社稷,其禍必至於 亂邦。《周頌・賚》「大封于廟」,言錫予 **胙之土,萬世之利,尊有** 帛,優之以禄 君子當使之開 尺寸之土,亦過矣。《易傳》曰:「小人易 善人也。 土,風 之,遇觀之否。 之者乎? 也。」或問: 爲土,變而爲乾,乾父坤母,繼父母之國 者也,故曰「其代陳有國乎」。 或 著於土,其在異國乎」。 請而已,得此道也。 也。 也。 盈, 況挾功乎? 行地上,不處者也,故曰「風 辛廖占之曰「震爲土,車從馬,公 畢萬將仕於晉, 遇屯之比, 初 光武中興,臧宮、馬武之徒,奉 日: 位 坤爲土、爲國邑,古亦有 國承家,小人厚之以 觀四,諸侯之位 不不 周太史爲 害其 漢之英、彭所以 然寇、鄧 此皆以 爲賞功 德 陳侯之子筮 所 内 以 諸賢,无 (坤土 也 桂 也 示訓。 坤 言 亡 坤 爲 而

> 始。 侯之 侯,以 卦」, 二,大夫位 坤土動於下 又 日 「公侯 也。 也。 言自大夫復 之子 孫 必 爲 復 諸 其

也,下 凶」,其道窮也 剛中也。「不寧 方來,後夫凶。《彖》曰: 坎 地 上下 順從也。 比,吉,原筮,元永貞,无咎。 方來」,上下應也。 「原筮、元永貞、无咎」, 比,吉也,比,輔 後 不 以 噬 夫

凶者。 則彊。 輔也」。 比,輔 比「吉」者,比 不正。 之,比所以吉也,故 也。 不可以 蠶 故原 原 也。 父子、夫婦、朋友、未有孤 人君爲甚,故比 不 有是三者乃可 廟之原。 此 筮 與善,不可以 合兩 以 一陽在上,四陰在下,順 而 決 吉也。 體言比 其所 比自復來,一變師, 曰「比,吉也」,「比 從。 以无咎,以其當慎 而吉,謂九五也。 凡 不 也。 長 原,再也 然比當慎 孤 久,不可 則 危而 危, 以 羣 如

也。 乾元 長 坎勞卦,不寧也,坤爲方,「不寧 貞」,故曰 比之不善,或貞而 永貞則无咎矣。不然,慮之不審其始, 慎至矣。 草占筮之象,故曰「原筮」。 下相應,多方來矣。 「原 筮以審之。其始也,相比以善,其終也, 離於貞,「元永貞」也。元,君德也,善之 ·應也」。 則 六 六之所以 也,乾剛之始也。蓋比道之難,既 筮,元永貞」者,九五也。 獨安其位 履 也,故曰「元」。 比之時下雖比 險 一變豫。 復初九始於正,四變成比 謙,坤三、四、五 「以剛中也」。 而 凶者,後夫三爻也,故 逼, 而不 自 道 謙 窮而 故曰「不 來,欲來則已,後 輔,不敢自 不永, 豈能 至 位乎中 豫, 不 坎往則坤來。 交先 . 知 有 原 寧方來,上 九五之剛, 正,故「永 變, 艮 來 筮 寧,則上 无 手 方來」 故凶 化之, 日 2. 咎? 持 則 其

夫凶」。比道貴先故也。

或

親諸 國。 周 制 而 國是 也。 聖人至 或 諸 湯之時七千七百七十三國,成周千八 置守,二世而亡。 國」者,衆建 五 地上有水, 少其 ,有先王建萬國 侯位。 公之意 侯 觀 已。夏 而夫子必曰「建萬國」者,衆建 患封建不得其 侯 于三代 此 以則國 力 衆 坤土 也。 則《 相比 多 承 也 君 也。比,師之反,九二爲 不 唐虞、執玉帛者 在 周官》諸侯之制, 衆建則多助,少其力 比 圃 建萬 廢,享國久 Ŀ 于天子。 无間。 親諸侯之象。「建 道耳,得其道 此封建 國也。 . 國則 民比 乾五 不可 封 長。 坤爲衆。 建 萬 其國 王也 廢之 疑若 自 者建 秦罷 [國,成 上古 則 諸 易 百 驗 萬 非 侯 萬 萬 四

初六,有孚,比之无咎。 兑。 也。 《春秋傳》曰「小信未孚」,故「有孚比之, 之有孚,何咎之有,故曰「有孚盈缶」。 誠信充實而無閒之象,有孚之謂也。 以汲,質素之器,誠之象。 无咎」。初六坤土,坤爲腹,動之四成 有它之吉矣。若始比不以誠,其能終有 繩引之,坎水盈其中,「盈缶」也。 比之則有孚信矣。 宜有咎。四與初本相應,初動而正,往 本,中心不信,人誰親之? 初六不正,未能信者也。 應 兑爲口, 巽爲繩。 稱它。 四 也,四終也。 非正應,謂之「它」。子夏曰: 故曰「比之初六,有它吉也」。 初比之以誠信,其終也 比之初六,「有它吉」也。 初自四復位,「終來」 孚者,信之應也。 有孚盈缶,終來有 土器有腹有口 水盈其中,亦 比道以信爲 以是比人, 缶所 加

ハニ,北之自内,貞吉。《象》曰:「北文陸績曰「變而得正,故吉」,是也。

内」,不自失也。 六二,比之自内,貞吉。《象》曰:「比之自

而後出也。」

而後出也。」

而後出也。」

而後出也。」

一次一、九五中正相比,剛柔正而位當,聖六二、九五中正相比,剛柔正而位當,聖六二、八五中正相比,剛柔正而位當,聖六二、九五中正相比,剛柔正而位當,聖六二、九五中正相比,剛柔正而位當,聖六二、九五中正相比,剛柔正而位當,聖六二、九五中正相比,剛柔正而位當,聖六二、九五中正相比,剛柔正而位當,聖六二、九五中正相比,剛柔正而位當,聖六二、九五中正相比,剛柔正而位當,聖

亦傷乎。
六三,比之匪人。《象》曰:「比之匪人」,不

口「處非其位,非人道也」,三、四處中,「比之匪人」與「否之匪人」同義。 子夏

求比 我衛 咎,不必言也。 比 應,近比乎六四。 正 一處非 |: | 體 公求會於衛 之 地之間未有不相親比 位 卿 而不得,不亦可 也。 而人莫與,不亦 剥,傷象。」彌子瑕 可得也。」孔子曰: 其位,遠比于上六,以非 人道 ,至桃丘,衛 相 比以 六二以不正而 傷乎? 可傷 Œ, 而 侯 能 六三 曰:「孔子主 乎? 弗與之見。 自存者也。 「有命。」魯 可傷則 柔 道 不受。 而 而 悔 不 不

賢,以從上也。 六四,外比之,貞吉。《象》曰:「外比」於

四 外比之所以吉歟? 位言之,君上也。 當位,不内比於 五,守正不 一以五爲外,内外相形 五以德言之,剛 動 則相 初 以正比賢,以臣 《易》曰「東北喪朋 絶 比 健中正 其 而後有也。 以 繫 誠 應,外比於 矣,故「貞 也。 比 四

安貞吉」,六四之謂乎?

使中也。舍逆取順,「失前禽」也。「邑人不誡」,上舍逆取順,「失前禽」也。「邑人不誡」,上吉。《象》曰:「顯比」之「吉」,位正中也。九五,顯比,王用三驅,失前禽,邑人不誡,

驅」也。 從禽。 也。 爲輿、爲衆,坎爲 道,所以吉也,故曰「顯比之吉,位正 九五 則取之。 順,故曰「失前 内卦爲後,外卦爲前,嚮上爲逆,順下爲 之不規,規以 [日 ] 顯 不比也,所謂正中也。 面。 比之主。 乾 逆而嚮我則舍之,背而順我之射 王者之於田 艮爲 比。 五 「舍」之者,明比也,「取」之者, 爲王,自四至二,歷三爻。 求比 黔喙,坎爲豕,震 五位乎正中,比者因 禽也」。 坎爲 (輪,田獵之象,「王用三 於物,比之以正 也,三面驅之,闕其 明, 顯比之道,譬之 顯 施 明 於征伐,叛 比 爲決 道 中之 以比 也 坤 中

于右艄 去又不射也,唯其走者順而射之。」王弼 腢爲上殺,射右耳本爲中殺,射左髀達 舍拔則獲。」故田 吉若顯比矣。其道猶狹,未吉也, 告誡而親之,不以僻陋之國遠則不誡而 无遠邇,无内外,无親疏,不以邑人近則 爲口,「邑人不誠」也。王者之比天下, 前禽也」。 者伐之、服者舍之、故曰「舍逆取 鄭康成 而射之由左達右。《詩》曰:「公曰左之, **捨逆之爲嚮我**, 疏之,使人人以中道相比,無適無莫,則 人」者,二乾也。二之五,艮見兑伏。兑 邑人不誠,上使中也」。 觀其所殺而 「趣己則舍之,背己而走則射之。」 曰:「禽在前來,不逆而射之也, 爲下殺。 坤在下爲邑,謂二也。 有三殺,自左膘達于右 面傷不獻,剪毛不獻。 取 知也。 順之爲射取之? 或曰: 射者從禽,左 順 安知 故曰 一邑 失

> 首」,无所終也。 上六,比之无首,凶。《象》曰:「比之无

无首,雖正亦凶。 无首,雖正亦凶。 无首,雖正亦凶。 是,則「比之无首」。上不知比三,則以之无首」。上不知比三,則以之无首」。上不知比三,則比三,則比之无首,「无所終」矣。正者之。。 正者以之无矣。 比之无首」。

行也。 彖》曰: 小畜」。 密雲不雨」,尚往也。 異乾上下 小畜,亨。密雲不 健 小畜,柔得位 而異, 剛中而志行,乃「亨」。 「自我西郊」,施 而上下應 雨,自 我 之,日 西郊

之,陰者,陽之所求也,故曰「柔得位而小畜大,臣畜君也。爻非所應亦曰應説而應之,説則見畜矣。一柔畜五剛,柔自姤進而上行,至四得位,上下五剛,

道亨而 之義 言小 中而 氣上 不過 九 得 則其 君者,好君也。 畜之才也。 主,柔自下升。 故曰「密雲不雨,尚往也」。 下者也。 見天際,郊之象。兑,西也。 西 位 五 臣畜君 「郊」,陰也。 剛中 也。 一,待唱 一行 志 乎 畜也。●乾,天也,在内外之交,而 應之日 中 也。 行, 陽爲陰所畜矣,故曰 六四志在畜君,以往爲 也。 雖 ·則志 下乾,健 乃亨」。 而 **兑盛** 小畜」。 雨者,陽 尚往也,然不待唱 往 健 「施」者,膏澤下流 天地之理,陽 行。 「密雲不雨」,陰先唱 則 不得於君,其能 而 陰也 君施行矣。 此以 濟之以異則易 也,上巽巽也,九二、 於上下兩者 此 爲 ,密雲者, 兑澤之 以六四言「小畜 陰所得 兩體二五 此再以六 「健 唱 我者,内爲 故曰 1,相持 則 而巽, 愐 畜 得 尚 也。 入,剛 陰 言 則 乎? 之, 也。 和。 畜 四 小 別 柔 丽

> 象》 非剛 成大 之戒。 我 在卦氣爲四月,故《太玄》準之以歛。 西郊, 日 事。 健 篤 且 施未行也」。 風行天上,小畜。 實 乾,天下之至健。 日 輝光日新其德,豈能畜之? 陰畜陽,小畜大,終不 言此,示 君子以懿文 至難畜者, 可 臣 强

初 道」,其義吉也 天剛 九,復自道,何其咎,吉。《象》曰 言 所畜,小者畜也。 德,文柔德。 太虚 無礙、大氣舉之。 君子以是 「風行天上」, 懿 文德。 剛 爲 復自 傳 柔

二皆以「復」言之,三受畜而不得復者初本在上,二本在五,三本在四,故初、小畜二卦,反復明之。小畜,履之反。聖人欲明陽不受畜於陰之義,故以履、

道 之,「何其咎」哉? 宜 也 有咎,然由正 初 初 九 者九之位 不 受 畜 道 E, 而 於義吉也 而復,四亦以 復 也。 四 猶 正者,君子之 未 爲 柔道 得,所 下

不自失也。 九二,牽復,吉。《象》曰:「牽復」在中,亦

《易傳》 五能 遂其復矣。」 牽連 若初九自道而復爲易,然在小畜之時, 體 則二應,同志者也。 而 挽 小畜以一 柔巽。二進而欲復其所 在中,亦不自失其正,而吉兩得之也。 也。 而復之。巽爲繩、爲股,艮爲手,「牽 下 而 復。 日 之,引類 二牽挽而 陰畜五陽,五本二之位 「同患相憂,二五志同,故相 二陽並進,則陰 自助,爲得中道。二復 後復者,畜之已深,不 二乾體剛 ,五以同志牽 不能勝,得 健 五 五 辈 動

九三,輿説輻,夫妻反目。《象》曰: 「夫

妻反目」,不能正室也。

脱 妻能 陰之戒。 豈能 失道,比於四 故以「室」言之。 妻,齊 異爲多白眼。九三剛而 矣,其能進乎? 坤其 姬 而復,獨九三畜於六四而不復者,九三 震離同象,故曰「夫妻」。 初、二畜於巽 怒,故反目相視。 九三見畜不可動。兑爲 「不能正室也」。 於秦,遇歸 其輹。」歸妹外卦震也,上六變離,震 語畜之! 制之也。」《春秋 輿也。 上九、九三本相應,若動而 傳》、虞翻本「輻」 《易 陽畫,興下横木 《傳》曰 妹之睽,史蘇占之曰:「 聖人詳言此者,爲陽畜於 而 悦之也。 震爲夫,離爲妻、爲目 三、四巽離有家人象, 妻制其夫,男女失位 :「未有夫不失道 傳》晉獻公筮 毁折,「輿説輹 也,敵夫之辭。 作 不 陽无失道,陰 「輹」, 中,見畜 也,爲 成震, 當 嫁 輹。 相 而 ൬

四

八

有孚惕出」,上合志也。 八四,有孚,血去惕出,无咎。《象》曰: 毁車脱其輹。與此爻及大畜九二同象。

孚」,未有不傷。 君,下畜乎衆。 下之際而「无咎」。自古人臣得位,上畜 惟其有孚志合守正而見信,故以此處上 上下志合,是嬰龍 剛,六四在下,止畜其欲,非誠信感之, 者,四五相易,合志之象。 憂,異爲多白眼,「惕」也。 物莫之傷 乎? 唯誠信孚于上,而與上之志合,則 之,若畜之以力,陰陽相 五君位體巽,四近而相得,以 畜君者也。 有孚」也。 三陽務進而上,四以一陰乘 去」,蓋「惕出」則血 而惕懼遠矣。 四不繫於初,誠信孚于上, 霍光之於魏相,蕭望之 君子不如六四之「有 鱗也。 去可知。九五之 伏坎爲血、爲加 傷,可不惕 豈能畜 《象》辭不言 「血去惕出 正相 比,臣 哉哉 懼

卒見傷也。

「有孚攣如」,不獨富也。 九五,有孚攣如,富以其鄰。《象》曰:

能畜。 獨 比爲鄰,異離亦鄰也 其鄰也。 與之共位 陽實爲富,陰虚 之,「有孚攣 《易》言交如者,異體交也。 足而見傷。五於畜時,●雖得尊位 同體合也。 五近四相得,无應以分其志,「有孚」也 富」,謂富善人也 如也。 以其富 「以」,如 食禄,四 小畜一陰畜五陽,常恐力不 如」,則衆陽皆爲我 四、五同巽體,君臣合志。 也,委之於鄰,併力而 爲 師能 [得盡 貧。 左右之曰以。 「富以其鄰」,「不 其 四虚 心 言孿如者 ,能以富 五 一實,而 用 丽 相 用 畜 五

上九,既雨既處,尚德載,婦貞厲。月幾

載也。「君子征凶」,有所疑也。望,君子征凶。《象》曰:「既雨既處」,德積

也。 易人, 剛 還其所,「 也。 以異,極 大畜,畜之以 之正。 之,積之甚 在 坎爲輪,乾 望也 巽,巽畜乾,豈婦 譬之月也,望則陰道 從 在兑西, 健, 夫 上,陽反 止 既 爲 君子征凶」,有所疑 陽説 既 雨 而 以是爲正,守而不變,危厲之道。 德。 雨既 則 君子,上九也。 月望之時 既處」也。 則陽 見 畜 而受制, 陽德也而 載之矣。 微,至於載之而有 陰 畜。 止 處 道成矣。 與陰 而畜陽,柔 ,豈一日畜之哉? 畜極 坎見兑澤 德哉? 則剛 和矣。 也。 既處則 異爲 則散。 盛 在 上九 下,巽陰德 滿 者退避,柔者尚 六四 陰盛陽消 而畜 九三不往 婦,當以 坎爲月, 不進矣。 即復虧 流、「既 動 小畜, 一未 不知 丽 剛, 中,一 畜三, 柔巽 畜之 非德 柔巽 也 離 ൬ 雨 也。 陽 而 而 成 日

> 疑 不 有 也 害, 可 \_\_\_ 動 動 異爲 動 而 去之 則 不果,疑也。 凶 一、故不 則 IE. 得 征 以 已 可 正 而 動者,其 行 處 ,「有所 也 唯

小畜之初乎。

履,柔 噩 光明也。 尾,不咥人,亨」。 乾 兑 上 下 履 履虎尾,不咥人, 剛 也。 説 剛中正,履帝位 而 應 乎 乾, 亨。 是 《彖》 以「 而不疚 履 日 虎

履踐 上爲 兑爲 以六三一爻言履之義也。 其道,履之至善也,故 之主 與三相易,上復成兑,是履 健 而 E 應乎 也,上九極乾,六三以柔履其後,上九 見 也 乾 也,言踐履之道。 虎、爲口。 咥者也。 剛 所履,不言剛 柔 上 極健 三,兑體,下説 履剛,踐 虎口,「咥 m 我 曰「柔 履 履 一柔 應之以 之 柔 人」者也。 卦後爲「尾」, 猛 者 難,處之得 而 履 虎之尾,怒 乎人之情 履 剛。 ,三柔履 和 雖 剛 此 乾

也。 柔邪 間,柔而 行 履之時。 五卦。否、无妄、同人、遯,乾體 失位爲病。 舜、禹之有天下也。履道至此,光明格 虎尾不咥人,亨」。此合兩體言履至危 其周公乎」,故曰「説 於履言「帝位」者,《易》君德而 不疾,光明也。」今之王,古之帝也。 于上下矣。 有所偏繫,則君子畏禍將去之,小人以 而亨也。 m 「踐帝位」立乎萬物之上,无所累其心, ,蹈吕 而 不忤, 故夫子贊之曰:「剛中正、履帝位 而 進,陽爲陰所病矣。 能「亨」。 和 梁 九五以天德臨下,剛不中正 上下履位 有是德有是時 个之險 而 離爲明。 六三不正,五不應之,不疾 不流,柔而 口 關子明日 也。 ,物物循理之時也。 「疚」,病也。 而應乎剛,是以 而 不犯,推 故 履是位者,唯 處 履 九五中正 乎 當君位 也,而无 而 五 是 剛 道 履 以 之 而

《象》曰: 上天下澤,履。君子以辯上下,在卦氣爲六月,《太玄》準之以禮。

「往」,獨行願也。 天澤相際,目力之所極,則視之一也。 天澤相際,目力之所極,則視之一也。 天澤相際,目力之所極,則視之一也。 天澤相際,目力之所極,則視之一也。

也。 傳》曰:「夫人不能自安於貧賤之素,則 也,非利富貴 夫衆。 不正,「獨行 故「往无咎」。 履九五 不失其素。 初 爻不正,初九 在履之下而 四動 而 履往成 求之,斯可往矣。 獨正。 也,是 正,安於下不援乎上 巽,巽爲白,亦素也。 以 願也」。非厭 往之四者,將 中正,君位也。 一往 无 咎 往以正, 貧 以 賤 四

則有咎。」 欲 其 有 進 爲 也 也 乃 貪 既 躁 得其 而 動,求 進,驕佚 去 乎 必 貧 賤 矣,故往 阚 非

「幽人貞吉」,中不自亂也。九二,履道坦坦,幽人貞吉。《象》曰:

《易傳》曰:「九二陽志上進,故有幽人之 之應 不失其 也 也。 爲隱伏。 坦 二動成震,震爲大途,坤爲平衍,「 而 自亂也。 幽人守正,所履「坦坦」者,自若其 坦」也,道中 心四,動 幽人言静 久幽而不改其操者,其唯九二乎。 正,幽人之「貞」也。 初未往,二伏于坎中,「幽人」 丽 坤爲亂,二正得中,「不自亂 往,静 而无求。 正 也。 而來,上下无常也。 初 反初 動,二成坎,坎 復位 正則吉,初 履 中 而 道

武人爲于大君。《象》曰:「眇能視」,不足六三,眇能視,跛能履,履虎尾,咥人,凶,

君」,志剛也。「咥人」之「凶」,位不當也。「武人爲于大以有明也。「跛能履」,不足以與行也。

君」,妄動也。 剛,以説應健, 也,在卦言「不咥人,亨」,爻言「咥人, 虎、爲口。 履乾之後,三往乎上成兑,虎 非其位,柔不 卦 乾五爲君,上九「大君」也。 兑西方,肅 股,兑折之,跛也。 視遠,言其知「不足以有明 口 人之凶,位不當也」。 六三離爲目,兑毀之,眇也。 才雖有上九之應,不足以 囓之,「咥人」之象。六三位 一陰介五 一者,卦 也。 爻則才知不足而 體説 陽 勝 是不知 如 剛健之中,才知不足,處 而 剛,必有凶禍,故 應乎乾, 列禦寇所 跛者不能行遠,言其 卦後爲尾,兑 宋王之猛者也。 相與 應則 有「爲于大 謂 也。 眇者 『達其 而 以 不當一 行也。 日「咥 柔 不 怒 應 爲 能

終吉」,志行也。 九四,履虎尾,愬愬終吉。《象》曰:「愬愬

志上 也。 也 也。 而 四 一行于君,「終吉」也。 履三陽之後,下有兑 履虎尾,終也。 恐懼則 不處,動 五剛,四近君 敬慎,敬慎則 成震。震 多懼 恐懼 爲 然 中爲 恐 不失其 動 虎,「履虎尾 以陽 懼, 无 志 非 正,而 愬愬 居 IF. 動 陰 則

位正當也。 九五,夬履,貞厲。《象》曰:「夬履,貞厲」,

六三「履虎尾,咥人,凶」者,位不當也

履」。 道。 以 義取柔濟剛 乎无 履天下之籍矣。 九五 居天下之尊,明足以照,剛足 下恐懼而 不可爲首也」。 三之柔濟乎剛,健而説,決 專,然未嘗不盡天下之議。」 T, 其位 兑爲決,三五相易成 威,患乎剛 或曰: 不進,人君守此 Œ. 也。《易傳》曰:「古之聖人 其德當 六三不 九五 過。不能以柔濟, 人君擅生殺之柄,不 一履乎 IIII Ē, 貞 厲 Ē 不變,危厲之 而 决,故日 何以用之? 者 位 以決,勢足 和 一,當用 斯可 天 則 一夬 患 以 臣

「元吉」在上,大有慶也。上九,視履考祥,其旋元吉。《象》曰:

爲慶,上動以正,乃致大有吉慶之道,故不邪,其旋反者必「元吉」也。陽爲大、下之理,未有出而不反者也。上九所履我之所履,則吉之來可考而知之矣。天

履之終,故其「祥」可「考」焉。 也。上動而三有慶,「其旋元吉」也。上

曰「元吉在上」。三在内爲離目,「視履」

五三

## 五四

## 周易上經泰傳第二

内健 通也,上下交而 泰,「小往大來,吉亨」,則是天地交而 小人道消也。 坤乾上下 而 外順 泰,小往大來,吉 ,内君子而外小人,君子道長, 其 志 同 也。 亨。 内 陽而 彖》 外 萬物 日

則通。 亨」者,吉以亨也。以天地言之,乾坤交 所以「吉亨」也。 通,不同則不交,此 以上下言之,上下交而二、五不失中, 氣往來相交,故亨。 而成震。震,「萬物通也」,天地之泰也。 小者自内 其 志同也」,君臣 以德言之,「内健而外順」 而往,大者自外 以 氣言之,内陽 之泰也。 再 交以正,故吉。 言泰「小往大來」 而來,陰陽之 不交則不 而外陰 則 「古 通

> 往外, 氣爲正月,故《太玄》準之以達交。 長,小人外則其道日消, 小人之闔也。 反是名之曰否。 作易者,其闢君子而 而 泰者,通而治也。 以天下言之,「内君子而外 不人於否矣。關子明曰:「乾來内,坤 ,則君子闢,小人闔,故名之曰泰。 故以君子名其卦。」在卦 是故君子内則 如是乃能存泰 小 人 其道日 則 通 通

輔相天地之宜,以左右民。《象》曰: 天地交泰,后以財成天地之道,

也。 之,則人不 泰者,天地交也。「財成」、「輔相」者,以 坤爲民, 左兑右, 地之道而財成之也,則物不 人道交天地也。兑刻制,坤成物。 財、裁古通用 財成輔相 輔相也。 失其 利。 以 因天地之宜 左右民者,立人道 左右,亦震兑也。 屈於欲。 m 輔 因 震 相

初九,拔茅茹以其彙,征吉。《象》曰:

拔茅征吉」, 志在 外 也

哉? 之力, 震。 比 征 也。 之象也。 茅,上柔 艮爲手。「拔茅」連茹「以其彙」,征也。 初九上應 丽 ,必引其類,將 初往 震爲 强,君子以 行也。 以 則 其根 濟其道於泰。 下 茹, 蕃鮮, 四。 則二、三同 剛 利於正行,故吉。 根 牽引連 而 四來援之成 異爲白 也 潔白,君子之象 以合君子之類,併天下 寡 助而弱,亦何由 三陽 一 茹 而 類牽連 不然,小人以 同 起, 巽, m 初九之剛 君子引類 外有 初往 君子在 進。 也 朋 成 伏

中行。《象》曰 九二,包荒,用 大也 兑爲澤,震 爲 馮 在, 「包荒」、「得尚于中行 河,不 陂 澤荒 遐 遺 穢之象。 一,朋亡,得尚于

五 以陽包陰,「包荒」也。 坎爲大川,出

遺」也。 道光大。如是,則无一物不泰矣。《易》 者,未光大,陋之謂也。 且 中不能容之, 言道大无所不容者, 曰光大。 配五,坎離日月,充滿 五而行中道 昵,故戒以「朋亡」。 愛之,遠己者惡之,大公至正 越險之勇,以去弊事。 Ш 乾 人材失於廢滯,故戒以不遐遺。 近己者 當有包含荒穢之量,以安人情,用馮 於蹈難 一朋亡 陋 流 徒涉 也。 好惡不中,不足以厭服人心,天下 坤 也。人忸於泰, 而 陽與陽爲朋,二絶其 行於 也 六五柔中以下九二,二剛 不 顧者也。 所以然者,光明廣 徒 地 則輕人 中, 涉 曰馮,「馮河」 河之象也。 四者具,乃得配 才, 六合而无 二近五遠,「不遐 民隱 時已泰矣,苟淺 政緩法弛之時 忽遠事,植朋 忽於荒遠, 或 思慮褊狹 類而去, 私 奪於私 大不 也。 震 照,其 中 足 狹 六 加 丽 勇

「中行」, 人于否。 「舜文之治,不過是矣。」 中 六五 道 者 曰 中 所 以 以 存 行 泰 願 也。 也 渠

天地際也。 《象》曰:「无往不復」, 加其孚,于食有福。《象》曰:「无往不復」, 九三,无平不陂,无往不復,艱貞无咎。勿

初二 變,唯艱難守貞,確然不動,乃无咎。 平不陂」則知「无 往 應之,則 危懼之心,乘 地反復之際,外之小人必因内之君子有 憂,恤也。 三上相易,「恤其孚」也。 與上六,有「孚」者 地之際,往者當 Ш 勿恤 上六,坤復 澤,平者陂矣。 一上往, 其孚,不以 大事 四 去 隙 泰 五. 矣,禍 將成否,故戒之,觀「无 而 復位,坤平衍 往 復,泰者當否,時將大 若九三不守其位 利害之心移其守,以 動 也。 不復」矣。 至 著信於我。 陰陽失位爲憂。 於 覆 九三在 其 也。 化 而 天 天  $\equiv$ 又 爲

> 乎 天人 定數,吉凶 曰 : 可易之理。」大哉 子之干禄也,修身俟命。人之信否,无 拒險詖之勢,以 一于食有 爲也,故能永享安榮與 有交勝之理。 時 運 有前期,變而 已往,艱貞 兑爲 塞反復之路,自信 人謨,其 關子 口,三陽爲福 其 能 明 有泰之福。 如 與 通,故治亂 日 \_: \_ 何? 天地 象生 而 終 曰 : 始 有 有 或 君

中心願也。「一翻翻不富」,皆失實也。「不戒以孚」,六四,翩翩,不富以其鄰,不戒以孚。《象》

情 與 陽 其主 Ê 實 其 也。 也。 爲 所 象 三陽 富, 也 而 故 安於上。 陽 翩翩然下之。 陰虚 三陽相 在 必 下, 求 陰、陰 爲貧,以, ,上與三 君子 率 而 必求 在 往 陰 初六成巽, 内 ,三陰失 用 相 陽,陰 也 應,故 安 陽之 於於 陰 五

孚」也。 位乎? 者,回 者,天也。 正 也。 也。 矣。 翩而 言此,明天地將閉,上下各復其所,雖有 君子往, 其 爲 小人猶有顧忌。君子盡去,然後飛揚 不正之間耳。 鄰 智,莫能 雞。 願皆出於中心,而分君子小人者, 衆正之間而行不正者,小人之願 君子有益於世也如此,可使一 也 下,以井氣扶之也。君子初去位 翔而後下之意,譬如葉墜井中,翩 圃 不正之間獨 兑口, 戒也。 則小人來。兑象毀,「不戒以 五 衆所同者,時也。 「不富」者,失實 止也。《易傳》 與上亦從之而復,不 是以君子艱貞。 行正者,君子之願 上下相應,孚也。 曰:「理當然 也。 泰既過中 富 聖人 日去 而 用

「以祉元吉」,中以行願也。六五,帝乙歸妹,以祉元吉。《象》曰:

則變矣。」

之從 乙歸 陽虎 京房 吉,非其願乎,故曰「中以行願也」。 至善也。夫上交於五者,豈唯九二之 事爾 願,亦六 之功,則以中道致福 長男言之,妹也。 君位,乾九二居之,帝也。帝天德 史 上交於五,而 二,剛明之賢而順從之,九二 二,「帝乙歸妹」之象。五 女以嫁爲歸。 而乘諸侯,无以天子之富而驕諸侯。」陰 以祉元吉」。 謂 載 天,必以禮義。 陽,女之順夫,本天地之義也。 妹」,湯之歸 謂 湯 湯嫁妹之辭曰:「无以天子之尊 帝乙爲微子之父,而子夏 爲 五之願。二、五道行,君 天 其道 乙,又有帝 祉,福 震爲長男,兑爲少女。 妹 六五降其尊位 E 也。 而獲元吉也。 也。 則帝乙,湯也。 行,五以是成 湯,一 祖 以柔中下交九 元吉者,吉之 乙,有 復以 日天乙。 下交九 〇日「帝 帝 臣 治 故 剛 由 日 泰 五 中

吝。《象》曰:「城復于隍」,其命亂也。上六,城復于隍,勿用師。 自邑告命,貞

也。 衆。 必至於大亂而後已。 坤,「其命亂也」。 兑口爲告,坤爲亂。 民,故「勿用師」。 方中,君臣同心乃可以治,泰過此則變, 告諭之,其命曰 道不行于下,「貞吝」也。 隍,積而 于隍,泰反爲 五之二,「自邑告命」也。 「城復于隍」, 極 成 丽 城、泰兑之象。 亂 ,以一卦言之。 亂,不可 否也。 當是時,雖 邑,二也。 則天地閉 四之初成巽,告命 師,衆也。 正 雖自邑人人而 城高 矣。 巽爲命,泰 九五 塞、君失 上之三成 闕土 圃 正,其 坤 其 爲 爲

不交,而天下无邦也。内陰而外陽,内柔來」,則是天地不交而萬物不通也。上下《彖》曰:「否之匪人,不利君子貞,大往小宗》 西之匪人,不利君子貞,大往小來。

道消也。而外剛,内小人而外君子,小人道長,君

者自 故曰 善人載尸,哲人之愚,括囊 子,寡徒少偶,難乎免於衰世。 **豈天降之才有殊哉?** 者衆,小人多也。 以立人道,否之則 下 其中,爲天 天 人長,自中人以下化之爲不正,雖 三、四、上不正,二、五獨正,正者少不正 五以正相易,正者衆,君子多也。 「否之匪人」。 交而否之,匪人道也。 ·鼻口居 地 相交,萬物咸 外而來,乾坤不交,震反成 相交, 「不利君子貞」。 天 地 是 泰初、三、四、上得位、二、 地之中,交泰也。 生 萬 備,故三偶在上,三 物 萬 泰多君子,否多小人, 之主。 物,其 人道絶滅矣。 大者自内 聖人位乎兩 否時,君子消 觀之人, 卦爲泰。 无咎无譽。 於是 天 艮。 否初、 一奇在 則天 有 地 間 君 於

傷,故聖人於此終言之。 闔 達于天子。上下不交,坤反於下,則民 於空國 政不修,雖有邦國,内外塞矣,故曰「天 者,萬物之終也,故曰「萬物 小人之道日長,君子之道 下无邦也」。 困而主不恤,下怨而上不知,俗已敗而 自庶人達于大夫,大夫達于諸侯,諸侯 坤在上爲 而 而 坤也。 死 也。 而无 邦,在下爲 以形言之,内柔而外剛,氣 君子。 一陰自姤長而 以氣言之,内陰而外陽,乾 極坤 邑。治天下之道 疑乾,君臣 日消,其禍 爲遁,爲否, 不 通 也。 相 至

難,不可榮以禄。《象》曰: 天地不交,否。君子以儉德辟

時,「以儉德避難」,不食而遯去,雖有厚也。否反泰,乃有君子當天地不交之「儉」也,兑澤儉,「難」也,震蕃鮮,「榮」天地不交,上下否塞也。泰,坤吝嗇,

禄不可榮之之象。

曰:「拔茅貞吉」,志在君也。初六,拔茅茹,以其彙,貞吉,亨。《象》

也。 爲用也。 也。 爲泰之本歟,故曰「拔茅貞吉,志在君 子所以屈 於下,以俟其復,未嘗一 五爲君,四近君,志中也。 正,得處否之吉。身雖 茹,九四之剛也。 三陽同類,「以其彙 爲蕃鮮。 初六自下引九四以退,有艮巽。 初,巽成震。艮爲手,拔也。 四應初,正也。 君子之退,以 上柔下剛 而 能 伸,退而 而潔白者,茅也。 能 退伏,其道亨矣。 能 小人得 與其 日忘君也。 屈伸進退,相 進,此否所以 異爲白,震 類退 志,故安 九四 而守 君 應

曰:「大人否,亨」,不亂羣也。六二,包承,小人吉,大人否,亨。《象》

五包二,二承之,「包承」也。順以承上,

也。 得亨? 也。 大人不能。若同流合汙,則否而已,焉 亂於小人之羣。坤爲亂,三陰 内,小人也,故曰「小人吉」。 三、姤九三,皆以陽包陰。大者宜包小 否而亨歟? 不曰君子者,處否而 在外,包小人而容之。雖包小人 小人之正也。六二在否之時, 包則和不亂,羣則不 天地相函,陰陽相包,否六二六 流,此大人處 九 得 小人星 而 五. 亨,非 中 位 亦 不 在 IE.

六三,包羞。《象》曰:「包羞」,位 當位之羞。 自動,是以知其羞 下,見六三則包容之,而六三始有 六三得時進而處上,九四辭尊 力争,則否結 氣下,言則 一、六三,小人之致否者也。 何以 徐,見臣 而不解矣。 知其「羞」乎? 也。 一有慙 管仲謂齊 自古君子不忍 色,是也。 君子與之 不 退 體 當 侯 居於 處 異 也。 而 不 而

> 承之羞」同。 離,離爲目,羞愧之象。與《恒》九五「或離,離爲目,羞愧之象。與《恒》九五「或愧,庶幾有泰之漸也。三四相易,巽成謀,必包容之,使下者知所承,上者知所辞,必包容之,使下者知所承,此者知所

无咎」,志行也。 九四,有命无咎,疇離祉。《象》曰:「有命

哉。 行乎羣陰也」。 也。 祉以進,九四之志行乎下矣。五錫二成 君,能下君命於朝廷。五錫以六二之祉 福,則陽德亨矣,否可以濟矣,人誰咎之 爲朝廷,五爲君,巽爲命,疇類也,祉 九四否道已革,故於此言濟否之道。 於君命,威 逼 離,麗也。 四 九四剛而履位,有濟否之才而 近之地,所惡在居功取忌,若動必 應初,三應上,君子之類,附麗其 福一歸於上,則无咎 《易傳》曰:「君道方否, 志者,中也。荀諝謂「志 近 福 四

志行矣。」

九五,休否,大人吉。其亡其亡,繫于 桑。《象》曰:「大人」之「吉」,位正當也。 寶。 休,息也。九四否道已革,九五息否之 保其存者必亡,有其治者必亂,故曰「其 苞桑,其葉叢生者也。巽爲木,上玄下 存者也,有其治者也。安其位者必危, 動,不能與二相易,則安其位者也,保其 也,然未離乎否也,故又戒之。 唯有其位、有其德、又有其時乎,故 位,无其時不可也。 時,二五相易,陰息于五,故曰「休否」。 亡其亡」,此又因九五不動以明戒也。 「大人之吉,位正 正而健德,當乎位也。位者,聖人之大 言九五之動也,大人居尊位,正 三陽積美而 雖有其德,无其位不可也。 根于坤土,其根深固, 當也」。言九五之不動 息天下之否者,其 九五 也。 不 其 中 苞 日

所以致禍敗也。」
「苞桑」也。巽爲繩、繫也,維也。慮其「苞桑」也。巽爲繩、繫也,維也。慮其

「傾」,何可長也。上九,傾否,先否後喜。《象》曰:「否」終則

■ 離下 同人于野,亨,利涉大川,利君子

貞」也。 」,乾行也。 同 唯君子爲能通天下之志 曰 同 文明以健,中正 人曰「同人 同 人,柔 得位 于 野 得 而 中 應、「 利 而 君 應 涉 子 大 平

同, 也。 過 幼,其位不同而 中以生,未始 也 與不及, 陰 即二也, 地,二爲人,三爲 0 順應之,各得其 一,二得中也。 也。 乾,天也,日 日同人」。 自初進至二成卦,以陰居陰 人道父子、君臣、夫婦、朋友、長 上九天際也,故曰 同則德同,故曰「柔得位得 以其同 睽異 上即三也。 不 相 乾九 而不同矣。 同。 人,故 此以二五 同人 正 與會於大同者,中也。 天。 而 得其所同,然則 五 何也? 其德同,故 位 野」。 重卦 一同 正德當,二以 釋 人受天地之 應乎 四 三畫 同人之義 即 野 中而 日一同 九 得 以 五 初 應 位

> 健矣。 達于 遠、百世之後 外无 巳,聖人因以寓乾坤之行焉。 同爲 加 不曰坤行者,同人坤變乾。 坤行自午至亥。 危之象。 自 遠 利涉大川, 乎 无 下至上,皆成兑澤,決爲大川,險阻 適莫 未 不 曠 暱 惟 (理,而 亨 同 遠 比 則險阻 乾,健也,能與天下同之,其行 之地。 者,故 也。 燭 无 文 之 理 私 適 明。 乾行也」。 如 理 同 明 艱 无莫,其道乃亨,有一不 跬步 圃 曰「同人于野,亨」。 則 常人 人至于上九,則遠近 二柔上進,乾爻下行。 文,理也。 危,何往不 則 同人 能 如 0 つ 之 情 乾行自子至已, 聖人 之道 日 明乎同人之義。 暮者,通 初九子上至 萬物 不 視 濟。 所同 坤爲 四 散 於理 海 文 艱 内 不

同其私 正 之,正而已矣。不正則燭理必不明,行 文 氣言之,爲七月,故《太玄》準之以昆 以言同人之才也。 唯君子爲能通天下之志,此合二五 故曰「文明以 於心不能自得,其能通天下之志 己必不剛,施諸 通 健,然後中正无私,靡所不應,天下之志 盡 也。 其道。 非 明也、健也、中也、正也。以一言盡 圃 爲一。夫同人之義,以四言該之, 克己行之以 故同人之道利在君子貞。」以卦 同,其所同 意,故所惡者雖是 克己,則物與 健,中正而 人必无 健、① 者則 《易傳》曰:「小 不蔽 我 相應之理。 SH) 應、君子正 黨、蓋其 而異,所比者 矣。 於欲者 文明 反求 乎? 心 人惟 也。 兩 不能 不 體

> 故君子以「類族」。 然,故曰「天與 族」者合異爲同,「辨物」者散同爲異。 也,其物各異,故君子以「辨物」。「 陰麗於二陽。 陽 火 本乎天 同 然乾陽物也,離陰物 人。 炎上 者,類也, 麗 也 類

「同人」,又誰咎也。初九,同人于門,无咎。《象》曰: 出門

人,又誰咎也」。 所同然,其誰 於門內,不若同人於門外之爲廣也,故 四來同之,初四各得其 初九動艮爲門。人道同乎人者 「同人于門」。 咎 我哉? 初九動 正。 故 失正,宜有咎。 蓋 曰「出門同 善者人之 也,同

宗」, 吝道也。六二, 同人于宗, 吝。《象》曰:「同人于

二往同五復成離,五來同二復成乾。往

象》曰:

天與火同人,君子以類族辨物。

天體在上,而火炎上。

二 五

一相與

天與

同人之道,同而无間,如天與火

❶ 「非」,原作「則」,據四庫本改。

《象》曰:「伏戎于莽」,敵剛也。「三歲不 興」,安行也。 九三,伏戎于莽,升其高 宗,所同 同人不取君義,私比非人君之道。」 相 同 乾 狹矣,「吝道 離 各 反其 」也。《易傳》曰: 本宗。 ·陵,三歲不興。 同 人手

象。 然則非道 其敵,知不 之,故伏戎于莽,將以 行也,乃退 本同五,非三之所當有,於義 又升高陵而望焉。 二者,五之所同,九三貪其所比,據而有 九三剛而不中,不能同 體之上,「陵」也。 離爲甲胄、爲戈兵。 「高陵」也。三不動,則「伏戎于莽」,言 震巽草木,「莽」也。 而同乎人者,動而争之,不可 可犯也,反於中。 而 守,下比於二,二亦自若。 震爲足,異爲高,升于 然五陽剛居尊位,一 三動,有震巽艮之 攻五、慮其不勝、 人,與五争應。 艮爲 屈 知義不 山,在下 矣,故望

歲,三爻也。也。三歲不興,安行也」。乾爲歲。三終豈能行哉? 故曰「伏戎于莽,敵剛終豈能行哉? 故曰「伏戎于莽,敵剛

也。墉」,義「弗克」也。其「吉」,則困而反則九四,乘其墉,弗克攻,吉。《象》曰:「乘其

不應, 九三 者,正也。 墉,義弗克也」。二動,四乘之成坎。 之象,故曰「攻」。三非犯己,二非己應, 雖乘墉人險,豈其宜哉? 曰「乘其墉」。 困」、「弗克攻」則已矣。 塘」也。 ,上復乘之成兑。兑坎,困象也,故 動 困 則者,理之正,天地萬物之所不 而争二成坤,土在内外之際 謂 九四乃欲擣虚,自上乘之,故 知 其 反,反而 四 乘墉入險,力已盡 動人坎險,有弓矢相攻 不失其則 何謂吉? 故曰「乘其 也,是以 而二 四 日

木 反 能 云 違 而 則得,得則 「反 者,豈 反 (則也。) 則 得 勢力所 吉也。」定本作:「其吉則 則 得 能 則 奪哉? 吉也。」一本云: 古《易》本

《象》曰:「同人」之「先」,以中直 克相遇」,言相克也 九五,同人先號咷 爲衆。 五 師 當三、四動時,九 能亡,故曰「九五,同人先號 理之所同,非争之所能 三伏戎于莽, 不動,二自往同 成巽震坤。 號眺」 不能 ,有師之象,言用 心也。 非會之正也。 自上入險而克三,三亦自 克三、四之强,而 二非三、四之所能有,三、四 坤爲喪, 四乘其 五若 於五。 而後笑,大師克 力如 故曰用「大師克相 (墉,動 巽 動而争之,非用大 得,非不争之所 是 離 爲號,震 與二相 其 目, 災姚而 而 難,始克 也。 争二、五 動 後笑」。 下 遇 爲 相遇。 爲 「大師 illi 相 克 坤

> 遇」, 而 非 暱 者,蓋人君當與天下大同,而五專以私 其所同不如同人之先者 **咷隨之**。 豈惟人 矣。 耶? 使物 豈會 又先隔則號咷 而 曰:「九五君位,而爻不取人君同人之義 也,理之所在也。 人者深,故號咷也。 應於二,失其 鳴,大獸亡其羣則躑躅 爲吝,況人君乎?」 大同之體 故不得其所同則怨, 之 言相 自歸」,是也。 日 Œ 哉? 克 也。 也。 以中直 ,後遇則笑,乃私暱之情, 王 二之在下,尚以同於宗 中正 三、五 哉,鳥雀亡其類 理直矣,三四 弼 然同人之先 也。 觀乎所 謂「 之德,非 相 執 直 怨而无告則 克而 而悲, 也。 剛 者, 同 用 君 物情 抑之, 與二遇, 乾 號 未有 則 直 易 道 之 啁 叫 不 也。 見 失 號 望 啾 動 何

郊」,志未得也。 上九,同人于郊,无悔。《象》曰:「同人于

也。 得正 於二,處不争之地,動 自歸乎? 至,同人之義,其在於不與物争而 爻,三伏戎、四乘墉、五 内外之交,有「郊」之象。 **F**. 九 故動 内内 在 外, 同九 而 遠於二、「未得 三,雖未得 无悔」。 九三乾 而 用大師。 二,不爲 同 无 志也 悔。 人於 天際 上九遠 九 剛 无 三自 健 而 所 動 之 在 同 而

健 尊位,大中而 一而文明,應乎天而時行,是以「元亨」。 一難上 大有,元亨。《彖》曰: 皆應,能有其 者大中之位,柔得之也,故 位」則有 四 小畜「柔得位 不言有大者,大不可有也。 而又執柔履謙,有而不恃,故上下五 畜之以巽,是以小畜。 利, 上下應之, 日大有。 勢得大中之道,則 大。 而上下應之」,六四也。 六五而言「大中」,五 大有「柔得 此以六五 日 大有,柔得 一大 得人心, 其 (有」。 德 陽 剛

> 道 大畜也 蓋六 九乃有師賓之象。 足,故言「剛健」。 抑之也。 推而 也。《同人》曰「文明以健」,《大有》 文明則能順 爻言 不言剛者, 五,言大有之才也。 者,未必 而行,是以「元亨」。 内乾剛健也 也。曰: 五自同人之二,固始以正 行之,不失其時者,隨天而行也。 有其大。 而文明」,何也? 大有六五柔得尊位,嫌於剛 元 剛「天德不可爲首」,不言剛 外離 萬物之理 亨。 大有尚賢。 夫 或曰: 文明 天下 致元 《彖》言「尚賢」者,唯 此合兩 才者,能 而明。 也,剛 亨者,由 至大也,有其大 同人九五健矣。 自六五言,上 大有,師賓之 有是 健 體 爲是德者 矣,以 則 推原六 乎其才。 德矣 不息, 不 E 時

揚善,順天休命。《象》曰: 火在天上,大有。君子以遏惡

之「休命」,或謂之「明命」。 休命而已。故古者進賢退不肖之命,謂 者顯揚,此豈人力之所能爲 在天上,明盛大有之時。惡者遏絶,善 也,異命也。 惡者,不正 有自姤一陰 也。 至于五變成離。 四變,皆有惡 善者,正也。 哉! 與善之象。 乾陽休善 離爲火, 順天

車。

九二剛中而居柔,剛則不勝,

中則

之,猶「大車」也。

坤爲輿,乾變坤爲

大

大有「初九」,无交害也。 初九,无交害,匪咎,艱則无咎。《象》曰:

乎? 平? 如來下,初已乃可動,此王丹自重之爻 要也。正匪可咎,艱以守正,擇可而後 变,則「无咎」。交道難,不可苟合也。 交,則「无咎」。交道難,不可苟合也。 交,則「无咎」。交道難,不可苟合也。 交,則「无咎」。交道難,不可苟合也。

六五不有其大,屈體下交九二而倚任「大車以載」,積中不敗也。九二,大車以載,有攸往,无咎。《象》曰:

預亦然。

京房曰:「享,獻也。」干寶

貴夫「積中不敗」也。 矣。陽爲重五,中也。 才,不勝其任矣。 傾撓,「積中不敗也」。 「大車以 往、无咎」,往之得正也。 衆,富有之時。六五中而未極 任天下之重,猶 不過,居柔則 謙 順,具此三者往之,五以 車載也。 大有六五 積重其中而 盛極 大有物歸 則不可往 ,故「有攸 丽 載」者, 任小 剛 者

則卜偃時讀《易》作「公用享于天子」。 三者,公之位。《春秋傳》晉文公將納三者,公之位。《春秋傳》晉文公將納三者,公之位。《春秋傳》晉文公將納三,公用亨于天子」,小人害也。

送爵。 于天子 降心 聖 弗 子之響,則 歌下管於獻酬之時,王以琥璜繡黼束帛 也。 廟。 降心以逆公」是也。 兑 五相 三 客,設太牢體薦之俎。 小異,然讀爲「享」則同。 剛 八爲澤。 人因 勝其任,處之不當,必有滿盈之害,豈 害于而家哉? 健 上六備九獻之禮,乃以圭鬯裸賓 六五承上九宗廟,饗于祖 交,三乾變離兑。 而説,有粲然之文者,莫如公之享 享,燕 「柔以著戒焉。 而正, 坤離爲文明,三五相際之象。 也。 ト偃謂「天 无驕亢矣。 也 天子饗諸侯之禮,必於祖 與五 姚信作「享祀 三五既交易,剛爲柔, 同 夫天子施澤于下, 功,故用此爻當天 爲澤,以當日天子 若小人處之,柔 乾爲天,離爲日 備金石之樂, 今從舊 0 廟 讀 之象 九 升 升

> 明 辯哲也

无備也。 交如」,信以發志也。 「威如」之「吉」,易而 六五,厥孚交如,威如,吉。《象》曰: 兑口爲辯。 其明而辯於盈虚之理甚白也。 安其位,震見 之,盈滿而 於滿,匪 離大腹 彭」、《子夏傳》讀 象也。 其彭,故「无咎」。 不知變,安得无咎? 「晢」,荀氏作「晰」。 離毁,懼而守正,抑 大有至四盛矣,昧者 作 一旁」。 所以然者,以 旁,盛滿 離爲明, 損不至 九四 厥 孚 不

怒 而 而 五之剛志。 同,「厥孚交如」也。 二。孚,信之,應也。二交於五 五執柔守中,以誠信交於下而其「孚」在 發之。 而 在 威, 上,「威」之象也。 信以 則吉。 謂之發者,五本 發志,積 威, 剛嚴也。 二以誠信交五 大有之時,人心 誠不已,至 有 一體異 剛, 一於不 變九 因二 志

九 四

匪

其彭,无咎。《象》曰:「匪其

(彭无

坤艮上下

謙,亨。

君子有終。《彖》曰:

謙

使之有畏,善處大有者也。」「夫以柔孚接下,衆志悦從,又有威嚴,離爲戈兵,下有戒備之象。《易傳》曰:矣。二乾爲易交五,離變乾,二復成離。安易,若專尚柔順,則下无戒備,凌慢生

大有上吉,「自天祐」也。上九,自天祐之,吉,无不利。《象》曰:

> 光,卑而不可踰,君子之終也 天道虧盈 「亨」,天道下 而福謙,人道 而益謙,地道變盈 濟 mj 惡盈而 光明,地 好謙。 道 而 卑 流 而上行。 謙,鬼神

神者,天地之大用。 行鬼神者也。 六三升降言「謙,亨」也。 天陽地陰,鬼 所以光明者,陽濟乎陰也,非謙亨乎? 濟,地道上行,萬物化生,其道光明。 尊卑相去,其位不同,於是情睽勢隔,上 分言之則殊,以理言之則一。故觀日月 曰濟、曰光明,坎象也。 下交而功勳成矣。以天地言之,天道 下不通。尊者既屈,卑者獲伸,然後上 九降三,六三升乎上,此謙所以亨也 下而能卑者常也,未足以盡謙之義。 復三變,剥四變,皆成謙。《彖》辭以 上九言之者,在上而降下者,謙也。 天地也,鬼神也,人也,以 人也者,參天地而 此以剥之上九、 下 剥 而

利也。 乃 尊矣,道 地 降而言之,則尊而 謙也。 尚。 處卑而不争,居尊而能降,愈久而不 彌尊也。 自九三卑位言之,則卑而 謙,爲好謙。「流」之者,坎也。「益」之 之進 六三論盈虚之理,明謙也。 盈,爲變盈,爲禍盈,爲惡盈。 則知人情之好惡矣。 喪,則知 高 福」之「好」之者,陽也。 中是也 能 庫 九在上,盈也。 有終,故曰「君子有終」。 列則 是數者,无不以盈爲去,以謙爲 九來益之,爲益謙,爲流謙,爲福 則彌光也。 鬼神之禍福矣,觀物論之取捨 知 君子觀諸天地,驗諸幽明,故 則 地 知 謙之爲德,其至矣乎,所 道 天 地之 之變流 光,「天道下濟」是也。 所執 三往損之,則爲虧 變禍爲害者,言不 虧 矣,觀 益 此再以上九、 卑矣,而德 矣, 不可踰,山 九三自上位 此再以九 觀 人事之得 三在下, 山 川 則 之

小寒也,故《太玄》準之以少。終。三者,内卦之終也。以卦氣言之,三言君子體謙而終也。上者,外卦之

寡,稱物平施。《象》曰: 地中有山,謙。君子以裒多益

則也。 等也 也 之情也。 賤平矣。 故君子取有餘益 陰多也,下二陰寡 道,降己而升人者也。」以象考之,上三 分人,則賢不肖平矣。 者升而上,高卑適平。 「裒」,鄭、荀諸儒讀作「捊」,取也。 稱物 坎爲水,天下之平施者,无若水 山在 以財分人,則貧富平矣。 所謂「平」者,非漫尊卑上下差 而施,適平而止。平者,施之 地中,則高者降而下, 不足。 也。 劉表曰:「謙之爲 然物之不齊, 以貴下人,則 艮爲手, 掊也。 物 書 德 卑

初六,謙謙君子,用涉大川,吉。《象》曰:

「謙謙君子」,卑以自牧也。

也。 養也。 能 初 可,施之於他則卑已甚矣。 其動剛卑以自牧也。 鞭之,足以制其 動之四成巽股,涉大川也。 犯大難,況居平易乎? 之又謙者也。「謙謙」故能得衆,用之以 謙 六本復之六三,以柔退居 坤爲牛,艮爲少男。 ,謙則能得衆。 牧畜者擾之得其宜,一 剛。 此爻施之於自牧則 君子卑以自牧,則 夫然 三坎爲大川,初 初處柔在 後其 自牧者,自 謙之下,謙 童子自後 剛可用 内

中心得也。六二,鳴謙,貞吉。《象》曰:「鳴謙貞吉」,

是 雖 知 謙自初六「卑以 一柔順 以水 鳴也 ,故「鳴謙」。 福 而 而 非求 不回,守正而已。非中心自得 中正 應, 一,其 動成兑,兑爲口,爲説 自牧」,積其德,至於六 以正爲吉,吉自有也 樂 發 於聲音 而 不自

> 以「鳴謙」也。 无待於外者能之乎? 何以知其自得,

君子」,萬民服也。 九三,勞謙,君子有終,吉。《象》曰:「勞謙

也。」 也。 《易》言「萬國」、「萬民」、「萬夫」,大之辭 數。 其位。 坎,勞卦。三與五 陰宗之,萬民服矣,其誰争之,所以能存 争心。故有能 謙,君子有終,吉」。 其位之道也。 有不争,争則危矣。 勞而不伐,有功而不德,君子致恭以存 功,以陽下陰,安於卑下。 「萬」,盈數。合乾坤陰陽之策,乃盈是 唯天地之元,始生萬物,足以當之。 《易傳》曰:「古人有當之者,周公是 存其位,所以有「終 而矜之,有功 内卦以三爲終,故曰「勞 同功。 · 夫有 九三致恭,上下五 血氣者,必有 九三勞而有 艮 而伐之。未 見兑伏。 吉

兼 57、147 儿。六四,无不利,撝謙。《象》曰:「无不利,撝

謙」,不違則也。

容悦也 矣。 天地萬 震,起 違 所以 也 人之大倫,天下之正 六 故 下以下九三勞 其則,无往 謙 四揮散,其謙之道布於上下,撝謙 四 日「无不利 奉 謂「三撝之,四化之」,誤矣。 也。」京房曰「上下皆通曰 子夏曰:「撝謙、化謙 坤 也。 [物之所不能違,故謂之「則」。 不 體 ,非持禄養交也,不違其則而 上下,下无不 柔 手止 順 而不得其宜,則「无不利」 涛 撝 謙 而 丽 之臣 正,上 謙 復起,有揮 理也。 利者,非事 上下皆 以奉六五 艮爲手, 也,言上下化 理之所 散 揮 得 是君 謙」是 之象。 止 之 其 也。 君 也 宜 爲

象》曰:「利用侵伐」,征不服也。 八五,不富以其鄰,利用侵伐,无不利。

也。

鳴謙」,志未得也,可「用行師」,征

邑

陽實,富也。陰虚,貧也。「鄰」謂四與

上六,鳴謙,利用行師,征邑國。 令司 伐」也。 象,「以 恃險不應,乃可以侵伐,禹征 故發之日 慮後世觀此爻有干戈妄動不省厥躬者 五 則 以 以其 動 能 六 我不謙 也 馬法》曰:「負固 成 得 五 鄰 離坎, 衆,得 其 處 「征」者,上伐下,以正而行也 以, 者 一征 虚,彼不肯服,自其宜也。 尊位 鄰」 用 不服也」。 衆故「 上與 也, 也。 也。 圃 謙 能左右之 不 四變,有弓矢甲胄之 動之二人坎險,「侵 不服,則侵之。」聖人 利 虚 富 用 也。 而 六五謙虚,六二 侵 能以 能 伐 也 有苗! 《象》 无 其鄰 以其鄰 不利 是也 日 而 者 能

克 征 六五「征 邑國 人欲盡 非 不服」,上六 侵 而天 伐 也 理 了, 克 得 己之謂 則 又曰 誠 誠 征 也 則 邑 化 君 子自

侯位 征邑國謂自治其私 國」也。 平,「征邑國」也,故曰「可 師,上以 物我誠一,●則物亦以 不 陰陽相求,天 至柔,九三當應止 震,有鳴之象,故曰「鳴謙」。 志未得」也。 其在勝己之私 爲國,在大夫位爲邑。 有不應焉, 《易傳》曰:「邑國, 正行之,三正也。 地 然則如之何,反求諸己而 萬物之情,坤爲牛應三 於下 誠未 也。」 乎? 克己則无我 誠應之矣。 至 而不來,故 也。 '用行師,征邑 三之上,坎險 己之私有也。 鳴而求應, 上至二體 上六極 坤在 「鳴」。 謙

應而志 故日月不 如之,而況「建侯 罰 震坤上下 ,謙之反。 清而民服。 行,順 豫 過 利建侯行師。《彖》曰: 而 以 四時 動 謙九三反而之四 豫之時義大矣哉 行師」乎? 豫。 不太。 豫 聖 順 天 人 以 地 以 動,故天 以 順 四 順 動 豫, 動 地 則 剛

> 也。 順以 欲也 豫也。 日 坤,天地 如 動。 公出 地之動始於離,歷坤與兑而 行師之象,故「利行 有師 以 動 閉暇之謂也, 陰應之,其志上 月會 其 動 彼 豫」。 理 天之動始於坎,歷艮與 動,雖天地之大,猶不 封之象,故「利 體。 周之大封,湯 應,豈不豫 爲 謙九三在三公之位 而動,「而況建侯 順民欲則民説之。 也。 牽,萬 反之則三升四,四爲諸侯,三 此以九四合坤震二體而 坎有伏離,日 故曰「豫,剛 物 多平 行 武 成於艮。 ? 建 以 師。 之征伐,无 侯」。 豫 順 行師 理 説,豫 能 應而 和 二者皆 師動 ,自二以上, 右行。 而 故曰「天地 震 月也,二至 豫 違,故天地 乎」? 動 而 也, 志行,順 非 也。 也 左行。 m 是以 順 順 往, 豫 民 以 逸 我

「誠」,原爲空格。據通志堂本、四庫本補

筮仕 幾? 之所 坤震 民服 《太玄》準之以樂。 法律 之,衆歸之。 坎、睽、蹇言時用,頤、大過、解、萃言 矣哉。」《易傳》曰:「豫、遯、姤言時義 有 爲土,車從 各以其大者也。」以卦氣言之,春分也。 罰 之 不 以 丽 順 能 以 動必 從 九 於晉,遇屯之比。 欲也,法之所去必民之所惡也。 民 止 也 動 盡 也。 服 盡,故夫子贊之曰:「豫之時義大 於 四 豫之義也。 順 坤爲 互體論 上,刑罰清 故 馬,足居之,兄長之,● 故曰 乎萬物之理,法之所取必民 體 此以 六體不易。」廖以震坤合而 日 有六變。 衆, 月 坤 **「聖人以順** 互 或問: 民 震之義也。 不 體之坎 簡 也。 然意味淵 過 辛廖占之曰:「 也。 《春秋傳》畢萬 而 艮,止也。 四 互體之變有 變艮,推 衆止於下, 動,則刑 時 坎爲 長,言之 不 心 時 廣 淵 故

> 震有 也。 言六 震 伏 也,四 體 其「微顯闡幽」之道乎? 變而化之則無窮矣。故曰 也。 ,巽,艮有伏兑,坎有伏離,六體 以下艮也,合上下視之坎 且 以 、豫卦 九四 論 之,自 「雑物 四 也。 撰 以

七四

德,殷薦之上帝,以配祖考。《象》曰: 雷出地奮,豫。先王以作樂崇

也。 有 作樂起於冬至黃鍾之象。 九 四至上,震變坤,坤爲衆,故曰「殷」。 血,陽爲 雷之出 「上帝」,乾在上之象。 作樂崇德」 四具 殷奠、殷祭, 在内外之際爲郊。 天 地,奮 德。 地 也。殺牛於郊,薦上帝也。 日月、雷霆風 豫自復三變, 然 言盛 而 作,萬 也。 「殷」, 坤爲牛,坎爲 五 雨,萬物化生, 物 郊野者,天際 變比,乾 初 豫 盛也。 九升四 之時 也。 自

· 「居之兄長」、原闕、據通志堂本、四庫本補

704

本反始也。本反始也。「以配祖考」者,報考,六變剥,乾爲祖。「以配祖考」者,報

初六,鳴豫,凶。

《象》曰:

「初六鳴豫」,志

窮凶

「鳴」。 者也。 其志窮矣。太康、后羿之事乎。 謂四也。 豫」,至于末流則志窮而凶。 中爲「志」, 四 而鳴之象,從逸豫而發於聲音者也,故 「者豫之主,初六不中正 初六,豫之始。於其始也「鳴 初四相易成震,震爲聲,有相 初復 動 而之四,則上而不行, 而 順,從逸 應 豫

「不終日,貞吉」,以中正也。六二,介于石,不終日,貞吉。《象》曰:

于石」。三爲内卦之終,二動離爲日,之幾,不諂不瀆,則不過乎中,故曰「介確然如石,不可轉也。夫始交者,安危閒,上交於三而不諂,下交於初而不瀆,四艮爲石,初、三不正。二介于不正之四艮爲石,初、三不正。二介于不正之

正。 石」,焉用終日? 故吉。 貞者,守正之謂也。 正故知微知柔,不罹于咎。故曰「介于 之時,上下逸豫失正,諸爻之才多與時 之,是以不俟終日而作,作則動也。 合,二以中正自守,不溺於豫,可謂見幾 之端,可見而未著者也。 不終日」也。 備豫之道也。不俟終日而作,以貞 中也故見不中,正也故見不正。 所謂 幾者,始動之微, 離日爲見。 心不動 則 中

悔」,位不當也。六三,盱豫,悔,遲有悔。《象》曰:「盱豫有

「盱豫,悔」。三不能去,且静而待之,四求豫,而四不動則悔。悔其不動四,故成巽,巽爲多白眼。睢盱上視,佞媚以媚之貌。」四,豫之主,三以柔順承之,動上視而不正也。向秀曰:「小人喜悦佞三四處位不當,同而不和者也。睢盱,

悔。 而 悦於豫,寧 不 去之,柔不正 於上,三動 動 猶 豫 遲 如是,无 悔 故 有 而 巽 也。 悔 爲 終,不以 他,位 進退, 悔 其 所 不 故 不 處 · 當 動 動 爲不當 静 也 皆 四 有 小 艮

曰。「由豫大有得」,志大行也。 九四,由豫,大有得,勿疑,朋盍簪。《象》

坎見 四 五 近 而 也,故曰「大有 曰「由豫」。 以一陽 四爲豫之主,五陰順從,由己以致豫 有 君危 通 也 髮,爲通。 圃 異伏, 從己 之,猶簪也 疑 髮之柔 言積誠 於五 疑之地,无同德之助,衆陰不從 也。 故「勿疑」。 順 者,有二招 四 不已,下情通於上也。 而 得」。 「疑」謂伏巽,巽爲不果。 剛 不 髮非 在上下衆柔之際,交 從 而 然不免於疑者,在 簪 得 盍,合也。 乎 權 五陰,大者有 則 ? 也 散 夫朋 亂 功 不理, 五交 得 故

> 疾」,乘剛 六五,貞疾,恒不 剛中 疑於 坎爲 知 朋 權 上下各守其正,爲由 下 也。 之衆乎。 之志 髮,何也? 專 不 通 也。 乾爲首,柔其毛也,故須象亦然 功 有 於 E 其 E 「恒不死」,中未亡也 功,歸美于上,其 五 行,率天下 四 上下既 五 不疑四,四不疑 死。《象》曰:「六五 日 相易,伏巽象 豫 交 也大矣。 以巽爲寡髮, 而 以 從五 誠 中 何 五,君 一, 何 毀,則 洞 先儒 疑 於 貞 臣 於 招 而 以 四 何

豈能: 主 四 可 也 以 爲之用,九四同德 巽 動 不 巽 則 制四哉。 剛 也 復 了, 恒 於 安 動 五以柔弱沈冥於逸豫而 へ 豫 Œ 天地可 爲豫之主,衆之所歸,權之所 久之象。 爲有害,故曰「貞疾」。 矣。 六五受制於四 久之道也。 故此爻獨不言豫。 人君中 也 ,何乘剛 而不可動, 六五 乘其上, 之有? 動 川

豫」在「上」,何可長也。

上六、豫之終、沈冥於豫、成而

不變者

也。

坤爲冥昧。 古之逸豫之人,固有不

恤名聲之醜、性命之危而樂之者。

不知

易,合兩體而言隨也。

上九之初,大者

因

.供樂之過變前之爲,乃善補過也,何

上六,冥豫,成有渝,无咎。《象》曰:「冥

其人,安享其功。 行,大臣專主威,則社稷移矣。《易傳》 者,威權之失必自逸豫也。 常死也。坤爲死,震爲反生,未亡之象。 滅矣,故曰「貞疾,恒不死」。 曰:「若五不失君道而四主於豫,乃任得 侯,●中未亡也。 失天下者多矣,必曰豫 周室東遷,齊、晉二伯託公義以令諸 疾,其中固在,能動以正則可久矣,恒未 五 而中未亡也。中者,人心也。中盡亡則 不 然主祭祀守位號 可動,以失正也。故九四爲 如太甲、成王也。」 而猶存者, 諛臣進女謁 言貞雖有 正 腹 雖 心 >

上而不變,未有不反,何可言也。三,成巽。巽爲長,四坎爲可。冥豫在發此義,以勉夫困而學者焉。上六動之咎之有? 故曰「成有渝,无咎」。聖人

剛 天下隨時。 也。 長,无非隨也,故曰「隨」。 之,臣下之奉命,學者之徙義,臨事之從 柔,隨人者也。 來而下柔,動 <sup>魚上</sup> 隨,元亨利貞,无咎。《彖》曰:隨, 而隨之,下動而上說,動 小人相絶,非道也。剛來下於柔,柔往 隨自否來,上九之初。剛, 君屈己以隨善者也。 自初九言之,君子之道爲衆所隨 隨時之義大矣哉! 而説,隨。 上九過剛而 自六二、上六言 大亨貞无咎,而 丽 可説,所以隨 此以剛柔 不反,君子 人之所隨 相

) 「二」、原作「一」、據通志堂本、四庫本改

七七

道也。 之隨。 亨也 隨 是之,是之斯隨之矣。 隨 非若乾之四德也。 作《彖》辭,然後明元亨利貞者大亨正, 穆姜時以 利貞,无咎」,有四德者,隨而无咎。」蓋 姜往東宫筮之,遇艮之八。 史曰是謂 正,則有咎矣,豈能亨乎?」《春秋傳》穆 亨利貞,无咎」。 天下豈不 貞,利於正 其正 常 ·,莫如澤也。 .得其正,然後能大亨而无咎。 「无咎」者, 是,以 姜曰:「是於《周易》曰『隨,元 《易傳》曰:「隨 也。 其亨以貞 動 元亨利貞爲隨之四德。 正爲是。 也。 君子之動者,隨其時 而 説 驚蟄既至,雷動於澤中, 又善 也。 此 以 夫天下之隨君子者。 補 以 隨 君子得其正,天下 口補過, 過 天下之物 之道 初九一爻言隨 之乎? 一九過 也 一,利在 至於无 剛 故 也。 嘗 於正 日二元 失其 亨以 有 而 之 亨 艮 咎

> 哉? 從。 時爲峕。 説,不以 下隨 在卦氣爲驚蟄二月中,故《太玄》準之以 胡旦曰:「王肅本作隨之。 天下隨之矣。 義大矣哉」。「天下隨時」,王 天地之隨時,乃无咎矣。 舊本多不連時字。」王弼 能 氣 時」。 盡 隨 時 强去,人所不説,不以强 之。 也。 轉隸者增日爲時。」胡説爲長。 或因 然隨時之義,非達權 下者 故曰「大亨貞,无 隨之所施,唯在於時也。」 或革,或損 静 亦曰:「得 故曰 者 篆字之爲出, 或益,人 動 昭 隨 誰 素 留 之所 時之 變 爲 時 而 日 者 則 如 天 之

宴息。《象》曰: 澤中有雷,隨。君子以嚮晦人

雷 雷降於兑, 自大觀言之,晝夜之道也。 「繒晦 也。 息於坤。 天 地之 動 坤, 静 晦 陰陽之明晦 也。 君子隨時之 澤 中

地 嚮 道 不 地 明而 知 陰陽矣。 而來,未有能違之者。 而 動 易見者,莫若隨 作, 君子日用而知,小人 夜則嚮晦 而 知此則 畫 宴 夜 息 也 日 知 自 用 用 有 晝 天 則 而 天

功」,不失也。曰:「官有渝」,從正「吉」也。「出門交有妇,「官有渝」,從正「吉」也。「出門交有初、《象》

之。 其 渝 隨 非交修不逮也,不知大亨正 正 不 五乾爲君,巽爲 也 變而正,以剛下柔,其道足以使人隨 足 屬官之象也 四,四隨 隨 初 以隨事。 變有正否,變 同 九隨之者,隨其正 正則吉,故曰「從正吉也」。 而背異 事,事有變動 ()隨親 渝, 命。 初應四 變也。 加 四 昵而背疏遠, 不正,惟 受命於君, 也,不隨其 剛而 ,其屬也。 迁光咎也 故曰「官 官是隨, 不 知變, 九 以 有 不 初 帥

> 門交有功」。 皆失正 也。 友責 日 而 无功。 出門也。 「隨當而有功。」 (善,或 初 在内安之,又比於二,二初相易, ,私昵之爲害也。 故曰「不失其正」也。《易傳》 牽 出門交之,不失其正,何往 於妾 四艮爲門。 婦婦 附 耳 故戒之以「出 初捨二出交於 之語,溺於 私

子,弗兼與也。 六二,係小子,失丈夫。《象》曰: 係小

其失在 九正 情不親,雖有中正之德,而所隨非其人, 上,不正也。 情言之,柔必 震爲長男,有巽婦,夫 四 二係情於四,比初 四皆陽剛 艮爲少男,有乾父坤母,小子也。 也,九四 於不能權輕重 也,其 隨 不正也。 初雖 剛,陰 能 不專,雖與之相比 在己之下,正也。 兼與之乎? 也。 必隨陽。 二與四同功。 也。 隨利於正, 故曰「係小 初九、 四雖 而 在 九 六 初 初

六二、六三見之。子,失丈夫」,弗兼與也。臨事擇義,於

七需寶賣,舍舍舍。長昭賣舍。與吃九《象》曰:「係丈夫」,志舍下也。 六三,係丈夫,失小子,隨有求得,利居貞。

正也。 亦以 人將拒 能自立 隨是,違不 親比而順者,而係情於初,以初正,四不 以陰承陽,以下隨上,順也。三寧失其 先儒舊讀,舍音捨。 IE 三、四相比近也,四、三无應,宜相親也, 曰「志舍下也」,以舍訓居。 二時舍也之舍同。辭曰「利居貞」,《象》 也 而 當以正。 得。 三同體 我,其能  $\equiv$ 而 故曰「係丈夫,失小子」。 三柔不 苟知隨 隨 艮爲 -善而 而又下之,故三之隨初,有 初,是去昏而隨明,背非而 六三之隨,「利 手,求也。初三相易,得 久乎? 從善,得隨之宜也。 而已,不知自處 張弼讀舍。 蓋 隨 弼讀爲長。 人宜 居貞」也。 與 以 以 乾 Œ, 九

> 咎? 孚在 九 四 此 道」,明功也 隨 《象》曰:「隨有 所 有獲, 以 係 初 貞 敷 N S ? 異爲繩,係 有 乎 在 道 凶也。「有 也 以 明, 何

道,无 乎? 從初。 辭也 位成離,離爲明 率天下以隨 亦唯正之隨,豈唯有三,而二亦隨 故初九爲隨之主。 九其行以正,所謂 雖正亦凶,義不可有三,故曰「貞凶」, 五争三,能无凶乎? 三不隨 曰「其義凶也」。 有孚在 日 意於有三而三自隨之,可也。 四在大臣之位,處可懼之地,與 二與三當隨五,爲四所隔,下而 四,四據而有之,「獲」也。 道」也。四 五,而 非不可有也。 以以 成 然四終不可以有 「道」也。 明則无獲三之咎,无 正 四 隨之功也。 加 動正,與初 三四易位,正也。 誠孚于道 動 道之所在, 而 三四 有孚于 相 初,是

尹、周公、孔明是也。」故下信而上不疑。古人有行之者,伊也。《易傳》曰:「孚誠積中,動必合道,咎則无凶可知。故有孚在道者,明之功

位正中也。 九五,孚于嘉,吉。《象》曰:「孚于嘉吉」,

《象》曰:「拘係之」,上窮也。

上六,拘係之,乃從維之,王用亨于西山

也。 過 之明,德不能加毫毛矣。《易傳》曰:「自 謂之至美。 違,有之則生,无之則死,故謂之至善, 中道則得物之誠,二樂告以善,故能 故曰「嘉」。「于嘉吉」者,誠信孚于二 陽爲美,九五位正中,美无以加於是矣, 人君至于庶人,隨道之吉,惟在隨 二而吉矣。道之中,天地萬 而止于至善。觀乎位正 二正中也。五不有其美,隨六二之 下應六二之正中,隨善之義也。」或 午亦有美矣,何謂陽爲美? 雖子路之勇,禹之智,大舜 中,則知孚于 物所不能 善而 不

三含美以從王,天保歸美以報上。者,含弘光大也。坤豈能專之。是以坤故嘉之會者,謂乾亨也。坤品物咸亨至坤而萬物虚,陽美盡則午之美亦盡。至坤而萬物虚,陽美盡則午之美亦盡。

隨,豈能使已窮而 杖策而去,隨之者如 此者。昔周之太王用此爻以亨于西山 也。坤爲衆,衆之悦隨上六,固結有如 動,係之使相屬,繫維之使不得去,三坤 復成巽,乃從而繫維之也。拘之使不 手,拘之也。巽繩,係之也。上窮反三, 之,不能也。三上相應,三有艮巽。 然而隨者,非禮義拘係之,又從而維持 上六,隨之窮也。窮則變,變則不 兑,西也。 艮爲山,乾五爲王。 更隨, 歸 市。非得民之 至於不可解 艮

業,蓋興於此。」 之爻,誤矣。故《易傳》正之曰:「周之王上往來不窮,「亨」也。先儒以此爲文王

甲三日。 有始,天行也。 」,往有事也。 -艮巽 上下 「蠱元亨」,而天下治也。 蠱,元亨,利 《彖》曰 「先甲三日後甲三日」,終 涉大川。 一,剛上 圃 先甲三日, 柔 「利 下 涉大 巽 m 後

巽,剛上柔下,各得其所,事已治矣。 有爲,則 巽而已,莫予違也。 則 《春秋傳》秦醫曰:「於文皿 五帝之蠱 之蠱。」《尚書大傳》曰:「乃命 飛亦爲蠱。在《周易》女惑男、風 九之剛上 不振,亦何 訓 禍 事事至 事。」《雜卦》曰:「蠱則 而爲艮,上六之柔下而 之萌乃伏於已 '異於 蠱壞,乃有 上亦 Ш 因 蠱、穀飛、 蟲爲蠱,穀之 是 一治之中。 事 止而不 Ŧi. 飾 史以 也。 落 也。」 山 謂 泰

事者。 川也。 乎蠱 者,事之終。始則有終,終則 卦也,巽西方卦也。 之道也。天道之行,「終則有始」,无 川,往有事也」。 爲川。 元亨, 得而治矣。 而天 而 然治蠱之道 而 入於庚。 動 止 也。巽爲事,故曰「元亨,利涉 下治,始 ,蠱」。此以 五成乾。 剛柔相易而亨,「元亨」也。元 則天下復治矣。 落之類哉 以日言之,春分旦出 聖人於蠱、異二卦明之。 初九越兑成艮,艮爲指,「利涉 初九犯難,顧望 上下志交動以 以月言之,三日成 不遠 而亨者也。 兑爲澤,決之 此因初上之交,言治 乾納甲,三十日成 ? 在 乎? 變合二體而言蠱 故 甲者,事之始。 日 泰初 而不爲,蠱 上下之志交而 濟大 剛 於甲,秋分 九始也,始 上柔 更始,往 震,震 八難,往 蠱 下 不 坤。 非 可 大

其將然 諸 後,「後 而 後患,久 三日,慮之深,推之遠,故 其將然。 而 離 先,「先甲三日」也。 畜,乾納甲再變費 始。「先甲三日」,圖其始也。 更之始,當慮 始 滅 侯之地 究 爲 也 藏 納甲子、甲寅、甲 兵起,言出 壬申、壬戌而 乾行 於癸, 其 日 則 蠱,事 所 ,五變无 甲三日」也。 丽 者,周 矣,唐嘗討弑君之賊矣,令下 究其所以然則知救之之道,慮 知備之之方。 以然,「後甲」者,後其 復爲 可行,圖 其 之壞也。 m 震。 妄。 終。 而復始也 禍 甲 辰 隨, 在 始者至矣。 甲、 三變頭, 離爲 事 而 「先甲」者,先其 乾納甲,乾三爻在 其中。 昧治蠱之道也。 久 巽, 壬在 庚者,天 而蠱, 能革前弊,弭 日,乾三爻在 日二日至 其中, 納甲之説 坤納 四變噬嗑。 事 蠱 漢嘗 事而 當 地 也 變大 圖 之終 削 于 慮 事 其

> 生乎? 於救亂 之,三月卦,故《太玄》準以務事。 以爲蠱 者巽九五之變也,上剛下柔,巽 庚、後庚於九五一爻,何也? 矣。」夫蠱 聖人先甲後 亦 中而當變更, 然。 也。 《易傳》曰:「後之治蠱 而 明 言先 亂 此 異則九五位乎中正,事 甲之戒,慮淺 不 九 則更之而適於中,蠱 甲、後甲於《彖》,巽言 · 革 五之功 功未及成 也。 而 事 丽 者 近, 而止,所 桂 弊 示 氣 有 己 故 何 明 先 生 勞 由 過 T

生木。」《傳》言:「景霽山昏,蒼埃際合, 動摇於土石之下,陽 風,木之氣。 崖谷若一,巖岫之風 **飭蠱之象。《黄帝書》曰:「東方生** ,振作之使不倦。 Щ, 百物 升風 將振作之,則自育 也。」君子體之於民 之所 鼓,草木 阜生。 一風,風 敷榮, 木 氣

初六,幹父之蠱,有子,考无咎,厲終吉。 民之本。 之象。此言飭蠱之象,故 民 也 德 **兑澤** 日 進 史言「風落山」,取 則民德生矣。 在 内, 育德 也 取 震 象異。 女説 育德 動 在 者, 外

《象》曰:「幹父之蠱」,意承考也。 乎? 子。 蠱」也。 於己爲終吉,堪任其事者也。 爲危厲之道,則變而之正,於考爲无 坤子來居父之位。父往 乾爲父。泰初九之上,父往矣,「考」也。 咎」也。 厲」危也。子居父之位,以 而 承之,則變其 之正,致其考於无咎者,子「幹父 考之意 然變其事 異柔 柔巽者,子承考之意也。 有子幹之,考可以无咎 哉 而 已,陷父於有咎而 而之正,无乃改父之道 事 可 以我之意 也。 而 其 事之不正 變其事者 故曰「有 事不 逆父之 不恤 變其 矣。 Œ, 之

> 幹父之蠱,則 中心之所欲也。 子生也諭父母於道,及其没 時 「意」。 有損 死如事生之道 益,不 可 初六變而正矣。 盡 坤爲中,巽柔坤也,故 承, 所 也。貞,事之幹也。 以 從 也,以意承 道 「意」者, 巾

之蠱」,得中道也。九二,幹母之蠱,不可貞。《象》曰:「幹母

異而 使之爲羲、黄、堯、舜之事也。」 柔弱之君 不正之則致母於有咎,故「不可貞」。 不當則當正。 事之蠱 坤居尊位 幹母之蠱」者也。坤陰柔 成 成 王 動,優柔不迫,得中道則善矣。 而 王,成王 也。 一、母也。 亦然。《易傳》曰:「以周公之 已,不失其 九二巽爲子,應 然正之則剛 一非甚 以陰居陽,處之不當 道 柔 則 弱也,然 可矣。 或至於傷思, 爲 難 五 而 輔,處之 能 固 處 使之 内

曰:「幹父之蠱」,終无咎也。 九三,幹父之蠱,小有悔,无大咎。《象》

能争而不從其父令者也。」 是九處位不當,父之蠱也。九三重剛, 是九處位不當,父之蠱也。則過,動則小 是九處位不當,父之蠱也。剛過,動則小 是九處位不當,父之蠱也。則過,動則小 是九處位不當,父之蠱也。九三重剛,

之蠱」,往未得也。六四,裕父之蠱,往見吝。《象》曰:「裕父

牽於下,亦不得往矣。故曰「往未得離,離目爲見,故「往見吝」。初六應之,之道,九二、九三、初六、六五之動曰之道,九二、九三、初六、六五之動曰一。「裕父之蠱」者,諸爻以剛爲幹蠱而已。「裕父之蠱」者,諸爻以剛爲幹蠱

也」。漢之元帝是已。

譽」,承以德也。 六五,幹父之蠱,用譽。《象》曰:「幹父用

以奢敗,虚譽也。 者,譽謂德譽,非虚譽也。 譽」也。 兑,兑爲口,譽之象也。二易五,柔 兵黷武一也,秦亡而漢存者,始皇无子 死與不死,在治之如何耳。 色、餌金石,傳氣於子孫者,潰爲癰疽, 剛,其德中正,上承上九,「幹父之蠱,用 而武帝有子以幹之也。 用譽矣。蠱之患,非一世。 去蠱,用力不勞,則幹父之蠱,●莫善於 六五居尊位尚柔,下應九二,二與之 以德承父,下之服從者衆,以 必曰「承以德」 隋煬以儉聞 秦皇漢武 譬如人嗜酒 是 成

上九,不事王侯,高尚其事。《象》曰:

▶ 「蠱」,原作「譽」,據通志堂本、四庫本改

不事王侯」,志可則也。

之? 所謂志可則者,進退合道也。」 尹、太公望之始,曾子、子思之徒是也。 於物,其志爲「可則」也。《易傳》曰:「伊 處蠱之上而不當位 輿至王公,无非事者,不事王侯,何以貴 不屈,「不事王侯,高尚其事」。 **疊之終**,有不事者。上九自巽往於外 「尚」上也。 謂其志於三,三无應則去之,不累 五王、四侯、三公位,上執剛 巽 爲 事 夫自 爲

頓,進兑爲澤。 剛自復浸浸以長大而 也。 則 小者自順,此 臨 以大臨 三、四、五 小,其進 臨之時 後 進 非 有 臨 日 而 也。 不 而大, 氣

> 君子, 不直 剛中, 也。 爲遯。小人道長,君子道消,不可以久。 之道、言乾也。 順,剛中而應,大亨以正,天之道也。」天 也。故曰「元亨」利正。《彖》曰:「説 臨,又進而至泰,然後 至未,八月,而二陰長。 之不已也。 之道也。 夫天之道, 然其端始於復之初九,剛 説之,順乎理也。 「亨」。造端不正,其能大亨乎? 臨 也。 臨之九二。」《卦略》 日 浸長 周正建子。 凶未必至。 六五應 凶者,有凶之道。 兑説 而之九二。 陰陽消長,循環无窮。 坤順 乎外。 「至于八月有凶」,戒進 说説 臨之道成,而 范長生以 劉牧日 則説 而 剛始於子,進 白「臨 萬物 大者亨以 順 陰長陽衰,其 聖人闔小人闢 其 「遯之六二, 反 而 通,亦 民 八月爲否, 動 順者,非 剛 於初,正 大亨矣。 長 Œ, 則柔 以 面 臨 故 桂 īE 至 而

狩。已。在卦氣爲十二月,故《太玄》準之以已。在卦氣爲十二月,故《太玄》準之以聖人相戒,必於臨民之初,過此則无及聖人相戒,必於臨民之初,過此則无及,不俟乎極也。故堯舜禹三微,柔長故剛遯」是也。臨在復泰之中,

窮,容保民无疆。《象》曰: 澤上有地,臨。君子以教思无

志行正也。

也 勢、思无窮之教、「教思无窮」則待之非 已。居之以寬大,則畜而爲澤矣。 者,然迫之以險隘,奔 水,天下之至柔也。 疆」者,坤德也,厚之至也。三代之民, 親之以教,教无 之於民也,亦然。 日也。故包容之保有之而无疆。「无 忘乎先王之澤者,教之也。三代而 決則横流而不可復者,臨之以勢 、説卦》以坎爲盜,兑爲少女。《大 窮也。是以 臨之以勢,勢有盡也。 潰四 以土制水,宜 出 「壞之 忘有盡之 君子 一若易 而後

初九,咸臨,貞吉。《象》曰:「咸臨貞吉」,曰:「无窮,至誠无斁也。」吾民也,坎非坤衆,能爲盜乎?《易傳》象》以澤爲民,何也? 曰: 善保之則

也。古之人正其心,及感之而動,舉斯 聞,豈有心乎? 心以加諸彼,「志行正也」。 故曰「貞吉」。 則正位以臨其民,而萬物正矣。 之象。咸,徧感也,无心相 也,初九、六五非應也。 位,故諸爻位以上爲臨。 正應,然之四不正,五感之,動而上行, 自應之。初兑體,之五 以大臨小者,臨之道,以上臨下者,臨之 「咸臨」。初九正,正其始也。 初九其始正者,非一 有心則凶,不正亦凶, 成良,山澤相 初處下而説五, 五者臨之尊位 感也,故 初與 舜德升 日正 四 爲 F 感

九二、咸臨、吉无不利。《象》曰:「咸臨、吉

无不利」,未順命也。

利 君子之所樂也 君子之樂,王天下有不與存焉。 夫初九有應而 曰:「未者,非遽然之辭。 四,有伏巽。 艮,澤山 有不利,然處下而説,曰「吉无不利」者, 燕有諸? 未順命也。 有剛中之德 无 象也。 心 於 巽爲命,坤 曰未也。亦非遽然之也。 臨,五自 而 不應,九二有應 故亦曰「咸臨」。九居二 九二待時者乎? 應五, 動 感之,二之五成 順也。《易 孟子或問勸齊 而正, 而 「吉无 臨,非 未順, 傳》

長也。曰:「甘臨」,位不當也。「既憂之」,「咎」不曰:「甘臨,无攸利,既憂之,无咎。《象》六三,甘臨,无攸利,既憂之,无咎。《象》

當位 六三,有臨 以以 而信,何俟於説 口 脱人 下之位 ,「甘臨」也。 而无臨人 人 八哉? 八之德。 子朝 若當 之文 位 柔 則

六五,知臨,大君之宜,吉。

《象》曰:

「大君

巽,巽爲長。二三相易, 卑。 位,「既憂之」又加憂則正,正則「无咎」。 夫咎豈長哉,在我而已。 之,上則不應,「无攸利」也。 无咎乎? 三知處不當位,能下九二之賢,降尊接 既憂之,咎不長也」。 新室之姦言,内不足也。 二三相易成坎,坎爲加憂。 陽浸長,自下進,宜憂也。 巽變坎,故 二至四 雖甘臨 陰陽失 則 有 不 伏

當也 臨 此三者,所以「无咎」。 臨之至也。 順,與初相應爲下賢。得君近民而 比於下,得君 以大臨 故曰 小,四 「至臨无咎,位當 以陰處四 圃 近民者也。 居下之上,爲五 爲得正 此无 也」。 他, 臨 體坤 位 所 尚 又兼 爲 任 正 近 處 而

八八

之宜」,行中之謂也。

之謂也」。王弼曰:「聰明者竭其視聽 智力者盡其謀能。」 則吉,故曰「知臨,大君之宜,吉。」所 臨天下,於臨之義爲宜。相易而正,正 其明。陽爲大。此大君用天下之明 由生,義何由明,故曰「大君之宜,行中 上行,五以柔中下行,上下相交。 位,虚中而納二。 兼天下之明而不自用者,知也。 二而用之,上下行中道也。 不交則明 「大君之宜」者,行中之謂也。二以剛 内景,知也。 兼九二之明而不自用 九二相易成坎, 五 五 坎爲 處 謂 兼 何 以 中

「吉」,志在内也。上六,敦臨,吉,无咎。《象》曰:「敦臨」之

在乎内者。處臨之極,非内有賢人之臨」乎。上與二非正應,而陰必求陽,志上六臨之極,極則窮,變而通之,其「敦

咎。」 也。 能臨者, 吉,不窮所謂无咎,故曰「敦臨之吉,志 助,不能資 在内也」。《易傳》曰:「臨陰柔在上,非 然後上安其位,臨道不窮。 易而曰「吉」曰「无咎」者,得九二之助, 剛益柔,厚之至也,故曰 「敦」之象。天正則「吉,无咎」。 二之上成艮,爲篤實。 宜有咎,以其厚於順,剛則无 其臨下之道 「敦臨」。 尊賢 安其位所謂 厚而篤實, 取 上二相 坤,厚 善

「觀盤 觀天之神道 日 而天下服矣。 巽坤 上下 而不薦,有孚顒若」,下觀 大觀在上,順 觀,盤 一而四時不忒,聖人以神道設教 圃 不薦,有孚 而異,中正 順 以觀 若。《彖》 而 化也。 天下。

爲小者之所觀。坤爲衆,巽爲多白眼,至尊之位,四陰觀之。大者在上而下,觀,成卦之義在於九五。九五剛大,履

之也。 《内則》「沃盥」之盥同。 廟。 要在誠而已,无待於物 貌,「願若」也。 者,九五之誠信孚于下 此合坤巽言九五大觀在上之道 廟之禮 變之,肅然在上,莊 齊 P 觀 E 之覆。 注目,故曰 殺於下,手薦之於上 说手! 之象 七日,致齋三日,祭之初迎尸 巽入也,入宗廟而 獻 焉。 九五 得之灌 丽 臨, 兑爲澤, 艮爲手。 而 下 故 薦 後 宗廟之禮,所以致誠 无 順 日 「順而巽,中正以觀天下」。 腥,五 酌 偏黨 上巽, 「大觀 觀之道 地 酒。 而 獻 反 im 順 涚,謂之盥。 文側, 在 祭,謂之裸。 而 澤手「盥」也。 至簡 物之 不墮,有敬順之 也,故明之以 也。乾爲首,兑 坤爲牛, 兑爲刑 F 薦 一,薦也。「孚」 建 理, 而 極 此 不煩, 立表, 也。 上爲宗 巽 以 敬也。 入廟 九 丽 其 與 天 施 Ti.

神。 薦也 豈不 以此 其薦: 化。 變,變則 沈 孚願若,下觀 之時,雖 敬 時自運,人見其始於艮,終於艮,无有 也,四時本於陰陽,陰陽合而爲一,一 於五,化爲巽 薦之象也。 故 而已。 神 獻 順之貌者。 至簡 見下之觀 金聲 之屬 專 神者,天之道 獻,禮文繁縟,人之精一,不若始 異眼 化,不假 而已矣。 强有 孰爲此者,一也。 而 而 誠 異,異也。 視,艮而兑伏。 玉色,莫不有敬順之心。 不 (順,故 意未 而 重 「顒」,顒如也。故下 力者,猶有 煩乎。 上,在誠 於 化也」。 强聒,人自服 散, 裸 也。 則 是以 不言之信,發而 「觀盤而 而盥者未裸之時 坤,順 而 故陰陽自行, 聖人嘗觀諸 時 誠 聖人觀 觀 觀 而 在 則 盤 也。 盤 倦惰 物,其 不 明 而 而 薦, 亦 不 明 天 不 則 爲 及 設 觀 道 差 天 有 四 應

以 於誠。 道設教 以卦氣言之,八月節也,故《太玄》準之 要其終而 日 知 視。 所 觀天之神道 謂 誠 而 哉! 則 天下服」。 言之,以明 順 而巽,中正以觀天下矣。 惟 丽 天 四 大 此 下 時 觀 推 至 不 在 原 25 誠 爲 上,其道止 觀卦之始, 能 人以 化 神 故

民設教。《象》曰: 風行地上,觀。先王以省方觀

風行 觀 於地上。 省四方,象風之行,「觀 方,觀民 如奢者示之以儉,儉者示之以 也。 地 坤爲民。 上,无所 也。設教、爲民觀也。」 異而 順 《易傳》曰:「觀民設教, 不周,觀 萬物也。 民 也。 設 巽爲多白眼, 教」, 先 禮。 象風 王 以 行 廵

「初六童觀」,小人道也。初六,童觀,小人无咎,君子吝。《象》曰:

初六坤冥不正,而往觀五,小人之觀君

不足以 正 焉,吝也。故曰「小人无咎,君子吝」。 子 也,烏 少男,故曰「童觀」。 而往觀者,君子之觀君子也。 知 覩 君子猶 所謂 Œ 童稚之觀成 一哉? 初 不足咎。小人 九動 人也。 則正,以 然不 動 艮

貞」,亦可醜也。 六二,闚觀,利女貞。《象》曰:「闚觀

女

外之象。 爻女子居之則利,君子爲之則 觀 爲女,爲目,坤 狹矣,故曰「闚 不動,女之貞也,故曰「利女貞」。 大觀在上,六二不往,闔户而 而爲女貞,「 九五以中正觀天下,六二守 亦 爲 觀」。 可 闔 醜 户。 禮 也。 女不 女處 陰爲 踰國, 觀之, 醜 乎内 醜 二離 守 所 面 闚 IE. 見 此 闚

動也。五之三、震爲動。動謂之生者、卦以九五爲主、「我」謂九五也。「生」、

正,其動必正,故六三雖不當位,未爲失 其進退者,在九五不在六三也。 九五中 觀 陽 而 上,五 九 剛 下之際,故其象如此。 五而已。 反 (動,天 不動 、三則 地之生。 巽爲進退。 退 而 五之三,三則 止 六三不能自必 三不當位,在 進退 動止, 進

「觀國之光」,尚賓也。六四,觀國之光,利用賓于王。《象》曰:

觀之道。

於庭。 門闕。 帛。 也。 也。 六 于王」也。 「尚」者,主人以賓爲上,尚之 四 而 觀五 四上賓於五,五降 古者 未受禄,亦賓之。九五中正在上, 故曰「觀國之光」。 乾坤玄黄,幣帛之文,升自門 王降而接賓,賓下升於西 乾五 也。 諸 爲王,動之四爲金。 侯人見于王,王以賓禮之, 四侯位,坤 而接之成 四爲朝 爲國,五 廷,艮 坎 坤爲 北 E 闕 位。 爲 布 陳

> 忘勢 也。 乾也,西北方也。 六 厚之氣,故坐於東南。 人尊賓,故坐賓於西北。 四 [體異 矣。 「尚賓」者,國之光也。 而 正。「觀國之光」,知「尚 主人位者,巽也,東南 《易》言賓位者, 主人接人以仁 禮,主

生」,觀民也。 九五,觀我生,君子无咎。《象》曰:「觀我

命中 亂,風 民。」故君道 君,地爲民。君者,民之所觀,而時之治 五,自觀也。 君之自觀其 應,觀天道之得失,觀 一,坤變震 庸》 君道 有堯舜之君,則必有堯舜之民矣。 俗之美惡 日 失其 八爲動 「君子之道本 得其民君子也,於己爲无 五,君也, 得失者,亦觀諸 民 動動 繫之,觀其民 小 謂之生。 人也,必 諸 坤爲 地可也。 諸 民。 身,徵 有失道 天動 民 則知 Ŧi. ൬ 則 諸 天爲 動 已。 庶 > 地

也。
也。
也。
也。
也。
也。
也。

生」,志未平也。上九,觀其生,君子无咎。《象》曰:「觀其

以顯宗之賢猶不能堪之,非失之過乎? 者,好譏議人也。 過,豈能无咎? 者,好發人之過者也。 之志爲忿世疾邪之事,多失之於矯激太 夫子不合者多矣,進退无咎者,君子之 過則有咎。自古觀其君而去者,以未平 焉,其志不能平,乃往於外。 三動正也, 之所自出,故曰「觀其生」。 上觀五也,上來之三,仰觀九五,觀 「志」也。坎險,不平也。三觀於五有難 ·君子」也。正則「无咎」。上九過剛也, 夫聰明深察而近於死 辯博閎遠而危其身 梁鴻作《五 三動於中, 噫》, 其動

能觀其生而不失進退之幾焉。」《易解》曰:「知微知彰,知柔知剛,然後道也。 巽究爲躁,故以「君子」戒之。

周易上經泰傳第二

「王」,原作「主」,據通志堂本、四庫本改。

九四

## 周易上經噬嗑傳第三

當位 有 而 明 物 離震上下 雷電 利用 噬嗑,亨, 噬 合而 獄」也。 嗑 章。 利 暰 用 嗑 柔 獄。 而 得 「亨」, 中 《彖》 丽 剛 Ł 日 行, 柔 分, 雖 頤 動 中

嗑。 天下之大害也。」故曰「頤 間 合,合而「亨」。 際,有間之者彊梗,讒邪姦宄弗率,噬而 剛 之剛,頤 離 亨」之義也。 戚、朋 決 於其間也。 震 噬 而上下亨矣。 合而成體,爲頤中 嗑 中之物。「嗑」合也、噬而合之、 友之間有離貳怨隙者,蓋 而 亨」,此合 除去之,則合矣。 `《易傳》曰:「君臣、父子、 夫互體之變,難 推之人事,上下之 兩體言「噬 有物之象。 中有 物 知 間 嗑 也 隔 讒 九 邪 與 噬 者 四

> 噬嗑除間之卦,不止 以 陽言之,震陽 震頤 象玩 下據九四之坎,「用獄」也。 獄」者,專以六五言噬 柔相文,❶合一而成章,則天地亨矣。 下交矣。「動 柔分而之五,柔上行也。 九五之剛分 人於 曰「剛柔分,動而 自否來,否之時 知者觀 初五 棘 也,責 噬 ,獄象也。 辭 可 相易,合兩體 嗑《彖》明言之。 其《彖》辭 以 離 而 類 而 也,離 而 之初 推。 求 明」則 六五之柔 剛 明,雷電 艮,離 柔 則 固者 陰也,雷 、剛下 以言噬嗑之才也。 虚之 於 思 不 否 用 豊 過半矣」。 其 爲之,彼將 分,天地 「剛柔分」則 塞通矣。 柔也。 得 合而章」。 用。 艮 所 獄 所 中 動電明, 哉? 不言者, 謂 言「利用 而上行, 坎爲律, 初 閉 上行 六 日 故 之 岡 陰 1 艮 觀

<sup>●「</sup>文」,通志堂本、四庫本作「交」。

不經。 矣。 也。 也。 也。 君之德。 者有司之事,不得已而 斷 若柔中之爲「利」矣。 下,是以其民畏而愛之。 于王,王三宥之,然後制刑。 王,王命三公參之。三公以獄之成,告 聽之棘木之下。 大司 寇以獄之成,告于 用獄乎? 健 正,而正聽之。正以獄成,告于大司寇, 中正 稱也。 ,以柔道 則民將以虐我者爲讎。好生之德洽 故曰人君之用獄,无若柔中之爲 雖不當位,而施之於「用獄」,則无 三宥之然後制刑者,柔中也。 皋陶之美舜曰:「與其殺不辜,寧失 好生之德, 治于民 足以當之。 古之用獄者,史以獄成, 德歸于上,有司不 行之於上 人君者止於仁,不以明 六五 或曰: 也。 聽 愛之,斯 柔 而 五 心。」
夫殺 宥之者,柔 中 君 制刑者,人 失其 柔中足 位 戴之 職 告于 當 唯 於 刑 利 位

> 國。 偕亡。 于民 之辯焉。 其弊至於刻薄少恩,民心日離,思與之 學,人君用明斷決獄訟,躬行有司之事, 審矣。自《易》失其傳,參之以申、韓之 在於寧失也,在於哀矜也,不在乎明 此,況人君乎? 矜而勿喜。」士師,有司也。 「上失其道 心,則 讀《易》不察之過也,故不可不與 卦氣秋分也,故《太玄》準之以 、民散久矣。 天下樂推而 觀皋陶、曾子之言, 不厭。 如得其情, 曾子告之如 曾子 Ħ 則 斷 則 哀

象》曰: 罰」也。 堕,效雷之動也。 然易避,效電之明也。 其威怒以致刑。 三不正,「敕法」也。上三爻不正,「明 「勑」,當作敕。 先王將明罰,必先敕法,非謂法 雷電噬嗑,先王以明罰勑法。 此卦至爻變,始有用刑 明 其罰之輕 九四坎,爲律法 正其法令以警懈 重 ,使人曉 也

之象。

趾」,不行也。初九,屢校滅趾,无咎。《象》曰:「屢校滅

官》掌 菲屨赭 謂 刑, 納 枲,或藨或蒯,皆草爲之。 矣,「屨校滅趾」也。 不行,所懲者小,所 正,其行不已,故屨校以没其足,使止 肉刑也。 震爲足,爲草木。 否下體艮爲指,在下體之下爲 校。 「藨蒯」之屨。 上刑赭衣,中刑雜屨。」雜屨,即 枲也。」《尚書大傳》曰:「唐虞之象 卦以 震 ,囚「下罪桎」。 大罪者,小罪之積。 爲行,艮止之不行也。 初上爲受刑, 二至五 慎子謂以 要之中刑之屨,或菲 以 戒者大,乃所以 屨當別,誤矣。《周 桎,足械 草木 荀卿曰:「菲緧、 連 疑古者制 足,指象 也。 否初 趾。 无咎,正 爲 械, 用 傳 巽 「无 刑 不 无 而 亦 爲 没 或 所

> 鼻」,乘剛也 六二,噬膚滅鼻,无咎。 也。 用刑 六爻非 貴 中 奇則 也。 偶, 王弼 豈容无位 《象》曰:「噬膚 謂 初、 上无 位 非 滅

咎」。 鼻。 勞,動未過中 也。 有過之地 中,滅鼻則當息,不息則勢不能久。 所刑者當。 兑爲口,故曰「噬膚」。 當,六二噬之。 艮陰爲膚,柔 剥 雖不當,而二之用刑亦不 牀以膚」,坤 二動兑見艮毀,「滅鼻」也。 何 二動宜 以 知艮 而已噬之,乘 ,故无咎。」 有咎也。 而近革,噬之爲易,六三是 中正而 陰 剥乾成艮也。六三不 爲 膚? 横 動剛,乘 剛 渠 而動,爲力不 《剥》六 曰:「六三居 過中,故「无 鼻在 剛而往 艮爲 四 言 面

鳥獸全體,乾之爲腊,噬之最難者也。曰:「遇毒」,位不當也。

也。」 然 矣。 坎也。「小吝」者,六三位不當 何知坎爲毒? 師 服,必反傷之,故「遇毒」。 九 艮爲黔喙之屬,離 四 「无咎」者,動則正,兑見坎毀,强梗去 兑口, 噬也。 六三位不當,以 不正,間於上下之際, 爲雉, 荀爽曰:「噬腊,謂四 日 以以 柔噬 日熯之,腊肉之 此 剛,刑人而不 毒,坎險也。 毒天下」,謂 强 梗者 而 柔也 也

曰:「利艱貞吉」,未光也。 九四,噬乾胏,得金矢,利艱貞,吉。《象》

弓, 謂 爲 附骨之肉謂之肺。 也 矢」也。 日 熯之,乾胏之象。 五也。 難。 離爲兵。 剛矢直 九四剛 乾變爲金、巽爲木、坎爲矯、爲 六五柔中有剛,在二剛 矯 直 ,噬之則 木施 不撓,往則克之,「得 肺,古文作 室。 肺比 金,加 剛 直行矣。 腊爲易,比 於弓上,矢 之中。 横渠 四 金 膚

遯也 乎? 足以噬 皋陶 爲恒。 決獄 君不 易不可 君位 不言君 不以聽訟爲主。 刑難易而已,不以君位言之。 易,坎毁 用艱貞哉? 艱貞乃吉者,以其「道未光」。 四 ,則二大夫、三公、 書「出」 不正 有 而已。 可 ,明夷也,旅也。訟不言君者,人君 言者六卦 曰: 故 司之事,非人君之職,若以 以 者,失君之則也。 遯不言君者,君不可遯也。 一端盡 成 動 旅 頤,「噬乾胏,得金矢」也。 而 恒不言君者,君道不可以柔 利艱貞」乃「吉」,不然則凶。 噬嗑爻辭取 也。 或曰: 也。 正 諸侯去國,書「奔」。 故《風》美召伯、《頌》言 唯 訟也,噬嗑 春秋》: 恐其 四 五君位,四 侯 上下 旅不言君者。 相 不正,不正 、噬,何 相噬 天 王 卦 道 也,恒也 五不以 | 噬之 光 一居于 哉 明 噬嗑 五 明 則 夷 可 安 不 ? 用

曰:「貞厲无咎」,得當也。六五,噬乾肉,得黄金,貞厲,无咎。《象》

之象。 争, 言 上易成兑口 反覆 當者,於五 終无咎也 爲厲,於德爲有咎。 服,則於剛爲得中矣。 金 離 噬之有不當乎? 夫示之德讓,使人安於至足之分則 曰「貞」。 噬上也,上剛 噬,何也? 中之坤 下衰矣。 不争則无訟。 相 言自五噬 噬。 乾肉比 五未易上,有强 ,故曰「厲,无咎,得當 也。 剛 噬之當也,猶愧 且萬 故曰「噬乾 而居柔,離日熯之,「乾肉 中爲當也。或曰: 膚爲 티 : 上乾變爲金,故 上, 噬之亦 物 末流之禍,怨 今物至 難,比 同 此聖人之深意 噬上九 體,而 九居五、貞也、故 肉」。 肺 於噬 不能 爲易。 難, 噬之 乎无訟,矧 而當,雖 使 黄,中色, 口「得 亂 也 而後合, 噬,於正 物 並 五與 至 用 也。 於 得 厲 而 黄 刑

> 剛 世。」聖人 乎?」叔 暰 自 免 噬 向 之 於 (之意,不其深乎? 道 曰 噬 也 「三辟之興 夫子 故 日 四 之剛 必 直 也 興 使 H 於 无 九 叔 訟 之

耳」,聰不明也。 上九,何校滅耳,凶。《象》曰:「何校滅

聰。 也。 其有耳之形无耳之用也 能 之用於目也。 毁,「何校滅耳」也。 氣交則通 也,於耳 月之光。火外景也,於目爲視。 四坎爲耳。上九之三,巽爲木。 專 罪大惡積,陷于凶而不知,宜曰耳不 聽,是聰 上之三,離目毀,无見善之明,又不 曰「聰不明」何 - 爲聽。 ,精併則專。 復 瞽者專聽,併目之用於耳 不明。 視聽之用,无 也? 上九 「何校滅耳」,責 **職者專** 有 坎水 耳, 非 視 離火,日 水内景 不 巽 明 併耳 明 見 也。 坎

■ 離下 賁,亨,小利有攸往。《彖》曰: 賁

成天下 文也。 故 柔 利 觀乎天文以察時變,觀乎人文以化 來 有 攸 而 文 往 剛 」,天文 故 亨。 也。 分剛上 文明 以止,人 而 文 柔,

文。」以天文言之,无非剛 者,往來相錯,因其質而文之。《易傳》 故曰「賁」。 下相文而不失乎中,則實 得中,分剛上而文柔,柔 文矣,故曰「小利 利 而 生生之本也。 而文二剛 也 文二柔,剛不得中而柔得中,小 曰「賁亨」。 九二分而 本 有質則有文。 「質必有文,自然之理,理必有對待, 泰也。 然剛 賁者,文飾 則柔得 坤 不 往 之上 有上則有下,有此 有攸 魺 中而亨。 小 一六來居於二,以一柔 往」。 者 之道 不獨立、二 芜 往 者 也 柔交錯,陰陽 以 於上 柔來文 非 亦 濟之,不能 文柔德也, 得中。 日往 過 一,以一剛 飾也, 一則爲 則 日來 剛 者 有 之 而

軌道 其文 理也 其 以 者剛 緯星 寒暑之變。 面 此合乾坤剛 明,文明也。艮,止 柔也 臣柔,夫剛婦柔,朋友者剛柔之合,長幼 斗振天,二極 觀 理 止 立,視昏旦之星,日月之次,以知四 文言之,坤來文乾而 一也。 (明而 一五星 乎天文,則知剛柔有常矣。 柔之序。 動 ,非人爲也。 動 則禍亂不生,災害不 者 者 日 在 不亂,各當其 陰 陽 陽 地 故曰「文明 順序,萬物自遂,天文人文, 春震秋兑,泰之時 柔 也 也 象 也 不 五 ,而 艮 物 而 動。 丽 離 上下内外,尊卑貴賤, 者交錯 成 爲 太白 析木、鶉首爲陽。 也。 離 列 兩 故曰「天文也」。 體而言賁也。 分 父剛 以止,人文也」。 成離,坤文而 光 、辰星爲陰。 月 了, 粲 而 陰 耀 作。 止矣。 然成文,天 離 也 子柔,君 也,夏 合,皆 故日月 而 故南 爲 文明 剛 别 面

飾。 冬坎 也。 柔麗 觀天文,俯觀人文,不順 也,二變艮成也,二柔麗 故 麗 時 文 (彰之車服,明之藻色,天下自化矣。 乎中正。中正者,理之所當得者也。 變之象 而 7, 費之時 在卦氣爲八月,故《太玄》準之以 乎中正者,化成天下之道也。 已矣。此推原 也。 也。 觀乎人文,知天下之情必 泰易爲 卦 變以 乎天則 乎中正也。 賁, 四 盡 時 賁 反 互變 之道 乾天 水平 仰

无敢折獄。《象》曰: 山下有火,賁。君子以明庶政,

德 尚 用 正 山 庶 文 也。 下有火,託 常人吉士 政者,初二三四正。 也。 飾 也。 「无敢折 「賁」,飾之象。 或曰: ,哀矜獄 物以 獄」者,折獄之道,在於 明,異乎晉之「自昭 情,不恃 噬 嗑 坤爲 君子體之以 亦 明 明察 衆。 也 政者, 心也,不 明 明 明

> 濫 九不正 四 何 爻 也 正 ? 一<del>,</del> 不 也。庶 日 . 正者罰之。 噬 政明而 嗑 六三、土 賁无 後 九四、 折 獄,乃无 敢 六五 折獄,下 枉

而徒」,義弗乘也。初九,賁其趾,舍車而徒。《象》曰:「舍車

徒行。 弗當 人之車 也。 也。 二車弗乘,寧徒行而弗辭 大途,爲足。 艮爲指。 義弗乘」也。 乘 初九於六二爲近,於六 坤爲輿。 緩 而 雖跣足, 賁也。 初在下體之下, 步以當車者,守義故 乘之,辱也,非賁也。 足趾行乎大途者,「徒」行 二坎爲輪,車 夫車所 古之人有弗肯 動 以實其行, 者,六二非 也。 四四 而 也。 爲遠, 是以 應足, 四 震 乘 寧 正 趾 爲

也。六二,實其須。《象》曰:「實其須」,與上興

二言實飾之道。毛在頤曰須,在口曰

文待質而後興也。 是,在與曰髯。三有頤體,二柔在頤下, 是故一。與,相與也。二三相實而成震, 是也。柔道上行,有興之象。是故冠弁 起也。柔道上行,有興之象。是故冠弁 起也。柔道上行,有興之象。是故冠弁 之、,血衰則減耗。非增益爲之飾,「與上 以一,其文亦異,不豐不殺,惟其稱也。輔 一,其文亦異,不豐不殺,惟其稱也。 一,其文亦異,不豐不殺,惟其稱也。 一,其文亦異,不豐不殺,惟其稱也。 一,其文亦異,不豐不殺,惟其稱也。 一,其文亦異,不豐不殺,惟其稱也。 一,其文亦異,不豐不殺,惟其稱也。 一,其文亦異,不豐不殺,惟其稱也。 一,其文亦異,不豐不殺,惟其稱也。 一,其有頭體,二柔在頤下,

之「吉」,終莫之陵也。 九三,賁如濡如,永貞吉。《象》曰:「永貞」

致隆者也。 「濡如」也。 以剛賁柔。 六二以柔賁剛,「賁如」也。 九三坎體 相實相濡以成文。 然二非正應,以 剛柔相賁,文飾 坎水濡之澤, 九三守正不動,二亦 潤 近 之盛 而 相得,故 有光耀 一,禮之

> 失正 終,三不動,「永貞」之象。 莫之陵」者,「永貞之吉」。 三,下卦之 柔 有競心焉,安能自免於陵轢乎? 法之不可以干也。苟失其正,乘其間者 服,而木楗韋藩,過于朝 今夫富商之財,足以金玉其車,文錯其 大分,去争奪之道 麗 ,則上且自外而陵之。 乎中正,故「吉」。 也 ,永正誰 三賁 而 不歉 將變, 禮者,法之 能陵之。 者,知禮 m

終无尤也。《象》曰:「六四」當位,疑也。「匪寇婚媾」,六四,實如皤如,白馬翰如,匪寇婚媾。

巽。 伏巽爲不果,有疑 初之 賁四,純白 初九、「賁如」也。 六四、初九以正相賁也。六四之柔下賁 初間於三。坎爲盜,盜據内外之際,四 六二爲須,巽爲白,「皤如」也。 相 初九之剛上賁六四成 **杰也。** 賁 飾 也。 四所 六四當位, 以 疑者,

9

媾」。 之。匪九三之寇,則遂婚媾矣。 也。三、下卦之終。 如」。震長男,離中女,男女合,故曰「婚 震爲作足之馬,震變巽,故曰「白馬 雉,之四巽爲雞,翰 合,故曰「終无尤也」。 四之所尤者,三 而應之志,其 乘剛之 純白无僞,誰能間之,●始疑而終 ()險,初 疾如 四 未 白 如也。 獲 馬 翰 也。 如,飛騰 翰,剛爻也, 離 加 獲 赴

《象》曰:「六五」之「吉」,有喜也 六五, 實于丘園, 東帛菚菚, 吝,終吉。 賢,故曰「賁于丘 艮爲山,爲果蓏。 |園」也。五尊位柔中,外資上九之 園」。 山半爲丘而有果蓏 坤爲帛,艮手束

之。東帛,五兩,坤數也。三玄二纁,天

地奇耦之文。上五相賁之象。「戔戔」,

用之以外聘,故曰「東帛戔戔」。

委積貌。

坤爲衆。

東帛其上多

而委積

夫五得

之哉? 喜。 吝道 尊位 「六五之吉,有喜」也。 始吝而終吉,正則吉也。 上來實五,陽得位 也。然柔中厚禮,上九自外賁之, ,當實天下,六二不 好賢樂善,有得于誠心,故曰 而正,喜豈 陰陽得 近 比上九, 位日 僞 爲

上得志也。 上九,白賁,无咎。《象》曰:「白賁无咎」,

也。 自然之文,立王制,爲天下之大隆,是 離者,乾再索而成巽之變也。巽爲白, 著誠去僞,使人各由其情,不失其本真 之封界,分職名象之所起也。 其志在於 上九賁之極,有不賁者焉。聖人因 (飾之初志哉? 末流之弊,尚文勝質,而本真衰焉。 上九變動反三,三有伏巽而離體。 志者,動 於中之謂 天 非 地

據汲古閣本、通志堂本、四庫本改。

I

艮坤 上下

剥

不

利

有

攸

往。

彖》

剥

剥

之道 之美,疏布之尚。莞簟之安, 合而 有,我 爲 四 賁,文在其 夫終則有始,質者文之始。 荀子曰:「禮始於脱,成於文,終於棁。」 新之尚。● 丹漆雕幾之美,而素車之尚 故酒醴之美,玄酒明水之尚。 而 本於淡,五聲 上九變動 至上 本。 无 ,質也。 爲文, 敬文,墨子之道,烏 一是以无咎而 然貴本之謂文,親用之謂 成文,以歸太一, 志得矣。故曰大禮 ,其變皆以巽,人文相 有 而 中 賁,文也。 反 矣。 本於 本, 得志。 變而通之,三代損 則文 虚。 五 夫是之謂大隆 何 得爲无 質者,文之本。 色本於素,五 不然事生送 一由勝 必簡,至敬无 實,以 上九之白 而 黼 、咎何 咎? 理,兩者 簿越藁 黻文繡 禮 益 死 由 味

色生 於 无 色, 故 日「白 賁 也,柔 順 行 也

而止 變 之,觀 剛 也。 象也。 不 利 君子尚消 有 攸 往 息 小人 盈 虚 長 一,天 也

作。 剥也。 存。 剥本 陰,陽有可反之理。 止 所之哉? 當巽言屈 下 又發其義曰「順 爲柔變,故 「不利有攸往,小人長也」。 小人之道,當順 Ŧī. 剥 其 乾 體復矣。 陰剥陽言 小人既長,君子道 蓋以象 聖人患君子不往,人道將 口 曰「剥,剥 侵陽,進 邪剥正 觀之,剥極當止 天道之行,消於巽,息於 剥也。 而止之」,坤順 其理而止之,乃可 而 剥反晉,晉反 身,避 也,柔 道 剥 剥 消,往 之。 而 害而 變剛 不 此以上九言 亦无 Ė 剥 之時,五 柔 艮止 已,故 君子 剥 也 大有 絶, 與, 乎 也。 以 故 何 僅

<sup>0</sup> 汲古閣本作「薄」,通志堂本、四庫本作「蒲」。

原作「尸」,據汲古閣本、 通 志堂 本、 四庫本改。

成乾。 《太玄》準之以 降明 成功。 理而 也。 謂之剥者,論卦氣也。《彖》言象者 盈虚 虚。 剥也、鼎也、小過也。 故曰「順而 身既傾焉 不 十八卦,自下而變也。 能 復、姤變十二卦,遯、否、臨、泰 盈於乾, 已矣。 ,天行也」。 順 君子尚之,與時偕 卦變自辟卦言之,坤變復, 處剥之道也。 五 自相 王弼 而 乾變姤,六變而成坤。 復五變成二十四卦。 ,功又不就,非君子之所尚 止之,悉力以抗 止之,觀象也。 生言之,復、姤五 漢唐之季,小人道 虚 謂强亢激拂,觸忤以隕身。 一於坤。 割。 此以艮坤 鄭康成以 在卦氣爲 剥、 行, 觀剥之象, 極 小過卦變之象 小人,是以 能 二體,剥復 則 君子尚消息 變成十卦, 柔 息 自反 萬物零落 九月,故 長,諸 泰、否二 能 六變而 盈 則 對 久 也。 任 升 无 賢 則

寧。

象》曰: 之矣。 不傾之道。 觀此,故裕民敦本,務厚其下,是乃安宅 山 過之象則知之矣。 以陰陽、虚實、剛柔、奇耦交錯互變於六 爻之中,而象其物宜。 到剩而 變成十八 觀是三者,易之象舉積此矣。 附於地,則其下厚矣。 山附於地 《書》曰:「民爲邦本,本固邦 卦。 剥。 鼎,互體之象 L 下相 上以厚下安宅。 觀 鼎之象, 變 爲人上者 也 也 則 知 卦 小

以足」,以滅下也 初六,剥牀以足,蔑, ,貞凶。 《象》曰 : 剥 牀

牀以 有伏 變乾 劉牧讀「剥牀以足蔑」。 膚」, 也。 設木 也。 震,震爲足。 剥以 於 坤西南方也。 則「剥牀以足」當爲句絶。 西 其足,寢其上者危矣。 南之奥,乾人藉之,「牀」 陰之剥 初動成異,異爲 按,六四日 陽必自下 剥 坤

以滅盡之也,小人之害正如此。象曰「滅」者,滅盡也。無君子之正者,「蔑」,無之也。無君子之正,則凶矣。

以辯」,未有與也。六二,剥牀以辯,蔑,貞凶。《象》曰:「剥牀

也。 也。 凶。 即股 也。 於股也。 則 斯可矣。若迫窮禍患,蔑所守之正,則 小人无所忌憚。二當内不失正以自守, 二在股趾之間,近膝之下,股之象。 胜 也。」巽爲木,爲股。艮爲指,在初爲趾 康成 相近,申則相遠,故謂之辯。「辯」,分 也。 崔璟曰:「辯當在第足之間,牀胜 「蔑」,無之也。 而自守其正,小人雖勝,猶未凶 剥之方長,君子而有與,猶可 日 九二无應,未有與之者,是以 陰浸長,次及於二,猶剥牀至 足上稱辯。近膝之下, 曰「蔑,貞凶」,戒六

> 失上下也。 六三,剥之,无咎。《象》曰:「剥之无咎」,

特立不懼者,能如是乎? 失,三雖不免於剥,而義則「无咎」。非 於衆陰之所剥乎? 失下也。上下皆 並進,三獨爲君子。初二既剥,安能免 微弱,不能相應而有爲,失上也。衆陰 以柔應剛,獨有輔上救亂之志。《易傳》 以柔應剛,獨有輔上救亂之志。《易傳》

膚」,切近災也。 六四,剥牀以膚,凶。《象》曰:「剥牀以

君子其如天何? 陰長剥陽天也。剥道至此,三不能止,至四而乾毁,其凶可知。象言「災」者,至四而乾毁,其凶可知。象言「災」者,是爲膚,柔而近革,六四之象。巽爲牀。

六五,貫魚,以宮人寵,无不利。《象》曰:

以宫人寵」,終无尤也。

巽爲 其能 也 勢分,不及以 卑有序。厚恩錫予,不及 貫魚然,咸順於上。 位,其動 卑,望後先尊,尊卑迭爲進退。 而 可爲也,故「无不利」。 六居五宜有尤, 婦御女之屬。 人,巽爲進退,「以 貫 ? 以 雉 伏兑,爲口,尤之也。 有 而 魚」也。 異、異 制乎? 以以 爲 正制小人者,盡道「終无尤 魚,爲 曰: 罔罟,以 佃 也正,與上 也。 復有離,巽 繩,艮爲手持 以重 艮坤爲宫,止於中也。 或曰: 政,則无權, 古之進御於君者,望前 魚 佃 全 龍 宫人寵」也。 以 離 同 同 以宫人寵之,使尊 漁,蓋取 先儒以 爲 知 德,下制 氣 不然魚脱於淵, 魚 之。 以 小大相持, 東方鱗 政, 寵均 巽 下 包 諸 漁 也」。 爲 衆陰,若 宫人,嬪 連 ) 犠氏 五得尊 離 也。 魚 ( )何 乃 則 先

> 兼震巽言之。 之廢氣。故《太玄》以三八爲木、爲鱗, 爲之長。震爲龍,木之王氣,巽爲魚,木

上九

碩果不食,君

子得

典,

小

剥

廬

《象》曰:「君子得輿」,民所

載

也。

「小人剥

伸陰剥乾,四成巽爲木,至五戎艮爲果。廬」,終不可用也。

爲小人剥喪之象。「碩果不食」,下而 始,間不容髮 生,剥反爲復,必然之理。 爲口,艮見兑伏,不食也。君子在外,不 陽爲大,衆陰 坤陰剥乾 日无陽,亦未嘗一日无君子。 ,四成巽爲木,至五成艮爲 不 也。 能剥之,「碩果」也。 坤爲輿, 爲 天地間 衆。 剥 終 未 極 兑 復 亂 嘗 復

風

之終也。」艮

爲

舍,

乾爲天。

天

際

野也。

舍在野、「廬」之象。

陽

君

傳》曰:「《詩·匪風》、《下泉》,

所

居

載之,故曰「君子得輿,民

所

載

也

易

之後,五陰

奉一陽,君子於是得衆

而

民

一〇六

小人用 ,終不可用也」。 在外之君子亦失其所。 事,自 庇 徹 於 其庇,至於无 君 子。 上 九 故曰「小人剥 所 剥 容其軀 而 爲六,

壨 天地之心乎。 天行也。 疾,朋來无咎」。 其道,七日來復,利有攸往。 「亨」,剛反。 — 坤 震 上 下 復,亨,出入无疾,朋 「利有攸往」,剛長也。復,其見 動 而 「反復其道,七日來 以 順行,是以「出 來无咎。 《彖》曰: 入无 復」, 反復

坤 之之謂 其動 斯 坤極 出 明消息之理也。 復 爲 本坤,而乾交之陰。 順 也。 所 而 由 動 ,剛反動 以「亨」 軟? 外來。 其出 ,陽升而出。 其 言「剛反」動而 而 而「出入」云者,以剥復 剥極 人,羣陰莫能害之。 得 位,以 朋 成坤,陽降而 人,其反 陽之反,皆自内 順道 陽之 得位 而 也。出, 類 上行, 也。 也

盡 始於黄鍾。 始於牽牛,氣始於夜半,曆始於冬至,律 「七日」者,明律曆之元也。 歲也,天地五行之數所不 變,陽涉六陰,極而反初。 過於七。 反,往則必復。 疾,朋來无咎」。此合坤震兩體、初九之 動以言「復亨」也。天道之行,極則來 和而 如舟車必相濟達,己先則拔之,彼先 則不 推之,然後并心協力,其道大行。 復所以「亨」者,豈一君子之力哉? 復亨,剛反,動而以順行,是以 陽 元六甲三統九會二百四十二章之 邵雍得之,明日月星辰元會運世, 不同,斯「朋來」所以「无咎」也。 累 來 於 復 陽生於子,陰生於午,剥復七 物 而 子雲得之,爲八十一首,以 以以 得位 其復之數,自午至子,不 順 无咎者,以正 行 則 不 可違,而必 違 故日月五 日也、月也、 其 也 時 出 人无 故 正 到 則 則 動

哉 ? 也。 復,復則 其心矣。天地以萬物爲心,其消也乃 也,以爲有乎不可也。 易以天地明聖人之心,以爲无乎不 臣」,非虚語也。 也」,荀卿曰「三年,天下如一,諸侯爲 已,三年有成」,孟子曰 至於盛。夫子曰「如有 爲臨、爲泰、爲大壯、爲夬、爲乾,孰禦之 剥復之變,言復之數也。 雲作《太玄》「其得天地之心 以 「反復其道,七日來復 其所見,論其所 爲息,其往也乃所以爲來。 窮 天 此自復推之至乾,以言復之成也。 君子之道剛進而長,莫或禦之,必 故曰「復其見天地之心乎」。此 地 萬物生。 消 長 无 故曰「利有攸往,剛長 極 生者,天地之大德也。 不見,天地之心其 之數。 (,天行也」。 觀諸天 崩 「以齊王猶反 我者 陽自復而往 而 往 乎」,故 雍 地,則 1,期月 極 嘗 此推 而 謂 可 手 可 見 而 來 所 不

> 有成矣。 爲冬至,故《太玄》準之以周。 其象各有所宜 非象也。《彖》也,大《象》也,小《象》也, 《彖》之取象,在於陽剛反動 以 至无,是其本矣」。 初 九 剛 王弼 動言復之始 ,不可以一槩論。 謂「天地以 此雷在 也。 本爲 始 地中之象也。 而已。 丽 心,寂 亨,亨則 在卦氣 易无

關,商旅不行,后不省方。 《象》曰: 雷在地中,復。 先王以 至日 閉

《夏小正》「十一月,萬物不通」。 設教。 也。 易兼用《夏小正》矣。 天下之至動,莫如雷。 不省方」。不行、不省方, 艮爲門闕,反則閉關。 於静,復本之時也。 巽爲近利市三倍,風行地上爲觀民 復,震見巽伏,故「商旅不行,后 復,冬至之卦。 雷在 閉關,以止動者 則動者静。 地中, 夫子贊 動 復

初九,不遠復,无祗悔,元吉。《象》曰:

六二,休復,吉。《象》曰:「休復」之「吉」,

不遠」之「復」,以脩身也。

吉之先見也。 顔子不善未嘗不知,知之 故曰「无祗悔,元吉」。夫幾者,動之微, 音,之是反。初動不正,不正則抵于悔。 无祗悔,則元吉。 「元吉」者,吉之至善, 悔」。俟其悔至而後復之,復亦遠矣。 坤爲身。 《易傳》曰:「祗,抵也。」馬融: 而成其德。故曰「不遠復,以脩身也」。 之始,未有不正其心而能脩身者。以天 位,正其固有也。初正者,善之端,脩身 未嘗復行,无祗悔也。故夫子贊之曰: 知不正爲不善之端而復于正,則「无祗 地言之,始於剛反,動而正乃能遂萬物 而後有復,不失則无復矣。 自外來,內不遠也。反動而剛復也。 外爲遠,内爲近。剥初嘗失矣,變復 顔氏之子其殆庶幾乎?」 初者九之 失 九

以下仁也。

「厲」,義「无咎」也。六三,頻復,厲,无咎。《象》曰:「頻復」之

成坎。坎在坤際,水厓也。水厓,謂之義亦通。三者,震動之極,極則反之正,頻蹙不前而止。」先儒作「嚬蹙」訓之,其「頻」,水厓也。《説文》曰:「人所賓附,

於義 學禮之爻乎? 而學之者也。 雖 爲 頻 晩 得,故 者危 矣,不 厥 道 曰「義 猶 初 叔 故 愈 妄 孫 曰「頻 於迷 動 无 病,不能相禮 咎 自 丽 也」。 復 厓 不復者乎? 属 而 反 則 退退 頻 頻 丽 困 而 復

以從道也。六四,中行,獨復。《象》曰:「中行獨復」,

中? 初, 咎,頻復之厲  $\overline{H}$ 不言吉无咎者,正則吉可 敦復」,不言吉 日 康成曰「度中而 四行於五陰之中,獨 陰冥行,去道 道」言初九也。 夫中 四 四 在 無 至上以五爲 猶 外體,不在二、五,何得 一定之中, 无 日遠,適越 者,不以 咎也。 行, 震爲大途,亦道也。 四 中。 反而 自初至 利 獨應 知。 四 丽 復卦 害言 「獨復」,五 北 復,下從於 獨 初」是也。 首者也 復則无 五 三以二 也。 陰 自

> 六五,敦復,无 中。 至上 則 四 爲 悔。 中。 《象》曰: 康 成 謂 爻 敦復无 處 五 悔」, 陰之

六五遠於初九,中而未正,非「敦復」則中以自考也。

誠者, 有咎。 乎艮」,故艮 用力於仁 艮爲篤 道言之謂之誠,以受之於天言之謂 易傳》曰:「以 有是 其於復也, 萬 自成也。 物 實。 五 一者也。 皆備 性 坤 厚 體 則 又 中 於我,反 有成之意。「考」,成也 有是體,有是體則 而篤實,「敦」也。「成言 厚 何遠之有? 以體言之謂之中,以 荀卿曰: 道自成。」 也 《身而 五動 「以 丽 厚 誠,則自 中自 正 而 成艮。 篤 有 成。」 實 成 是 天

敗。 上六,迷復, 象》曰:「迷復」之「凶」,反君道也。 以 其 或 N<sub>o</sub> 君 N N 有 災 至 告,用行 于 + 年 師 不 終有大

敗。 不正。 初。 復之終 兵,雖驟勝,終 凶 凶 位。 坎爲血,「大无功」也。 三,下之終,故曰 有大敗」。 曰「凶」,又曰「有災眚」。 也。有災害,則天禍人患无所不有,故 成坎,坎,災眚也。 m 動,「以」也,坎,陷也,用此 有師體,用師也。「行師」之義,以正去 「終有大敗」。 坤四諸侯位,國也。 迷復,凶」 降之罰,是以禍至於亡身。「十」者, 故曰「以其 妄動之禍,至於以其 上反三成震坎,以其 初九已復,上六迷道 以以 已迷不復而行師,人誰服之,「終 自古迷復妄動,不勝其 」。上窮矣,不可 一卦言之、剥之上 《師》六三「師 有大敗。 (國君 災自外至, 眚己 |X 400 驟勝者, 或輿尸,凶」。 三動六上行, 動 mi 國 行師,終有大 言迷 國 了動則 不 九 君 君也。 復 欲 陷 厚 復 反 其毒 之於 動 五君 降 而 故 則 招 爲

> 舉錯當於人心。 也。 也。 下之善。 九道也。《易傳》曰:「居上治衆,當從天 坤之極數,不 用國則民聽,天佑人助 用行師,終有大敗 二者反君道故 「十年不克 夫從天下之善,則改過不吝, 可動, 以此用衆則師克,以此 征」者,災也,上 則无 也。 以以 ,何凶之有?」 其國君凶」者,告 上六反初 師象,「不 九,初 窮 ·克征 也

哉? 利 往」,无妄之往,何之矣? 正,天之命 主於内,動 有攸往。《彖》曰: 戴上无妄,元亨,利貞。 也。 而 「其 健,剛 匪 中 正 无妄,剛自外來,而 而應。 天命不祐,行矣 有告,不利有 其匪正有告,不 大「亨」以 攸

非天 无妄,天理 妄,因欲有妄。 无妄」。 理。 此合乾震言无妄也。 動非 也。 我 去其 有妄,人欲也。 也 人欲 ,其 動 動静語 也天。 无妄,大 人本 日 无

險, 匪 天理也,非人爲也。 上,不可 五在上,受天所命,六二應之,三、四、上 至於大亨乎? 健可也,安能使剛中而 外來可也,安能必其爲主於內? 也,臨也,无妄也。 也,无妄也。「大亨以正」者三卦: 干天命,其眚自取者也。 三、四、上三爻「匪正有眚」,匪正妄行 命」者,剛自外來而 无妄之時, 正 「天之命也」。比以乾巽,●言无妄也。 而應」者五 而 所 无應,欲往何之? 行。 往哉? 致 卦: 上 天下於无妄。 九已窮,三上 非天命不能也。 兑爲右,大有六五 師也,臨 乾爲天,巽爲命,故 爲主於内也。 獨於无妄言「天之 必應以正,而 无妄之世,九 三四 也,萃也 《易》言 相 天命 易成 以 五 剛 而 即 必 而

氣爲寒露,故《太玄》準之以去。攸往。故曰「天命不祐,行矣哉」。在卦象。大畜反兑爲巽,不正之爻,不利有无妄、大畜三、四正位兑體,有「祐」之賢,上九易五成兑。故曰「自天祐之」。

茂對時育萬物。《象》曰: 天下雷行,物與无妄。先王以

物。「茂」,盛也,萬物繁興,不茂不足以 應上,「對」也。先王以是茂對時而育萬 之,萬物出乎震」,故震爲萬物始震終艮 育物,不對則妄矣。 時也。●伏兑爲澤,「育」也。 時而物不與者,妄也。虞翻 天下雷行而物與之者,无妄也。 夏毋伐大木」之類。 如春「毋靡毋卵」、 二應五,三 日 「震 雷行 以 動 非

「往」,得志也。初九,无妄,往吉。《象》曰:「无妄」之

初九正,无妄也。九四不正,妄也。初

也。故吉。」 也。故吉。」 一、以之治事則事得其理,以 《易傳》曰:「誠至於物,无不動者,以之 《易傳》曰:「誠至於物,无不動者,以之 《易傳》曰:「誠至於物,无不動者,以之 也。故古。」

曰:「不耕穫」,未富也。六二,不耕穫,不菑畬,則利有攸往。《象》

乾爲歲故也。夫耕者穫之始,畬者菑之也。二震爲稼,艮爲手。二往之五,五水應二,兑見震毁,艮手兑金,銍刈之水應二,兑見震段,艮手兑金,銍刈之水應二,兑見震段,艮手兑金,銍刈之水應二,兑見震段,艮手兑金,銍刈之不應二,兑見震段,艮手兑金,銍刈之不應二,於見震段,艮手总金,姪刈之不應二,於見震段,艮手之金,姪刈之不,五一數體而順乎中正,无妄者也,故極言二動體而順乎中正,无妄者也,故極言

<sup>●「</sup>始」,通志堂本、四庫本重文。

<sup>「</sup>五」,原作「三」,據汲古閣本、通志堂本、四庫本改。

所容心 法猶 則 彼 益 之可 穫者。 非 有當終事 成 時 減 如如 」者,二往 私 此 茶蓼 攬 己 初 穫可畬 農 初 吾无決擇,順 意 必 因其禮 堯、舜氏 利天 也 菑 耕 天下之美,猶爲妄也。 時 爲之,是故前聖後聖若出 其 夫有當 所 有 同 者 者 於 而 造 7穫,菑 闢 爲 下 則 五 如是「則利 也 也, 畬 田 无 荒穢,不爲不足。 君 ·, 神 7者。 省 則 亦 ,二當不 而 有倉廪,多田 事。 二當不耕 事 子 必 法成。 妄 穫 然 乎中正 當其時之可 有 隨 作 畬有 而 氏、 不然不 有當首 耕者 畬 也。 時 有 菑 若夏 黄 成 可可 加 攸 事 而 侕 ,有當終事而 其 帝 已,无 矣。 往」。 理 ·待時 畬 穫,耕 稼 事 動 視 商 氏 之同 日 耕 不爲 而 而 一未富 昔伏 當 周 前 菑 相 「有攸 前 妄 動,无 菑者, 可 之損 則 其 則 爲 也。 妄 而 妄 時 有

> 也。 不穫矣。 虚 而 未 虚之理 盈, 莊子所 故 盈 不 則 耕 謂「天下既已治矣」是 虧 而 之,虚 穫。 若 則 己 實 盈 之,二 亦

也。人之災。《象》曰:「行人」得牛,「邑人」災人之災。《象》曰:「行人」得牛,「邑人」災六三,无妄之災,或繫之牛,行人之得,邑

爲牛, 不得 正而 也。 之牛,人以其 三震 六二中正,无妄 動 位 爲大途 而 躁,亦妄 故 疑辭。 ,行人得牛, 四 以兩 干之,非順 巽 ,爲足,「行人」也。 爻明 繩, 不正 四 也。 見 也。 艮手,「或 六二「无妄 一或疑之,妄也。 往 乎 疑, 牛非行人之所當得 乘 理 = 以 者 四,妄而又妄 不正故疑之。 四 也。 繫之牛」。 之災」。 不正,有 四 四 不繫 妄

其 宜 復位,六二卒與五應。 貳,脩身以俟之,所以立命也。故三、四 者乎? 也。」君子於无妄之災如之何? 夭壽不 險,非自取也。 往,无妄何災矣? 然三動則二亦近 三,二在險中,●三自取之,有妄 ·邑人」謂六二。 六二中正順理,静而 也,非災之者也。 關子明曰:「无妄而災者,災 莊周謂魯酒薄而邯鄲 坤土在 下爲邑 而災,則 圍 於於 不

固有之也。 九四,可貞,无咎。《象》曰:「可貞,无咎」,

必 无 明人情,終不妄也。九四,剛 正者,四之所固有也。 剛則私慾不行,私慾不行 自剛。 「可貞」。 也。 (妄則「无咎」。 九既剛矣,動則 夫妄始於慾,慾之爲害,自一 无妄固有之也。 然且有咎者,不正 正,正則无妄,故 操存舍亡,非外 則 致无妄者, 至 於 īij 无妄, 不正。 也。

亦剛,不曰可貞者,妄之極也。聖人與之可正也,正則剛在其中。上九害爲无傷而不去,故此爻在妄爲剛者,分,其初甚微也。剛者能絶之,不以小芥取諸人,充之至於爲盜。舜與跖之

「无妄」之「藥」,不可試也。 九五,无妄之疾,勿藥有喜。《象》曰:

所以攻之則不正,復人於妄,以妄治妄, 九五之「疾」也。疾者,陰陽失位之象。 九五之「疾」也。疾者,陰陽失位之象。 文邪,濟人於險者也。《易傳》曰:「治之 文邪,濟人於險者也。《易傳》曰:「治之 之有苗,周公之管、蔡,孔子之叔孫武 之有苗,周公之管、蔡,孔子之叔孫武 对也。蓋九五至正,戒之在動,動而求, 可也。蓋九五至正,被之而不革,若舜 可也。蓋九五至正,被之而不革,若舜 以次,坎爲毒藥之象。醫師聚毒 所以攻之則不正,復人於妄,以妄治妄,

❶ 「二」,汲古閣本、通志堂本、四庫本作「三」。

漢 L. 易 傳

乎。 其 少有所試,二不能往,五 不可試」也。 勿藥有喜」也。不正則二不應,其能喜 疾愈深,待之以 喜,陽得位之象。 試猶 E 嘗 則邪 試,言 得位而二應, 妄 不 自 復, 可妄動 故 H

上九,无妄,行有眚,无 无妄之行」,窮之災也 攸利。  $\wedge$ 象》 日

是也。 之。 妄極而窮。窮之災,雖行 九、六三之妄,行即得正 之上成兑,兑爲毁折,「行有眚」也。上 行之三成離,離有伏坎,坎爲眚。三行 九上體之極,上九,妄之尤極 无妄之時,妄者三爻,六三、九四、上 爻言「眚」,《象》言「災」,處妄之極,不有 人禍,必有天殃。 九四「可貞」,六三下體之極,上 故夫子極天人以告 ,然且有眚者, 其 能 者也。 免 乎? 九

■ 艮乾 上下

大畜,

利貞,不家食,吉。

利

涉

大

其 也。 JII 家食吉」,養賢也。「利涉大川」,應乎天 德。 彖》曰: 剛上而 尚賢,能止健,大正也。 大畜 剛 健 篤 實, 輝 光 日 新

剛進 畜也。 以 也。 九四 此合乾艮兩體而又推大壯之變以言大 散,又日新无窮,進而不已,自畜其 艮,互有兑震,兑西 剛健,乾也。 兩者合一,畜而爲德,動而有光,其光揮 新其德」也。 有坎離,相合發爲 柔下之,「尚賢」也。 [變也。 者 居君位之上,賢者置之上位,六五 故曰「剛 自畜其德矣。 剛,賢者也。大壯再變,九四之 也。 一變爲一 剛健則 健篤實,輝光日新其德 篤實,艮也。 剛 又尊賢 震東,日所出 篤 輝 需,再變爲大畜。 不息,篤實則悠久, 光。 實,輝 三陽自 大畜者,大壯 進而上行成 忘勢,「剛上 光 内而往, 日 人,「日 德

六

也。 之共天位,治天職,食天禄,賢者不可得 大正 故曰「不家食、吉。養賢也」。 下之吉。不然分國與之,視猶錙銖也。❷ 食」也。王公之尊賢而又養之,賢者如 下交九二,九二受畜 在内爲家,兑口爲食。六五尊德樂道, 在上,六五、九二相易以言大畜之利正 以大畜者,以其利於大者正。 三、四、五言大畜賢者止 是而食,則吉正也。 而畜也。三至上體頤,●「養賢」也。 上而尚賢,能止健,大正也」。此以上九 子當在上,小人當在下,正也。 而 三當位。 尚 止健賢者,止而食乃能得盡其心,與 賢」。 剛上而尚賢,尊之也。尊之而不與 也。 二五相易而正,大者正也。 大正乃爲天下 五 者,然後能止畜其 非獨一身之吉,天 而往應之,「不家 國家之利。 而受養也。 此以二、 故曰 所 剛 君

> 以積。 之犯難 賢之功。 行,何險難之不濟哉? 川,應乎天也」。此再以二、五言大畜養 五,大畜止健賢者,不家食,應乎天 德者爲萬民也。 川 也。 變兑成坎 乾爲天,五天位,巽爲命,天命有 而 在卦氣爲白露,故《太玄》準之 不 良,震足艮指,而越坎涉大 辭。 兑爲澤,決之爲大川。 六五下應乾,九二 故曰「利涉 之 大 而

前言往行,以畜其德。《象》曰: 天在山中,大畜。君子以多識

矣。内卦兑口,「前言」也。外卦震爲言之。天大無外而在山中,其所畜「大」觀天也。聖人論天地日月皆以人所見「天在山中」,以人所見爲象,猶言水中

<sup>●「</sup>頭」。汲古閣本、通志堂本、四庫本皆作「順」。 九三

<sup>「</sup>錙」,原作「輜」,據通志堂本、四庫本改。

行,「 配 以方寸之地,觀萬世之變。塗之人而上 用,察言以求其 剛健,多識 言」也。 畜自大壯來, 堯禹,非多識之,其能畜乎? 往 再 行 前言往 變大畜,識「往行」也。 也。 心,而「畜其德」矣。 一變需,離 行,故能考迹以觀其 陰 四 陽 爲 陽 目、「識 爲 德 多 者 前

犯災也。 初九,有厲利已。《象》曰:「有厲利已」,不

利。 往 位 四成離, ൬ 今從先讀。 已,先儒讀 居而待 一雖正 不當,危厲之道也,不如已而 四柔得位,當止畜之地,不 曰災者,初九正也。大畜之時宜 夫不受畜 離有伏坎,故曰「犯災」,不直曰 ·命則利,往而違上則厲。」初 亦厲,故曰災。《子夏傳》 作已矣之已。 三陽務進,初九剛 而 往,危實自取。 王 丽 · 度 讀 健之始, 而 不曰 受畜則 作己, 進,處 止 日 往 眚 而

往。

《象》曰:「利有攸往」,上合志

也

得時,上九畜極,變而應之,利以馳逐。

乾爲馬,九三得位,爲良馬。 震爲作足。

 $\equiv$ 

陽並進,「良馬逐」也。

九三剛

健當位

災也。

也。九二,輿説輻。《象》曰:「輿説輻」,中无尤

九三、良馬逐、利艱貞。 然遇畜 也。 軍者,或屈於賓贊之儀, 剛知其不可犯而安之,時也。 也,二剛中 是以无尤,故曰「中无尤也」。 或聽於委裘之命,故曰「大畜時也」。 不動未正 自三以上 二不動,兑毁折之,「輿 當作輹,王 而 ,宜有尤。 止,説輹不進,知以不動爲中, 爲 也,四、五 震,震 弼注作「輹」。 爲 兑爲口,尤之者也 柔 木。 日閑輿衛,利有 也。 輿下横木, 輹 才蓋一 柔能畜 説 夫氣雄九 坤爲 初 輹」也。 一世者, 剛 剛 攸

— 一 八 四坤體

,四之初爲「童牛」。

初

剛

往

也,動 然馳 知 也。 傍輿而 輿」也,三乾爲人,震爲足、爲大途。 三。三以剛 矣,故「利有攸往」。 清道路,節良馬之步而徐驅焉,其 衛」可也。 而 ,備,鋭進而不知戒,鮮不及矣。 其利艱貞也。 不 輿衛」,望有取於此乎? 兑口象,艮止 《茂陵中書》武 備,故戒之以「利 逐 則 行,開興 不已,必自奔蹶之患,●不 失正,艱 古文作粤。 往,與上合志,志動 而衛之象。「閑興衛」, 九三如此,猶謹喻策, 難守正則利,「日 也,坤爲興,四正「閑 功爵十一, 上九陽也,變而 粤,于也,發語 艱 貞」。 夫恃 二級 於中者 九 應 可 進 開 而 日 應 利 之 輿 Œ 應

> 剛 之「楅」。 者反爲柔用,六四所以有喜也 剛伏于木下,牿牛之象。 犯上之心,剛柔各得其正,故「元吉」。 牛牿之也。「牿」,横角之木。 四,角觸之象。 「元吉」者,自其始吉,吉之至善也。 喜」者,陽得位。 不以威武爲之,以漸優而 初之四則二成巽木,初復位 四不來初,屈 初九不動而應己, 六四當位 柔之,使无 而 周 不動, 官 剛 童 則

「吉」,有慶也。 六五,豶豕之牙,吉。《象》曰:「六五」之

二退而受畜,三坎毁兑,金刻制其下而且白者,豕之牙也。六五得尊位柔中,巽爲白。自三至上體頤。豕頤中有剛異爲白。自三至上體頤。豕頤中有剛丸二犯五則三成坎,坎爲豕。五成巽,

<sup>●「</sup>自」,汲古閣本、通志堂本、四庫本作「有」。

書》臣瓚注改。

也。 之也。 特 剛 下者,知有血氣皆有争心,難以力制, 止,牙不能害物矣。「慶」者,三陽 服。《 苟 率之以柔中,其效至於垂衣拱手而 絶其不善之本而已,猶去豕牙之害而豶 而 利之心乎?」 伏 爲用、陰以陽 而 不知教,雖刑 去之曰「豶」。 二應五 易傳》曰:「民有欲,心見利 豶 順民之欲,因 豕 之牙」也。 得正,故吉。 爲 殺 日 慶、「六五之吉 豶豕則馴 民之利,成民之才, 施 牡 其能勝億 古之善畜 豕 日 擾 豭 剧 リ則動, 受 兆欲 有 天下 躁 攻 畜 天 自 其 慶 務

行,宜元行J。 上九,何天之衢,亨。《象》曰:「何天之

衢」,道大行也 乎? 口,上乾爲天,「天 也 ,上動「亨」也。 極 則 正者,道也,大塗亦道 通,止 極 則 言何其 衢 動。 也。 震 天 爲 「何」大其 也。 衢之亨如 大 (塗, 兑 三陽 上 爲 磬 是

進,「道大行」也。

其所 矣哉 地 日 養 艮 震上下 養也。「自求口實」,觀其 萬 頤「貞吉」、養正則吉 物, 頤, 貞吉。 聖人養賢以及萬民,頤之時大 觀 頤 自 也。 求 自 口 實 養 觀 也。 頤 彖 天

以正 也。 鄭 養 下,艮止於 養,是 也。 之正言頤 也 變明 人,故曰「頤」。 康 其 |則凶,故曰「頤,貞吉」。 成 頤者, 四變頭 臨 非 之所 夷。 養不 曰:「頤 美惡 初變,明在人者養之之道當 養之道 上,口 養也。 離爲目, Ē 養 自 无 者,口 也。 離變艮。 車 所 也。 養之 此合震艮 動 逃矣,故曰「觀 所 觀 小人也。 頤 III 車之名。」 以 養 也。 自臨 止, 艮爲手,求也。 Œ 正 兩 因 一則吉, 歟 自 此 九二變之, 體 輔 内觀外, ? 觀其 以 震 而 嚼 初九 養 動 頤 君 成 物 所 子 於 不 顚 以

物,而 天地之生,其 天地之養萬物也。 乾,天也,坤,地也,震,東方,萬物發生, 養賢以及萬民,亦不過震 矣。養之道甚大,天地之養 求 Ē 人之所養,然後觀吾之自養,則所養正 中四爻,明在己者養之之道當 小人之道也,雖富貴 也,雖貧賤不去也。 陰,陰爲 五上不正。 自 ,其盛至於 一,坤衆爲民,「聖人養賢以及萬民」也。 後止,天地 外 實,觀 觀 求 内,反觀 īE 實」者,頤 虚,虚則无物 其自養也」。 與不正 自養者正歟? 動以 不 盈 勞 乎天 己之自養,以考正 正,陽降陰升,萬物自 7也,動 上九尚賢,在五位之 未定 中 地之間,各極其分 自養者 不處也。 ",故「自求口實」无 - 之物 也。 此以上九 以正 也。 動艮止也。 萬物、聖人 二四正,三 不正 正也。 君子之道 而 故曰「自 四 一敷? 及 爻 與 頤 觀

道也。 皆以本卦言之,何哉? 象? 震動 變卦之法,一卦七變,八卦爲六十四,四 豚。小過、中孚豈有離坎,論其所生也。 故《太玄》準之以 爲大,故云時。」以卦氣言之十一月卦, 云時,以其大者也。 其 五六之變,无復本體矣。 夷之離爲小過之飛鳥,訟之坎爲中孚之 則有離,四變成頤非 之時大矣哉」。 之道不過乎此,頭之時豈不大乎 萬 養,自人之養推之至於天地聖人,然養 曰「天地養萬物,聖人養賢以及萬民, 生、聖人不勞也、止於養賢 民 艮止之象,自己之養推之至於人之 者本於養賢,賢者 티 : 《易傳》曰: 此可以 此以頤之成卦終言頤之 養。 「或云用,或云義,或 意會,難以 萬物之生養,以時 或曰: 離也,何以有觀之 故曰 在 Ŀ, 而 「察性 五 言傳。 萬 初變明夷 而 行盛衰, 己 民 知命 自 明 頤 故

原始見終。

節飲食。 山下有雷,頤。君子以慎言語,

則无 天下 言語 有飲 者,莫過於言語飲食。 震 節飲食以養體。」事之至近而 非養之道。 Ш 角 爲 下有雷, 失。 不慎 食之象, 頤 養於人者皆是,節之則无傷。 則命令。 決躁,艮 在身爲 則招禍,飲食不節 以 《易傳》曰:「慎言語以養德, 養 止 政教出於身者皆是,慎之 萬物,而 之,「慎言 中 飲食,於天下則 无 物,「節飲 在身爲言 動 語」也。 亦 則生疾,皆 不 所 可 係 食」也。 [語,於 貨財。 過 至大 噬 也 嗑

初九,舍爾靈龜,觀我朶頤,凶。《象》曰:

「觀我朶頤」,亦不足貴也。

龜」之象。 自明夷之離四變而 所以靈者,蟄 伏 于坤 則 土之 咽 成 息不 頤 下 故 動,无 頤 初 九 時

> 凶之道 觀我 六四。 目,觀 之意。 辱,亦不足貴也 脩德,淡然无營。 屈 以 於外 徒嚼,志已先動 於欲,故能无禄 Ē, 而朶其 我也。 靈 故 也。 舍爾觀我,忘己從欲,動 能 龜 不 之 神 八頭也。 夫貴乎陽者,爲 待求往,之四 初震 明 類 是舍爾 也 而 動 而富,无爵 今躁妄以求,无 「爾」言初 體 六四安位,无 君子 所 下 頭 以 一成離。 其 而 在 九 爲 ൬ 特立 貴,守道 而 靈 動 下 我」言 不正, 龜者 恥自 口 離 自 雖

六二「征凶」,行失類也。 六二,顛頤,拂經于丘,頤征凶。《象》曰:

經,陽養陰,上 賢以自養。 | 「經」也。 一比於初,不能養其下, 在下而受養,故天子養天下,諸侯養 乾爲首,在 顛頤 養下。 則 拂 陽 違 下 當 其 「顛 而反資 在 經 上養之,陰 頤」也。 矣。 初 養之 九

資上九,正行亦 不足,以陰陽言之,己類又在相應之地。 也。」蓋二近於初 位,二當受養于五。 上九應二,則失其類矣。 曰:「丘,小 一亦不可越五而上征。「丘」者,上九應 一之象也 國, 頤,未爲 土 庶 一。艮爲 人 山也,物之所聚以 无 八各以 凶。 所養。 而相得,資之以養,雖 山,山半爲丘。 其 六五養道不足, 何哉? 五雖 職 若近捨初九,遠 受養。 養人者 五 處 肅 君

六三,拂頤,貞 象》曰:「十年勿用」,道大悖也 凶。十年勿用,无 攸 利。

爲年。 下无所利,養道大悖也。 不應,既不受之於上,又无以資之於下, 正則上九不來,不動以待初九,則初九 六三當受養於上九,而六三不正,動 拂頤」也,故「貞凶」。 「十年勿用」,言十年不可動。 十,坤數之極,坤 而

六 四 虎首 離 頤 欲在於初九,不瀆則初九逐逐而往。 始交,際垂其首」,垂其首者,下視也。 四在上,施之下者,光也。光,坎離下照 不正,宜有咎。然无咎者以不瀆,故「无 爲作足,逐也。古文作槰。 艮坤 互有坎, 四交初也,初往成艮離,艮有伏兑爲虎, 正,正則吉,故曰「顛頤,吉」。「虎視」謂 首在下,「顛」也。 兑艮爲虎」。 [「艮爲虎」,馬融曰 《象》曰:「顛頤」之「吉」,上施光也 爲目「虎視」也。 以上養下,六四當位,下交初九。 顛 下視眈眈然,下交不瀆矣。六四其 虎視眈眈,其欲逐逐,「无咎」,六 或曰: 頭,吉。 重厚 三者孰是? 虎視眈 虞仲翔日 《易通卦驗》「小寒虎 求賢自助於剛柔 而深沉,「眈眈」也。 「兑爲虎」,郭璞以 眈 其 「坤爲虎」,又 初往之四, 欲逐 逐, 爲 无

並傳之,舉兑則三象具矣。 也, 兑下伏艮。 具此三者之象, 故先儒 辛爲虎者,兑也。龍德所衝爲虎,亦兑 始交。兑爲虎者,參伐之次,占家以庚 大雪十一月節後 泰卦 文玄黄,天地之文。 位 乾 而 )坤交 同 也,在天文尾爲虎,艮也。 坤爲 五 艮爲 虎者,坤 日,復卦六二爻,虎 虎者,寅 交乾 位 也 其

六五 曰 : 「居貞」之「吉」,順以從上也。 **,**拂經,居貞,吉。不可涉大川。

拂經,其才不足,故不可涉難。 以正,得衆 正 正之道。 以爲養、「拂經」也。上九助五之養,有 六五柔得尊位,養道不足,資上九之賢 正者,養之經。 居貞之吉,順以從上也」。人君養天下 而「吉」。 五寬以居之,順從於上 以 艮止 用,其健 上養下,陽養陰,正 一也,有「居」之象。 乃可 難。 上、五相 一,則 故 六五 也。 得 日

> 乎? 恃,不得已而濟險難者有之矣,其可常 易成坎,无 易傳》曰 「艱 震足巽股之象, 難 之際 非剛 不可 明之主不可 涉 也

上九,由頤,厲,吉。利涉大川。《象》曰: 由頤厲吉」,大有慶也

翔曰: 事,无成有終,上下並受其福,故「 柔位,厲也。厲則不敢安其位,下從 故曰「由頤」。然非養道之正也。 坎,有震足象,「利涉 不兢畏而 位高,衆忌之,則必危。 不足以養天下,而天下由之以養者也 五 象》不言者,「大有慶」則 以養道 陽處上,下有四陰,六五體柔无 鄭康成曰:「君以得人爲慶。」虞仲 「陽得位 養 懷危懼乎? 天下 一,故 加 大有慶。」上之三成 得民,利於涉 大川 人臣當此任,可 也」。 涉難在其中。 上九佐 應,才 大有 剛 王 居

也。 「亨」。大過之時大矣哉 一 上 下 上 剛過而 艮 大過,大者過也。 大過 頤 中,異而説行 棟橈。 )静止 爲善,故三爻皆「吉」。 利有攸往,亨。 1 棟橈」,本末 利有攸往」乃 《彖》 弱

也 弱,棟豈能勝其任哉 无自而託。 燒」也。 天地之理,剛柔不可以相无,剛 重也。長木在上而任重,本末皆弱,「棟 巽之反,長木反在上,爲棟。巽風,燒萬 爻言大過也。巽爲木,爲長。 物者也。 之地,故曰「大過,大者過也」。 曰:「陽爻過也。」卦四陽二陰,陽居用: 大過,陽過陰,大者 弱 柔爲用,柔以剛爲體,柔既不足,剛 也。 大過自遯 而體弱,陽爲重,四陽在中,任 此以巽兑 譬之棟也,中雖剛强 六二變。 兩體言大過之時 過 故曰「棟橈,本 越 剛過」者九三、 也。 上 兑 者, 而端 此以六 鄭 康 柔 亦 事 成

> 應之,未有不爲 也。 季,清議大勝,君子小人至不相 亦何由亨? 餘以濟柔之不足,則剛來柔往,陰得位 乎外」也。内巽外説而志行, 巽在内者,「巽乎内」也。 不窮,大者不過「乃亨」。 也。 則无二 其偏 眩之藥。自其治微疾之道觀之,則 九 「時中」也。 過」,自藥病相對言之,則謂之「中」。 極而不知反,是以不亨。 四 猶之治疾,疾勢 君子强,小人弱,六二不往以濟之, 而不起之處,非剛過 剛過」之患。「剛 夫剛 過非過於理 九二、九五。 君子害者也。 過 而不反,不肖之心 沉痼,必攻之 。「乃」者,難辭 **兑在外者**,「説 過而 也,以過 不 興衰救 故曰「剛 可 抑剛之有 中」,所 東 也。 容,大過 漢之 消消之 以 「中」 爲 矑 中 謂

<sup>) 「</sup>三」、原作「二」、據汲古閣本、通志堂本、四庫本

巽 故《太玄》準之以失劇。 日 功立大事,非大過人者不 子過越常分以 而 體 中一, 大過之時大矣哉」。 加 説 而 行, 言 巽 濟大過之道 而 説 是 濟弱,能達乎時中矣。 行 而 「乃亨」。 往,利於有爲。 也。 在卦氣爲小雪, 能趨此時,「故 大過之時, 此 以 桂 建大 變 又 合

懼,遯世无悶。《象》曰: 澤滅木,大過。君子以獨立不

初 世 不 爲股,立也。巽見震 澤,養木者也。過 爲説,「 顧者乎? 上六處一 立」而「不懼」也。 初六以一柔巽於四剛之下而 示 能 ,藉用白茅,无咎。 也。 知 无 丽 王輔 悶」也。 不悔者乎? 嗣 曰: 所謂以天下非之而 「遯世无悶」,所 而滅没其木,大過 卦之外, 遯 「非凡所及也 伏,震爲恐懼,「 《象》曰:「藉 二者,非大過 不 也。 用白 謂 兑 人 駆 不

茅」,柔在下也。

无 斯術以往,其无所失矣」。 誰咎之? 雖不當位,无咎也。 初六執柔處下,不犯乎剛,於此而 過君子將有 用重,過慎 可也,而藉用潔白之茅。茅之爲物 耳器之象。 剛,「藉」也。 巽爲白,爲草。 白茅」也。先儒謂「秋茅」也。 咎者,其 也。 唯 坤爲地。 事焉,以任至大之事。 大過爻畫,有足、有腹、有 過 過慎者,慎之至 於慎乎? 過非正 交乎乾 置器者,苟措諸 剛 故曰「慎 以柔 也。 過,其 而 過 剛 藉 而 大 地 而

九二,枯楊生稊,老夫得其女妻,无 象》曰:「老夫女妻」,過以相與也。 其穉秀出。 兑爲澤,巽爲 成良,巽木 枯楊」也,言陽 在 「稊」,穉也,楊之秀也,伏震 土下,根也。 木,澤木「楊」也。 已過也。 二變而 枯楊有 兑正秋 與初二 限,則 不 利

極之失矣。極之失矣。極之失矣。獨陰,女妻也,「老夫得女妻」。過事。初陰,女妻也,「老夫得女妻」。過事。初陰,女妻也,「老夫得女妻」。過一一,以為,故曰「枯楊生稊」。《鄭氏易》作之象,故曰「枯楊生稊」。《鄭氏易》作

不可以有輔也。 九三,棟橈,凶。《象》曰:「棟橈」之「凶」,

已,凶之道也。所以致凶者,以不可以 又不正,不正則上六不應,人所不與,安 輔助也。 陽不過,陰不窮矣。則上六者,九三之 九三有上六正應,當相濟。 能當大過之任? 而不中,過乎剛者也。以過甚之剛,動 過陽過陰弱,爻以陽濟陰,爲濟過之道。 九三巽爲長木,居中任重,「棟」也。 ·其輔也。《易傳》曰:「三居過而用 九三以大過之陽,復以剛自居 如是,有摧折敗橈 六濟九,則 剛 大 而

志乎?」者,謂志相從也。三方過剛,上能係其異既終而且變,豈復有用柔之義? 應

之「吉」,不橈乎下也。 九四,棟隆,吉。 有它吝。 《象》曰: 「棟隆」

也。 以柔相濟之義也。 初則爲吝,何也? 曰二得中而比於初, 能絕去偏係,不足以任九五之重,吝道 六爲「它」。 剛濟柔爲得宜。 之吉,不橈乎下也。」《易傳》曰:「隆謂 係於初,不曲以從下也。」大過之時,以 陽處陰而不過,能用柔以相濟者也。 九四反巽在上,巽爲長木,「棟」之象。 「有佗」也。 而正,正則不橈乎在下之柔,故曰「棟隆 《易傳》曰:「二比初則无不利,四應 剛柔得宜而係於陰,則害剛矣。 九四近君,當大過之任,不 初六、九四非正應,故以 剛柔得宜 四與初,志相係者 而志復,應 初 動 初

可吝也。」

乾爲

(首,上六在首之上,「頂」也。

本遯之六二,自二進

而上

行,涉四爻至

婦士夫」,亦可醜也。 五,枯楊生華,老婦 《象》曰:「枯楊 生 得其 |華」,何可久也。 「老 士夫。 无咎,无

九二、九四剛

陽過

越以以

濟難,乃克有濟。

上六柔而處大過之極,不量

其力,至於

上成兑。兑澤滅没其頂,涉難之過也。

乎? 夫」也。九變六,陰居陽,宜有咎,以 巽爲長而伏,「何可久」也。 巽爲婦,上 兑爲澤,巽爲木。 成功也。 爲蕃鮮。 變,而與上兑成震。兑,説也。 極之陰,雖五當位,剛 窮陰,又不能 「无譽」。 濟陰,故「无咎」。 兑爲 六陰已窮,「老婦」也。 雖曰「无咎无譽」,然以陽而 其勇、蕃鮮可説,「生華」也。 陽濟陰,其在 濟,得無醜乎? 澤木「楊」也。五兑 中濟之以柔,不能 口,震成兑毁,故 震爲長男,得「士 於未極之時 蓋上六過 震爲勇, 西己 陽

咎也。

過涉之凶,所

謂

以「貞勝」也。

可咎也。

滅頂」。

然上六正也,志

在

拯

溺,不可

《象》有言「不可咎」者,義不

言「又誰咎者」,自取禍也。

《彖》曰: 險山 之時用大矣哉! 險而不失其信。「維心,亨」乃以 行有尚」,往有功也。天險不可 坎坎 上下 川丘 習坎,有孚 陵也。 習坎,重險也。 王公設險以守其國。 維 心,亨。 水流 而 行 升也 剛 不 盈,行 有 中 一,地 也, 尚。

陰也。 坎一陽二陰,在 了,其静陰也。 陷,爲險難。 流動乎陰 地 八卦皆一字,重坎 水。 中者,陽 水之流 陷 動 乎 陽

涉」之「凶」,不可「咎」也

過

滅

頂

凶

无咎。

^

象》

日 8

過

似之。 也。 乃以剛中 流行,雖 坎之德也。 己」之謂乎? 者,中也。 五 此 不盈,行險而不失其信」。此以卦變言 見其然。君子動 險而不出 阻之然後盈,流而就下則不盈。「不盈」 加 「亨」者,自初之五,陽得位 不出乎中,「不盈」也。凡水之流, 五 一,坎爲水。九二兑澤,決而流 以兩坎言坎也。 者,「往」也。 水必就下流濕 故辭曰 難,其 處至險,无 然 而不變也。 乎中,五 初之五復爲坎,行險也。 後 「心」者,中也,二、五 心則亨,亦以剛中也。 盡 必曰「習坎」者,唯習坎乃 「有孚」、《彖》曰「水流 險之象, 而 剛得中而亨者,「往有 必應二,「不失其信」 萬折 所不通者,「亨」也。 不過, 臨難 坎自臨 君子之在險亦然。 而必東,「有諸 故 而亨。 變, 日 「習 而不苟 初 水之 有物 流 九 坎 也。 mi 而 之

也。 險不唯城郭溝池,兵甲之利,綱紀法度, 坎據之,「王公設險,以守其國」也。 乾爲王,三爲三公,四爲諸侯。 川,半山 險者,震足止於下,不可升也。 可動。 也。 險, 地險也。地之所以險者,艮爲山,坎爲 反復以盡習坎之義也。 曰「天險不可升也,地險山川丘陵也」。 王公乎? 坎在上,天險也。天之所 惡乎險矣。天地之大,不可以去險,況 尚,往有功也」。 功 王公設險,以守其國」,此 (所不能踰者皆是,所以法天地也。 也」。 亦豈離 「險」者,坎之用也,能用乎險則 誠實則 故曰「維心亨,乃以剛中也,行 坎之道有 爲丘陵也。 乎剛中哉? 金石可貫,水火可蹈,天 此以卦 尚乎此, 坤在上,國也。 難生者,險之時 「剛中」者 變明處 推明二、五, 君子 坎在下, 坤國 濟 險之道 誠 難 地 无 設 而 五 出 有 實

氣爲大雪,故《太玄》準之以勤。 夫子嘆曰:「險之時用,大矣哉!」在卦反陷乎險中,小則亡身,大則亡國。故也。不知其時,不得其用,行之不以中,也。用之以道,濟天下之難者,險之用

留女耳。《象》曰: 水洊至,習坎。君子以常德行,

人坎」,失道凶也。初六,習坎,入于坎窞,凶。《象》曰:「習坎

坎。「習」,重也,故曰「習坎」。「窞」,初六本臨之六五,自外入于初,歷兩

乎? 坎 險,反人于重坎之底,失道 以正道,乃可出險。 何異學泅者,不知與汨 底 也。 道由 Œ 而 行也,君子 初六不正,不能 俱出 而凶也。 而 處 溺死者 此 出 當

得」,未出中也。 《象》曰:「求小九二,坎有險,求小得。《象》曰:「求小

《易傳》曰:「君子處艱難而能自保者,惟 得」。然未出乎險中,其剛纔足以 剛中而已。」 艮爲手,「求」之象。 又有險者也。 二剛中而 陷 於二陰,上 動 而有求,五必應之。 陰 有坎 爲小,故「小有 險,居坎 自濟。 五 而

用。《象》曰:「來之坎坎」,終无功也。六三,來之坎坎,險且枕。 入于坎窞,勿

木,枝倚而礙之,「險且枕」也。陸希聲也。往之於上,則坎險之極。五有艮六三柔而不中,履非其位,不善處險者

三,下之終也。往亦坎也,終无濟險之功,故終「勿用」。在上坎之底,「入于坎窞」也。來坎也,在上坎之底,「入于坎窞」也。來坎也,曰:「枕,閡礙險害之貌。」來而處三,則

六四 之象。 之也。 者,交相信。四、五相易,而後四應初, 傍,通日月之光,「牖」也,明之象。 「約」 腹,土器有腹 上下剛柔相際之時也。 象,而簋象亦具焉,「簋貳」也。 艮鼻、震足、坤腹。 四自初至五,有震坎艮坤。 五 《象》曰:「樽酒簋貳」,剛柔際也 四柔而 應一,「納約」也。 足,而樽異者,有酒也。 了,樽酒 **簋** 樽酒 坤爲闔户,坎艮爲穴。穴其户 正,九五剛中而正,四、五无 武,用 m 「缶」也。缶,樸素之物,質 簋 副之,燕饗之禮,君 缶。 樽簋之形,皆有首鼻 約,誠信固結之象。 納約 三四坤爲土、爲 坎震,酒也 自牖, 有「樽酒」, 「旗」,

「旗」,

「 終无 臣

> 也。 者,左師 傳》曰:「自古能諫其君者,未有不因其 所明者也。 故「終无咎」。「終」謂上六不動也。 四、五相易,宜有咎,而易則五出險矣 信,則言辭易 用質以交於上,因 下協力, 應,四非 加 謂成德達才,是也。」 温厚明辯者,其説易行。 非惟告其君 五 觸龍之於趙,張子房之於漢是 미 莫之比,五非 以 故訐直强勁者,率多所忤, 濟 人,險 險, 如此,教人 五之所 故 難 四 易 當 四亦莫之承,上 濟 剛 明 古人有行之 、亦然。 終无咎也 柔 以 相 納 際也 其 孟子 誠

「坎不盈」,中未大也。九五,坎不盈,祗既平,无咎。《象》曰:

是水不盈坎,適至於平而止也。出險之四,所係者狹,四、五相易,中存而大毀,雖不盈也,有出險之理。然九五下比六雖不盈也,有出險之理。然九五下比六

咎」而已。 道 惜歟?」 可 「不能勉成其功,光大其志,此所以爲 一,在剛 以出險,故聖人惜之曰「祗既 中 「祗」,適足之辭。 Ė, 剛 正 則 大, 中 而 横渠曰: 未 平,无 大

上六,係用徽 象》曰:「上六」失道,「凶三歲」也。 纆」也。 出矣。 係之真之,不得出 之中,坐而省過,雖 動 險之才,處 蹈叢棘,陷之愈深,雖三歲,豈得出 木數三、乾爲歲、「 而動,則愈陷 動成巽,巽爲繩,坤坎爲黑,變巽,「 而 不能,上六不可動 妄動求出,則舉手掛徽纆,● 巽木交坎爲叢棘。 纆, 寘于 險 極 矣。 之時,守正 凶三歲」也。 也。 叢棘,三歲不 上罪也, 譬如有 然險極 而妄動,皆失道 上六柔无 不過三 可也。 人 陷 必平 於狴 初 得 歲 六 投 哉 不當 凶 足 得 耳

乎土。 曰: 乎中正,故「亨」,是以「畜牝牛吉」也。 六之五 麗二 晦必 柔必 離 日降 麗乎天」。 自六之三言之,有震巽,震爲 離自遯初六,三變而 百穀,巽爲草木。乾策三十六,坤 也 月降 上下 四、震三爻凡八十有四、「百穀」舉成 離, 重明以麗乎正 麗乎 麗乎 成无 陽。 而 離 麗 月升也。 坤爲土。 成 而日升也。乾爲天,故曰「日月 利 剛,弱必麗乎强,小必 明,故曰「離,麗」。 也,日月麗 離。 妄,再變六之四成家 物之情,未有 貞,亨。 自六之四言之,離有坎, 自六之五言之, 坎復成 故 ,乃化成天下。 成。 日一百 畜 乎天,百穀草 牝 不 二五皆一陰 相附麗 牛,吉。 1 穀草 遯, 麗 人,三變 木 乎大, 者也 木麗 策二

也。

麗乎正 也。 《彖》曰「重明以麗乎正、乃化成天下」, 也。 能亨乎? 不利遠者不麗乎中正,則邪佞之道,其 此舉成卦言離明之所麗 之化天下,成文明之俗矣。 順服從之象,「化成」也,故辭曰「利貞」。 正,麗乎正也。 卦 變以 萬 乎中正,則二五舉矣。中正者,人之 一、五言離柔之所 也。 麗 物之情有不 君臣上下皆有明德之象,重明而 六居二,柔麗乎中正而亨也。 觀 《彖》曰「柔麗 明離 乎正,化成天下 ,則以察爲明,重明而 天 天下之心,必麗乎中正,則 六居五,「柔麗乎中」而「亨」 地 爲麗之義 日 三爻在乾天之下,有巽 月百穀 相附麗者乎 麗 乎 也。 - 也必 中正,故亨」,此 草 也 也。柔之爲道, 木 兩離。「重 兩者, 附 麗乎正,以 ? 初、二、三 麗 此 如 言柔 推 此, 重 不 原

> 也,此 氣 爲牝 才也 日 亦柔之利也,故辭 畜養之,成其至順 爲四月,故《太玄》準之以應。 柔麗乎中正 牛, 0 以内卦終言柔之所 坤爲 至順 牛, 也。 順 故亨,是以 曰「畜牝牛吉」。 「畜」,養也。 而麗於中正則吉,是 也。 六二以 麗 畜牝 也。 陰 居 牛吉 《彖》 剛 正

四方。《象》曰:明兩作,離。大人以繼明照

于

震,離有伏坎,震東兑西,坎離南北,「照 四方」也。 象,堯、舜、禹、 作、起也。」明 明兩作」者,麗 明相繼 文、武之盛也。 乎 明 而起,大人 也。 鄭 康 兑有伏 重光之 成 日

之「敬」,以辟咎也。初九,履錯然,敬之无咎。《象》曰:「履錯」

踐初,「履」也。初欲麗四,交巽。巽爲遯艮爲指,指在下體之下,爲趾。 五來

蹇於三公之貴,以辟咎乎? 榮辱安危, 安其分,義守正 失正則有咎,故敬之不 无咎」。 退, 故其 管寧 繋於所麗。 履錯 逡巡 而 然 於萬乘之招,王丹偃 已, 故无 ·敢動, 君子處 進 退 所麗 以 動 離 辟 則 一是以 之始, 有咎。 失 正

得中道也。六二,黄離,元吉。《象》曰:「黄離元吉」,

之長 坤柔在 也。 是以「元吉」。 古今而无弊者也。 而不遷。 黄」者,地之中。 人,日月維斗之不息,聖人之道, 夫中者,天地 下, 麗乎中 乘剛 而 不懼, 抱明德而獨 萬物 萬 面 六二得之,故能守正 物 與 之所共 必 五 合 有 所 由,天 麗, 中 六二 地 渞 亘

也?嗟,凶。《象》曰:「日昃之離」,何可久述,口,日昃之離,不鼓缶而歌,則大耋之

故君子 斯須 大老。 常也。 歌」。 日耋。 當繼之際,「大耋」也。 日「耋」。 則大耋近死,戚嗟憂之,不安於死,則 成文、歌也。 有 「凶」矣。 可羨,死之可惡,吉凶泯矣。 離 鼓缶」也。 長 此, 終, ,故曰「日昃之離」。 爲 人 日 生必 缶者,常用之器,歌之者,樂其得 知窮必有變乃理之常。 于地 頹 離三爻,乾坤之策九十有六, 九三離 在 然 失應而憂嗟 九三不變,乾首,巽白,處明 陽爲大,「大耋」也。 有死。 下, 何可久」也。 ,雖欲附麗,何可 兑變震 委 昧者不知變,不鼓缶而歌 順,不以 腹 昃 變坤爲缶,艮手擊之, 也。 而體離,口舌動有聲 |夜寒暑之變, 也。 九三 死生累其心。 八十日耄,九 盛必 夫日昃之光, 明 故「鼓缶 有 久也? 孰知 大耋猶言 衰, 生之 達 始 故 +

九 四 , 突 「突如 如 其 其 來 來如」,无所容也 如 焚 如 死 如 棄 如

《易傳》曰:「禍極矣,凶不足言也。」 九四重 言不容於内外者如此。故曰「突如其來 之喪,不居兆域,不序昭穆,焚而 如,无所容也」。先儒謂古有焚刑 往,其能來乎? 言逆德也。巽木得火, 古文作「倒子」,不順之子也。凌突而 三,兑毁之,其下反目 焚如」也。火王木死,「死如」也。 而求繼者也。四之五成乾巽,乾爲 爲子。子凌父,「突」也。「突」字 一剛而 不中正,又處不當位,不善 而視,「棄如」也。 棄之。 二刑人 退復

《象》曰:「王用出征」,以正邦也

上九,王用出征,有嘉折首,獲

匪其

「六五」之「吉」、離王公也。六五、出涕沱若、戚嗟若、吉。《象》曰:

爲憂戚也。兑口,「嗟若」也。六五柔居出曰涕。」巽爲長,「沱若」也。五失位,離目兑澤,「出涕」也。鄭康成曰:「自目

九四哉! 利也。據正而用利,以順討逆,何憂乎五相易,上麗王位,正也,下麗三公,用五相易,上麗王位,正也,下麗三公,用。四、近。九四突五,「離王公」則「吉」。四、尊位,九四凌突,故出涕戚嗟,然有吉之

以正 五 乎? 王用出征,非樂殺人也,正其不附 陰之類,「獲匪 者,所以「正邦」也。 陰又爲醜。上六下應九三,陽也。陽非 治。」「折首」者,殲渠魁也。 美,九五美之至嘉也。 嘉其折首。 而明,故王用之。兑毁折,乾爲首,陽爲 上九麗極,有不麗者焉。上、五相易, 相易而正,獨九四不正。四諸侯位, 行,王用之以「出征」也。 《書》曰:「殲厥渠魁,脅從罔 其 醜」也。 離上三爻不正,上、 言用之有功, 醜,脅從者 「醜」,類也。 上有剛

周易上經噬嗑傳第三曰:「獲匪其醜,大有功也。」疑今本脱之。

## 周易下經咸傳第四

也。 咸,感也。 和平。 而説,男下女,是以「亨,利貞。 兑 艮 上 下 天地, 咸,亨,利貞。 感 觀其所感,而天地萬物之情可見 柔上 而 萬物化生,聖人感人心 而 剛下,二氣感 取女吉。 應 《彖》曰: 取女吉」 以 相與, 而 天

也 與,此以三、上交感,六爻相應,言咸 日 上,上九之剛下,天地之氣 自否變。 相與,則「亨」矣。 咸一, 「咸、感 亨也。關子明 剛下 感也。不曰感者,交相感也。 柔而 乾 也。柔上而 天也, 爲艮之九三,正也。 謂 故 坤 「咸者 解 剛 地 日「咸 下。 也。 天地之交」是 感 感應 亨」、《彖 應 六三之柔 而 以 上下 所 相

利貞。 之一也。 説。 説 説,不過於正而已。故揔言曰「是以亨, 相説 申言感之道也。 道造端於夫婦矣,吉孰大焉。 女應 之道,當以正 感之道利 剛 二氣交感,雨澤時行,動者植者,自化自 正,「止而説」者也。 而説 取女吉」、《彖》曰「男下女」。此以 也 而 也 兑爲澤,巽者萬 而往,匪媒不得,待禮 爲 此以上六、九三合艮兑二體言 取女吉也」。「男下女」者,相感 朋友非 上下相感以 兑之上六,亦 「聖人感人心而天下和平」者 於 故辭 无所不感者,其唯天 正,不正則淪胥以 也。艮少男感 曰「利正」、《彖》曰「止 義,君臣不以道合,非 夫二氣相感,人道 īE 物潔齊之時, 取 正 則止 女如是,君子之 也。 而 加 艮止 行,其 而 説矣。 敗。 來,兑 、地乎? 故 也 有化 辭 男女 感 相 小 而

也

三八

平。 感,而天地萬物之情可見矣」。 張載曰: 人也。 也。 在 同 萬物至衆,感則 无心之謂乎? 无 三兩爻合互體推之,以盡咸感之道 體 下 所 卦氣爲四月,《太玄》準之以迎。 不曰 感乎人心也。 ,未有感而不動者也,故曰 六三中位 不 乾變兑則剛者説,天爲澤則高 感,亦若 「有意 以心感人 於中,滯於方隅而隘。」其 且天地至大,感則相 化 天 人心也。 生。 地 三之上,人心感乎 者,感人以 也 天地 上九之三,聖 否 Ŀ 氣,萬 此以上、 「觀其所 无心也。 九, 也。 與, 物 聖

象》曰: 澤在 子以 盡 是 下 山 能 一體内 屈 而 山上 用 己 達之山 大才,能任 虚 虚,澤 一有澤,咸。 其中,以受人之益,故能 上,以興雲雨利萬 氣上通,交感也。 大事 君子以虚受人。 物 君

初

咸其拇。

《象》曰:「咸其拇」,志在外

宜矣。」 先動; 大指 深輕重之異,識 外,謂四也。」咸之初,所感未深,而 之動,則 艮 爲 也。 指在 動 則四 知「志在外」矣。 初 下體,之下 感 不應。 而 其時勢,則所處不失其 動,不 《易傳》曰: 而 能 虞翻 動 自止, 爲 日 「感有淺 觀 志 志在 其 Ē 拇

居吉」,順不害也。 六二,咸其腓,凶。居吉。《象》曰:雖「凶,

九三,咸其股,執其隨,往吝。 腓也。 意。 之道 故 不能守道自止,動 腓」,膊膓也。 戒以 也。 坤,順也。 不害」也。 先動 腓行 若居 求君 則 位不 先動,躁之象。 巽爲股,二在下體之中, 《易傳》曰: 二動失位 則凶 而 動, 遽 ,居貞自守則吉。 超之。 順 爲疾,有害之 理 「質柔上應, 以待 躁 二感五, 動, X

下也。「咸其股」,亦不處也。志在「隨」人,所執

謂 宜。 在下, 異爲股,「股」, 爲手,有執意。 剛,爲内卦之主,當位宜處。 處也」,豈能往哉? 則腓動,三在上,反隨二不能自止,所 而 也。 處也」。 動,亦若二陰爻然,故曰「咸其 志在二」是已,故 「執其隨」者也、非爲上之道。 隨二則感上 下比於二,二「腓」也。 脞 「隨人」,謂二也。 也,感上 而往,亦吝。 日 是以進退皆失其 「志在隨人,所 而 動。 説於上 三陽 (股,亦 雖「不 虞 股 執 翻 艮 動 執 才

來」,未光大也。《象》曰:「貞吉悔亡」,未感害也。「憧憧往九四,貞吉,悔亡。 憧憧往來,朋從爾思。

有悔也。動則貞而吉,其悔亡。雖勉而九四,感不以正則不誠,不誠則害於感,

己。 也。 思之 不能定 寒暑雨暘,然无不 光大之象。 則誠,誠 四 至,未 是以九四 初,方來 故 朋 動 居中,在三之上。心,思之所在。 日 從爾思」,所感亦狹矣,能无悔乎? 貞者,虚中无我之謂 而 「貞吉悔亡未感 《易傳》曰:「聖人感天下之心,如 所至則從,思之所不至則不從。 爲 也。 正,初九不應,去其偏係之私心 感 則 而 「憧憧 害 虚 説, 四陰,初六亦陰,故曰「朋」。 故 也 m 勞思,慮於往來之際,而 初艮從於四,欲往 日 无 通,无不應者,亦貞 何 「憧憧往 所 以 不感。 害也」。 知 也 勉, 來,未光 動 動 四 成坎離 而 兑感於 加 貞 也 大 而 夫

志末也。 九五,咸其脢,无悔。《象》曰:「咸其脢」,

康成曰:「背,脊肉也。」虞翻、陸震、劉牧九五有伏艮,下感六二,艮爲背脢。鄭

者,九 則 其脢,无悔」。 象盡意,又繫之辭以明之也。 志,虚中无我,萬物自歸乎? 无所係也。 爲末,有所 也。」故曰「咸 同 六爻皆以有應,不盡卦義。」 心,以中正 得人君感 易 五比於上六 傳 志 **>** 天下之正 盡感之義者,其 相 其 日 則私 然於感之義,猶有未盡 8 感,感非其 脢 也。 矣。 與 心 九 加 雖志 卦以 相 五 无 所 得 背 悔 於末,未 見,而 初爲本, 尊 唯 故 m 故聖人立 張 位 去其所 不 載 日 説 背 見 日 爲 上 咸 者 其 者

舌」,滕口 上六,咸其輔頰舌。 也。 乾爲首, 兑外爲口, 内爲舌。 悦 也。 見 輔,上領也。 説 於外, 上六兑感艮,口 也。 面 頰 《象》曰:「 九三乾艮 也 動 兑 而 口 上止者 感兑,在 艮止也,兑 動 咸 其 而 内 輔 見 首 頰

之情

可見矣。

,舌也。

上、三相感,不離

於

輔

頰

舌

利貞」, 已也。 與,異 《彖》曰: 於其道而天下化成。 天 而 王昭 語 者 震 巽上下 之象。 之間 能 而 加 「利有攸往」,終則有始也。 已。 久於其道也。 素作騰。 久照,四 恒,亨,无咎。 動, 恒,久也。 至 兑爲説 不 剛 一於舌 能 柔皆 時變化而 騰 以 弊 故故 傳 至 應,恒。 觀其 剛 圃 誠 天地之道,恒久而 曰「騰口説也」。 也。 利 E 不 感 能久 已者 、所恒,而天地 而柔下, 貞, 物,徒發見 上、三相 恒「亨, 无咎 利有 也 成,聖人 雷風 日月得 攸 應,騰 「滕」, 八於言 往 相

此。 咸以 則 下,上下尊卑 上女下,夫婦 情深,居室之道 上居四,六 「恒」,常 男下女,男女交感之情也。 久也。 居室之道 四之柔下 得 長則分嚴,故 其序,常久之道也。 桂 也。 · 居 自 初,剛 泰 交感之情 上 初 取 恒, ൬ 九 柔 如 男

巽也。 恒也。 以 以 相 再 非 不能以 者相薄,相與於无形而交相益 義,柔不得禮,亦豈能 可也。三者之才具,則上下皆應,斯足 與。」此以震巽 故 久之道,闕一則息矣。 盡 巽 以 六爻相應言恒也。且以夫婦之道 與,不可也。 E 則情何 尊者上,卑者下,分嚴矣。不能 `外應,而家道 「剛上 恒之道,故又曰「剛柔皆應」。此 而 道 震爲雷,巽爲 巽 長久,而況 震,動 動 也。 言恒也。 不可也。 加 由 故曰「恒」。初九之四,六 柔 也。 通? 兩體相應 相與矣不能異 下。 成。 於人乎? 長久之道, 飄 夫剛上柔下 故曰「巽而動」。 此 能 風 此 風 久? 相 推之以治國治天 、驟雨,天地爲之 雷 以 而言恒也。 故 與矣,剛 初 巽 動風 曰「雷 者 而 而 ·而不能 也。 九 行 或 風 巽, 四四 相 言 犯 相 觀 再

也。 已矣。 九也 四之 與,不失其正。 日月之行, 終於艮。 以初 也。 坎爲月,坎 而 變,所以能循環不息,終始不窮,亘古今 震兑巽坎離艮之象。 恒一變井,再變蠱,復歸於恒。 則通,通則久」,恒非一定而不變也。 天坤地,天地之道常久而不已者,正 相 時變易,其 常久也。 與 天地之道,常久而不已也」。 初,宜 何以 變四言恒之才也。 初九以 故曰「恒、亨」、「利貞、久於其 而 既終則復始於震,而 有咎, 知天地之道能 動,其 離 四時之運則知之。 故曰「利有攸往,終則有始 恒不動,故曰「利有攸往」。 相易, 江里 冬行北,夏行南 動 亨 而 則 不 互藏其宅。 天地之道始於震, 動,是以「亨」。 窮 无 「易窮則變,變 咎。 也。 久哉? 亨者 貞者,泰 離 三卦 剛柔 恒 體 此 剛 日, 相 有 不 道 再 而 初 柔

四二

成。 之明,四 月,故《太玄》準之以常永。 之變,以 物之情 化乃成。 於姤,陽生於復,剛柔正也。 終於大寒,終則 故能久照。 ,夕入於兑。 聖人以恒致亨,始之以貞,如 可見矣。 推廣常久之道 [時之有經,故天下相説 天地非恒不成,觀諸天 春震秋兑,夏離冬坎,陰生 得天之道,終則有始 有始也,故變化 此以 九 也 四四 一爻極 在卦氣爲七 始於立春, 而 地 而 選,其 能久 其 則 日月 全 萬

初六,浚恒,貞 恒」之「凶」,始求深也 象》曰: 坤爲 方 子以是處天下之至動而「立不易方」。 恒 雷風相薄,極天下之動也,而其正不動 也。 者,理之所不可易者也。 方。 恒,自震三變,九三立而不易,君 雷風,恒。君子以立不易方。 動而不易其方,其不動者乎? 凶,无攸 利。 《象》曰:「浚 巽股爲立,

> 利 爲股 始與 象。 **浚恒之凶,在始求太深,人未必應,情** 而正,四亦不應,雖 初六不正,是以 之宜,故孟子三見齊王 不堪,无所往 相 初 處非其位,不能下。 本 求之象。 (`)股人于澤下,人之深者也,浚之 故曰「浚恒」。 泰之六四 四交,求之太 夫人道交際,貴乎知時 初入卦底在兑澤之下。 而 成 可也。 求之不可深。 巽,九出六 深,非可久之道,故 四震體躁 正亦凶,況不正 初不正,不量而 故曰「貞凶,无攸 而不言。 動, 侕 或日 適淺 有 九陽 乎 陰 E ? \* 深 剛 陽

也。 九二,悔亡。《象》曰:「九二悔亡」,能久中

以 恒 動 人之道 Œ 而 守中、「能久中也」。 无 悔, 也。 久處而不厭者,其惟 九二 動 而 正,其 能久中, 「悔亡」 中 則能 乎?

恒。

曰:「不恒其德」,无所容也。九三,不恒其德,或承之羞。貞吝。《象》

恒哉? 醫。」況九三之處高位乎? 及此。夫子曰:「人而無恒,不可以 躁,動而不正,可處而不處,失恒也。故 或,疑辭,亦巽也。 三於是始有 目,三復成巽,兑爲口,目動言巽,羞之 進退何所容乎? 不得已而 正 九三得其所處,宜堅正守恒,而巽究爲 日「不恒其德」。將進 ,將退而乘二,則二得中。 三動而復,二在下承之,未嘗動也, 故曰「无所容也」。三動成 羞矣。 九三可貞 故曰「或承之羞」。 而犯上,則上爲 復,豈真 而吝,是以 雖躁動矣, 作巫 能

九四本泰之初九、初往之四、二成巽、巽

業哉 無患 安得 禽爲 也。 理。 則初 爲 雞。 此不知義之所當得,而失其 不 五 禽 冒榮招辱,貪得致亡,曷若守恒之 1哉? 有 學者亦然,學無常位,亦何所託 至,與初 二在地上,田也。二應五 矣。 久處 九四 相 非 易則巽伏 處 其 非 位,自无 其位,待之於 而不見, 得禽之 所欲者 則 四 巽

義,從婦「凶」也。 曰:「婦人貞吉」,從一而終也。「夫子」制六五,恒其德,貞。 婦人吉,夫子凶。《象》

吉, 吉孰甚焉,「從一而終也」。 坤於乾爲婦。 恒其德則正,以 坤順也,六五順九二之剛,坤德之常也。 嫁之文。六五一爻,於巽爲夫,於乾爲 也。陽始之,陰終之。 正故吉也。 恒 順 陽奇,一也。 其德貞」,在婦人則 爲正者,婦人之德。 六五從九二,終 故曰婦无 陰偶,二 再

利

位 尤不 傳》曰:「五君位也,而不以君言者,蓋 從子,適宜而已。 父令君命,有所不從, 正, 五之義,在夫子猶凶,況人君乎? 從婦則凶之道,故曰 而 可 又有兑 應剛,則未爲失矣。」 制義」者也。 '以柔 金刻 順爲恒故也。 制之象,去其不正 婦 一從 人嫁則從 2婦凶 他卦六居君 也」。 夫, 夫 君道 而 《易 如 從

无功也。 上六,振恒,凶。《象》曰:「振恒」在上,大

得 爲毀 而 德,故振奮妄動,如風 下不應,誰與之成功? 上六處震 臣 求有功。上六、九三正應也,妄動則 、諸葛是已。● 折,「大无功也」。 動之極,以 動爲 振 大无 上、三相易,兑 林 恒 木, 功則凶,成 不 不安乎上 能 久 其

> 所 貞」,浸而 必於遯哉? 剛 忘天下。 之上九,君子居之。遯陰 盛,剥陰將窮,故否之九四 陰方長,君子何爲遯 至否,五陰 位於内,君子之道漸 遯,坤再交乾 二,則與之應 小人不能害其身,退 自内而之外,故曰「遯」。 遯亨,遯而亨也」。 以三宿而 ,可不遯乎? 然君子之遯,未嘗 遯,晝夜寒暑之道 陰浸長 長 極 後出 也。 孔 而至剥,君子猶居其間, 而 也 子所 不 遯之 晝。 而 一解矣。 陽 一哉? 或日 鄭康 未盛,五剛 而其道伸矣。 消,是以 以遅 長 時 也 則 義大矣哉 遯 與 遅 陰 方長,進 九五 成 티 ; 二陰浸長,得 去 消,柔 時偕行, 以全其剛 日 四 三陰進 魯,孟 正 上九、 陽遯去。 當 否陰 位 故 壯 豈 Ħ 剥 用 而 則

也。 聘,始 之以逃唐。 大矣哉」。在卦 豈能盡遯之時義哉? 君,不離乎羣。 事,其患未害,我志猶行。《易傳 六二得乎中正也。● 大貞,利小貞而已。 於否,不利君子貞,固有間矣。 也。」蓋遯非疾世避俗,長往 不救哉? 苟可 「聖賢之於天下,雖道之廢,豈忍坐 五 剛當 相 去留遅 應伸遯亨之義 仕 位 他 而 應,與 國」,亦 速,唯 消息盈虚,循天而行者, 氣六月也,故《太玄》準 致力焉,孔孟之所 時 時 也。 遯 行 先儒謂居小官幹小 陰爲小,剛當 而已。 丽 也 故曰「遯之時義 二陰浸長,方之 後 亨 而不反之謂 此再 非 也。 然不 不忘乎 一視而 屑 位 故 日 爲 可 而 日

不惡而嚴。 《象》曰: 天下有山,遯。君子以遠小人,

山以下陵上,天遯而去之,不可干也。

之怨,亦莫敢侮,而君子小人各得其所 可得而疏。嚴,故不可得而 在上臨之,「不惡而嚴」也。 四、二五相 怨,怨則所以害君子者,无所不至。 内,君子外,「 四、五、上 應,「不惡」也。 遠小人」也。小人遠之則 君子,初、二小人。 小人 四陽以剛 親。 不惡,故 是以莫 不 嚴 初

「遯尾」之「厲」,不往何災也?初六,遯尾,厲,勿用有攸往。《象》曰:

有? 未至 若退藏於下,自晦 雖正成離坎,自明其節 正,危道也。 卦體以前爲首,後爲尾。 而先遯。 初六處下非當位者,所處微矣,是 故曰 初六止而 「遯尾 其 明, 而 厲」。 不往則何災之 遇險災也。不 四 在 後,所處不 陽 往之四, 避 患, 患

❶ 「六二」上,汲古閣本、通志堂本、四庫本有「應」字

處下,隱亂世而不去者多矣。」故不去猶可以免患。《易傳》曰:「古人

曰:「執用黄牛」,固志也。六二,執之用黄牛之革,莫之勝説。《象》

守哉? 毁折,有「勝説」之意。六二知其不 止,五莫之勝,確乎不可拔,孰能奪其 執其志,如「執用黄牛之革」,則初莫 艮手執也,坤爲牛,坤中爲黄,艮爲革 處而比初,又不可往而從五,乃堅 五、處于内,近小人,往從五 執之用黄牛之革也」。二近 志如此乃能遯。 二從五成離兒,離火勝兑 故曰「固志也」。六二柔中,故 一則所 初 金。 六 固 可 兑 執 加 之 所 以 以 爲 説 應

不可大事也。「係遯」之「厲」,有疾憊也。「畜臣妾吉」,九三,係遯,有疾厲,畜臣妾吉。《象》曰:

九三得位,係於二陰而不能遯。巽繩,

疾」。 係也。 巽爲事。 志於鄙賤之人,其可大事乎? 兑爲妾。以此畜臣妾則吉正也。 爲内之主,二陰自下承之。 意,故曰「係遯之厲,有疾憊也」。 以動 可救已。 而曰「厲」。 畜臣妾吉,不可大事也」。 爲疾,故安其位 陰方剥陽,己私係之,未失位 故曰「係遯」。 晉張華是也。 三動巽毁,不可大事 以 動爲 疾, 久則 九三 加 三極 不 動 遯 坤爲臣,伏 極憊困篤 也,有憊之 則 也。 陽爲大 故 陽 曰「有 失 九三 位 不

君子「好遯」,小人「否」也。九四,好遯,君子吉,小人否。《象》曰:

顧王生之寵是也。故曰「君子吉」。曰與應絶矣。動則正,正故吉。蕭望之不以義斷之,當可遯之時,舍所好動而去,不正之陰而相應,情好也。君子剛決,「好」者,情欲之所好也。九四係於初六

與陷於困辱危殆之途,猶不知也。」以言。小人則義不勝欲,牽於私好,相此爻與初六相應,處陰而有所係,故極此爻與初六相應,處陰而有所係,故極此爻與初六相應,處陰而有所係,故極此爻與初六相應,處陰而有所係,故極

以正志也。九五、嘉遯、貞吉。《象》曰:「嘉遯、貞吉」、

時,故云與時行小利貞,有濟 剛中處外,可行則 於爻至於五則遯將極矣,故唯以中正 以疾固歟?《易傳》曰:「在彖則槩言遯 於疾憊,不係於情好,遯之至美。 陽爲美,九五中正无以加焉,美之至也。 止則止也。不後而往,不柔而應,不安 嘉遯,貞吉」者,以自正其志而安也。 正志」者,行止無累於物也。此夫子所 行 也。 當位 遯之意也 m 應 可

遯言之。」

利,无所疑也。上九,肥遯,无不利。《象》曰: 肥遯无不

也。巽爲不果,疑也。以「无不利」者,剛決不係於四,无疑情利,其於遯也有餘矣。故曰「肥遯」。所上九處卦外,内无應,動則正,无往不上九處矣,動成兑。説見於外,肥也。

也。正大而天地之情可見矣。
壯也,剛以動故壯。大壯「利貞」,大者正臘 震□ 大壯,利貞。《彖》曰:「大壯」,大者

者,陰陽敵也。過於陰,則陽壯矣,猶人臨,交於泰,至四爻而後壯。泰不曰壯二爲少,三、四爲壯。陽動於復,長於少,二爲壯,三爲究。以重卦言之,初、陰陽,迭壯者也。以三畫卦言之,初爲

之以 《易傳》曰:「天地之道常久而不已者,亦 雨,江 者,以 見。」以卦氣言之,二月也,故《太玄》準 時行,萬物生,其大无 子,坤始於午,震卯而兑酉,正也。 也。正,故能大。天地之動也,乾始於 子自反而縮, ●雖千萬人吾往之矣, 正故 者正也。大者正,乃能 至大至正 大者正也」。 不以正,則失之暴,不能久也。 此合震乾二體而 君子之道,義其大至於塞乎天地之間 之初,其動 血 氣 格 方剛, 河之大,皆不能久。 剛 夷。 動 而 甚 故曰「大壯,大者壯 也。 己。 此以初九言壯之道也。 微。 故正大而天地之情可 故曰「剛 言壯之時也。 動 而 外,以正而大也。 動 不已,物莫能禦。 圃 以 故曰「利貞, 不 動,故壯 · 屈。 也 初 \_ ° 飄風暴 九, 故 壯 四 曾 大 而 陽

初

九

, 壯于趾, 征

凶

「有孚。

^

象》曰:

壯

于趾」,其孚窮也

在天上,大壯。 君子以 非禮

弗履

四

八

是動 雷,出 莫甚焉。」 所以全其壯也。 乘乾爲臣强之象,然俄且降矣。 雷在 必以 天上」,非 地 者 正,「非禮弗履」。 也 横渠曰: 所履 而 在 而 天 履,故史墨謂雷 上,「大壯」也 「克己復禮,壯 非禮弗履, 君子以

四也。 其 行亦凶,言不可行,行則 不動,以全其壯可也。 初在下體之下,應震足 應壯,豈得用哉?故「壯 「孚窮」也。《易傳》曰:「 雖 以 初九剛在下, 剛居上,猶不 用壯 一征 而 可行,況在下 兩 不 動 剛 用 凶」者,以 于 中,當守 趾 壯 相 趾」者,以 也。 ൬ 敵 不 而 得 īĒ. 川

(象》曰:

雷

曾子」下,汲古閣本、通志堂本、四庫本有「日」字。 大 原作「也」,據汲古閣本、通志堂本、四庫本改。

乎?」

4。 九二,貞吉。《象》曰:「九二貞吉」,以中

吉。 矯」,其九二乎? 者,有矣。《中庸》曰「中立而不倚,强 中,不過乎壯者也。」 九二剛中,壯 正吉者,以 而處 中 《易傳》曰:「居柔 也。 中,其動也正, 蓋 剛 Œ Œ 不 哉 處 中 則

罔也。藩,嬴其角。《象》曰:「小人」用壯,「君子」九三,小人用壯,君子用罔,貞厲。 羝羊觸

小人。 九三不動,陽爲君子。九動變六,陰爲 之舍。」罔非无也,有在其中矣。 故曰「小人用壯」。 正,有剛而不用。《太玄》曰:「罔者,有 君子用罔」。 正亦厲。 小人處 正而濟之以和説,可也。 然剛 極剛而有應, 極矣,處兩剛之間, 君子處此,自守其 必 用其壯。 故曰

> 也。 則敗。 爲角。 子有而不用。 觸藩,羸其角」。壯一也,小人用之,君 禍,可不戒乎? 京房曰:「壯不可 乘之,兑毁,羊喪其很。 羊、粘也。三往觸上、剛絓於藩。 萑葦,爲竹木,在外爲藩。 「貞厲」。 物不可極,極則反。」故曰「羝羊 震爲反生,羊角反生爲羝羊。 此 故曰「小人用壯、君子罔 君子所以 用罔歟? 此小人用壯之 兑爲羊,前 '極,極 六來 剛 爲

故「貞吉悔亡」。震在内外之際,爲藩。戒以貞。貞則類進之吉,无用壯之悔。四陽長過中,壯之甚也,而不正。君子與。《象》曰:「藩決不羸」,尚往也。我乃四,貞吉,悔亡。藩決不羸,壯于大輿之

「世」,汲古閣本、通志堂本、四庫本作「上」。

一四九

壯乎? 此。 以壯 九四 故 任 木在 面 四 「不羸」 重,道行于上之象也。 不 動 藩決不 往 興 括 陽壯,「壯于大輿之輹」, 于大輿之輹,利往也。 之 下爲輹。 者,因九三爲象 大輿而輹壯,其往利矣。 故 五 嬴」。 日「藩 決 往而之五。藩決不羸 車之毁折,常在 決 剛 不 得 中, 也。 羸 「貞吉悔 尚 羣 坤爲 往 故象辭 則何惡 陽 也」。 自下 一於輹。 輿,震 壯以 如 於 進

易」,位不當也 六五,喪羊于易,无悔。 《象》曰 -喪羊 于

兑也。 四、五相易,兑毁「喪羊于易」。 暴 待以和易,●則諸陽无所 六五柔不當位,陽剛方長,宜有悔。 兑爲羊,羊羣行善觸,諸陽 戾之氣 蓋位尊則能制下,德中則和 屈矣。 此 所以「无 用其壯,而剛 並 悔」歟? 進之 和易,亦 丽 彊 不

> 流 後 治天下亦柔道」,六五之謂 曰:「治壯不可以剛,人君之勢不足,而 有治剛之道。」 以 此用 和 其 誰 不 服 ? 乎? 光 斌  $\Rightarrow$ 日一吾 易傳》

Ŧī.

 $\circ$ 

也。 艱則吉。《象》曰:「不能退,不能遂」,不詳 上六,羝羊觸藩,不能退,不能 艱則吉」,咎不長 也 遂,无 攸利

哉? 不能遂」,自處之不詳審也, 可則進,否則退。 羸 震爲萑葦,竹木在外爲藩。 爲羊,震 上六動成九,前剛 不能退」也。決事者當於其始詳慮之。 、則吉。 絓 其角,「不能遂」也。退 然壯終則變,能艱難守正,自處以 妄動之咎,不長也,在我而 爲反生,羊角反生,「 上六妄動,「不能退 也。 前 剛 角之象。 上動觸 則三不應, 「羝羊」也。 何往 一而利 藩

汲古閣本、通志堂本、四庫本作「持」。

大明,柔進而上行,是以「康侯用錫馬蕃《彖》曰:「晉」,進也。明出地上,順而麗乎∭ 離上晉,康侯用錫馬蕃庶,晝日三接。巽爲長,震者巽之反,故曰「不長」。

庶,畫日三接」也 柔進 之,與《禮記》「康周公」之「康」同。 明,柔進而上行」。 道主於順,而不知其所麗,則 位照天下之象。 言晉也。晉自臨 坤易乾也。 明出地上,進而不 大明」,乾陽爲大也,人君有明德居 晉,進也。 上行。 而之五,以諸侯近天子之光,王明 而 |爲天子,四爲諸侯。「康」,褒大 與 君同 順而麗乎大明,然後蹇六 明出: 離爲明。 德。 坤順、離麗 地上」。 來,蹇之變也。 此以六五一爻言晉 故曰 已,至於盛 自六五言之,爲 二順而 此合離 也 其 一人臣 明, 麗 道 坤 離者 六四 乎大 不 兩 故 之 能 之 尊 日

> 馬,火 五兼 侯用錫馬蕃庶,晝日三接」也。 勞,畫日訪問之。時三接,極盛之禮,所 以康諸侯者至矣。 之。 也。 同, 也。 受福 爲牝馬。 蕃庶」也。 而上行,何由至是哉? 種。 毛馬而頒之。」 錫馬蕃庶,亦進之意 兩體 大行人之職: 《周官·校人》:「天子十有二閑, 日在中天爲晝。艮爲手。 畜也,故古者差馬 而《説卦》以乾、坎、震爲 三,極數也。不唯錫子,又親 邦國六閑,馬 九 坤爲衆,蕃息庶多,言不一 而言處 五用是降心以褒大之,「 乾變坎 晉之道。 爲美脊之馬,●坤變 非順而麗乎大明, 諸公三饗、三問、三 四 以 種。 午出 或曰: 故曰 凡朝覲 坤三爻, 「是以 此以六 人馬 馬,何 錫 康 柔 禮

「坎」、原作「次」、據汲古閣本、通志堂本、四庫本改。

馬政 「龍」。 尾,共 究爲 在 北之馬獨爲 言之。昔者國有 駟,東一星爲天馬,震也。 建 龍飛天者, 爲馬,離也。 巾 馬 火 星六星 桂 曰「天駟」,東壁之北四 ? 氣 禁原蠶, 相守 同 健。 卦言之,乾 爲蒼龍之次。 世傳大宛余吾之馬 E 氣 明 健、乾也。 則 曰「天馬」,乾坎也。 出 離也。 月,故《太玄》準之以 良 察乎此 乾 流。 蠶以 離者,午之位。漢 地上,晉。 馬 離 爲 戎 者 以 同 火 馬 馬。 乾也 事,各服其 五 位 出 則 故 行地者,乾 辰 行言之, 知 丽 觀諸天文, 日 爲 馬 君子以 乾 浴 星 與 角 故馬 八尺以 · 出 一日「天 震 天 離同位 龍星之精, 亢 , 火 一於龍 爲龍, 産,而 進。 同 自昭 與 以 房 中 也。 爲 體 Ŀ 房 爲 三卦 廐 之 七 種。 明 而 日 及 其 四 冀 天

> 致知, 之哉? 昭 己爲之, 乾》 明德於外 非有心 日 (德自 昭 一自 明德 明德者己之所自有 人 於昭 昭。 力 强 也。」 无 於 」,《晉》 昭也。 如 己 所 日有 也 施。 E 易傳 光 明 天 自 明 出 行 也。 德於天下 》曰:「去蔽 日 則 進 進 乎 而 誰 者 萬 使 不

《象》曰:「晉如 咎」,未受命也 初 六, 晉 如 摧 如, 摧 如」,獨 貞 吉, 行 罔 孚, 正 也。 裕 无

退,故「 也 道 動 未孚,戒在不正 晉之始見,有 不汲 乃 ,故曰「貞吉罔孚」。 而 ,綽然有餘 獲「貞吉」。 九四不應, 汲以 推如」。 失 裕 應 守, 以求四之知 推者 知 卒歸 則 積誠 其退 其 動 抑 於无 不 而 不已, 初 也 其動 可 進,故「 坤 咎,故 進 不 悻 未 唯 則 也 悻 有 晉 獨 自 不 以 其 如 行 抑 孚 正 進 而

則 咎? 命也。 有官守而不孚于上,廢職失守以爲裕, 无 震見巽伏,「未受命」。 《易傳》曰:「若夫 得其職,致爲臣 咎」。 一日不可居矣。」 四艮爲手,受也。 若已仕 然「裕无 而 而去可也。裕,安得无 有官守,上不見信,不 咎」者,以進之始未 巽爲命。 初 動 受

王母。《象》曰:「受兹介福」,以中正也。六二,晉如,愁如,貞吉。受兹介福,于其

愁如」。 配 爲王,坤爲母,「王母」也。 道未行,爲天下憂之,然守貞則吉。 嚬蹙之象。故「愁如」。 上,二爲己,三爲考, 母」六五,動也柔得尊位。 六二得位,居晉之時而五不應,故 援於上,然柔順中正,履貞不回,久而 也。 故祖母謂之「王母」。 二至五,有離目 四爲祖, 五坤祖之 [艮鼻。 言進之難。 五動成乾,乾 數親 二雖難進 坎加憂, 自二而 「晉如 王

> 也。 爲福,爲大。介,大也。二中正,五動 中正,是以二受五之福,故曰「以中正 者,「故受兹介福,于其王 必孚,況 同 德乎? 未 有 母」。 五 不 動 五 而 應 之 亦

上行也。 六三,衆允,悔亡。《象》曰:「衆允」之志,

居位,雖柔必强 得正,「衆允之」也。「衆允」則「悔亡」。 坤爲衆。 此大臣因衆之願而 麗乎大明。 晉之時三陰 而 有 應。 三不當位,衆所未允,宜 上九應之成兑,兑爲 三志上行,則二陰因之,得 在 下 ,何憂乎不勝其任哉 ·,同 效之上者也。 順 乎上。 三順之 口,三 一有悔。 以此

厲」,位不當也。 九四,晉如鼫鼠,貞厲。《象》曰:「鼫鼠貞

艮坎爲鼠,陽爲大鼠,畫伏夜動者也。「鼫鼠」、《子夏傳》作「碩鼠」。碩,大也。

當,而不知退於正 大明在上,三陰進 時,竊據上 失爲虞丘子也 加 位,憂畏 九 四 剛 一而麗 ,爲「厲」。 而不安,「碩 而 乎明。 不 Ė 知非 處 四 鼠」也 晉 處 而去 位不 明 之

六五,悔亡,失得勿 象》曰:「失得勿恤」,往有慶 己,往 不剛 剛矣,則「悔亡」。 失者得,憂者喜,「慶」之謂 ൬ 恤」。不憚從人,不留情於既失,則往 矜智遂非,以 六五柔不當位,有悔者。 悔亡,失得勿恤」。 (吉,无所不利,邦國之慶也。 故也。 曰「往吉,无 《易傳》曰:「不患不能明,患其用 而從上九。 坎爲. 失爲耻 加 不利」、《象》曰 上正其 失者得 憂,「恤」也。 恤,往吉, 五明之主 ,故戒以「失得 君於 於進 加 也。 也 坎 无 一,患 、毁,故 道 德 一往 陽爲慶、 悔者亡, 五 不柔 不 爲 有 在 能 利。 於 者 舍

角,窮矣。猶進而不止,危厲之道。維云, 上九前剛,「角」象也。上,晉之極,至于不 吝。《象》曰:「維用伐邑」,道未光也。上九,晉其角,維用伐邑。厲吉。无咎,貞之 明之過,故戒以失得勿恤。」

之貞。 遷善速。」六三之行,六 吉則於自治爲无咎,亦猶冥升利于不息 者,自治也。 用於伐邑則可,雖 晉者,三行則上反三,五往 曰:「人之自治,剛 有自治之意。伐 内,爲「邑」。 窮兵故也。 反非進也,故二爻不言「晉」。 上反三,坎離毁,「未光」之象。 明夷,利 所以 上窮反三,人于坎險。 自治 邑,己之自有,故此「伐邑」 若施之征伐,則凶,有咎 **艱貞。《彖》**曰 人邑則 者,於進道 危 極 則 厲 九得正,厲者吉 守道 五之往 而吉。「伐邑」 有 則 固 上反五 ,進極則 未光也。 《易傳 明人地

中,明 其志,箕子以之。 以之。 夷。 「利艱 内文 明 貞」,晦 而 外 其 柔 明 順 也 ,以蒙大難 . 難 圃 能 文

爲大。 也 反。 用明夷之一卦也。 外柔順,以蒙大難,文王以之」。 言文 柔順,蒙大難 此以坤離 上,明者在下,見傷之時,故曰「明夷」。 並進,麗于大明之時。 人也,明乃傷矣。」晉者,明君在 鄭康成曰:「日在地上,其明乃光。 旦畫也。 IE. 則 爲日,爲明。 其 明夷之時,不 離爲文明,坤爲柔 文王當紂之時,内含文明,外 明 、地中。 「明夷,明人 熄滅,處之者利在於艱 兩體言明夷 而免於難,故曰「内文明 夷,傷也。 坤爲地, 晦其明則有禍, 初九、六二、九三,正 順,坎爲 地中」,暮 也。 明夷者,闇 爲 晦。 晉,日在上, 明 夷, 險難,陽 上,羣賢 坤上 夜也。 貞 晉之

> 己。 故《太玄》準之以 其用明夷之道則一也。 艱貞之三爻也。 内者也。 箕子,紂 在 正其志,箕子以之」。言箕子 艱貞,晦 不變,其於正也難矣。 地 中,其 艱 同姓,近則身在商邑之中,難 其明 貞」者,有其明 佯狂被髮,自守其志,囚 明 也」。 口 晦, 晦。 文王、箕子雖若 坎險 Œ 不 M 故曰「内難 在卦氣爲 在 미 晦 内,内 動,故 之也。 用明 九月, 不 難 夷 奴 而 如 「利 日

用晦而明。《象》曰: 明入地中,明夷。君子以莅衆,

明。 明 情不安,「用晦 達聰之道也 不容,衆爲我用。 下至衆,以明莅之則知有 夷者,晉之反。 初九、九三人而 而 明」,則親 此 坤 垂 爲衆, 治之,「莅衆」也。 一旒黈 爲 疏 時 纊 小 晦。 而 大 而 困 無 明 離 所 目 爲

于行」,義「不食」也。不食,有攸往,主人有言。《象》曰:「君子初九,明夷于飛,垂其翼。君子于行,三日

以「主人有言」。然君子大恤 巽東南方,主人位。 子,必害其所以 也。 於明夷之始,其事隱而難見 所爲,衆人固 之以義,雖困窮飢餓而不悔,故曰「君子 歷三爻, 兑口 足以見微,故去 于行,義不食也」。 上下下「于飛」也,見傷 晉上九反而爲 易傳》曰:「待其已顯則无及矣。 然,納 常情觀之,豈不離世異俗乎? 柔爲毛,剛 履 而 在 不識也。 明夷之初 位 上,「三日不食」也。 行,使不得進。 其 何 而行。 之四,「有攸往」也。 翼 兑口爲有言。 往 也。 方初九以正見傷 뻾 九。 而 離爲日,之四 不貧賤 小人之害 「垂其翼」者 ,微而未著, 離爲 也,①義之 君子 此所 鳥, 君子 哉? 此 斷 君 明

> 乎! 方所 往而人有言,何足怪 生之去楚,二儒 以爲 故袁閎之於東 明, ൬ 楊 且. 雄 哉 非 漢 所 之, 亦以爲狂也。 以 不 況世俗之人 獲 去 也 所 穆

五六

《象》曰:「六二」之「吉」,順 巽,震爲左,巽股也。 舉其手,以濟六五之柔者,當資九三之 舉之象。夷于左股,既不可動用。之上 之而已。六二在位,不可以苟去,用 之傷君子,天也。 可動以應五,「明夷,夷于左股」。 此爻,因初九之往以取 三震起也。九三之五成艮手,有起手上 三拯之可也。「拯」、《子夏傳》、《説文》、 (字林》作「抍」,音升,一音承,上舉 明夷,夷于左股,用拯 君子无如之何,亦 二爲小 象。 以 則 人所 馬壯, 也。 初往二成 也。 九 順

❶ 「大」,汲古閣本、通志堂本、四庫本作「不」。

于顛 馬之壯 四 股,猶 也。 方來,來往相 或 其 力。 亦彰往察來之一端 目變異,左股見傷,故睇之,或當從鄭。 本作 「明 正明德君子,其能 功者多矣。 風相益,水火相用,見於萬物,異 同 日 弱。 事君之則也。「則」者,理之所不 ,如明夷之上六因晉,夬之初九因 故曰「六二之吉,順以則也」。 九 明夷,六二因 人,九四 隮,若之何。」其六二之謂 無 三坎 健 六二不動,亦 夷睇于左股」。 卦爻 傷也。 況二、三同體乎? 也。 馬, 因 爲 有 此六二順以致吉,不失 用,故 馬壯 九 震爲作足。坎 因 初 如是? 也。 三,九五 前爻,何也? 九 乃可載 保 也。 有因 前爻既往 睇,傾視也。 其 《書》曰:「告 古。 有因 因 爻成象者。 一上而 九三、九 | 敷? 震 一前 然 體 一,後爻 得位 計為 能違 傷 非 加 夫 行 中 雷 左 同 以

> 之。 《玄》亦然,一首不盡其義,乃以二首明 大壯玩其辭則可知。故曰斷辭則備矣。

《象》曰:「南狩」之志,乃大得也 九三,明夷于 去害。 狩也。 京房 爲戒,故曰「不可 飛,而上逆不可 民迷久矣,遽正 得者,易辭。 南狩克之,得其大首。 爲中,冬狩之時。 之主,湯武之事也。 三,公之位。上六明夷之主。九三 至剛,得位而應,不得已而動 曰「動乃見志」,故曰「南狩之志乃 離之三陽乾也,乾爲首,陽爲大。 故曰「明夷於南狩」。 南狩、得其 故曰「得其大首」。 疾也。 則 疾貞」。 離爲南,三動之上,南 駭懼 自二至上,體師 大首,不可 九居上未正也, 大首,元惡也。 不安,當以 動於中,志也。 狩者,爲民 ,以克 離爲鳥 疾 疾貞 極 極 坎 盟 明

大得也」。《易傳》曰:「以下之明除上之

亂之事也。」 暗,其志在於去害而已。 有意於利天下乎? 志苟不然,乃悖 商周之湯武,

六四,人于左腹,獲明 象》曰:「入于左腹」,獲心意也 夷之心,于 出 門

離,「人于左腹」也。 初。 之爲物,能容者也。 也。 初六之四,離變艮爲門,四爲夜,「獲明 復存 夷之心于出門庭」也。 上六極闇,九三極明,四遠上近三, 變兑爲説,獲心意之象,故又曰「獲心意 而之下,九三所受也。 三而遠於上六,以譬則微子之類也。 ,則獲明夷之心意矣。 其意豈願亡哉? 震爲左,離爲大腹。 六四柔 其微子去商之事乎? 順 而正,與上六同 坎爲心,坤中爲意 自 去闇就 外 初之四,則坎坤 四自震應初人 而之内,自上 震爲反生故 上六極闇, .禮,比於 明, 亡者 腹

> 之「貞」,明不可 六五,箕子之明 息 夷,利貞。 也。

失其則也 曰:「初登于天」,照四國也。「後入于地」, 上六,不明晦,初登于天,後入于地。《象》 以自晦即守正,而蒙垢愛生失其 之朝鮮者,正也。 禍,「箕子之明夷」也。 明遂亡。故佯狂者,自晦也。 已,未嘗失正也。 於昏亂而不可去,是 坤,坤爲晦,自晦其 六五動則正,正成離,離 曰「箕子之貞,明不可息也」。 聖人慮後世讀《易》者 明在其中,失正 明 以 也 自晦 自晦 明也。 五上 者,不 其 不受封 同 明 不 (所守, 則 以 動 動 迫 去 其 免 而 成

晉,明出 明而 上, 反爲 六 極 明夷, 坤 坤 則 爲 明 晦 地

原無,據汲古閣本、通志堂本、四庫本補

正位乎内,男正 異離上下 後,爲人君 者,得之明,失之晦,晝 夷,誅也。」爲明夷之主而不誅者,鮮矣。 舉晉、明夷二卦反復以釋爻義。 者,所以守其則也。 君近君子遠小人,兢兢焉唯懼不 者,以不明, 者,人君之 地」也。 不 四國 明 家人,利女貞。《彖》曰: 晦 四 也。 五者,君之位 在 萬世之戒。《雜卦》 則,後 晉時 晦 晉反 位乎外,男女正,天地之大 上爲 而 離 失爲君之「則」也 則 國 出 于 離 得失无不自 坤登于乾,五下 故 以以 地 入于坤,「後入于 夜之象,故 則 二初 明德居 失位,失位 澄于 家人,女 曰:「明 原初懲 明 己 聖人 〕爲之 尊 乎 位 照

外巽内離,離,明也。《易傳》曰:「外巽正,正家而天下定矣。

父、子子、兄兄、弟弟、夫夫、婦婦,而家

義

也。

家人有

嚴君焉,父母之謂

也。

有君 妄,坤 六四 位 正其 位 地 離 位乎内,然後男正 爲女,「女正位 遯來,无妄變也 者,女以 内 四正,坎爲男,「男正 易傳》曰:「无尊嚴則孝敬衰,无君長則 家人」。 也。 化 乎外,男女正,天地之大義 明, 正 而 道,家人猶臣 ,歸尊於父。 外者,无 事 生萬物。 位乎南, 居四,上配 處家之道。」然卦以 下言家人「利女貞」也。 乾 舅 男爲家,家人以 此合兩體 九 姑, 五 南北定位,東 有也 故 雞 乎内」也。 者,父也。 鳴 乾五爲母。 曰「女正位乎内,男正 父母之於家 互巽變離,六二正, 位 妾也。子之事父母, 圃 言家人也。家人自 天地坎正位乎北, 乎外,女不正 位 朝,非 乎外」也。 女正 女爲奥 長女中女爲 西通 震變互坎,六 乾 也」。 君 爲 五,君、 人,其嚴 文主,故 氣 剛 道 坤 乎? 此 ൬ 而 无 天 能

六〇

度 廢。」故 曰「家 有 嚴君, 父 母 之

也 此 以九五 而下言家人 正家之

也。 乾爲父,坎爲子。父上子下,父子

IE 也。 巽爲長女,離爲中女,孟上仲下,

兄 弟正也。 坎爲夫,離爲婦,夫上

下,●夫婦正也。● 乾爲天,五爻各得其

弟弟、夫夫、婦婦,而家道正,正家而 位,天下定也。故曰「父父、子子、兄兄、 天

道也。 下定矣」。 夫正家之道,始於女正, 此以上九 而下,推廣 女正 正家之 而

初

後男女正 後 家道 男女正 正,家正 而 加 後天下定。 後父母嚴,父母 家者,

己本在 下之則也。 家、家之本在身。」故《彖》辭如 孟子曰:「天下之本在國,

居。 在 一卦氣爲五月、故《太玄》準之以

《象》曰 而 行有恒。 風 自 火出, 家 君子以言

有

志未變也。 九,閑有家,悔亡。《象》曰:「閑有家」, 也。 有常」也。 初至五體噬嗑,「頤中有物」,「言有物」 同生於木。 風,風生木。」又曰:「火疾生風。」蓋風 巽 巽 君子體之,故言有事實,行有常度。 人之象。 爲 風 无妄,震爲行,六四行不失正, 木,爲 離 火 夫風緣火,火緣木,未始相 言行有法,則家人化之。 「風自火出 風。 風 自 《黄 火 帝書》 出 也 由 曰 : 内及外,家 「東方 説 桂 自 生

道,正 而 家 共井, 與 道 ,男女不 四 正則治,不正則 以 相易 、閑其 共 通衣裳,内言 列則 初,能 温 内外 浴,不 不 有 亂。 Ē 家 通 者 不出,外 寢 《禮》:「 初九 也 席,不 明 初 言 通 外 於 九 左 内

上, 正」,原作「上」,據汲古閣本、通 原 作「正」, 據汲古閣本、通志堂本、四 志堂本、四庫本改、 本改。

九三,家人嗃嗃,悔厲吉。婦子嘻嘻,

之則悔矣。失防患未然之道。悔之有? 志動不正,流宕无别,然後閑時,於是閑之以法度,内外各守其正,何氏。」防瀆亂也。初者,家人之志未變之

六二,无攸遂,在中饋,貞吉。《象》曰:

六二之「吉」,順以巽也。 有閨門之修,而无境外之志。 以巽也」。《詩》曰:「無非無儀,維酒 不動而吉者,以此。故曰「六二之吉,順 順也。故曰「在中饋」。 而應巽,木女在中當位,烹飪而主饋 事者,順也。故曰「无攸遂」。 坎水離火 夫道也。地道无成,婦人從夫,无所遂 二,主婦之位,坤得位,上從乾五。 人之正也,正則 議。」孟子之母曰:「婦人之禮,精 、羈酒漿、養舅姑、縫衣裳而已矣。」故 吉,故曰「貞吉」。 六二 「順以巽」者,婦 食 五

嘻嘻」,失家節也。

也。 《象》曰「未失也」。 節,其終必至於亂倫瀆理,蕩而不反,雖 也, 兑説也。 坎兑爲節, 坎 乎? 拂其情矣,能无厲乎? 也」。二者治亂之别。京房曰:「治家之 欲節之,有不得而節者,「吝」也。故辭 正,與二相易,離成震兑。離目也,震動 失也。故辭曰「家人嗃嗃,悔厲吉」, 立,倫理正,小大祗畏以正,得吉未爲大 我以恩,而治家大嚴,傷恩矣,能 貌」。《易傳》曰:「有急速之意。」陽 三,内之主也。「嗃嗃」,陸法言曰「嚴 上,聲大且急,嚴厲之象。骨肉之情,望 三,剛正 「婦子嘻嘻,終吝」,《象》曰「失家節 目動聲出而說,「嘻嘻」也。 過中。異爲風,爲號,離火 坎子離婦,三動 動兑見,失節 喜樂无 法 无 度 悔 炎

道,於此分矣。」

六四,富家,大吉。《象》曰:「富家,大吉」,

順在位也。

柔也,於治家无取。故二以柔順卑巽 初、三、五皆吉,上九威如終吉。 二與四 以剛正威嚴爲善,戒在於柔順,故家人 大,正則吉,「富家大吉」也。治家之道, 如此,故能安處其位,有家之實。 從。 下有應,巽以事,上則親,順以接,下則 六四本无妄之三,進 三陽爲實,積其上,「富家」也。上有承, 治家也 而順,在位者滿而不盈,保其家者也, ,婦人之正也,非男子所宜 失奢則不遜,而富者怨之府。 而 在位,異體 也。 陽爲 丽 四巽 順

有家」,交相愛也。九五,王假有家,勿恤,吉。《象》曰:「王假

五,乾爲「王」。「假」,至也。王極乎有

爲憂恤,不動坎伏,正則吉。 勿恤乎吉可也。五動成離,有伏坎,坎 下治,何所憂哉! 正心誠意,修乎閨門之内,不下席而天 天下,至於交相愛,則天下不勞而治矣。 者,相與于中之象也。王假有家,達之 日相親睦,故曰「交相愛也」。 乎内,中正相應,心化誠合,則上下内 「王假有家」。 家之道,正家以定天下,則至矣。 象》曰「交相愛也」。 五剛 而巽乎外,二柔 故辭曰「勿恤吉」, 三代之王, 交相 加

吉,反身之謂也。 上九,有孚威如,終吉。《象》曰:「威如」之

上九卦之終,坤爲身,九動反正,「反身威如,終則正而見信,「威如,終吉」也。動而正,家人見信,九三「孚」也。始也如」。威如者,九在上,剛嚴之象。上九上、三有孚之道,以下未孚也,故「威上、三有孚之道,以下未孚也,故「威

過則 恭順,而家不亂者,未之有也。」 過而 於妻子。」石慶家人有過輒不食,家人謝 於上九發之。孟子曰:「身不行,道不行 怒則父子相夷,愈不服矣,安得吉? 所 以治家之道 誠 反 身 謂 所 謂 失嚴,恩勝則 後復、是亦反身也。《易傳》曰:「慈 威 則 以 也 嚴者正其身也,或不正而尚威。 動 Œ 天 E 威 ,莫尚於威嚴,慮後世不知 地者也, 況家人乎! 則 非 誠 外 掩義,長失尊嚴,少忘 誠 求, 反 則不怒而 求諸 身 威。 而 聖人 故

是以 説 m 用大矣哉 而 離兑上下 其 麗乎明,柔進而上行,得中 「小事吉」。 動 志 睽,小事吉。 而 通 下。 也, 萬物睽而其事類也。 天地 二女同居,其志不同 《彖》曰: 睽而 其事 同 而 睽,火動 應 巾 一,男女 乎 睽之 而

離火動而上, 兑澤動而下, 火澤之睽也。

剛。 之道 則柔 睽也。 其所同, 是以小事吉」。 睽之柔,其才纔 剛,不可以作 以「小事吉」。 ൬ 未固,非 而 自離兑言之,「説 本不同則无睽,惟本同,故有合睽之道。 中 睽者,時也。 二女之睽 麗乎明, 得尊位也。 一之五言之,「柔進 少二女同 也 而不過, 説則順,民麗乎明則擇善,柔得 睽,本同也 剛健 則睽者合矣。剛上柔下,「天地 天地、男女、萬物, 也 柔進 居於家 中正 大事,何 故睽自家人反,明本同也 應乎剛 睽之時人情乖隔,相 夫説 此合兩體卦變而言處 故 足以 丽 不能 而麗乎明」,自家人六 曰「睽」。 上行,得中而應乎剛 而 而上行,得中而 小事吉也,故曰「説 離兑同 則 也? 圃 麗 合天下之睽。 所 取 明 剛 歸之志各異 此以 以柔 柔得 爲女而至於 以 氣 濟柔,是 也 進 中 兩體言 與 應 丽 睽 乎 者 中 如 行 噟

月,故《太玄》準之以戾。 中國 也。 卦,以論合睽之道也。 類也。睽之時用大矣哉」。 也,男女睽而其 以是能 事類」也。非本同也,其能合乎? 乖者復合,混 下,乃有室家,「其志同也」。坎見震毁: 睽」也。 萬物睽」也。 爲 一人。 用 天降 離 天地、能 内,「男女睽」也。 地 而爲一 陽生陰成,物无二理,「其 故曰「天 (志同 升,生育萬 用男 ,以至天下爲一家, 也,萬 万女、能 在卦 地 物,「 睽 物 此推 氣爲十 而 睽 用萬物。 其 其 男上女 而 事 大人 事 原 其 同 同

平 所 苟同,以徇衆 離兑同爲陰卦,而未始不異。 同者,人之大倫 以 日 爲 同 上火下澤,睽。 「同之不可也。」如是、《彖》言異 (中庸》 人 見其爲 也。然各盡 曰:「和 君子以同而 異矣。 mj 其道,亦不 不流。」晏 君子之所 不知異 異。

而同,《大象》言同而異。

初九

悔

亡,喪

八馬勿

逐,自

復。

見惡

人,

无

《象》曰:「見惡人」,以辟咎也

也,故 四有 成坎 得不 動而 不正 善良,綏仇敵爲臣民,由 辟咎,故「无咎」。天下惡人衆多,疾 亦不合矣。 復睽,斯亦君子之咎也。然初守正, 已甚,人人與君子爲敵,是睽者既合而 不逐也。 四,坎馬也。 睽之始,剛 易傳》曰:「古之聖人所 動 離 而 馬,「勿逐自 後初見之。 不得不見。若屈 ,「見惡人」也。 險,惡人也。 而 求 睽諸爻皆 而无 見之可 初乎? 四不與初 應,動 夫子見陽貨,陽貨 復」也,故「悔亡」。 有應,四 四 也,從之不可也。 離目爲見,初往之 則不 ,以剛自守,喪馬 己 弗 之四雖不正 動之初,初往 以 絶 而 ·正,故 也。」 能化姦凶 先見之,睽 獨 无 與, 有 悔 之 先 復 四 四

九二以剛中之德,遇六五濟睽之主。巷」,未失道也。

兑變震艮。睽者,家人之反。艮爲門,情睽離之時,二五皆非正應,五來求二,九二以剛中之德 遇六五濟睽之主。人

之,離變巽,巽東南,主人位也。五來求爲徑,家門之有徑者,「巷」也。二往應

巷」。遇者,不期而會。巷,委虵曲折而二,二適往應,是以相遇。故曰「遇主于

中,「未失道也」。《易傳》曰:「巷者,委五得中,震爲大途,合睽者如是,乃爲得

後達。 睽而欲合,故如是之難。

然二、

曲之塗也,非邪僻由徑也。遇者,逢會

惑以誠其意,如是而已。故云未失道盡力以扶持之,明義理以致其知,杜蔽之謂,非枉道詭遇也。至誠以感動之,

六三,見輿曳,其牛掣,其人天且劓,无初

也。」

初有終」,遇剛也。有終。《象》曰:「見輿曳」,位不當也。「无

頓掣 爲 也。 角仰 其柔 之,《易傳》爲是。 毁之, 髡其首也。 刑其皋也。「其人天且劓」者,言其人既 天。」《易傳》曰:「髡其首爲天。」以象考 如此也。二乾爲天,三坎之柔 不行,其牛俯仰而頓掣,言四扼於前 往 火欲上,坎水欲下,「見興曳」也。 爲輿,爲牛,離目爲見,四前剛爲角。 六三於睽 而 四 也。 不能自進。上九之剛雖非正 扼於前,猶力進而 踴起而復下,亦頓掣也。 見輿曳 也。鄭康成作「幫」。 遇焉,二剛侵凌,莫之與也。三坤 坎下,角俯也。 時 處不當位,介於二剛 馬融曰:「刻鑿其額曰 伏艮爲皋, 兑金制之, 犯之,又爲二制 仰一俯,牛 觢,牛角踴 爲 髪 應,欲 之間 而 兑 者 而

傳》曰:「不正而 加 遇之。三遇上 於後 合以正道,則无終睽之理,故賢者順理 正 子於此不尤乎見惡者,反身以正而已。 然動得其 上行矣。故曰「无初有終,遇剛也」。 遇」者,不期而會, 安行,智者知幾而固守。」 |則應,應則惡我者説,睽我者合。《易 由 處 Ē, 不 睽極 當 剛二四 合,未有久而 位 則 謂其非 (通,初 故 象 人 毁,坤 情 雖 正應也。 艱 不離者也。 上下惡之。 厄 興進 終必 而 日

曰"「交孚无咎」,志行也。 九四,睽孤,遇元夫,交孚,厲无咎。《象》

始也 交初 九 初守正不援乎 故曰「睽孤」。 應二,三應上,四獨无 四睽時,處不當位。介二陰之間,五 ,善之長也,故 ,兑變坎。 上,處 孤則 四 離 白「遇」 危 爲 睽之善者也。 厲,有乖 應,在睽 婦,初坎爲 元夫」。 離 而 之咎。 夫,元 又孤, 四 四

> 唯有君則能行其志爾。」 咎,夫子又從 咎」。交則初四未正,曰「无咎」者,初 信者,故曰 以剛陽之才至誠 上行,睽者 E 正, 正 則 誠 通也。 「交孚」。 矣。 而明之云志行也,蓋 彼我 《易傳》曰:「卦辭言无 相輔,何所不濟 交孚則雖 皆誠 不 厲 約 圃 君子 而 元 自

曰:「厥宗噬膚」,往有慶也。 六五,悔亡,厥宗噬膚, 往何咎?《象》

之,剛柔相人之意。 噬嗑,故曰「厥宗噬膚」。 二噬五柔 膚,兑口囓柔,「噬膚」也。自二至上,體 者,囓柔也。 六五柔得尊位,宜 下之賢,以剛輔柔,故「悔亡」。 一兑有離體 同宗,而爲六五 五來下二, 兑變成艮, 艮 有悔 睽離之時, 也。 一所宗。 能 致九二在 五. 非 離 噬 五 加 也, 爲 深

❶ 「由」,汲古閣本、通志堂本、四庫本作「出」。

足,若能任賢 則可以有爲,往而有福慶也。」 曰:「爻辭但 亦何咎? 一,二不 《象》推 陽爲 一剛中 可往,非深入之, 慶, 往 不 明 言厥 則 荷 輔,使以其道 謂 其 有濟睽之功,成邦家之 往 Ŧi. 義, 宗噬膚,則 者也。 柔 言人君雖 成 剛 則 五 也 ,深入於己, 既 其 可 久 下之,往 往 《易傳》 己 必 一才不 而 无

上九, 弧,後説之弧, 象》曰:「遇雨」之「吉」,羣疑亡也。 睽難 不合而 於四者 兑 未從上,有 人參處乎兩 與三 爲 睽孤,見豕負塗,載鬼一車。 澤,坤土 合之地 一、无所 應亦 孤。 四 過剛 者之間 猶之人 曰「睽孤」者,睽離之時, 不至。 匪寇婚 坎 間 焉。 水,陷 而暴,極明 也,疇 離 則 媾,往 而上疑之,則人情 目 疑 于兑澤,豕 爲 矣。 類 遇 見,坎爲豕, 異 而 上九 雨 察,故 處,適有 先張之 則 在澤 處 疑 極

> 中,二 寇而 下爲 也。 同。 哉? 其 中, 極也 疑辭 則吉,吉則向來羣疑亡,本无是也 此匪寇婚媾,與他卦言同而象異。 九剛六柔,自婚媾也,故曰 然釋矣。 遇雨則 穢之甚 汩 載鬼一車」也。言以无 雨, 也 陰陽剛柔,无 見攻也。 九,陽剛 人情 之以泥 離矢坎弓,「先張之弧」,疑 吉, 上來之三,三往遇之上。 故「後説之弧」,知四 也。 有未通 羣疑亡也」。 也 塗,「見豕負 坤爲 三所以未應,豈 爾,睽極 剛 獨立之理。 鬼、坎 來柔往, 辭 爲 塗」也。 「匪寇婚媾」。 則 枝如 爲 輪 通 則疑 六,陰 坤 有, 匪寇也。 異 四 此者, 之 妄之 極 四 情 在 柔 罪 涣 則 坎 惡

貞 見 一吉。 險而 坎 艮 《彖》 蹇, 能 止 利 曰: 西 知矣哉 南, 蹇, 不 利東 難 蹇「利 也。 北。 險 利 南 在 見 前 大人, 往得 也

中也 之時用大矣哉 人」,往有功 0 示不 利 也 東 北 當位貞吉 其 道 以正 窮 也 邦也。 利 見 大 蹇

也。 行其 處 下思治,九四能 順 五,小過之五 矣哉」。此兼 之合,坎離之象。 險者明也。 也 蹇,坎險難也, ?,往得 ",止而 謂 而 順易以濟 而易,坤衆 止 時 蹇自臨來,小過 所知也。 此合兩 非 中, 中也」。 不進。 遂止不往 蹇之利也。 險難,以 知其不可 也。 即臨之坤也。 互 體言蹇也。 「知」者, 艮止 故曰「蹇,難也。 順乎衆而 體 艮止 故曰 五中。 以 也。 也,順時而 順民心, 也 桂 進則止 變 | 見險 精神之會,水火 才言 坎在 故曰「蹇, 也。 往,上 離日爲見, 蹇 難不解, 而 乃得中道。 坤西南, 而 上,險難 九 處 方也 處,以 居於五, 能 不犯者, 四 蹇之 險在 止,知 往 之 道 西 體 在

蹇也。 時 貞 ൬ 以正六四而邦國正 取此象。蹇五爻皆正,而初不正。 故「建侯」、「康侯」、「正 難。 也。 四五 故 正者,蹇之所由生也。 待 行,天下益蹇。 正在上,則六二柔中未有 利見大人,往有功也」。 功,非 蹇 蹇 用大矣哉」。 吉,以正邦也」。 曰「不利東北,其道窮也」。 也 也。 難解矣。 相易言濟蹇之道 剛中而正,量險而行, 坤在 利見大人」者,六二也。 若遂 大人不能 蹇之時或 止 四,爲邦國。 於險, 正而 非中 在卦氣爲十 此再以九五、六四言 盡 可 吉也。 一,邦國 道 則 其 止,或可往。 過 也。 用。 九五當位 邦」、「无邦」、皆 乃蹇之所不 此以二五言 四、諸侯位 正則天下正 故曰「當位、 功 其才足 一月,故《太 故曰「蹇之 大人,九 也。 非 此 過 以 則 IIII 故 以 桂 健 道 利 Œ 也 而 不 濟 濟 中 日

玄》準之以難。

《象》曰: 山上有水,蹇。君子以反身修

乎? 有所未善則改之,无慊於心則加子。 有所未善則改之,无慊於心則加之遇蹇難,必自省於身,有失而致之正,「反身修德」之象。《易傳》曰:「君子山上復有險,行者蹇也。六五反四而山上復有險,行者蹇也。六五反四而

宜待也。初六,往蹇,來譽。《象》曰:「往蹇來譽」,

矣。鄭氏本作「宜待時也」。 发知時之「譽」。初動而往,離坎變兑, 、於四譽之。往則蹇,來則譽,「宜待也」。 於口譽之。往則蹇,來則譽,「宜待也」。 然知時之「譽」。初動而往,離坎變兑, 來而止,安時處順,待可動而動,則有見 案之初有險在前,往則遇蹇,知不可往,

喜之也

六二,王臣蹇蹇,匪躬之故。《象》曰:

王臣蹇蹇」,終无尤也。

九三,往蹇來反。《象》曰:「往蹇來反」,内 故」也。 蹇」。 蹇,「終无尤也」。《易傳》曰: 然志靖王室,忘身以衛其上,雖蹇之又 能濟難。 二柔濟五,才不足,疑若有尤。 履當其位而艮體,有保其躬之意。 二往 志義,謂其无尤,所以勸忠蓋也。」 濟五,身任安危。五坎變坤,「匪躬之 濟五之險,蹇之又蹇。故曰「王臣 臣」也。 五,乾王 坤爲身,三折之,目視下爲躬。 蹇時非有才而剛,上輔其君,不 五在險中,「蹇」也。 也。二,坤臣也。 二應五, 「聖人取其 六二犯難

故「喜」。《易傳》曰:「反,猶《春秋》之言往蹇來反」,以内喜之而反也。陽得位,卦之主。初二柔爻,恃之以拒外險,「故往則犯難,反則得位。九三重剛,爲下

歸也。」

位實也。

位實也。

《象》曰:「往蹇來連」,當

以剛實濟之, 連,牽連也。 五難,當位而 六柔无應,往 當位」。 承五,下 九三剛實,四 又得濟之實也。 柔者安能獨濟乎? 則 犯 連 難 故「往 九三、故「來 牽連之, 蹇」。 處蹇 共 連」。 難 陽 來 爲 濟 則 不

以中節也。九五,大蹇,朋來。《象》曰:「大蹇朋來」,

中。 成兑,水澤節之象。 二,三來比之,「朋來」也。 獨安其險,剛正 險者,人情之所 五 大者得 在險得中道,應六二者有節, 陽與陽爲朋,朋謂 位、當蹇之時,如是 足 不敢 以 節者, 犯也。 任天 九三也。 處 下之 五爲坎,三來 五在 蹇之節 乃 難 五 險 爲 則九 而 下 應 得 不

> 其要在於九五乎? 智。」武王曰:「今朕必往。」濟蹇大難者 之不來矣。 應於下者,失剛柔 進,同心協力,斯可 爲六二、初六之所 三之剛 口「大蹇朋 不約 來,以 圃 仲虺贊 自來。 中節 喜,而 緩急之節,則 以 湯曰:「天 也」。 九三外 濟天下之難 又六 若九 應上六, 四 錫 九 五 牽連 王 前 勇 招 郤 故 而

以從貴也。曰:「往蹇來碩」,志在内也。「利見大人」,日:「往蹇來碩」,志在内也。「利見大人。《象》上六,往蹇,來碩,吉。利見大人。《象》

爲石。 有位 三。三以 犯難,故「往 上六志在紓難,然柔 曰「往蹇來碩,志在 五 一足以行其道。 也。 碩, 故 剛濟柔則 剛大也。 蹇」。 日「利見大人」。 柔自外來,求助 難 内 離 九三其 也,才不 紓,志乃大得。 也。 日爲 德剛大,佐 見。 陽爲大,艮 · 足。 九五貴而 於九 柔 故

定矣。 利見 上六因九三以從九五之貴,則君臣之分 也 五 以 九五,斯可 濟天下之難 陽爲貴。 蹇難未解,人不知所從, 以 出 上 難 六 志 故 在 曰「以從貴 内 因 九

有功 草木皆甲坼。 來復言」,乃得中 免乎險,解。 攸往,夙吉。 震坎上下 也。 天地解 利西南, 解 《彖》曰 解之時大矣哉 利 m ·也。「有攸 雷 西南」,往 无所往,其來復 雨 作,雷 解, 往 險 得 雨 ,夙吉」,往 以 衆 作 動 也。 而 古, 百果 動 其 mi 有

之九三也。 坎險 反,解之九二乃蹇之九五 險難解矣。 解 平易之意。 乎險難, 也, 此合二體言解 震動也。 以是動,動而 故曰 坤爲西南,其體順,自艮 坤 「解,險以 又爲衆,當蹇難之後, 他卦名 也。 出 也, 不 動, 乎險之 再釋, 九 解 動 者 四 而 蹇之 乃蹇 外 解 免 反, 則 平

吉、《彖》 九二言處 治,蓋不知 復有爲,姑 而 家,必 治,所謂來 當正紀綱,明法度,反正理,追復先王之 謂也。 來復一 爲中。 衆也」。 乃反商 乎險中, 者,指二也。 衆與 下,亂既除,則 解其難 皆 之, 厭 綱紀法度廢 一,乃爲得中。 得中 政,是 大難既 亂 此以 曰「來復吉,乃得中 以身任 是 解之道也。大難 而安平无 來復之義也。 隨 復 - 則吉。 以 四 時維 也,此 也。 難 九三言處 以 得 解, 方在 之 平易 不爲可久可繼之治,不 衆。 持而 故 亂 无 而 《易傳》曰:「天下國 事矣,則无 天下之吉也。」自 口「解 「得 所事 外,二往 湯 之 不辭,當 而後禍亂生。 解之道 已,故不能 道 代 故曰 中」者,合宜之 於往 雖 利 虐 往 也 解 西 以 順 无 是時 一濟難 也 所往 也 「南,往 寬 乎 其 所 此 往 成 則 則 以 武 也 復 以 漢 善 五 往 而

草木一 以 之。 果,在草 也。 出 荀 故有百果草木甲坼 於草荄木根之時。 生之難。 夙,吉」。此復以九二言終則有始之道 則二先往,「夙」也。 解、緩也、宜以 未 爲 爽曰 如 山 乎東,夙之象也。二之五,正而 盡 (中矣。 心此其 不有蹇 震者,天地之始交也,天地始交, 春分,雷始發聲,故《太玄》準之以 蓋聖人 不 而 「據 瞬息間 當 早 -爲蓏。 雷動 圖 有 速者,不失時 五解 因 「解之時大矣哉」,不言義 (則无 之。 爲者,不可不往 一論 其甲皆坼 雨 夙 陽止也, 天 難」,是也。 緩則難, 爲戒。 流,天地難 解,故反復爻義 地始解之義,而 之象。 離 離爲日,震 爲 , 无不解 艮反爲震,陽 也。 故曰「有所 甲解者,坼也。 以 深 解 排 解,則百果 而 艮在木爲 氣 東 反 有 不 者。 言之, (方,日 所 爲 미 卦氣 以 古。 蹇, 往 解。 所 動 物 明 往

象》曰: 罪也。 九二 是義也。 内 雷 後世多赦 有罪者宥而從輕,與民更始,則難 雨 外有坎,坎爲獄。 |未失中而陷之過也,九四 作 -,天地 君子於是時過誤者,赦 雷 雨 作,解。 重悉原,刑罰不得其平,失 之難解 九二、九四 萬物 君子以赦過宥罪。 輿 新之時也 皆不 不 而 不 中 解 問問 Ē

咎」也。 《象》曰: 剛柔之際,義「无初六,无咎。《象》曰: 剛柔之際,義「无

謂義 也。 柔之際,以柔 屯,剛柔 而 難解。 雖未 辭 始交 寡 E 如 難 而 自 圃 此 既 无 難 者,吉辭也 處 咎 解 生,故六二 而 ,得其宜 剛柔分矣。 下剛 剛 也 乘 而 剛 能 得 初 宜之 柔 六 雖 者 剧 正

九二,田

獲三狐,得黄矢,貞吉。《象》曰

「九二貞吉」,得中道也。

去,武三思是也。」 小人不可不去也,小人去則直道行而得 時,小人乘之而惑其君,則難復結矣。 得尊位,於剛斷及明有不足。 中色,「得黄矢」也。 也。二動離爲坤。黄,地道之美,坤之 爲弓,三離爲矢,三動以正,弓動矢發。 **蠱,蠱**亦惑也。自二至四,三爻不正,皆 狐,狐善疑惑。《春秋傳》卜徒父謂 二貞吉」。九二剛中,爲五所任,六五柔 二剛上行,歷三爻而坎毀,「田獲三狐」 具坎艮而近五,小人惑其上者也。 二坎 二爲田,自三至上,有師象。 則中直之道无由行矣。桓敬之不 矣。《易傳》曰:「羣邪不去,君心一 正則吉。故曰「九 四 難解之 艮 坎 狐 爲

且乘」,亦可醜也。自我致戎,又誰咎也?六三,負且乘,致寇至,貞吝。《象》曰:「負

之,與四五爲狐,自三言之,爲負乘,自 上,三公之位,小人而在高位。 自二言 乘,「亦可醜也」。 故「貞吝」。 矣」。三正則乘象毁,不正則盜斯奪之, 盜,故曰「小人而乘君子之器,盜斯奪之 子,故曰「乘也者,君子之器」。 上六言之,爲隼。 人竊位則寇至矣。六三一爻當内卦之 曰戎,盗用衆,「戎」也。致戎者以不正, 六三上負 人,故曰「負也者,小人之事」。 自我致戎,又誰咎」哉? 四,下乘二,坎爲輪。 車服所以昭庸,宜負而反 陰爲醜。 難解之時,小 辭曰盗,象 四 九爲 六爲 I坎爲 君

拇」,未當位也。九四,解而拇,朋至斯孚。《象》曰:「解而

曰: 朋謂二、四當大臣之位,下與初六之象。 九四陽也,陽與陽爲朋。劉牧四震爲足,初在下體之下,動而應,足拇

難作。 故 子之誠有不至也,其能爲五得君子乎? 陽處陰,於正 其拇」,則九二自「至斯孚」於五 而 人相 去。 拇不解則小人進,小人進則君子去而 蓋 應,則九二 觀近臣,以其所主也。 疑不足,復比 君子與我朋類者不 小人,則與君 矣。 故「解 四

曰:「君子有解」,「小人」退也。六五,君子維有解,吉,有孚于小人。《象》

成巽,巽爲繩。 理亂繩,維有解其結而已。九自二之五 内外之力以濟其難,非以勝小人也。 難生之初,剛柔交錯,小人道勝,君子合 在下,不唯君子安之,以信于小人,小人 正故吉也。 五之吉,孰大於是? 而 應者,孚也。二之下,小人退也。 不疑,是以 解之者,使剛者在上,柔者 故曰「君子維有解吉」。 險去難 六下之二,與九 解,物莫之傷。 如

> 臂之有疾,本於陰陽揉錯,善醫者導之, 等之有疾,本於陰陽揉錯,善醫者導之, 好亂之,解天下之大難者亦然。陽爲君 分亂之,解天下之大難者亦然。陽爲君 子,陰爲小人,故二以物言之爲狐,以陽 等之爲君子。五君位也,以陰言之又爲 所,釋然解矣,不善治者又從而 以入之在上者,唯其時物也。

《象》曰:「公用射隼」,以解悖也。上六,公用射隼于高墉之上,獲之无不利

六在 發。 則悖 也。坎爲弓、離爲矢、上動之三、弓動 解道已成, 人之鷙害者,當解之終,離乎内而未去, 用射隼于高墉之上,獲之」也。 六三小 三公位,坤土坎險,積土當內外之際,墉 上,動不失時,以解悖亂。 巽爲高,離兑爲隼,六三之上,「公 而不括也。 解 悖而未去,其害堅强矣。 則 天下之難解。 无不利 六三

上 易 倳

七六

陽息 不同, 益 廟 則益之,一損一益,循環无窮,則「二簋 反哉? 未定也,時焉 可 不 可知矣。 可用享」,豈不信乎? 三代之王所損益 而 太玄》準之以減。 ,艮爲門闕,爲手,震爲長子升自門闕 不 明損益之用 ,不爲有餘, 薦之,享也。然則二簋 損 「消息盈虚,與時 益 而盈,否者陰消 可用之以享鬼神則一也。 秋 故 可損 嘗冬烝, 或損之,或 日 「損剛益柔有 而已矣,●則損 因時 而 也。 損,不爲不足, 品 偕行」。 而行,當理而 在卦 而 益 物 虚,盈則損之,虚 之, 名 氣爲 可 時 時」。 所應 此反復二卦 焉 用享 也 可往而不 處 止 上爲宗 之 可益 其 暑,故 泰者, ,者,特 時 簋 而 故 有

慾。 象》曰: 下有澤,損。 君 子 以 懲 忿 窒

山 下有澤,則 山 日以 削, 澤 日以 壅 一,有 抑

> 之所可損 則溺人,懲之然後平,窒之然後清,君子 懲忿也。 澤之壅也,則窒慾。 塞之,窒慾也。忿不 損之意。 兑説 唯此二者。 君子 也,坤爲土,震 觀 Щ 之削 艮止 懲則 也,震 也 凌物, 慾不 則懲 爲足,土窒 雷怒也 忿

初九,已事遄往,无咎,酌損之。《象》曰 已事遄往」,尚合志也

焚拯 初以 也。 往 四 미 九兑決,往四成離,飛鳥決起之象。 疾之意。 損 」,故「无咎」。 體艮,止也。已事者,止其 剛正 於 溺 志者,動於中也。 可 損爲 也。 一決斷止之,遄往乃无 九居四,宜 有咎。 躊躇不往 四坎水艮手,酌 損 有咎。 事有當 宜 一則事已成而 堪 酌 不事也。 「已事 咎, 損, 可 於其 損 如 遄, 遄 不 救 之

損,損 益 往。 吉,无咎,可貞,利有攸往,曷之用,二簋 用享」。 盈虚,與時 艮兑 上下 曷 下益上,其道上行,損而「有孚,元 之用? 損,有孚,元吉,无咎, 二簋應有 偕行。 二簋 時 可用 損剛益柔有時。 享。 可 貞,利有攸 《彖 ≫ ⊟ 可 損

之也,故元吉。元吉則於 之以天下之正理,非私心有所好惡 孚也。凡損之道,損抑其過以就理義 以三、上二爻言損 上也。 損。 人情莫不欲損也。泰九三正也,其始損 誠也,誠則上下内外无不信,乃可損,以 其基以增上之高則危矣,非益也,故 而 泰變 出 謂之損,上以益 也 於正也。 損下益上者,以其下事上之道行 故曰「損下益上,其道上行」。此 ,損九三以益上六也。 上九宜有咎,然 也。 爲基,●譬之築墉,損 損六爻皆應,有 理 義爲无咎, 益上矣, 而无咎 而 則 乎 曰

> 用。 之本出 之享,春祠夏禴,品物少時也 卦皆有簋象。 足有鼻,簋也。 艮爲鼻。震巽爲木,木爲方器,有腹 則正 口,有問之意。 之道也。損之爲用,不可常也。 利有攸往」。 則可堅守其正勿失之矣。 其終安得无咎? 故曰「元吉无咎」。 者,損之以正,是 爲損,暫行復止,人不與之,其始不正 太過而人情不安,或損之不及,不足以 正 此因上九之往 何之乎? 之,往也。 於正 則何所往而不利? 雖 此再以泰九三往上言處 坤爲 以 抑損 損益相爲用也,損益二 以无咎。 損益二簋論 腹、爲方。 人其過 以 設問 上九不正 而正理不動, 自古· 故曰「曷之 故曰「可 也。 其簋 之,四時 震爲足, 往而 有損之 **兑**爲 不 有 損 , 可 不

<sup>) 「</sup>益」,汲古閣本、通志堂本、四庫本作「下

之過 之是已。 往」,如魯人欲以璠璵葬夫子,歷階而止 不損 合乎六四之志 而至於敗,敗豈其志哉?「已事遄 則 非 四 所 面 堪,不 蓋 及則損之无 事 有當損 益,尚 ()彼或

「九二利貞」,中以爲志也。九二,利貞,征凶,弗損益之。《象》曰:

其剛正 也。 五來下二,二往應之,弗損己之剛,而五 己,不能益 九二剛中而説,動則損剛爲柔。 也,以中爲志,守之用剛,待上之求者 然則「九二利貞」者,非謂動而 自益矣。能益其上,故曰「弗損益之」。 也,二動以柔説應之,枉道干時,徒自失 「征凶」者,動而上行,以柔爲正 心者雖 故曰「以中志也」。 无 而用柔説,適足損之矣。世之人 (邪心,唯知竭力順上爲忠,不 也。无益則容悦致 《易傳》曰:「失 以 六五 柔 也。 N<sub>o</sub> 爲 正 柔

六三,三人行則損一人,一人行則得知弗損益之之義也。」

其友。

〈象》曰:「一人行」,三則疑也。

有兩則有一,致一也。 朋,三與八成友。二一、七均火也,三、八 也,故謂之友。《太玄》曰:「二與七共 也。 地生生之本,非致一其能生乎? 獨立而无友者,有一則有兩,得配也。 均木也,●猶三即上也。萬物之理,无有 合,「一人行則得其友」也。三爻即上爻 損自泰變,三陽並進,「三人行」也。 三一爻損而之上,「三人行則損一人」 一者,損也。兩則變,一則化,是謂天 進成巽,巽爲不果,疑也。 九二上行,可則上六下居三,剛柔偶 則疑也」。 有兩者,益也。 故曰「一人 三陽

) 「二」,原作「三」,據汲古閣本、通志堂本、四庫本改

<sup>「</sup>木」,汲古閣本、通志堂本、四庫本作「水」。

「損其疾」,亦可喜也。
六四,損其疾,使遄有喜,无咎。《象》曰:

有喜。 九 則喜是也。或曰 害已去,亦安得不自喜乎? 四 豈不遄有喜乎? 益柔,六四亟損其柔以受初之益 君子見人之不善,若在己也。 X 復其所,在六四爲損 離位,而六四之疾 也。 人而不失己,故不戒 四下從初九,初九 初九往益以剛,非 初九益四,非損剛乎? **遄者**,離爲 然六四亟損其不 九二損剛,故戒以 使初九遄有喜者,六 見矣。 飛 鳥,疾之象也 其疾,在 以 也。 損 剛 善,過咎未深 初 及其既 益 九之剛也。 日六四下初 柔。 子路 初九 初九以 初 益,各 九、六 聞 爲 而 遗 九 征 调 岡川

六五得尊位而虚中,上九以剛自上益《象》曰:「六五元吉」,自上祐也。六五,或益之十朋之龜,弗克違,元吉。

朋」也。 違」也。 應上, 龜象。 祐也。 貝曰朋。」蓋古者三人占則從二人之言, 故曰「元吉」。 五有伏兑,兑爲右,自上 道以 九三變,始吉也。 吉者, 吉之至善, 始終吉也。 復何疑哉? 之」,言益之者不一也。 五受益,則 五,五忘其 有用龜至於十朋者。崔説 謙爲貴,五受益自天祐之,獲元吉, 74 泰一 三變損 崔憬曰:「元龜直二十大貝,雙 應初,五應二,「十朋之龜弗克 變歸妹,二變節,皆有坎離 天下之善皆願益之。 尊,虚 上九 ,坤數十,四陰爲朋,「十 中而 益 上九變五,終吉也 五,正也,故吉。 納之,受益 天地、鬼神、人 是也。 上九自 或「益 者

上九損之極,乃有弗損。弗損於下,反臣无家。《象》曰:「弗損益之」,大得志也。上九,弗損益之,无咎,貞吉,利有攸往,得

古」。 遠 理也。 也,而人自益之,上九益 言上九益下,則得人心之服從者,无有 二曰:「二據四,家,言四以 以三,外本於内也。故虞仲翔解《鼎》九 不竭。 咎也 又易外以内爲家。 于二,故「得臣无家」,其益豈有窮哉? 二大夫位,爲家。上九反三,則六不比 以 何咎於 弗損益之」,其効至於「得臣无家」, 九之志「大有 近内外之限,非 益 則内外皆應,五 三,故曰「弗損益之」。 利有攸往者,六三往 益之以天理,則取之愈有,用之 夫益 損 人各自得 下,必以正 故「无咎」。 得 於分量之 適一 之所得不止於二也。 也。 四以初、五 理。 无求 家。以六三之 人之志豈 九 也 初爲家 上 在上 正理者, 内, 於 以 九 坤 故「正 二、上 如 不大 益 也。」 此 我 則 有

> 其 疆 日 道 大川」, : 異震 上下 天施 大光。 益 益, 一,損 木道 地 上益 利 生,其益无方。凡益之道,與 「利有攸往」,中正 有 乃行。 下, 攸 往,利 民説 益,動 无 涉 疆 而 大 巽,日進无 有 自上下下, Ш 慶。 Ó <u></u> 彖 利

時

"偕行。

民説无 天无疆 涣 説无 損者將以爲益也,損 上 心,是以民説无 兑,坤爲衆,民也。 下之初六,損上益下也。 益 至於自上下下,其道乃大光明矣。 皆有坎離,日月象。以上之貴能 面 否之變,損之反也。 則益道光明,文、武之下下是也。 疆 下,一變漸,二變涣,三變益 -彼此之限。 地地 此以初 與天合德,乃无疆。 疆 九言益之道也。 者,乾上九 故曰「損上益 下益上,其道上往 損上益下,得民之 損上之九四,益 益之巽乃損之 益 无 坤初也 下, 疆 下其 否自 民 則

有涉 也。 中正 之道 以中 坎 九 之衛父兄,孰不致其死力以犯大難 樂爲之用,人可以守,出可以戰,如子弟 坎上,乘舟之象。 故曰「利涉大川,木道乃行」。 天下受其益 而 自上 也 之變兼上、五二爻言益 其 言木者三、益也、涣也、中 一有慶」。 何 .坎之象。巽爲木,坎爲大川,木在 益 庄 往 變而 者,乾合坤 舟 下 《涣》 虚之, 得 道之行,自上下下,爲 往 虚 卞 言益 尊位 而 不利哉? 故曰「利有 其 曰「乘木有 此以損之九二往五 ,君臣上下,以中正益天下, 是爲九五一人之慶,則益 八道大 動 也 也。 者, 上益其下,百姓 中正觀天下。 九五 光。 否 也。 功」,《 本損之九二反 變 也。 此 巽者,巽 再 漸 此復 凡 以 中孚》 有 也 爲 뻬 利 初 )攸往 親附, 海,皆 皆巽 言益 涉 以 哉 九 初 大 推

益 分量 地,地 之益 震巽二 設」是也。 也。 之有 與 天 益 理則 變涣 此因乾降坤升以言益 乾變之爲无方。《繫辭》曰「益長裕而 輔其自然,各足其分,无 至震,其益 之時 時 地 有 時 一哉? 物者, 故 偕 經 並,是以 變益 日 得之以 也。 一體兼 曰「益 日日 進 益 故曰「天施地生,其益无方」。 圃 益 至盈乎天 益 以 極 日 在 初 能无 无 此 生萬 動 人 動 則損 封氣 疆 進 九之變 日,莫之能 人者,動 而 圃 而 疆。 ,如寒暑 異,其 以 物。 巽也。 F 爲 損極 損益二卦,終言乎 地之間 也。 一行 立 故 而言益 而異於 自坎至艮, 方也。 益 0 曰「凡益之道, 則 之不 禦, 无 天地之大,損 天 益 贵 益,其道 疆」。 故《太玄》 動 施 也。 以動 理 坤 停, 而 有方 亦然 爲 巽 陽 自 天 此 而 方 與 地 不 所 艮 於 夜

過則改。《象》曰: 風雷,益。君子以見善則遷,有

遷善者以改過爲益。 還善者以改過爲益。 不遷善則无改過, 是」也。初六不正,過也。初往之四得 之初而正。一變成離,離爲目,「見善則 之初而正。一變成離,離爲目,「見善則 是之,己有過則改之,忘乎已與 不下有過則改之,忘乎已與 不可,因,因,因為則 以之,。 以此,相益而已。 一變成離,離爲目,「見善則 是之,已有過則改之, 完乎已與

「元吉无咎」,下不厚事也。初九,利用爲大作,元吉,无咎。《象》曰:

厚事也。先王用民之力,歲不過三日,事,震有伏巽,動則坤見震巽毁,下不可正,得乾之始,元吉也。坤厚也,巽爲事大且善,獲元吉,則動而无咎。初九大作。大作者,作大事以益天下也。●陽爲大,震爲作。益之初,利用有爲而

大作也,非元吉則安得无咎?唯田與追胥竭作,其不可厚事如此。爲

爲工,帝者,天之工宰,故又爲上帝象。 為,損之反。益之六二,即損之六五,故 其象同。夫子曰:「辭也者,各指其所 是託又順,其鞠矣,五自外來而益之。 以故「十朋之龜,弗克違」。受益者也 。故「永貞吉」。言六二之虚中不可 矣。故「永貞吉」。言六二之虚中不可 矣。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。世、故「十朋之龜、弗克違」。受益者也。虚中 。故「永貞吉」。言六二之虚中不可 。世、故「十明之龜、弗克違」。受益者也。虚中 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可 。故「永貞吉」。言六二之虚中不可

■ 「大」,原作「六」,據汲古閣本、通志堂本、四庫本改。

用圭。《象》曰:「益用凶事」,固有之也。 六三,益之,用凶事无咎,有孚,中行,告公 事。 果於益可也。 益 三震動之極,爲決躁,異其究爲躁,果於 巽來益三,巽爲事,「益之用 九反三,復以誠信與之。 春生者也。三公以中道上行,見孚于上 不變爲玉,震東方之卦,交乾爲圭,圭象 上,中道而行,亦不可。 不當故也。 易以正爲吉,不正爲凶,六居三不正,上 五 爻以享于上帝,吉也,況六二乎? 六二受益 自 民者也。 ,聘之用圭,以 復於五 外 唯此乃當奮身不顧,如救焚拯溺, 來, 不已,獲天人之助,王者用此 ,有升自門闕,●享于帝之象。 益二 凶事者,患難囏阨,非常之 用之於凶事乃「无咎」,以位 然非有誠心愛民,見信於 一成兑, 達 其誠。 有 三,公位。 殺牛于宫象。 用圭之禮,卒 及其既孚,上 凶 事」也。

> 曰:「告公從」,以益志也。 六四,中行,告公從,利用爲依遷國。 咎。 申信也。凡祭祀朝聘,皆以達誠而已。」 簞食壺漿與,●而夫子止之者,亦此 爲善專輒 也。《易傳》曰:「禮大夫執圭而使,所 能 孚中行,上、三交孚,至於告公用圭,乃 事 口,「告公用圭」也。 則 固有其孚。 季路爲蒲宰,脩溝洫 反之。 有拊 告者,上告下 不然公雖人 傴其民之嫌,雖益猶 夫益 不白於君,以 用凶事, 臣之尊位也, 也 伏 《象》 兑 唯 有 類

曰「告公」。雖益人以中道,告公而不口,「告公」也。兑口坤順,允從之象,故行也。三,公位,初九應四,有伏兑,兑其中下行,故曰「中行」,益人者以中道三、四中位,六四當位以益下,四之初,

與」下,汲古閣本、通志堂本、四庫本有「民」字。

<sup>「</sup>升」,汲古閣本、通志堂本、四庫本作「外」。

依之以 從,亦 也。 以益 也。 國者順下而 事。」有當遷而益者,以遷爲中,不可 丘是也。● 六四告公而從,能遷其國者, 之以遷國可也。 故曰「依遷國」。 苟利於吾, 力不足則依 之初,「遷 》曰:「自古國邑民 遷,大事也。《傳》曰:「吾不能定遷 然非以益民爲志,雖有强國亦不可 民爲志,公信之也。 不可行。 遷,遷則不利。 國」也。 動 也。」 四,諸侯位,坤爲國。 衛文公依齊公而遷楚 依六三公位 不安其居則遷,遷 許子是也。 志,動於中者 加 後遷 《易 四

「惠我德」,大得志也。德。《象》曰:「有孚惠心」,「勿問」之矣。九五,有孚惠心,如問,元吉。有孚惠我

益人以誠也。五之二成兑,兑口問也。者順人心而益之。五有惠心,二信之,六二應九五,有孚也。中者心之象,惠

哉? 也。 問 天下」,則天下孰不以誠懷吾德 自益以誠,不費之惠也,是以 之吉也。 而 九五勿問,六二自順我德,而 六二中正,孚于五者,惠我中正之德也 善,故「勿問」。 而 「大得志」。《易傳》曰「人君 五不之二而守中正, 兑象隱, 勿問 後 惠,惠亦狹矣。 故曰「有孚惠心,勿問之矣」。 「元吉」,不 勿 問 失其 則 九 至誠 中正之德 始之吉 吉之至 五 於益 不 動

外來也。《象》曰:「莫益之」,偏辭也。「或擊之」,自上九,莫益之,或擊之,立心勿恒,凶。

恒也。巽股立也,三中爲心,上九莫益莫益之。上三相益,有雷風相與之象,上九益之極,有不益者矣,上當益三而

▶ 「齊公」,汲古閣本、通志堂本、四庫本作「齊桓公」

而已。 之,晚矣。何以知「或擊之」? 九「自外 來」也。傷於外者必反於內,人之情也。 往乘之,艮手上擊,九隕于下,●雖欲益 之,持其心不以相益爲恒,如是則凶矣。 上九安能有我而忘彼哉? 人道彼我相益而後安,「莫益之」,有我 一偏之辭,不知道之大全也。三

周易下經咸傳第四

「隕」、汲古閣本、通志堂本、四庫本作「損」。

八六

此以上 是 治。 姤變, 光矣。 以服也。 光。 木去蠹, 君,不利 同人之離,五變,離成兑,兑 曰「告自邑」。 修文德,文王無畔援歆羡,自治也 邑,言自治也。 皆有告命之象。 爲邑,履兑爲口,告邑也。 變大有,五變夬。 危 已。 ,孚大號 猶 自治則以 若隱 六應九三言處夬之道也。 故曰「孚號有 變同人,二變履,三變小 即 薰社逐鼠,豈 傳曰:「无瑕者,乃能戮人。」舜 于下,藉戎 戎 其誅 也 我之善去彼不善,小人 戎,戈兵也,離之象。 君子將治小人,必 告自邑者,告戒自 如如 姤巽爲命,同人二坤 決 小小人 兵以 厲,其危乃光 唐去李 夬之尚哉? 清君 不 于小畜、大 爲 輔 能 刑 國 側 揚 殺 先 于 而 我 也 所 則 夬 王 自 有 自 所 貴 近 故 私 四 不

> 月。 以五 禍至 乾,其道乃終,不能終則必有悔,彦範之 故曰「利有攸往,聲剛長乃 道,有始必有終,夬始於復,其剛浸長, 推 不誅武三思,●卒爲世患,剛長不終也 故曰「不利即戎,所尚乃窮也」。此二者 交兵幸一日之勝,則窮矣。 其 小人,如 柔尚存,君子之道 夬 原卦變,以言夬之所當戒也。 故《太玄》準之以斷毅。 剛終言處夬之道也。 者, 於覆宗。 漢唐之季召外兵以去近習,其 謂 其 乘 聖人之戒,不其深 時 去害,動 有未盡 終也」。 在 自古用兵 也。 而 一卦氣 不 剛長 君子之 窮 此復 爲三 乎? 也 成 去

下,居德則 象》曰: 忌。 澤上於天,夬。君子以 施 禄及

澤上於天,其勢不居, 必決 而 下流

不」,原作「下」,據汲古閣本、通志堂本、四 原作「性」, 據汲古閣本、 通志堂本、四 庫本改。 庫本改。

## 周易下經夬傳第五

不利 也, 庭」,柔乘五 — 兑乾 上下 剛 有攸往」,剛 「告自邑,不利即戎」,所尚 即 決柔也。 戎,利 夬,揚于王庭,孚號有厲。 剛也。 有攸往。 長乃終也。 健 「孚號有厲」,其危乃光 而説 ,決而和,「揚于王 《彖》 日 乃窮也。 告自邑, 夬,決

者也。 之而不怨,所以異於刑名家也 其和,非亢暴忿疾以 以五剛言夬之時也。 決一陰,故曰「夬,決也,剛決柔也」。 五 説 恩,敢於殺以失人之情, 陽長於下, 者, 兑也。 古之人退人以禮 一陰消於上,五陽合力 健 而説諸理,決而 力勝之,決之至 健者,乾也。 一,其用 豈知健 刑 彼嚴 至 一於殺 決 不 決 善善 失 此 而 而

位, 使知危者,安其位不可易也。 應,爭也。揚于王庭,發大號以信于下, 號令也,號呼也,命也,皆取 氏曰:「艮爲門庭。」上六下與九三相應, 氏傳》:「周史有以《周易》見陳 成異離,異爲號。 侯使筮之。遇觀之否,曰庭實旅百。」杜 知艮爲庭? 此以九五言處夬之道也。 衆君子共去之而无忌,以上六小人 得尊位,體兑,兑爲口訟。言於王庭,與 爲廷。「王庭」者孤,卿、大夫、諸侯、三 此合二體言夬之才也。 和 曰「揚于王庭」,「一柔」而「 公、羣士、羣吏之位,大詢于衆之地。 而未去,有危之道。 説之義? 一柔乘五剛, 日: 故曰「健 巽風者,天之號令,故 則其害未易去 艮行于庭。《春秋左 厲者,危也。 而 五,王位, 説, 或曰: 乘五剛」也。 異象。 決 一柔乘五 侯者,陳 也。 丽 何以 伏 和 八得 其 故 五

終无咎

也

正也。 累,外決小人而絶之,内 澤下流,「遇雨」也,言説小人而與之和 陽 頄。 之極,與上六小人相應,乾爲首,兑見於 《易傳》 疾視之,有愠怒則无咎。 又決以上六,●兑三動 愠,●无咎。」以象考之,《傳》爲是。三 決 爲頰,九三往應之,頰柔而增剛,壯 凶。 異多白 兑,和説也。 小人之浼己,如遇 小人而已,違衆應之有凶之道,不 乾爲衣,坤爲裳,而 「頄」,頰間 或 四爻不應,三獨上行而遇之。 兑 曰「爻辭差錯」,當云: 行遇 眼,上 君 骨。 雨 子亦有 ,君子夬夬,若 視 君子當 鄭氏本作「額」。 而 復 雨 不 成 自 此 愠 霑濡 遇兑澤,霑濡 故曰「終无咎 悦 乎? (兑,「夬夬」 健 ,「愠」也。 則棄去情 一壯 其衣,又 決 決之。 于 濡 日: 頄 有 健 于

> 不信。 九 ·聞言不信」,聰不明也 四 一,臀无 子如怒, 《象》 膚, 曰:「其行次且」,位不當也。 亂 其 庶 行 遄 次且,牽羊悔亡, 沮 ,當怒 而 怒 也 聞

趑趄。 位 則 足,欲前而 而 下侵之,不足於柔也。 後,動有伏艮 膚則不可以處矣。 陰在上,衆陽争趨之, 不 不前,故「其行次且」。 當 前,以九處 成兑,兑爲羊,羊性 初,讓三陽 ,却行而使之先則行。 也。 次且,不可前矣。 九五 然則 爲臀,艮柔爲膚。 礙之,又柔 使 四也,故曰「其 先 爲 四本大壯 行 九四者 故「臀无 很, 九四居 次旦,一 斯 處 而 牽挽則抵觸 可无 張 如如 則 少決 載 震, 行次,且 乘 膚」。 何 三陽 E 悔矣。 ? 日 剛, ); 則 本作 卦 之 却 爲 无

<sup>「</sup>又」,原作「父」,據汲古閣本、通志堂本、四庫本改。」「愠」,原作「惕」,據汲古閣本、通志堂本、四庫本改。

上六居位而安,有伏艮,居德象也。矣,故以此施禄則可,以此居德則忌。然後仁以行之,若決而散,則不可以畜必將至也。君子之於德也,寬以居之,止有大澤,則民夫人待于下流,知惠之上有大澤,則民夫人待于下流,知惠之君子體夬之象,故施禄澤以及下。兑爲君子體夬之象,故施禄澤以及下。兑爲

「不勝」而「往」,「咎」也。初九,壯于前趾,往不勝,爲咎。《象》曰:

剛已壯,長而至於五剛,則 之,過也。不正,故有咎。 應,不可動而 動,趾也。夬自大壯積之,在大壯 无應,動 大壯之趾 大壯震爲足,初九在下體之下, 侍其剛壯,不 盡 也。 而 也。 《易傳》曰: 往 先 大壯 不 正,不 動 計彼之不可 也。 所以 正不足以 凡行而有咎者, 今震足毁折,又 征凶者,初九 不日 初 九壯 勝 凶者,陰 而往決 勝。 應足 于前 時 九 无 之 74

皆決之過。

「有戎,勿恤」,得中道也。九二,惕號,莫夜有戎,勿恤。《象》曰:

九三、壯于頄,有凶。 巽風 二動 千萬人往矣,何恤乎小人,況窮寇乎? 也,勿憂可也。 陰氣將盡,陽氣欲生,雖 徒必乘人之疑 應,自處之至善者也。 正 具此三者,故曰「有戎勿恤」。 欲極之時,處中體柔,不爲過剛,中動 坎爲憂,離見坎伏,「勿恤」也。 于地,「莫夜」也。離爲戈兵,「戎」也。 離日在西之下,「莫」也。巽爲人,日入 ,可以決小人 爲號,應兑口爲號呼,故 成離 目, 異爲多白 以相 我得 矣,而猶不忘乎戒懼求 恐動,夫暮至於夜, 中道,行之以正,雖 君子夬夬,獨行遇 小人知將亡,其 眼,惕 有戎兵,窮寇 九二剛長 口「惕號」。 懼之象。 一爻又 而

雨

,若濡有愠,无咎。

《象》曰:「君子夬

明也」。 也。 不足 雖告,莫之聽焉。 羊者,讓 雖有是言也,九四未必聞其言而信之, 九四 於剛 不動則耳塞目毁,聰不明矣。 而先之」,如是 決也。 動,乃有坎耳、離目,聰 故曰「聞言不信,聰不 兑爲口,坎耳受之信 悔亡,正故 兑口 明之 也

「中行无咎」,中未光也。 九五, 莧陸夬夬,中行无咎。《象》曰:

主。 猥大而深,有赤白二種。 葉柔根小,堅且赤。 之,中道未光也。 鮮,伏巽爲白,商陸也。 莧陸,小人 深,爲難決。 君者。莧柔脆,根淺易決。 大壯震爲蕃鮮,兑爲澤,莧蕡,澤草也 當五陽 陸,商陸,亦澤草也。葉大而柔,根 並 九五得尊位大中,爲決之 進決小人之時,而 五兑,乾健決也, 乾爲大赤,上六之 五 商陸根 動震爲蕃 八之近 反 大 比 丽

矣。」往決上六,復成兑。故曰「夬夬」。決之往決上六,復成兑。故曰「夬夬」。決之往決上六,復成兑。故曰「五心有比,於中道未得爲光也。蓋別一道行。張載曰:「陽比於陰,不能无界,故必正其行,然後无咎。」《易傳》中道行。張載曰:「陽比於陰,不能无見:「五心有比,於中道未得爲光也。蓋人心有所欲,則離道矣。此示人之意深人心有所欲,則離道矣。此示人之意深入心有所欲,則離道矣。此示人之意深入心有所欲,則離道矣。此示人之意深入心有所欲,則離道矣。此示人之意深

「凶」,終不可長也。上六,无號,終有凶。《象》曰:「无號」之

姤 與長也。天地相 正,天下大行也。 ",遇 也 0 柔 遇 剛 遇,品物 姤之時義大矣哉 也 勿 咸 用 章 取 也 女一, 剛 遇 不 中 口

著矣。 再 子,至巳成乾。 而 也、「咸章」也、皆謂出於離也。 於離,與乾 陽極陰生。午者,離也。荀爽曰 女禍。此以初六言姤之戒 之祥,熊羆爲男子之祥,剛柔反易,必有 女,不可與長也」。 女壯男弱,不可與久處,故 也,故曰「女壯」。 剛言姤之義也。 姤,遇也。柔出 以 言之曰「品物」。 ,遇也。 初 六言姤之時 故曰「天地 相遇,故萬 柔遇剛也」。 巳者,巽也。 圃 女德柔 陰息剥 相遇,品物咸 遇剛,若邂逅然,故 品物 《詩》以 也。 物皆 順而 此以 咸章,則相見者 姤,五月卦 陽,以 相見。」相見 也。陽 虵虺爲 轉而 日 剛 「勿用 一柔遇 萬 章」。 柔變剛 健,女壯 「坤出 [物,别 至午, 生於 女子 此 取

> 用也。 也。 成姤 遯爲 中,臣 亦猶 幾乎息矣。 之遇。莫之遇,則天地閉,賢人隱,萬物 道行乎天下,故 姤者,夬之反。夬一陰自上而 《太玄》準 中正之君,有其位,有其 夏至也。舉二至則律曆見矣。 來復」,冬至也 有臣, 天地之相遇。 此以二、五兩爻、卦之反復言姤之 也。 天地 乾爲天,天下行也。 天下有風,姤。后以施命誥 之以 九五 比剥爲有君。 故曰「姤之時義大矣哉」。 也,君臣 遇。 曰「剛遇 於《姤》言「品物 剛中而 故曰「剛遇 也 一非其 》於《復》言「七 Ē, (時。 中正,天下大 以剛中之臣 君也。 君臣 君臣相遇 時 下,五 也 中正。 九二 咸 旧相遇 亦 章」, 姤 剛 草 遇 比 四 H

一天下 命誥詔四方」,君與 有 風」, 乃 與 萬 萬 物 民 相 相遇 遇。 之道 后 以 也。 施

方。

也

許慎作「檷」。

謂九二也。

初六陰

之象。 天 也。 也。 風 享帝,是也。 巽爲命,自上而下,兑爲口,施命誥 制,建國,作樂,省方,敕法,閉 后,或稱君子、大人。先王者,先王立法 離,離有伏坎,變兑有伏震,「四方」也。 陰陽家有風律之占,源 地之道、施 者, 之通稱,大人者王公之通稱。」 景風 周 《易傳》曰:「諸象或稱先王,或稱 天之號令, 流 南南 天下,无所不徧,故 也。 命誥四方是也。 后者,後王之所爲。 閶 以 闔 時 於此。 丽 西 也 動 君子 關,育物, 姤自夬變 后體 明 廣 (莫,北 庶 · 則上 四方 裁 成 東

也。 豕孚蹢躅。 初 姤初 六,繫于金柅,貞吉。 絲,乾 六, 五 變 《象》曰:「繫于金柅」,柔道 月 爲 離卦之一陰也。 金, 堅 重 有攸往,見 也。 柅 離巽之柔 絡 N 絲 跌 牽

> 堅重 九二 常 ? 柅」。 皆艮巽之動。 在於陽,九二 制,進退 震 陽變陰,「羸 二也。 柔不 金柅,則 乾初爻甲子,子坎位爲豕。 初、二相易成離目,「見」也。 初六「繫于 乎也。 爲 Ē 躁, 降初,剥剛而進,「凶」也。凶,戒九 之器, 君子、小 言初陰,辯之不早,●必見凶害。 蹄躅 柔 六 與九二相 巽爲 牝 道 變 金柅」,貞則吉,勉 乃 豕 豕」也。 미 而 有 股,爲 艮 而 可 感陽,志欲 不繫 所 躁 Œ, 手也,巽股也,手挽之 在 經 遇,如絲紛然,繫之以 牽矣。 動 正不 理 進退。 則 于金柅乎? 不安,其意 羸豕,牝豕也。 「吉」。 正之間耳。 故 易言「牽」者, 往前 曰「繋于 初 陰有攸往, 初九變六, 陰 初六也。 人亦 爲 未 應 始不 二所 四, 故 何

) 「不」、原作「下」、據汲古閣本、通志堂本、四庫本

九二

子小人,相

陰,其 m 股 動 心 未嘗一 君 日不 欲 害君子。 爲 消 長, 陰 雖 初 雖

可 忽

弱,方來也, 五陽雖强,既往 也 丁其

諸? 自古禍 亂 或 始於牀第之 近、 給

之賤、夷裔荒服之遠,易而 忽之,馴 致

大

使

亂。 反求其故,必本於剛正不足。 若 柔

血 道有牽,君子小人各當其分,禍亂 作? 或曰: 異離 爲 絲 何也? 何 日 由

異爲 生風, 木,爲風。 風化蠱。 巽變離木,中含火。 蠶爲 龍 馬 心之精。 龍大 火

原蠶。 火,馬火畜。 故《太玄》以火爲絲,賈 蠶 以 火出 而浴,畜馬 〈逵以 者 離 爲 禁

絲。 郭 璞曰:「巽爲 風,疊屬龍 馬,絲出

中。

九二,包有 包有魚 ,義不及賓也 魚 无 咎 不 利 賓。

**>** 

E

下者,魚也,民之象。 初 也。 初六易四 成兑爲澤,巽 初者,二、四之所 于澤

> 初將散 陰出 所以无咎。 近 民,得道則歸往,失道則携持 亦義之所不及也。 能 位。二體巽,東南方,主人位。 四 得,故「无咎」。 欲 民,爲二所有,非九 在外,動 矣,故義不 内外之間,顧遇民之道如何耳。 包者,遠於民也。 遇 初 亂 本 陽 應 圃 而 《易傳》曰: 二近而 不可 四 易初、 可及賓也 ,九二據之,宜 若二不能包,四又遠民, 制矣。「賓」,謂 四之利,而九四 初成乾,西北方賓之 包有之,●於遇道 古者有分土,无 「遇道當一 民不可有二君 而去,无遠 有咎。 一,二則 初六之 四 [所不 也。 爲 然

象》曰:「其行次且」,行未 姤者夬之反,姤之九二,即夬之九 臀无膚,其行次且,厲, 牽 也 无 大咎。 四,故

「二」,原作「一」,據汲古閣本、通志堂本、四庫本改。

0

有其魚,四失所

遇,失其民

也。

起,

動

動成離,戈兵之象。三動,初愈不

九四,包无 凶」,遠民也。 大咎」。 者,初非三之所宜有,四失初則凶矣。 艮隱巽見,故曰「柔 者,且進且退,不能遽行。巽究爲躁、爲 咎,而遇情未忘,故「其行次且」。 次且 之,三非義求遇,亦何所得 陰陽之情,必求相遇。 不去,可謂危厲。然九三剛正 陰之所欲遇者也。二比於初, 也,故「臀无膚」。 膚也。二不動 二爻同 「不可而舍之,初陰不能牽其後,故「无 退 故也。處則 牽者,手挽股 魚,起凶。《象》曰:「无魚」之 艮在 而 爲二所侵,行則 下體之上,爲臀,其柔 侵三,艮 臀无膚,則不能處矣。 未牽」也。 動。 初陰在 12哉? 成巽,柔不足 初爲二所制, 不日 處巽,知 下, 已包有 有求 亦必 亦三 X 有 而

> 也。」 也。」 也。」 也。」 他, 世,自遠其民,故九二得以中近之。 是无常心,撫我則后,此九四所以凶 民无常心,撫我則后,此九四所以凶 民无常心,無我則后,此九四所以凶

不舍命也。曰:「九五含章」,中正也。「有隕自天」,志力五,以杞包瓜,含章,有隕自天。《象》

始。 也。 艮,在草爲 葉大而蔭。 巽, 兑爲澤, 澤木 成離,離爲文章,不動含章而 防民之潰,故曰「以杞包瓜」。 九五 在上,遇九二之賢而用之,以剛守中道, 二,巽木也,變乾爲大木。 瓜譽則 九五當陰長之時,含章不耀,中正 蓏。 民、瓜 張載曰:「杞,周於下者也。」 蓏,瓜屬。 前 雖可欲,而潰必自内 大, 杞也。 艮爲巽,包瓜 此爻自兑變 中正 杞似 動則

上九 角」,上窮吝也 含章, 含章 潰者,人也。 者,天也。 盡 《象》曰「志不舍命也」。 然或不勝至於隕 志,知盡人謀 復成巽,巽爲 自 終不舍天之命也。 曰:「以杞包瓜,文王事紂之道也。 其 乾 防中潰,盡人謀而聽天命者歟?」 下民者,在 人才。 姤其角,吝,无咎。《象》曰:「姤 不耀 而 中正 隕,「有隕自天」也。 故辭曰 九五含章,用九二以 也。 我有隕 盡 而 E 命,「志不舍命也」。 己。 自 人謀, 越者,亦 「含章」、《象》曰 處, 陰浸 以謂 故曰「有 越者,自天隕之,吾 是 則有 二陽爲陰剥,五 以 天也。 長,陽爻消 天之所命,以 能 時 五隕於二, 隕 用 而 防 九 自天」, 九 「九 勝天。 五之 張 Ŧī. 之 以 載 其

> 利貞。 萃,聚 Ħ 命 聚以正 「王假有廟」,致孝享也。 歸咎 也。 兑 地 上 亢 動 則吝。 而 也。 乎? 萃,亨。 剛 用大牲 觀其所聚,而 也。 極,人 是 順 「用大牲吉,利有攸 以 以 吉,利 誰 窮 王 説 與之? 也 假 0 剛 有 天地萬物之情可見 有 《易傳》 廟 中 攸 「利見大人,亨」, 而 以 利 往。 此 應, 見大人。 日 求 : 《彖》曰: 往」,順天 故聚也。 遇,將 Ē 九 安 高

聚,下以是從。 上以 坤 柔 此 五 順兑説也。上順 合二五 剛 中之臣 也 得位, 説其政 ,順以説 不然, 而言萃也。 應之,君臣 以 民不可 令。 剛 剛 此合二體而言萃也。 中爲萃之主,下有六二 上下 得而 中 民 而應,故 心以 皆 具是四者,然後能 聚會,以聚天下。 聚矣。 順 説之, 以説 聚也」。 故曰「萃, 一上以 民 亦 是 九 順

九,姤之極,有弗

遇

前

剛

角

也

上窮,不動則

不

和,不和則无

所

遇,

矣。

次之。 聚成 示之以大人之德,六二以正而往聚之, 聚未必正。凡有血 言萃之道也。 故曰「王假有廟,致孝享也。」此以九 攝衆志之道,非一其至,大莫過宗廟。」 道至矣。 自 民之所聚,必建邦設都,宗廟爲先,宫室 ,利貞」,「聚以正 不忘其親。 臨 諸侯大夫士各致其孝,報本反始,教 門闕升高至宗廟,有長子奉祀之象。 相易而言萃之道也。 正,適所以致争奪,安得享乎? 上爲宗廟 ,倫正民志定,物情相交而亨。 來, 王者萃天下之道至於有廟,則萃 離目爲見。 小過三之五 假,至也,謂五也。 《易傳》曰:「萃合人心,揔 天下既聚,未見大人,其 四本震爻,長子也。 也。 氣,必有争心,萃 故曰「利見大人, , 艮 聖人隨 此 爲 以 門闕, 王格祖考, 九五、六 時 而已, 巽 五

> 天地 耗荒 不大, 萃於上六、五萃於下,推廣萃之義 此以九三之五言萃之道也。 日 理,則百禮无不洽矣。所謂隨時者,順 天理而行,天理即天命也。 何往不利哉! 萃聚之世 「用大牲」也。 | | | | | | 也 而 「用大牲吉,利有攸往,順天命也」。 坤爲牛,兑爲刑殺,殺牛以奉宗廟, 前 至幽 萬物之情可見矣」。此以小過九三 有物,散而无形,散者必聚。鬼神 用大牲 爲八月,故《太玄》準之以聚。 各從其類。 也,而各享其類。 一,物之所聚者大,故 則鬼神福之。 謂三之五也。 物聚則力膽, 故曰「觀其所聚,而 萬物散殊 天地之氣, 異爲命,故 動而有成, 禮 舉宗廟之 所 以 用 時 不 可

日 于地,萃。 君子以除 戎

器,●戒不虞。●

矣乎 爲口。 微者,不能也。故此象以三卦 過爲之防,是以萃而无 **豈知戒不虞哉**? 始要終,以遏禍亂。 於未形,「戒不虞」也。萃則 變萃,聚所除之器也。 兵,脩弓矢,去弊惡而 巽爲繩,爲工。 虞翻謂三、四之正,小過、明夷變也。 萃自小過變,澤上 1 爲 上六既安之時,聚 秦銷鋒 甲胄、戈兵,坎爲弓。變小過, 艮爲石。 鏑 一於地,萬物萃聚之時。 唐銷兵率,至大亂, 聖人之憂患後世深 新之象也。 患。 明夷,坎爲寇,兑 異納辛,繕 而 非 多 相告,消 用 故故 明之,原 明 於至 君 寇 子 過 甲 明

其志亂也。 笑,勿恤,往无咎。《象》曰:「乃亂乃萃」,初六,有孚不終,乃亂乃萃,若號,一握爲

初六柔不中正,進則疑六三之間,已退

説動 易四, 爲 故曰 萃之正也。 萃聚之世,上下相求,以陰從陽, 也。 初應 也。 相應,何咎之有。 正,何恤乎小人之笑而 手,笑以喻意,微動之也。 三陰不正,惡 不 三陰之中。 I 能 ,有造爲之象。故曰「一握 而 專 「乃亂乃萃」。《象》曰「其 兑爲口,巽爲號,若四在上號召之, 四、巽爲進退故也。 其志惑亂不決,是以「有孚不終」. 出聲笑也。 握手也。 以 故曰「勿恤,往无咎」。 待。 乃萃者,欲 初之往 志 不則,與 兑爲口,爲説,離喜 爲笑者 乃 合於四。 亂 不往哉 進 者 小人爲徒, 「若號」,謂 艮爲手,三往 ,獻笑也。 M 與 志 退 1 爲笑」。 動 亂 四 而 往 而得 也 相 亂 巽 其 非 而 四 於

<sup>「</sup>戎」,原作「戒」、據汲古閣本、通志堂本、四庫本改。

<sup>「</sup>志」、汲古閣本、通志堂本、四庫本作「應」。「戒」、原作「戎」、據汲古閣本、通志堂本、四庫本改。

義,畏小人之非笑,相率陷於非義,皆不 不 知萃之道。 知堅守其節,從 應以 動,捨君子之正

日: 六二,引吉,无咎。 孚乃利 「引吉无咎」,中未變也。 用 棆。《象

爲聲,爲長子,有長子用禴祭之象。 六二與五相易,離爲夏,五本小過震,震 也、精意承之、雖薄可以薦也。 萃之本。其誠素著,不假外飾。 未變也」,不變之中,有孚相應。孚者, 矣。巽爲繩,艮手持繩,相應引也。故 之而後應,不急於萃者也。 於其間,得位 曰「引吉,无咎」。《象》曰「引吉无咎,中 静而待唱,引而後往,其聚也有吉无咎 萃聚之時,初三同體之陰,皆萃於四,己 「孚乃利用禴」。 以聲爲主、祭之薄者。 一守中不變,其志須五牽引 夫君臣以道相感,精 上六宗廟, 然陰從陽, 臂之祭 禴,夏

> 象含其意,以存戒也。」 其有中正之德,可冀其未至於變耳。 化,●至于既孚,二、五相易,乃利用 迎 須正應,剛立者能之。二,陰柔之才,以 誠 《易傳》曰:「萃之時能自守不變,遠 致,不言而 動。 蛟潜于淵, 陵 卵 禴 自

《象》曰:「往无咎」,上巽也 六三,萃如嗟如,无攸利,往无咎,小吝。

而往 六无 於二,二應五莫知所萃,故「萃如」。 六三履非其位,欲萃於四,四應 不與,雖嗟之无 爲號,兑爲口,「嗟」也,故「嗟如」。 上,上來應三成巽。 巽則不亢,三宜往 二之間,故「小吝」。 與,據高慮厄,●孤立求助,六三動 則正,正 一則 无咎。 所利,故「无攸利」。 陰爲小。 然三欲萃於四、 三往從 初欲 萃

卵」,原作「卯」,據汲古閣本、通志堂本、四庫本改。

汲古閣本、 通志堂本、 四庫本作「危

而萃也。小吝,過矣。

立下曾也。 九四,大吉,无咎。《象》曰:「大吉无咎」,

位不當也。

也。 吉也。《易傳》曰:「非理枉道而得 民者,蓋亦有焉,齊之陳常、魯之季氏 五,下納三陰,上下皆正,是謂「大吉」。 之聚,理有未正,九 民所聚也。 九四上比 大吉,則无 得爲大吉乎,得爲无咎乎?」 於五 不當位之咎。陽 然九四 寸,君 臣 四 處 聚 動 位 不當 則 也。 得正,上 爲 下據 ,疑於上下 大, 大者 一承於 君得 是

《象》曰:「萃有位」,志未光也。九五,萃有位,无咎。匪孚,元永貞,悔亡。

九五 其 而 所 不全,能无悔乎? 至狹。所萃者有定位,得近遺遠,聚 得尊位,天下皆萃而歸之,於是 孚,可以知其志。 於人君恢宏廣博无所 纔足 而專於六二,係 以 不萃之志 自 守,免咎 觀

> 也。 也。 无咎, 道矣。故曰「元永貞,悔亡」。横渠曰 黨,其悔乃亡。若五以萃二爲光,失是 動而應二,乃具此三者。 正,當有君德而永貞。 萃二,有坎離。 大人體此,以仁覆天下,永久也,貞正 於无所不萃之志未光也。 上,獨五不可專萃於二,萃則陋矣。 未爲光大,匪 一,故曰 志」字。 居得盛位,不能見大人之德,係應於 體仁在上,久正而不變,唯九 蓋初 匪孚」、《象》曰「萃有位 有位。」一本作「未光大」也,无 可萃四,二可萃五,三可萃 所謂 坎離爲光 孚也。 元者,善之長。 如是則无 故曰「 而日未光者。 九五剛中 「萃有位 志、未光 偏无 五 五 不

洟」,未安上也。 上六,齎咨涕洟,无咎。《象》曰:「齎咨涕

上六以柔乘剛,處上獨立,當萃之極。

是數者,其可久安上 咨涕洟,未安上也」。 求萃而之三,動而憂則无咎。 立則无助,萃之極以柔居之則不堪。 曰 眼,艮爲鼻,兑澤下流。 其所宜憂也。 咨,歎息 六三柔不 洟,出涕洟 也。 正,不足以 艮爲手,上三相持,歎息 也。 上之三成巽,巽爲 然乘剛必危,處上 位 爲 在目曰涕,在 乎? 援。 齎,持 亦必至於 多白 也 兼

也。「南征吉」,志行也。而應,是以大亨。「用見大人,勿恤」,有慶吉。《彖》曰: 柔以時升。巽而順,剛中計 與下升,元亨。用見大人,勿恤。南征,與 與下升,元亨。用見大人,勿恤。南征,

也。 乎上,其升以時,不爲富貴利達動其心, 上,上巽乎下者,坤可升之 升者萃之反,柔在下者也。 柔以 卑異在 時升」。 下 此以 圃 順 乎理 坤 體 一,剛 在 時 上言升之 中 以 (時而 也 自 守 故 而 升 時 平

也。 也。 之,道皆趨 升諸公與學以聚之。 盡矣,夫 陰固未退,及其清風戒旦,則羣陰 有慶及物 雖坤陰在 然九二六五應也,巽下順上,升之時也。 失位爲憂,之五得位,雖有坎險,「勿恤 則 可遽進。以人事言之,小人猶在 五,剛中正得位, 也。二之五成離,離目爲見。二升 易明升之才也。 而 而 得 應,是以大亨」。 故曰「用見大人」。 行,正則吉,二之五之謂也。 所謂恤者,二陽欲升,陰道凝 位 大則虞舜升聞 而大亨矣。 何 矣。陽爲慶 上,何憂乎不遂。遂往而 乎明也。 憂哉! 以此見大人,其升必 「大人」者,九二之 此合 故 在上,小則文子 故曰 離,南方 自下而上,達 也。 日 恤,憂也。 兩體,以 「勿 巽 夫日之初 而 也。 恤 順 有 《盛,未 上 解 五 征 而 剛 也。 慶 五 駮 於 升 百 動 中

此復 小寒,故《太玄》準之以 其 志 以九二之五勉其 以 上 正 而 行, 故曰「南 以 見大 上千。 (升也。 征 一吉,志 往 在卦 而 有 也」。

小以高大。《象》曰: 地中生木,升。君子以順德,積

雲所謂「木漸」是也。《易傳》曰:「萬物 長進,皆以 則,无本安能 大,其德日躋,亦以根於心者順 木根於地中,乃升 順爲德,不棄小善,積卑成高,積 順道 積之以 加 成高 上者,順 大乎? 也。 也。 楊子 小成 君子 否

上合志也。初六,允升,大吉。《象》曰:「允升大吉」,

在升時,九二九三俱升,六四當位,合衆初六巽之主,以一柔承二剛,能巽者也。順。二三四兑爲口,衆口順之,「允」也。允,施氏易作「敬」,進也。四坤爲衆,爲

之「孚」,有喜也 九二,孚乃利用禴,无咎。《象》曰: 正,初 荀爽曰:「一體相從,允然俱升。」 四,與上合志,「允升也」,是以「大 動 則 在 正 於 初 一、從九三、九三進 而 初 未 應 六 而 四 八吉」。 升於 順 而

也、盡 凡人從上,或出於勢位,則雖恭巽未免 祭。五納二成離,離爲夏。 發於中心,形 於上,澤被於下,此九二所以喜歟? 有咎,況望行 故升萃二爻反復同象,明二五之孚也。 長子,上爲宗廟。 上應,五柔納之,剛柔相與而孚,其爲 升,萃之反也。升之九二,即萃之九 故曰「九二之孚,有喜也」。 子升自門闕 一誠敬 而 已,非 道 於 乎? 面 奉祭之象。 艮爲門闕。 目 外 誠 者也。 飾 不足 也。 震爲聲,爲 是以 也 二升五, 得位 。二剛 薄祭。 道 五, 行

以 誠敬。无咎,乃難辭 爲主,用誠敬也。 二五 一相孚, 乃 利

九三,升虚邑。《象》曰:「升虚邑」,无所 疑

哉? 爲虚、「升虚邑」也。九三、上六相應 正,下巽而上順,如升无人之邑,孰禦 九三升上六,六坤之三,坤在下爲邑, 巽爲不果,三升上,巽毁,「无所疑 以

六四,王用亨于岐山,吉,无咎。《象》曰 「王用亨于岐山」,順事也。

者,正也。三者皆順事也。文王可謂至 事其君,亦恭也。 君,下順九三剛正之賢。升之於五,以 侯居于西山之下,岐山也。 正,則吉且 五,乾爲王,兑爲西方,艮爲山。 德也已,故能用此以 六四柔順,謙恭而正,上順六五柔暗之 。己則不出乎諸侯之位 亨于岐山。 四以 三升

> 六五,貞吉,升階。《象》曰:「貞吉,升階」, 二以服 憬謂「此大王避狄徙岐之爻」,誤矣。 諸侯以朝聘于紂」,則升九三可知。 无咎。坤爲順,巽爲事。三分天下有 事商,順事也。毛公言「文王率

大得志也。

賢不終,其能吉乎? 五正 而致治,故五「大得志」也。坤土自上際 升,則五正 「升階」也。五正二升,君臣道行,由是 六五虚中,降位而接九二,九二階之以 而吉。不正則信賢不篤,用 而吉者,以一

下,巽爲高,升階之象。

上六,冥升,利于不息之貞。《象》曰: 冥升」在上,消不富也。

消,消則不富矣,豈復更有增益之理? 矣,猶升而 坤爲冥晦,陰虚爲不富。上六利 四時之進退,萬物之盛衰,皆然。上六 不息,不知升極當降,長 極 極

德,則何利如之?」 傳》曰:「以小人貪求无已之心移之於進 于公卿大夫,可已 信樂善不倦是 不 知 冥於 升 也 也 唯施 不息之貞 圃 不已,不利。 於此爲利,若施 者 義 ^ 易 忠

剛中也。「有言不信」,尚口乃窮也。 其所「亨」,其唯君子乎?「貞大人吉」,以《彖》曰: 困,剛揜也。險以説,困而不失豐 岚上 困,亨。貞,大人吉。有言不信。

坎險兑 小人。 中。 揜,又陷焉 四、五之剛 者,心亨也。 困窒塞之時。 卦之爻言困 古人塵視富貴,夢視生死,唯 樂天安義 陽剛 説 也。 ,陷亦揜 爲三上所揜,二剛爲初三所 爲陰柔揜蔽 亨,通 故 也。 上九之二,處 困 日 丽 困 也。 也。 困自否 自 説,不失 陽剛君子,陰柔 困 剛 圃 而 揜 不伸,君子窮 來,二之上, 亨,則 也」。 乎 · 險 其 此 難之 所 不 窮 亨 以

能,以 説,困 也。 以言説處困,適所以增窮矣。 見揜者,天也,非人之所能爲,无怨尤 也」。此以九五言大人處困之才也 公、孔子是已。故曰「貞大人吉,以 凶 之裕然不失其正,吉且无咎,非大人 知 其 困,兑爲口,有言也。 而失其正者有之。 小賢,而大人德配天地者也。 君子通稱。 此合二體兼九二言處困之才也。 ,於道皆有咎。 所 而 也。 范諤昌曰: 已困而言人,誰信之。 亨也,唯君子 不 剛中也。 而不失其 愠,不亦 此聖人因上六以 對 剛 而言之,君子通乎大賢、 君子乎?」故 所亨,其唯君子 《彖》文「貞大人吉」下 能之。 剛而 剛 或不足,則困以 中 下无應,「有言 而 不中,則正 夫子曰 戒不善處困 若崇尚 Ę 文王、 日 在困,處 上六窮 大人, 乎」? 「險以 智免 或 П 剛 者 周 才 不 圖 致 不 可 中

霜降,故《太玄》準之以窮。 脱「无咎」二字。理或然也。在卦氣爲

初六,臀困于株木,人于幽谷,三歲不覿。 象》曰: 《易傳》曰:「雖阨窮而不動其心,行吾義 志。 厲,增益其所不能,无若困之爲速也。 身而常逸者,則志不廣。君子憤激自 以然者,命也。巽爲命。 而已。所以遂其爲善之志也。」 虚之理。君子聽命固窮,自遂其剛大之 子處困窒之時,澤不及物矣。 道困矣。 澤所以説萬物者,水也。 夫居下而 然水在澤下,未嘗不通也。 澤无水,困。君子以致命遂志。 无憂者,則思不遠; 。命者,消息盈 澤无水, 推致其所 則澤

覿也。 也。 守是已。 下,不明之象。 幽,晦而不明乎處困之道也。初在坎 私見曰覿,見之不正也。 於四,乾爲歲,初覿四歷三爻,三歲也 坤爲冥晦,「人于幽谷」也。 謬,自四反二,二又深陷,猶「人于幽谷」 窮困益甚,无自出之勢,故「三歲不覿」。 株木, 豈能濟人之困哉! 四、不知四剛不中,不安其居。 初六柔而 居陰,不安其居,「臀困于株木」者 艮爲山,坎爲水,水注山谿間爲谷。 初出不知四之困,人不知谷之 不正,困于坎底,妄動 何謂處困之道,安静 三離目不正, 入于幽谷, 初既失援迷 臀困 也

凶,无咎。《象》曰:「困于酒食」,中有慶九二,困于酒食,朱紱方來,利用享祀,征

象》曰:「人于幽谷」,幽不明也。

四

否艮,在上體之下爲臀。巽木、兑金

傷之,爲「株木」。

困,寒露節也,與大過

大過,小雪之氣也。

四陽

五動成震爲稼,二坎水往之,爲酒。兑

也。

四

者,唯 之困。 中,雖 也 所咎也。 動 祀者,祭上下之通稱,兼下言也。 升自門闕,長子奉宗廟之象。 廟,五動二往,震爲長子,艮爲門闕,有 誠意通于上下,故「利用享祀」。 中正,同德之君 上也。 也。 爲 乾爲衣,蔽乎膝上,「朱紱」也。 酒 求五,雖以正行,亦 其所欲之謂 而 食」也。 口 後 有 朱紱,亦謂 无 困 故 食 動,往 慶,勉之也。 乾爲大赤,坤 7所動其 一于酒 也。 故曰 曰「朱紱方來 酒 有慶 食 五 「征凶,无咎」。 也。 九五 方 心 不 圃 者, 矣。 來 則 動 无 陽爲慶。 《易傳》曰 人之所欲 中,中 丽 所 ·爲 也。 X 慶者,朱紱方來 \_ 一未 相 黄。 動 求,共 凶自取之,无 其 巽爲股,膝 九五來,然後 則 可 征 心,則九 赤黄爲朱。 「諸卦」 進 享,獻也。 往,「 困于酒食 凶,戒之 上六宗 退 濟天下 以 九二剛 若二 遲 施 困 谏  $\overline{T}$ 以 惠

> 也,如 陽爲 陰,故 君臣朋友義合也。」 爻,以剛中之德同 五 以 陰 陰所揜 夫婦 同 陽 道 相 骨肉 相 也。 應 求。 而 分定 吉 陰陽相應者 而 小 相應,求 惟 畜陽 也。 小 畜 爲 五 與 陰 而後合, 與二皆 困 自然相 所 乃 厄 陽 如 於 應 困

其妻,凶。《象》曰:「據于 六三,困于石,據于蒺蔾。 「人于其宫,不見其妻」,不祥也 蒺藜」,乘剛 人于其宫,不見

剛, 名辱,不量力故身危。 其位,非 坎離爲蒺蔾,中堅外鋭,蒺蔾之象,謂 石,謂三石之堅,不可以處者也 二也。●蒺蔾傷人,不可以據者也。 六三險而不正,不善處困者也。 所據而據,不量 所困 丽 困,不度德也。 力也。 名 辱身危, 不度德 乘 艮 死 巽 坎 三非 故 交 爲 乘

期,所謂亡之兆,非吉祥之兆。坤爲死, 又曰「凶」者,不見其妻,乃死亡將至之 困 爲宫,坎 三人于其宫,坎離象毁,不見其妻矣。 日「不祥也」。 非其位而乘二剛,凌人者也。凌人 至,故「入于其 八亦凌之,故二往乘三,兩爻相易, 爲 夫,離 宫,不見 爲 妻,爲目,爲見。 其 妻」。 艮 坤

祀。

《象》曰:「劓刖」,志未得也。

「乃徐

利

用

九五,劓刖,困于赤紱。乃徐有説,

也。曰:「來徐徐」,志在下也。雖不當位,有與日:「來徐徐,困于金車。吝,有終。《象》

剛得 四。 矣,又疑 九 下也」。 徐徐者,疑懼之辭。 而 四尚柔,九二剛得中,柔不足以濟 能 中乃可 四 與 載,故曰「困于金車」。四履不當 乾變爲 初捨 初 應 己 ,而九二礙之,既 金、坤爲輿、坎爲輪 而 初六近比 從二,故「來徐 巽爲不果,故「志在 九二、遠於 疑 徐 其 困 九

> 位,終有與之者,以困之時上下急於 説 求故也,是以「吝」而「有終」。 而 位 而巽,明於處 不能 、欲去則志 相 初,欲行 吝道 困,不與二争,雖 也。 則懼二,處 以 陽 居陰, 困有 不 相 當 應 能

説」,以中直也。「利用祭祀」,受福 凶。 也。 正,動以直行,中則思慮精審,直則其行 紱」,諸臣之紱也。 赤,乾爲衣,往應 動,兑金刑之,「劓刖」也。 四間之。 不行。五爲四傷,亨困之志未得行於 九四,君側强臣之象,二五同 五以无 故曰「劓刖、志未 果,徐也。 四動,艮爲鼻,震爲足。 助而困,「困于赤紱」也 兑爲説。 五 二躊 巽,蔽膝之象。 得也」。 躇 九 不往,以 五 則 德 醜 二坎爲 剛中 也。 相 征 求 刖 四 赤 順 而

二〇六

下 利 故 九 用祭祀,受福也」。 祀然,上下並受其 君得九二之賢,利 廟,五王 公百神。 援九二,「受福」也。 於用此,尚何困 日 四 豊 乃 如 假 自上 徐 是 間 有 有説 之? 則 廟。 君 格下,二五相易之象。 臣 於赤紱哉 始也不 用誠意 祭祀 以中直也」。 福 相説之志久 矣。 陽爲福,故曰「利 者 果,今則 亨困之道,莫 感格之,如祭 ,人君所 而 艮爲手, 上六宗 來説 必 以

征吉。 悔 上六,困于葛藟,于臲 有 悔」,「吉」行也 《象》曰:「困 于 葛藟」,未當也。 甈。● 日 動 悔 有 「動 悔,

異乎上爲 藟,藤蔓,葉 上六,困 于葛藟」。 上六 極 説 困 言求 不不 極 而 艾白,子赤。 當動 求 六三爲未 能 助,六三柔 相 者也。 濟又 當 纏繞之,故「困 六三,乾巽之 巽 也 而不正,以 (爲草。 上六 葛

> 范睢 則吉。 悔矣。 悔,故 解 則 藟, 又困于 相 安 異乎水而 印 **汔至**,亦未繘井,羸其瓶,凶。 困 其 井,改邑不改井。 安於困。然不 征,以正 一於鄭 是行 以全其軀,況體《易》君子乎? 上六自謀,日 位,不 臲 而 安平,虞卿 甈 上水,井。 動 後吉也,故曰「吉行 行也,以正 之 則 地 困 也。 動 動 于 困 乃 則失正 无喪无得,往 六三。 井,養 「巨」, 有 于魏齊,猶 丽 悔, 行,吉且 一,失 發聲, 而 不 困 不 也。 正 知 于 无 征 兑 來 能 則 葛

井井。 也。 也。 日 亦未繘井」,未有功也。「羸其瓶」,是以 坎 巽 上 下 「改邑不改井」,乃以剛中 也。「汔 至 N

此卦、《彖》文脱錯。 水,井。改邑不改井,乃以 當日: 「巽 剛 中 乎 也。 水 而 无 上

甈, 汲古閣本、 通志堂本、四庫本作「碗」。

井。 之而 若有 之而 有喪 乃 畫,其剛中乎? 日井。 以 汔 上 剛中不變能之乎? 中畫非坎也,而 水 居不損,大行不加,窮亦樂,通亦樂,非 邑,坎爲水。水者,所 而井不改,井德之不遷也。 以 也 而上之,井也。故曰「巽乎水而 凶 至 无 得 剛 亦 不 而 也。」巽,木也,入也。木入 不 得, 古者八家爲井, 而 盈 來者,下也。往亦井,來亦井,上 實无所喪, 此合二卦言井也。 中也」。 竭 未 往 實无所得,以其失位。 乎 繙 乎 來井 ? ? 井 未有 言 「乃」,難 初往之五, 汲之象。 井。 五 坤 以其不失位。不曰取 井之體一 來之初,不汲之象。 則 故曰「改邑不改井, 功也。 井, 可易矣。 以 四 一井爲 爲 辭 養 井也。 泰之初 也。 也。 加 羸 邑。 坤 其 不 于水,塞 在 不曰存 坎之中 君子窮 上水」 窮 瓶 内 易其 邑改 五 也 爲 成

> 有既 物,所 兩者 而 有 也 由 體 下无 在下,亦爲井」是也。巽爲繩,在 四,体兑,兑爲澤。 降言井之德也。 來井井。 而上,有垂繘而汲,幾及井泉之象焉,亦 來動于澤之下,泉之象。 [編]也。編,汲繩也。 有 用 上之象也。 ,瓶也。 功? 汲 常,其 雖有濟物之用,皆未及乎物也 坤爲 以无窮歟? 也。 而 井養而 反,未能引繘以出乎井之象。 故曰「汔至亦未繘井,未有功 腹,兑爲口。 用 定 在井之 通矣。 而 自 不 應, 四 「汔」,幾也。 窮也」。此以九五升 初本泰震,震 故曰「无喪无得,往 至 口 應 所 ,水實其中,汲水 二幾及初,反 初 而 以 井中之器 荀爽 常定。 成反兑, 兑爲 爲井 曰「陰來 者一也 自二至 井之養 一井中 人動也。 有 一,何 異 腹

「泰之初五」,應爲「泰初之五」。

0

之相因,其生无窮也。 固之象。其在井,爲反繘而 盥,損之兑爲益之説,大過異與兑同 者,震陽動於下,爲大途,艮陽止於上, 以猶有繩之象? 棟橈,巽爲繩,反復成巽者,或爲維繫糾 上爲多白眼,相因也。故臨之兑爲觀之 爲徑路。離外實内虚爲目,異實者反在 爲芒種,●故《太玄》準之以法。 剛中乎? 此以互體言井之戒也。 凶,不善其終也。 至 正則凶。 也 至 「井羸其瓶,凶」。 亦未繘井者,半途而廢 ,并之用喪矣。「凶」言初二不正,不 于井口,嬴掛其 「巽乎水」,當作「巽乎木」。 、毀折 故曰「羸其瓶、是以凶也」。 汔 巽 繩 或曰: 日 君子免是二者,其唯 瓶 反 瓶 上而毁折 П 象有相 在下,覆其 反巽兑也,何 也。 上之象。 之, 一本曰 因而 羸 范諤昌 其 在卦 汲 爲 成 瓶 瓶 水

> 相 象》 日 木上 有水,井。 君子以勞民 勸

一〇八

又曰:「雖則劬勞,其究安宅。」勞,民勸 集之《詩》,其辭曰:「知我者謂我劬勞。」 足以及民矣。 其不足,雖勞而 右,「相」之。 兑爲 之道,故曰井。 達于木上,可謂勞矣。 坎爲水,勞卦也。 相者,固自勞也 施澤於民,既以言 《雅 不憚。 坤爲民,泰震爲左,兑 水在 勸其不能,又以 鴻鴈》勞來還 口,「勸」之也。 地中,自下而升, 其於水也,有出 不如是,井道 道相 定安 君子

初六,井泥不食,舊井 井泥不食」,下也。「舊井无禽」,時舍也 也。兑口在上,不食也。言初六之柔, 井,泰初之五,初在井下,坤土汩之,泥 无 禽。 《象》 日

四 也。 泥 自 无禽」也。 往而 存,「舊井」也。 下也」。 處卑穢, 无禽,則人不食可 不顧,「時舍之也」。 无高人之行。 猶舊井之澤已 乾之初九,往 離爲飛鳥,四不應初, 知。 而 故 盡 爲坎, 行爲 ,而禽亦无 日「井泥 人惡, 水去 不

射鮒」,无與也。九二,井谷射鮒,甕敝漏。《象》曰:「井谷

井 泥 俟 應,「无與」之者。 初井泥,又伏震爲足在下。 之間,谷也。 谷」,注谿者 則谷水注下 時。 于汙濁 而 以不遷爲德,非 滅跗者,鮒也。 兑爲口, 動 矣。 圃 「鮒」、蛙也。 也。 求五 而射鮒, 甕,汲 離爲大腹。 二動,坎水注于艮 二宜剛 有求 失 瓶 坎弓離矢,射也。 言動則其 所 於人。 也。 中自 以 器在 兑巽爲 魚類生於井 《説文》作 爲 守,養德 九 道愈下 井 井 五 魚 中, Ш 不

> 則 動 壞見腹,坎水下流,「 有 ,動則終莫之與,曷若自守哉 不 口 能 有 腹且大者, 上行以 濟物矣。 甕 甕敝 也。 鳴 漏」也。 呼,无 動 兑 毁, 與 動 而 口

求「王明」,受福也。 並受其福。《象》曰:「井渫不食」,行惻也。九三,井渫不食,爲我心惻。 可用汲,王明

在井上、 渫不食」也。 九三 引之,則三往上來,其 之象,「渫」也。 失位爲憂故也 正應在高 爲股,爲人。股人坎下 陽爲清潔,九三以 ,有是心矣,可用是心以汲引之。 |君子修德潔己,可用而 坎爲加憂,爲心病,故「爲我心惻 一,坎爲輪,井 位、爲我道不行憂之,其 「我」者,九三自謂。 兑 往來行也。 陽 口 車汲引之象。 居 在 惻然之心見矣。 而水清 陽 上,「不食」也。 清 未用 故曰 潔 潔,治井 猶「井 也。 心 侧 巽

三,三往求五,乃能盡上下相與之情,故 用之以汲引,乃士之尊賢也。 爲福,求亦艮也。 往 夫子增「求」一字,以發其義 司馬遷曰:「王之不明,豈足福哉?」陽 求王明者,三也。 同象,亦受福,故並受其 應上,九五 惻 也 成艮手,王受福 \_ 乾五 故「求王明,受福也」。 上六有憂惻之心,不 爲 王 福,王明 離 也。 上六就 爲 五 明, 也。

井也。 六四,井甃无咎。《象》曰:「井甃无咎」,脩

《易傳》曰:「无咎者,僅能免咎而 陽剛,自不如是,如是則可咎矣。」 脩,免咎而 坎水坤土,合而火之,甄也。有巽工焉 五,下无應,近君而无汲引之用,守正自 **整井爲瓦** 自下壘而上,至于井口,「甃」也。古者 裏,自下達上。六四正位近 三,故曰「井甃无咎脩井也」。 已。

> 九五 食」,中正也 井冽, 寒泉 食。 ^ 象》 曰 「寒 泉之

也。 以「中正」也。《易傳》曰:「不言吉者,● 故至上而後元吉。」 井以上出爲成功,未至於上,未及用也 者食之,无偏係也。 五坎有「寒泉」之象。 井五月卦。 爲冽。《説文》云:「清,冽也。」乾在坎爲 九五以陽居陽,坎 九五中正,贍給一力物而不費,往 九五即泰初九,甲子爻。子坎位, 陰氣自下而上,井寒矣,故 又爲陽,清潔之至,故 故曰「寒泉之食」, 兑口承之,「食」 《象》曰:

上六,井收勿幕,有孚元吉。 「元吉」在上,大成也。

「幕」,于氏本作勿「冂」,亡狄切,覆也。 玉篇》曰:「以巾覆物。今爲幂」。則今

古。 於此 幂者。 歸於上也。 發其幂而得汲者,有欲汲之而不得發其 不正,所養狹矣。 有覆幂之意,井道大成。若專於應三則 當守正之象。 謂以鹿盧收繘也。」「勿幂」者,上六。 之上,下應巽 「幂」,在古文當作「冂」。 易》作「幕」音 「元吉在上」以井道「大成」,故元 戒之「勿幂」,則上下有孚而 三發其 繩,「收」也。 上汲三往,艮坎成蒙,蒙 (幂,汲之而又幂者也,故 豆 莫者, 猶井有 傳 寫 收而幂之,有 虞翻 坎爲輪,在 誤 也。 曰:「收 得元 又 井

《彖》 天地 文明以説 · 克雕 上下 相得,日革。 革 日 革之時大矣哉 而 革,己日乃孚,元 四 ,大亨以正,革 革,火水相息,●二女同居 時成,湯武革命,順乎天而應 「己日乃孚」,革而信之。 而當,其悔乃亡。 亨, 利貞, 一,其志 悔亡。

> 也。 故曰 不相得, 曰革」。 其志不相得則變之所 在外,中女志適 滅,水火 二端,其理 所以周流 爲川,大畜之兑亦爲川。坎爲水,革兑 者,澤之氣也,下爲雨則澤萬物也。 日 兑 亦爲水。 屯、需之坎爲雲,小畜之兑亦爲雲。 則无澤矣。坎上爲雲,下爲雨。上爲雲 也,非常之事。 澤 故曰「革水火相息,二女同居,其志 曲而 離 坎、兑一也。 八相止 火, 又兑爲金,金者水之母,此 而不窮乎? 中。水得火而竭,火得水 則一。 而 息 《彖》 乎外而在 則 此以兩體言革也。 方革之初,人豈能遽 變。 知此, 澤者,水所 日 少女志處乎内 由 「水火」, 坎陽兑陰,陰陽 内,二女同居 始可 生,不可不革 言象矣。 鍾 何 无 也 而 而 水 水 ?

) 「火水」,汲古閣本、通志堂本、四庫本作「水火」。

故 所 離爲文明,兑爲説。天下之事 己,故有此 革自遯來,无妄變也。 自 信 也 不振者,文亂而 此以兑、離二五、三上言革之難 難辭也。 夏。」故革即 湯之伐 戊己之己。 焉。」己日,先儒 而 以 E 四 庚至己,十日 曰 哉 當革。 不恤 「文明 其 五 變革。 ? 位 上 一桀,猶曰:「舍我 相 也。 故曰「己日乃孚,革而 Œ 傳 以説 象。 十日至庚 无妄之震 易, 日 也。 文明則事理, **>** 日 故萬物否隔,人道失正 不孚,浹 二應五,三應上,爭也 不理 浹矣。 讀作已 各當其 . 文明以 「非 此 ,事暗而 以 而更。更,革也 常 納 事之已。 己日者,浹日 位。 日 二變家人,三 説 兩 穑 之 乃孚。 庚,革之離 説 體言革之道 事, 元 然 相 則 不察,民怨 至於壞 民 後大亨。 易亨也 當 黎 信 而 也。 乃 心和 之。 割 民 也 納 而 坤 īĒ 作

革之, 舊皆 革天 坤始 耳。 秦革 矣。 地 天 上 而 當,三者具,其 者,六五之上也。 正 不當革而革,或革之而无甚益,其於新 而 冬離 革 地 五言革之戒也。 七 \_\_\_ 大 也 於離 相 封 故曰「革 有 故曰「元亨,利 而 國 亨之道 此復以五上言革之道也。 也。 夏,震 革, 四 叛,唐革 建,子弟无 悔,是本 革 陽極 而終於坎。 時成」。 寒暑相 地 文 利 春兑 而當,其 明以 也。 生陰、乃爲寒。 悔 在 府 欲 乃亡。 秋,四 **兑**革 成,是亦水火相 於 兵 立錐之地,漢革 乾始於坎 陰 説,大亨以 上五革而各得其 正」、《彖》曰「大亨 去悔,復入於悔矣。 Ē, 乾終而 倫 而兵農分,不當 極 革之非其道,或 離 一時 生陽 乃 Œ 而成 亡。 也。 則 坤革之, 而 坤 不 正,革 乃爲 乾巽,乾 故 終於離 此再 終而 革 正 息 郡 者 而 乾 以 故 地 IE. 當 以 縣 IIII īE.

乎天而 天也。 爲天, 月,故《太玄》準之以更。 大 寒暑之相代,天道變於上,民物改於下, 創制,革天之命,亦順天應人而已。 五上 其可革 坤爲順,巽爲命。 一升降 九五應二,應乎人也。 應乎人。革之時大矣哉」。 而革之。故曰「湯武革 推廣革之道也。 六二 順五 湯武 在卦氣三 命,順 此復 改物 順 平

時。《象》曰: 澤中有火,革。君子以治曆明

之時也。 水火 日火也,●月水也。冬至日起牽牛一度, 澤中有火,則知日月坎離 紀 牽牛之一度,而 有火之象也。 也 而周十二次,盡斗二十六度,則復 相會,其氣必革。 ,水之位也。 其在地,則温泉是已。君子觀 曆更端者,革也。 曆更端矣。牽牛者。 日月交會于此,澤 澤 有交會之道。 中有 火」, 革

> 初 牛」,不可以有爲也。 九,鞏用黄牛之革。 甲子。 郭忠孝曰:「古曆起於牽牛一度。 黄帝 謂今宿於斗六度,謂之歲差,何也?」 日月不會者,司曆之過也。 而絃 之正者,冬至日月必會于牽牛之一度, 日 必修治其曆,以明四時之正。 日月盈縮,與天錯行,積久閏差。 元太初十四萬三千一百二十七歲。 始,是時日月如合壁,復會于牽牛,距 度者,乃上元太初起曆之元也。」 年 「久則必差,差久必復於牽牛。 迎 望、晦朔、分至、啓閉皆得其正矣。 五 乃十一月冬至甲子朔爲 千,而更七曆。 日 推 策,始作 《象》曰:「鞏 調 曆。 至漢造 震嘗問曆於 閲 所謂四 曆 世 人曆之 演歲 + · 用 黄 君子 蓋 上 在

▶ 「火」。原作「人」、據汲古閣本、通志堂本、四庫本な

二四四

鞏 固 日 爲。」初不可動,不可有爲也。 之革,堅肕不動,以中順守之可也。 牛。 動,艮又爲手,爲指。 初 有其才,審慮慎動,而後可以无悔。」 :「革,事之大也。 速於革 九 也。 初動,艮爲皮革。 革之始,在 黄牛者,中順 者也。「鞏」,固 下 前 必有其 九 莊子曰:「指窮於 也。 日熯之,不可 四 也。 不 鞏固用黄牛 時,有其位, 應, 坤離爲黄 離體 初

己日革之,行有嘉也。六二,己日乃革之,征吉,无咎。《象》曰:

乾爲美。六上行,則二有嘉美。故辭曰之日,乃可革之。九五中正,二應上行而之日,乃可革之。九五中正,二應上行而以,所可革之。十日之次,自庚至己,然不可遽爲,必俟人情既浹,上下既信然,二得位得時,上應九五,有可革之才。

曰:「革言三就」,又何之矣? 九三、征凶、貞厲。 相應。 矣,位得矣,才足矣,處革之至善者也。」 應上則得權 中正,又文明之主,上有剛陽之君,同 故勉之。《易傳》曰:「以六居 吉无咎者,以行有嘉也。 革,濡滯而不行,於革道安得无 變動貴 征吉,无咎」、《象》曰「行 中正則无偏 乎適時,趁舍存乎機會。 勢,體 革言三就,有孚。 順則无 蔽,文明 一巽體不果, 有 違 、則盡 嘉 二,柔順 悖。 \*\*\* 也。 二當 《象》 可 口 夫

其言 九三剛正而明,處下之極,革之而當, 守之者,其在懼 正守之,猶厲。 可復動,往而不已,有凶。成 己日乃革之,三革之 數 也 亦曰三就。 月之盈虧,氣候之變,皆以三 乎? 故曰「征 故曰 而就。 「革言三就」。 初不可有爲 凶,貞厲 稽之於衆 則 必 也,二 一處,以

「又何之矣」。 五,三則就矣。往而不已,人必有言。 五,三則就矣。往而不已,人必有言。 五,三則就矣。往而不已,人必有言。

命」之「吉」,信志也。九四,悔亡,有孚,改命吉。《象》曰:「改

信志也」。《易傳》曰:「四非中正而至為,如動「改命」也。故曰「改命之吉,應,則上下靡不信,不動有悔。故曰「有趣,是以「悔亡」。革五爻皆正,四動初當,是以「悔亡」。革五爻皆正,四動初度,故抗君之命,反君之事,解國之大寒,故抗君之命,反君之事,解國之大事,除國之大害,无招權檀事之凶。巽時矣。其才也以柔濟剛,其動也革而其時矣。其才也以柔濟剛,其動也革而其時矣。其才也以柔濟剛,其動也革而其時矣。其才也以柔濟剛,其動也革而其時矣。其才也以柔濟剛,其動也革而

信其志矣。」過,近而不逼。順承中正之君,而上下善,何也? 曰惟其處柔也,故剛而不

「大人虎變」,其文炳也。九五,大人虎變,未占有孚。《象》曰:

也。 得尊位,大人之革也。其舉事无悔,其 兑爲文明,「虎變」也。 九五剛健中正 龜 下既孚。二五未易 之先,在窔奥之間,簟席之上,其文章固 變也,豈俟於既革而後孚哉 應曲當,文理彰著,天下曉然知之,猶虎 京房謂「虎文疏而著」是也。六二離變 文,然未著也,既變則其文炳然易見。 乾爲大人,兑爲虎。虎生而具天地之 已歛然而具矣。不假占決質之鬼神,其 言而信能如是乎? 也。 二離爲龜,兑乾爲決,兑乾變離,決 決,謂之占。 而應,「未占有孚」 文王之長夏,不以 非天下之至誠,不 蓋未革 而

革而虞芮質厥成是已。

人革面」,順以從上也。
吉。《象》曰:「君子豹變」,其文蔚也。「小上六,君子豹變,小人革面。 征凶,居貞上,,君子豹變,小人革面。征凶,居貞

也。 面也。 之天文,尾爲虎,火也,箕爲豹,水也。 陸續曰:「兑之陽爻稱虎,陰爻稱豹。」考 也。 蔚文之過也。三交上成九,「 離三文已過,故三交上,其文蔚茂 二,文之中也。故二交五 從其上。 君子豹變,其文蔚然,小人革 也君子韜光遠害,小人自徇其 凶」,上「居貞吉」。 順之,「從」也。 而同位於寅,虎豹同象 乾爲首, 兑爲説, 乾首 如是,則革道 上交三成六,「小人革 革面,非謂 成則不可復動,故三「征 大 下三爻革弊,弊去當 成。 面從也,旋其 而 坤順· 而説見於外, ,其文炳 異爻也。 面 面也。 君子豹變 也, 内鄉 面,今也 (繁縟, 兑 面 17,順 明。 向 目

二六

行,得中而應乎剛,是以「元亨」。
亨以養聖賢。● 巽而耳目聰明,柔進而上以木巽火,亨飪也。聖人亨以享上帝,大以木巽火,亨飪也。聖人亨以享上帝,大

之象。 也。 爲亨飪矣。 九鉉也。 以 是象而又以木巽火,木入而火出,亨飪 在上,其足在下而承之,亦鼎之象。 象者,可以 全卦言之,初 腹而中實,受物也。 在他 有鼎之象。 類推。 於此 卦雖有木火,而无 言象,則他卦以爻畫爲 六足也。二、三、四 故曰「鼎,象也。 以二體言之,虚者 六五耳也,上 鼎象,不 有 腹

<sup>● 「</sup>大亨」上,通志堂本、四庫本有「而」字。

乎? 巽,離爲目在四,三變鼎 任,其任豈不重乎! 天帝、聖賢一也。聖賢之任,即天帝之 復以六爻言鼎之用也。 觀乾之象,則知 也。 賢人之極,得天之道而能盡天之聰明者 下之目以爲視,故其目明。六二之柔, 人,兼天下之耳以爲聽,故其耳聰,兼天 之心推之以養聖賢,人有不樂盡其心者 下爲聖賢,指二、三、四爻也。以享上 之,則亨以養聖賢。 巽火,亨飪 聖人亨以享上帝,大亨以養聖賢」。此 變訟,坎爲耳,在下聽卑,聰也。再變 萬物而爲之主,則謂之帝。聖人者, 聖人在上,尊之則亨以享上帝,大 乾爲天,在上爲帝,指上九也。 鼎,器也。 明也。 也。 所以 極其用,則道 此以六爻兩 聰明者 天帝一也,以其宰 鼎自遯三變而成 離目在五,其 ,聖人卑巽下 也 體言乎鼎 故曰 一帝 在

> 《太玄》準之以竈 亨也。 元亨。 道合, 爻三變言鼎之才也。 亨」。言元亨,則 明,柔進而上行,得中而 得中則无過與不及之咎, 進 而 一之剛。 上行,至於五 萬物皆得其養。具此四者,是 坤柔之亨,始於六二之正,元 故不曰「大亨」,曰「巽而耳目 柔履 吉在 尊位, 居 尊 在卦氣爲六月, 其 則 位 八中矣。 應乎剛,是以 應乎剛則君 无 而 亢滿之累, 得中,下應 此以卦 吉 元 聰 以

6。《象》曰: 木上有火,鼎。君子以正位凝

之月,命工 月,夏之正月 乎? 火未出 鄭三月鑄鼎,士文伯曰: 古者鑄鼎以火出而作火矣。 上,故司爟以季春出火。《月令》:「季春 師令百工,而金鐵在焉。」 而作 也。 火以 火以三月昏見於辰 鑄刑器。」周三 「火見,鄭 辰,東方木 其 火 則

爲金 風人之,有凝之象。正位凝命,所以 位。 也 正,凝命 之時。 有 <del>而</del> 趾、腹、耳、鉉,其位不可易,故「正 火在 尊卑上下,用之各有數,故「凝 離南面,正位也。 也。 又火在 木 上,其鑄鼎之時 定命之謂凝,木火鑄 木上, 亦鑄 巽爲命,九三獨 鼎之象 乎 ? 金,巽 趍

否」,以從貴也。咎。《象》曰:「鼎顛趾」,未悖也。「利出初六,鼎顛趾,利出否。得妾以其子,无

成震 爲首 古者鼎足空,潔鼎者顛趾 不正,否之象。初、四得 初六在下體之下, 雖 君, 兑爲妾, 震爲子。 妾不以正合, ,爲足,「顛趾」也。 ,四來下初,首在下,顛也。 日 顛 倒 於鼎之用,未爲悖亂 動 m 應,足趾 否者,不善。 正,「未悖」也。 出否,則 初往四 也。 能 也。 初 乾

> 以其 妾, 裔、俘虜,不問其素可 利於宗廟社 下人,卑有時 妾之分,豈可亂哉! 得子也。《公羊》謂妾以子貴,非也。 利出否」者,出 奔女。 有子, 故「无 在 稷,則或出於屠 而 女,體之不善者, 穢納 踰 咎 尊 新,以賤從貴, -也 矣。 以君 无 得賤臣者,苟 臣言之,以 咎 販、奴隸、夷 者 穢 E 而 也。 也 嫡

疾」,終无尤也。《象》曰:「鼎有實」,慎所之也。「我仇有九二,鼎有實,我仇有疾,不我能即,吉。

欲 爲仇。 可 曰:「仇謂 陽爲實,九二剛 一之五,「鼎有實」也。 不 據初,九四 動 慎 而 止 所 四近君,與 之乎? ,慎之象。 四也。」九二、九四 比五,二四失其應,故相 實得 二動 我爲仇。 中,其 九 怨耦曰仇。子夏 居 成 艮, 四、陽失位, 元 미 二之五,其 艮止 爲 敵也,九 鼎用。 與

也。二往兑毁,故終无尤也。其實,「終无尤也」。四兑爲口,尤之者不能即我。二之五,鼎得實而吉。不喪「仇有疾」也。我仇有疾,不能之初,則

也。 虧悔,終吉。《象》曰:「鼎耳革」,失其義 九三,鼎耳革,其行塞,雉膏不食。方雨,

爲膏。 善其身,曷若兼善天下。然剛正自守, 知其旨哉? 也,其能成亨飪之功乎? 離兑革之象,鼎 爲不正,且有悔,故上來之三而不受,是 九三當剛柔相應之時,剛正 鼎耳距鉉所以行鼎者,塞絶 三動成離坎,坎爲耳,「鼎耳」也。三應 九,鉉也。 雉膏、食之美者。 九三自守,雖有美而不食,五安 夫君子不爲已甚,與其獨 耳 耳革,失其爲鼎耳之義 虚 一,受 鉉 兑口在上,「不 離爲雉,兑澤 則 舉 而不亨矣。 自守,以 鼎 而行。 動

曰:「覆公餗」,信如何也?九四,鼎折足,覆公餗,其形渥,凶。《象》「虧悔」也。始不正而正,「終吉」也。流,方雨而其悔虧矣。坎變兑,兑爲毁,人必有知者,上感而動,坎水上,兑澤

見。 成、虞仲翔本作「其 毁,「覆公餗」也。「其形渥,凶」,鄭 也。 李鼎祚曰「雉之屬」,虞仲 爲足,兑折之「鼎折足」也。 敗,●覆其所有矣。 足,安能謀大事任重寄哉! 信初六之小人,又无助,德與智力皆不 四近君,九處不當位,既不堪其任矣,下 「古之大刑有剭誅之法。」《周官・掌 三公位,初之四,乾首在下,三見離 鼎祚指五離言雉。雉,八珍之一 。四動之初成震兑,震 形 **剭,凶**」。 翔日「八珍之 餗,鼎實也。 故動 則 王沿 康 順

) 「順」,汲古閣本、通志堂本、四庫本作「傾

N 股,澤流被面, 餗,信任 如是者,必害于家,凶于國,豈唯戮 日 王 1哉? 畜「何天之衢,亨」同象。 輔嗣 其 焚 羞赧之象。 兑爲澤, 兑乾爲面, 巽爲 震 動 如 刑人則則 凡 作「其形渥」、《易傳》從 握 如 四不智,信任小人,禍至於覆公 也 死 爵者,殺之于甸 何 如棄 ,乾首在下,俯也 蓋 .也。「如何」,兑口發聲,與 霑濡其體,「其形渥」 凶 一傳之久,字誤 如一,不言 可知矣。 師氏。」《子 X 如《離》之九 而 也。 輔 音存也。 目 嗣。 不辱之 離 動 也。 既 首

耳」,中以爲實也。 六五,鼎黄耳,金鉉,利貞。《象》曰:「鼎黄

離 變,乾爲金,金,剛 伏坎爲耳,耳虚 而行,爲金鉉。 坤爲黄,黄者坤之中。 而納者也。 故曰「鼎黄耳 德也。 二應五、舉鼎 言 二自遯九 有 金鉉」。 中 · 德 也 五

> 可乎? 爲實,釋「金鉉」也。 不以正,失耳之實。君臣相合不正,其 剛中爲 言中以爲實,則正在其中矣。 而 五之二,巽 行,以 故曰「鼎黄耳,中以爲 中而 耳 中爲 故「利貞」。 之實,則 納 變良,艮手爲 九二,九二剛 鼎之實也。 剛 九二之五,正也。 五雖虚 柔 得 也 鼎之行在耳, 中 實也」。 中 納,一 而 圃 六 五 實 一應之 中 道 有 中

「玉鉉」在上,剛柔節也。 上九,鼎玉鉉,大吉,无不利。《象》曰:

者吉,小者 正,大者 之三,坎變 之,其道上行矣。 鉉」也。 坎爲耳,上來應三,舉鼎耳 上九,遯乾之不變者也 吉 蓋上 也。 成兑,水澤節也。 ·无往不利,上下之道行矣。 九不變, 言上九 故曰 則九三之剛 「鼎玉 ,故爲玉。 爲三而屈 面 鉉 L 九居三而 則大 Œ 九

斯所以能保 下三,知柔 宜 位 日 二大 ,玉鉉在上而 剛柔 (吉,无 也 有 其成功歟 節,是以動 不利」。 而在上,知剛 處 成功。 ? 則吉无不利。 道 夫上九動 既 也 成, 九

廟社稷,以爲祭主也。□三、為百里」,驚遠而懼邇也。出可以守宗號」,恐致福也。「笑言啞啞」,後有則也。「里,不喪匕鬯。《彖》曰:「震亨。震來號百里,不喪匕鬯。《彖》曰:「震亨。震來號

者,周 口「蠅 言亨也。 乃所以致亨。 奮擊而出,亨也。 自臨來,二之四也。 止,止 虩」之象。 虎也」。《易傳》曰: 、旋顧慮,不自寧也。」四動於坎中, 震來者,九四來也。 一而復 故曰「震亨」。 動,離目内 震 天威震 動之來,恐懼如此。 震動於積陰之下 動,畏而恐懼 蠅 顧,未嘗寧 此以重震 虎謂之號 虩,許慎

遠,四 言震也。 之策百有二十,「百里」舉大數也。 謂恐懼於其所不聞也。自初至四,乾坤 聞,而猶恐懼於邇者,驚於遠懼於邇,所 也。 里,驚遠而懼邇也」。 里不共雷。」雷震於百里之遠,宜若不 來言震亨也。《傳》曰:「千里不同風, 聲達于外,「啞啞」也。惟震動恐懼,必 初 有笑言啞啞,理之所不能違 三成離,離目動,笑也。之二成兑,兑口 笑言啞啞,後有則也」。此再以九四往 黄 肉 言也。 九 九 酒。 而 此以 四 守正 也。 升之者,「匕」也。 坤爲肉,坎爲棘,艮爲手,以 黄,鬱鬯也。驚 一,所以「致福」。 也。 自二之三,笑且言矣。之四, 震 四之初言震亨也。 初也。 曰「震來虩 此以初、二、三、四 故曰「震驚 坎震 福者, 虩,恐致 也。 邇 爲 陽之類 四 百 日

子在 則不失 古者諸 穀。 祭主。 時也。 奉宗 也。 二之四,出也。 監國之 二者皆 文脱「不喪匕鬯」| 不 出可以守宗廟社稷」。 喪 廟 稷 匕 爲言。」則震之體 艮 侯出 在卦氣爲春分,故《太玄》準之以 職矣。 社 爲 故 象,艮爲手,「不喪匕鬯」也。 者,百穀之長,宗廟社稷之象。 親之,長子主器也。 日 稷之粢盛。 門 則 而 闕, 出 不喪匕鬯」。 朝 横渠曰:「此卦純以君出 四者諸侯位,長子居之, 可 坤 覲 以 土在上爲社。 句,是也。 會同,世子監 守宗 匕牲體, 全而 不雜君父 廟社 徐氏 用 不 顯 六,宗廟 喪 酌 稷, 謂《彖 K 鬱鬯, 國,以 共 震爲 以 故 鬯 或 爲 

爲加憂,亦恐懼也。初九正,震爲行,得上下皆震,「洊雷」也。震動爲恐懼,坎象》曰: 洊雷,震。君子以恐懼脩省。

也。

九,陽之極

數,

七之變。《太玄》

二之所利。

九四艮山在大塗之下,「陵」

初 後有則」也。 九,震 正 ,有過而思改之象,故曰「省」。 善而 震來虩虩」,恐致福也。 來虩 行之之象,故 虩,●笑言啞啞,吉。 日 [「脩」。 笑言啞啞, 九 <u></u> 四 象 不

言啞啞,與卦辭互發之。 初九先畫之爻,九四後也。於爻言後笑

日得。 六二,震來厲,億喪貝,躋于九 九 貝,貨貝也。 反,虞翻曰「惜也」。 一所以 「億」也。 四震自上來,而下乘初 《象》曰:「震來厲」,乘剛 危厲 不安。二動成兑離,兑 古者貨貝 億,虞氏本作「噫」, **兑離爲羸,羸貝也。** 丽 九之剛 寶龜。 陵,勿 也 貝者, 此 逐,七 於其 爲 六

之四,四亦爲馬逐之象也。 六二不逐所 逐,七日得也」。《易傳》曰:「守其中正 喪,中正自守,則所喪不逐而自得矣。 禍愈矣,何所避哉? 而不自失,過則復其常矣。」 二復成兑離,得貝之象。 自二數至上,又自初數至二,其數七。 利 初之五,震足升于四之上,躋 :「九也 而往 一者,禍之窮也。」二一惜 然離毀貝喪,復乘四剛,其 震爲作足之馬,初 離爲日,「勿 于 其 九 所 利

蘇」,位不當也 六三,震蘇蘇,震行无皆。《象》曰:「

氣緩散自失之狀。」處不當位,震懼自失 日蘇。」●若《太玄》謂「震于利,● 反生,蘇也。《春秋外傳》:「殺秦諜,三 六三在坎陷中,處不當位,震懼 「震蘇蘇」。震爲反生,三震之極,震 」,則不復蘇矣。《易傳》曰:「蘇蘇,神 自 失, 顛仆 故

> 《易傳》曰: 因 而 不 懼 知動,其 而 行, 「三行至四,正也。」 (禍自 《象》曰:「震遂泥」,未 出 險 取 就 也 Ē, 故 何眚之有? 日 「貴」。若 光

也。 九四,震遂泥。

通用。 俟時 坎 也。 位之異也。 也,六二「喪貝」,六五「无喪」,當位 泥 三兩爻相易取義。 處則莫能守,動則 也。 水坤土,「泥」也。 一進,遂行而不反,四失位 而 知其不可,遂反而處三,震懼得正, 陽有 動,則光矣。 荀本作「隧」,或云遂、隧古 可震之剛, 文莫能 夫初九、九四均震 坎離正,光也。 震足陷於泥 奮,震 動 則 有光, 陷於泥 道「未光 中, 不當

六五,震 往 來 无 喪 有 事。 ^ 象

<sup>「</sup>三日」下,通志堂本、四庫本有「而」字。

<sup>「</sup>若」,原作「君」,據汲古閣本、 通志堂本、四庫本

「无喪」也。曰:「震往來厲」,危行也。其事在中,大

之矣。」 中也。 不當位 中,雖 以 五往 事,則二往助之矣。 大,乃能「无喪有事」。 噫」。 不中爲過。 剛 而 事,五之所有事,在中 甚危之時 五 天下之理,莫善於中,於二五見 往 上,則 ,多以中爲美。 動 來皆 成成兒 柔 蓋中 危 可 不 異 (), 兑口 行 미 則 以致亨。 《易傳》曰:「諸 也。 居 不 柔則 三四 動 違 噫也,惜之辭 於 之極 億」,虞氏 ·
而己。 危。 E 雖當位,或 五 正 正 无 剛 來 喪 不必 大 桂 五 而 雕 有 守 岡川 作 下

戒也。 躬。 上六,震索索,視矍 震索索」,中未得 于其鄰,无咎。 也。 矍。 婚 媾 雖「 有 征 凶」无咎,畏 言。 凶, 震 象》 不 于 Ħ 鄰 其

上六過中,處震之極,窮而氣索,將下交

咎矣。 得也」。 其正 又不 比,上安得 乎三,或來 得 故曰「征凶」。 也,六九相 嘗 剛之危,所 坤爲 矍矍 或動 懼 懼失守, 於三,三亦 中。 口,「戒」也。 乘 而 可以 剛 身, 者 或 動 无咎者,得正 而 能自戒懼 否,目不安定,「視變矍」也。 四 使 以 則 成離,離 窮之又窮。 交四,以此 畏之,苟 而 交 以无 得 過 配,有婚媾之義。 震 折之爲 凶。 中, 配之? 四 索索 横渠曰 中 上六、六五陰 則 征者, 喪 自 不 爲 而 知 也。 躬。 者,得中也。 動 持, 目。 窮莫 五 故 見上六終 上既不可 也。 鄰之无喪者,在 以正 「五既 則雖 不至 曰「震 鄰謂 恐懼 動 助之者,是 有言。 五 而 行, 處 震  $\overline{f_1}$ 附四 也,九 如 於窮索矣。 上六不 不 索索,中 凶 五 以 正則 不可動 而 亦動也。 此,當守 上六未 四 地 交三, 有 Ŧī. 四 而 以 兑 相 得 於 乘 陽 无 未 恐

知懼能改之義,●爲勸深矣。」則无咎。」《易傳》曰:「聖人於震,終示人與焉,則招悔而有言矣。能以鄰爲戒,

人,无 也。 是以「不 艮其止,止其所也。 止,時行則 艮艮 上下 咎。 艮其背,不獲其身,行其庭,不 獲其身,行其庭不見其人,无咎. 《彖》曰: 行,動静不失其時,其道光 上下敵應,不相與也 艮,止 也。 時 止 -見其 明。 則

直坤 反。 以三畫卦言之,陽止於二陰之上,止 相爲用 以重卦言之,上下内外,各得其止。 四 一夜之成日, 「艮,止也」。 ,可行之時 之初六,可止之時也。 而 艮 ",所以 止也, 行,其 失 静也。 時 明道 止 也。 焉 道 非一定之止也,行止 也。 而 不可 震 已矣。 動 猶寒暑之成歲, 是以 止而止 也,行也。 震直大壯之 艮者,震之 节猶不 動一 也。 故 艮

> 者,豈 來也。 兩人。 以仕 所,不見也。 背」。夫動生於欲,欲生於見,背止 於其所也。「背」,止之象,韓愈曰 庭,雖往來於交際之地,然背行則不 而往也。 反復言乎艮也。艮之所以能止者,止 止,時行則行」、「其道光 不可」者,此 庭」也。 坎 則仕, 可 し見相 震之初九,越五而之上,一人 知道之大全哉 月 五四中爻體艮 九四,去四 在 庭,交際之地。 反 也。 東 上下兩體,爻不相應,譬則 而 以 光 不 彼 止 失其 明 人 則 而之三,一人背而 之時 而 ? 止」,又曰「无可 中,在門闕之中 時, 明」。 不出,往 故曰「時 也。 兩人背行 則 此以 其道 而 「艮爲 子 於其 光 震 不 於 艮 則 反 明 可

改

<sup>「</sup>改」。原作「政」、據汲古閣本、通志堂本、四庫本改。

上「仕」,原作「在」,據汲古閣本、通志堂本、四庫本

準之以堅。 止也。 背,其艮之象乎? 物 於他卦,則有咎矣。 應不相與,可止之時,故无咎。 身,行其庭不見其人,无咎也」。 所也,上下敵應,不相與也,是以不獲其 事,各有所止。古人繡紱於裳,兩己 敬,父止於慈,子止於孝。以至 也。不見其人,忘物也,所以能 身矣,安能 艮其背」也。 交,无所見也。 以人倫言之,君止於仁,臣 見人乎? 在卦氣爲十月,故《太玄》 故曰「艮其 且自顧 此以震艮相 不獲其 其 (後,不 止, 止其 上下敵 若施之 萬 各 反 (推明 物 止 止 忘 獲 相 庶 於 其

也。横渠曰:「如素夷狄行乎夷狄,素患而已。周公之忠,大舜之孝,皆分當然所處之分。君子據正循分,亦各止其所兩山相兼,而峙然各止其所焉。位者,象》曰: 兼山,艮。君子以思不出其位。

《太玄》以五五土爲思。或曰: 曰 : 主肺,怒主肝,悲怒有不由於心者乎,故 也 曰 難 一心居中而治五官。 出 ,脾土也,心乃有 行乎患難 位 心火也,有所思則係之於土,猶悲 也。 也。」二四坤爻在中而 夫《易》言思者,皆坤 思,以爲土,何也? 也,故 正

初在下體之下,動而應。足者,趾也。 艮其趾」,未失正也。 初六,艮其趾,无咎,利永

貞。

《象》

初四 陰柔,患不能久,故戒之以「利永貞」。 則行止一也。不能 早矣,未失正也。可 六居初不正,宜有咎,事止之於初 四震爲足,「艮其趾」者,止其動之 初在下體之下,動 一利永貞」者,非永止也。 相易成巽,巽爲長,永貞也。 止,則 ൬ 動 應。 而 亦不 動 動 足者, 而 能 則 E 正矣。 也,正 行矣。 ,其止 趾 初 也 也

六二,艮其腓,不拯其隨,其心不快。《象》

曰:「不拯其隨」,未退聽也。

坎爲心病,不快也。 己,不能上行一舉手以濟五之柔,「不抍 亦隨 二動 二又不能自動應五 曰「退聽,下從也」,故曰「未退聽也」。 其隨」也。「其隨」,猶言其事 之象。二未能使三退處於二而聽從於 三,震起也。三若之五,成艮爲手,有舉 三震二動成兑澤,雷之象,故曰「 應於五,「艮其腓」也。九三止矣,六二 不能動,三剛而失中,止之於上,不獲往 膚在下,應股腓 三坎爲耳,退處於二,退聽也。 拯」,一作「抍」,音承,馬融曰「舉也」。 成兑,兑爲決,其心快也。 二不能 三之疆,而拳拳然不忘納忠於君,非 而 成 |止,則所謂「其隨」者,隨九三也。 異,異 〈爲股。 也。 ,故「其心不快」。 六二止於下,制 「腓」,膊 二艮之柔,膚 腸也。 當隨也。 《易傳》 隨」。 也 於

> 其隨者也。」 道 驩 中正 有當拯者,有當隨者,有拯之不得而後 士之處高位,則有拯无隨。 輔 不行也,故其心不快,不得行其志也。 君 行之時乎?《易傳》曰:「言不聽, 子,孰 能 如是乎? 孟 在下位,則 子出 弔 Ŧ

「艮其限」,危「薰心」也。 九三,艮其限,列其夤,厲薰心。《象》曰:

圖。 耳。 者又加草,遂成「薫」字。 古閽作熏字。」又曰:「馬君言熏灼其心, 其心」。虞翻本作「閽」。虞曰:「艮爲 未聞易道以坎水熏灼人也。」荀爽曰 房、馬融、王肅作「熏」。 以熏爲勳或誤作動。」蓋古本當作「動 薰」、《子夏傳》、王弼本同。 闇,守門人。坎盜動門,故厲闇心。 再傳者又脱其偏傍作「熏」,而後 「動心」二字,傳者誤併作「勳」字 馬、王曰「熏,灼 故荀以「熏」爲 孟 喜、 來 京

堅强 限也。 知孟子之不動心,非體《易》者不能也。 之一身,下體欲静,上體動而争之,則上 下不相 之氣而已。進退綽然有餘裕,故其心不 止而不動,「艮其限」也。夤,膐也,一作 考之,宜作「動心」。 朋。 [版]。 九三知止之止,而不知无止之止, 坎爲心 固 ,虞亦曰 限,腰也,帶之所限。 古之人不動其心者,善養吾浩然 屬,列絶其 止,與物睽絶,无安裕之理。 馬融曰「夾脊肉」,鄭氏本作 病。 古「闇」作「熏」字。 故曰「厲動心」。觀此, 三在上下體之際 三止之極。 今以象

天下之當止,惟止其身,自止於正,故位,而六五柔中,不足於剛健,故不能止地爲身,●三坎折之爲躬。 四在大臣之

止

諸躬也

六四,艮其身,无咎。《象》曰:「艮其身」,

能善其身,豈足稱大臣之任乎?'」 全體」,輔嗣其知之歟? 子易身爲躬。● 王弼謂「自止其躬,不分 君,局局然自止其身,不亦小哉? 四下不能止天下之當止,上不能正 夫身有大身,萬物與我同體者是也。 「无咎」。 若 責 以 天 下 《易傳》曰: 則 安 得 无 故夫 咎 其

「艮其輔」,以中正也。 六五,艮其輔,言有序,悔亡。《象》曰:

言必中正,斯可以止天下之動矣。是以之,與二相應荅,「艮其輔,言有序」也。之,與二相應荅,「艮其輔,言有序」也。之,與二相應荅,「艮其輔,言有序」也。良,二成兑,艮在首,下動而上止,爲豆至上體頤,五動成巽。五應二,五成三至上體頤,五動成巽。五應二,五成

<sup>)「</sup>夫」,原作「天」,據通志堂本、四庫本改。)「地」,汲古閣本、通志堂本、四庫本作「坤」。

以一、巴田爲

上九,敦艮,吉。《象》曰:「敦艮」之吉,以上九,敦艮,吉。《象》曰:「敦艮」之吉,以

厚終也。

其終,知止於至善之道。 止,難於久,故節或移於晚,守或 實之君子能之乎?《易傳》 而 艮 厚,「敦」之象。 事變於久,人之所同患也。」 焉。九以 Щ 篤 實 也。 剛 居上,動而 上艮之極,止極 動 成 坤, 正故吉,非 厚 必 曰:「人之 也。 Œ 一,能 失於 者 篤 篤 厚 有 實

異見上 也。 之進也。「女歸」,吉也。 進以 止而巽,動不窮也 漸,女歸吉,利貞。《彖》曰: 正,可以正邦也。 進 其 位 得位 剛 往 漸 得 有 中 功

也。 四 柔,六三之柔上進。 成 ,否一變,三之四成卦。 「漸之進」也。此以否六三之四言 巽,女往也。 女謂嫁日 歸 ,自内之外也。 四乾之三成艮,男下 漸,柔之進 九四 之剛 三坤之 也 故 漸 下

> 也」。 未有犯 陽居 女也。 此以三四易位各得其正,言漸之進也 亦必以漸。 戒之兩階之閒。 之嫁也,母醮之房中,父命之阼階,諸母 吉、納成、請期、親迎,莫不以漸。 不得,非卜筮則不 本,無若女之歸也。 歸爲義者,禮義 進於事,學者之進於道,君子之進 夫漸之進,●不一也。 三,巽陰居四,男女各得其 言女歸之所以吉者,利於貞也。 女歸吉,利貞」、《彖》曰「女歸吉 分躐等而 艮男下 "「在漸體而言,中二爻交也。」 如是 女,然後巽女往 廉恥之重,天下國 三月,廟見而 而 能 從。納采、問 歸 進者。 故娶妻者,非媒 臣之進於君,人之 則正,正 IIII 漸 而 後成 則吉,故 專 進。 心於德, Œ 家 以 之 則 女 艮

●「夫」,原作「大」,據通志堂本、四庫本改。 汲古閣

則无 如 兩 也。 得位 也。 窮也 自 得 横 君子之進,正己而已,己不正,未有能 後之傳 女得所歸,男女既正 人者。其始不正,終必不正,三以正進, 也」,「其位 以 者以 以 无 卦 九 IE 位 渠 1、往有 一,往 Œ 變言之矣。 妄、萃是也。 五,誤也。 所施,位過其才,則力 位者待才用之宅。進而 亦 四者,諸侯之位。坤土在上爲邦, 六居四言漸也。 交,則四爻皆正,邦國 故曰「進以正, 《易》者 日 必有功,故曰「進得位,往有 四者,陰之位,六往居之,得 , 剛得中也」,「止而巽, 動 功也」,「進而 九三、 1,自伊 在九五,當日 漸之進, 當 六 一家道 日 川 四 可以正邦也」。此 中 或曰: 易位 横渠二先生 Ė Ę, 其德有四「 不 不勝。 剛 丽 不得其位, 可 期 E 而 應, 中而 剛得 於正 以正 也。 居 進 如同 猶 位 而 正 而 邦 不

> 不 外巽順,其動 漸,則有 正月,故《太玄》準之以鋭 内艮,止也。 「其位 玄》曰:「月闕其 位 得中,其進未極,漸如是,可進矣。 極,三得中也。已極則不復進矣。 人之進也,以欲心之動,躁 窮也」。動,言三四 窮,此以兩體二爻言漸也。 在六爻爲一三五。 是 也 剛 困 得 此 「窮矣。 謂 中也」。此以九三言漸也。 外巽,巽也。《易傳》 不窮也。」故曰「止 九 膊,不如開明於西。」剛  $\equiv$ 在漸之義,内 也 動。 始進 剛 動 陽 也, Щ 而 在 德 而巽,動 止 不 正 五 也 所 静 得 曰 : 進 其 以 而

《象》曰: 山上有木,漸。君子以居賢德

山 以漸, 上有 人 之德 木, 善俗 也, 止 居賢德則 亦 於 下 以 漸。 於上 九五易 安之而 也。 不動 而 君子 可久,

道也。王肅本作「善風俗」。 動,則惡俗自善,險者漸止矣。善俗之也。君子在上,進德以漸,安其德而不也。象。然二、三、四正,正爲善,艮止居亦止也。坤爲民,坎險也,民險者,惡

曰:「小子」之厲,義无咎也。初六,鴻漸于干,小子厲,有言无咎。《象》

也。 干」,則「小子厲有言」。 于行」,則「主人有言」。 漸之初「鴻漸于 君子之柔,其動 爲危厲者也,不知 初之二,艮變兑,兑爲口,小子「有言」 之厓,「干」也。三艮爲少男,「小子」也 退。水鳥而能進退者,「鴻」也。二坎水 初動,離爲飛鳥,坎爲水。之二,巽爲進 上也,於義「无咎」。 照,不能處之而不疑,豈常情之能 初在下,柔而无應,自小子見之,以 也剛,離 在 夫明夷之初「君子 下所以有進之漸。 進退之初,非深 隱 處卑,非 援 平

「飲食衎衎」,不素飽也。六二,鴻漸于磐,飲食衎衎,吉。《象》曰:

豈飲食 爲平。 澤加于民,不徒飽也 素飽者,无功食禄,徒飽也。君子之進, 五之二,坎變兑,坎爲水,「飲」也。 五,坎變巽爲艮,艮坎爲石,巽爲高,坤 自二至五,有巽離坎,「鴻」之象。 二之 大腹。二之五,巽 而樂,《詩·鹿鳴》是 二五以中正相應,進而安裕飲食,衎衎 口,「食」也。兑爲和説,「衎衎」而樂也。 石高且平,「磐」也。磐,大石也。 而已哉! 上則道行于君,下則 離毀,「不素 也。 異爲白,離爲 飽也。

「婦孕不育」,失其道也。「利用禦寇」,順利禦寇。《象》曰:「夫征不復」,離羣醜也。九三,鴻漸于陸,夫征不復,婦孕不育,凶。

相保也。

不能 之,彼何自來乎? 故三不動, 夫征 守正 之累,而小人亦不陷於非義,是 道之交者,罔不自己求之。 矣,「婦孕不 羣,陰爲「醜」,言不正則 横渠曰:「漸至九三、六四,易位 无應,陰 山 來矣。君子自守其 正合而失其交之道也。 也。三不守正 坎爲夫, 三至二有 陸」之象。 ,四變三爲 持時 不復者 反 也。 陽相 離 而不妄動,則得漸之道。 坎 爲 鴻 ,以「離羣醜」也。 育」也。 四不守正 比 離 婦,爲 坤、坤爲平地、高者平矣 離于 而合四,「夫征 巽, 而 易合。 正,不唯君子无 水,漸進 大腹。 婦孕不育者 鴻」之象。 而合三,則 離乎羣衆,而往 夫人所 守正者,戒之。 我无 征,以 于陸。 三陰爻爲 不 則 以 以 隙 復」也。 而 四 三艮爲 不以 失己 致 離 正行 順 居。」 坤 以 非 毁 相 不 乘

> 者,反 兵,寇 保 「順相! 「利 保 以 也 用 也。 戒 禦寇」之道。 象以三爲君子,又以坎爲寇 三也。 坤爲 坎 順,各得其正, 爲 盜, 離 爲 戈

曰:「或得其桷」,順以巽也。六四,鴻漸于木,或得其桷,无咎。《象》

焉。 乎橡 方。 象。 也 以異事之,下得三,以 于木」也。 所安之地。 六四之柔,進 而 无 咎,猶「或 巽爲長木,艮爲小木,離 惟順以巽,故介于二剛之閒, 巽爲木,「漸于 木小而方,可麗於長者,木之材 桷 者 也。 鴻足蹼 四 而介于二剛之閒,猶 離飛鳥 <sup>《</sup>易 得其桷」也。桷、椽之方 不能 傳》 木」也 而 握 曰:「横平 順接之,得 有 木,漸 坎巽,「鴻」之 爲麗, 然 上承五 于 木 之柯 所 得 坤 鴻 中 位 11-非 漸

九五,鴻漸于陵,婦三歲不孕,終莫之勝,

一至五有坎離巽,「鴻」之象。 《象》曰: 「終莫之勝,吉」,得所 五異爲 願 也

高矣,然非所樂。 五 復有山焉,「陵」也。大阜曰陵。二進于 高,二艮爲 ,得尊位也。 Щ 二之五,自山而 鴻水鳥,進至于陵,其位 進於高

與存焉。 故 曰「鴻漸于陵」。 巽爲婦,離 君子之樂,王天下不

時,道未可遽行,其功未見於上下之間, 爲大腹,乾爲歲。 三爻,離毁巽見,「婦三歲不孕」。 二五相易,三至五歷 之

爲震,木勝之。五巽爲木,三四爲兑 以三四相比 而勝之也。二艮爲土,三四

勝之。勝之則四比五,三比二,而君臣 離矣。然二五相應,中正之德同,其合

其行有漸,功成而復其所, 乃中心之所願 欲,豈三四所能閒哉? 則孕矣。 故

終莫之勝,吉」。吉,正也。

一九,鴻漸于陸,其 羽可用爲儀,吉。

> 曰:「其羽 可用爲儀,吉」,不 可 也

也。 其進退不失其時。 漸者,進退相爲用,无退 之賢,升之于上,已變而退之。三艮爲 鴻漸于陵,已高矣,又升而至于上,窮 其時,「可用爲儀」也。 上成巽羽, 山,上動之三成坤,艮山 不知反則亢,是以君子不居焉。進九三 上九變而 可用爲儀,吉」。 一進一退,其 陸」也。自下進上,漸也。上反三亦曰 剛,羽翰也。 正,退處 剛爻也。 動 不窮矣。 。上九進退有序,不失 柔,其毛也。 加 所貴乎君子者,謂 順,不亂羣也,亦 三陰爻,羣也。 則无進之漸。 變坤爲平地, 離、巽、飛類 九三之 而

也。 妹,天地之大義也。 震兑上 歸妹,人之終始 征凶」,位不當也。 歸妹,征凶,无攸 也。 天 地不 利。 説以 「无攸利 《彖》曰 交而 動,所歸 萬 」,柔乘 物 妹 不

剛也。

者,天 畢昌 壬癸北 東乙 也。 也。 壬。 陽,陰陽之義配 諸 始交,萬 坎離者,天地之用 爲震,四之三爲兑,天地相交而 義、人之終始者 重人倫之本也。● 月 興, 卦 論論 坤地也 一,而 也,北癸也。 月至于 故觀月知 先 (地之大義也」。 天 之, 庚。 方,氣之所 釋 月復 地 物 卦 交 興 日遲 晦,則自東而北,乃與 坤 終者,乾終於 名, 之時 見 而 日 一,明 于 日 後 納 月 此 消乙人癸,會于乾壬。 觀日月而知天地。 也。 乙癸。 也。 震兑矣。 歸。 月。乾天 有 速,東 歸妹自泰來,三之四 夫婦之道原於天地 ^ 彖》先 震。 天 天地以坎離交陰 夫 地 十有二會, 離 西 坤 坤 震者,天地之 不 言 故曰 也,乾納 相望,震兑 也 終乙癸,則 交 日 天 也,坎月 則 成坎離 地 「歸 前者, 日會。 之大 萬 以 物 妹 物 甲

女者,人 男説 故曰 圃 有 三四 謂所歸之妹爲姪娣,誤也。 相易言歸妹之義也。 化生無窮。 於主人,人道之始,始之也。 子而 以 下交乾,震兑 曰「天地之大義也」。 諸儒 「, 以 嫁 姪娣之象。 是 女以 夫婦者「人之終始也」。 故 相易,而天地各得其宜,義也。 醮之,代父之道,終之也。 終 是始 故所歸 人之情 日 也 二説 動 是乃月晦 也,夫婦始 者,以其所歸者妹也。 以 始 古者男三十而娶,女二十 慕少女也。乾上交坤, 相 以妹言之。 者,坤 動,所 交, 以 歸 九三、六四正也, 生自震 終 終 説 妹 之 圃 而 也 以爻位不 妹,少女也 乾 際 動 爻變矣, \_\_\_ 而兑之象, 終始相續, 此以三四 始 也。 與 婿受女 也 咸 父命 同 ル 坤

0

利於 於夫 歟? 也。 言歸 兑 當而无征凶。斯道之並行,所以 明,女從男則天地之位定,是以位雖 迎,婿御婦車,男下女也。婿乘其車,待 其剛日消。 以柔乘剛, 六三、六五,柔也。九二、九四,剛 於門外,女從男也。男下女則天地之義 各復其所乃吉。 地之大義也。 女 以 《氓》是 在 降,故《太玄》準之以内。 中爻言「説以 内,四不利於外。 妻反目,其道不可以推行矣。三不 征而不已,必凶。古者昏禮冕而 妹之義 若以説 内,從震夫之外矣。 則其柔日長,剛爲柔所乘,則 也。 夫弱婦强,不能正室,必至 也。 而 故三四皆不當位 故曰「征凶位不當也」。 動,所履不正 六之四,九之三,「征」 婚姻之禮,陰陽交際 動」之戒也。 故曰「无攸利」。 此合兩 ,其凶必 不偏 在 卦 體 也。 廢 而

知敝。《象》曰: 澤上有雷,歸妹。君子以永終

乎? 相從 也。 歸妹初九、上六之義也。 娶者法之。然人之於夫婦,不能 震,雷也,爲 初正則其末必正,故「永終」而無「弊」, 之者有義,率之者有禮,而其初正。 終於從男,天地之正,未始有敝也,故嫁 爲男下女之象。 中有雷也,爲女從男之象。始於下女, 天運八月,東方如西方。澤上有雷 知敝」者,其唯九四君子乎? 久而不息者,何哉? 説少而動,衰則棄之,其能永終 君子知其然,必謹於夫婦之際,下 東方。 二月,西方如東方。 兑,澤也, 坎離合爲知。 不能 爲西、 E 如 其 震兑 方。 也, 其 初

也。「歸妹以娣」,以恒也。「跛能履」,吉相承初九,歸妹以娣,跛能履,征吉。《象》曰:

三 五.

從三, 古。 而 以正行也,正則吉。 跛者,不足以 從三又正,能恒者也。 其媵備數,豈能以娣哉? 應震,有雷風 以恒也」。 而娣説動 跛能履」也。 承 四。 歸妹以 者 一以巽 相 與以承,内事 ,故能歸妹以娣。 四震,夫道也。 震 下之,初九自卑而進,説 所歸 娣」也。 爲足,兑折其左,「跛」也。 相 行,而從三則 跛能履,故「征吉」。 與之象,「恒」也。 之 妹 所以吉者,以 三下初 也 故曰「歸妹以 相承也,是 三承四, 初九正, 初 如有嫡不 有應可 成異, 初又 從三 後 進之 嫡 初 以 行, 娣, 征, 以 以 罪 九 无

「利幽人之貞」,未變常也。九二,眇能視,利幽人之貞。《象》曰:

不足以明,然二有應之五,「能視」也。九二離爲目,兑毀其右,「眇」也。眇者

爲義。 坤爲常。 貞」。利幽人之貞者,五下之而後 行復成兑,女自若也。 者,女在窈窕幽閑之中。 持,處内 二貞於五,處内而説,爲「幽人」。 女待男而 初動而二不動,在坎 加 此爻无「娣」象,故以女子守常 不動,不足以 六五未下二, 明 「故利幽 中,坎爲隱伏。 五下之,則一 也。 二以 有 剛 幽人 兑 眇 中 變 之 自

「歸妹以須」,未當也。 六三,歸妹以須,反歸以娣。《象》曰

《天官書》:「須女四星,賤妾之稱。 須女賤。」則須爲賤女可知。蓋二應五 三星,天女也。」陸震 三得應,二與五應,三獨 初至五體需。 不見 三往无 售者 需,須也,須待也。 也。 應,而猶 曰:「天文,織女貴, 故曰「歸妹以須」。 无應,「須」也。 須之,女之强 織女 初 從

四之三成兑。兑者,震所歸之妹也。 歸之妹,又曰須,何也? 姜知「反歸以娣」之義也。 六三既曰所 之三年乃復嫁之,卒知爲人婦之道。 爻,三无所適,反歸於四 也。 爻位言之,二往歸五矣,三无所歸,須 春姜之女,三往三逐。春姜召其女,留 同行者也,故應初乃有「以娣」之意。 在初,初正也,「娣」之位也。 剛,行不順也。爲説之主,以説而歸,動 女謂嫁曰歸,自内之外也。 未當,故无取之。」「反歸以 其賤矣。故曰「未當」也。《易傳》曰: 非理也。 夫女之可貴者,爲其正 「未當者,言其處、其德、其求歸之理皆 六三居不當位,德不正也。 故曰曲而當。 上无應,无受之者也。 也 則得正。 自變卦言,泰 順也 三本泰之四 諸娣,從婦 娣」何也? 動以 柔 如是, 其應 而 春 理

「愆期」之志,有待而行也。九四,歸妹愆期,遲歸有時。《象》曰

也。「不如其娣之袂良」也。其位在中,以貴行良。月幾望,吉。《象》曰:「帝乙歸妹」,改五,帝乙歸妹,其君之袂,不如其娣之袂

乙歸妹也。歸妹自泰變,故六五同象。乾天爲帝,兑少女,自長男觀之爲妹,帝女以外爲歸,五君位,九二兑女歸五。

三三八

之五 良也」。 象。 所以 子夏 也。 也。 袂,而初九不動,「君之袂不如其娣之袂 艮爲手。 五 尊高之德,不以容飾爲説。 乾美爲良,貴女之歸,惟以謙降從禮爲 夫人,小君位 何 歸妹不如其娣之袂良也」。 矣。 一,而二以貴行也。 ·服不繫,其天下王后一 以 ,離毀變坎。 爲禮容。 貴者,陽也。 爲 初九,「娣」之位。乾兑伏 日 坎月在震東,離日在兑西,日月 謙降從禮 臂之天 帝女之象? 爲小君如是善矣。 小君之袂, 无文而 湯之嫁妹也。」五坤居君位 也。 二乾爲衣,離 道 「袂」,衣袖 月 或兑坎爲水,兑有伏 則亢 古 者王姬嫁於諸侯 五位在中,二亦中 以其 幾 而失中,不 望矣,其 等,「以貴行」 所 爲文章 故曰「帝乙 良至善也 九二下也, 加澣 歸之位在 手 艮 飾 可盈 稱其 爲 濯 也 之 衣

> 利。 上六,女承筐,无實。 血也。 也。六三兑女之上,陰虚无實,「承虚 震爲竹,上六坤動爲方,竹器而方,「筐」 之房中,牲體 筐」也。 奉事舅姑通問,盈滿之禍可勝言哉? 盛,聖人於此深慮之。 盛 理,陽消則陰 故「吉」。 女「承虚 三,坎毁兑見,兑爲 幾望」也。 望,陰之盈 《象》曰: 則敵陽,故既 三兑爲羊,四坎爲血,上動 筐」者,以士刲 祭祀之禮,主人割牲 不然,凶之道也。 月幾 也。 上六「无實」,「承」虚筐也。 在 生,故日下 望而 俎,乃設 二之五 望則月東出。 士刲羊,无血。 无攸 刑殺,「士刲 不盈,則不亢其夫, 後世 羊无 一,坎離 圃 兩 月 猶 鉶 血 夫消長之 有 西 而主婦佐 象毁,「 无 m 婦 見。 以 7羊,无 以 道 列 之 月 侯 已 陰

● 「袖手」,原作「裒于」,據通志堂本、四庫本改。

互體言矣。 互體言矣。 五體言矣。 五世。 故史蘇曰:「土調羊,亦无 五世。 女承筐,亦无 則也。」 五世, 五世,

周易下經夬傳第五

三九

## 二四〇

## 周易下經豐傳第六

也。 之」,尚大也。 彖》曰 豐,泰九二之四也。 震離上下 日中則昃,月盈則食,天地盈虚 而況於人乎? 豐,亨。 豐,大也,明以 「勿憂,宜日 王假之,勿憂,宜 況於鬼神乎? 乾變離明,坤易震 動 中一, 故 豐。 宜照 王 日 ,與時 天 中。 一假

无 其道亨,乃能至於豐大。 故 動 故曰「豐亨」,《彖》曰「豐,大也,明以 ,明以 豐」。 海之廣,萬物之衆,无一 夫不獲自盡,非小道之所能至。 王假之」也。王假之者,尚大也。 也乾在上之象。 此 動則亨,亨則大。 合 兩 體 言致豐 一物不 王者明以 九二上 「豐」,大也。 一之道 得其所 也。

西 也。 也」。 之謂也。 其爲主也。」宜日中則正 車,爲馬,車軨馬 乾爲天,五離應二,照天下也。 乎豐之才也。 動,勿憂其 爲加憂,離見 之才也。 曰:「日正于天何爲 日之大明,萬物 五,何憂乎不至于中,而无所不照哉? 日動於下,升于東方,明動不已,九四進 得位矣,故曰「勿憂」。 曰「王假 闕於巽辛,月盈則食 日中則 五復降四 此以九二進 之,尚大也」。 故曰「勿憂,宜日 二、四 至 昃」也。 於大也。 坎伏,「勿憂」也。 離日震動,日當五爲 坎離象變, 失位 咸覩,「宜照天下」也。 馻, 丽 也? 坎成 爲憂, 可以周天下,故利 至 此以九二之四 此以 也。 進 于天,利其爲 五言 曰君子乘位 而 離成兑, 中,宜照天 離 九 四乾陽長於 至於五 乎豐之才 下 四 《太玄 然明 有 言 日在 伏 乎 中, 下 主 則 以 坎

神乎? 昃,月 也。 中, 況於人乎,況於鬼神乎」。 必虚,息者必消,天地之所不能違者,時 間者也。 後有人,有鬼神。 升降明豐之戒也。 保此道者,其 中,俄且昃矣。月盈,俄且食矣。 陰生則盈 太玄》準之以大廓 ,二坤陰 而 而況天地之間聚 盈則 常 明動不已,未有能保其大者也。 在 豐大之時,所宜 者 食,天 乎日之既 生於離。 虚, 唯 消者息 中 地 鬼神,往 乎? 盈 在卦 陽長,盈 而 中也,何則? 虚 矣。 爲人,散而爲鬼 故曰「日 憂者不在 氣爲六月,故 與時消 此 來於天地之 有天 復以坎離 也,息 地 息, 中 盈 乎 然 也 者 而 則

刑。《象》曰: 雷電皆至,豐。君子以折獄致

故君子法其威明並用,以治刑獄。電,雷電皆至,萬物豐大之時。豐則生訟,

噬嗑其 明照 事也,故爲「折獄致刑」。 五不正也,兑爲刑殺,不威 者不伸。致刑者,刑 二、三正也,而二有伏 明罰 致刑」。 也 飭法」。 明 一,所 折獄 在上,君子在上之事也,故爲 以「折獄」。 豐用明在下, 者,以 其 坎坎 正 雷,威 爲 不 折 正 則小人不懼 其 獄,不明則枉 君子在下之 怒也, IIII 不 已。 所以 四

曰:「雖旬无咎」,過旬災也。初九,遇其配主,雖旬无咎,往有尚。《象》

四不 意。 因 泰九二之四 妃。 配主 配」者,陰陽 74 而初九主之,不期 [爲主 ·應,六 初九、九 嘉耦 「遇」者, 而 五 配 日 四陽 亦 成豐,故 妃。 五。 相 无 兀。 應。 也,六五陰 妃, 媲 不 陰陽相配,故九 期 於會 孟 九 四 而 氏、 也。 四 雖 會。 而 爲 不 鄭氏 會 也 亦匹 應 豐 四不 之主。 本 一配之 四四 初 應 爲 與 可

成鈞。 之然。 資而 初九 動不相爲 遇四,往 初動有 于中行」之尚同。 无所之, 而豐之道上行矣。 故訓勾。 道亡,所以災也。 其 成豐,譬之共難 遇九四,所以 然明 无咎 (甲周行 自己 而无 鈞, 若妄動不 小過象,故 而 非動 用,「過旬」也。 動 相易以 匀 者, 所尚,與坎險相會,災至矣。 至 相 別則明 也。 乘 資,致豐 初 旬, 八節,其 凡十日。 Ė 九以 致 Ź 得 故曰「往有尚」也。 初 「尚」,亦配 曰「過 用 所 故 過 尚 均 則 正相 之道。 也 用,是以均 于五 仇 曰「過旬災 四 則初得尚于五 數 過旬則失其 旬 納 而 怨 十日 四百 資 有 協力,勢使 者,以正 九、 也。 非 也,與「尚 其 謂 明 九 位, m 之均 + 也 則 四 元 而 配 相 明 均 動

> 也。 一,豐其 《象》曰:「有孚發若」,信以 日 中 見斗。 往 得 疑 疾, 有 平

道。 象也。 震巽 坤爲 豐爲 故曰 成。」豐蔀之名,蓋 五 分盡 有至明中正之才,以豐時遇闇弱不正之 在上,動於中,而其數七,斗之象也。 往 蔀 二五相應之地,有孚之理。 冥, 周六 巽爲不果。 見,反得疑 日中,五兑伏艮,艮離爲天文,賁之 爲草,二在 爲一章,四章凡七十六年爲 當畫而夜,至於見斗,其昏甚矣。 震少陽,其策七。 |其誠信,以感發其志 晦闇之象。 甲,凡三百八 震 疾。 草中,有 六五陰失位,「疾」也。 曰:「曆法凡十九年 寓 五既 自往 此意。 十年 周 者,亦 不能下賢,一 震爲動,有星 匝 離 掩 前 則 目爲見 一蔽之意 一積 取 五 疑之 中正 而

其道者,己之誠上達,而君見信之篤其道者,己之誠上達,而君見信之篤正可正也。古之人事庸君常主而克行重可正也。古之人事庸君常主而克行動,雖昏蒙可開也,雖柔弱可輔也,雖不應之,乃「吉」。《易傳》曰:「苟誠意能

其右肱」,終不可用也。 咎。《象》曰:「豐其沛」,不可大事也。「折九三,豐其沛,日中見沬。 折其右肱,无

《子夏傳》及《字林》作「昧」。三之上成 玄黄, 兑金斷之, 施也。 沛,古本作「斾」。 星,其闇尤甚。 上六闇極矣,猶日中當明而反見斗後之 動者,昧也。 艮,艮離爲天文。星在斗之後,隨斗而 故「豐其斾」。沫,斗後小星,微昧之光, 可,豐尚大也。 而 守正,以「不可大事」故也。兑爲 三明 巽爲 豐其斾,往見則不明,故 王弼以爲幡幔。 極 加 事,陽爲大,伏坎爲 剛正,處豐之昧, 幡幔圍蔽於内, 震爲

咎,故自折其右肱,示「終不可用」,則无咎,故自折其右肱,示「終不可用」,則无六闇極,不可用之以有爲,從之必罹其右,伏艮爲肱,兑折之,「折右肱」也。 上

《象》曰:「豐其蔀」,位不當也。「日中見 斗」,幽不明也。「遇其夷主」,「吉」行也。 九四,豐其蔀,日中見斗。遇其夷主,●吉。 變,若動而交初,則幽者明矣,坎爲隱 兑有伏艮, 巽爲草,掩蔽 象。 離目爲 動也,其策七,有星 處不當位,自蔽其光明,故曰 .動成坎離,光明也。不動成震巽,震 以此處豐, 四 見,四 應離、初,艮離 周匝,「蔀」也。 猶日中之時而 處不當位, ●又不 動於上而其數七之 爲天文。 「豐其蔀」。 四在蔀中, 能

<sup>▶ 「</sup>遇」,原作「遯」,據汲古閣本、通志堂本、四庫本改。

<sup>「</sup>當」,原作「常」,擴汲古閣本、通志堂本、四庫本改。「七」下,汲古閣本、通志堂本、四庫本有「斗」字。

三歲不觀,凶。《象》曰:

「豐其屋

一、天

陽,而上下不敵。 明,「吉行」也。 正,正則吉。初九助四而上行,以資其 四者,初之所主 九四不正,其不明自取之,異於二三矣。 夷主」者,謂初 ,得在下之賢,同德相輔,其助豈小也 處幽暗而己不 《易傳》曰:「居大臣之 也。 也。 四忘其勢,下夷於初。 明,故曰「幽不 故曰「夷主」。 九四與初九均爲 明也」。 初

之吉,有慶也。六五,來章,有慶譽,吉。《象》曰:「六五」

上六,豐其屋,蔀其家。闚其户,閺其无者,文之成也。九四上行則初應四,二十二十八百譽之。 五屈己下賢,四志行乎上,人自譽之。 應五,三應上,六爻並用,成豐大之慶。 之明上行之五,相錯成離。坤離爲文章之明上行之五,相錯成離。坤離爲文章 六五屈體來下於四,與之共天位。九四

際翔也。 不覿」,人絶之也。 中,无人也」。三於是退而自藏於坎中。 闃寂乎其无人聲。 《太玄》所謂「外大抗 九。三與上六正應也,其能忘乎? 故 際也。豐之時,九四忘其敵,己下資 務上翔於天際, 豈復能 大,所居不明,以高亢自絶於人 乾爲歲,三自四歷三爻,「三歲不覿」也。 離,離爲飛鳥。乾爲天,在外卦之際,天 之,「蔀其家」言所居不明也。 自二至上體大壯,棟宇之象。上六動, 三自下往,庶幾發其昏暗知處豐之道。 陰變陽爲大,「豐其屋」言自處 一爲家,震巽爲草,豐盛周匝,以 豐其屋,蔀其家」,自絶於人也。「三歲 離目爲見、往闚之坤、户闔而不應、 「闚其户,闃其无人」,自藏也 上六動不正,凶也。 降哉? 高大也。 自處 掩 飛 初 成

之謂之觀,私見也,私不正 不直 言之謂之窺,陰爲小也。 闚」,小見也。「覿」,私見也。 三歲 日 N N 者,有 不覿, 應焉, 人亦厭之,而 猶 自九三之上言 也 冀 乎下 凶 自上六 至矣。 交 也。

矣哉!明,是以「小亨,旅貞吉」也。旅之時義大明,是以「小亨,旅貞吉」也。旅之時義大小亨」,柔得中乎外而順乎剛,止而麗乎小亨」,柔得中乎外而順乎剛,止而麗乎∭ է 旅,小亨。旅貞,吉。《彖》曰:「旅

也。 剛,不爲 柔失中,旅道 旅之中也。」柔得中,則能 居五柔得中矣,得中則其柔不過,得 旅之中道。《易傳》曰:「中非一揆,旅 六居五,失其所 旅,否之變也。 ,問禁興 日 剛所揜,而 柔 之 得 窮 日 中 居而 從 剛 而 當居上,柔當 小者亨。 新 坤,順也。 順 在外, 或 乎 一之法, 剛。 順乎上 旅 順 也。 乎 此 君 居下 下 乎 剛 子 剛 之 而 有

卦 剛 明」。 失人 剛」,在我者不失己矣,乃可以「小亨」。 而再言之。《易傳》曰:「旅困之時,非陽 旅如九三「止而麗乎明」,在彼者,亦不 處也。旅如六五「柔得中乎外而 者, 麗乎明也。 屈之道 是邦也,事其大夫之賢者,友其士之仁 人將拒我矣。 而不失其正,上麗乎離之明。君子之居 也。居三成艮,屈 居 五 方 之才,則 中正,有助於下,則不能致大亨。」如 也 言旅 何耳。 固 (矣,乃可以「貞吉」。是以旅一也, 此以九三言旅「貞吉」也。旅,難 男子之事,居者必有旅 也。 然剛自五 「小亨」也。 可 夫子歷國應聘,嘗去父母之 雖止乎下矣,然九三正,止 以小亨,得旅貞 正則吉,故曰「止而麗 正然後能麗乎明,不正 而 其 九居三、未爲失 反居於下,猶爲 剛而 止於下, 而吉也。 也,顧處 順 自 其 平 乎 謙

四 六

也。 準之以裝。 時措之宜。 義大矣哉 |得旅之時 矣,去他 非大人 國矣,欲浮 孰能盡之? 義也。旅之時不 知其時,而不知其 在卦氣爲四月,故《太玄》 于 海 故曰「旅之時 居 一,而義者 宜,不可 九 夷

刑,而不留獄 象》曰: 山上有 火,旅。 君子 以 明慎 用

刑。 伏坎爲獄,兑爲刑殺。 不慎,慎 子之用刑也,雖 上有火,明而止,止而 雖止而不處,故亦不 者或留 獄, 明 而 失旅之 止,故 艮止,慎也。 不處,旅 留 象 明 獄 也。 而 明者 慎 也 於 或 用 有 君

初六,旅瑣瑣,斯 旅瑣瑣」,志窮災也 復成艮,小之又小,「瑣瑣」也。 鄭曰:「瑣瑣,小也。」艮爲小,動 人之旅,卑柔而不中正 其 所 取災。 ,恃應而 《象》 而之四 初六小 求 於四 曰 :

> 窮」也。 皆艮,●手取災之象,故指兩爻言之。 也 申侯是已。曰「斯」曰「其」者,初四上 所取災」也。 ,厭止妄動,往 褻其 加 燥,火性炎上,不 次,懷其資,得童僕,貞。 坎險,災也。 細 已 甚。 艮爲手,有求取之象。 一而復 故 近,人 志窮遇 曰 能 旅 亦厭之, 容 瑣 險, 初。 瑣 斯 艮 其 止 志 楚 四

六二,旅即 曰:「得童僕貞」,終无尤也 也。 正。 爲少男,初卑陰賤,二在上畜之,「童僕\_ 離兑爲贏,貨貝資財之象。二巽爲 艮止也,二得位,止 「懷其資」也。 一親信之而 即 初於二,「得童僕貞」也。 次所遇 童僕,一本作「僮僕」。 而安也。 不 疑。 面 得位, 旅在下,柔 懷其資,得三四 即 次 童僕貞。 舍 **《**象 而 也 艮 中

艮」上,汲古閣本、 褻」上,汲古閣本、通志堂本、四庫本有「煩」字。 通志堂本、四庫本有「有」字。

之謂貞也。」 貞」,貞於五也。 旅 止,資貨可有。 曰「貞」者,貞於二也,貞於主人。 五 之助 ,●五兑爲口,尤之者也。 如是多助矣,故動 南,主人位也。歸妹九二「利幽人之 也。 又得童 夫子曰:「審其所以從之 童僕貞,然後次舍可 僕貞,貞 而之外,終无尤之 初六不正而 而下承之。

其義喪也。曰:「旅焚其次」,亦以傷矣。● 以旅與下,曰:「旅焚其次」,亦以傷矣。● 以旅與下,九三,旅焚其次,喪其童僕,貞厲。《象》

宜。初三易位,初失其正,「喪其童僕所止,以旅之故,乃巽而與下,失尊卑之其次」之象。兑爲毁傷也,旅失其所止,有「焚異木離火,「焚其次」也。九三在旅而過異木離火,「焚其次」也。九三在旅而過異土離火,「焚其次」也。九三在旅而過

之道。中,旅如是寡助,危矣。六居三不正,危中,旅如是寡助,危矣。六居三不正,危貞」也。所以喪者,爲旅之義,剛柔皆失

未快也。曰:「旅于處」,未得位也。「得其資斧」,心曰:「旅于處,,未得位也。「得其資斧」,心九四,旅于處,得其資斧,我心不快。《象》

才而 下之利,有資貨 上得乎五,下得乎三之助矣。 斧也。得其資以爲 兑爲贏,貝,資也。 處,九四 二三止而 未得位,行者處 六二,亦曰得其所矣。 處四,履謙能下,善處乎旅,故得 非安處也,故曰「旅于處」。 得位,爲次舍。 焉,有器用焉。 而 己。 利,得其斧以爲斷, 離爲兵,巽木貫之, 然未得 入對出言之爲 四巽爲人, 九剛明之 位也,上 雖不若 H 而

<sup>「</sup>之」。原重文、據汲古閣本、通志堂本、四庫本改。

<sup>) 「</sup>矣」,原重文,據汲古閣本、通志堂本、四庫本改、

<sup>「</sup>五」,汲古閣本、通志堂本、四庫本作「三」。

不快」。 行于五而二應,則快矣。 足 ,非我志也。」 以發五之志,下不足 雖得 兑爲決,中爲心 資 (斧,未 免爲 旅 孟子曰:「久於 以 人,故「我 進 致 而上,道 六 心

「終以譽命」,上逮也。 六五,射雉,一矢亡,終以譽命。《象》曰:

弓,伏艮爲手,兵加之弓,上矢也 而 逮之,則令譽升聞 位,雖有文明之德,未可以動,上九屈 中道,動而必中乎理之象。 亡,「一矢亡」之也。 者,射雉之器,五動弓矢發,離坎毀 亂而不以威武者也。 雉,雉文明之物。 五在旅卦不取君象,君 下,與之譽也。 後命之。 始也未當位,終也譽命, 異爲 文明,人文也,聖人 圃 命,上卦之終, 爵命之矣。 一矢亡雉者, 不可 離爲兵,伏坎 然六五 旅 也。 兑口 未 而 五 離 當 止 在 得 雉 矢 爲

> 于易,凶。《象》曰: 上九,鳥焚其巢,旅人先笑後號咷。 位。 曰 終以譽 乾西北, 賓之位 命 五 以「旅」 也。 進 上,其 在上,其 在 賓 師 喪 之 4

也。 動,震有聲,「笑」也。樂其未焚之前,柔 與三相應之地,上六變而 順謙下時也。兑澤 木離火,「鳥焚其巢」,失其所也。 九極剛,以高亢居上,非旅人之宜。 爲木,震 口,哀於既焚之後,悔其先之時也。 上九離爲飛鳥,九動變六,成震 易」,輕易也。火性剽疾,上九極剛 「喪牛于易」,終莫之聞也 上九高亢不變,坤象隱,「喪牛」也。 九三應而 爲竹葦,鳥隱 上,降 流於目,異號 三二成坎,●坎爲 其中,「巢」也。 正,成坤, 巽。 出 坤 於 巽 L 巽

<sup>「</sup>六」,原作「九」,據經文改。

<sup>●「</sup>二」,汲古閣本、通志堂本、四庫本作「正」。

易也 而 而 而 聰 致禍乎? 不聞牽 往應,坎耳伏矣。 不 一, 故 明也。 曰「喪牛于易」。 秀、 孟玖之毁,其以高亢輕易 陸機覉旅,處羣士之上, 輕易者,自塞其耳 九 喪 (柔順,

見大人」。
行,柔皆順乎剛,是以「小亨,利有攸往,利行,柔皆順乎剛,是以「小亨,利有攸往,利《彖》曰: 重巽以申命。剛巽乎中正而志≡ 巽」 巽,小亨。利有攸往,利見大人。≡ 巽Ⅰ 巽,小亨。利有攸往,利見大人。

外,申前之命也。 内巽者,命之始, 言巽也。 矣。故曰「重巽以 令,命乃行也。若施之於佗,則 於「申命」。 天之號令。命者,天之令也,故巽爲命。 柔在下而承二剛,巽也。 上下皆巽,九二之剛巽乎中也,九五之 巽自遯來, 先儒謂上下皆巽, 申 重巽之象,唯 訟之變,六三之四, 外巽者,巽 命」。 異爲風 此 以 不 而 巽 兩 可 風 達 施 違 體 已 甚 其 乎 之

> 豈非 此 柔順之,則柔者亦得其正,而小者享矣。 所從矣。六四離目,爲見大人者。 剛,雖无違者,然順乎中正乃善,不然失 故 剛 剛異 五,剛而巽乎中正者也。 大者巽,則小者无 正,則六四之柔順之。 而 正,則初六之柔順之。 言九二、九五之巽也。 曰「剛中正而志行」。 以 (`,則物无違者,而九二、九五之志行,❶ 曰「柔皆順乎剛」。此以初六、六四言 所施 子中中 九五言巽之利也。 小者之利乎? 當 攸往,利見大人,而其道上行。 正 乎人心,是以志行 也。 巽乎中正, 不 故 順 九五之剛 上下之柔皆 此以三四相易 曰「利見大人」。 小者享矣,故六 九二之剛 也。 剛異乎中正 乎上 則 柔皆 其 巽 剛 順 乎 巽 順 不 平 m 平 中 平 而 過 九 故

「九二」,原作「也二」,據汲古閣本、通志堂本、四庫

0

改。

《大玄》準之以翕。
《大玄》準之以翕。在卦氣爲七月,故院、●理若有之。在卦氣爲七月,故字,當在「重巽以申命」之下。疑《彖》或字、當在「重巽以申命」之下。疑《彖》或故曰「是以小亨,利有攸往,利見大人」。

行事莫如巽,巽則易入。 是也。君子「申命」諄諄者,「行事」也。 言「八風之至,各以四十五日而成一歲」 至,則歲事行矣,故巽又有事之象。傳 巽爲風,風巽而入者也。前後相隨而 毀為曰: 隨風,巽。君子以申命行事。

退」,志疑 初六,進退,利武人之貞。《象》曰: 兑,乾爲健,兑爲決,疑志去矣。 又二剛據之,莫知所從。巽爲不果。 曰「進退,志疑也」。 立,過於巽者也。 初,行事之始也。居卑體柔,不能 也。 「利武人之貞」,志治也。 退則不安,進則无應, 六變九,巽成 健 乾 「進 決 故 自

> 《象》曰:「紛若」之吉,得中也 九二,巽在牀下,用史巫紛若,吉,无咎。 巽初,坤變乾也。巽爲木,坤西南方,乾 爲人,設木於西南之奧而人即 之動,上之五成震,震爲聲,五之二成 非爲利也,將以誠意感動九五 有咎。然九二剛中,其動也正,卑巽者, 治之意。《易傳》曰:「治謂脩立也。」 移、雖千萬人必往、孰能奪其志哉? 治,其動以正,行之以健,決確乎不 曰「利武人之貞,志治也」。 巽爲工 人。「志疑」者,不先治其志也。 者,「武人之貞」。 牀下」之象。 ·牀」也。巽股變艮,股見手伏,蒲伏于 用史巫紛若,吉」。 九二不正,卑異如此,宜 天道 吉者,正 尚 右,故 而已。 也。 安焉者 兑 君子自 爲 一,有 可 故 适

<sup>)「</sup>彖」,原作「象」,據汲古閣本、通志堂本、四庫本改。

爲「得中」。 爲「得中」。 是在牀下,用史巫紛若」,乃 五未應,則「巽在牀下,用史巫紛若」,乃 立位以感悟文子之道也。 二五升降, 以鬼神之意告于人之象。 六降于二, 是巫紛若,則卑巽之意達于上下。巽在 是巫紛若,則卑巽之意達于上下。巽在 是巫紛若,則卑巽之意達于上下。巽在 以處悟文子之道也。 二五升降, 五未應,則「巽在牀下,用史巫紛若」,乃 五未應,則「巽在牀下,用史巫紛若」,乃 五未應,則「巽在牀下,用史巫紛若」,乃

窮也。 九三,頻巽,吝。《象》曰:「頻巽」之吝,志

意。然志已窮,不得已而巽,猶人行至柔歟,則安其所處,憚於改過,有吝之相親,九二之剛近而不相得。將變而爲將遂其剛亢歟,則上臨之以巽,四以柔上,雖極而決躁,不能巽者也。,以澤,三水澤之際。九三重剛不中,「頻」,水厓,與《復》九三「頻復」之頻同。

品」,有功也。 六四,悔亡,田獲三品。《象》曰:「田獲三

四无應,乘承皆剛,宜有悔。四本遯之四无應,乘承皆剛,宜有時。四本遯之二陽之際,上巽於五,下巽於三,三爻皆正而相得,故「田獲三品」。古之田者,上殺、中殺、下殺爲三品,三品則徧及於上下。兑有刑殺之意。而又伏艮爲黔。之屬,巽爲雞,離爲三品,三品則徧及於上下。兑有刑殺之意。而又伏艮爲黔。之屬,巽爲雞,離爲症,。古之田者,也,乘承皆剛也,其悔亡矣。故曰「有功也」。《易傳》曰:「天下之事,苟善處,則不不,上下與之間,以與此一,或以有功矣。」

九五、貞吉、悔亡。无不利、无初有終。先

於此庚之使,善也。「後庚三日」,變噬 以命之。「先庚三日」,變家人,變益之 宜 則吉,此九五之所以「吉」歟? 主於中正也。 於此庚之慮,其未盡善也。 嗑,變震之時也。震納庚,離爲日。 時也。下三爻震,震納庚,離爲日。 申命,申命則「有終」。 未善也。 象,故舉全卦以 九五君位而正中,巽爲號令,有申命之 五 過 二五皆正,故「无不利」。 有悔。 中則 柔,故爲 更天下之弊,其唯剛中乎 變,故庚謂之更。 正,故「悔亡」。 五正,善 十日之次,以戊己爲中, 巽九 盡一爻之義。 而有終也。「无初」故 五剛 初未善也 更而 動則二 初二不正,始 乃 先庚後庚 有 五无應 正,中正 更 ), 故 一應之, 卦六 以異 先

曰:「巽在牀下」,上窮也。「喪其資斧」,正上九,巽在牀下,喪其資斧,貞凶。《象》

乎凶也。

遇坎 以斷, 斧」。 乎? 也。 也。 也。 上 民,其君四世從之,至昭公失國,无 在牀下」。 恐懼自失而蒲伏于牀下之象。 而 九 反下,三以 險,正 以異 蓋處上極巽,盡亡其資斧,乃正 上窮反三,離兑巽毁,故曰 離爲兵,巽爲木,貫之爲斧,所 方自失之初,告之以凶, 詎肯信 喪其所以利,則莫或愛之,喪其所 則莫或畏之, 正乎凶矣。 丽 離兑爲贏,貝爲資,所 凶 居 重剛 也。魯自襄公三家 高位,處之不當,窮則 乘之,巽股變艮手,有 「喪其 故曰 E 分其 所 一復位 以 以 「巽 利 凶 竄 斷 變

剛中而柔外,説以「利貞」,是以順乎天而 ≒ 说下 兑,亨利貞。《彖》曰: 兑,説也。

難,民忘其死。説之大,民勸矣哉!應乎人。説以先民,民忘其勞。説以犯

故 正,則 乎人」也。 天人殊位,順乎天者,而 三、四人位也,六四、九三相易而説,「應 坤順也,初六之上而説,「順乎天」也。 體六爻言兑也。乾天也,上、五天位也 利正,非道求説,不利也,亦何由亨哉? 正,不正則陷於邪諂,悔吝將至,故説道 也。 之三,柔説於外。二五不失其中,以説 兑以一陰居二陽之上,陰説於陽而見 曰「兑,説 行剛,而剛柔皆亨。 外者也。兑,巽之反。初六之上六, Ħ 剛中而又戒之以利貞者,二、三、四不 乎人而已。● 天之説萬物,陰陽相説。 剛中則實,柔外則接物。 「剛中而柔外,説以 和 而不流。 也」。此合兩 卦九 故曰「兑亨」。 五. 利貞」。 體卦變而言兑 剛 中 以和説 mi 此以兩 IĘ, 九 兀 而 Y

> 巽股而 降而 古之人有行之者,周公之東征是也。 情,用之以説,乃忘四體之勤,決一旦之 死」也。 也。 矣。 命而不顧。 見坎伏,「民忘其勞」也。 先於坤、「説以先民」也。 曰「説以先民,民忘其勞。 説以犯難,民 大川,險難也。 應乎人」。 天,知天則知説之道。 而民大説,是所 爲澤。 坤爲衆,民也。 湯、武之征 涉大川之險,坤化爲兑,「民忘其 夫就 此以上六、六三兩爻而言兑 民和則氣和,氣和 非説之以道,能 説之非 佚辭勞,好生惡死,民之常 伐 坤爲死。 以順天也。 ,出其民 其 坎爲勞,兑決坎爲 故曰「順乎天 時, 以外卦言之, 以内卦言,兑 坤衆從之, 兑 於 則 水火之中, 知人則 亦 如是乎? 則天地之 不 能 故 知 而 説

上「而」字,汲古閣本、通志堂本、四庫本作「要

玄》準之以沈。 伏爻而言兑也。在卦氣爲秋分,故《太乎? 故曰「民勸矣哉」。此再合兩體兼和應。説之大,天地不能違,而況於民

象》曰: 爲 麗,連比也。澤,水所鍾。 其所知,習其所行,相滋相益,體「麗澤」 終以正相助,爲友。兑爲口,爲講,兩兑 者,无若朋友講習之爲大也。《易傳 説也,説之大者也。天下之可説 相益也。」兑與兑同類爲朋。 曰:「兩澤相麗,互有滋益,朋友講習,互 「習」。九五、初九之君子,以朋友講 麗澤,兑。君子以朋友講習。 兩 澤 初上五始 相 而 麗, 无斁

未疑也。 《象》曰:「和兑」之吉,行

初 濟者也,故 九 剛 而 處 曰「和兑」。 説 无 偏 係之私 九四疾惡六三小 能 可 否 相

> 吉,信志也。 九二,孚兑,吉,悔亡。《象》曰:「孚兑」之 疑」也,是以能 事。不正其身未有能決人之疑者。故 訾祐實直 初九遠於六三,无嫌於説 亦得位而正,正 而上行,以 曰「和兑之吉,行未疑也」。 人,然體巽不 |而博,范宣子朝夕顧之以問國 濟 其決而 果,不果「疑」也。 濟其決,否則四疑矣。 則吉,故曰「和兑,吉」。 巽毁,九四相易,六 小人,九四「未 初 九 動

子産、伯有同族也、雖比也、豈能説之?不確、石厚父子也、叔向、叔魚兄弟也、小人、和而不同矣、何疑於相比哉!.始則九五應之、信孚于人久矣。雖比於歐則九五應之、信孚于人久矣。雖比於動則九五應之、信孚于人久矣。雖比於於一、二、小人、非道來説九二、比之以陽説

失乎?」《易傳》曰:「志存誠信,豈至説小人而自

不當也。 六三,來兑,凶。《象》曰:「來兑」之凶,位

忌、●漢息夫躬、唐伾文乎?位,凶矣。故曰「來兑,凶」。楚費无故曰「來兑」。三,高位也。柔邪而説高位而乘剛,來説於二,説之不以道者也。兑,巽之反。初二三皆自外來,柔不當

「九四」之「喜」,有慶也。九四,商兑未寧,介疾有喜。《象》曰:

爲「疾」,九四陽失位,六二陰失位,九四爲「疾」,九四陽失位,六二以小人疾君子,九四宜有憂矣,而「有喜」,九五陽得位爲於五,則君臣相説而有喜矣。夫唐、虞、於五,則君臣相説而有喜矣。夫唐、虞、於五,則君臣相説而有喜矣。夫唐、虞、征小人。可不慎其所從乎?《易傳》曰:「若剛介守正,疾遠邪惡,將得君行百。福慶及物,爲有喜也。若四者,得失未有定繫所從耳。」

位正當也。 九五,孚于剥,有厲。《象》曰:「孚于剥」,

五正天位,有剛健中正之德,當乎位,位消,有剥牀之象。故六三謂之「剥」。九陰消陽也,六三在下,進而上,則四五

●「忌」,原作「忘」,據汲古閣本、通志堂本、四庫本改

且畏之。其可忽諸? 得不危?《易傳》曰,巧言令色孔壬,舜否之義,小人道長,則君子之道日消,安否之義,小人道長,則君子之道日消,安正危矣。 六三取説而已,无獻可替。與德非不足也。然孚于六三之小人,則

光。 厲,上六引三而亦未光。● 而爲害,其可不慮乎? 悔亡。九四以三爲疾,九五孚于三而 三,兑之小人也,故初九剛正者不疑 以引六三之小人也。三巽爲 君,宜有膏澤。 上説道之成,六正己輔 三而行也。九二剛中,不比於三也,而 簣之虧也。此所以「未光」歟? 上六之説三,相引之如舉 下於民 九 而未光,何也 五 小人以説 一剛健 繩, 繩 中 然,爲 離 正 於於 爲 ? 之

III 紫下 涣,亨。王假有廟,利涉大川,利

「利涉大川」,乘木有功也。 乎外而上同。 「王假有廟」,●王乃在中也。貞。 《彖》曰:「涣亨」,剛來而不窮,柔得位

道,及其出險,又或不以道守之,則亂 柔得位乎外而上同」。此以二、四、五三 之守之,皆不失中,故曰「剛來而不窮, 其中者也。 外,而以巽順上同於五,君臣協比,能守 乎險外,六四之柔,自二而往,正位 險中,二陰不能陷,解難散 言乎涣也。 不解,解者復亂。 中者也,險豈能窮之哉? 釋,剛柔皆亨,故曰「涣亨」。 涣,否九四之變也。 爻言涣之才所以致亨也。 九二之剛, 天下之難 二五之剛,四之柔,處 險難 一、患處 自四四 天下離散,不 離 五得中道,出 險,又處之以 而來, 散, 此 之者不 以 否 動 卦 塞 者 以 平 於

<sup>「</sup>亦」,原作「一」,據通志堂本、四庫本改。

<sup>● 「</sup>王」,原作「五」,據汲古閣本、通志堂本、四庫本改。

「中」者心之位。 也」。 功歸於五,言「乘木有功」則「利貞」在其 據正體巽,四 其中而已。故曰「王假有廟,王 之才,皆主於中。」王者極 五 下無事矣,治涣之道也。「假」,至也 於人心,復其本心,則離散者可合,而天 也。人孰不有父母,知報本則知祭祀 貞」者,五也。 廟得人心而存之之象。《易傳》曰:「卦 廟爲先。宗廟者,收其心之涣散 將以聚之,故建國設官,以 安其居者,本於人心失中。 曰「利涉大川,利貞」。《彖》曰「乘木 也。 此再以九五 散 合天下之離散,非正,其 上爲宗廟,艮爲門闕,五王位, 則 鬼 一皆爲 坎爲大川 神 九五 不 而言 我用 一有入于門闕 聖 涣 ,巽爲木,爲股 ,以之濟 一人推 之才也。 為民 涣之道,在 鬼神依 極 原 一乃在中 而 可乎? 難,而 而 其 至宗 存之 人而 「利 得 出

立廟。《象》曰: 風行水上,涣。先王以享于帝

郊、晉 祀,天子不能 **坎爲血,「享于帝」也。** 以一天下之心,使知无二主也。立廟以 天下之險難方 風行水上, 涣然離散之象。 九也。上又爲宗廟,巽股爲立,坤爲牛, 合天下之涣散,則人知反本,鬼有所歸 享于帝立廟」,離 非先 祀 夏 王意也。秦位 郊,魯有周 制,反致文武胙,卒併天 作,先 散 王以 者 廟,鄭 在 觀 是享 藩 此 臣,臚 離 有 則 帝,乾上 于上帝, 散之時, 厲 知 於郊 王之 魯用

■ 「言」,原作「吉」,據汲古閣本、通志堂本、四庫本共

「吉」,順也。初六,用拯馬壯,吉。《象》曰: 初六之初六,用拯馬壯,吉。《象》曰: 初六之地,地莫重於天。」雄,其知涣之説矣。下。楊雄曰:「僭莫僭於祭,祭莫重於下。楊雄曰:「僭莫僭於祭,祭莫重於

故 其上矣。故曰「用拯馬壯,吉」。 者 拼四,才柔位下而在坎中,且四不相應, 坤柔順以 而 四,抍之象。 震,震爲作足,馬美脊而作足,馬之壯 中之才,坎爲美脊之馬。 乃捨四用二,用二乃所以抍四也。 正 本作「抍」,音承,舉 虞翻、陸震本作「壯吉悔亡」。 「拯」,古 也。 悔亡,初六處 曰「初六之吉,順也」。 而巽,可以濟 不言。《易傳》曰:「涣離之勢,辨之 四艮爲手,震爲起,起手以 陰求陽,始涣而 。易則足以資六四之剛 不 涣。 當 也。 然莫或助之,初 位 六四 本有 拯之,亦順 五爻皆言涣。 初二相易 得位近君, 悔 Œ 也 二剛 三則 承 而 也。 健 成 欲 吉 載 六

志在外也。 六三,涣其躬,无悔。《象》曰:「涣其躬」, 二中者,●心之位也,故曰 之人, 不忘故 之以安者也,是以「悔亡」。震足動, 涣散之時也,二之情不忘 也,故曰「奔其机」。二本否 四 身出險,上奔於四,四來憑之以安机,憑 之才,處險而不當位,宜有悔。 上體爲肱。 机」也。二、四合乃有此象。 [巽爲木,坎爲揉,震爲足, 揉木令曲 國,奔則 而有足 得 「得 乎 中心之所欲。 願 四 四,在二者 肱 艮爲 二有剛 也」。 ,猶逃竄 據其上, 二能奮 手,在 奔 中

所以致涣者,險在内也。四五濟險之

<sup>「</sup>寫」,原作「空」,據四庫本改。

<sup>● 「</sup>中者」,汲古閣本、通志堂本、四庫本作「者中」。

者乎? 之近關,杜洩葬叔孫豹,而行之時乎? 悔,三上合而得正也。 悔」、《象》曰「志在外也」。之外, 離目 涣以濟人者也。其正 位 與險爭動而之上,自脱於險,非拯 1,六三處不當位,近險宜有悔。 視下,鞠躬之象。 坤爲身,三上相易,折坤成巽。 躬卑異以遠於悔 故曰「涣其 蘧伯玉聞衛亂 八躬,无 ,則无 時之 然 而

《象》曰:「涣其羣,元吉」,光大也。六四,涣其羣,元吉。涣有丘,匪夷所思。

足以懷之,用柔則不足以制之。四二協大爲光,陽爲大也。涣之時,用剛則不同,其圖天下之涣,是以濟難,與衆同患,得九二之助,陰服矣則濟難,與衆同患,得九二之助,陰服矣則,以為光,陽爲大也。涣之志光且大矣。此君之位,上以巽乎五,下以巽乎二,二,此爲衆,涣三陰,羣也。四巽順而正,居

乎? 於丘。 也。 得而 在五。 建國親諸侯,遣使勞來安集,「渙其羣」 承厲王之後,天下離散,召伯之徒佐王 否則涣散矣。其能效美於君,有丘之實 之所思,不正,故九二爲用,二陰服之, 與三不正。坤土,思也。所思匪若二陰 聚 力, 六四得九二以合其羣,其心思之所存者 剛 墓矣。四視二陰等夷也。 故曰「涣有丘,匪夷所思」。 柔共濟 五中正 五得位,羣陰之所聚,如物之聚 五艮 爲 涣 善羣,然非四合之,亦不 山,半山 而 至於羣,天下始 爲丘,丘聚 四正,初 宣王 可 以

曰"「王居无咎」,正位也。 九五,涣汗其大號,涣王居,无咎。《象》

者成坎,坎水浹于上下,汗出之象。號理,否者亨矣。否乾降二,坤陰升四,降有疾者,閉塞不通,陽降陰升,浹於腠

一六〇

《易傳》曰:「再言涣者,上爲涣之時,下 也。 矣。 无咎。 與上同志安能發大號,居其所而治哉! 散者知所 于亳,武勝 命以 有 也。 大號也。 令如之,巽 處涣如此爲无咎。」 一風 得正 故禹别九州而終於冀,湯勝夏 故曰「涣汗其大號」。 順民,上下交通,險難解釋,涣汗 行地上,省方設教」之象。 在他時,安居不能順,動則 歸 涣時民思其主,故王居正 則无咎,然九五非六四之賢, 爲 商而 矣。 號 ,陽爲大,九五 至于豐。 乾五 爲王,艮爲 王正 五至三體升 出 位 能發 號令者 一,則涣 居,止 有咎 位 而 鰛 乃 其

上九,涣其血,去逖出,无咎。《象》 涣其血」,遠害也 目

句。 先儒讀「涣其血」作一句,「去逖出」作 ,血者相傷之象。 以象考之,當從先儒。 涣五爻不應,上九 九二坎乾爲

> 禍而 去而 事之地,則有咎。 於六三而不去,其傷自取也。 功,上九居不用之地,故遠害无咎。 象曰「遠害」,當從逖矣。 涣時 惕出」。巽爲多白眼,有惕懼之象。 出乎險之外,自處以巽,不陷於險,則是 獨 曰「涣其血,去逖出 血」,言上三俱傷也。 三上相易,上復成坎 應六三,六三近險見傷,上九下 去,一也。 遠害,於義无咎。 仲由死 , 无咎」。 八而傷。 上九能去六三,遠 「逖」,遠也。 於衛,季羔 。一本作「去 故曰「涣其 若施之用 以合涣爲 -應之, 避 故

正以 傷財,不害民 節亨」,剛柔分而 坎兑上 」,其道窮 通。 節,亨。 天地 也 節 苦節,不 説 而 剛 以 四 得 時 行 中。 險, 成,節以制度,不 可貞。《彖》曰 當位 「苦節,不 以 節, 可 中

節,涣之反,泰之變也。 泰分九三之五

亨,剛 之剛 也,立 哉! 節, 節,而 也 過於中也,故節之使不失其中。 正 不變,「苦節」也。凡物過則苦,味之過 剛 而 也。「易窮則變,變則 險,守而不變,所以不 五爻,言節之所 上下 ,我知之矣。 一,形之過勞,心之過思,皆曰 。」自不肖觀之,過者爲賢,自中言之, 過矣,安能節 節 得中則柔不過 則違情性之正,物不能堪, 節 其 節太苦,不可 柔分而 申屠狄之潔,陳仲子之廉,非 不過乎中, 剛柔 之而 上之柔,分六五 分而有節,二五之剛 不 剛 賢者 過。 得中」。 乎? 故曰:「道之不行 以亨也。 矣。 不過則亨。 貞也。夫節者,爲 所謂 過之,不肖者不及 通 可貞者,節之道 此以卦變二、三、 不曰柔得中者, 之三,以 ,通則久」,守而 節者, 上六乘剛 豈道 苦。 上六正 剛 節 得中, 柔有 苏 其 īE. 也

物成 再變 過不 以九五言節亨者、當有位也。 也。 也。天地有節,則陰陽 歸姝,震爲春,離爲夏,節之以春夏也。 不行。故曰「當位以節,中正以通」。 位以中正,爲上下之節,各適其宜,无所 九五,節之位也。中正,節之道也。當 其和矣。 坎,以説行險也。以説 則止。凡止而行,皆有險之道。 貞,其道窮也」。 而不行者也。泰之九三上行,自兑成 正 ,説以行險」。 兑 而失中,不可正也。 爲貝,貝爲財,乾爲金 於 節, 兑爲秋, 坎爲冬, 節之以秋冬 兑説也,坎險也。 及一也。 艮。 和而 不流,中立 此 謂 曰「天 此以 之正 以九 地 者,貴 上六无應戒苦節 故曰「苦節,不 五言節之亨也。 寒暑不過,而萬 人情易則行, 行險,雖止不失 節 而不倚,故 而 玉 子中中 四 九三一變 ,坤爲民 IE 也 可 曰 險

歛有 節以 之以度。 節之義也。 地 財,不害民」。此又推原卦變互體,以盡 不 困 甚 節 制 法 則 窮,故量財之所 非節 則四 人欲 ,財既不傷,民亦不害。 度,自下等級 亨也。 時不成,王者不節則民 在卦氣爲七月,故《太玄》 縱,人欲 故 曰「節以制 而上,其費有經,其 縱 人,計民之所用。 則 財 用 是以 匱 度,不傷 乏, 財 不 天

議德行。《象》曰: 澤上有水,節。君子以制數度,

度者,坎之象也。 其多寡,制 之,水以澤 澤之容水, 鍾,冬至之律於辰爲子,於卦 中正 一爲節 議德行」者,恐其 其 爲 固 也。 隆 有 節 限 殺,「制數度」也。 也 乾爲德, 律、度量 量、虚 君子於民亦 則 中 震爲行,兑口 納之,滿 衡皆始於黄 一爲坎, 而未正 九五五 制數 則 也。 制 洲

庭」,知通塞也。初九,不出户庭,无咎。《象》曰:「不出户《易傳》曰:「議謂商度,求中節也。」

六二

門,艮 繋解 子貞 正應 默亦l 於子,至丑直 交兑爲户,何也? 庭」,乃「无咎」。不出 自 爲户,四在 爲知,故「知通塞」。 「通」。 曰「塞」。 初九兑體 初九、六四正應也,往來相 守 而不諒。」或曰: 是也。不出 以 專以「 不説也,是之謂 通 土在啓閉之際,故 九二近而不 īE 則行,塞則止,義當出 而已。 門 慎密不出」言之。 艮,至寅成泰。 闕之中爲 加 動有險,故「不出 曰: 處,不語而 相 剛 節。 五艮爲門闕,交兑 川 得 決,動成坎,坎水 庭。 艮爲門闕,又曰 處 爲 **兑**爲 兑爲户 也 窒其所 易 。「不出」者, 泰者 則出 ,在言語 不 口 默,雖 《易傳 第,故 舌, 1矣,君 故 有 順 户 故

892

克即坤之闔户也,是以雷收聲,蟄蟲壞天地閉塞。至酉直兑,故兑交艮爲户,坤始於午,至未直坤,至申成否。否者,坤始於午,至未直坤,至申成否。否者,東與武國,至卯直震,故震交艮爲門。震即交通。至卯直震,故震交艮爲門。震即

庭」,失時極也。 九二,不出門庭,凶。《象》曰:「不出門

于下 正 爲門,四在門闕之中,爲「庭」。 極,至中也。二動歷 得時極而自失之也。 異趨,固 德,動而 當位,酌民 曰「時極」。 應五之中,「極」也。當其可之謂時,故 也,故聖人戒之。 矣,得時 M 應 不知變,門庭可出 以趨節之時,則中正之節 情 時極者,時中也。 極 以 也。 爲節。 若説於三陰,與 所以 四,應五成震。 九二有剛 凶者,其節 而不出,是 九五 二以 中之 剛 達 中 震 五 中

「不節」之嗟,又誰咎也。

之,亦不可行也。」三不能 則大耋之嗟,凶」,象異而意同。 咎乎?」此爻與離之九三「不鼓缶 可以免過,而不能自節,以致可嗟,將誰 於口,咨嗟而已。 位,以説從人而已。不能堪焉,故 剛者也。有子曰:「知和 而上自應,夫何憂哉? 六三柔不當位,説而失中,不能節之以 三變而剛,剛 《易傳》曰: 而 節,則 和 不 不 乘 以 加 失 剛 禮 「節 發 失

上道也。六四,安節,亨。《象》曰:「安節」之亨,承

道,以此節下,下必應之。節道行乎上節也。六四能安於節者,以承上中正之正,安於處險,以順承上而止物焉,安於之所安。上三爻皆處險,六四當位履節,止也。凡止物有險之道,險非人情

九五 節 下 而 哉? ,甘節,吉,往有尚。《象》曰:「甘節 不安,則不能常,豈能亨也?」 而 亨,亨則通 《易傳》 目 矣。 「節 非 中正,豈 以 安爲善,强守 能 安其

之吉,居位中也

也。 《詩》曰:「商邑翼翼,四方之極。」往有尚 從,節之至善者也。」 也。 《彖》言九五一爻,此言九五、九二 以節,中正以 有尚」也。 邦域之時乎? 正則吉,二説從之,「往 節者,理之不可得而過者 有甘之意。先王建國宅中,均道里,制 以中,爲制節之主,安行於上而 甘節」也。 故九二不出門庭,凶。《彖》言當位 《易傳》曰:「己則安行,天下則 尚,配也。往有配乎中 五自泰九三變,以説 通,爻止言居位 也。 中,何也? 九五居位 不 一相易 險 説

凶」,其道窮也。

同而意異。」 同而意異。」 同而意異。」 同而意異。」 同而意異。」 同而意異。」 同一意是。《易傳》曰:「悔亡,損過從 以中,則「悔亡」。 五,中也。 悔則窮,能 就中,則「悔亡」。 五,中也。 下五説 所應之者,「苦節」也。 不可貞,貞則凶, 節過乎中,居險之極,人所不堪,下无説

貞」,乃應乎天也。
「利涉大川」,乘木舟虚也。中孚以「利巽,孚乃化邦也。「豚魚吉」,信及豚魚也。
巽,平乃化邦也。「豚魚吉」,信及豚魚也。
」以下,中孚,蒸在内而剛得中,説而

其中已有信也,非中虚乎? 静而正,發中實者,信之質。」夫信之未彰,无形矣,中孚也。《易傳》曰:「中孚者,信之本,三孚于上六,四孚于下,二爻在中而孚,中孚自遯來,訟之變也。二五不應,六

上六,苦節,貞凶,悔亡。《象》曰:「苦節貞

必有

節。

頌》

交萬

而

古之人虚

己遊世,

五

道也。

故曰「利涉

此以四五言中孚

乎澤,爲魚。六四一爻,具「豚魚」之象。 初,坎爲豕,其初爲豚。 三兑爲澤,四巽 離者萬物化成之時。故曰「説 飛矣。化邦之道,不幾於是乎? 從於下,不動而柔者化,剛者應,拚然 上爲邦國,外巽内説,感之以誠信,久 而孚焉,猶鳥之孚卵也。 施之,下説從之。 在中孚之中、「信及豚魚」也。先王之 魚」,六四也。 物,无非信也。取之必有時, 有《潜》,信及魚也。 此以三四、二五言中孚也。 中實乎? 《風》有《騶虞》,信及豚 此揔六爻而 也。 不 中孚六四,即訟坎之 作,断 異説相與,不期於 故曰「柔在 其象異離化坤,異 然 巽伏於上,説 動物之蕃息 如 言中孚 金 内 而巽, 孚 石 而 坤 用之 上巽 之 剧川 而 在 乎 而 得 有風 兵兕 信 好惡之私累其心,其下説 者,中虚之象。 巽爲木,兑金刳其中,「舟虚 難,初越二、三,涉坎成異。異爲股,涉 之功也。天之道不言而善信,四 重載而乘險者,不如虛舟之爲安。 濟難也。 大川也。 兑澤而爲大川,決而成川也。 豚魚也」。 終必凶。 至於賞罰而示之者末矣,非心 育,如是乃「吉」。 六四正 无所不及,而至誠之道可 者,莫如豚魚,信及豚魚,上 川,乘木舟虚也」。 而 波之虞哉! 虎不能害,用此 蹈大難,猶乘木而其中枵然,豈 故曰「豚魚吉」、《彖》曰「信及 夫乘木之利,乘桴不 此以六四言中孚也。 九五體巽,其中虚,不以

乃化

邦也」。

豚

自化,不爲而成

中

可易,

非

以贊天地之化

下草木鳥

也,正則吉,

服也,其

坎爲險

而

當

反

諸

己而

世。

舟虚

而

不違

利

以

如

乘舟,

仗誠

復

則其意 故《太玄》準之以 成 四、乾在 六四、初 萬物 日 之正,乃 「中孚以利貞,乃 誠,乃 自 上 九 應 生,正 爲天之象。 相 乎天者 應 應 中。 言 於天之道, 而 中 已矣。 以其心 應乎天也」。 乎 在卦氣爲冬至, 也。 正,誠 非人爲 正,其心 初九 也。 此 本九 也。 以 正

《象》曰: 澤上有風,中孚。君子以議獄

子議 也。 刑 其獄情之正否也。 坎成兑,兑爲口,「議獄」也。 澤上有風,澤中應之,中孚 盡矣,爲游魂。 日 獄 多至 緩死」也。 中孚自訟變,坎爲 稽留。」法此象乎? 緩死,則 四 + 好 緩 游魂,死之象。 艮六變成中 五 生之德孚于上下矣。 死者,未必死 日, 獄。 也。 風至。 議 九四之初, 平,艮 獄 中孚,信 震爲 也。 者,議 君 反

「虞吉」,志未變也。初九,虞吉,有它不燕。《象》曰: 初九

所以「虞吉」者,得其所從,其 三,歸 體,說乎陰而往應之,爲「有它」。 燕息之象。三非初之正 所主,惑矣。「燕」謂三也,雷在澤中, 從,宜誠一不貳,有它則擇利而動,心无 乃不失其正應,故 位 四 三,變於三矣,何燕之有? 中孚之初,戒在審慎 一爲憂。 正應也,初宜信 妹象 以其有憂也,故虞度之。 《毀而 不 四 「吉」。虞度而得其 燕,以其貳 其所信。 而 初 應,初與三 四 相易 也。 志未變於 初 九、 初之 初九 以 同 所 失 有 六

也。與爾靡之。《象》曰:「其子和之」,中心願與爾靡之。《象》曰:「其子和之」,中心願九二,鳴鶴在陰,其子和之。我有好爵,吾

鵠。」鵠,古鶴字也。《穆天子傳》、《列訟離爲飛鳥,變震爲鶴。《説卦》:「震爲

《子夏傳》、陸續作「縻」。巽爲繩,縻繫 四也。 也。 浩然之氣。」莊子曰:「吾无食,我无糧。」 君有好爵,吾與爾共靡之。非二有求於 我,四謂五,猶曰我君也。「爾」,親乎二 也」。巽爲命,五出命者也。陽爲美好, 類焉者應。故曰「其子 中,虚心之象。其應豈强爲哉! 陽爲大,六四陰爲小,故四有子之象。 母,異四爲子。 之至者。 秋,九二之象也。 子》皆以 二四志同,二鳴而四和。二中也,四亦 ·好爵」者,爵命之美。 「吾」,四自謂也。 ·中心願」而已矣。 荀子所謂同焉者合, 二誠于中,四自和之。若曰: 當作「縻」。 四於五,其疏附之臣乎?「靡」, 八鵠爲 九居二,「鳴鶴在 鶴。 四與二同體震,而九二 九二剛 鶴 孟子曰:「我善 震聲感,兑鳴於 和之,中心願 實 陰 丽 也。 中,中 出于 坤爲

深之間,唯知道者識之。」「吾」亦然。《易傳》曰:「至誠无遠近幽古人文章相錯而成,此爻所謂「我」、

曰:「或鼓或罷」,位不當也。六三,得敵,或鼓或罷,或泣或歌。《象》

罷,或泣或歌」,小人之情狀盡矣。 兑澤流目,或泣以感之,而四 將以誘之也,而四不來。 得。六三不正,小人也。六四正,君 言,或歌 爲長、震爲聲、兑口爲言、長聲以永其 進,將以張之也,而四不應。既罷而退, 四,四終不可得。震爲鼓,三動,鼓而 也。三小人不見信於君子,而志在 爲敵。」蓋三、四同體 均,當應而否,故《子夏傳》曰:「三與 曰:「上下敵應,不相與也。」言六爻勢 敵者,勢均而不相下也。《艮》之《彖》 以 樂之,而四不悦。「或鼓 而異意,近而 三動離爲目, 不憂。 不 .得 子 相 四

子也,豈能强得之哉?正,終莫得之處位不當,无以取信於君

「馬匹亡」,絶類上也。六四,月幾望,馬匹亡,无咎。《象》曰:

能 四 馬,兩服爲匹,兩驂爲匹,不能四馬 五在 敵君之禍。 絶其類而不應,則「馬匹亡」矣。 孚道在 君,禍敗必至,不可不戒。 訟離爲日,坎爲月。坎變震,月在東也。 四處當 「匹」也。 兩馬,日 離變兑,日在 一,四上從五,亡其匹 應 成孚乎?」 中, 初 位近君,其道上行,成孚者 成坎,坎爲 | 駢駢 四 震坎 爲幾望。 《易傳》曰: 亦匹也。 西也。 陽卦,「類」也。四之上, 美脊之馬。 陰道之盛,盛則 月東日西,望也。 則絶係應之私,无 「係初則不進,其 四震 古者駕 爲作足馬, 兩馬, 車 則 也 駕 四 敵

九五,有孚攣如,无咎。《象》曰:「有孚攣

如」,位正當也。

固結 九五 九五 孚如是,豈能无咎乎? 非其人不可。君臣之際,非位正德當其 離目相就,拘攣之象。 之德,當乎位也。五四君臣相 |剛健中正,六四柔巽,正 如孿然,相易以致 在上,六四在下,君臣之位 拘攣也。五四相易,有巽股艮手 夫忠爲令德,苟 用,故「无咎」。 而 孚,上下 順,君臣 Œ 也

登于天」,何可長也?上九,翰音登于天,貞凶。《象》曰:「翰音

也。 巽爲雞,剛其翰也,柔其 天,六三往上,陰爲虚,「翰音登于天」 翮 其可長乎? 實,虚聲聞于上,雖登于天,須臾則反, 也。震爲聲,上動反三成兑,雞振其 IIII 鳥之類聲聞于天者,鶴也。 後聲出于口,「翰音」也。乾五 巽爲長,三之上巽毁,「何 (毛也。 翰, 雞无是 羽 爲 邓 檰

「貞凶」。張載曰:「信之无實,窮上必可長也」。不信之極,正乎其凶。故曰

H 吉也。 也。 《彖》曰:「小過」,小者過 事。 宜上宜下,大吉」,上逆而下順也 利貞」,與時 震 艮 上 下 有「飛鳥」之象焉。「飛鳥遺之音,不 飛 鳥遺之音,不宜 小過,亨, 剛失位而不 行也。 利貞。 中,是以「不可大事」 柔得中,是以「小事 而「亨」也。 可 上 小事,不 宜 下, 大吉。 過以 可 大

過反 於外,六二過三而亨於内。 大,陰爲小,小者過也。 小 反於中。 於偏,矯其失,必待小有所過 以 過與中孚相易,其卦四 ·過,亨」,《彖》曰「小者過 四 於中,則其用不窮 陰之中舉六二、六五言小過也 謂之過者,比之常理 而亨矣。 六五過 陰二陽,陽 蓋事有失之 然 而亨也」。 」則過 四 故曰 公偏者 而 也。 爲 亨

就正 過而在下者也。巽爲事,正則吉。 得尊位,過而在上者也。 小過也。二五之柔,皆得中也。五得中 暑或過於陽,冬裘夏葛,无非正也。 以小過者,時 之正不動,於六二不動乃能「小過而亨, 震,春也。明夷之離,夏也。 失而過, 失其正則吉,「柔得中」也。 之道,不以位之上下,於小事有過 日 利貞」也。 小過之艮,終始也。 正也,五過乎四不正 九之四成小過,五過乎四也。 小 三之二,成明夷,二過乎 過自 「過以利貞,與時行也」。此以六二言 也。 臨 正也。 來,明夷 君子制事,以天下之正理,所 所謂「時」者, 臨之兑秋 而已。 正者,時所當過,過所以 變也。 譬之寒或過於陰, 過與時行,而六二 也。 三也。 臨九二之三六 二得中得正, 不正者,矯其 九四 坎,冬也。 二過乎三 明 小過 剛 而 夷 也。 故 初

則易。 所以 爲風 聲往 所用 哉? 也。 之時 吉,不然必凶 安能遠過? 故「宜下」。 小過之時, 事有時 有飛鳥之象。 可作大事」。 鳥之象焉,飛鳥遺之音,不宜上宜 九三剛 不 其 非 從宜,不可過越已甚,然 於上而止於下,飛鳥遺音之象。 譬如 明夷離爲鳥,初往之四,自下而升, 此復以 小過肖 飛鳥遺之音逆而上則 上逆也,故「不宜上」, 可以作大事。故曰「小事吉,不 剛,不中則 剛 得 飛 而 位 此以二、三、四、五言小過 俄頃 時 鳥 初九之四言小過也。 坤 不 四易坤成坤震,震爲聲: 得 泝 中, ,故二卦爲下篇之正。 不 中 而 風 才過乎剛 可犯也。 不 震 止矣。 決 爲 能 起 作, 濟。 mi 大者如 故 E 一是以 難,順而下 陽爲大作, 失位 亦豈 騰,其音 日 而當過, 下順也, I「有飛 下,大 能 小過 是 則 則 调 无

乎恭,喪過乎哀,用過乎儉。《象》曰: 山上有雷,小過。君子以行過小過爲陰,貞於六月未,法於乾坤。」以鄭康成曰:「中孚爲陽,貞於十一月子。

時中 過也。 仲之過儉,非過於理也。 之過。考父之過 過,君子不得不小有所過,以矯正 高,坤爲吝嗇,處高 咷,而上六過之,「喪過乎哀」也。 雷出地上,其壯乘乾,山上有雷,小 上,下而過,「行過乎恭」也。 也 初六過之,「用過 君子有時而小有所過者,三巽 恭,高柴之過哀,晏平 而吝嗇,逼下已 乎 儉」也。 小過乃所以爲 震巽 一時 當 巽爲 有 乎 其 號 所

可如何也。初六,飛鳥以凶。《象》曰:「飛鳥以凶」,不

明夷離爲鳥,初之四,「飛鳥」也。以,如

也。」 必矣。 兑口,如何也。 體 是謂惡成而不及改者。 師 鳥迅疾,雖欲救止,「不可如何」,其「凶」 爲四所以不當過而過,其 人躁,易而上應助過速且遠,不容救止 能 不正,柔而 左右之曰「以」。 坎爲可,四以之,坎毁,不可也。 止,不當過 與鼎「信如何也」同象。 四 《易傳》曰:「小 也 動 過至甚,如飛 體 有應在 而 躁, 初 艮

九三,弗過防之,從或戕之,凶。

《象》

從或戕之」,凶如何也。

无咎。《象》曰:「不及其君」,臣不可過 六二,過其祖,遇其妣,不及其君,遇其臣 位,配乎祖,「妣」也。 不中正,於義當過,妣中而過之,義不可 三乾在上爲父,四爲祖。 五坤陰 而 「過則失中矣,故「遇」之。 遇,不期而 適 六二中正,祖尊也,妣亦尊 與中相當也。 五不應二,以中相會,故遇之,言過 五君之位,坤居之, 曰祖曰妣,既過之 也。 居尊 也。 祖

> 及於 坤臣 之分,其咎可知。」 不可不戒。《易傳》曰: 君,過 也 過 臣 而 一之分 適及於臣 也。 「遇,當也。 之分, 於義爲 則 有 可 咎,故 過 而

矣。 戕者,外傷之。「如何」,兑口也。 吉。兑澤,坤土止之,「防」也。三不防, 其凶果如何也。 六「如何」同象。 乃捨所守從之,剛過乎中,上或戕害之 中,故「弗過」,宜正 中不可過。 九三剛正而應上六,應則過五,五 ,伯宗言於朝而諸大夫莫若,皆過之 離爲戈兵,己動失正,「戕之」也。 三戒在 不能守正,見戕於外, 晉陽處父易狐射姑之 己自 小不忍,用 守,防 剛 小人則 中也, 與初 以 過

而 弗 防,故及於難

九 永貞。《象》曰:「弗過遇之」,位不 往厲必戒」,終不可 四 无咎。 弗過 遇之,往厲 長也。 必戒, 當 勿 也。 用

過也。 之,既 也 象。 矣。 理 隨 之時,不戒而用剛,鮮不爲禍。 故必以用剛爲戒。 也。 時 可長也。 不當位,以剛履柔,爲得宜矣,故「无 若去柔用剛,進而之五,往則危厲 然盛衰 處順不可,固守其正,是以 不動兑爲口,「戒」也。小人過君子 弗過二則 四下應初,則過二,二中也 巽爲長。 曰「必戒」,又曰「勿用,永貞」。當 知二不可過,乃與五 戒 相 圃 與 循,无小人常過君子之 陸震曰: 慎 中適相當,遇得 之,以俟其復。」 往之五成離, 戈兵之 「小者之過,終 遇,五亦 終无 故丁寧 ,弗 其 咎 道 中 可

> 《象》曰: 「密雲不雨」,已上 也

爲穴,坎幽隱 絲繫矢,「弋」也。弋,取之器也。❸ 弓,離爲矢。 升,陰唱則陽不和,「不雨」之象。 東 陽,君子之澤未能 雨。 而見天際,郊之象。 兑澤之氣上 四成兑澤,氣已上 「自我 彼」,謂二六。二在穴中,有中正之德 也。 澤降 故曰「密雲不雨,已上也」。 西 巽風揚之,雲自西 郊」。 爲雨,小過自 初之四成巽,異離爲絲,以 而 三,公位。 爲雲,兑盛 也,艮爲手,「取」也。 下也。 而 四兑,西也。 未 明 降,雲雖 四 夷 往東,由陰 陰 明夷三坎爲 [在内 變, 也,故 7外之交 言陰 密 初 五震, 故 坎兑 九 而 爲 m 调 無 往

六五,密雲不雨,自我西郊,公弋取彼

在

字。

原作「改」、據汲古閣本、通志堂本、四 本改。

汲古閣本、通志堂本、四庫本作「當」。

<sup>「</sup>取」下,汲古閣本空一字,通志堂本、四庫本有「物

上六不與五

相當,失中也。

又動

而

调

其辭 陽謂 之則 小過 不雨 豈能 所畜,而不得施則一也。故關子明曰: 爲我,二陰爲彼,以陽爲主也。 取二,用力多矣,亦豈 五 二陽在 小畜一卦之體,當小過一爻之義。」然 爾, 於 濟大事乎? 畜之矣。 二卦雖殊, 與小過六五 ,尚往也。 쩎 則所過者 然六二、六五同爲陰 陽,則謂 尊卑之義。《小畜・彖》曰:「密雲 下,爲陰所過,不能成 隱,九三君 五 小,皆不 自我西郊,施未行 日 小過之時,柔得尊位, 同,蓋小畜 我。 子 俯 能 自謂 口 而 濟哉? 類,三雖取之. 而大者爲小者 取 以 作大 之,往 所畜者小, 曰吾,謂一 功。 若中孚 謂 八事,過 三下 也。」 助 四 於 陽

> 未必能免,已亢故也。 亢也,人事 遇過之,災乃自取,非天也,人也。 而 則不正 罔罟之象。其違理過常,猶鳥飛過 自離于罔罟。 離,離爲飛 已亢乎? 災眚」者,過之極,窮之災也。 則 甚矣。 ,故凶。離有伏坎,「災」也。 鳥,爲 過越 故 丽 日 故曰「飛鳥離之,凶」。 況處 如 「弗遇過之」。 目,異爲繩,以 此。 小過 使知時 之極,於 而守正, 繩爲目, 於時已 上動 時 弗 成

《彖》曰: 剛 終」止則「亂」,其道窮也 柔正 坎 離 上 下 而 既濟,亨小,利 位 既濟「亨」,小者亨也。 當也。「初吉」,柔 貞。 初 吉 得中也。 「利貞」, 終 亂

既,其卦三陰得位,三陽下之,大者既亨。九四之五,則小者亨矣。於濟爲九二之四成豐。四已濟險,而小者未盡既濟自泰來,豐九四變也。泰兑爲澤,

上六,弗遇過之,飛鳥離之,凶。

是謂

災

《象》曰:「弗遇過之」,已亢也。

則畜之一也,小大之時異焉。

貞,剛 畢亨。 小,小 剧 五 於 亨之也。 三陰而言既 亨,小者亨也」。 也。 陰,萬 而 分躐等之非 柔不失其 者,大者之濟爲亨, 之上 言既 二之 柔 亦 濟 不 禹思天下之溺,猶己 柔正 者亨也」。 物 者 故曰「既濟,亨小」,《彖》曰「既 III 四 濟 剛 ,猶己飢之。 町 既成。」不曰 亦 則 剛,君子也。柔,小人也。 也 成 (正,君子小人各當其位,无犯 以 成豐,次四之五成既 而 亨。 濟也。 其柔得中,剛者爲 位當也」。 守既濟之道也。 自泰至賁,二復三變,始 失人 <sup>②</sup>子 濟天下之難莫若 脱一字。 《彖》文當曰「既 以陽下陰,非正 夏傳》 小者 亨至 小亨, 心 也。 此以六爻當位 「而濟, 一於小,則 溺 此以三陽下 日 而曰「亨小」 之,稷 方 故曰「利 濟,其 濟 用 非 陽 八天下 之初, 一剛,過 濟亨 爲 小大 思 也, 終 副川 濟

> 吉,柔 月 也 正則吉 亂」之戒也。《易傳》曰:「唯聖人爲能 之難 五. 其變於未窮,不使 隋有天下,不旋 終始,時也。治亂 道 濟 止 己寫。 也,止 ,故《太玄》準之以成 ,故有終而 終 一爻言既濟之終始也。 有 則極,衰亂 得 也。 不 中也。 ൬ 故 濟 不進,不復有爲,文飾 既 曰「初吉終亂」、《彖》曰「初 平 无亂。」此推 濟 終止 復起,終以 踵 矣,上六變艮 者,道之窮 至 此 而 則 既 亂,不 於 亂,其道 濟 極 之初 原卦變, 也。 亂也。 在卦氣 知 通 成 「終 所 堯 也 窮 以 丽 以 舜 爲 止 也 蓋 + 九 是 則 其 通

而豫防之。《象》曰: 水在火上,既濟。君子以思患

之,日交則月合。 水火相速 日言之, 加 後 濟, 日 以歲言之,寒來 降 天 地 則 之 月 升 道 以 以 坎 月 則 離 言 暑 相

患。 難,「豫」也。 而不作。或曰: 土防水,「防」也。 濟之極 而未濟之象毀矣。 藏焉。 皆既 坤土爲「思」,坎爲 濟也。 ,水火將反其初,故既濟之象。 君子不可不思慮,以豫防其 思患而 坎上離下,既 五 在既濟之時而 動 豫防之」,則難伏 坤 險 變,坎成震體, 難、「患」也。 濟矣。

「曳其輪」,義无咎也。初九,曳其輪,濡其尾,无咎。《象》曰:

之於初,持重緩進,以全其剛,而不至於 動之四成艮、艮爲手、「曳」也。坎輪在 其輪」,不輕進。 水火爻中,火欲上水欲下,亦曳也。 矣,動而進不已,必至於咎,故戒之。 炎上,有應,進於上,其志必鋭, 三坎爲輪,初卦後爲尾。 ,則於既 濟之義爲得矣。 尾濡坎水,不速濟,止 初 九剛 故曰「義无 時既 而 「曳 離 初 濟

咎也」。

「七日得」,以中道也。六二,婦喪其茀,勿逐,七日得。《象》曰

自初,數之至二,凡七日。「以中道也」, 守,故戒以「勿逐」,逐則失其素守而 馬,「逐」也。五不下二,二當以 之德,不得遂其行,「婦喪其茀」也。 位,无動而 中道者,天地之所不能違,故坤極生乾, 正。「七日得」,自二數之,至上爲五,復 坎爲美脊之馬,二五相易,震爲作足之 有茀乃可以行。 者,「茀」也。 坤離爲文,震爲 二坤爲輿,三坎爲輪。 日必復,而況人乎? 猶怠於其終,況其下者乎? 濟用人,蓋 有爲之意。 離爲婦,婦人乘車不露見, 竹。 一鮮矣。 五 於既濟之時,安其 竹有文, 蔽車之前 二雖有文明中 《易傳》曰:「自 二之五,離變震, 以唐太宗之用 中道 雖不爲 不

行於今,必行於異時。」上所用,而中正之道无終廢之理,不得

《象》曰:「三年克之」,憊也。九三,高宗伐鬼方,三年克之。小人勿用。

恃險不來。 之小國,歷時之久,至於三年而後克之, 坤爲鬼,爲方。五坎爲險。《帝繫》有 正,君子也。上六之三,柔而 方氏,鬼方蓋 人」也。 高宗,中興之賢君。 「三年克之」也。 克,難 三成坤, 三之上成巽,巽爲入,入其險也。 伐之。 坎「憊」也。 力亦憊矣。 民肆慾,遂喪其邦,故戒以「小人勿 爻言勿用小人、《象》曰 憊者,聖人 順也。 坤爲 九五離 國名。 小人非貪慾不爲,其禍至 況用小人乎? 年, 既人其險,鬼 自 體,有戈兵,用 小國 四 辭 數之,歷三爻。 於既 也。 伐鬼 坎爲勞, 不正,「小 方來順, 濟之時 九三剛 上之 方氏 鬼

> 欲,勞民 亦 慮 ( ) ( ) ( ) 後 世 勤 動衆,三年克之。 兵 於 遠, 託 高 宗 雖高宗行之, 久 伐 以 濟 終日 其

戒」,有所疑也。六四,襦有衣袽,終日戒。《象》曰:「終日六四,襦有衣袽,終日戒。《象》曰:「終日

彌縫 其漏, 无 唯自 手,「袽」塞也。 四 重險矣。 六四近君 舟之象。 四,坎水也。 及。 坤爲裳,「襦」裳 九五之闕,終日相戒,如 口,「戒」也。 苟可以 所疑也」。《易傳》曰: 己心有所 而初九助之,如有裳及衣 制治保邦之道,患至 而 四未交初,巽毁坎見,舟漏 乃保既濟之道 Œ 豫 初之四 ,明於防患,資初九之賢, 防者无不爲,斯能 離 疑 也。 巽 日 ,知禍亂之源 成 爲不 在下,「終日」也。 異,異木 初乾爲 果,「疑」也 「不言吉者 故曰「終 奉漏 而 衣,艮爲 在 後 舟,不 水上, 必先 袽 慮 濟 之 塞 乎

夏百日至30° 方免於患也。既濟之時,免患足矣,无

復有加矣。」

也。「實受其福」,吉大來也。祖。《象》曰:「東鄰殺牛」,不如西鄰之時不如西鄰之輪祭,實受其

所進 而 禴祭」也。 九自五來,二以虚受,故曰「實受其福」。 爲宗廟。九二之五,有長子奉祀,東鄰 殺,坤爲牛,坎爲血,離爲夏,震爲聲,上 時已往矣。 五以中正守之,能未至於反 正吉,陽爲大,「吉大來也」。五既濟,无 殺牛,西鄰禴祭之象。 泰震爲東,兑爲西,三四鄰也。兑爲 一五均有中正之德,然二未濟,有進也。 補」尚聲,薄祭也。盛不如薄者,時也。 己。 如之何矣。」 也。 《易傳》曰:「至於極,則雖善處 盈則當虚,故曰「不如西 理无極而不反者,既濟極矣, 殺牛,盛祭也。 刑

何可久也?上六,濡其首,厲。《象》曰:「濡其首,厲」,

人處之,其敗可立而須也。 平? 巽爲長。《易》曰:「既濟之終。」小水濡其首,危極矣。濟之窮也,其可長反三,乾爲首,濡於坎水之中,濟而至於反三,乾爲首,濡於坎水之中,濟而至於安其位而不變,必有顛隕陷溺之患。上上,既濟之極,以剛處之,猶恐其反,六

續終也。雖不當位,剛柔應也。 汔濟」,未出中也。「濡其尾,无攸利」,不利。《彖》曰:「未濟亨」,柔得中也。「小狐則,不

也。艮之初爻爲小狐,猶中孚之豚亦初二五言未濟也。艮坎爲狐。小狐,初爻矣。柔而不中,則介於二剛,其能亨二之柔得中而上行,天地相交,否者亨二之柔得中而上行,天地相交,否者亨

七八

卒,0上 終濟。 未 也。 尾,无攸利,不續終也」。此 尾。」故曰 孟 在 剛,其後乃柔。 爻也 以其剛不足,不續終也。 爲尾,爲後。 重,老狐聽水負尾而濟,其剛不息,是 濟而未及於五,「未出中也」。 爲坎險,五 · 汔可小康。」鄭康成曰:「汔,幾也」。 I相易 喜 度時,慮善而動,上下内 濟六爻雖不當位,而 於審慎 小狐不度 曰:「小狐 卦以成卦言之,上爲首,爲前 言初六之柔不足以 爲終,爲末。 爾 ()始終 一爲中 雅 小 》 曰 狐 以畫卦言之,初爲始,爲 而進,未能 四坎濡其尾,往无攸利, 汔 如 出險也。 濟水,未濟一 濟,未出中也。 「饑,汔也 一,剛健不息者乎? 上九 剛 然則濟險者其 外相 柔 剛 審慎,其前 初往之四, 濟 相 以 也,初六 狐首輕 步,下其 險 應 初六、九 與, 詩 ,苟量 難 **>** 未 日 柔 其 則 以 初 尾 四

> 物居方。 象》曰: 也。 在 .卦氣爲十一月,故《太玄》準之以將。 濟 者 此以六爻申未 也 火在水上,未濟。 故 日 雖 濟有 不 當 미 君子以慎辨 位 濟之理也。 剛 柔 應

初六,濡其 不知極也。 以 有未濟乃有既濟,而未濟含既濟之象。❷ 萬物,使各居其所,有辨然後有交,辨之 爲明,「辨」也。 下,各居其所,未濟也。 物也,居北。二物 未濟自否變,否艮止 正其體,交之以致其用,不辨則不交, 〔尾,吝。《象》曰:「濡其尾」,亦 火陰物也,居南。 有相濟之理。 也,「慎」之象。 君子觀此,慎辨 火上 水

處險下而上有應,其志欲動,在未濟之卦後爲尾,坎水濡之,「濡其尾」也。初

<sup>) 「</sup>含」,原作「舍」,據通志堂本、四庫本改。) 「卒」,汲古閣本、通志堂本、四庫本作「本」。

獸欲 也。 前 亦不出乎險矣。 極,分量之 阨之,雖有應可動,而 剛 濟 於是而欲濟,是「亦不知 動 而 則 力 極 出 柔,水濡其尾則不能舉,終 險, 也 坎水爲知。 於濟爲 初柔,九二又以剛在 柔不能動,「吝」 得,其分量矣。 極 也。

吉」,中以行正也。 九二,曳其輪,貞吉。《象》曰:「九二貞

儀、李晟當艱難未濟之時,能保其終吉佑正也。坎輪在水火爻之中,水欲下,火欲也。坎輪在水火爻之中,水欲下,火欲也。坎輪在水火爻之中,水欲下,火欲也。坎輪在水火爻之中,水欲下,火欲也。坎輪在水火爻之中,水欲下,火欲收,奔輪,二往五應,艮爲手,「曳其輪」坎爲輪,二往五應,艮爲手,「曳其輪」

者,用此道也。」

「未濟,征凶」,位不當也。 六三,未濟,征凶。利涉大川。《象》

日

九 于大國。《象》曰:「貞吉,悔亡」,志行也。 方」也。 險未 Ш 險。 九 四、貞吉、悔亡。震用伐鬼方、三年有 亦凶。 當位、未濟也。 四 而協力,巽股出險,「利涉大川」矣。 三四非應,當未濟之時,三資其助, 乾首没於坎中,淪胥 三處險中,唯至剛乃可以出險。 年而後 動體震,震爲威怒。 居 順 坤土,田賞之象。 四近君,剛而明,有濟之道。 四有悔,動 順克之也。克,難辭。 竇武、何進是也。故曰「征凶」。 自三至初,歷三爻,坤爲年,三 四用其 以柔而行,外援上九,則 威怒以入其阻,「伐鬼 而正,正則吉而悔亡。 以 坤四 坤爲鬼方。 、溺之。 爲 艮 國,陽爲 象雖 六柔 山,坎 初恃 四 當 近 不

以此。」 之賞。 志於上 之。 之人用力之甚者,伐鬼方也 以明必濟之義。 而遠伐,至於三年然後 法者, 故曰「貞吉,悔亡」。 有賞于大國」。 下乎 必如是,乃能 四 凶頑民,歷世既久,乃能 ? 二卦言伐鬼方者 天下之弊,固有盤 非「貞吉,悔亡 濟。 成 《易傳》曰:「古 (功,而 四居柔,故 放故 行大 以 義 結 借 國 去 戒 動 而 此

六五,貞吉无 象》曰:「君子之光」,其暉吉也 吉无 也。 輝散也。 而下九二,二往五正,以 六五文明之主,柔居尊位,悔也。 日中爲光, 有孚」也。 悔」。 五離爲明,二與五應,光明相燭 言二五未交,其德 坎爲 「暉」者、光之散。 朝日爲 悔。 [光,「君子之光」謂九二 君 輝。」朝日 子之光,有 剛濟柔,故「貞 暉之所及, 初出,其光 管輅曰: 乎, 虚 中

是。 上九,有孚于飲酒,无咎。 間 坎流于兑口,「有孚于酒」也。 上孚于三,三震坎爲酒。 已孚于上下 正,臣必有不言之信。 《象》曰:「飲酒濡 言,功濟天下而无後患。不然,凶必 ·則吉。 首」,亦不 濟 然後委任篤 險 濡其首,有孚失 難 者, 知節也 君 下 必 无 剛

矣。 位,與六三相應,而 應,終不濟也。上九君子,有才而不 時之志,以故世復大亂 之理,非剛健之才,得時得位,上下孚 首濡于酒中, 可濟之時,則於義「无咎」。 「有孚」矣。 正,「无咎」也。未濟之極,无極 坎兑,節之象也。 晉魏之交,士多逃 相與飲酒,樂天順 則從樂眈肆,「亦 无 可濟之資,以 有孚若然,失是 上反三成兑, 于 聖人之戒,不 上反三,乾 麴 三之上得 糵,无 命,以 不知節」 而 自 俟 當 其

## 周易繫辭上傳第七

德,可大則賢人之業。 知,簡則易從。 坤作成物。 之以雷霆,潤之以 變化見矣。 以羣分,吉凶生矣。 天尊 有親則可久,有功則可 天下之理得,而成位乎其中矣。 地 動 静 乾道成男,坤 卑,乾坤 有 是故剛 乾以易知 易 定 剛 知則 風 柔斷 矣。 柔相 在天成象,在 道 雨。 ,坤以簡能。 大。 有親 易簡而天下之理得 成 卑高 矣。 摩,八 女。 日月運行, 易從 可久則賢人之 方以 以 、卦相 乾 陳,貴賤 類 則有功。 知太始。 地 易則易 盪 聚, 成 寒 位

爻。

變化者,爻有變動

也。

伏羲畫

卦

剛柔、吉凶、

變化,三者聖人觀萬物而

4

坤、貴賤,兩者聖人觀天

地

而

畫

卦。

故策 德斷, 八爲陰。 者,柔也。 乎五也。 既曰尊矣,尊无二上,故易尊爲高。 乃定。 乾 元士、大夫、三公、諸侯承之,然後君位 高者,乾之位也。 位分矣。陽爲貴 天地反覆。 子卑,夫尊 曰卑高者,貴以賤 道雖屢遷,上下不易。 乾,首萬物之母 始於午。 一三五爲 上坤下 七者二十八,策九者三十六。 圃 見於卦則上體乾也,下體 无疑矣。 動 陽, 剛,二四上 至於《周易》,尊乾卑坤,其 「動静有常」,則乾剛 婦卑,謂之三綱。 立 而不屈者,剛也。 高者貴,卑者賤, 剛也。 天地之位 乾也。 策數以七九爲陽,六 爲本。 卑者,坤之位 《連山》乾始於子, 爲 陰,柔也。 柔。 君尊臣卑,父尊 陰爲賤,坤 易自下升上, 歸 陽 三綱不正, 藏》先坤 静而不 則貴賤之 爻位 坤柔 也。 坤 爻, 也 其 變 X 坤

者,陰 所畜。 柔摩 數六。陰陽交錯,剛柔互分,天地變化 陽之氣變於上,剛柔之形化於下。 通 之道,乾坤之交也。 天變則地化,變者陰 類,或遠 異則離,而吉凶生矣。爻或得朋, 各以其「羣分」,異情也。 物,各以其「類聚」,同氣也。 則 八,策三十六者,其數九,策二十四者其 之以雷霆者,震反艮也。 一或異 十八者,其數七,策三十二者, 臣强,父不剛則子 陽二陰三陽 剛,剛柔相摩,八卦推盪,變化彰 説 陽也。 尊卑之位,貴賤之分也。 卦》謂之中爻,先儒 加 而相應,或近而 同 「在地 ``陰陽之情也。 四 陰 陽極 乾以 成形」者,剛柔 五陽六陰。 强 ,夫不剛 不相得,或睽 而 剛 氣同則合,情 潤之以風 相變也。 謂之互體。 摩柔,坤 五物之類, 在天成象 五方之 則 君 其數 或失 故 爲 不 陰 策 而 剛

> 兑也。 者,巽 者也。 於戌 終於十月, 西南方,申也。 陽藏於坤,有一而未形,知太始也。 始於子,物成始於午。 於坤,以乾知太始,坤作成物也。 異體也。 子、君臣,乾坤也。夫婦,震巽、坎離、艮 者,坎離也 之道也。巽、離、兑之爲三女,得坤之道 越乎乾坤也。震、坎、艮之爲三男,得 不以陰先陽也 亥,作成萬 尊卑貴賤之分也。 反兑。 聖人之用天下,合乾坤也。 長幼,其序也。朋,同類也。 五者乾坤而已矣。 亥也。 六子致用,萬物化生,然 0 風 物也。 物成於正 丽 坤作於申,成於酉,終 日 月 曰 乾西北 潤者, 運行, 乾 故父作子述, 知大始,坤作 秋,酉也。 始於乾,終 以 方,亥也。 寒一 ায় 圃 風 坤 坤 乾

,「兑」下,汲古閣本、通志堂本、四庫本有「也」字

一八四

間 則上 言尊、 聖,亦曰選賢,與賢也。 婦各 於人者也。 易知,簡則 際,君臣 也。 无 新之德,可大者,富有之業。 天下見其 本」,荀 久,有功則不 簡,易簡而天下之理得,天下之理得, 爲 佚 下與之同流。 獲自盡,故 加 臣 (天地爲一。 風 簡日 順 即所 勞 爲 雨 乎 之大義 憂樂,故 萬 言潤 其 易從者,歸 夫 乾,其作成萬物 謂 聖人,賢人之極。 物宗,以 政 唱 已,故 同 有 不煩,故易從。 婦 嚴矣。 隆」。 義。 功。 有親,易從 德業既 和 可大。 易知 之乾 聖人之於尊卑 有親 乾坤之理、盡於 易則其 夫 孟 乾 成,乃位乎兩 者 也。 子 也。 則 賢人者, 確 可久者, 以則匹 所 不 以「簡 舜、禹之 心 然 易 天 與 謂 厭, 不 夫 高 動 知 兀 故 H 故 則 地

聖

設卦,觀象繫辭

焉而明吉凶

剛

柔

相

占。 極之道. 也, 也, 悔 推 居 | 吝者, 化。 者萬 自伏犧 則 爻辭 聖 自得 知者設也。 有 而 觀其 有得失之象也; 不 人 是以「自天祐之、吉无不 生變化。 所樂 剛 ,以明告之,非得已也,爲觀 足以 也。 有 也。 設 變化微矣,非 復相發也。 柔者, 晝夜之象 憂虞之象也; 八象而 千 至 卦,本以 而 是故君子所居而安者,易之序 知 聖人憂患後 歲,其道如出 于堯、舜、文王,近 爻有剛柔 玩者,爻之辭 此,於是繫之卦 玩其辭,動 是故吉 觀象,不 是故辭之有吉凶者, 辭 凶 辭之有悔吝者,人 剛 世,懼觀之者其 也。 者, 何以 變化者,進退之象 則觀其變而 乎 柔 也。是故君 失得之象 言 利 人, 明之。 六爻之動 相 者同 辭, 而 推 見 又 觀 象 而 . 時 吉 象 繫 象 生 而 也 凶 與 變 未 之 智 遠 而

其 究 也。 之極也。」極乎終則反乎始,兼、兩之義 卦,三變而震 殊致,故曰吉凶悔吝生乎 也。 有真數,三是也。」關子明曰:「天三,數 生二,二生三,三極矣。 邵雍曰: 動爻也,「六爻之動,三極之道」也。 止,剛柔之變化不窮。 則畫退, 者,或致吉。吝,其失者,或致凶。 當 推而進則夜退,柔者變而剛。夜推而 變化者進退之象,剛柔者晝夜之象。 者憂虞有不至焉 有憂虞之象也。 失得者, 否也。 變化之於剛柔,猶進 君子所居而安者,易貴賤之序也, 爲健,三變而乾也。 故極而不變,其道乃窮。 剛者變而柔。 失者能 也。 憂虞之,俄且 ,俄且失矣。 觀此,可 憂虞異情,得失 晝夜之進退无 剛柔 動。 退之於晝夜。 以例餘卦矣。 巽其究爲躁 《説卦》震 一得矣。 相文, 悔,其失 變化者, 變化 進

> 之所 无不利」。 道也,天人一理也。 所樂 玩其占。易以變爲占,於占言變,則 其卦之象 玩,未變之辭也。 而 玩者,爻吉凶之辭 而 玩其辭,動 是故「自天祐之,吉 居處 則觀其爻之變 也。 動作,无 居 則 非 居 而 觀

得,觀其象可也。剛柔相推而生變化,所以言乎一卦之象也,玩其彖辭而不設卦觀象,默而識之,不得已而有彖者,

<sup>●「</sup>文」,通志堂本、四庫本作「反」。

<sup>●「</sup>爻」,原作「文」,據汲古閣本、通志堂本、四庫本改。

无咎則 乎位 護 失則 也。 吉凶、悔吝、无咎,一也。 咎,善補過 咎所以明吉凶也。 子度德量力,折之以 誰咎」者,言咎實自 大,則悔无及已。 或 不可咎」者,義所當爲,才不足也。 應 小疵致大害者也。 凶 也 則 吉凶 凶。 有 折 視 否見 悔 剛 也 難 獄 履 ), 玩 柔 卦 可知矣。 者,言如 悔吝者,言乎小 知 而 尊 同,視享上帝、養聖賢、養萬 矣。 自 往 其 至於无咎。 位 來、上下 下 , 與居 交 故 易於小事不忽,於大事 而 吝者,●言當 是 辭 有 言凶而不言吝,吝不 象不言悔而言无咎, 取,自咎可也。 丽 爻 愐 中道,則无咎矣。 ,列貴賤之位,存 无咎者,本 家 内外、得位失位、 得 不 辭 其實,悔吝无 同, 《易》有言「又 疵 則 得 也 吉 視 觀 以 四悔,而 征 如 其 伐 實 有 是 變 乎 君 有 IF. 口 而

震懼 者,之于吉也,所謂「能説諸心」。 之先見也。《易》曰:「介于石,不終日, 事之 險者,之于凶 貞吉。」確然自守者,守正也。 悔,不近於知幾乎? 前 存 利,順性命之理。 也,言乎其變也。 各指其所之之險易也。所之者,動 憂慮悔吝,非險辭不足以盡之,爻辭也, 物 之」某卦是 失 乎介。 與 小小大 與 而 飲 而 子 食 不憚改也。 无 齊 思 同。 咎者,當存乎悔。 介者, 也。 矣。 同。 也 知 ,所謂「 從其 確然自 故存 此 憂,悔吝之將 則 《春秋 故 則 繫 悔 幾者,動之微,吉 所之,乃能 乎卦之小大 知 解 能研諸 則无咎,介則无 顔 守,不與 傳》觀其 馬 子 以 悔者,追悔 與 慮」。 至 禹 物 一者。當 有 ,則見 動 同 爻 有

吝」、原作「言」、據汲古閣本、通志堂本、四庫本改。

可已也。

過,曲成萬物而 安土敦乎仁,故能愛。 易與 子之道鮮矣。 知者見之謂之知。 者善也,成之者性 似,故不違。 魂爲變,是故 不過。旁行而不流, 原始反終,故知死 於天文,俯以察於地理,是故知幽明之故。 神无方易无體。 天 地準,故能 知周 知 不遺, 鬼神之情狀。 ,乎萬物而道濟天下,故 彌 也。 生之説。 百姓日 綸 陰一陽之謂道 樂天知 通乎晝夜之道 範圍天地之化而不 天地 仁者見之謂之仁, 用而 之道。 精 命,故不憂。 不知,故君 與 氣爲物,遊 天地相 仰 而知, 以 觀

之道, 也 通爲一章,今從昭 王 ,其道甚大。 昭素離「易與 成文; ① 彌滿 无 間,綸 與天地均,故能 地,形 大天地 素。 經 準」合「精氣 也 聖人觀天 而 加 不 有理。 絶。 用天 地 天, 爲 形散 以 物 地

> 魂。 故分 仰 兑,陰也。陰陽之精,五行之氣。 也,震、巽木也,坎水、離火也,坤、艮土 也,謂之「一世」,六變者卦之終也,謂之 散之理也。 无,生之終也。 故 俯察乎地,凡天之成象者,莫不具 爲 二十策,皆源於太極。 八卦,成三百八十四爻,萬有一千五 也。 觀 氣 魂」,七變而反者卦 故知此 乾、震、坎、艮,陽也。 乎 而爲二, 揲之以 明 始者生也,終者死也,反則死 聚 天,凡地之成 而 而爲有,生之始也。 幽 以八卦觀之,一變者卦之始 則知死 也 始終循環,死生相 氣 生之説也。 形者 聚 四、生二儀、 知此 體復也,謂之「 成 形, 則 坤、巽、離 幽 不 知幽明 乾、兑 有 而 散 (是理。 四象、 是 明 而 氣聚 而 也 金 百 復

「成」,原作「咸」,據汲古閣本、通志堂本、四庫本改

視 升,升則无不之也。 既 也」。 觸類 爲 物 物 既盈,氣 歸 目 得 太史公言「儒者 申也,反之謂鬼,以其 行陰陽各還其 化者 ,俄且化 也。 生陽 散其情也,故 於地 「,得艮 愈謂「鬼 與鬼神異乎 震爲足,得 精 精 成形,其游魂爲變乎? 知此 今人行 日 也。 爲鼻,得兑爲 日 聚 魂。 其 生 則 矣。 反 爲 无聲形是也」。 謂 巽 物。 知鬼神之情狀矣。 而 ? 氣中 至於死 (本,故 鬼 也 謂 爲 游 不言鬼神, 曰「乾陽 爲 ,氣日至 股 日 誠 得乾爲首, 散。 ·,若哭若 物,察之有不至也。 ,得坎爲 有是,而 魄 魂 也 歸 П。 降 陽 體 至之謂 也 人生始化曰魄 物 而 及其 加 反 生蓍、立卦 魄降 而言 也, 呼,其人忤 氣 滋 於 物其狀也 陰陽轉續 耳 得 不知氣之 不化 息 神 天 散 坤 坤陰 或 有 而 物物 爲 也,五 以 魄 魂 日 離 腹 生 物 其 陰 爲

> 周萬 行散 也。 用也。 安,亦未嘗一 之體 不以天下累其 矣,故道 物,无非 者,萬物之一源,知性則知天, 天地相似 綸天地之道。 生爻三者, 萬物而 不體,有違於 安土 也。 物 徙,流 道之行否有命, 此言易 而 不 濟天下旁行 我者,故智周乎萬 故 知以道濟天下,則過矣。 道 道濟乎天下,故不過。 者 準 m 濟 「**,** 所 日忘天 不違。 物 不反, 易 天 正 天下 心,故不 則 地 而亨也 遇而安 與 也。 天 與天 此言易之 下, 篤於仁者也, 故 徇 而 膕 地 窮 不 物 酢 自 準 也。 地 流 亦樂,通亦樂 而 萬 ·, 天 此 範 物。 不 此言易之貞 喪己, 圍 變,其道 以 雖 知天則 時 地 此言易之 相 者,防 下, 所 此言易 智周 无 也 似 遇 亦過 唯 言 物 亲 知 平 知 性 與 彌

之,不 之性。 陽 方也。 知 推 地 曲成萬物而不遺,乃能无一物不體與天 過故能盡己之性,能盡己之性則能盡 物而獨化」是也。 不過者,不過乎中也。 以天下,而適乎大中至正之矩,故不過。 天地,不違也,不過也,不流也。 息不 之所 平晝 測 不能也 死 相 兩 ·留,故 生,知鬼神。 似 圍,夫 則无方。 害其爲直。 也。 與時 天之生物也直,聖人相天而曲成 夜陰陽之道而通之,則 曲成者順 地之化者、氣也。 謂之化。 子所謂 兩 故通乎書 偕行矣。 者 剛柔 合 萬物之理,成之者非 非 此言易之中正也。 此言中 「矩」, 雜居 盡 加 善養其氣者,大配 夜之道 己之性盡物之性 晝夜者,陰陽也。 横渠謂 不測 加 正之成物 氣之 莊 相 周 者,神 而 易者,用 下非也 知幽 推 所謂 大 知。 雖憂樂 移 明, 也。 物 絶

哉? 其道 默也。 智者見其旁行 體 也。 善之名立,善不善相形而後命之也。 氣,或得之偏,乃有不善。 无有不善,不善非天地之性。 亹亹焉,孜孜焉,不敢須臾舍也。 君子晝有爲, 寒暑之運 陰一陽,在天日月之行 反其初者,不善盡去,則善名亦亡,故 一陰一陽之道,則繼之而 善而成之者性也。 知易无 濟天 性 相易則无 推而行之,故以 即天地也,所謂 也。 下,得易之體 體 宵有得,息有養,瞬有 , 則 在 體 而不 人屈伸也,動 知 流 知易无方, 性自成也, 豈人爲 陰 ,得易之用也,故 是 也, 晝夜之經也 也,故謂之仁。 誠 不已者,善也。 名之爲道。 一陽之道 有不善,然後 也。 則知易无 静也,語 剛柔之 夫性 舍 知

<sup>「</sup>夫」,原作「天」,據汲古閣本、通志堂本、四庫本弘

故 知,故君 之成名,得道之大全者也 一,兼 日 用 知,百姓習焉 體 而 陰 子之道鮮 不 陽而 知。 无 君子之道仁智合 矣。 而不察,行之而 累,通乎晝夜之道 君子者,具仁 體 不 智 而 用

法之謂 之謂 德。 以 言 法 配 動 動 乎天地 事,陰陽不測之謂 盛德大業至矣哉 顯 崇 乎 地 也 也 諸仁,藏諸用,鼓萬物而不 四 天 子曰: 闢 直 遠 盛 德 時 ,是以 德。 而 之間則備矣。 則不禦,以言乎邇 坤。 地 是 陰陽之義 廣 設 以 業也。 生生之謂易,成象之謂 位 易其 極數知來之謂占,通 大生焉。 廣 而 生焉。 易行 至矣 神。 配 富有之謂大業,日新 知崇禮 日 夫乾, 乎其 乎 夫坤,其 夫易 月,易簡之善配 廣大配 ! 則 八中矣。 卑,崇效天, 其静 静 廣矣大矣, 夫易,聖人所 與聖人同憂。 天 静 而 正,以 地,變通 也 成性 也 變之謂 專, 乾, 效 以 至 其 其

存,道義之門。

之妙 也。 兩 之謂易。 久而 己。 鼓,風 陰,陰復 渠曰:「富有者,大而无 謂配 動,萬物聽之,鼓 行,莫知 之道,不以其所可憂者而同乎无憂, 天道之行,雷 一,太 摩,萬物變化 而 剛柔、男 成象者 无 天地立人道者,存乎己,易之道是 生陰,陰配 則聖人盛德大業豈不至矣乎? 極 雨 猶不與聖人同憂者,蓋聖人有 窮也。」陽 生 其 之所 兩 太極 然 陽,生生不 儀 (女而 健 顯 霆 以潤,日月寒 而 而 不 也,此之謂乾。 風 然,藏諸 效之。 動則 成 於陽,猶形之 諸 生陰,陰生陽,陽復生 萬物也。 雨 象 仁 含兩 日 窮, 也 此 法 外 月 用 天 此 如 儀 也。 寒暑, 暑之 也。 雷 此天道 所 環 ,動而生陽 霆 地 有影, 以 效法者 無 日新者 所 之 所以兩 天理 剧 三也。 端, 无 所 柔 故 此 横 自 以 相 心 運 相

其 實 依坤 陰不 也。 乎遠者,變動 之謂神。 而萬 合德,剛柔有體,變與不變,互相推盪 以言乎邇者,不變者也,静而 之,此之謂事。 下之動者也。 地之用爲易,在易爲乾坤、爲占、爲神。 知,此之謂 順 兩言該之曰仁智, 也 六變而九,從乾 能 物備矣。 陽之中, 夫乾之静,以一陽藏於二陰之中, 而行,故直。 極 此 也。 燒,故專。 之 天 是道 占。 謂 地 廣者坤也,大者乾也。 也,入於无形莫之能 隨 之數 坤 以言乎天地之間 廣矣大矣備矣,所謂富有 也,在聖人爲德業,在天 陰陽變化,不可測 陽 0 窮則變,變則有 坤之静也,以 其動也,●九變爲六, 而 天數二十有 而 而 以一言該之日道, 人,故翕。 出 吉凶之變 故闢。 守正,一天 則 Ŧī. 術 及 一陰藏 可 直則自 禦也。 度,此 其 乾坤 以 以 地 通 動 前

> 卑。 矣。 故變通 故廣大 矣,知崇則德崇。 徧 則 生 也,皆謂之至德。 子於太伯之讓、文王之德、孝 隱於无形者也,故簡易之善配至德。 也,故陰陽之義 大 遂 體 乾 一焉,故也言乎天地之間者備 德 「,用 一,闢 禮卑矣,禮卑則業 崇上達,易自 也。通 將以崇德,故知崇,將以 坤簡易而已。 日生,乾坤不 則 止 配 配天地。 沒是昌。 乎 四時。 形, 乎晝夜之道 此 配日月。日月相推 大生者 乾坤之動者,陰陽之變 變通者,乾坤之動也 相離 廣大之辯 德 下升也,卑无不至,易 曲 至德者,天地之德, 成萬 廣。 至於是,无 通 也,是以能廣大, 而 物 知,可 知崇效天,禮 乎形 也。天地之 而不遺 廣業,故 矣。 也、 外, 謂知崇 以 中 復 其究 而 廣 禮 加 明 生 口

「其」上,汲古閣本、通志堂本、四庫本有「及」

也 存 道 位 陽之謂道」,又曰「道有 成性者,存其所存, 義出 其 入神,以 一,六爻上下 所 地 存者何也? 地之 德崇 道義者, 致用」。 業 用 ·升降 廣 也 用 則 夫 ,而易 則 也。 尊 萬 天 去人 卑 變動」,又曰「 下 物皆備於我,而 地 故曰「一陰 行 有 與 欲 位 乎其 一天地 定, 天 而 地 天 天 中矣。 同 理 位 地 流 存 精 則

其 動 其物宜 千里之外應之,況其 靡之。」子 「鳴 (吉凶 惡也 後 人 而觀 有 在 一,是故 ,言天下之至動 是 以見天下之蹟 其 陰,其子和之,我 Ĕ. へ會通 心故謂 之 謂之象。 一君 而 之爻。言天下之至 ,以行其典禮,繫辭 後動, 子居其室,出 邇 者乎 聖人有以見天下之 擬 而 加 不 議 擬 有 可 以 好 諸 亂 成 爵 其形 其 居 也。 其 言 吾 其 賾 焉 變化。 (室,出 善善 容, 與 擬之 以 而 「, 則 爾 不 斷

以 也。 遠。 乎 在 也以 主也。 至 吉。」子曰:「勞而不伐,有功而 六,「藉用白 心,其利 慎乎?」「同人 其 加 「君子之道,或出或 庭 下,位 也。 悔 言 爲 可矣,藉之用茅,何咎之有? 。」子曰:「貴而 謙 往 ,无咎。」子曰 夫茅之爲物薄 言行,君子之樞機,樞 不 言出 語以 1,其无所失矣。」「勞謙,君子有終 言行,君子之 也者,致恭以 而无 断金, 君 乎 不密則 其功下人者也。 茅,无咎」。子曰:「苟錯 則 輔 身, 干 同心之言,其 先 是 里 加 號 以 失臣 一亂 之 而用可重 處,或 无 乎民,行 所 存其位者也。」「亢 咷 動 外 位 以 之 而 臣 ൬ 一,高 違 動 所 默或語,二 有 後 機之發,榮 德言 不 天 發 生 而 悔 笑。」 臭 也。 地 密 乎 也 也 无 不 況 如 -德,厚 。」「不 則 民 也, 邇, 慎之 子 慎 蘭 其 則 禮 言語 斯 人 賢 諸 辱之 日 可 見 邇 龍 之 至 術 地 初 同 不 者

也。 乘,致寇至」,盜之招也。」 矣。慢藏誨盜,冶容誨淫。 之器,盗思奪之矣。 幾 曰:「負且 也。」子曰:「作易 乘也者,君子之器也。小人而乘君子 不 密 則害成,是 乘,致寇至。」負也者,小人之事 者,其 上慢下暴,盗 以君 知盜乎? 子 《易》曰「負且 慎 密 思伐之 而 不

可失,是故謂之爻。 又 大猷,損 大猷也。 是故謂之象。 者,剛柔 至動者,時也。畫卦以明理,而卦有變。 王昭素合「初六藉用白茅」通爲 生爻以 從昭素。天下之至賾者,理也。 繁辭 塗」、「鬼車」, 言天下之至賾也。 以 明時,而爻有動。 公益而 有體,象其物宜者,百物不廢。 觀時之會,否者既通,則斟 斷 其吉凶,知用各有 行之,所以嘉其亨之會也。 會通者,亨也。典禮者, 如「顛 趾」、「出否」、 擬諸 時,時不 一章, 其 天下之 形

> 者尚 化,體易也。 者,爻象之變化也。 於道。 動。 動者 象其 故曰「天地變化,聖人傚之」。言行之變 出或處」,變化也。爻象之變化象天地, 乾之變化也。 化」者,乾坤變化也。 化」者、言行之變化也。 然斷之以吉凶,雖 升降上下、反復相 縻」,中孚九二辭也。 尚 物之所宜 擬議以成其變化,則語默動 其辭,故擬之而後言,則无妄言。 明成其變化者如是。 《易》言變化者四: 其 變,●故議之 自此以下,舉諸 曰「剛柔相推 · 雖 至動 變,言天下之至動 至 曰「擬議以成其變 賾 曰「乾道變化」者 二在内,居室也, 而 丽 而不可亂也。 「或語或默,或 不 後 可惡 日 動 而 卦以明擬 靡,當作 ,則无 天 生變化 静皆 也。 地 妄 中

<sup>「</sup>者」,原作「而」,據汲古閣本、通志堂本、四庫本改。

言 言, 兑 口 不 語 相易,芬芳上達,兑爲口。故曰「同心之 者然也。巽爲草,爲臭,陽爲芬芳,二五 曰「其利斷金」。 也。 者,當如是。 否,榮辱之主也。 見乎遠也。 乎身,加乎 不 語、或出 同人, 先號咷 可服 默 必 天地也。 善,千里 動 其臭如蘭」。 五應二也,乾變爲金,兑金斷之,故 同 不 不必同,所同者心,則其利可 五 也 ·動, 應, 也。 民也。 之外 出其言善,千 則 艮門 明擬之而後言, 中孚、同 艮止,或處、或默 不 此 而 言同心之利 違之也。 Ē · 同 震動,樞機 動 乾坤 後笑」、《同人》九 言可服 内近外遠,言發乎邇 彼 ,其歸 人二五相易, 巽 應,非 天地,震巽相應 五 里之外 同 也。 坤 不 也。 也。 議之而後動 爲 "動而不括 應,出其言 變化 也。 衆,行 應之 明言 或應或 動, 五 乎? 乃 或 其 處 辭

犯,雖 《謙》九三爻辭也。坎爲勞,九三體 行之當慎 辭 也。 變化 者,言盛者 慎之至也。茅之爲物雖 安之地,斯可矣。又藉之以潔白之茅, 辭、玩變之道,舉上二爻以例爻之變者 以陽下陰,勞而不自伐,有功而 陳,止以二 五 而 可謂重矣。 終,成功之象。 也。 四 爲 故曰 也。 動而克三,乃與二遇。 禮 藉用白茅,无 初六一 柔无咎。譬之置器,苟錯之於平 也,語 自卑 也。 也,厚之至是也。 五相易 持是以 爻辭 以其 而尊人,自後而先人,故 柔承四剛,執柔 則 「勞謙君子,有終吉」者 曰: 神 、盡同 明言行之當謙也。 功下人者 往,何以 咎」、《大過》初六爻 兩 「用大師 則 心之義。 薄 化 而 尚之。 也。 禮者,言恭 祭祀用之 克相 處下 不自得 艮成 是謂 者 明言 丽 合 遇 始 不 玩 所 兩

之害 言。 失而 隱,是以君子慎密而不出言。 《乾》上九爻辭 之器,則爲盜者不奪不厭,故思奪之。 至」、《解》九三辭也。 慎不密之戒。 爲君,四坤爲臣,初爲事,幾成於四,四 否亂之階。 動於内爲舌,初應四,出户庭也。 庭,无咎」,《節》初九爻辭也。 兑爲口 道,是以動而有悔,違謙故也。 无輔也。 乾見坤隱,坤爲衆,无民也。 也 恭言之。 ,謙恭則其 以存其 也。 難作,害成 離爲明,坎爲 位。 上乃剛過,●亢滿不知謙降之 初四失位,●君臣失也。 初四易則乾君受言,坤臣 子之於 「《易》曰: 德 存其位非 也。 也。 厚 難,明言而有難,不 謙 矣。 不當尊位 不出 以小人而 也 「 亢 固位,「有終吉」 户庭,坎離 負 豈 且 九三不應 此以 龍 唯 ,无位也。 「不出户 乘,致寇 下 有悔」。 乘君子 是爲 明 初 乾 不 密 象 納

> 字而 戒。 之。 言行也何有? 上 謙恭慎密,又知夫不密不恭之戒, 曰「作易者其知盜乎」。 使盗,治容者,誨人使淫,无不自己求 之,盜將聲其罪,故思伐之。 可以存位,慢則盜奪之伐之,爲不恭之 三四易位,自上伐下也。 四 坎 慢 「負且乘,致寇至,盜之招也」,故子 已哉? 八爲盜 舉上五爻以例爻之不變者也。 也 三四四 以柔 善易者也。 乘 同 剛,下 言此 ·暴也。 慢藏者,誨 易豈止於文 離爲戈兵, 據 以明致 上下 非 其 則 位 恭 於 夫

掛。 以 歸奇於扐以 大衍之數五十,其用四十 象 兩 天數五 掛掛 一以象三,揲之以 ,地數五,五位 象閏,五歲再閏,故再扐而後 相 有九,分而 得而各有合。 四以象四時 爲二

<sup>● 「</sup>乃」,汲古閣本、通志堂本、四庫本作「九」。

<sup>) 「</sup>失」。原作「尖」,據汲古閣本、通志堂本、四庫本改。

營而 有 矣 有 一百有六 顯道 成 二百 千五百二十,當萬物之數 五 IIII + 易 伸之,觸 神 此 ,十有八 有 八十,當 + 所  $\overline{H}$ 以成 有六,坤之策百 地 類 期之日。二篇之策,萬 變 而 變化 故 而 長之,天下之能 可 成卦。 IIII 與 行 凡 侧侧 天 鬼 也。 酢, 四十有 地 神 卦 是故 可 之 也 與 ൬ 數數 畢 小 四 Ŧi.

其 也。 之數。 衍 散 四 在 卦用八,《玄》用 十 之 其 也 方其一也,兩 四十有九 ), 太極 九 · 有 中 五 一,參兩 矣。 者,七也。 九之外復有 揔之則一,散之則四十有九, 未 者, 一者, 始或亡,體 也 儀 用 九,十即 是故 四 也, 大衍 體 象 也 兩 一、太極 爻用 之五 未始不具,及 用 而 五 不 其 四 也。 六,蓍用 相 象 一不用 分分 動 則 太 之 小

成 爻。 五 凡,是以太 再扐 其所揲之餘 者,陰陽 韓康伯曰:「其間五 二,太率 十九歲七閏。 閏者,先 而 、三、五、七、九奇也 行、十二月、二十四 扐 辰、二十八宿。 不不 閏生於 爻而後掛,二揲三揲不 之, 而 源 陰 太 可 後復掛,皆參兩 五歲 於此。 以 陽 以 寒暑即四 衍 極 其左 象里。 剛 也 一筭數。」關 兩 日月合朔,周天不 而 再閏,所以 柔 凡三歲閏 儀 扐之,以象 分之 也 京房以五十爲 四 也。 象 次 揲 馬 歲 也。 掛一 左 以 融調 之, 氣 再 也。 右 其右 子 定 者 之 故 閨 歸 於 誤 愐 五 北 明 四 五 天數 者二,故舉其 四 三揲 掛 其所揲之餘 奇於 也。 小 爲 歲 辰、日、月、 四 ,二歲閏者 時成歲 ト百年之 以 指 再里, **揲之**, 十日、十 盡之氣 五、二、 扐 象 以 而 以 成 以 象 象 也 歸 象 故 時 兩

五也 成數 十,故 五五爲土。《黄帝書》亦曰:「土生數五, 爲水,二七爲火,三八爲木,四九爲金, 有五,大槩如此。故曰凡天地之數五十 九與八合,乙庚也,五即十也,天地五十 與六合,戊癸也。七與四合,丙辛也。 有五,然五十則在其中。故《太玄》一六 二合,丁壬也。 相得,四五爲九,故四與九相得,五五爲 七,故二與七相得,三五爲八,故三與八 四、六、八、十偶 數也。 五具。 五,是以大衍之數五十也。」大衍之 十,而策數六、七、八、九何也? 六者一五也,七者二五也,八者三 五爲六,故一與六相得,二五 五與十相得,然各有合。故一與 十者,洛 四五 所謂 也,舉六七八九則 也 三與五合,甲己也。五 五 書數 故 與十者,未始離也 地 數十。 也。 五 九者, 位 得 河

九者 之數 大衍五 也。 八,地之策十有八。虚其三以扐之,準 成之行之者,人也。《太玄》天之策十有 而三畫成首,首有三表,七八九爲用,亦 大衍之數其用四十有九也。 雖虚其三, 相合也。故能 五十之數而天地五十有五之數具,奇耦 密」是也。故六七八九而五十之數具, 五居中,主乎變化,三才既備,退藏 九、三七、二四、六八之意。 日,與金木水火等。 五 與十, 策數三十六,四九也。是爲乾之策 四 1,爲是 四時,歸奇合耦之數,得五與 故能行鬼神,變化鬼神者,天地也 五十有五 時迭王,而土王四 十而五在其中也。 中 也。 也 自此 成 而大衍之數其 中, 變化,相合而 此河圖 不 以下,再論 可 季,凡七十 離 凡此 十五隱於 也。 劉牧 用 有升 揲 四四 言天地 考 四 曰「天 之四 ·有 之 四 降 於 有

也。 陰也。 爻一百六十有八,巽、離、兑之策,六爻 策六爻二百一十有六,坤之策六爻一百 鬼 四十有四,乾坤之策凡三百有六十,當 之策,少陰也。三十六合二十四,六十 策,少陽也。 皆二十八, 策數皆三十二,四八 則 百九十有二、震、坎、艮、巽、離、兑之 之日, 具四時也。震、坎、艮之策, 六 四, 之策老陽 六 二十八合三十二,亦六十也。乾之 三百有六十,亦當期之日。 四六也。 歸 占者也。 管子曰:「流行 卦舉矣。 得五與八八,得九與四八,策數 奇 四七也。是爲 合耦之數 也。 得九與四四,得五與四八, 是爲坤之策,坤之策 老者變,少者不 變則化,成變化則鬼 得 九 也。 與 於天 所 八 是爲巽、離、兑 八 以 震、坎、艮之 地之間 異於 則 策 策 舉 謂 數 之 老

策也。 十四四 謂 期之日, 與不用通而爲一,體无非用也。 十也,二十八合三十二,亦六十也。 者,少陰之策也。二十四合三十六, 陽之策也。以十六合十二,則二十 以二十四合十二,則三十六者,老陽之 顯者,亦隱。故二十四者,老陰之策 四合,爲十七,五與四八合亦十七,去其 合亦二十一,去其一則皆二十。 數,故五 分之義,此不以三隅反 唯舉乾坤老陽老陰三百六十之數,當 皆十六。 0 以 九與八八合爲二十五,去其 其 年統月,以 以二十合十二,則三十二者, 五與八八合爲二十一,九與 不更别舉他 掛 與四四合爲十三,去其 一之數 也,體隱則用顯。 歲統 也 卦 旬, 之爻,而疑六 也。 者 太 日 唐陸希 極 統 劉牧 九 不 則 則 所 與 四 動 也 日 謂 少 八 四

十策。 三十。 日。 日。 故曰 言月 六十日, 策"二十有四。三歲爲 之策二十有四,故曰八月之旬當極陰之 以象一朔之旬。 十八,凡八十有四,是爲七日八十四時。 又曰 有六,是爲三年,故曰皆一、九之策也 三百六十日,餘二十四日,故曰閏之日 八策,八,三十二策,凡六十策,半之爲 1時,一 日 月有朔虚,故半之,歲有中盈,故全 七日者,一九、二六之策也。 【以年統月,一日十二時,七日八十 九,三十六策,六,二十四策,凡六 統時,一朔之旬三十日。七,二十 者以一策當一月,一、九之策,三十 一月三旬,八月二十四旬,而 故曰言旬者合七八之策而半之, 故曰言歲者全之,以象再閏之 一、九之策三十六,二、六之策四 而二篇之爻三百八十有四,除 一閏三十日,再閏六十 一閏,一歲三百 又曰 老 陰

以

數七。 乎? 之,爲八十四時,則可以言七日,不可言 當二 謂自復數至遯,一爻爲一月,非取二十 當期之日,然時有抵牾。且虞翻 七歲、七年矣。 人晉,實七年。 歲青蓋入洛。」 庚子,震初爻也。 孫皓筮并天下,遇同人之賾,曰:「庚子 二日。」五應二,以二爻爲日也。 之爻,三百八十四爻,多二十四日,故曰 期之日 筮關羽, 盈分萃焉。 可言十六月矣。不然,當言一歲四月 極陰之策。若二爻屬老陰四十八策。 篇之爻,八十有 中條隱者謂易含萬象,策數乃數 又有爻數、卦數、五行、十日、十 鳳凰元年至天紀四年春三月,吴 而少六日,故曰虚 遇節五爻變之臨,曰: 其説本於《繫辭》坤乾之策 又, 臨至于八月有凶者, 若 以一九二六之策 四。 分包焉。 乾坤之策,當 震少 尚 爲孫權 不出 推 陽 爲

100

爻數 陰爻一 之,二千八百八十。● 凡四求之,亦 數一千七百二十八。陰爻一百九十二, 爲六千一百四十四策。 二篇之策,合之 夜數也,其數一千一百五十二。 綜 者以不變爲基,不變者以變者爲用。 亦萬有一千五百二十,●當期之日。 少陰之策,三十有二,凡一百九十二爻, 以不變者論之,少陽之策二十有八,凡 萬物之數,此變爻也,老陽 篇之策,合之凡 爻一百九十二,其策 百九十二爻,爲五千三百七十六策。 千五百二十,當萬物之數,四 《言之,陽爻一百九十二,晝數也,其 而  $\overline{H}$ 生,无非 百九十二,其 盡二篇之策, 聲、十二 萬有 四 律、 也。 策 六 一千五 納 千 四 百 甲 故 千 九 之 老 日 數 陰 百 百 四 之策 四 二十,當 百八,一 時 爻,陽 行 而 萬 而 口 有 成 而

伸之。 既陳十 變動。 者,十有二,陰畫者,二十有四,陽七 也,陰六八也,九六十五 九,三多者,策數六,一少二多者,策 者,坤也,一少二多者,震、坎、艮也, 歸奇合扐之數觀之,三少者,乾也,三多 也。八卦 而成卦。 卦已具。自三畫觀之,八 變也 一多者,巽、離、兑也。 三少者,策數 一多二少者,策數八,則多少之數 二十四者,坤策也,揔而爲三十六 或謂 爲六 有 掛一,歸 而六十四卦具,故曰小成。 自 三變而 八 + 變而 三畫之卦爲 乾 四 至 成 成 卦 坤 四 《卦,則 揲之,餘 一爻,六爻十有 八卦 觸 類 也,七八 小 八 而 圃 成 卦者,重 小成,引 長之,乃 卦 ,誤也。 而 併 执之, 爲 亦十 陽 自 九 卦 而

<sup>「</sup>千」,原作「十」,據汲古閣本、通志堂本、四庫本改 原作「二」、據汲古閣本、通志堂本、 四

所以能酬酢 坤、坎、離、大過、賾、小過、中孚不變,此 酬主人,主人酬賓。 者,先後天也。 變而通之。 者使平,易者使傾,懼以終始,其要无 者,乾策 咎」之道也。 天下莫能破,語大,天下莫能載。 類而長之,不越乎此。 十二辰、二十四氣已具。 ·而小成者,舉中而言也。 顯道者,「危 也 也 酬 德行者,卦之德行。 則三畫之中,五行、十日 飲酒之禮,主人獻賓,賓 酢者,互爲賓主。 祐神 卦反復相變,而乾、 是故,聖人語小, 引而 伸之,觸 神者, 調八

近 筮者尚其占。是以君子將有爲也,將有行 辭,以動者尚其變,以制器者尚其象,以 乎?」易有聖人之道四焉, 子曰:「知變化之道者,其 也,問焉而以言。其受命也如響。 幽 深,遂知來物。 非天下之至精,其孰 以言者 知神之 无有 所 尚 遠 爲 其

> 「易有聖人之道四焉」者,此之謂也。 聖 能 唯神也、故不疾 通天下之志,唯幾 故,非天下之至神,其孰能與於此。夫易, 思也,无爲也,寂然不動,感而遂通天下之 象。非天下之至變,其孰能與於此。易无 變,遂成天地之文。 人之所以極深而 與 八於此。 參伍以 而速,不行 也,故能成天下之務。 研幾也。 極其 變,錯 數,遂定天下之 綜 而至。 唯深也,故能 其 數。 子曰: 通 其

制器者尚其象,則器必致用,以卜筮者也,錯綜而生變化,其妙至於不可知。此,錯綜而生變化,其妙至於不可知。也,錯綜而生變化,其妙至於不可知。也,錯綜而生變化,其妙至於不可知。必不苟,以動者尚其變,變也,象也,占也,四變化之道盡于參兩之神,知其道,則知

▶ 「故」下,汲古閣本、通志堂本、四庫本有「以」中

以 之,无有遠近,以内外言也,无 者,二十四。 五 精,謂之至精。 前,遂知來物。● 我與物一 鏡,顯於參伍之神,則遠 以變動言也。 決天下之疑。 有 有 其二十四,與二其三十六,皆七十二。 坤之策二十有四者,二六而又二也。 故乾之策三十有六者,三六而 五以變爲旬者,三十六,三五以變爲氣 陰陽三五,一五以變爲候者,七十二,二 八九,綜之爲三百六十。 其 ,天地五十有五之數也,錯之爲六七 易言之,則其 命者焉,受而應之如 爲造事也, 占, 則 占必 三百六十五日,周 有行舉事 問荅占決皆辭也,故通言 心者天 知 參位以變者。③縱橫 辭足以德天下之問。❶ 來,非神 也, 地之鑑,萬物之 響,則其占足以 近 以天地觀之, 有問者焉, 幽深畢 之有爲 也,精之又 有幽 又二也。 而復始。 陳乎 平 ? 而

> 乎? 有思。 物。非定象,不足以制器。● 數,歸於太極,寂然无聲,其一不動,萬 思,有爲 者,天也。 謂之至變。 復,通六七八九之變,則剛 體,遂定天下之象。 天地之文,極五十有五之數,則剛柔 三畫之卦,三變而反,六畫之卦,五變而 三其七十二爲二百一 一其七十二,爲 冥會乎其中,有物感之,散爲六七八 其唯易 有思有爲者,人也。 也,本於无爲。 誰能 夫有行始於有爲,有爲始於 m 己。 有思有爲而无於人之累 百四 易有思也,本於 非成文,不足以 十四, + 合五十有五 六, 柔 无思无爲 變之又變, 得坤之策。 相易,遂成 得乾之策 之 无 成 有

<sup>「</sup>德」,汲古閣本、通志堂本、四庫本作「荅」

<sup>「</sup>遂」,原作「逐」,據汲古閣本、通志堂本、四庫本改。

<sup>「</sup>足」,原作「定」,據汲古閣本、通志堂本、四庫本改。「位」,汲古閣本、通志堂本、四庫本作「伍」。

行而 者,其 通,所 深 體易者至於 也,天下之務,其來无窮,非 深研幾者也。 神之又神,謂之至神。 推見至隱者,其能盡通乎? 變,故可以 也。精者,精此者也。 有聖人之道四焉。 研幾之效也,莫知其然而然也。 至,有思有爲者皆然。 謂 能成乎? 遠 而 與幾。 近 不 天下之所 幽 天下之志,藏於无 疾而速,不行 一深,遂 易至變者也,疾 夫易,聖人體之以 精,故 以 變者,變此者也 知 然 來 易至神 者, 物 而至者,極 可以 曲 易至精者 得所 无 乃 形, 而速, 窮深。 故 乎不 其 也 謂 非 極 日

也? 地 天 已者也。」是故聖人以 下之業,以斷天下之疑。 大 ,地二,天三,地四,天五 夫易開物成務,冒天下之道,如 九, 地十。 子 通 E . 天下之志,以 是故蓍之德 夫易 ,地六,天七, 何 爲 斯 定 天 者 mi

蓍龜 之道, 聰明 神 用。 以 化,聖人效之。天垂象,見吉凶,聖人象 利,莫大乎聖人。 大乎富貴。 凶 兩 用之謂之神。是故易有太極,是生兩儀 變,往來不窮謂之通。 闔户謂之坤,闢户謂之乾,一闔一闢謂之 定天下之吉凶,成天下之亹亹者,莫大 謂之器,制而用之謂之法,利用出入,民咸 乎 生大業。 知來 以此 儀 ,卦之德方 生四象,四象生八卦,八卦定吉凶,吉 四 聖人以 叡 圃 是故天生神物,聖人則之。 ( 知以 洗心退 時,縣象著明莫大乎日 知 察於民之故,是興 神 備物 是故法象莫大乎天地,變通莫 此齋戒,以神明其德 武 藏往 以知, 藏 面 致用,立成 於密,吉凶 不 探賾索隱,鈎 一,其 殺 六爻之義易 孰能與 者夫。 見乃謂之象,形乃 、器,以 與 神物, 此 是以 民 月, 深致遠,以 哉 夫。 以 同 ? 天地 爲天 崇高 以 明 貢。 患 前 是故 於 古之 亚 下 莫

象,所 利 順,又以尚賢也。 者,順也; 吉无不利。」子曰:「祐者,助 以吉凶 也。」 河 以 出圖 ,所以斷也。 示 也 人之所助者,信也。履信思 洛 繋解 出 是以自天祐之, 吉无不 《易》曰:「自天祐之, 焉 聖 所 (則之。 以 也。天之所助 告也。 易 定之 有 乎 四

乎?」故 萬物 日月 謂易者如 有 聖人雖不言 則治亂 氣者,必 象生有定 也,以此定天下之業,謂 時,易 何爲者 所 在 有 照,霜露所 天 一待此 聖 則 斯 可 也 地 成之。 人 數, 易之理。 而已者也。 ? 間, 以此此 道 其 古凶 而 物有理 能 不 後 墜,舟車 通 聖人冒天下之道,所 逃 離 有前 復冒。 天 乎 乎 天命人事,其同 下之志 ,易則開之。 ? 五 冒天下之道者, 期 十有五之數 其成務也,以 所至,凡有 關子明曰: 然則易之爲 變 ,謂其 而能 通 極 m

留於胸 也。 藏也。 也。 爲贅矣。 務冒天下之道,此 患 先,故曰 過 與民同患。 形,深不可測。 德方 是故蓍運 有五 此 下内外,相易以告吉凶, 之業定, 知者. 而 斷 矣,是以 若捨 弭 以 聖人以 之數,蓋 天下之疑, 惟吉凶 ,言卦則爻在其中。 其 知也。 中。 知來,所 則務既 上言蓍 是道 故, 无 吉凶 夫洗心退藏,若絶 此 窮,可 桂 故曰 有 唯 與民同患,是以 洗 成不易,爻見而 聖人以 六爻之義,唯變是適, 謂 成 超 八心。 神 與 謂 所謂 其受命. 數 矣。 然獨 以 藏 挂 民 미 酬 而 往 前 知 同 以 此 不 聖人於天 已, 得 酢 爻義,而 知,其德 患。 所 前 聖人以 與 如 退藏,遁 萬變,一毫不 而 則 孰 聖 謂 知 響也。 遺 能 易 爻 開 也 倫 有 策藏, 乎數者。 物 此吉 見 揔 於 同 員 地 開 之 於 天 於 憂 而 物 明 五 而 天 者 以 地 成 策 无 间 X 其 神 下

之坤。

而

出

明其

戒慎

叡

知

不用,兵革不試,何 不欺,民至 之故,知天而已,非聖人也。 察於民之故。 得已哉? 動違諸理,不得已而用刑至於殺之,豈 殺,萬物 陰右行,萬物從之而入,故 德者, 是興神物,前百姓之日用示之以吉 五十有五之數見於蓍龜,故謂之神 思 恐懼 故曰闢户謂之乾。 乾自冬至以 一,使知違 慮,有 能 自 古 聖人憂之,是以明於天之道, 者 一於不 於 明 配天地也。 服,故謂 察 聰 不 武 明於天之道 欺,至 聞 明 如 順取捨,其效至於 面 此? 不 不 殺之有? 一陽左行, 之神武。 不 覩, 所 蔽 殺者 矣。 故其 於耳 坤闔 聖人 坤 民 謂 而不察於民 夫。 无非物也, 物之蒙蔽 目 自 以 則 日 然非 萬 有 誠 物 蓋 陽 夏 肅 此 有 也 叡 從之 户 刑 至 武 聰 知 心 謂 措 以 而 神 潔 明 不

物。

天地

凶之

理

者哉

蔽

於

者,少 後可 地,故 聖人能之,象言先王、大人、君子之所 坎 明六爻也。 凶 巽、離、兑少陰也,故四象生八卦。 卦有 陽 者是也,故莫大乎聖人。 成器如網罟耒耜之類,以 也,故莫大乎富 故生大業。 定吉凶。 爻,爻有位,剛柔 乾老陽也,震、坎、艮 動 森 離 生大業者, 而 兀 與 也。 也 生陰, 賾 定乾坤也。 也,極 人人共 隱伏,深遠 故 積 有吉凶 謂 縣象著明莫大乎日月, 而崇高者,富貴也。 八卦定吉凶者,開物也。 位 動 陰極 之儀。 成 ,食禄行道,爻之尊位 静者 貴。 務 一則有 相文有當否,②故八卦 復 變通莫大乎四時, 也。 而 動 少陽也,坤老陰 ,老也,故生四象。 備 太極 難 利害,人謀用矣。 而生 百物致民用, 法象莫大乎天 窮,探取之,搜 爲天下利, 動 天地鬼神之 陽。 而 生陽 富貴 始 故 動 也 然 以 唯 是 故 用 極

> 之。 之? 形,以 以象,吉凶見矣,故聖人象之。 行、天地之數,神物也,故聖人則之。 之見也。 地變化,四時行焉,萬物生焉,故聖人效 天下之業,斷天下之疑,非聖人其孰 立成器,建卜筮。 萬物之情。 考之蓍龜 大乎蓍龜。 索之,鈎出 大哉」。 日月五星,天象也。 是以成位兩間,與天地並 成亹 人謨捨此 蓍一根 而作易,以 之,使自至之,以定吉凶之未 亹之不已,唯蓍龜能之,故莫 聖人觀天地、四 處崇高之富貴,備物致用 而 然則通天下之志,定 而能 百 通神明之德,以 莖, 覆冒天下者, 天不言,示之 龜 時、日月, 具 八八卦、 立,故 河圖 天 能 五. 未 又 曰

「文」、汲古閣本、通志堂本、四庫本作「交」。

<sup>● 「</sup>太極動而生陰」。
生陽極動静而生陰」。通志堂本、四庫本作「太極動而生陽極動而生陰」,汲古閣本作「太極動而

於是 於蓍龜 吉无不利」、《大有》上九辭也。 者,有義命當吉、當凶、當 吉凶也。 八。 巽、艮、兑三畫之卦,爻合皆九、六、七、 之者,所以 也。」易於吉凶,有以利言者,有以情遷 而信天地 九,五行之數具 五 也」,象之者象 六爻之動,故曰「爻者,效天下之動 以貞勝 而 一行作易者則之。 人祐助也。 信蓍龜之象數。」信矣,其不疑也, 乎作易。 九數皆十五,水六、火七、木八、金 圖 五行,聖人則之效之者,效之以 而不顧,非聖人不能定也。定 「書言則之者,大衍之數、八卦、 繋辭焉 四時日月之象數,以河圖、洛 斷之。《易》曰:「自天祐之, 坤爲順,五與二孚信也。● 「易有 也,故曰「象也者,像也」。 〔焉。傳曰:「聖人以蓍龜 而命之,所以告吉 故乾、坤、坎、離、震、 四象,聖人所以 否、當亨者。 乾爲天, X 示

> 者也。 者,明獲天人之利,然後吉无 相 天 人明於天之道,察於民之故,曾合天人 之 與 也 所 是以自天祐之吉无 助 六五 者 順 履 理 信 也。 而思乎順, 人之所 不利 不利。 又自下 助者, 言 此 而

謂之通 意其 是 乾坤毁,則无 易之緼 意 子曰:「書不盡言,言不盡意。」然則聖人之 下者謂 或幾乎息矣。 通之以盡利,鼓之舞之以盡神。」乾坤,其 故夫象,聖人有以見天下之蹟,而擬諸 ,設卦以盡情僞,繫 不可見乎? 事而 邪? 之器,化而裁之謂之變,推 是故 以 錯之天下之民,謂之事業。 乾坤成列而易立乎其中矣。 見易。易 子曰:「聖 形 而 解 焉 上 不可見,則乾 一者謂之道,形 以盡其言,變而 人立 象以 而 坤 盡

<sup>■ 「</sup>五」,原作「三」,據汲古閣本、通志堂本、四庫本改。

❷ 「民」,原作「氏」,據汲古閣本、通志堂本、四庫本改。

之存乎其人。 之賾 以見天下之動 解 行 裁 形 焉 之存乎變,推 者,存乎卦,鼓 以斷其吉凶 象其 默而 物 而觀其 宜 而行之存乎通,神 ,是故謂之象。 天下之動者存乎辭,化 ,是故謂之爻。 成之,不言而信,存平 (會通,以行其典禮 聖人 極天下 而 明 有

繁之卦 子小人見,然後著情去僞,而 違,聖人陳卦以示之,斷之以 形之中,建立有象,因象而得名,因 小人情僞而已矣。 得意,則言之所不能 名,有名斯 不可見於天下後世乎? 傳者,不能 言之難論者,不能 八卦象相 辭, 有象, 盡 又繫之爻辭, 發 見之於言。 則書之所不能 意至 盡形之於書, 情則相應,僞 盡見者盡矣, 一賾也。 然聖人之意 以 夫有 吉 其意 聖人 中正,而 盡 N S 意 形者 意 誠矣。 明告 八於无 則 君子 之難 名 斯 君 相 而 有 级

可見則 形 謂之器,執 乾奇坤偶者,象也。 也,健順者,意也。 見,則乾坤 藴 象爻變動 列,則象爻變動藴於其 也。 盡神,則聖人之意幾无餘藴矣。 此,舞之於彼, 无所不利 通,不變則 而 邪」、「乾坤毁,則无 方 則名言亡矣。 L 者易之器, 爻至於變通以 横渠曰: 陰 體 者,謂之道,變通 極 用 因 變陽 加 方也。 窮, 幾 是 也。 道 乎息矣」。 息 窮非 動止應 行 辭不 陽 體毀則 是故語 矣。 然則變通者,易之道 矣。 變通一也,離 謂之乾坤者,名也。 極 道 盡 象成而著者,形也。 鼓 故曰「乾坤其易之 變 利 也。 以 節,莫知 鼓舞者,鼓之 中。 陰, 也。 解 舞 用 道 乾健也, 見易。易不 不 則不 而 至於鼓 形而下者, 乾 而 可見,用 至 坤 其然, 通之, · 足 於 乾坤 而言之 而 體 以 不 坤 舞 也 成 可 神 順 不 以 於 則 則

於天 則二。 事」,知此 相 聖人見天下之至動,●既觀其會通之時 也,容變動也,變通以趨時也,是故謂之 象其物之宜 天下之至賾將以示人,故擬諸其形容, 知此,則知變、通一也。 謂之通」,又曰「剛柔相推變在其中 推爲一卦。推之則通,故曰「推 變之微,故曰「化而裁之謂之變」。 六氣,剛柔六位,因其化 而 益 推 裁之,則謂之變。 典禮 立象,則卦也,變通也,在其中矣。 下,謂之事業」,又曰「通 爲一日,寒暑相推 今天地之化,一息不留 是而吉,如 以行之矣。 則知事業、通 則變通在其中矣。 ·●形 一定也。 是 故畫 又繫之辭,以斷其 而 變一也。聖人見 舉此道 爲 而 凶,是故 夜 一歲,剛 剛柔以立本 裁之,以 六 然則體易 時, 而「錯之 變之謂 加 謂之 矣」。 行之 一人指 寒 柔

> 推而 神而 而 諸己也。故曰「不言而信,存乎德行」。 之,言不下帶而道存者,以心感心也,存 人一也。 易至於存乎德行,則得意忘象,我與 乎顔氏之子,故曰「存乎其人」。 革存乎湯武,明夷存乎文王、箕子,復存 化而裁之,其化有漸,存乎爻之變可也 者,存乎辭可也。 存乎卦, 信」,下《繫》終於「六辭」,語默一也。 藏 行之,其利不窮,存乎爻之通可也。 極 用,明 天 上《繫》終於「默然成之,不言 則見象矣。 下之至 賾者, 而 顯仁,存乎古之人可也。 存乎辭, 欲鼓天下之至 存乎卦 則見變通矣。 默而成 可 也 聖 一動

## 周易繋辭上傳第七

<sup>● 「</sup>物」上、汲古閣本、通志堂本、四庫本有「八」字。

❷ 「天」。原作「大」,據汲古閣本、通志堂本、四庫本改。

## = 0

## 周易繋辭下傳第八

時者 動者 其 乎外,功業見乎變,聖人之情見 象也者,像此 夫坤,隤然示人簡矣。 動 貞 而 八 命之, 中 ,貞夫一者也。 觀 卦 相 震 者也 也。 也。 矣。 成 易,六十四卦之象在其中矣。 、巽一交也、坎、離、艮、兑二交也。 羲始畫八卦,八卦 陽與艮,坎以一陰奉離,震、異以二 列, 動在 剛柔 剛柔 吉凶者,貞勝 象在 日月之道 者也。 其中矣。 相 者,立本者 其 推 夫乾,確然示人易矣; 中 一,變在 爻象動 矣。 ,貞明者 爻也者,效此者也 成 者 吉凶悔吝者, 其中矣。 也。 也 列 因 乎内,吉凶 而 而 也。 乎 乾坤 天 變通者, 重 地之道, 之, 天下之 三畫 定 生 解 爻 位 見 平 在

爻動 以名。 之變在 氏 圖,商 圖,夏 之者 者,在其中矣。 者,文王也。 文字,謂之易。」乃知《周 八,本伏羲也。 圖 言之教,日乾坤震巽坎 八卦也。 兼三才而 天 也。 一,周 吝者,爻辭 地 ~ 静當則吉,當静 人 歸 伏 人 則周公之爻辭所 其 ~ 也 藏 歸 因之曰《周易》。」《 羲 因 因之日 中矣。 六爻剛柔 兩之,則三百八十四爻在 》初 之日 藏 也。 伏 文王 也, 經八 彖辭 羲 其 姚信 《連山》。 黄 鄭 是 因 繋 别 帝 ,卦六爻,則 康 互 三 日 而 m 藏》。 亦 辭,指 卦皆六十有 相 曰:「連 氏 成 離 重 生 動,當動 古凶 易》繁辭 推盪 曰:「虙 也。 以鼓天 之, 艮兑 乎卦之動 伏 其 連 歸 一六十 而已,吉 其 象 消 羲 藏 山 山 知 而 位 下 息 經 氏 ×, 氏 而 於 羲 氏 因 成 之動 命之 作 神 卦 桂 得 得 四 得 其 而 N 因 皆 下 無 排 河 中 則 河 河 重

錯,有當有 故 以盡 之,不外是也。 涉,減頂凶,无咎」、損益龜「不克違」及 者,聖人不使避凶趣吉,一以貞勝而 張載曰:「有義命當吉、當凶、當否、當亨 不動者也。 者,貞勝也」,何謂邪? 此於動中明乎 爻言之也。 上下之觀不動 不立,所以 凶 其 也 、爲「十翼」,非聖人能爲是也,引而 曰「乾坤毁,則无以見易矣」。 悔吝矣。 (命亂也]之類。]天地之道有升降,然 如『大人否亨』、『有隕自天』、『過 利者,趣時也。 日月之道有往來,然晝 故曰「日月之道貞明也」。天下之 立本也。 否,則· 韓康伯謂不累乎吉凶是已。 言吉凶悔吝生乎動者, 自神農 也,故曰「天地之道 爻有剛柔,不有 吉凶生。又曰「吉凶 氏 趣時者,時中也。 剛柔相變通,其變 mj 下,演爲三易, 一夜之明 兩則一 剛柔相 貞 主 不 觀 不 伸 動

動,吉 吉,則功業不期於見 道上行,剛柔 亦簡乎 爲夫之道,不亦易乎! 亦像之。爻象動乎内者,有當 象者、像乾坤之象者也。 也者,效乾坤之動者也。天道下濟, 然而順,示人爲子、爲臣、爲婦之道,不 乾陽至剛,確然不易,示人爲君、爲父、 本,趣天下之時。八卦本乾坤者也。 貴夫貞也。 乾坤示人足矣。聖人必以《彖》言乎象 貞所以一天下之動,此彖辭、爻辭所 一也。吉凶之變,有術通之,凶者反之 天下之動,貞夫一 以貞勝,吉凶不能 事之見於外者,有吉有凶, 凶之變多矣,而君子安其 乾剛坤柔,以立本者也。 吉凶以貞勝,故能立天下之 相 推 ,變通以趣時者 也。 元而見 動,何累之有,故 夫坤陰至柔,隤 爻有 矣。 一者,貞也。 人與乾 變 觀此,則 有否,則 動 義 也。 坤 爻 地 夫

堯舜氏 則觀 結繩 守位 使民宜之。 耒耨之利以 **犧氏没,神農氏作,斲木爲耜,揉** 與地之宜,近取諸身,遠取 天 愐 各得其所,蓋取諸 市,致天下之民,聚天下之貨,交易而退, 自天祐之,吉无不利。 卦,以通神明之德,以類萬 地之大德日 所之。 愛人无 非日 下 圃 象於天, 言 曰仁,何 作, 爲罔罟, 治、蓋取諸乾坤。 乎 義。 已也。 變,繫 故考乎其辭,則聖人之情見矣。 通其變,使民 易窮則變,變則通,通 教天下,蓋 俯則觀法於地,觀鳥獸之文, 以聚人曰 古者包犧氏之王天下也,仰 生,聖人之大寶曰位。 以 辭以 恐其 噬嗑。 佃 言 以 陷於凶咎,是以 財。 漁,蓋 吉 取諸益。 不倦,神 黄帝堯舜垂 刳木 神農氏 凶 諸 理財正 者, 物,於是始作 取 物之情。 爲 諸 聖 舟 而 没,黄帝 木爲耒, 則 日中 人 化之, 解 衣 剡 何 指 之 作 包 以 禁 其 情

> 過。 爻也者,效天下之動者也。是故吉凶生 易者,象也。 契,百官以治,萬民 者,厚衣之以 下,蓋 悔吝著也 期无數,後世聖人易之以棺槨,蓋取 棟下宇,以待風 古穴居而野處,後世聖人易之以宫室,上 爲矢,弧矢之利,以 萬民以 取諸豫。 天 爲 下,蓋取諸隨。 楫 上古結繩 取 濟, 舟 斷木爲杵,掘地爲臼,臼杵之利 楫 蓋取諸 之 薪,葬之中野,不封不樹,喪 象也者,像也。 利, 而 服牛 雨,蓋 治,後世聖人易之以 重門擊柝,以待暴客, 小過。 以 以察、蓋 威天下,蓋取諸睽。 乘 濟 取諸大壯。古之葬 馬, 不 弦木爲弧, 剡 通 引 取諸夬。 彖者,材 重 致 致 遠 遠 以 是故 諸 以 利 也 書 木 蓋 利 天

胡旦分「天地之大德 桂 多 原 陰 本 亦然。 爲一 章。 乾大生也,坤廣 考之文義, 日 生 爲 一章, 當從 生也, 旦。

禁民爲非盡矣。

自此

以下,明備物致

「立人之道仁與義」。

莫非義也,義至

成位

.乎兩間者,仁而已矣。 不仁不足

以

位」。天地之大德日

生者,仁也。

聖人

之,在卦則尊位也,故曰「聖人之大寶

不不

兼善

天下,於其位

也

重

聖人成

位

乎

兩

間

有其

德

无

其

合

而

成

生物

mj

己,故

E

天

地

之

生。

聖人之情

見

乎辭

者

亦

夭

參天地。

聖人者聰明叡知,

神武

圃

不

守宗廟社稷,故

曰「何以聚人曰財」。

勝用,其民養生喪死无憾,可以保四海,

仁」。仁被萬

物,取財於天地,則財

不

口

殺,不殺者,好生也,故曰「何

以

守位

日

財者,節之以制度也,節之類是也,正

邪

説

也,「六辭」是也。

禁民

爲非

辭

其非,歸之于是也。

是乃得其

義所以爲仁,非二本也,故

各得其 揉木 之心 利 以 五 之三成坎,坎爲揉 下,爲市衆,爲民。 故教之以 唐虞氏時 市不言利 坤往之乾,致天下之民,聚天下之貨也 否乾之初 是時民 之初 坤土而 坤交乾,交易也。 稼 佃漁 漁有蛟龍之害,不若耒耜之 穡 ·,故 爲 神 也 甘其食,美其服,至死 農 所 耒 公教以 非 也。 `,洪水之患,庶民鮮 者,聚天下之貨,利在其中矣。 巽於前,斲木 氏 交易,蓋 懋遷有 巾 也。 聖 離 没,民情 耒耜之利, 乾金 人 日在 佃 耒耜之利,其益 本 無,化居其 [漁不 木, 取 心也。 **斲巽木**, 上,爲日 離 乾五 諸噬 已 有伏兑,爲嬴貝。 言 爲 初成震 厭 煮 和也 退 利,於耒 嗑 佃 取 初, 中。 断木也。 道,萬 食、然後 不相往 諸 有 黄 、揉木 无 噬 動 益 而得位 帝 猛 利 坤衆 '嗑,否 於後, 方 堯 世 虎 耜 矣。 也。 益 之 言 在 舜 兀

> 塞者 木爲 耕而 作, 四 是舟楫之利以 坤 圃 逸 利 陽,變則不窮,不窮則可久而不息,善 各得其宜 變通以趣時也。 ൬ 之二 在 臣 不倦, 天下治,蓋 ,聖人先後天故 因 舟也。 **渔** 下 食,饔飧而治,正是,❷尊卑定位 其 至是服牛 -爲裳。 也。 散 III 可 乾坤无爲, 又微 變變 濟 離 乾 蓋 不 取諸乾坤。 火上鋭,剡木爲楫也。 金 濟不通,蓋 上古 易 乘馬, 妙 通 而 並
> 刳
> 巽 是以自天祐之吉无 道 也。 入神,化 也 通 Ш 陽 之, 六子自用,垂衣裳 引重致遠,以利 無 木,浮於 神農氏 極變陰,陰 上古牛 蹊, 使 取涣。❸ 涣, 乾 而 民 在上 澤 无 時 日 未穿, 坎 无 迹, 與民 用 一爲衣 梁, 極 天 其 刳 君 並 否 不 下 否 道

汲古閣本、

通志堂本、

四庫本有「諸」字。

<sup>「</sup>木」,汲古閣本、通志堂本、四庫本作「之」

<sup>「</sup>正」,汲古閣本、通志堂本、四庫本作「至」。

客也。 手,坎 爲 巽木,斷木爲杵也。巽木入坤土,掘 聲,擊柝也。 閉,禦風氣 通 下者有未盡,故教之以杵臼之利,蓋 爲門,九三之四,又爲門,重門也。 卦之外,致遠也。 之,引重 小過 客,蓋 止 臼之利也。 日 股 而 也,上之初,濟不通 蓋 於下,四 也。 據之,乘馬 震足驅之,服 爲堅木、震爲聲、手擊堅木而 知耒耜 取 也。 小過,明夷初之四 取諸豫。 諸 坎陷 而 隨 坤爲闔户而坎盜逼之,暴 内 應初,三應上,上下相 已。至是重門擊柝, 而不 坎變巽股,萬民濟也。 也, 臼之象。 卦 隨, 也。 牛馬 豫,謙之反也。 近 知杵 牛也 否上九之初 外卦 坤輿 也。 隨人 。震 白之利 震 遠,上六在 上古外户不 也。兑金 (而動 杵動於上, 作足 輹,上六引 ,則利天 也 艮 謙 以 否不 有 爲 待 地 斷 取 外 艮 而

> 帝而 而 自 居 亦因 畜,乾在上,天際也,野之象,巽人 宇,以待風雨,取諸大壯者同 人之明堂,宫室之制 聖人以百姓心爲心,民之所欲 剡木爲 爲弓,弦木爲弓也。兑金剡木而鋭之, 盡 去,民之所惡 家人反也。家人巽爲木,巽離爲絲,坎 一,兑爲 止,野 遯來,三復三變也。 而野處,後世 ,故教之以弧矢之利,蓋取諸睽。睽, 柝 來,夏后氏之世室,商人之重屋,周 其典禮以 而 不 矢也。 兑決乾剛, 威 處也。三變大壯,震木在 口,穴之象,穴 知 弧矢之利,則 示 損益之而已。 以 聖人易之以宫室。 强 留,然變 有不同,而上棟下 一變中孚,艮爲 居也。再變大 威 天下者有未 也。 而 且上古穴 天 通之者 下 不 大壯 變艮 自黄 也。 以

「威」,原作「咸」,據汲古閣本、通志堂本、四庫本改

六

期无 借、諧聲,書契之制有 也。 也。 同也。 五. 治,萬民以察,取諸夬者同也。 槨,大過 易之以書契,象形、會意、轉注、處事、假 坤隱,不封也。 之梓,棺槨之制 來,有虞氏之瓦棺,夏后氏之堲,周 衣之以薪,葬之中野,不封不樹,喪 風 也 大有。 ,乾天 樹也。 雨也。 數也。 葬則棺 上九變而應三,坎兑爲 後世聖人易之以 大過, 也。 在下字也 大壯, 變同人,二變履,三變小畜, 姤巽 三變鼎,離爲 上古結 周於身, 槨周 木在澤下,中有 自 爲 則 再 遯 有 繩,結繩 不 0 四變。 變巽木而兑金毁之, 不同,而取 撓矣,古之葬者, 巽 繩 不同, 棺 風 ൬ 目, 兑澤流, 於棺, 隱, 一變訟,乾 槨, 治,後世 也 節 乾 ൬ 自 諸大過 夬,自 不 巽 人棺 白 堯 土 變, 流 官 聖 周 期 商 成 以 四 姤 於 槨 見 者 喪 以 无

> 才也。 則同 以成務矣。然天下之動,其微 則同 也。 是決天 象,必有是才以濟。 猶繪畫之事,雕刻之工,一毫損 者,象也。 畋獵 同 官以 乾爲 離 似矣。 是一時,同處 見於 坤 也。 也。 井收 治 君 捕 離 桂 下 也。 魚 風氣,有是時,必有是 坤 爲 溝 疑 餘卦 有剛柔,才也。 象之辭,又謂之彖者,言乎 易之有象,擬諸其形容而已, 胡中夕市雖不同,而 之器 爲 洫 文 離明上達, 者, 夬也。 臣 書 之事雖 可以 雖 民。 一事,所當之位有不 也 不同, 類推矣。 人才與時會,♥斯 坤居二、四、上,百 兑 不 萬民 以是推之後 而 同 金 有是時,有 取 0 刻 以察 於離 難 蓋 取 木 而 益 象。 於噬 知 動 取 也。 契 則 於人 於 則 世 足 是 其 同 不 有 易 嗑 益 同

0

收, 汲古閣本、通志堂本、四 |庫本作「牧」。

人」,汲古閣本、通志堂本、四庫本作「之」,屬上讀。

吉凶 伏犧、神農、黄帝、堯 百有餘歲,而行十卦而已。 夫爻動則 變不得 下 則 ·之動 悔吝,吉凶者所以生大業也 超舍進 而 也」。 同,然所歸則若合符節 退 殊 是 途 以 舜, 矣。 桂 同 凡六萬 爻 故 異 日 爻 趣 吉 千 者 故 時 有 自 X 兀 效

而

悔吝著,其動可不慎乎

?

道也。 焉。 生焉 往則暑來, 來,月往則 陽 民,君子之道 曰:「天下何思何慮? 致而 卦 也 往者屈 多 卦 《易》曰: 百慮 尺蠖之屈, 陰,陰 耦。 精義入神,以致用也。 暑 日來,日月 也,來者信也。 也 其 往則寒來,寒暑 天下 卦多 3 德行何 **憧憧** 以求信也 何思 陽,其故何也? 陰二君而 相 往 天下同 也? 何 來,朋從爾思 推 慮 屈信 而 龍蛇之蟄, 一民,小人之 相 明 陽一君 歸 生馬 推 相 日 利用 而殊 感 而 往 。二子 歲 而 而 則 陽 以 成 月 利 寒 桂

爲无傷一 勸,不 據于蒺 身,以 日 是以出 丽 曰:「小人不恥 矢者,器也。 得見邪?」《易》曰 焉,身必危 上,獲之无不利。」子曰:「隼者,禽也。 曰 窮神知 :「危者,安其位者也。 不 小人以小 ~ 「非所困而困焉,名必辱。 善不積不足以 미 (易) 威 時 崇 解 而 化, 蔾,人于其宫,不見其 圃 而 德 不懲,小懲而 弗去 日 有獲,語成器 德之盛· 動, 《易》 也 . 本也。 既辱且危,死期將至, 層 射之者,人也。 善爲 0 何不利之有? 不仁,不 過 日 校 :「公用射隼于高墉之 也。」《易》 无 故惡積而 成名,惡不 此 滅趾,无咎。」此 益 一何 以 大誠,此 ·畏不 而 往, 校滅耳,凶。」」子 而 亡者,保其存者 弗爲也 動 Ď: 不可 未 義,不見 積不 君子藏器 非所 之 者也」。 妻,凶。」子 動而不括, 小人之 揜, 一,以 或 困 足 妻其 據 知 于 之 利 罪大 小 以 而 惡 謂 福 子 滅 於 弓 可 據

者也。 目 也。 得其 庶幾 知 覆公餗,其形 忘危 不瀆,其知幾乎? 力少而任重,鮮不及矣。《易》曰:『鼎折足 苞桑。」」子曰:「德薄而位尊,知小而謀 天 終 後 也。 剛,萬夫之望。」子曰:「顔氏之子,其殆 國家可保 地 《易》曰『三人行則 「知幾其 乎? 動, 日,斷可 『介于石,不終日,貞吉。』介如石焉,寧 存 友」,言致 亂者,有其治者也。 絪 《易》曰:『不遠復,无祗悔,元吉。』」 君子見幾而作,不俟終日。 易其心而後語,定 緼,萬物化 而 有不善,未 不忘亡,治 也。 神乎? 君子上交不諂,下交 識矣。 渥,凶。」言不勝其任也。」子 一也。」子 《易》曰:『其亡其亡,繫干 幾者動之微,吉之先見 醇,男女構 信不 君子知微知彰,知 ൬ 損一人,一人行 曰:「君子 不忘亂,是以 是故 知,知之未嘗 其交而 君 子安 安其 萬 《易》 物 身安 而 復 柔 則

> 《易》 区。」 與也 則 君 子 民 脩 不 日 懼 此 與 以語 三者 「莫益之,或擊之,立心勿 也。 莫之與, 則民 故 全 不 也。 應 則傷之者至矣。 也 危 以 動 无 交 則 而 不

本,故 道。 往 民,二也,故爲小人之道。 其 陽 凡 凡 之,思之所不及,其 勞神明以爲一也。 民,二民 咸》九四 多 (德行 桂 得 得 來之間,其從亦狹矣,不知天 陰 福 以 乎 乎 多陽。 卦一 不同 ,夜人多禍,故君子貴夫一也。 奇爲 乾 坤者,爲 共 日 者, 事一君,一也,故爲 民 本, 本不可二也。 何也? 憧 爲 共事二君,二君共 憧往來,朋 故 陰 陽 多 誰 夫思之所及,朋 卦 卦, 陽 異、 從 陰。 震、 乎? 陽貴陰賤, 君而 從 陰卦以 離、兑 坎、 陰陽二卦 雖 阚 艮 下 徧 君子之 思」者, 憧 是 是 何 争 體 耦 則 憧 也 也 思 從 爲 於

生。 神,故 焉。 寒暑 殊塗 也。 何 此 安身,日進 遊乎人間, 而 在於精義,義則无決 自 來者信 五吾之所 月 存 應 不 而 慮 ·知焉 日月 有 生明, 自 尺蠖不屈 消息 豈思 感而 明 往 也,一屈 萬 往 致 寒暑 容光 知也。 ,聖人有所不能 自來,其誰使之。 物 无 相推 後 循環 物莫 於義 一來,自異者觀 慮 而 即 疆 動,其 誉 所不 則 具 德 必照,寒暑 之傷, 一信,默然相感 而 誉 過 百 則 不能信, 龍虵不 , 相待 成 之 能 此 慮 不 動 進 擇 歲,自同者觀之,一 即 所 以往 期於崇而自崇矣。 知 其 也天,其用 ,无取舍,唯其 而 mi 至 其 也 萬 身安矣。 焉。 爲 人於不 ,故曰 哉 物 則 相代,萬 之,兩也 用。 既 然則 往 化矣。 同 者 通 蟄 聖 夫致 加 且 歸 可 利矣。 屈 利用 所謂 物 知 利 則 日 萬 而 也, 自 有 月 如 宜 之 用 不 生 相 有

之福 善者 義,陷 利者 積哉 從乎? 也 後勸 雖愚 避。 存亡治亂之 結閡,出則 雖欲 或 窮 萬 則 化 困 神 物 知 者 大 一,威之 也 门沉真 故 能之。 安,得乎哉? 則 終 名既污辱,身既危殆,日近於死亡, 于 與 化 於死 一,而 安其位者危,保其存者亡,有 善之積 右 知 我 不 矣 彼 藏可用之器,待可爲之時 變化之道。 可 而 積 知 而 就 有 德 盛 亡,辱及 所繫。 小人 也。 知 不知休,據于 後懲 義 利 不 獲 歟 也。 乎? 善 避 者自 故 ? 不 唯乘屈信之 ,小懲大誠 害與人同。 以 身雖 妻且不 夫身者 日 恥 其 滅其 精 人孰 日 至 (先, 恥 不 . 於義 焉 安矣,猶不可恃 則 身者,不知 得見也 蒺 不 窮 ,國家之本, 神, ·欲安 猶 者,豈一 道 神 孰 故 理 蔾 兩 至 之 不 大 而 而 爲 見 沅 其 則 所 於 畏 其 不 焉 利 動 此 化 日 知 朋 無 用 m

此道 欲當德 雨降 已,以人之國,僥倖萬 其 中,知幾故也。 者動之微,吉之先見,譬如陽生而井温, 致用,其 古一敗塗地。 識 人遇禍 亡之幾,在於始交之際,君子上交不諂, 於不知義而已。神難言也,精義人神以 身安而 石 行義 而 (實,則 者 交不濟,義之與比,无悔吝,藏於其 者,乃能見之。 者,存乎介而 善斷,故不俟終日也。 而雲出,衆人不識,而君子見之,其 亂 不知。見與不見,相去遠矣。 ,謀欲量 也,不亦有餘 或 用利 唯知幾 家 君子 可 而身安。 殺身不足以塞其責者, 兢 是以君子見微已去,小 知、任欲稱力、三者各當 乎? 兢業業,不恃其 國家保 己。 其心定,其智明,默 裕乎? 知幾其 一,鮮不及禍 小人志在於得 確然守正,不 而 德崇矣。 守身如此, 夫安危 八神矣。 有 進 存 幾 本 自 而 位 故

故曰: 九軍 者豈 其本矣。 矣。 知之者,覺也, 天地之性而人得之,性之本也。 弗去乎? 爲無益而可以弗爲,小惡爲無傷 无 人之生有氣之質,有性之本。 子有不善未嘗不知,知之未嘗復行,故 唯義是適 豊習 也 知柔、 知柔 顏氏之子其殆庶幾乎」。 引習也。 立特其 者,或憚於改過,克己爲難也。 夫智周萬物者,或暗於自 朝之患矣。 1乎? 不善未嘗弗知,知之未嘗復行。 而 由其習之不已,迷 一,則 知 復者,剛反動之卦也。 朋從之彼。 剛 不遠而復者,脩爲之功也。 剛。 難。 萬 曰: 自性也。 夫望之而 知彰易, 君子見幾 一龍一地, 知 勞思 脩爲之功, 或曰: 取 知 或 慮者,亦 m 法 微 孰謂小 故 剛柔不齊 知,雄 焉 弛 不復矣。 知 難 鮒椒之 而可 所 或張 微 則 知 善 顔 從 岡川

也。 《序卦》曰:「有萬物,然後有男女。」劉牧 緼, 萬 言萬 生。」曰男女,曰 男女自然而生,咸卦 者,言其 曰:「咸卦 萬物各有 自然而 有天 地 地 貞 行 塗 物 萬物其本一也。 觀 王 損》之六三曰「三人行則損 地、然後有萬物。」劉牧曰:「乾道 物 也,性之本則 則 氏之所謂 侯 而 則男女在其中矣。 成男,坤 也,日月 化矣,醇而 同歸, 得 得 陰陽,精氣相交,化生无窮。 不繫之於離坎,以離坎而上, 未始離也。 其友」,「言致一 道 貞 化生者,言有 又曰 得一、相合,即 致 自 明 未雜。 而 然 而百慮矣。 也。 而下,男女偶合而 天地 天 而 天地 地 已矣。 氣豈 成女。」《序卦》 《序卦 升降,其 相 日萬物化醇 也。 既生萬 合 兩 能 則 夫子所 老氏 加 故 | | | 降 致 氣 哉 日 天

子曰:「乾坤其易之門邪? 不利。 義,或然也。 也,是以自天祐之吉无不利也。] 考之 所 脩此三者,故全也」。離而爲二 之而 也。 困、解、噬嗑、否、鼎、復、損、恒九卦十 者,人助之,致一之效乎? 此章 勿恒,凶」。勿恒者,不一之謂也。 敵,莫或與之,擊之者至矣,故曰 天下爲一家,中國 用 曰:「下文當云《易》曰: 者,定其交而後求 其 助者信也。 是 致 (意,蓋· 也。 應者,平其心 動 也。 子曰: m 與之者,安其身 所 書之於言,有不能盡 其在 順乎天者,天助之,應乎人 履信思乎 天之所助者 卦則 而後 一爲一 也 六爻相 慮 三者得, 我 也。 而 順,又以尚 自天祐之吉无 乾,陽 與 後 順也,人 故 應,合 人 求 動 也 物, 日 故 而 也 ∭ 物 立心 一君 能 張 與 而 子 之 成 致

大。 天 坤 而 隱 斷 越,於稽其 地之撰 陰 ·, 因 辭 察來,而 其旨遠,其辭 物 「貮以 則 也 備 以 濟民 微顯 類,其衰世之意邪? 通 矣 陰 神明之德。 陽 行,以 文,其言 闡幽,開 其 合 稱 德 名也 明失得之報 而 曲 剛 而 其 小,其 而 柔 當名辨 稱 中,其 有 名 體 夫易 取 也 物 類 雜 以 也 彰 肆 īĒ. 體 m

德則健 即 定也 以 爻,健 其 通 氣 乾坤 剛 德 神 此 柔 明 是 體 而 則 其易之門邪」,乾坤毀則易无自而 順 乾剛 之 己。 有 有形 形 天 順。 合 德 容 體 坤柔者,陰之物,老陰之策也, 地 [德,而 陰陽 者,示 是 形 者,陽之物,老陽之策也 天 之撰。 陰 已。 地之所定者,體造物也 陽, 具 相 剛柔之體 幽 加 天,神也。 氣 體,形容之也 盪, 顯 有體,是故 也。 剛柔 源 剛柔, 見矣。 相 也 地,明 推 揔 即 形 陰 聖人 自 也 也。 一,其 陽 成

見之象 之外 之情 也。 類則 乾坤 辨 而 至扶 顯,察來 以重卦言之,前卦 升降,世 而 而 王 坤 難知之理。 命 作 監 + 陰陽之物 而 自震至乾,彰往也。 僞。 之, 爲往,自外之内爲 爻 于二代而 四爻。 知之矣。 其 疏 變 一往一來, 解。 易之門邪? 八 矣,而亦 ,日益詳矣。 故 既下衰,不 開 何以 卦 闡 釋 卦 其 幽。 自 正吉凶之辭,无 幽 爻卦 知其然哉? 有象, 夫易之爲書,以八卦 作《周易》,周公因于文 稱 八 不 莫 周旋无 名 爲往 卦 顯莫 越 各當其 如方來, 如是不足以 也 爻有 蓋 伏 乎 而 一後卦 變 時 羲 如 陰 雜 自巽至坤,察來 來。 窮, 六 變動 既 有隆 始 然 陽二端 名 於此 + 而 是謂 往 爲 畫 不 彰 遺也 有 ·四卦 ,无隱也 汙, 齊,枝 來,自内 八 往 顯 稽 盡 而 繫 卦, 而 故 考其 解 有 天 道 而 中。 易 微 下 有 Ŧ 煮 文

天下。 之以 閎 害防患之心,非衰世之意乎? 凶悔吝之辭,以 決,恐懼易入之時,以濟民行,告之以吉 至變,有不能 其辭文。其言致曲, 小,則百物不廢,其 坦然明白,使人易曉矣。 肆,其實本於隱。 卦 意有餘,故其旨遠。 辭 爻辭 與也。 明失得之必報,蓋 則 備 (取類也大,則達之于 非天下至神、至精、 而後中於道。 矣。 圃 又因其疑 然 觀 物相 而 乎 其稱 此 ·雜,故 其 事 貳不 有遠 名 宜 若 也

之脩也。 也。 患乎? 井,德之地也。 易之興 謙尊而光,復小而辯於物。 通。 復,德之本也。 井,居 也,其於中古乎? 是故履,德之基也。 益,德之裕也。 後易。 其 巽,德之制也。 所 益,長裕而不設。 而 恒,德之固也。 遷。 巽,稱 作易者其 困,德之辯 恒,雜 謙, 履和 而 而 德之柄 損,德 困 而 不 有 厭。 至, 也。 憂

> 以 損 了,異以 和 以 遠 行 害, 行權 謙 益 以 制 以 禮, 興 利, 復 以 困 自 以 知, 寡 怨,井以辯 恒 以一德,

王而 結繩 損 和者 者也,故爲德之柄。 時者也。 作易,何以知有憂患乎? 易興於中古邪? 而 初,德自此始者也,故爲德之本。 患後世者,固已具於八卦之中,至於 憂患後世之心,得失滋彰矣。 作易者上古也,興易者中古也。 益 損 不已,終 剛 也 未弊,則書契之文不作。 易 見揜 其 其可損 ,故爲德之基。 道 可 興矣。 佃魚不厭,則耒耜之利不興 益 而 則 而致一者也,故 不失其所亨者也,故爲 而 有 日進者也,故 始者也,故爲德之固 履,説而 觀 復,剛 九 謙,執之而 卦之象,聖 應乎乾,履 曰: 反動 爲 爲 然則上 而所 德之裕 德之脩。 ൬ 聖 何 恒,久 復 有終 一人隨 以 人 以 其 文 平 憂 知

損之, 德之制 夫 諸 故 後易 所不能眩, 不 敷? 不 復 徇 地。 三,雷風 反 小 (於萬 先 動 · 俟 於物 動 視 1/2 一介不以 難也。 酬 前 巽,以 乎 於 ,禄之以天下而 而 必有吝心, 何也 恒,泰之變也。 辨於物 初, 物 井, 大 矣。 酢 並 履 者 而 剛 則善 可以言德之固矣。 而不厭,天地所不能旋,日月 作,萬物繁興之時。 及其 ? 剛 其孰 取 謙 和 後 下 以其 中 諸 者, 卑而 而 情慾者,强陽之氣也 與 心生 柔, 而 禦 既 剛 至於禮,●不至則 物 以 存 不 ,然後繫千駟之馬 我 不失乎中者也,故 健 損,考諸 人尊之,其道光也 初九也。 弗顧 辨也,斯 變者 於冥昧 心 哉? 初九正 決斷,乃能 也。 故故 也, 故 理 也, 難知之時, 剥之剛, 非 人之所以 故爲 日 損先難 後 而 三守 仁亦在 動 德之本 易 順,反 行 流 而之 德 也。 而 而 īF. 爲 > mi

> 哉? 之窮 何也? 誠,故 熟之 正 初 也 而 井居其所 通 地 益者不贅,益之者不虧,與時 益 否之變 之裕 者 也, 九 物 往 也。 不 以 而 正也,九五 來皆正, 故曰學不能 臨二之四爲 五遷之初,來者正 四 窮之謂,豈必 也。 己。 萬物,非 誠 與 否之上九陷 處險 而遷,何也 也。 初 九 益 以 四 丽 能 長 亦正 益 益 張設之也。 説 裕 下 遷 行 巽,●稱者輕重均之謂 物 而 ,在窮而 益 丽 也。 ? 富 也, 以 謂 而之二,上下柔 正 於 不 貴利 之病,病則 誠 誠 泰初 設,何 初遷之五,往 也。 巽 初,初九正 即 達而 自成 稱 心亨,通也。 之五 困 偕行,如 是自益 五居其 也 而 窮 後爲通 也。 隱 一爲井, 窮矣。 而通, 也 益 者 揜 所 天 何 以

<sup>●「</sup>臨二之四」。
●「臨二之四」,汲古閣本「四」作「三」,通志堂本、四●、履」,原作「復」,據汲古閣本、通志堂本、四庫本改

尤 其 此 自後 以 者,故曰 遠害何 久而不變也,久則其德无二三矣。 以一德,何也? 也。 自知之,脩其善去其不善,則復矣。 之用,節者禮 己以下之,則君子小人勢均矣。 所 自 困 失之者,鮮矣。 「稱 謙以 守 知 利 而 以爲,巽 而 而隱」。 以正 人復 也? 何 先 通 陰方進, 而利之也。 恭寡過,情可信,儉易容也。 在 制 人,不能乎謙,安能 也? 何 禮 ,與人必以正,處己處 而 窮而 自損以 怨? 之體,節 履以和 ,何也? 不知,六二亦巽乎剛, 六二從 雜而 有善必 益以興利 悦, 井 困 脩 行何 不厭,非徇物也, 樂天者也 以 以 德 而 四 自知之,不善必 禮自卑 辨 寡 ,則物无害之 不和,禮 , 也 九四 怨, ? 何也? 禮? ·而尊 何也? 何 君 和者 損以 也? 我不 (見其 子 恒 禮 因 以 復 故

> 大難。 包犧氏 震,損 獨 後 九 履 如 稱 得 卦 可 和 不取離何也?● 之所以 行 其 以 權 履出于 官 出于 執謙、復本、恒久、損己、益人,然 明 取之,文王内文明外 處 稱物,人見其適平 者 在 輕重 木 也 良, 地中,時也 乾,謙、 不窮,能遷然後可以行權 益出 也,與 巽 以 離萬 于巽,困、井出于坎。 行 復出 時 推 權 物皆 丽 于坤,恒 移,湣然无際 何 柔 相 也 順,以蒙 見之卦, ? 其序則 權 于

《易》之爲書 父母。 非 使 可爲典要,唯變所適。 不居,周流六虚,上下无常, 其 知懼,又明於憂患與故,无有 ,道不虚行。 初率其辭 也 示 m 可遠,爲道 揆其方, 其出 也 既有 剛 人以 屢 柔 師 遷。 .典常, 度,内 相 保 不 臨 外 動

「何」,原作「可」,據通志堂本、四庫本改

往,剛 其 來,循 在 來 出 亦 易 上 者 也 遠 襲 龔 而 亦 田 屢 變, 者 不 下 明 則 也。 也 日 原 虚 [九虚。 過 自 不 遷 关 入云者,以一卦内 无常也。 此 日 其位 環 與當人 柔相易也。 窺 出 以是 地之 章言 遠此 内之外,往也。 乎六爻。 可爲要,流 觀 處 流 有 易 進 以 變 轉 度 或自 而 用用 易 学之 待 而 醜 退之 外 有 於六位之中。 求之,則違 其 有 剛 '變動 出 動 内之際, 爲 不過者,以 上 變 无 來則 行散徙,唯 理,使 用 不不 書 其 陽 m 動 常常 不 也,故《太玄》 降,或 患 方 出 也 外言之,兩體也。 · 居 其 人者自 柔 過乎 則 壯 Ξ, 知 而 道 往,柔 不 也。 戒 觀消息盈虚 遠矣。 不 變所 可爲 自 所,升降 位 六爻,不 《易》 章 羊 外 可 下 來 故 之内, 遠 適,然 典, 而 九位 之虚 大 則 之 當 其道 也。 出 岡山 相 往 從 口

> 焉。 焉。 守矣。 臨 知之, 可 **区** 所當憂患, 而 危,存不忘亡,治不志亂 出 而嚴憚之,明失得之報也。 以 之辭,揆其 後 而愛敬之,見聖人之情也 人 爲 内外, 能 行,苟非其人,道不 言易之 知 五 道 知 蓋 義 用 也 不 卦象合一,體 與 則知懼 九 本 書矣。 屢遷者,易之用 可遠者, 所 八卦之方, 於 亦 以 相 田出 矣。 致憂患之故 形 易之體 又此 徒行 載 用 无有 此 則既 唯 道 同 四 精於 書 如 者 源 也 也 從 有 明 師 初 有 者乎 也, , , 安 而 典 於 義 而 率 父 保 待 有 常 其 者 有 母 不 教 己 亦 人 斯 體 用 吉 親 訓 忘 能 미 E

知,本 爻相 雜物 噫 易》之爲 雜,唯其 末 亦 要 也 書也,原始要終,以爲質 存亡吉 辨 八時 初 是 辭 物 龃 X 也。 擬之,卒成之終。 非 則 則 其 居 非 初難知, 미 其 知矣。 中爻不備。 其上易 也 知 夫

觀其彖辭,則思過半矣。

乎? 知乎? 不備。 房 撰定六爻之德,辨得 中,其事則未也。若夫 俱,未有違時造事而能成者。 三畫非无 其實一也。 道言之,本、末也,以事言之,始、卒也, 已 六爻相雜,時異而 此 本末也,聖人何爲 時物别象也。 原始於初爻,要終於上爻,成六位以爲 所謂 著, 章言 質者也, 上下之位,以時言之,初、終也,以 放易知。 於彼者,或不可施於此,用於古 中爻,崔憬所謂二、三、四、五,京 互體是也。 重卦六爻之義。 卒成之其 時變則事變,事變則道與之 八卦八物也,六爻六時也 其本甚微,故難知。 初辭擬而後言,不亦難 (重卦? 物 蓋物无常是,亦无常 事 失是非,則 異。 終矣,不亦易 (糅雜八卦之物, 《易》之爲書也 曰 : 八卦本象也 非 理具乎 其 末 中爻 知

> 矣。 明於理,則觀諸彖辭而爻義已知其過半 内外二體,以一爻相變而有者也。 動 亡之辭而已。 也。 象,同象而異辭。 居然易見,可指掌而知矣。 六三取女則不利。 二不出則失時。 相錯而有吉凶存亡者也。 或 噫,重卦六爻之意,亦要諸吉 不 可行於今。 有同位而異物,同物而 要諸辭, 得失是非,不 節以 蒙 以 初 九二納 九 則四者不同, 彖辭者,合 六爻者,變 不出 可不辨 , 而 婦 知者 X 異 九 丽

剛勝邪 二與四 三多凶,五多功,貴賤之等也。 无咎,其用柔中也。三與 四 多懼,近 同 功而異位,其善不同。二多譽, 也 柔之爲道,不利遠 五 同 功 其 柔 而 者,其要 危,其 異位

今從故本。此章再明中爻之義,二四耦襲氏合「《易》之爲書也」爲一章,誤矣。

敗,此 剛,有 於雖柔 五用 矣。 乾也。 也 數之,自一至三以二爲中,自 居之,有處謙 三處下位之極,其柔居之則危,不勝任 多功,何也? 之功,内外異位,有不同焉。 失中,其能无咎乎? 君 位 也 則 一,近 多譽 ,二三四五 同同 屈 其剛居之,將以 三所以 時 尊 得尊位 爲 而 二遠於五,所 乎過剛矣。 位則多懼。 陰 四 然柔之爲道,不 此五所以多功也。 无咎,以 之 多 皆日 執柔,以貴下賤之美,二爲 大 多 功,内 懼 五貴三賤,其等不同 中,宜處貴者也。 N , 中爻, 何 其用柔中 也。 外異 也 爲勝 三五 月 以 危則疾顛,過 ? 若五不然, 多 望 何也? 位, 利 邪? 譽者,其 H 四 奇也,同爲陽 也。 三多凶 遠 則 有 近 夫二五 四 食 五 不 至 用 以 <del>万</del> 同 剛 E 以 則 要 坤 禮 以 柔 也。 五 在 以 中 剛 易 柔 居 從 尊 而 近

> 也。 中,以 五 在内名卦,卦言德,爻言善者,積善成 復》之九四曰「中行獨復」,中孚以二柔 爲 中, 四 數 以 之, 五 數之,自二 自二至五,以 至上,以 三四 爲中。 四

其道 邪 ? 咎,此之謂易之道也 《易》之爲書也,廣大 之末世,周之盛 文不當,故吉凶生焉。 爻。爻有等,故 者,非它也,三材之道也。 道焉,有地 甚大,百物 是故其辭危,危者使平,易者使 道焉,兼三材 德耶? 不 E 廢, 物。 悉備,有天道焉,有 懼以終始,其要无 易之興也,其當殷 物 而 當文王與紂之事 道有變動,故 相雜,故曰 兩之,故六。 文。 E 人

有天道 大而 此 也。 章再明六爻雜物 无外,語天地之間,則无乎不備矣。 焉,陰 有地 道 與 焉,柔與剛也。 陽 也。 之義。 有人道 易之爲 此三者一 焉 、仁與

乎? 也。 可 故曰爻。 凶生焉。 文當其位則吉,文不當其位則凶,故吉 之間 德 平,慢易者使知必傾,所以長 兼 之 陰  $\equiv$ 而 曰物。 也。 是故 也。其道 邪, 與 材 柔 人 兩 又紂與文王之事邪, 以形容其道 容則不足 而其 與 陽 而 體 易之興也,當殷之末世,周之 何繫之辭而 公三畫而 天地 剛 剛 道有變易,有流動,爻則傚之, 也, 兩之,故六。 陰 柔 八物相錯 也 解危乎? 陽 人之道兼仁與義 也 相 甚大,君子小人无所 以 也 丽 函 有 六者非它,即三材之道 一,所 而 準天地。 謂 重 精氣所聚,其等有 告其吉凶者 謂之天,仁 M 之 是故危 謂 卦,六即三也,三 兼之者,天之道 成文,故曰文。 地, 何君 備 故曰三材。 百物 也 懼 也, 君 子處 者 如 地之 子 使 也 消 知 小 是

> 也。 也。 也。 也。 也。 此之謂, 之 言,其大要歸之无咎而已。 此之謂易之 為身非一朝夕之漸,故原始要終而懼 以之, 來成之終,使知善不善之積,成名

吉 者,其辭枝。 害之,悔且吝。將叛者,其辭慙。 利 動 能,人謀鬼謀,百姓與能。 諸心,能研諸侯之慮,定天下之吉凶,成 彖以情言。 坤天下之至順 夫乾天下之至健也, 誣善之人,其辭游。失其守者,其辭屈 下之亹亹者。是故變化云爲,吉事有祥 X 以 事知器,占事知來。 利言,吉凶以情遷,是故愛惡相攻 生,遠近相取而 凡易之情,近 剛柔雜 吉人之辭寡。 也,德 居 德行 行 悔吝生,情僞 III 天地設位,聖人成 恒 而 吉凶 恒易 簡 八卦以象告,爻 不相得則 以 躁人之辭多。 可見矣。 以 知 知 阻 中心 相 險。 XI, 感 能説 或 而 而 天 夫

簡易者 之可 以易 先 也。 説 故能 則 乾 至 形,至難定也。天下之亹亹,來而不已, 慮。」則衍文可 捨,能无 順 萬 此 侯之」二字。 知之, 一難成 乎? 尚 知 坤變化,有云有爲,云者言也 以 物 章 疑。 説 從 占 也 先 成 吉事有祥 論 莫 器之爲 ,我心之所固有,反而 ,故知險之爲難,以 也。 諸心,知 乾,无二適也,故 六爻而 研乎? 知 兼言動 以 簡生於易,阻生於險,簡易也 我 或禦之,故 來則知來物, 定之、成之者,簡 所有,慮其 ,祥者吉之先見。 知。天下之吉凶 王弼《略例》曰:「能研 天 歸之於 也。 險 曰「研諸侯之慮」者,衍 下 阻 利 制器 也,故 其 而 簡 可 德 易。 而 不然,反復 其 者尚象,知 簡 動 行 能 言 德 也,故 得之,能无 乾 也。 恒 動 易 研諸 一,爲者 行 ,藏於无 有祥必 健 易。 恒簡 而 知阻 而 慮 諸 坤 統 動 不 爲

有變動 言。 凶 以盡· 坤設 利者,不 成列,剛柔雜居,吉凶 世聖人演之爲六十四卦,有爻有彖, 卦,不言而告之以象者,至簡易也。 與之以能矣,成能故也。 顯合一,天下樂推 非 以成,能 是 唯 僞 情變動言之於辭,知險阻 亹者,幽以 知 以 恐遷 難 變 位 險 能 人謀也。 情 ",變則 動 知 上, 聖 定天下之吉凶, 可 事、能 知 而 者 之而 矣,以情 阻 遷,巧歷之所 人 不言也。 何? 通, 盡鬼謀也。 配配 者能之乎? 定天下之吉凶 説説諸 失 天 通則其用不窮,所 其 情 相 地 而 爲之所 心、能 正 感 不 而立,合乾坤之 故 已可見矣。 矣,故爻彖 則 成 變動 厭。百姓之愚 人謀、鬼謀, 伏羲氏始畫 不 利 天尊 研諸慮 天下之亹 能 也。 爲 生,以 ,成天下之 以 計 也 地 利 且八 也 者, 言 以 以 排 吉 道 以 幽 盡 明

寡

簡易知也。

五者反是,以知險、

辭

游。

失其守者窮,故其辭屈。

人欲速,故其辭多。

誣善之人妄,故

吉凶 近而 何? 也。 則 感 悔吝斯有吉凶,吉凶以情遷也。 吝生,愛惡不一,起 情 則 不相得則僞不可久。物或害之,害 爻有變動也,有利害斯有悔吝,有 凡易之情,陰陽相求,内外相應, 悔吝者

> 歸, 《繫》言「易簡而天下之理得」,下《繫》終 知 之以「易簡而知險阻」,故曰 阻 雖 一致而百慮」。 丽 知 其 也 别 簡易則吉,險 則二, 情僞 而 阻 「殊塗而 已矣。 則 XI ° 同 其

周 易繋辭下傳第八

乎?

害之而悔,則吉且利矣。

吝而

不

亂

故其辭枝。

吉人守約,故其辭

其

心慙負,故其辭愧。

中心疑者其心惑

何以知情僞邪?

考其辭可矣。

將叛者

然則

之遠害也,故曰聖人之情見乎辭。

悔,則凶。聖人不得不以

利言之,而

使

之則

凶將至矣。

悔吝者,利害吉凶之界

## 周易説卦傳第九

昔者 窮 揮 於剛 理盡性以 天 聖人之作易 兩 柔 地 M 而 至於命 倚 生爻,和 數,觀 也 順 變 幽 介於陰 於道德 (於神 陽 明 而 而 理 立 而 於義, 一卦,發 生

揮於剛 説所 起 順 日 變於陰陽 蓍,參天兩地而倚數」,説策數 昔者聖人之作易也, 一見 數 道 人贊天 日 ~,其用 德 繫爻彖之辭 流 柔 而 丽 命,天地 地 而 理 而立卦」,說揲蓍分卦 无 起於 以立 於義,窮理 生爻」,説爻有變動也。 迹, 一,及其究也,上下與天 故 而 人道,於是生蓍之法以 也。 産蓍。」一者何? 日 丝 「神明」,天地也 幽 盡性以至於命」 費 (於神 也。 也 《太玄》 明 而 「和 觀 牛

兩地 立。 即五 兩地 也。 也, 五爲 六者,老陰。 七者,少陽。 天也,分而爲二,兩地也。 倚,言數立其中而 五 者,分陰 五爲六,二與五爲七,三與五爲八,四 河圖、洛書,大衍之數實倚其中。 之始也 倚,立也。」 蓍四十 一,小衍也。 兩變而三。 也。 三變者,三天也,五變者,參天而 + m 揲之四者, 兩地也。 九,九與一 五十五者,洛書數也 又三天也。 數五十,即大衍四 變而上者,三變而兩, 陽 參天者, 剛 三變成爻,十有八變而 天地五 九者,老陽。 柔 九,八卦之位。 一爲十。 也。 四者,六、七、八、九。 未 · 有 太極兩 十有五之數 九, 動 五十者,河圖 天 也。 掛一者,三天 揔 歸奇於扐者 八者,少陰。 兩 儀 圃 十有九數。 五十有五 馬 地, 也。 爲 六十四 具, 五 而 티 : 兩 也 桂 又 數 下 與 與 而 地

之理,

則知

萬物一

源,兼體

而不偏滯。

而貫之以一理,施之各得其宜焉。

窮易

辭,和之使不乖,順之使不違,通天地人

者,唯生死

壽夭

爾。

故

順受吉凶之正,

及其至也,通極

乎一氣之外。

所不可變

不

水

福,不幸以免禍,此作易之本

参伍 窮,故曰「生」。 剛柔有體,故發越揮散以生爻。變剛生 柔,變柔生剛, 也。」陰陽有變,故九、六、七、八以立卦, 之名, 一之神。 l以陰 王洙 四象迭相爲用,生生而 陰陽氣也,剛柔者氣聚 陽 曰:「發,越, 之變定之,而 不離乎 揮 不

者,道 生爻,凡以 理者,通 於道言之,謂之德。 命者,剛柔不齊,禀於有氣之初者也。 而有體也。由推行言之,謂之道,由得 德所施之宜也。 乎道 爲道德 德性 命 而已。 性者,萬物之一源。 M 生蓍起數,立卦 聖人繫之以 之者也。義

> 旨 也

故易六位 剛,立人之道 故易六畫 以立天之道 昔者聖人之作易也,將以 而 圃 成章。 成卦。 日 日仁與義。 陰與 分陰分陽,迭用柔剛, 陽,立地之道 兼三才而 順性命之理, 日柔與 兩之, 是

陽、 道,蓋 見於氣 説位 天道曰陰陽,地道曰柔剛,人道曰仁 太虚 面 聖人將以順性命之理,故分一 源觀之,謂之性,自禀賦觀之,謂之命 剛 成卦,成卦則三才合而 陰陽,曰柔剛,曰仁義,以立天地人 通 者 剛柔、仁 天 氣,聚 也。 畫 互見也。 體 地人觀之,謂之理,三者一也。 有六而 陰陽者,太虚 而動於知覺者也。 圃 義 有 同源 後 易兼三才而兩之,六畫 體 有 也。 於太虚,則知性。 變動 聚 仁義根於太虚 也。 而 爲一。 有氣也。 易有 自萬物 而爲三, 太 知陰 之

剛,則 王, 而 剛 所謂分 離、兑,陰也。 之,一、三、五 行之,將 庚、壬,陽也。●乙、丁、己、辛、癸,陰也。 卦分之,乾、震、坎、艮,陽也。 變動,故 則 命 用 性 也。 知 於 日 陰 而 天 上下无常,周流六 知 德, 晦 配 與 地 陰分陽 分陰陽, 性 何 分陰分陽, 陽 與明。」準 天地矣。 也 知 命之 所逃於天 氣之昏 形地 陽也,二、四、六陰 以十日分之,甲、丙、戊、 誠 用柔 義 也。 理 知乎此, 即 之緯 明不足 《太玄》曰 卦之三才六畫 八地之間 八卦相盪,五行 迭用柔 不 天 剛者,仁義 虚。 順 之 日 乎 陰 從 以蔽之,至於 則德勝 剛。 乎。 所謂迭用柔 性 陽 與 「立天之 命之 、横, 表人 也,以人 坤、 也 以 地 然道 也。 於氣 之 位 理 更 柔 有

易逆數也。

火,不 也。 相錯 異以 與巽爲偶,艮與兑相配,震離兑乾,天之 乾坤定上下之位,坎離列左右之門, 生之卦也。 丽 而 四象也,巽坎艮坤,地之四象也。 於壬,故不相 相 氣」,艮兑以三相易也。 天地定位」, 者順 數。 易 左 行,坤 」,乾坤 也。 知來者逆,逆天而行,右行也,皆未 初相易也 相厭。 ,順天而 知來者,以逆而 虞 自巽而 相 夫易之數,由 翻 坎戊離己,月三十日 厭也。」伏羲氏之畫 易,生六十 乾 曰:「射,厭也。 行,左旋也,皆已生之卦 日月不 E 右行。 坤 知。 下 相射, ·四卦。 逆而 雷 數往者,以 也 邵雍 風 成矣。」 坎 相 日 乾自 離 山 「八卦 瀐 對也 以 順 中 通

射

八卦

相

錯

數往

者

順

知知

來

者逆,是

天

地定

位

山

澤

通

氣

雷風

相

潢

水火

不

相

<sup>● 「</sup>王」,汲古閣本、通志堂本、四庫本作「生」。● 「戌」,原作「戌」,據汲古閣本、通志堂本、四庫本改。

起。 萬物錯乎其中。」準八卦 先説易之本。 一,猶 《太玄》 逆 四 時 Ě 之比。 易逆數也,故六爻自下而 "「南北定位,東西 蓋 也 聖人 將 言易,故 [通氣,

薄也 乎兑。 坤。 艮。 之卦也,萬物之所成終 也,萬物之所歸 東 乎坤,説言乎兑,戰乎乾,勞乎坎,成 藏之。帝出 之,良以止之,兑以説之,乾以君之,坤 雷以動之,風以散之,雨以潤之, 「明也 也者,地也 面 南 兑,正秋也,萬物之所説 也。 M 萬物出乎震,震東方 坎者,水也。 戰乎乾,乾 聽 萬物皆 齊也者,言萬物之絜齊也。 天下, 嚮 乎震,齊乎巽,相 ,萬物皆致養焉 也,故 相見,南方之卦也。 西北之卦 明 Œ 而治,蓋取 日 北方之卦 而 一
勞
乎 也。 所成始也,故 也,言陰 也,故 見 故 坎。 齊乎巽, 乎離,致 日 諸 也 艮 日 É 致 此 東 勞卦 陽 言乎 以 説 役 也 相 平 巾 巽 役 烜

> 物始 莫説 風; 風 物 動 成言 萬物者, 不 也 乎澤 相 萬 乎 燥萬 物者, 艮。 悖, 莫疾 Щ 物者,莫熯乎火; 神 澤通氣,然後能變化,既成 潤萬物者,莫潤 莫盛 也 乎雷 者 乎艮。 妙 萬 橈 故水火 物 萬 乎水, 物 而 説 爲 者,莫疾乎 萬 言者 相 「物者, 終萬 也 萬

説乾坤 之,則 霆、風 此 形 兑 此説六子而 萬 積 陽 也。 以 則 物 聚 而 藏 也 下言文王之八 止者説 潤 而 RI 》首坤。 萬 終始 而 動, 物 潤 日月、 至六子,无形者聚 艮 覩 極 動 歸 循環,不見首尾,易之道也。 則 坤 面 艮、震、巽、離、坤、兑、乾 則 極 乾坤,有形者散而入於无 動 行, 寒 烜 則 以 者 暑所 散 藏 出 静 卦。 之, 《之,則 乎 而 以 烜 乾 止,入 散 則 屈 《連山》首艮 也。 信 復 則 天 而 地閉。 相感 潤。 復 于 有 乾 聚。 形也。 以 此 而 也 君 成 前

乾以純 也。 成之。 猶新。 言方,坤之養物不專此 人地 桂 齊於巽,相見於離,風摇長以齊之。 成曰:「萬物出於震,雷發聲以生之也。」 於兑言秋分,則 向,成氣收精。」皆準 玄》所以 萬物之所説」,草木皆老,猶以澤氣説 萬物皆致養焉」,地氣含養,使有秀實。 于中。 言 陰 也。 連 氣 正秋者,臣 萬物自春出 「萬物皆相見」,日照之,使光大。 戰,言陰陽 終,陽 「萬物之所成終而 水性 山》之序也。 陽臨之,猶 作歟? 雷風 一勞而 氣始,皆艮之用 炫 震 日 《玄》 生於地、冬氣閉 焕, 與物 爲 兑。 不倦,「萬物之所 君 相 春分,坎爲冬至,離 乾坤 而易 臣 薄。 )謂「神 言正 時 對 也 兼 所成始」,言萬 時 震巽也。 合也 西北陰 秋,秋分也。 行。 用之, 戦 事。 兑不言方 于玄, 藏還 天根 坎, 勞 也,而 此《太 坤 鄭 潔, 示 皆 還

> 則化。 生神。 陽 則 離言 夏,坤 化則 也。 致用 燥、説、潤、終始萬物者 爲 不能以獨化,故必 分,故合謂之神。」 餘卦亦 也 相 夏 神。」康成之學進於是矣。 ,然後能 鄭康成曰:「共成萬物,物不可 薄 至,乾 ,此説六子合而爲乾坤,乾坤 「聖人南 爲 「妙 妙萬物者,一則神也。 而 立秋 可 乾 萬物 爲 勝 以 變化 可 面 立 也。 類 知。 而爲言者」,物物 圃 推 冬, 相 既 張載曰:「一則神 聽天 上説天地定位,六子 矣。 逮 言 艮爲 成 也,不相悖也,通 ,孰若六子? 正 《萬物。 下,嚮 「戰乎乾」,言陰 秋者,正 立 明而 且動、 合則 巽 時 自 合 治」, 爲 得 妙 而 立 m

離 乾 麗 健 也 也 ,艮 坤 止 順 也, 兑説 也 震 動 也 也 ,異人也 坎 陷

上説坎兑合以致用,今復以八卦别而言

爲馬,坤爲牛,震爲龍,巽爲雞,坎爲豕,説,●皆順之屬也。不離乎乾坤也。之。動、陷、止,皆健之屬也。入、麗、

離爲雉,艮爲狗,兑爲羊。乾爲馬,坤爲牛,震爲龍,巽爲雞,坎爲豕,

乎? 乾也。 牛,而既濟初九變艮。 陽、牝者坤之陰、老其究也、故離 震,●屯、賁、晉、明夷、睽、中孚之坎,皆 之精,故馬蠶 馬又爲火畜。乾爲金,午爲火,馬生角, 爲蒼龍之次,七星爲馬。 説八卦本象也。 健者唯馬 金勝也,故於五行爲兵。 八尺以上爲龍,九則變也。 震,爲龍。 生乾,故角剛而善觸,牽牛在丑,丑 曰: 或曰: 圃 純乾爲馬,故馬或龍種,而 鳥飛 己。 同 氣。 鳥 極 乾爲馬,健 坤, 飛 加 息,龍 屯 順 京房以爲博 龍行,不健 也。 大畜、中孚之 蠶馬首,龍星 於辰爲午,故 房爲天駟 升降有時, 牡者 也。 坤之 於 上牛坤 爲 乾

> 矣,皆震乎? 起,震爲木也。 也, 爲蛟,亢爲龍, 以甲乙寅卯爲龍。 數三八,故《玄》之中以兑三爲龍,❸占 也,降者歸 反,故龍以 以後,辰亦爲 也,翼軫巳也。 知震之爲乎? 下而善變者,龍也。震東方卦,直 爲鼈,爲龜卵,皆有黄。 震動於重 有黄者,離之六二也。 土亦 神也。 妹 春分升,以秋分降。 也。 龍,蒼龍之次也。 翼爲蚓,軫爲虵,角亢 曰 : 震位在卯,其日甲乙,其 東方朔占守宫蜴蜥 王充曰「龍雷 離六二己丑,土 盛 或曰: 夏疾雷,木拔 氣之散也,天文 離爲飛鳥 龍之類 同類」, 升者 動 也。 ,爲蟹 而 春 極 牛 名 豫 其 龍

<sup>「</sup>兑」,汲古閣本、通志堂本、四庫本作「次」。《太玄》「屯」,汲古閣本、通志堂本、四庫本作「也」,屬上讀。「説」,原作「記」,據汲古閣本、通志堂本、四庫本改。

日:二 首 其方 日 巽之再變,兑者離之變,故雞雉皆耿 雞。」《素問》以雞爲木畜者,巽也。 爲 金所 火炎 入也 治 也 水 儒 蜥 虵 而 金 也 畜 以 雞 推 m 而 畜 一,爲風 將號, 生也。 也。 爲 上,故 初之四,爲中孚之豚豶者,劇 突 雞爲火之精者,巽木含火,火生風 愈 之,《金匱 雞 尾不足本末,陰也。 玉衡 蕩 巽,玉衡 。《洞林》曰:「巽爲 而 冠 美脊 辰 難 如 星 風 動股 龍 雄 王於西 巳爲巽,故 制, 華,其聲 散爲雞者,坎至四月成乾。 剛 雞 類 主 撃 陽 斗也,坎之位,坎陷 、鬣,坎 也 有 號 羽 也。 以 **令**, 冠 ,上直於昂,故雞 翰,而 自 飴 清徹。」巽位 乃鳴。 中陽也。 故雞 日氣之散也。 豚 春 治 卑 者 分 蛟 大雞 後有聲。 號 豕 至 而 龍 <u></u> 知 南越志 之初 芒 ,西爲 處 病 垂耳 時。 穢 在 離者 E 也 又 小 又 蜴

乎? 艮,故 故大 也。 聲,隱然 離 精爲彘」,斗星坎也。 者,陰也。豕,豭强 兑交震,故 東 麗 麗 彘 象。」坎離相納,故象齒有文。 直室也,坎之所自生 象亦豕類,故《運斗樞》曰 西風 生 也 也 也 0 ,美麗也 畜之三兑金 鹿。」張宿爲鹿, 小寒雉 震兑 **豕**用 則 五. 坤 如 地者 方之雉嘔, 復,南北 色成章,離 雉 相 雷 鼻壯,豕 始雊,臨之六三離變兑也。 不 感 (,震巽易也。 野雉 鶉雉之屬,飛必 雊 也。 制 則雷不發聲。 風 M 皆雊。 有牙者,乾之剛 之,爲豶, 虵 文如 則 日 坎離 也。 牝弱。 又曰:「瑶光不明 化 去 也 繡,離 而 傳 雉者,巽 反 星有 「瑶光散 雉 雉方伏 言「斗星 不復,坎 也。 亥爲豕者 又爲 坎 ~附草 大 陳倉 墜 再 離 水爲 丽 成 而 羸 而 也 之 兑 勝 離 雉 豕 爲 成

類乎? 動 也,巽 也。 翼在 之變,可 得乎風。 薛貞曰:「巽值鶉尾,故稱飛鳥。」 成 E 歸 也。 鳥 坎 |藏》初巽曰:「有鳥將來,而垂其翼。」 而 ト楚丘 者,朱 也 翼 (木風 亦 老 南 得乎風者,爲飛之類,得乎火者 柳。 者 或 以 雷 或 已 鶉首, 巳爲 方 鶩 離 日 七宿 巽 知 也。 行 日 鳥 爲 論明夷之謙 午也 卦 電 風 也。 蝙 目 也。 飛者 獨巽 火 照,草木怒張。 木中有火風者,火氣之 騰 蠣 動 朱 海 虵无翼 ,爲多白眼,❷觀眼 蝠 八荒之外 水羣 離 故 觸 鳥 鶉 離 曰: 也。 也。 尾, 象成 故驚飈 飛, 曰:「當鳥。」所 飛 其咮在 而 類 翼,巳也, 明 形,豈 無 飛 有 爲 者 夷于 奮發, 情 爲 火木 何 何 柳, 而 特 離 也 力 同 火 目 巽 ? 其 離

> 於雲 暝息 火生 陽 剛 反 反 止 異郵》曰:「斗運生狗者,星艮離也。」斗 生於寅。寅爲虎,而其子亦曰 洲 何 爲妖。」或 成兑,故墳羊爲土怪。 生 伏 也。 而 潬 也 坤 中 也。 於 動 風 風,故飛者屬 ? 飛 烈 則陽 戍爲狗者,直婁 一陰之下也。羝者交乎震,震 騫而 在 亦狗也。 類 兇極成 殺或 焰 天爲 決 附 日 生 木飛。 起, 陰 墜 於 坎 日,在地爲火。 艮,故羚羊以角息。 而爲走,坤變乾則 於雷震,何也? 兑説也,羊内很者,二 極 朝 積 史言開皇大曆羝或 乎晝,化乎風 成 油 發 艮止也,搏噬者,前 離 也。 而 坎 夫子曰:「 巾 極 火 棲, 故 火 墓 狗。 書翔 日爲晝, 光 也。 何 於 陰附 地 也 起 日 考 反 艮 而 或 於

<sup>「</sup>蠣」,汲古閣本、通志堂本、四庫本無此字。

<sup>) 「</sup>爲」上,汲古閣本、通志堂本、四庫本有「巽」字。

合而 端,循環不已者,立天地之大義。」 物者 陽 不 可 而 [有萬 成質者,生人物之萬殊 勝言也。 爲 飛 ), 其 物能盡之乎? 震 張載 兑之交乎? 有言曰: 「游氣紛擾 其 曰: 或 日 陰 : 陽 其 變 兩

乾爲首

,坤爲腹,震

爲

足

, 巽爲股, 坎爲耳

乾也。 爲 下亦爲首,如木根草荄之類。 馬」之前。乾爲天,尊而在上 説八卦合而成體 不爲,萬物先 三本臨乾,故曰「大首」。 明夷》九三「得其大首」,乾三之上也 ,目,艮爲手,兑爲口。 《觀》「有 也。乾首出 孚顒若」者,乾首肅也。 也。 鄭本此 既濟上六之濡 庶物者,震交 一,爲首。在 章在 乾无往 乾 而 爲

之上

也、《大過》上六「過涉滅

頂」是也。

首者,上九反三,乾也。

乾又爲頂者,首

未濟上九之濡

首者,上六反三,乾也。

又爲

輔者,在首而止於上也,咸之上六、

爲釜。 面,面 尊壺 是也。 有酒,尊壺 爲酒,震爲足,艮爲鼻,腹器 腹器,又爲尊壺者,交乎震坎也。 象。」瓶、罋、缶皆腹器也。 有容也,又爲釜者,腹器也,有水火爻則 有面之象也,咸上六是也。 體 京房以上爻爲頭,目亦上體也。 面之上,益之以剛也,夬九三之壯上六 也,革上六是也。 艮之六 「九體」,八爲面,九爲顙,八九上體也。 敦皆南 同 鱼 象而 象 百鼻。 其鼻。」又爲簋者,交震 故郭璞筮 五 頄 首 面 又爲 无酒焉者也。《禮 是 。」首者,敦器之蓋 也。 顴 也。 坤又爲身,身亦謂之中,又 面 《禮 也,骨剛 者, 輔 豫之解曰:「有釜 又爲頰者,止於上而 在 上 少儀》曰: 首 頷 ጢ 脯 也 《太玄》土 肉柔。《玄》 有足,有鼻 又爲 説,見於外 艮也。 與 少牢》: 腹虚 頤 「尊 順者 首有 卦 壶 爲 之 而

乎足 之下 故自 交艮 震又 六動 體」,一爲手足,言其位也。甲剛,乾陽 之陽,故自下而生。 爲躬 止於二陰之上也。人之經 又 爲 者 所 者,姆 爲 姆 爲趾者,通乎物言之也。 以 則動者止,艮交震則止者動。 也,手上體之下也,故《太玄》「九 於足,其六動於手。 必行,疾走者掉臂,束手者緩行。 上而止。 在足者艮交震,在手者震交艮,震 也 折 節 能 其 者,足之指也。 肱者,自手觀之,拇 而 三陰中 身也 動 艮爲止 掌 也。 也。 止 震艮 指在 故動乎下體之下 者 震 之陽,拇 止者在上,動者在下。 動 相反,故行 下 動於上者,艮之陽, 動 也 而 拇,手大指也,手 極 動者,亦姆 陽也,餘指陰 動於足者,震 脉 而 節二陽中之 陽 + 止 足趾下體 動 者必 有二,其 也 於 圃 止, 應 艮

出乎? 離,陰 開,乾之闢 水竭 也。 於外,唯善養者能 於心,其日昊乎? 陰,故肉白虚者,陰也。 也。 手之有 盲,離火无 之,艮也。 也 止 二爲腓,巽爲 相代,晝 目白,其 則 竅奇者,坎 坎爲耳,陽陷 麗 用乎下 也 運 槁。 肱,亦猶 故寐者形閉,坤之闔也,窹 乎陽也。 動 夜之道。 也 所 坎 肱 耳目 者 也,三也。 麗也。 股 臂 離之交乎? 而 止 中之陽 股之有 動。 奇 隨 通竅者,水火相 反耳 實者,陽也。 闔 乎陰 艮 足, 而 寤者神見於目,其 唯 離爲日,寐者神 止 也 指 善用 闢,目 目於内。 陰中有陽,故 巽也,雷風 也。 者 也 腓,故股 肱 數 自 屬 役 偶 者能 精竭 精脱 動 臂 瞑 輪 乎 "; 亦 偶 觀 耳 E 陽中 《太玄》 達 在 動 者 者, 之, 聽 速也。 艮 一而止, 者 E 相 有 目 形 睛 陰 與 則 日 目

母。 乾, 謂之中男。離再索而得女,故謂之中女。 艮三索而得男,故謂之少男。 而得女,故謂之長女。坎再索而 火也, 兑爲口 以 口。」艮爲鼻,口鼻通氣,山澤通 天也,故稱 震一索而得男,故謂之長男。 六爲耳,二七爲 乎父, I.説也。 鄭康成曰:「上開似 目,一六 坤,地也,故稱 。兑三索而得 水 也 得男,故 也 巽一索 一二七 乎

女,故謂之少女。

搜於乾策,一索而得陰者,謂之長女,再 謂之少女。 謂之中男,三索而 之父,坤地也,爲陽之母。揲蓍者,一爻 將説天地生萬物而 索而得陽者,謂之長男,再索 三揲,三爻而 爲貴,萬物皆備於人也。 而得陰者, 萬物分天地也,男女分萬物 謂之中女,三索而 八卦具。故搜於坤策,一 得陽者,謂之少男。 言人者,天地之性 乾天也,爲陰 而 得陰者。 得陽者, 人

> 父也。 實告之矣。《太玄》準之以一摹、二摹、 父,循父道也。 謂之不孝。 我同 配男,夫婦之義,天地之性,人之大倫。 納丁巳,右行以向母,從母教也。三女 子,坤納乙癸始於未。 也。 三摹,摹亦搜也。 天下平。 體。 察乎 坎納戊寅,艮納丙辰,左行以 伐一草木,殺一禽獸,非其時, 此, 是故聖人親其親,長其長,而 納甲之説,乾納甲壬始 則 巽納辛丑,離納己卯,兑 天 地 與 震納庚子,子代 我 並 生, 物 順 於 與

馬,爲駮馬,爲木果。寒,爲冰,爲大赤,爲良馬,爲老馬,爲瘠寒,爲冰,爲大赤,爲良馬,爲老馬,爲瘠乾爲天,爲圜,爲君,爲父,爲玉,爲金,爲

曰帝位。天德者,剛也。天道者,其行易言天者,皆乾也。天位者,中正也,又摹哉? 此凡例也,智者觸類而長矣。説重卦别象也。六爻變化,其象豈能盡

者,艮 設 神。 至誠 帝。 日 者,不可過也。 下者,乾下也,或乾爻降於下也。 以 人者,盡天之體也。誠者天之道,聖人 或謂之帝,言工宰也。● 日 險者,坎在 文者,艮離 復其道也,消息盈 有 教 統、 應、曰麗,各以其卦爻變化言之。 。」日月附麗乎天,亦若百穀草木之麗 Œ 以盡 故觀之九五天之神道,聖人以 乾又爲大人、聖人、賢人、君子。 形 也。天之神者,陰陽合一也。 曰: 日 同 反反 乎? 御、曰先後、曰奉、曰承、曰 震 天誠則化,化則莫知其然 上也。 也。 也。 君子,通言之 月麗乎天,百穀草木麗平 曰: 天行者,終則有始也,反 天寵者,君澤加 天命者,乾巽也。 天祐者,天助 虚 天積 也,三者一也。天 推而上,謂之上 陽也,氣 也。 也。 或 也。 神道 謂之 天衢 問: 天 順、 天 天 天 則

> 如。莊 復始 彊矣。 或曰: 乎土。 乎? 五者,君之位。 於天下曰「大君」。在《家人》,父母位 方。」故得乎天者皆圜。 形者、皆地也。 散,氣凝爲石,如人之精神既散,形 也,晝夜不窮,死生无際,非天道 濟之九二,坎變乾爲輪是也。不特其形 月星辰,積氣中之有光耀者。」 郄萌 其視下也,亦若是而已。」列禦寇曰:「日 速,奔星上下 ·天了無質。」鄭康成曰:「天清明無 也。曾子曰:「天道曰 故曰:「在天成象,在地成形。」成 天果有 周 星隕 曰:「天之蒼蒼,其正 石何 前 質歟? 後,或 、 園者, 渾淪无端, 周 也? 得位居中,發號令 卑 日月之行 既濟之初九,未 或 EI: 圓, 地 光 不 色 或 之行 道 耀 那? 形。」 得 亦 遲 图 既 日 而 或

「工」、汲古閣本、通志堂本、四庫本作「主」。

異體別 則 乾爻往 者,爲金。 玄孫,●二曾孫,三仍孫,四子,五己身, 之位則爲君, 世數言之。乾,剛之不變者,爲玉,變 六父,七祖,八曾祖父,九高祖 《訟》之「鞶帶」,上九之三也。● 通上下言之,自天子至于庶人一也。 上,以九三爲玉。言其不變也。 金鉉」,五之二也。 金矢」,四之五也,六五「黄金」,五之上 金夫」, 臨初之上也, 亦屯之初 流 」,自娣 君 《姤》之「金柅」,二之初 石攻玉 京房以乾兑配 家,分而 矣,爲考,考之上 益之三,以上九爲圭。 言之, 在 前 而 歸 解 父也、考也、祖也、宗也, 同焉,爲宗。 則 妹 乾 君 ×, 言其變也。 也。 離 金,兑正秋,亦九 帝 同 爲祖,配 女之 乾爲六 體,故金火 也。 乾居九 位 一父,亦 《蒙》之 乾艮同 《鼎》之 噬 子父, 日 鼎之 也。 嗑 以 五

> 也? 日: 无 爲寒 寒,乾陽而寒者,陰陽 陽不足也。 足,陰氣上人陽中,則 生於下,以其陰不足也,故 之驗也。 月大寒。 乾位,九 五 所不至,坤也。 即 氣生於下,以其陽不足也,故 重 交 子坎位也,坎交泰,坤 者, 乾 實, 也 《井》五月卦,九五「寒泉 日井之九五, 也。 坤 月寒露,十月立冬、 邵雍曰「月爲寒」,二陰一陽, 交乾 太玄》 釦 坎爲水,爲月,故水寒。 玉 器 坤氣也。 一有水, 也。 议二 以一六 《黄帝書》 即 陰至亥成 泰乾 相薄,十一 玉水 洒淅惡寒。」 雲徂 爲 爲 并泉 初九 也。 得 水, 金 小寒,十 日: 「 雨 乾 流 坤, 井泉寒。 温 月 陽 甲子 冽 五 玉 環 此 陽 陽 温 乎? 而 珮 何 寒 爻 或 陰

<sup>「</sup>太」,四庫本作「一」。

<sup>) 「</sup>三」。汲古閣本、通志堂本、四庫本作「二」

又爲朱 朱比 朱。 乾者, 爲赤。 赤,陽 生,至 也,故 赬 皇。」毛公曰:「黄,朱染絳者。 陽 五 縓,再人謂之赬,三人謂之纁,四人謂之 也。困九二坎爲 十月水始冰, 又 水遇 ~ 鰛, 下 勝 爲 交二, 赤 纁,黄赤也。」《小爾雅》曰 冰者,坎交 色也。 水凝 寒則 上六十月亥 日在嵎中, 陽得 十月, 爲 赤也。」●然則縓、纁、朱皆赤, 者,朱赤黄色。《詩》:「朱芾斯 黄, 於已,純 坎 結, 而 位,爲良馬,陰消陽爲老馬 乾 陽始於子,坎中之陽,故坎 地 比縓、纁 離 堅 陽宜 乾 遇火則竭」,從所勝也。 始凍,水不 易 则 一交巽五爲赤紱。 . 月 在 也。 位,坎交乾。 、陰勝。 異,爲 乾也,故乾爲大赤。 不足也。 爲異耳。 乾, 望,歲在 朱紱, 冰,則爲陰負 坤 西 北 初六 一人謂之 「彤、牸、 方之卦 故困 離 邵 四月時 坤 剛金 九 mi

> 郭璞筮 果者, 於坎 也 日 有 反生。 乾日 也, 陰。」 物之在 漢之際《易》亡《説卦》,孝宣帝時,河 穴居。」王肅曰:「坎爲水,爲險,爲隱 至後漢,荀爽《集解》又得八卦逸象三十 女子發老屋,得《説卦》古文、《老子》。 爲 。」子夏時坎爲 0 瘠 「坎稱 孔 爲木果者 離。」艮曰 馬 木之陽止於果。 變離 震者,艮之反,震陽 一險穴 按《集解 遇乾之離 穎 達 鄭 小狐。」孟喜曰:「坎穴也 也。 居, 康 E ,異艮之陽皆乾也。 其於木者,交巽木也。 成 》,坎爲狐。 隱 曰:「驊騮緑耳,遂玄黄 狐 駮食虎者, 兑變 「骨 日 伏往 孟喜、 多 凡 果成 也。」 來 骨 王肅止隨傳 亦乾也。 水間者,狐 一駮馬 《子夏 則降,降 爲 陽, 文乾也 肉 艮 内 爲 黄 狐 而

「赤」,四庫本作「朱」。

爲子

母牛,爲

大

輿,爲文,爲衆,爲

柄,其

於

地

也,爲黑

戰于 皆坤 爲裳。 黄。 乾之直 以 之成乾,故乾爲龍。 今考之六十 E 極 俟 以 儒 釋 能 下同 也。 也。 生陽, 所能 、《歸妹》之「袂」、《既濟》之「衣袽」, 爲 垂綃,奇也; 爲直,乾其動也直,巽爲繩直者, 後之知者。 野,其血玄黄」。 《太玄》曰: 也。 言者,出 見 體 《困》之「紱」、《既濟》之「襦」、 增 古者衣裳相 者,震聲兑 爲復、震 全 四 也。 也。 爲衣,乾在 書, 卦, 於乾陽 至秦,始取女之衣裳離 故 爲 蓋 其 襞幅 校證其 「垂綃 也。 龍 坤 秦漢 (説若 Π, 也 連,乾坤相依, 體乾 坎爲 乾體 上爲衣 故《坤》上六「龍 偶也。 聲 之際 爲衣,襞 印 誤 剥 血,震 出 坤 圈 而 於 坤 ·, 自 L 乾 鑰 併 《訟》之 一之矣 口 釋之, 合,非 成 幅 在 爲 震 也。 坤 下 玄 君 爲 亦

坤

爲

地

,爲

、母、爲布、爲釜、爲吝嗇

一,爲

均

者觀之,水土動

則

地

動,地

動

則

天

動

地

鈴坼

則

地

動

者,

天之筦籥

動

也。

以

此

動,土 之天, 帝書 墟焉, 形,地 水,兩 或日 動 載 也。」明夷日在地中,則 太 者,陰陽 易 虚 日 則有二,有乾 凡言地者,皆坤 之中,大氣 儀運 以水 勝 西 附 其下无底,水豈氣乎。 「地在氣中。」《黄帝書》 一天 氣。 河 師 相 水 轉乘 動 中 也。 地中有水, 根 在地 其形 也。 九 動 則 星日 鈎 氣 外,水在天 舉之,天 有坤。 静 辰星色黄 鈴者,天之筦 有涯 而 也 相 鈎 浮,載水 0 而渤海 星, 地在 , 其 乾 邵雍 形 地 坤 氣 鈎 而 外, 氣中可 氣 未 之東 皆言 日 星 曰:「地 而 无 小 티 : 相 始 籥 行。」 涯。」 則 伸 表 天 裹 有 相 地 則 天  $\sim$ 黄 皆 歸 依 大 地 考 張 地 有

乾, 邦,諸 者 二上也。 位 祖 以甓修井爲甃。乾爲父則坤爲母,乾爲 水坤土,汩之爲泥,土水合而火之爲甓, 際,設險可入者,墉也。又爲泥爲甃,坎 澤,土自下升者,城也。 積土在 又爲城,爲墉。 位,諸侯承之。 卿大夫士。 内也,故以下卦言之。諸侯四 非 ,在家人乾父居五,則坤母居四,尊无 則坤爲妣,坤得尊位,母 ,爲帛。《實》六五「東帛戔戔」,上 變者爲布、異離 氣 乘 震足艮手築之,巽繩縮之,掘 爲 氣 也 候有 載 王母,王 麻紵葛日 水 坤 邦對 國,大夫受邑,分土 乎? 又爲 墙,謂之墉。 通言之,邦 母尊,祖王妣也。 國則 氣 邑,爲 布,巽爲草。以坤陰 无 絲。 涯 邦爲王 邦 水亦 以 國 也。 國一也。 城,墉之大 坤 也,下 國,五王 也。 无 陰 五動 内外之 天子建 涯 地 五 陽 爲 尊 成 坤 兼

> 帛,五 易言吝者,十二卦、十三爻。陽爻居三, 以取於坤? 者。 變五 艮坤,器之有腹者也,而又有足、耳、鉉, 離,曰釜之象。遇大有之旅,初九、九二 木,以釜亨飪之象。 坤,六二有坤腹、坎耳。坎水、離火、巽 坤爲土,爲腹。 端,倍端謂之匹。釜有範金者,有合土 無耳,日金之祥,非釜也。或曰: 變乾成艮、坤。兑爲金,爲澤,有離火 中饋」。郭璞筮豫之解,六二變坤,有坎 偶,五尺謂之量,倍量謂之丈,倍丈謂之 木巽火,坎水亨之,故曰「鼎象也」。 其象有腹、有耳、无足,皆自坤變。 巽 兩 離 ,天九地十之數。 也,坤 曰: 家人者, 遯四之初, 變艮 陰 變陽 鼎自遯五之二, 離爲中女,故曰「在 也, 布帛 坤 爲 帛。 兩 兩 何 面 相

「五」,原作「王」,據汲古閣本、通志堂本、四庫本改

者,母也。 坤之丑爻,丑亦牛也。 坤變坎,坎爲子。 林》明夷之既濟曰:「當有牛生一子。」蓋 變日 然則 有知 可動 牛,爲腹,離爲大腹。 亨」,則曰既 陰均之,寒均暑,夜均晝。君子而 「過」。 人,然後上下内外適得其平,故「小 九三趨上六,故「可 憂、悔、吝者,存乎介」。 咸》之九三從上六,故「往 亢 也。《太玄》以土爲犢。● . 其 居 坤 而 「博牛,言以牸牛。 之吝 爲子母牛者 不動 不可以往爲吝者,屯六三是 陰,故「吝」。 大畜艮坤 可 一嗇,顧 濟, 變而不變,坤陰 而小大相 三至 貞 用之如何耳。 其 餘 之 坤交離 京房既濟之初 加 初 五 《離》「畜牝 博,犢也。」《洞 「吝」。 互 乾獨陽也,坤 爲 可 吝」。 地方而 一有離 過,皆謂 往 也。 童牛」者, mj 《姤 ^ 也。 不 恒 故 載與 四 有 坤 牛 也。 美 者 九 爲 之 小 日

上九 也。 興,大畜九二、九三是也。 日 有輪 也。 五 心之位,輹在 之陽爻變坤之中爻,爲 下,爲興下之横木,大畜九二 爻當輿,睽六三是也。 内 也 或當輪,止日 大,則日大輿。 視之,有輪有輿 一,爲坎 實 視六三,困 轂 而 乘,解六三是也。 内 實一虚 輹者,坤 乘 也 變興成 陽 其上 外 外 輪,既濟初九、未濟 虚 興下,鈎 陰, 一,周流 日 有輿有輪,或爻在輪下 穿也 輪、大壯 震 ൬ 九 車 陽 居其 也。 ,賁初九是也。 四 實 无窮 内 視九二是 大輿 心 而 坤爻變乾,陽 中, 有 震之陽爻在 直 九 直 夾 輪輪 輿无輪,止 輻 四 軸 有輿有輪 亦曰 之 陰 也。 也 是 是 輹。 虚 九二是 四往 也 也 車。 也 而 自上 中 曲 之 者 坤 而 日 或 日

足也。 荀子曰「文理成章」,詩聲變成文,積句 止。 巽動於下,離變於上,巽極 蜺,有 茀者, 止,何也? 之文明者,以離言也。 坤 方,冬虹不藏,見則怒風發屋,雷動 日 之月,夬九三爻也,陽氣充塞,氣成 不獨立,二則爲文,天一地二也。季春 雷電合而章」。坤六三、姤九五動則 以 五 四爻也。 剛一柔, 色火 又爲章何也? 中相易者也。 中國陽緩陰散,雖有 剛然後文柔之也。仲冬之月, 有輪 噬 以此見无一則无二矣。 嗑 ()煙隨 相錯成文,有天而 雖霽 曰: 脚 初五相易,震離 矣,震 圃 離 而 變,雉 離爲日,爲火,爲雉。 日,虹蜺伏藏,陽不 日 爲 南方,巽之再變也 竹 或曰: 葦 五色具焉。 虹 成震,是以 文合而 一蜺,而 合一 後有 蔽之第 離者,乾 , 故 極南之 成章。 地 別則風 非 也 成 風 風 虹 坤

> 之名 陰醜 坤,順其鑿而 之。] 乾之九四以三陽爲羣,否之六二以 萬物爲輿馬。」又曰:「羣者,通陰陽 成於衆工,●始於輿。 明夷 坤之陰即坎之二陰也,坎之二與上坤之 初 以 文, 三陰爲羣,睽之上九以六三坎坤兑三疑 三陰合,故又爲衆。 復初九之二,坤陰自下從之,故 九之坤四 不 以二 也。 兑澤之坤爲 也。 陽主五 動 巽爲魚 則含 又爲興者,通於車興之興。 陽臨四陰,故曰「莅衆」。 師 陰,故曰「用衆」,曰「畜衆 ,故曰「得衆」。 民者,有 曰衆,又曰民何也? 章。 亦 焉者也。 曰民者,巽之坤 民 衆 同。 坤又爲醜者,陽 者,對 邵雍曰:「君子以 斧柯、劍夾、殳 爲柄者,巽之 寡之名。 也, 解以 曰 : 民。 與 美 專 君 師

「專」,汲古閣本、通志堂本、四庫本作「車」。

其於 北,死 變坤 也。 也。 遠 迷者 子坎 極 斧,巽上九 戈矛之秘、 土,皆地之美者。 末,澤之污下,草木之杇腐,人之黧,老 黑者,坤之極 也。 於 所 容 而 故日冬則行黑道,月死成魄。 火之 7, 豕不 坤 ,坤冥 以月言之,晦也。 德 陽 爲 地 與 以 爲生之。 坤極成乾, 化牛。 无 爲 腹 方,方 ,乃其一也。 而 地 窮 同, 不 晦 Ė 喪斧,或 耜 7,又曰其於地也者,坤 也。 復,皆迷 待 也。 不 牝豕者,初 圃 陰陽之中復 之 故 陽 囊 山 來, 姤 而 易言冥、 而增肥之澤、黑墳之 故明生於 以日言之,日在 手 易 初 得 坤變乾 後 之道。 可 也。 六 柄 其 明 以歲言之,十 括 、坤變乾 陰 也 、先陽 柄, 爲 也 有 未出 爲 言晦,皆坤 晦 襲 爲 陰 或 旅 陽兆 者 牝 爲 方 初初 失 而 陽 九 也。 者, 其 馬, 爲 動 九 虞 四 此 柄 坤 與 爲 甲 萬 於 淵 得

> 爲雷,爲龍,爲玄黄,爲旉,爲大塗,爲 下。 故 方穀 陰者 黄 《者,黄 坤爲漿,不足於陽 也,而 也。 坎、震爲 地之中色,得 爲帛、 東風 酒 至則 爲 故 漿者,帛當 作 也 酒 乎陽之美, 酒 湧 漿者 以 麴 在 糵 ,酒之初, 麥。 爲 不偏 布 長 東 之 於

子,爲決躁,爲蒼筤竹,爲萑

華。

其

於

馬

震

於 也 稼 張 ,爲善鳴,爲馵足,爲作足,爲 周 風 則 「尨」。 駹, 載 也 雷 旋 奮 爲 不舍 蒼 有 擊 曰:「陰 ,爲反生,其究爲健,爲 加 色。 取 龍 小 爲 日 而 大 非 爲風。 雷霆。 震 出 氣凝 暴 也。」臣 東 時 緩。」 方,故爲 聚,陽 色, 其聚 陽 曰: 鄭 在 雜 康 有 外者 在内者 也。 駹。 遠 成 蕃鮮。 讀 不得 近 讀 當作 虞 的 虚 不 翻 顙 龍」爲 作龙。 實 得 日: (),故 其

字,當 則 者,何也? 玄》亦曰:「夜半近玄極。」坤生震 疑陽而 爲土,其色黄,五五 者,坤之中爻爲黄,黄者地之中色,得陽 至而坎之初六受之,故曰天玄。 人之微意也。坤之上六閉 玄可也,而 氣潛萌於黄宫。」坤上六,十月 之美者也。中爲坤宫。《太玄》以 莨竹矣。坤於地爲黑,又曰天玄而 乾變震之象乎? 斗建寅,旦見尾中, 龍戰于野」,坤黑也,乾赤也,謂之其血 日月會于尨號。」 孟春日,月會于諏 來而爲主於内,於卦爲 玄也,以復、震言之則玄黄也。 .戰,陽於此不争而自勝。於是冬 %。 日其 曰: 此天地鬼神之奥, 血玄黄,又曰 蒼 若蒼色,則上已 尨, 中也。中首曰:「陽 播種之時,无妄、益 尾 也 復,以坎言之 塞成冬,陰 ^ 震爲玄黄 國 而《太 也。 語 陽 五 地 日 自 聖 言 黄 蒼 極 五

時。 黄,纁也。纁,黄之變染者,自黄 之六五三坎爲玄,巽乾爲大赤, 之九三玄黄在車上而金斷之,施 玄,坤之中爻爲黄,而在朝廷,幣 田上,桑也。觀之六四與五相 玄,邪正兩行,龍出于中,法度文明。 陽亦未甞一日不勝也,故曰 玄也。六二、六五坤之中爻,所謂 種。 所以 月未 赤,纁三人之,赤也。 爲勇者,陰體 極陽生,亂極 出于中,則震也。 十月又謂之陽月,言未甞一日无陽,而 一穀雨 爲 否之九五與二相易,巽木玄黄 미 初九乾坤之初交,以赤交黑,所 以言黄,故 玄黄者 九四立夏,六五 |德形,君子於是修德以 ,初九春分,六二清明, 又曰:「天炫炫出 古 人謂冬爲玄冬。 小滿,上六芒 神。 易,坎爲 離 也。 也。 也 黄也。 坤爲 丽 戰 於无 而 于 陰 俟 在 龍

陂者 門,險極成易,大川之上必有大路,故 之爲子,故曰長子。 少男,視二震爲長,震視艮 動,足指 大者,取房有三塗焉。 王洙曰 初之四,否四之初,草之旉也。 也。」王 大畜自大壯來,上九畜極,艮反 途之象必出於坎兑之外。]或曰: 變之五,木之旉也。五變之二,旉者歛 衢。 平不陂。 m 「國中三道曰塗。」震上值房心, ,大途變而 費又爲徒行 解自升變,草木之旉也 陽勇之。 履九二動成震,動而正,故曰道。 天 洙 履 曰:「字從寸,甫聲,布也。」 上,无所不達,天衢也,故 乎大途,徒行也。 爲長子,師六五 爲 延 者,初九之四,艮 山 叔 澤,易極 九二用衆,處險持 堅 曰 爲 弟 動成艮,艮 成 泰九 一:「卯爲 勇,大 ,坤母 險,故 成 鄭康 大過 震,大 應 道或 塗 爲 成 足 大 日 而

之色。 異,異 乙爲 類而 位,臨二之四,有不喪匕鬯,奉宗 子。 巽視之爲夫,自泰乾視之爲子,故 律 三成震,故曰行人。明夷初之四,震 五,巽成震,巽爲白,自兑妻視之,震 九三離婦乘 爲夫,自艮視之爲丈,故曰丈夫。 中虚 盡 五 有 震 竹,亦震 无妄六三即遯之初六,遯初上行 夫而白首,故曰老夫。 (位東· 青寧,世无識者。昔人鍾山伐竹, 曰祭主。 日 任 孔穎達曰:「春生之美也。」竹,草 木氣。 象,他竹震之變也。《太玄》以 節實,重震之象。 丈人。 之,本 南,故曰主人。 震,故曰夫。大過乾二變之 也。 草於五行爲木,故蒼莨 復 震變兑爲決,變巽爲躁。 隨 乾 列禦寇言「久竹生青 初九 也, 否乾 自 蒼 震 恒六五 莨青也,震 坎視之, 四諸侯 自坤 廟 視 自 甲 之 之 成 之 夫

異爲 爲足 震存 逐。 陰, 卦爲復、《彖》曰:「剛 宋衷曰: 者,乾馬變也。 動 而 枲豆之屬 坎爲美脊,震 白顛」、《傳》所謂「的 陽自 發 反 何 . 畜九三乾變震,三陽並 ,乎始。」故人與草木反生,心膽之 風 出 白,此 震 於 中孚六四 由 以 震 也。」反其 左,在 有 爻則爲的 陰 動 「戴甲 升而 陰在 聲? 馬 激 世 震爻發於下之象。 匹亡。 坎 八凡 陽,水 下 息,五陰 震作足馬, 上陽在下,故爲反生。 震下 類 而 桂 爲 聲 生者 也 出。 顙。 爲 馵足者,伏爻也。 激 火之聲 其於稼也,爲反生, 四四 爻動, 屯初九是也。 反 後。 而 《動。』《 的 顱」也。爲作 自 有生有 絶 鄭康 後 顙,《詩》所 進,故 E 四 无 類 震下有伏巽, 有 降 易初 太玄》 上行,坎亡 成曰:「生 非 雷 而 不 乾爲首 曰良馬 以 生,夫 成坎 消, 日 陽 ... 其 謂 激

之氣

極

變

也

在章,

震之廢氣

中

得

青蝦

其

青

寧乎?

蝦蟇,

巽兑

蛬」。

震

成異,異爲

風

乎

夫橘成

?

葦成蛬,麥成螰,陵舄得鬱棲

爲

烏,足葉

爲

蝴蝶,皆

震

巽

也。

歸妹上

一六、既

濟

九

康成

日

竹竹

類。」《

搜神記

》言「杇葦

竹

堅

而

在

革

脆,竹

久而

萑葦易枯。

四四 動 則 뻬 乎 之二爲言, 五 上動反三、小過 音 爲言, 有 五 艮 · 善 皆震兑也。 五 鳴 動 者 初 易二爲言,漸 九 何 之四 獨 在飛 是也 乎? E 初 往

四

爲言,夬九

四

不

動

爲

聞

言

不

九

三往上爲言,震、臨

二之四

爲言,上

交

以

四

爲言、訟初

六

往

四

爲言,明

夷

初

九

六

是也

 見 口

震聲,在

人曰言。

九

者,震也。

易凡有震聲曰

鳴,

謙六二、上

廢氣也。

二卦皆震異交乾。

爲

馬

鳴

二之五,爲竹葦。

既

濟十月

卦,

亦

震

之

者何? 耳。 者反 舉 昭。」陽言鮮明 者,震變巽也。 月卦言萬物化 律, 野究爲躁卦。 交兑,羊角反生,羝 黔喙之屬, 曰 至三,則下象究與 倒 枯 楊 无 何? 絜齊。《太玄》曰:「物咸 懸 (生,蘇 震 爲蕃鮮 隅也。 ,豈特 生稊,反生也。 楊生華,亦反 言百果草木甲坼者,震 巽曰萬物者何? 日離 曰 而角 (枲豆 也。 者、泰、頤、恒、萃、歸 大過二變之五, 兑成 有震 也。 生, 姤五月卦言品物 震爲 有 虞翻 ௱ 反 震 異 《生也。 已哉? 生, 也 四成乾。」 雷風无形 巽 也。 或日 蕃,變異 曰:「震 五變二往 鹿也。 而 震三四相易,死 解 離言百穀 曰 又 屯三震 於稼言反 自 言百果草 重 八爲鮮 相薄, 故其 大壯 也。 一光,保 艮 震 妹 排 變也 交良, 成成兑, 震,爲 故 草 究 四 咸 咸 生 厥 V 震 萬 而 四

> 出征 也,動 之動,訟九三從上九,皆曰 上,日不事王侯,晉二動 易,五曰離王公,上九與五相易, 蹇、夬、萃、井、涣是也。 行雨 位宅中,故 錯文也。五爲王之位,●乾爲君,君 之震,三之上 王三 于王母,豐二 ,師二進至五,曰 曰先王者, 比、觀、涣 施 交異 錫命、蠱上九自泰 밆 物 也。 九五爲王,比、隨、觀、家 流 成 一至四 爲王當在乾,爲 形 睽, 者 萬 何 日 Ŧ 物 ? 易 王假之,坤六三 主,自三之二, 離 睽 從 初 五 以 九四 日 也 ,曰受兹 歷 王事而已。 九 乾 四、五 五. 與五 天之 自 日 乾 , 王 宜 震  $\exists$ 相 用 Œ 息 雲

五」,原作「三」,據汲古閣本、通志堂本、四庫本改。

<sup>「</sup>鮮」,汲古閣本、通志堂本、四庫本作「離」。「律」,汲古閣本、通志堂本、四庫本作「健」。

<sup>「</sup>主」,汲古閣本、通志堂本、四庫本作「王」。「王」,汲古閣本、通志堂本、四庫本作「上」。

故其位 是乎? 鶴。」房本有之,房在孝 論中孚曰: 巽爲白,兑爲澤。《繁露》 爲手,手執桴擊之,鼓也。又爲鼓缶之 雷,中孚九三或鼓或歌 四,坎變巽,離變震,兑震爲善鳴,爲足, 位,古者諸侯人爲三公,三公出 諸侯也,晉九四天子接諸侯也。 子爲諸侯也。 九三之象,故曰天子。 交九三,乾變離兑,有天子施澤,降 子者何? 之,故曰 復、无妄以 震離爲鶴,中孚九二是也。 夜半水感其生氣,益喜而 .四與三通曰公侯之位。鵠,古鶴 日 日: 「九二處 非也。 四諸侯位,豫九四天子建 初九,皆 大有九三不言 九三交於六五,六 長子主器 先儒 和 ,震交巽爲木, 宣後故也。 以 體 曰:「鶴,水鳥 前 以震 震 桂 门則 鳴。」京 王 爲諸侯。 0 四近君 爲 鼓 初之 <u>Fi</u>. 而 艮

木艮手,鼓缶也。 鼓,離九三變坤震,坤爲器,震爲鼓,巽

利市三倍,其究爲躁卦。於人也,爲寡髮,爲廣顙,爲多白眼,爲近白,爲長,爲高,爲進退,爲不果,爲臭。其異爲木,爲風,爲長女,爲繩直,爲工,爲

桑也。 爲枯 玄下黄,桑也。二五 日: 槁 果乾也,堅多節艮也,堅多心坎 之,金生於石,木備此 木象,何也? 時,震之九四 震巽皆木也。 離 也,其實乾坤 否之九五、二爲田,木在田上,上 其卦氣,則七月桑落之時。 爲枯 《説卦》巽爲木,言蕃 日 爻也。乾、艮、坎、離皆 木, 圃 相 己。 水火土石,地 九四者 或 易,剛柔相 爲杞, 或爲苞桑,或 而 後 以有,故 人也,科 何 包,苞 也 兼 鮮 ?

<sup>▶ 「</sup>主」,原作「王」,據汲古閣本、通志堂本、四庫本刊

桷也。 至益 變也。 反在 奥而 舟楫 或爲 氣,則 成巽,坤爲西南,乾 六二、六四、巽九二、九四、皆以坤變乾 木,變乾爲大澤,木 亦枯株也。 金克之,枯株也。 虚。 也。 六 卦 木 牀, 視 而 上,棟也。 ,或爲耒耜,何也? 氣 人藉其上, 床也。 五 乾動 益自 九 涣、巽有艮手,断木 中 成,故涣 , 則 或爲棟,或爲桷,或爲木,或爲 月夏至,杞木盛時,故能 - 孚巽 四四 + 楊 爲 垢九三因 否 「爲臀, 月 澤 變漸 直 木,兑 日 漸九四乾 小 木 一,坤爲衆,木 其卦氣,則九月霜降, 乘 困 雪, 也 爲人,設木於西南之 變渙, 之大, 杞也。 木有 9, 兑正 金刳之, 于株木,巽木而兑 亦 四四 大過巽爲 枯 動者,兑 功, 動 剡 巽 秋 楊 成異,坤三 木爲 木 丽 故 益 在 平直者。 剥初六、 日 日 也。 木、木 相也 坎上, 包瓜。 其卦 木 也 巽 消 困

見而 者,謂 所 陽則 動則 則 歸葬于父母。故咸下女,漸 居,則三女皆謂之女。《春秋傳》曰: 歸而有漸,或男行而不動,或女與 上,或男未下女,或男下女而未歸,或女 曰:「風,蠱也。」爲長女者,女在下,男 在 益 暖 之二成巽,恒六五從 地 揉 自 氣歸火 後行。 屬 子夏曰: 爲 爲 木 否 蒙六五 其遠於人也。」古之嫁者,三月 乎風。 變, 三女從三男,五 木。」舉 火,陰 爲 所麗 ,轉動歸 夫婦之道,未廟 納九二成 「婦人,學於舅姑者 之陰 四之二,斲 人于陽之下 《黄帝書》曰:「在天 風者,火氣 一隅也。 也。 風,風化蟲。」故郭 異, 有 九二成兑,謂之 火非 **《**西 木 乾 則 之 爲 大過 坤, 女 見 方書》 動 動 爲 耜 歸 而 不見, 風,巽之 也 九 陰 舅姑 也。」 八爲風 女同 Ĕ 麗 五 「女 或 而 廟 在 璞 則 於

信。 故謂坎 嚴 畜也。 震,震 爲婦 妻者,寢席之交乎? 行,有兄弟之道。 本否九 同 乾 則 何 婦 爲 爲子 初六 夫,有五: 坎離同象,故曰 象,大過九二動之五,震兑同象, 夫妻,●何也? 也? 沃盥 娣,何也? 寢席之交,而後有夫婦之道。」 從 者巽之夫也。 小畜九三、大過九二、困六 何所從 E 四 ,離乾爲 從而成離,離女從 日. 夫 夫,謂 也,之三成坎,六三從之成離 饋食,有父子之敬。 也。 平旦纚笄而朝,有君臣 乎? 家人本遯變,九四 離日 家人九三、漸九三 舅,故曰 日 妻。魯春姜曰: 受期必誠,有 日: 婦。 日: 不動者, 故 小畜九三 [婦子。 日妻齊也 坎男也。 歸之妹,其爻 曰小畜上九 九三動 爲上 報 崩 漸九二 之初, 日 謂 反 離 三又 九 婦 則 友 困 婦 之 而 之 所 成 辈

> 也。 乾金 此。 柔,剛 之,故曰或繫之。 也。 赤黑爲玄,坎水一也。 成巽繩,反復維之也。 巽,坎車相 股 巽爲股,兩股謂之纆,上之三成巽離,三 者,或以此係彼,或以彼係 坎成巽坤,坎爲 直 在 相應,牽者手挽而 F, 謂之徽。 者,巽一柔爲 在 无妄之牛,自遯初之二,●四巽 其剛 坤至北爲黑,坎中之畫, 乾也。 則 焉,故曰 下 爻爲直 應, 又爲繘者,井自二反上 又爲徽纆者,坎上六動 娣 繙也。 繫于金柅。 黑,異爲繩,徽黑索也。 姤初之二,二巽繫之, 繩 剛 歸 妹 所 股動, 所 汲綆 九二 爲白者,坎變巽 糾 或爲白 以 有 直者,以 繁者繫 謂 此 是 維者,反 股 之繘。 也。 露或爲 乾赤也 而 引者 合, 動 剛 爲 坤 復 持 成 係 於 糾 繩 繩

❷ 「二」,汲古閣本、通志堂本、四庫本作「三」。 ● 「三」,原作「二」,據汲古閣本、通志堂本、四庫本改

或曰: 見,坎 訟、 巽,三變鼎,四變大過, 巽 基 白 之始也。」坎爲月, 至,陰 其 日 而 秋 |茅何 也。 變坎,初之四 盡 美,踰壯則黑 涼, 傳》 也 而 ,鬚髮既 取此象,五色皆本於白。 坎變巽,故爲白,而初六、九二、 矣。● 八降離 始 雨 爲 日 陰陽 坎 坎也? 丹 素履 凝 一冰 冰 爲髮、爲血、髮者、血之華, 老則白,豕鬣埋之則白, 然 也。」《白虎 者 可 升 其雾。」《易》 相 錬 何以言坎? 而 賁 凡 以風 皆 , 黄。 而 而 줆 有益 曰: 坎變巽 寒 遡日而 白。 後 不 壯。」《詩》 氣 有 玄,過此 既老則坎變巽 於 通》曰: 遯 文 白者陰 E : 巽 血 則大過初 也。 白,離之光,巽 日 陽 草木 變訟 者,皆能黑 履 大過 四變之初, 之 則 曰:「北 盡 也, 露者, 也 乾消 既 霜堅 則 六 初 陽之 九 陰 金 槁  $\sim$ 坤, 自 可 五 六 坤 質 則 冰 風 少

> 之衣 宮室,豐之屋,旅之次,剥之廬,坎之樽 濟之輪,井之收,噬嗑、旅、解之矢,睽之 墉,同人隨之門,節之門户,豫之門柝, 成 宇,漸之桷,困之宫,小畜之室,大壯 弧矢,旅巽之斧,賁之帛,困之紱,既 小畜、大畜之輿輹,大有、賁、困之車,既 訟之鞶帶,比、坎之缶,泰之城隍,解之 已變矣。 見 者以巽,而莫見其變化之迹,故巽爲工 一,井之瓶 之圭,歸 黑。 矣。 益之耒耜 襦,剥巽之牀,涣之机,大過之棟 陽黑,分行 墨者,黑與 物 巽 有 甕,鼎之耳鉉,中孚之舟楫, 妹 生 又 之筐, 既 而白 爲 小 墨者, 過之杵 其職。」天地變 (水合。 濟 氣自芒芴之 巽 《太玄》飾 臼,大過之棺 之茀,離之罔 變坎 也 化 萬 間 日 白 濟 物 復 出

何? 長。 巽東南主人之位,内有主,故有客 於事、久長是也。《易》言不長、不 風,草木風之類,皆長巽。 漸之反也,損益之反也,節涣之反也,既 巽,所入深矣,故曰浚,猶浚井也。 泰之六四,自 濟六二應五,困初九應四 工爲之,乃有樽、簋、缶之象。 工爲之也。或曰: 一、損二簋、豫門柝, 初 初六、歸妹上六、節初九九二、既濟六 變升,二變解,三變坎,自升至坎,巽 ,夬之書契,❶恒之後,井之渫甃,皆巽 姤初變兑爲 |无助,妄動之三,離見巽變,曰「泣 大畜三有伏巽,坎自臨三變而成, 巽 可長皆巽變也。 坎變兑 四之初,人于兑澤之下 震,日「訟 履之虎尾,亦長。 大畜九二、坎六四 訟初往訟二,四 何 也,豫伏 離 取 不 爲絲,絲 於巽 미 恒初六本 長 公巽也, 一、異爲 也」。 可 施 乎? 之 妹 成

> 也。 風 巽,大壯上六震者,巽之反 取 長 長也 相易 上九 風 坤,故曰「勿用取女,不可 成泰,故曰「否終則 血 一陰方長,五陽下之,巽體 也」。 高至者也。 於異? 相易成坎,坎爲加 所 漣 一相易, 登久而降,異變成離,故 ,小不勝大,故曰 如 小過九四 應二,巽變矣。 臨六三處位 或日: 也。 何 可 E] : 巽變坎,故曰「既 或曰: 飛鳥之類有背負 以 也 豫 豫上六、大壯 9 往厲爲 上六 不當,憂 傾, 憂,二至四 「往厲必戒」, 上 否 乾天不爲高, 何可長 應 刀 震動,反三成 戒, 長 也。 既 應 而 也」。 憂之,咎 日 盡 初 久則 「何 也。 蒼天,皆 上六,何 退 , 剥 爲高者 有伏巽, 巽 避,二 中 可 極 何 四 可 五 成 姤

<sup>「</sup>夬」,原作「史」,據汲古閣本、通志堂本、四庫本

墉」。 往 或 《屯》初九 退。 四「或躍」、《賁》六四「當位」,豐六二之 之爲不果。 退不可矣。 震,震者巽之反,不能退,不能 而 陵。 同 巾 高 不能 ,既濟六四之戒,困九四、九 E 與 人九三動, 不 ? 九二、未濟大象之慎,皆不果也。 尚 則退者進,乾生巽之一 易稱 四 解上六動之三,坤體連巽,故曰「高 能 其 **盛**上九自巽往 日 安,故盤 相萃,故曰乃亂 爲 : 事」。 大壯上六何也? 曰「盤桓」者,進而之四成巽, 進退者,巽也,觀九三是已。 高。 巽, 兑之覆也。 稱疑者,皆不果也。 天 與五 運 爲進 來 桓。 往 也 争應成 而 萃初六 退者,坤 外 降 不 乃萃, 圃 來 也 巽艮,故 處卦上,故 兑 陰,則進者 退 所 曰: 皆進 升 生震 遂 而 五之徐 爲決,覆 謂 而 《乾》九 ,則 亂,進 退也。 巽 不 上 之 E 降 也 高

也。 異毁 上,寡髮也。 坎爲髮,髮者血之華,坎血 行,風行而聲聞臭達。」《繫辭》曰: 之三成兑震,兑巽之覆,震巽之反,損 《損》六三「三則疑」,何也? 之言,其臭 泰變,九三上行,上六下之,九六相遇, 君子於姤之初繫之以金柅也。 疑於陽,蓋其 疑」者,巽 上六陰 一巽爲草,二易五 九三大耋,兼取此象。 其 淡九 爲臭者、張載 友也。三陽並進 陰生,巽陰始疑也。 四 疑 或不反,或毁也。 於陽、《睽》上九「羣疑亡 如 遯 勿 大過九二老夫,九 、疑自 蘭。」先儒謂 疑」、《兑》初九「未 上九、《升》九 爲芬芳,其 曰:「聚 一陰始生則疑之, 成異,故三 乾爲首,析 同 至於十月, 耗 丽 或曰: 人六二也 減,頂 臭 有 日 : 三,「 五 如 間 睽上 疑 老婦 蘭也 同同 则 則 九 故

也,與上合志則有孚惕出矣。 眸子,實者爲 爲惕,爲反目。乾九三危而惕也,訟 也,虚者其體陽,實者其體陰,故虚者 者,上大下小也。 二窒而惕也, 上,眸子在下,故爲多 傳》曰「髠其 傳曰「上方者觸 爲面者,悦見於外也。 震得初 其人天且劓」,馬融 首 多白眼者 妄之九五,巽變乾爲 也。 (爲魚」,何也? 妻上 初 畫 爲 刑 夫下,反 爲 離爲 首」是乎? 頤者,動 白 小畜九四 頤 日 人」,亦躁 . 肉。 中 張載曰:「躁人之象。」 劓, 目,虚者陰也,實者陽 目而怒視 畫 於 日 白 離 髡 爲 巽得上 廣顙, 兑毁之, 髡 「刻鑿其額,」《易 下 畜君 日: 眼。 變 曰天,互見也。 也 也 面 異 魚 E 見於易者, 乘剛 則 九二受畜 《睽》六三 多白 也 畫 睽九二即 書 白 爲 得 爲 加 肉 廣 中 顙 九 在 惕 爲

故巽 巽。 龍 類。 持繩, 知巽之所爲乎? 瞑,離不足也。 寺。」艮爲門闕,六三變九,體有兑巽,豫 也。 魚也 離乾 五月 兑,九二不動,包有魚 變,至遯、否、觀有伏兑。 巽 而 變坎 ,魚而班者或化爲鹿。 ,巽變離 後 乎 在陸爲 澤者 日 卦 魚浮游於水,有飛越江 卦,坎爲 郭璞得豫之小過曰: 魚 貫魚也。 也,震 中孚坎變爲巽,乾 也 鼈 也。 生焉, 也 坎離乾 雞,在 或曰: 不 巽相 水,故陸多走 傳 泡 姤初、巽二 Щ 日 水 魚 日 嶺南 坤之變, 巽 易者也。 魚水蟲 缠 而 爲 乎川 也。 成 魚與 刺 魚。 黄魚,或化 澤 畜 者,或化爲输 巽 變坎成兑, 一動 「五月羣魚 九四遠初, 鳥 门湖者 也 魚以二月上 雞 類 交 也,何 爲 成 故魚 同類」,其 瞑 ,水多飛 而生物。 艮,有 魚 mi 異也。 剥 水 爲 魚不 五 自 成 无 魚

餘卦。 夜半 也。 在陰,其子和之,上九翰音登于天, 楊者,巽爲 璞又論伏爻、納甲,其説 舒。」京房論 躁卦者,巽三變成震,舉震巽二 反,終不相 變兑離爲 三倍者, ●噬嗑六三變也。 三倍也。 律書》曰:「冬至則一 魚依 於下,月盈 ,巽極成震乎? 巽爲鸛,陰 爲鸛者,别 草, 天地萬物,无有獨立者,極 感 也 舉此一爻,以例 (嬴,爲貨,市利也。 風 子如 於 離,以其不 八卦飛伏,虞 風 陰, 隨 成乾,其虧 陽者 其 鳥 於鶴也。 (輕楊。 故知 也。 實 震 ·可離· 風 陰下藏, 也 鶴 中孚九二,鳴 體 皆源 成巽。 諸卦。 一、潜化 雨 感 震 翻 日中 虧 也。 於 爲 巽 論伏爻, 於 世 於此。 陽, 鶴 變離兑, 者巽 爲市、巽 爲 上 卦 傳 司馬 其 陽陽 一,魚 陽 故 用 近 則 以 究 也 知 鳥 此 郭 L 遷 爲 利 鶴 爲 相 例 腦

> 卦,爲赤。 其 坎 下首,爲薄 (通,爲月,爲盜。其於木也,爲堅多心 雨。 爲 陰所得,下而爲雨,故《屯》、《解》曰「 坎之陰爲陽所得,上而爲雲,故《屯》 於人也, 日大川。 天地之間,皆水。 三之二,漸之坎 雲雷」、《需》曰「雲上於天」。 否乾四之二,益之坎由涣二之初, 陽陷於二陰之中爲坎,❷坎陷也。 水,爲 坎水之通,流 兑也,或爲雲、爲雨、爲大川,何 溝 其於馬也,爲美脊,爲亟心,爲 爲 或曰: 蹄,爲曳。 瀆,爲 加 坎兑一也。革兑上離下, 憂,爲 由否乾 隱伏, 小過彖、夬九三、中孚 爲川、訟之坎由遯 曰水者,舉其 其於輿也,爲多告, 心 病 爲 四之三, 涣之坎 爲 矯輮, 耳 坎之陽 痛 凡也。 輪 乾 日 血

❷ 「二」,原作「一」,據汲古閣本、通志堂本、四庫本改。● 「利」下,汲古閣本、通志堂本、四庫本有「市」字。

利涉 兑,川 兑。 也? 也。 坎成兑,川壅成澤,澤蓄成淵,與乾九四 澤氣之升降 謂之困。 也。 《彖》曰 訟》曰「人于淵」者,訟變巽。 也。 爲 通氣,山下之澤出而流 或 于下, 澤无水 ,巽股蹈 Щ 塞,豈 需之川自大壯之兑變而爲坎,澤決 言 壅而爲澤也。 躍 坎或 也。 坎又爲泉何也? 之, 水 需之利涉,震足蹈 在 火 上 而澤 一有常 中孚之川自訟之坎變 淵 謂 浮 則 相 爲 乎? 川也。 之坎, 息 亦无以澤物矣,故澤无 淵 而 者,坎之下復有澤也。 滅其頂,不利涉 党,兑 何也? 爲雲,下墜 川澤者,坎兑之相 訟之涉 澤或決 自 亦水也。 曰 : 澤物言之, 曰: 動 艮兑變坎,山 川 ,坎變兑,巽 則爲泉,泉 一而爲 而 涉 也。 睽大過三 自 通,川 大川 《乾》九 加入于 陽 雨 益之 而 謂 爲 何 水 或 非 陰

൬

股

陽自 穴,需 際者 隱伏。 也。 五緯 井爲井谷,谷與穴異者,澤決水流注 交,可隱伏者,穴也。需六四坎交兑,三 逋竄,在同人九三爲伏戎,在 四處不當位 隱伏也。 言賢人隱,以乾之初九爲賢也。 者,陽之美也。 有 艮, 源 九變而六,則爲潜爲隱。坤之六 初自兑 坎又爲膏者,亦坎兑 下進,故曰 唯辰星難見,而血之流行於肌肉之 之水,澤 上六降三,小過六五三取二,坎兑 至幽 與井 妹九二、因初九之動,皆謂之幽 沇濟沱潜之水,潜行千有 而謂之幽,坎離 下往 也。乾之初九甲子, 自 則日幽,不 其 泰 爲隱伏者,坎爲水,水善 出穴。 脯 源 初 成坎,則初爲泉 也。 之 五. 在困 蒙自 乾 明 相 也。 在訟九二爲 形 變兑, 爲 臨 需 也。 幽谷,在 來,兑 澤 小過 在履 坎之位 餘里。 豐九 之肥 源 坤 九 同

弓輪 木,艮 衷、王 濟 異木變離,爲 也。 也。 也。 柔,其中剛,剛 初,離異爲絲,以 日 五 Ш 實,内 一,解 剡 直。 初 間 直者曲也。 ·曲之,其成 涣巽 者,揉 木 九之四, 皆有坎揉 否四之初,三變成益,一 | 廙作 手矯之,正 九二之五 爲 曰金矢者,乾也。 揉者,揉 艮, 實 變 矢。 外 揉。 山 直 乾 未 絲 虚 也。 小過 之象。 爲 柔 繩 濟 曲 則園者,輪也。 直爲 曲, 旅 絲繫矢,射之弋也。 二變涣, 往 曲爲直, 今從二家。 睽 九二之五,巽木艮手, ,變坎,則弓有弦。 谷, 而 來, 施張 爲弋者,四本明 自无 坎 有足, 肱據其 六五 古矢幹 曲。 注 木 谿 妄 爲 IIIJ 逮 加 日 者 暰 來,五之二, 也。 之, 坎兩 曲 黄矢 變漸 四 用 以 也。 矯 嗑 乾爲 浦 其 鋭 者 輪 皆 九 E 柄,耒 者, 金、故 柳,故 輮 巽 夷 四 矯 一,机 虚 端 爲 離 暰 曲 宋

> 不平者 聲以宫 心之位 病,故 心病。 坤爲 其 應 意也 四人 坎 人也 激 然傷之。 矢 心 心 五 豪, 爲 取 一旅九 0 爲 病,皆不 而 病 心,病 巽 哉 厲 短 井九三未用,上六 初 爲 先 也。 心 離 ? 動 心 狐 儒 君 周景 弓 出 艮六三 病 四 心 病 射 以類言之,心火也,坎水也 枉 以皇極 坎 以位言之,坤土中也,中 者,虞翻 快。 不 取 矢 影 也 《太玄》以 變兑,心 王鑄大鍾, 艮六二 巽, 能 》,无非 熒惑 静 進 明 爲 不建爲 坎又有工 與 而 夷 加 以 之變火 上,道 坎離之變。 動 隨 六 憂 坤 病 五 争, 者 三,不 其 聲過 四 去 爲心,坎二折 瞀 五 · 卦 心 應 而 亂 行 爲 夤 矯揉之, 也。 病, 其 説, 之疾, 初, 于 1 能 以 裂 ¬, 其 中,  $\overline{h}$ 陰 比 其 故 獲 而 貐 於 故 惻 110 中 而 五

乳金 信。 所以 失位 亦白,陰變陽也。 南産鍾乳之山,黑羊食其 中之陽, 失位 正赤。《穆天 爲「出涕沱若」,在《晉》六二爲「愁 在《屯》上六爲 則 推 震》九四爲「虩虩」。 一成離 乎? 石 血 知 失應 爲耳, 百體 爲血卦者,坎爲 滅耳」,在《夬》九 疾 , 兑陰之氣也, 故凡血 而 静則陽消,故 一腎,坎 痛 爲 藏 而異毁,故曰「何可長也」。 之 曰: 血流 搔 血,坎離交也,其實皆乾 痛 憂,憂之 子 痒 一位 水也。 , 傳》 失應也。 也。 行而物傷之爲耳痛, 者,由血 《黄帝書》:「腎主血, 血 〉有黑 中 漣 水,爲 鹽 在《噬 文 如」,在《離》六五 心,離 或曰: 白 羊 四 草 見 流行也。坎爲 上六動成巽 白 圃 險, 則 爲「聞言不 血 嗑》上六爲 停久不動, 火也。 血 大 血 赤者,: 加 鹵之色 白。 屯上六 憂 如」, 也 坎 舉

此

反

薄蹄。 孚以 首,爲 之動 純乾 爲的 言震坎而不言艮者,顙 之爲下首。 賁六四之翰如, 爲馬,晉以四爲馬,睽初九以四爲馬, 亟心,坎在中也。 下畫爲足,故震得之爲作足。 美脊者,乾爲 赤,坎中之陽乾,中畫 ,坎離交也。 , 猶 乾 爲 木 果 而 爲 九, 也。 頼。 訟二爲馬,皆 **感心。** 屯 亟心,爲薄蹄者,屯上六之班 中之位爲心,坎陽 泰乾 上 中畫 屯上六以五爲 六 震 乾爲馬, 馬,上 變 臨 爲足,坎陰 爲脊,故坎得之爲美脊。 坎水欲下,離火欲上,曳 睽初九之所喪馬,皆以 乾 坎 艮又爲果是已。 乾爲首,坎 也。 變坎 美脊之 畫 也。 爲顙,故震交之, 三男皆乾索也 在 爲 也 馬,費六四以三 在 上,即艮之乾 交之,偏於陽 赤 馬也。 其於馬 下,交之爲 陰 歸 者,乾爲大 良馬者 在上,交 妹上六, 爲 下 爲曳 如 中

九,正 蹄、 也? 災 可行。 取 五. 災 凶 正 陷 血 也 E 也,爲多眚者 也 災, 也, 之在 也 也,故 、无妄三 災 m 通 E 天降 故 曰: 遯 加 也 輿之病,行則 取之也。 災以坎言 爲 情者 人者 通 亦 初 日 日 曰 者, 豕 卑 故曰災。 告。 災也。 四上不正 之,雖正 六不正,宜眚也,亦 告,无妄上 有災告。无妄 復 坎 I,坤爲· 坎 丽 周 坎 水 離 需九三,剥六四 流 率 極 然上六窮矣,雖 六迷復用衆,以其 1者, 決 遯 升 成 无 必 大輿,爲衆多。 有 或 猶 爲 ,震六三不當位, 降 初六退 窮 敗。 險 曳之 九不 日 不 也 江 故 · 免。 也。 河,升爲 上九之窮, 唯无告者, 被諸爻、乾之 藏自 乾 亦 復上六正, 訟 日 曰災, **售也** 大畜初 俯 自 其 九 晦 Œ 六爻發 雨露。 於 國 亦 取 其 訟 面 自 不 乃 坎 趣 XI 君

地交而 者乾 月 坎 也。 在 否當離之六五,萬物 也,坎降 物不通」,何取於坎乎? 簪」者,上下通也。 故 情 冬至,九二小寒,六四立 成坎,乾九 一六驚蟄。 中 以 坎 變之,坎 日 也 自坎爲 坤, 大川。 之乾,一 也。 速 爲 節 爲 萬物通」、《否》言「天地不 九 水 坤 離 横 退。 之下,錯 四變漸 塞其行 升,震 泰, 亦通也。 中孚之川 知 五 渠 五 而泰當坎之九五,水 通 月 日 萬物 日 也。 者 黄 體 伏 「日月之精 也 涣之坎 文也。 中 或 不明, 通矣。 《豫》九 乾陽 動 不通 由訟坎 E. 需 丽 春,九 自 而 應 待 矣。 流 自離成 日 者 坎, 否者泰之 大 成 《泰》言「 五. 於 四 互 日 m 壯 坎 益 五 爲 坤 藏 坤 而 <u>Ti</u>. 日 坎初 交而 訟自 四 也 動 月 雨 其 明 陰 氣 朋 成 天 反 萬 盍 遯

明无 西,亦 東,日 伏離 曰 若 用 是 在東,亦望也。 望」者,小畜四有伏坎,巽有伏震,月在 小畜上九、中孚六四、歸妹六五「月幾 日月得天」者,乾九四之五 在 ,今焚薪 五 也 也 故曰離者麗 光 自而 四也。 爲 則中矣。 則 也 離 在 望 暗, 日食,坎離之交勝 日,日月會于北方也。《恒》言 非 西,望也。 乾》言「日月合其 豫》言「日月不過」者,坎爲 也。 生,故 離 血 爲 水 火也,火 歸妹六五爻在五、坎在 則 爲 炭 然 是故,日望月 ?,枯枿 明无 歸妹六五,月在東,日在 走燐,見於暮夜陰 也。 水 曰幾望者,小 聚 中孚、訟、坎變震,月 自而 坎水盡,則離 則 麗 成灰, 杇木夜明, 精聚,精 乎水, 明」者,坎 託,坎 也。 ,變離坎也。 列則 畜、中孚、 月食,月 何也 非 或曰: 聚 亦无 雨 離 則 離 四, 之 神 則 ? 耳.

坎

鍾。 睽上九 也。 初九,甲子爻,子者,坎之位 匕,在涣九二爲机、爲宫者,復 震交坎,爲「長松」。 官》所謂「陽木」。 者,堅多心也。 爲多,坎陽 坎,亦曰 所 三以五爲寇,賁六四以三爲寇,解六三、 太玄》以 麗 震巽 《太玄》曰:「陽氣漸萌於黄宫。」爲 水也 水可 蒙上九以二爲寇,盜用師也。 日 矣。 法度之始。 寇, 以四爲寇,寇用兵也。兵戎也, 戎,以有戎兵,其實盜 爲 動 水 水 卦,其剛在中,堅心也。 象曰戎。夬九二動, 木 M 爲 屯六五以五爲寇,盗 潜 堅多心,松栢之類。 盗,陰 動, 行 《太玄》以 《洞 其木也者,與木爻交 可止而 同 陽 其在 隙 林》家人之蒙, 家 丽 以 震 止,故爲 動 ,於律爲 玄 水爲法爲 九 初 也 武 故 四 九 爲盜 爲 爲 有 用 坤衆 即 重坎 ^ 盜 衆 黄 棘 巽 周

巽也。 也; 也。 《蠱》上九「志可則」者,三動 《井》九三「可用汲」者,上六用九三也。 地之情可見」者,四之五也。 妄》九四「可貞」者,五動也。 《謙》上六「可 者,三動 者,九三也。 三五 有 三上行也。 可醜」者,負四也。 以 》「出 過》可以「小事」者,六二也,明夷 可醜也」,亦三五也。 位 坎 蠱》九二「不可貞」者,不動也。 不可大事者,九三、九四 爲可 言者,有以爻及變言者,乾六位 否》上九「何可長」者,三爻自上 謙》「卑 可以 也。 九四可喜者,四初相易也。 《大過》九五「何可久也 初 守宗 用 師 而 上 可 行 不 廟 四皆曰 《損》「可貞」者,九 師」者,上 以王,二之五 可踰」者,艮變 社稷」 坤六三可 不 應上九、《无 《大壯》「天 者, 《解》六二 可。 一應三 也, 四 坎 言 也。 也。 也。

> 也。 也。 《豐》九三「不可大事」,「終不可用」者, 《明夷》九三「不可疾貞」者,三之上 上窮也。 《遯》九三「不可大事」者,三不動 《坎》「天險不可 《大過》九三「不可輔」者,三上不 爲棟者,水就 三不往而退也。《節》「苦節不可貞」者, 離》九三「何 无 剥 濟》上六「何 妄》九 《小過》六二「不可過」者,坎變巽 六四「終不可 或 火豈 日 九 《中孚》上九「何可長」者,反三 五一不 擇 於高卑哉? 濕避燥,去高 可 不 可長」者,上反三 不 久」者, 坎毁 升」者,二五 可 可 避 長」者,四之五也。 用」者, 試」者, 濕 ൬ 取卑,有 在 五 就 《屯》六三 成 不 不 不 巽 易 易 動 復 也。 棟 乎 也。 也。 也。 也。 也

坎言叢 也。 前 斗 狐,坎隱伏,巽不果。 本,斗北方坎也。 左九棘,右三槐,司寇公卿議 古者獄後種 爲「不節若則嗟若」。爲叢棘者,其於木 鼓缶而歌」,則大耋之嗟凶,在《節》六三 初九爲「舍車而徒」,在《離》九三爲「不 訟」,在《比》九五爲「舍逆取 爲「君子舍之」, 可觸,刺也。 也,爲堅多心,交離爲棘,離火鋭上而不 説卦》以艮 以 ,庶人之牢也。 魁下,貴人之牢也。 卦》以震爲龍。 坎爲狐, 互發也。 坎上五動爲巽,曰寘于叢棘是也。 棘者,獄也。 九棘。《周官》:「王之外朝, 爲黔喙,猶天文以 堅多心之木而 在《 聖人觀鳥獸之文,又 占家天獄 未濟坎自 天文,天牢六星 訟》九二爲「不 虞翻 貫索九星在 天文以心爲 以 順」,在《賁 有刺 艮 否 視斗繋 獄其 辰 爲 巽 7,棘屬 爲 狐 (變爲 招摇 下。 狐 在 克

> 以木爻變也。 有獄象,故以桎梏言之。蒙坎自升巽,木,桎梏也。桎足械也,梏手械也。坎爻草也。爲桎梏者,艮手震足,交於坎爻草也。爲桎梏者,艮手震足,交於坎萩,象與棘同。巽爲草木,剛爻木也,柔觀地之宜,參考之也。巽交坎離,爲蒺

槁。 爲蟹,爲羸,爲蚌,爲龜,其於木也,爲科上 兵。其於人也,爲大腹。爲乾卦。爲鼈, 離爲火,爲日,爲電,爲中女,爲甲胄,爲戈

火。 革、 火,火動而薪止,火滅而 離 故天與火同, 陰麗 而 互用,故以 吹,煙 日 九 乎二陽 既濟、未 四,旅九三,離火巽 氣鬱然,及 何以陰麗 風 水火 也 自火出。乾位六爻,坎 濟,舉大凡也,故皆曰 一,乾 八言之。 離同 其外 陽乎? || || || || || || 體,離異 若大有、賁、 明,煙 非陰麗 木, 爲 即 故 風 日

者,一 西也。 《豐》曰「宜 也。 也 九三、《豊・ 之精互 一曰「暮夜」者,動 薄 月 夕 泉 也 新 龜 離 、《大畜》曰「日新」者,大壯 晉 也 于虞淵之時也。 日在下也。 動之五 中 有 《乾》九三《既濟》六四 1 日 藏其宅歟? 日 畫 火 坎 丘 合照也,再變大畜,艮 晝者, 在 井。 益》曰「日 日中」者,九四之五 乃 離 楚 彖》曰「日昃」者, 坤 地 不 成離,日 論 爲 之二五。 離 相 十日 日 《豫》六二曰「不終日 火, 成離 中 離 出 進」者,初 有 也 行遲者,陰麗 其 地上, 在 或 在 坎 日在 天 坎 日 上也。《夬》九 横 説 故 中 爲 源 渠 進 西方之下, 有 有 日中 九 於 曰「終 日 也。 所 而 終復始 夕,日人 火 離 易 自 謂 中 《離》 乏 下 illi 乎 陰 也 陽 又 體 陽 有

> 及也 明,皆 明。 孟子曰:「日月 皆坎月在東, 月 文,又爲光者,日月之明,无 動,井九五、旅 明夷》曰「文明」者,離居二五也。 困》初六、♥豐九 而隱伏也。 大明。 而 「日中爲光。」易凡言光者,皆明之所 光者, 屯九 日也。 月 《坤》之「化光」者,舍坎 夬之光者,離自下升也。 受明 五 乾大明 四五交也。 求 又爲明者,日 於 月之明也。 四 《大有》、《實》、《同 上 有明,容光必照。」管 日 四 四四 體 終 日 日 [往之五 陽 始 幽 在 爲 頤之光者,四 晉 上,日之明 不明」者,日 大有 進 月 。 訟 所不及也 相 而 離 爲 初 九 麗 推 未濟之 也 往 乎 坤 加 四 施 爲 在 大 生 故

又爲

大

明

者,

懸

象著

明莫大於

日

<sup>● 「</sup>濟六四」,原作「齊」,據汲古閣本、通志堂本、四庫本

<sup>「</sup>困」、原作「因」、今據通志堂本、四庫本改。

動 決而 未 者,二從四也。 光明同。 明,言久不息也。 疾,言无私照也。 履剛中正 光,復歸于明。」體用合 凡言光明者,兼體 也 光 上降,萬物化 反 光大」者,初三五 八光者, 之五五 則離 一、噬嗑 者,二 静不失 三,自治 九也。 後光 坎毁,未光大也。 九 五 皆 日 而 也。 曰大者,指陽爻也。 四來 四 其 未 易 西 而後光也。 不倚,故離日下升,●光明 光, 噬六五而 也 時, 月東, 能 萃九五之二,而後光 《咸》九四可 初 行 言皆相 往 也。 故坎 用也。老子曰 <u></u> 凡言光大者,其象 謙以 也。 需 「, 則 四 》「光 涣六四日 離 Ŧi. 後光也。 剛 夬九五中行,上 離坎 屯 見也。 益自否之九四 得 下濟, 一,光明無 濟柔,故坎 九五未之二 亨」者, 位 成, 以「光 也。 一「用其 其道 「光大」 艮 四往初 坤 行 凡 與 光 自 IF

> 照也。 餘也。 日: 何象 也。 之宿也。 岐、荆山、 陰陽相配,其體則艮也。 星。」實艮上離下,《彖》曰「柔 精氣上發乎天而 又曰「分剛上而文柔」,天文也。 者,日月之光 「天中極星,昆崙之墟,天門明堂,太山 地 變 有山 也? 管輅 離 陰陽之精,其 中挺三台也。」五 衆星被耀,因水轉光,三辰同 辰,月之餘也。 坎 嶽,精鍾 壺口 日 析城、王屋、太行、恒山、碣石、 mi 日 成 艮 「朝日爲暉。」或曰 揮 、雷首、太嶽、砥柱、東方 益, 散 離 爲 有光耀者也。 也。 也。 星。」蓋星辰者,地之 本在 大 者 月,生於日之所 言暉者 邵 光也。 地。」 靈諸侯也,岍、 《河洛篇 雍曰: 張 來文剛 星,日之 言 衡 主 光 日 班 離 目 古 輝

) 「日」。原作「目」,據汲古閣本、通志堂本、四庫本·

擊,其 觀 暰 鳴 聲,電亦不作。 電 也。 坎極 敷淺 也。 盈 由 陰自午消,而至秋分, 四 諸賢之論,不詭於經矣。 之曲,養水三危,汶江九折,上 西 實者, 陽 火,爲盈 `者有光、振衣有聲者有光、離 而發? 陽 嗑、豐、 離震 耳、外方、桐 傾 光 原,南 成大壯 隕 離 荆山、内方、大别、岷山、 (火必 朱 雷 而成石 見,乃有隕 陽息也。 圉 笑者 出 爲實,天收其聲,地 1陽聲。 北北 方之宿也。 ,雷乃發聲,後五 動極也。 合也。 ,或爲阜堆塵沙者,艮 目動 方之宿也。 震 陽自子息, 震與兑交,離與坎交 動 星,其 , 怒者目光 冢、陪尾,西方之宿 也,不 憂竹鑽 四 九隘 子雲日 陰成觀 故 光燭 鳥 之險, 精 衡山、 木, 則 日,始電 而至春分 鼠、太華 斁 爲 地者,離 震交也 櫛 :「觀雷 聲光 雷乃 其 兩 列 氣 石 九江 也 相 而 何 收 河

> 也。 也。 既濟、未濟言伐者,自上伐下,人 甲。 幹,加於坎弓之上,矢也。 外 故 爲刀兵也。 者,兑爲決斷也。歸妹言刲者,交兑金 旅言矢,乾金火煅,鋭上爲鏃,巽木 者,乾爲金 實 雷 夬、萃曰戎者,戈兵戎器也。 兵有五,言兵則五兵具矣。 中 謙又言侵伐者, 電 原其始也,臨變明 離變坎兑,巽坎爲 儒 虚 而 有有 謂 雨 ◎萃无離 離 小過言戕者,外殺 降。 巽 甲 火煅之,火鋭上 爲繩,繕 之象 爲 中 ~,在上 侵 也 女、 一,何以 夷、大過,●萃自 削 甲 棟, 爲胄 其 也。 旅、 甲 地 除 胄者 也。 一,●戈 巽 m 其 爲戈 在 戎 同人、 噬 ~器? 險 言 後 下 嗑 兵 伐 斧 爲 É 阳

<sup>●「</sup>上」,汲古閣本、通志堂本、四庫本作「二」。

<sup>「</sup>大」,汲古閣本、通志堂本、四庫本作「小」。「或」,原作「子」,據汲古閣本、通志堂本、四庫本改。

之三、震爲左、曰左腹。 離燥故爲乾卦,於日爲烜,於木爲槁。 之作,與民俱生。爲大腹者,坤爲腹, 有兑口,離大腹,曰 何器之能作?」蜂蠆挾螫而 艮兑其究皆變。 , 厓也, 厓謂之干。 震其究爲乾,故 四相易,坎往 坤二五易乾成離,陽爲大,故爲 内虚外堅 鑄兵亦知取象乎? 夫子曰 健,異其究爲震,故 動成離,之二坎水之傍,乾而 身者也。 八之象。 也,日 觀此二卦,則 :「蚩尤惛慾无厭者也 實,大腹之象。大有九 乾健 離 壅。 匪 人生有 或 毁,日 一其彭。 獨 井九二坤腹、器 日 漸九三次夫離 不言卦者,无 婦孕不育。 喜怒,故兵 生,見害 明 知 日 制 乾 其究爲 夷九 器 坤坎 者 蚩 四 尤 有 III 尚 乎? 兑九 也。 應。 巽位 曰: 五 非 乾 重 已,已 也 離

四動,

非大腹

大腹。

容也。

校,以

衛厥

不能也。

**》**,蚩

尤

繕

戎

兵

婦,與

可

初

六艮

其

究爲

卦,卦變也。

澤,出人水火,含神負智, 月,蚌胎含珠,離 蛤,伏翼爲蛤,雉爲 蚌者、離交坎也。 於月旋。震六二、旅六二九四、巽上九、 井、離,坎兑 咸之井曰:「東方當有蟹食稼。」咸、巽、 鼈、蟹其中皆黄,坤之二五乎? 者皆大腹,離 「鼉也。」爲蟹者,巽交離也。 北方玄枵之次,爲 四、噬嗑六二,變皆兑交離也。爲 附贏生於池澤,蝸生於 爲黿者,交乾也。 頤、損、益三卦皆然。 也。 爲 鼈 變震 虵 託於虵鱓之穴,亦巽也 一故虵 也。 爲蟹, 坎也。 千歲之燕爲蛤,雀 也。 屋 爲鼈者,離交巽 爲贏 或化鼈,她 爲嬴者, 兑交離 郭璞筮 鵰爲蠣。 龜 爲龜者,坎交離 地,故 , 得 其 爲 暑 坎 遇 雨,螺生 方諸 璞筮遇 龜 需 鳴而 蟹連 爲 之 之復 游 也。 龜 兩 爲 泣 鼈

之以 稿。」 所謂 洙本作牝牛。 故歲 初六變九是已。 儒又以科上蟲病爲 而 内 燥 上 離 不易, ,艮爲小子,艮坤變離,牧牛也。 葉花也。 宋衷、孔穎達以 爲 牧者以柔養剛,畜者以剛制柔。 剛正,●畜牛也。 也。」然則横渠所 槁 疾。」虞翻 爲 康 葉花 節 卦,其於木也爲 論 鄭 水火也, 坤變 木 康成 曰:「巽蟲食 E 槁 科爲空中。 矣。 日 謂 離,柔麗 離六二、六五是 附 故歲易。」横渠 枝 爲牧牛者,坤 而 「科上者, |科上稿, 幹土石 燥 中 心,故 然則諸 即 - 正,畜 也 H 節 附 陰

其於木也,爲堅多節。爲闇寺,爲指,爲狗,爲鼠,爲黔喙之屬。艮爲山,爲徑路,爲小石,爲門闕,爲果蓏,

焉。蒙、賁、剥、大畜、頤、艮、咸、遯、蹇、艮積於下,止於上,二陰含陽,土石聚

平也。 陵。 平日 日丘。 以 大陸 之,五行以艮爲土,《太玄》以 上,皆曰 準易也。漸九三艮漸坤,高者平矣。 爲陸,四爲陵,五爲丘,上爲山。 成,三成,如昆侖 爲陵、爲陸者,以 「凡地七爲下山,八爲中山,九爲上山。\_ 四 旅 陸,上九動 爲 賁六五、頤六二拂五 日阜,大阜日 山川丘陵者,坎變則蒙,極其險言 隨上六、升六四 陵,漸五應二而 同人九三動,以四爲陵,震六 山。坎五艮言丘 日 Щ 成六,六降九升,亦高 重卦言也。 以 亦 陵, 三畫桂 FI 点。 而丘有一成, 以 歷 ,涣四以五,皆 陵,足矣。 九 四、三,亦 故重艮以三 山爲金者, 也。 高平日 三升而 《太玄》 爲 之 再 高

<sup>「</sup>正」,汲古閣本、通志堂本、四庫本作「二」。

<sup>「</sup>頭艮」,汲古閣本作「睽艮」,通志堂本、四庫本無此

六也。 步矣。 坎、艮、坤爲宫,在旅 爲石也。 艮、坤、坎、離爲牖。 又爲牖者,宫之户, 止 之位爲 玄》以一六爲 北,當啓閉之際,門闕 漸六二曰磐者,二五相易,坎變巽艮,艮 見,故艮坎爲石,爲小石,豫六二以四爲 石是也。 之止也。 類也,故又爲 Ш 於中也。太一出陽入陰,息于中宫, 艮者震之反,山徑之蹊,則 石 廟,萃、震、涣、損是也。 山,土石也,水流 又爲巷者,通乎家以 也。 一六坎也,坎者鬼之所 闢乾爲門,闔 困六二否艮交坎,故困于石。 交艮爲徑路,止 金。 石者土之實,故 廟,故艮爲 震 坎其傍以 爲 巽 也。 爲 大途, 爲草木,艮陽止 坤爲户,艮 次,在野爲 門闕。 Щ 而 艮爲宗廟者, 則土去而石 行,行 達内外, 通 爲 動 爲宫者 明 歸。 土,石 而 在 行者改 也 一宗廟 土東 而 《太 莫

趾,前 日: 九、 震動 足大指也。 艮止 之下 也。 也。 初六感九四,解九四 足指,夬即大壯 大壯遯之反也,遯艮爲指,反而成震, 止者 瓠之屬。 也 、鼎初六、艮初六,三爻以 m 上言艮爲狗者,狗馬之狗 寺,守巷者 動也,在下體爲足指者,動者止 震動而 艮止,相反 艮爲手,又爲指 止 當有羣魚人州城寺舍。」言小過 大壯、夬初 解者蹇之反 趾謂大壯 鼎足亦謂之趾。 於上 乾 拇, 爲 爲 在下體之下,故 果, 園,爲闇 也 手大指也。 也。 也。 積 九 ()解震 而 止 趾 者,在上體爲手指 郭璞筮遇豫之小 何 日 應 成 於 取 趾者, 趾在 又 剛,故曰 噬 寺 下 初六,皆以陰 即 於艮? 謂之 姆者, 姆 嗑 者 爲 蹇 陽 一初九、 閣 初應四, 蓏 日趾。 也。 艮 爲大。 壯于前 守門 也 此言 日 也。 咸 爲 過 初 艮 瓜 或

當有蟹 故子 矣。 乎 飛 爲 也,穴土者, 九 又 猶 蟹或化鼠, 玉 艮 八爲 艮 鼠 四 衡之星 者 狗 震,故有緣木之鼠。 狗 坎 爲 是也。 爲 黔 寅 艮 也 熊 傳曰: 以則玄在 鼠爲災。」亦艮 鼠 喙 丽 鼠 位 乎? 虎醜 鼠、豹文之鼠。 已。 爲 也。 者,艮交坎也。 之屬,成兑 焚蟹 郭璞筮 翻 鼠 虎 晝止 「曾磎之鼠,冰下出 ,其子狗。」蓋 艮也,隱 鼷鼠 前。 艮究成 子, 爲 ,其艮之九三爻乎? 致 黔 者, 融、郭璞 鼠, 字當 遇 食 故 喙 、坎也。 則 鄭 之屬 伏而 艮 成之井曰:「東方 兑 牛者,水土 坎離交也。 坎極 义也, 鳥鼠 作 坤 康 天文虚爲 故艮爲 虎子 以 交乾 成曰:「取其 竊者, 豿 者,坎爲玄 夜 成 坎虚 兑 同穴者, 離、故 動者, 未 艮爲虎, 焉。」 ^ 而 坎也。 在子, 有 虎 爾 相 有文 艮 子。 鼠 反 有

多節 堅節 也。 四、革 麋角 Ш 同 九三文之過也。 也。 也,革上六何 鹿 也 爲 二、未濟、 放 。」兑爲 在 節 游。 Ш 性 震之陽 乾 其於· 遇 艮。 陰生 也 解 屯 潤 九五 決躁,其角反生,震象也。」 剛 龍震 九三 家 木 ,巽反震 口,山 也。 寅 在 木 而 爲 履何取 艮坎 一
兑
艮 也 躁者,震 鹿 爲 艮 之蒙,巽變艮爲高松, 也爲堅多節者,坤爲衆多, 鼻者,《傳》 田 以 一、故鹿 虎 角 上,上玄下黄,桑也 澤通 震 爲豹? 爲 也。 爲虎,上六爲 解,震反巽也。 索故多節。 於艮 貍 天文箕爲 狐。 爲 氣 鹿 與 也。 麋 亦 故 乎? 或曰: 龍游。 角 鹿 曰: 曰上六陰爻, 是也。 止 者 類 鼻口相爲用。 豹,尾爲虎, 「鼻 丽 否九 也, 日: 艮 豹。 劉 伏者, 艮兑 故 陽 之 牧 寅 五,堅 面 頤 陽 即 解 麋 E 生 艮 離 九 與 而 艮

日 革,則堅矣。 也。 虎爲狐。 兑,形其鼻也,●故「其人天且劓」。 噬 ,爲皮革者,皮兼肌言之曰膚,肌其 嗑六二動,故 「柔 肉爲陰,充其 脆肥 美曰膚。」皮者,捨肉 通鳥獸言之,艮之陽也,爲 噬 膚滅 膚者陽 鼻。 氣也。 睽 六三艮 而 馬 或 言 融 陰 爲 成

附決,其於地也,爲剛鹵。爲妾,爲羊。兑爲澤,爲少女,爲巫,爲口舌,爲毀折,爲

川。 也 宫。」然坎兑一也,故坎壅成澤,澤決成 之沈曰:「陰懷于陽,陽懷于陰,在志玄 乾陽爲美,陽沈於下,鍾美矣。《太玄》 澤者水之聚,二陽沈於下,一陰見於上。 動於内也。 也。 爲少女、爲巫者,兑變巽,兑爲口, 或爲史,升而 而巽,進且退者,巫也,巽九二是 爲口者,説見於外 口爲言。《太玄》四八爲 爲史,降而爲巫,尚 也。 爲舌

> 也。 也。 也。 也。 曰脢 陰見則陽毀,陰升則陽折,物極 取決於彼戒者,告戒也。問者,有所疑 號呼而又有哭象也。 竅穴,有號呼之象。 巽爲號。巽爲風,風者天之號令,風鳴 得應,喜而後笑也。 也。 而後嗟也。 金,於五事 口,故兑離又爲笑。爲嘻嘻者,笑无節 |動成兑離是也。 嗟者,憂而發於聲也。笑者得 者 明夷 頤爲求口實者, 兑變臨也。 食者,口 允者,口 口之下心之上也。爲毁折者, 初六可食而不食者,義不食 爲言、爲辭 號者,大聲出於 就之也。不食者, 順從也。 笑者,目動而聲出 號咷者,號哭之聲, 嗟者失位、失應,憂 告者,決之也。或 者, 愬者,恐懼 言成文 口 也,故兑 而窮,噬 咸九五 口不應 也 而 位、 愬 於

「形」,汲古閣本、通志堂本、四庫本作「刑」。

兑也。 決有罪 坎血 亦爲 《萃》獨曰「用大牲」者,有殺牛之象,无 折。 九二是也。 而 地 則陽決陰。 爲血 又爲刑殺者, 兑正 豐大象、九三、離上 致 (決,時 往 鹵 刑」《歸妹》曰 也。 也。 鹵,困之大象是也。 ,剛留于澤爲 泰兑變實之離,坎艮爲无 鹵 陰盛陽微,則陽附陰,陽盛 言之,坎爲獄。 故《蒙》初六曰「刑人」,《豐》 也。 陰五陽, 鹹澤之下成玄精洞 ,不生五 爲附者, 兑反艮 九 剥一 水畜于澤, 其於地 減 陽五 故 八鹵,剛 「刲」、《既濟》 穀。 秋 九之五、鼎 離 日剛決柔 也爲剛 也,變坎爲 陰,故 九 下爲鹹,鹹 白屠畜 而 四 主父偃 亦謂 也。 柔爲沙,需 滋 ,穴中水 日 棄, 也 四之初 之鹵 敢折 爲決者, 言之, Ш 曰「殺」, 所謂 刑。 陰微 附 无 附 於 日 坎

少。 者,娶論年德, 爲妾。自初言之,得妾也。 僕也,故以伏兑爲妾。六四兑來, 也。 也。」按《爾雅》:「陽,予也。」郭璞引《魯 爲妻,奔則爲妾。」異離女也,兑獨爲 伏於下,與艮同位,艮小子,坤爲臣,臣 沙石。」寒亦乾也。爲妾者,遯九三兑女 爲鍾 无家女行 艮兑之陽皆乾。《醫書》:「寒入水府 水 下,故鹹。」 動 翻 自呼阿陽。」璞筮遇咸之漸曰: 爲羊,鄭康成本作「陽」。 沙聚 生沙。 乳 今從鄭。 陽 成 賃 黄 乾二陽 如之何。」又曰: 石 剛 水中之陽, 帝 沙石生金。 其 而得妾者以其子,故常 書》曰: 鄭曰:「此 陽也,柔者散 在 今時 下 陽 故 有之, 賤 溼 傳曰: 動 剛。 化 「今巴 陽謂 **兑反爲艮** 而 虞翻 水泉動, 而 澤 「聘則 爲 「兑爲 於妾 水潤 奔 未 本 石 妾 初

先儒 也。 編錯 倒。 頰 而 師六四陰從陽,當順九二,知其不可 郊」,「不犯難行」,須六四下交而後行, 後得主而有常、《屯》六二,❸二五相易, 少從長、卑從尊、故坤順 咸、漸之變,爻位不正,故爲賤妾。 賤女,戲倒 妾之賤者也。歸妹六三,兑女不正,爲 「十年乃字」,爲反常。 反次,皆曰「未失常」。 者,連兑也,而悦於首。 輔,乾爲首,艮止於上,輔也。 亂 須,賤女,陽之象。「平」爲「常」。● 地從天,子從父,臣從君,婦從夫, 謂西方之神,誤也。 遯九三、鼎初六之四,爻位皆正 耳。 陰 易坤爲常,●以陰從 陽。」蓋咸兑變異,陰 《需》初九「需于 得常。 頰, 當在坤後,簡 爲輔頰,乾艮 面頰也。 又曰: 又爲輔 陽,常 陽顛 陽,

易說卦傳第九

周

- 「平」、汲古閣本、通志堂本、四庫本作「平」。
- [易」,汲古閣本、通志堂本、四庫本作「且」。
- 「屯」,原作「也」,據汲古閣本、通志堂本、四庫本改。

三七九

#### 周 易序 **計傳第十**

之始生也。

物

生必

蒙,故受之

以蒙。

萬物,故受之以

屯。

屯者,盈也。

者,蒙也,物之穉也。

物穉不可不養也,故

飲食必

有

以

以

敷? 坎,既 聖人酬酢不倚,千變萬化,不離乎其中 得天地之用乎? 至夫子《序卦》然後明 離所以爲乾坤用者,得天地之中也。斯 中孚肖乾,小過肖坤,頤 本,坎離者乾坤之用。 小過、中孚,爲二篇之正。 坎、離、下篇終於既濟、未濟。 文王作易,以乾、坤、坎、離爲上篇之用 |生不窮,而天地之藴盡矣。]故《太玄》 之以玄圖 艮、兑、震、巽爲下篇之用。 康節曰:「至哉,文王之作易也,其 濟坎離之交,未濟坎離之合。 離肖乾,坎肖坤, 肖 乾坤者,易之 離,大過肖 頤、大過、 坎

有天地,然後萬物生焉。 盈天地之間者唯 以謙。 小畜。 比。 師。 故受之以噬嗑。 可大,故受之以臨。 故受之以大有。 否,故受之以同人。 不可以終通,故受之以否。 泰然後安,故受之以泰。泰者,通也。 訟,故受之以訟。 受之以需。 可觀,故受之 ,故受之以蠱。 有隨,故受之以隨。 比者,比也。 師者,衆也。 有大而能謙必豫,故受之以豫。 物畜然後 需者,飲食之道也。 以觀。 嗑者,合也。 有大者不可以盈,故受之 有禮,故受之以 訟必有衆起,故受之 比必有所畜,故受之 衆必有 **蠱者**,事也。 與人同者,物必歸焉 臨者,大也。 可 以喜隨人者必 觀 所比,故受之

而

後有

所合,

有事

而

物不可以

物不可

以

終

物

履。

履

而

以

可畜 受之以頤。頤者,養也。 然後 合而 故受之以大過。 復則不妄矣,故受之以无妄。 不 離者 一,故受之以大畜。 可 坎者,陷也。 亨則盡 已,故受之以賁。 以 「麗也。 終盡剥,窮上反下,故受之以復。 矣,故受之以剥。 物不可以 陷必有所麗,故受之以 賁 物畜然後 者, 終過,故受之以 不養則不 有无妄然後 剥 飾 者 也。 可養,故 ·可動, 剥也。 飾

者 道 道 也,而 盈 道 而 上篇以 色也。 人事 怪矣。 也 薄 備 後男女夫 相 而 有艮兑震 雲行 偏 劘 天 震 乾 下篇以 者 於 地 坤坎 萬 物之始生,坎者難也,故 雷 上 韓 婦 下 康 物 動 巾 離 異 ·哉? 備 伯 艮兑震 動動 ,而有乾 爲 (焉,天 矣。 不 用,天 必 領 讀《序 滿 故 此 巽 地 盈 坤 爲 旨 日 地 萬 坎離 , 故 卦》 謂 三才同科 用,有萬 之 物 日 生 而 豈 具 焉, 屯者 不 有 而 萬 物 天 物

> 道 等,上下尊卑,所謂禮 之以 禮 相 以御之則衆治矣,故以次之以比。 必始 治衆,治衆者至寡也,衆之所以比,執 起,故次之 争心,故次之以訟。 訟,乾餱以愆,豕 蒙。蒙,童蒙也 飲食之道、飲食所 然,故次之以需。 无以養之則夭闕。 屯 者,履 則 親 者物之始生 小畜。 比 於冥昧 其心泰然 也。 丽 以 行 物畜聚,然後有上下尊卑之 彼來比我,我必蓄之,故次 勾 師。 之者 也。 萌 而安,故次之以泰。 酒生禍,有 震坎 物 船 師,衆也。 也。 以養 蒙,冥 不 如 卵 訟者兩 遂 也,故次之以履。 爲 此 是 所履者君子大 也。 蓄 也, 酒 穉 昧 德 也。 M. , 兑爲口, 有 也。 辭, 衆不能 飲 養 氣者必 故次 食 必 才 物 物 必 以 者 之以 穉 生 以 衆 亦 而 者

「卵」,原作「卯」,據通志堂本、四庫本改

謙,猶 有大而 則亢 乎? 之以大有。 王 觀 生。」臨者, 事者 以 事 也 與人同者物必歸焉,舜、大王是已,故次 用,故次之以同人。同人者,與 以 夫,弟子事 **豫立** 放故 尚 隨。 者,自下觀上。 否。 萬 也。 滿 大,故次之以 故 富 次之以謙。 有 物 否,塞也。 一,則動 能 好 次之以 所 大 而守之以 通 韓康 謙者,必暇豫也,故次之以豫。 上人者,人之情 復爲 以 也。 師, 事。 認物之歸爲己有者必驕,驕 而不跲,衆必隨之,故次之 大 伯曰: 非樂於所事者,其 蠱 物 臨 臣事君,子事父,婦 累矣。 物 觀。 儉,豈不有餘 終 物歸之矣,又持之以 物大然後 小也,故次之以臨 終 可可 蠱者 通 否 在上 則 有大者 大之業,由 則 「事壞 无 也。 乖 而 可觀,是以 節 異 无 人同也 浴裕哉? 示 ൬ 故 不 可觀 肯 喜 可 次之 後 相 盈 隨 以 有 隨 爲 事

賢人養 者也。 之養 養虎 物循 妄則 乎? 故次之以 於下,故次之以 周之末所以不勝其弊,文之末流也 復 飾 離,必致飾焉,故次之以 則 曰 窮則反,不可終盡剥。 比 六爻皆以 而 加 也。 在 必有 洋動 也 大過 不 理 下 故 故次之以 物 致飾然 德,不養之則 外是也,故次之以頤。 引 求口 次 乃可大畜,故次之以大 乎物 小 所畜者,比 也天,故次之以 不可 Ⅲ 之 畜。 居安不動爲忌,君子之所以 實以 去 以 也,故次之以 後物亨, 以苟合,苟合者 復。 噬嗑 矣。 物能 剥。 自養也。 而 復天 剥者, 不 0 非 畜 陽窮於上而 後 能 亨則盡 止然 賁。 噬 미 无妄。 畜,其畜也 理 動。 嗑 觀 剥也。 大過。 則 聖人養賢 賁,陰 者, 後可養, 其 頤者觀人 无妄, 矣, 大過者 然後 其 畜。 能 暰 終 終 无 陽 而 此 而 有 大 无 物 以 前 反 物 商 則 合 相

陷没。 過 必有所感,故次之以 險,故次之以 時 也 陷 離。 也。 過 而 離 陷 不 咸。 飛 必 Ė 有 則 也。 咸,感也 所 失 附 中, 麗 本 失 乃 芸 中 能 텕 出 麗

可以 女。 道 夫婦之道不可以不久也,故受之以 然後有上 有父子。 有 有 於 有 窮 天地,然後 久也。 外 終 難 心 所 終壯,故受之以晉。 遯者,退也。● 有男女,然後 失,故受之以 難 故受之 乖 者,必反於家,故受之以家人。 傷, 一、故受 一、故受 下。有上下, 物不可以久居其所,故受之以 有父子,然後 故 有 受之以 之以 之 萬 以 以以 有夫 蹇。 物。 故受之以大壯。 損。 睽。 解。 明 有君 婦。 蹇者,難 然後禮 有萬物,然後有 夷。 睽者, 晉者,進也。 解者 損 而 臣。 有夫婦,然 夷者,傷 義 不已必益 緩 乖 也。 有君 有 也。 也。 恒。 所錯。 物 物 臣 不 進 不 恒 後 男

> 豐者 者必 旅。 以 鼎。 升。 夬。 萃者,聚也。 姤者 故受之以 故受之以 歸 漸 動也。 1,遇也。 人而 旅 妹。 艮者,止 反下,故受之以井。 升而不已必困,故受之以困。 主器者莫若長子,故受之以震。 夬者,決 大也。 而 漸者,進也。 得其所 後説之,故受之 後散之,故受之以涣。 无 益。 革。革物者莫若鼎,故受之以 物 所容,故受之 窮大者必 不 物相 也。 也。 聚 益 可 而 歸者必大,故受之以豐。 以終動,止之,故受之以 物不 遇 決 而 F 不 進必有 而 必 者 失其 後聚,故受之以萃。 己 有 可以終止,故受之 謂 必 遇,故受之以姤 以兑。 以 井道不可不革 之升,故受之以 巽。 決,故受之以 所 居,故受之以 歸,故受之 涣者, 兑者,説 巽者, 困乎上

可以終遯」六字。

也。 之,故受之以 受之以小過。 至,故 者羸 天地 也 節 之以家人。 其父母,傷 出 之以遯。 化,故次之以恒。 君子之道,造端乎夫婦。 有所傷也。 與時消息,不可 地 族 過剛則 物不可窮也,故受之以未濟,終焉。 物 乖 不 ,可進之時也,故次之以晉。晉,日 乖 閉塞,故次之以大壯。大者壯則小 而 次之以 離 離 進 口 君子萬物之主,終遯 以 則情不 於 属, 於外者未有不反於内,故 家人,内也。 物无不反其 中孚。 故次之以 有過物者必濟,故受之以既 終 晝也。 い明夷。 過柔 離 久居其所而 ,故受之以節 通 恒,久也。進退升降 有其信者必行之, 則 進而 而 明夷 睽。 瀆,无節則 難 本者,疾痛 久於其道而 治家者剛 生,故次之以 睽者, 不已,傷之者 日 在 不去,故次 而 地 水 道 節 中,明 不反, 火 則 窮 柔 丽 呼 乖 次 有 而 後 故 信

者,聚 從,遇 下, 難解 也。 損。 緩也 難之 其勢必升,積土是已,故次之以升。升 次之以萃。萃,二陽 蹇。 血 姤者,陰出 堤防是已,故次之以夬。夬者,陽決 也,故次之以益。 消久則息,損而 困,故次 Щ 井久則穢濁不食,治井之道,革 損 則 蹇者, 決則分,分 理,故次之以 一而後 而上之謂也。 剥是已,故次之以井。 / 減 舒緩 緩則寬強,必有所失,故次之以 聚,非 也。 之以困。 而 行 ,解者蹇之反,五 有 與 減下而益上,有失之象。 不已者必 難 則 其 陽 益 也 類 相 相 升而不知反 解。 久則盈,盈則 聚 困 雖 湡 遇,故次之以姤 也。 同居 難 乎上者必 解 也。 益 極 一,損益 井,在下 蹇 不相 物 必 物 退而居二, 難 解 相崇聚, 則 以 遇,故 必決 解也 類 反 力 相 无 去 平 窮 陰 反 相 紁

次之以 之以 所居之常。 矣,而又窮之,必至於无 善下是也,故次之以豐。豐大也。 妹者,女之歸 歸,盈科之水是也,故次之以歸妹。 之以艮。 陽 止,故止之。艮者,一陽止於上 ,故次之以旅。 也, 得其歸者必大,大有次同人者處大之 人同者物 動於 長 水 益 害 (子,震長子也,故次之以震。 鼎 井者 濟 可 漸。漸者,進有序 火 下也。 知 一次歸 物不可以終止,止 而已。 而 鼎,器也。 也 非特 必歸 熟之,革物 也。 妹者致 物不 次之以 三代之革,其 大名大位 旅者,君子之窮也,旅 焉,故受之以大有, 得其所歸 可以 主宗 大之道 革。 者莫如 所寄託,而 也 終動,動 廟之器者,莫 然 者必大,海 極則 也 鼎之革物。 進必有所 也。 學 鼎 也,故次 相 故次 動 前日 已大 因,0 極 失 其 此 則 歸 故

> 者必行 信,不 説,故 次之以 之以中孚。 卑長幼,家之節也,不信則召亂。 散,故次之以 排 飲食起居,身之節也,不信則致 聚者離之節,合者散之節, 矣,故次之以 説之而 地之澤萬物 離者必聚,散者必 各有 以 小過以陰過陽,有行之象。 柔 信則无以 次之以兑。 中无 巽。 量,不過則不 後散之,則説道不勞,无所不説 順 謙 中孚,信也。 巽者,陰人於陽之下也。 下爲 ,禮義之説人心,不入則不 節。 所 涣。 成 疑 吉,否則 天地之節不可以 萬 兑者,説見於外也。 合,物 也 涣者,險難離 能 物,而況於人 一,故 相 行者, 次 无 濟 无 節之則无離 之以 終離者 所容矣, 過大則 足相 疾。 有其信 散 小過。 故次 乎? 也。 也。 過

「因」,原作「困」,據汲古閣本、通志堂本、四庫本改。

0

周易序卦傳第十物之相生,終不可窮,故以未濟終篇焉。下,故次之以既濟而止。復入於未濟,下,故次之以既濟而止。復入於未濟,

## 周易雜卦傳第十

錯。 衆卦 坎離不動。」故《太玄》準之以玄衝、玄 人作,不外是也。 三代之易,皆在其中。 雜 排 以 》專以剛柔升降 暢 无 窮之 用,而 康節曰:「乾坤三變, . 反 《歸 百世之後,有聖 復取 藏》、《連 義,又揉 Ш 雜

時 也。 也。 求。 乾 也。 也。 誅 兑見而巽伏 艮,止也。 屯見而不失其居,蒙雜 坤柔,比樂 剥 而豫怠也。 无妄,災也。 爛也。 井 通 損益,盛衰之始 師 也。 而 復,反也。 憂。 噬 困 萃聚,而升不 隨,无 嗑,食也。 相 臨 遇 觀之義, 也。 故 晉 而 也。 著。 也。 咸 賁,无色 或與 速 來也。 大畜, 蠱,則 或

> 衆也。 寡也。 也。 蹇,難 也。 也。 漸,女歸待男行也。 也。 也。 反 恒 其 決也,剛決柔也,君子道長小人道憂 大過, 歸妹,女之終也。 小過, 親寡、旅也。 類 也。 也 履,不處也。 同人,親也。 也。 顛 過 睽,外 大壯 也。 也。 離 也。 則 也 離上而坎下也。 中孚,信也。 **遘**,遇 也,柔 止 革,去故 頤,養正 需,不進 節, 一,遯則 未濟,男之窮 止 也。 内 也 退 也。 也 也 也 遇 豐,多故 鼎,取 旣濟,定 訟,不親 小 剛 大有, 否 緩 也。 也 也。

之,故憂。 比 剛 乾 下,四陰與之,故能以大臨 五在上,四陰求之,故能以 得 一坤易之門,凡剛 柔 位 相 而衆比之,故樂。 雜 乃成 憂樂以天下 諸卦, 皆乾 也。 也,凡 故 師 日 上觀下。 犯難 小。 臨之九二在 乾 柔 剛 皆 觀之九 而 坤 坤 衆從

之五 无妄 也。 雜,雖 下,升者往也,升往則 之者也。」萃二陽萃於上,升二 者,災也。 妄之疾,災也。 泰 動,陽止於艮而 大 如 聚於上也,氣之 而 而 蒙亨歟? 亨 震 或 而 九五、六二中正 大畜以 益 損 蝇 歟 求, 雜 止 謙故降也輕,豫故 升不 ? 始 莫 也 見 始衰者 乃 有妄 如 间 蒙 於 盛 成 來也 四 艮 陽 九自著見,陰豈 屯 者 自 臨 五之柔而 而 關 入坤 也 起 也。 觀 也 也。 坎 方升,誰能遏之,故 災者,其所宜 子 於 之 謙 變,五之上, 而 而三、四、上 益以 明 坤 損以九三爲上 自 故 義。 則 不 不 怠 損 動 丽 失 上降三,豫 曰:「无 來矣。 备三 九四益 者 而 益 出 其 屯 静 能 自 止 震 陽 盛 所 也,非 一,故 ",故起 蒙之, 震 不 陽 妄 居 陰 一爻爲 衰之始 時 則 初, 自 來 升 陽 而 静 日 所 者 於 災 由 者 初 % 日 无 由 莫 所 相 以 四

往之五 也。 時 井通 降而 於下 爛也 是爲 伏也 困 大者 色也 誅之象乎? 見 无 中 輕 也 相 色也 也 有 而 陽 剛 也。 遇 ,五陰潰於内也。 亦 至於誅。 正 物 豫 涣 一,故曰 陽 上 以 也 ,飭蠱之道,故曰蠱 陰隨 否上之二,陽 屈 施 怠 剛 故 柔 晉之明進 離 剛 説 隨 也 无非 柔 日 故 下,可 或往 之道,小者亦伸,處巽之時 陰 陽 下柔,其 泰初之五,往 交錯 隨 噬 噬 降 升 夷,誅也。 天 无 嗑 嗑 圃 説 涣離也。 以持久,故 巽 也。 故 然 食 而 通, 感 也。 除 遇 而 後 而 也 至於書,明夷之 復,反 間 或 陰 必 隨,隨 伏 見 有 者 速,故 來 其 乎 文 圃 乎 賁 來 則 蠱,壞也。 節三陽 也 外,故 見 明 也,剥 自 日 而 不 筋也。 内,故曰 時也。 揜 熄 窮 困 恒 泰 日 曰 四 故故 久也 故 來 咸 賁 唯 上 日 爲 巽 明 以 非 反 兑 而 无 本 頤 巽

其周 故曰 應,而 安,故 險 者 需 爲善,故 以 退不 信 凶,坎水趣下也,故陰爻多凶 相錯,然後 小 小 也 在 時 也。 其 過 豐多故也。 也 過 l 小畜 公 ·得其 ), 故 曰 下 過 旅 而不進。 後有譽。 日 小 乎? 自「大 陽在 而 也 頣 於外也。 日履不處 親 寡 畜 陽上行,相 所,多故也。 養正也,大過顛也 中孚信 寡 有 也 五 中孚二陰在内 内 過 慶。 需而不進者,其 旅 關子明 旅,否三之五,失位无 陽 動 顛 離火炎 也。 履一柔 旅 而 ൬ 也。 也而 也 親 畜 止,小 外者不如在 過者 日 寡 豐 豐,泰二 Ŀ 多 多故 旅 需 而 陰,所畜者寡 下, 「履 也,故 也 故 險在前,三 也 者 履二剛,不處 伏 一,故 簡 故 也, 一,遘 仲 坎坎 則 過 而 而 册 難 之 尼乎? 不處者。 説 也 遇也。」 故 離 陽 日訟不 五 内之爲 處, 四 爻多 動 四 相 陽 五

其 親 故曰 往,二陰在 其 類 當夙 可 小人否,小人泰則 内者家自齊,故曰家 吉也,故 五 明乎 衆 火, 也 乎人,同乎人則人亦親之,故 革 以 八則衆 が、故 遯 止 也 革 難 ·則退· 而 大有六五柔得尊位而 方興 已廢 也 來者進,一去一 E 日 亦 仕也,故日 四陽並進,六 内 「, 物 一,故 解緩 有攸 歸 也。 而 也, 也, 之,故 自睽 日 執其柄,可 往 也。 蹇 故 故 同人六二得中 君 (、故曰 , 夙吉。 難也 日 日 大壯則止。 人内也。」君子 子 來者 革 大有衆 五 否, 去故 取,天之道也。 取 一睽外 爲緩, 以 以 解五 故曰 新 關 有其 和易待之, 退 也。 也。 子 也 而去也 來二,復 得 E 四 否 明 則 位 同 陽偕 泰 泰 往 明 成 木 而 反 則 平

則

陽

者

陰.

表

也

往

去

故

日

節

止

也。

陽

則

陰

陽

同

之凶。 也。 後坤 柔也。 夬以 柔而 陽,无 義也 金柅。 之正也。 也,故其卦以下養上爲顛。 濟男之窮也。 待男行也,歸妹女之終也,既濟定也,未 柔 上,四陽无 當當 也。君子道長,小人道憂也。 「六爻得位、定也。」故曰既濟定也。 遇五 五 ,故曰歸妹女之終也。 ,伊川曰:「三陽失位,故曰 女行而 作姤, 歸妹以三易四,男行而女從,夫婦 失位之凶,陰宜在 剛 姤小人道長君子道 夬君子道長小人 女以外爲歸,乾男下而迎三,然 上六无應,守正而終,不改之, 而 一剛,故 所託, 顛也, 故其卦初陰承 決一 柔遇 歸,故 頭一陽在上而養四陰,正 日姤遇 柔,故曰夬決 剛 日 也。 漸, 道 也,柔遇剛 下 夬,決 憂也 女 憂也,故无號 大過一 也。 既濟,虞翻 歸 也, 也, 未濟,男 一,故繫于 待男行 姤以 陰在 剛 女 剛 也。 分歸 決 決

之窮也。」

周易雜卦傳第十

「女」,原無,據通志堂本、四庫本及經文補。

### 漢上先生履歷

### 除春秋博士告詞

之意。 敕: 特授依前官守太學春秋博士。 學官,用以取士,命汝往 經之不用於世,果遵何説哉? 秋》」,又曰「知我者,其惟《春秋》乎」? 三家之同異,與諸生切磨,以求 迪功 **罔俾漢儒** 郎朱 震。 專以 靖 康元年五月九日 孔子曰「吾志在《 名家,則稱 一處 師席,爾其推明 朕比詔 朕旨。 合於聖人 立 可

## 除太學春秋博士告詞

攷焉。 敕: 膺是選,必能 命列子博士,訓 賊子懼,豈特當時爲然,使千百載之後, 宣教郎、太學春秋博士,填見闕。 凛然畏之,此經 宣教 勉稱厥 郎 朱震。孔子作《春秋》而 明聖人 職,予則汝嘉。 迪諸 所以久欝而不明 作經之旨,使學者 生,爾以脩潔 可 特 也 授依 詼 洽 朕 亂 比 前 有 而 猶

靖康元年十月二十日

### 除祕書郎告詞

載,遴柬儒術之英。爾以文藝有聞,首寘醫卜之流,牛驥同羣,可爲太息。肆朕初極天下豪俊之選。異時貴臣用事,至參用敕: 宣教郎、太學博士朱震。中祕讎書,

篋 兹選 已亡。 特授依前宣教郎、祕書省校書郎。 進 與 且 羣 詢 **髦之列**。 安世,勉 靖康元年十一月六日 益 觀 未 將有 見之 書,三 試 焉

## 除祠部員外郎告詞

於予聽 正,在 私 樂易,强 文昌,非 甚 可特授依前官守尚 位 左宣 高, 川則朝 學 徒 嘉其 祠 教 力行,白首不衰,聞望之休,溢 使之分職 曹 廷 郎 敷奏之美,喜 務簡。 自尊。 朱震。 率 往共 爾涉 書祠 朕旁求俊 屬,允釐庶事 部員外郎 見 道 乃 德 職 精淳,存 人之容。 ,體朕眷 而 列 衆

紹興

四

年

十月五

日

### 除祕書少監告詞

避就 明。 朕惟 朕 今日 召。 征。 敕: 守正,粹然君子人也。 君子以儉德避難而已。 下交而其志 知爾舊矣,奚俟深訓。 少監。 養才之地也。 今者惠然肯來,就我榮禄。 上下不交而天下無邦,於時爲否, 否泰二卦,論君 1 或者謂消長繁乎 左奉議 時 否泰,其庶 同,於時爲泰,故君子以其 郎、守尚 用 幾焉。 ,時數,此大不然。 子 書 爾 固 爾學古通經,特立 小 祠 爲 可特授依前官試 [窮鄉 部員外郎朱震。 人消長之理甚 旗、蓋 蓬 間,累 山寶藏,乃 朕以 不 徒 經 除 故

紹興五年二月十六日

# 除祕書少監兼侍講告詞

政禮 逮。 左奉議 事,爰命儒學之臣環 汲於此。 爲王者事其已久矣。 夫、守宗正 稱 奉 宜自 議 今古,達於治亂之原,其必 以 副 郎 郎、試祕 廣聰明。 朕於國家多艱之際,不廢 旁求 卿監 少卿, 試 祕 之聮,兼陪 可 書少監 書少監 兼直史館。 依 爾 前件。 等操履端 雖二帝三王, 侍便坐, 一,兼 朱震。 經 侍 幄之職 講、左 范冲等學之, ,講經史 可 方, 有 特 學 蓋 裨 祖 可朝 授 敷 宗故 吾 問 嘗 益 依 思 不 詼 求 汲

紹興五年閏二月五日

### 轉承議郎告詞

敕: 左奉議郎、試祕書少監、兼侍講朱

投閑 風,有足 秩而 震。 特 授左承議郎依前 在 朕 上 纂 遠,積有歲 嘉 極 進 者。 之初, 等, 序 年, 進 祕書少 推 蓋 厥 曠 而恩未霑及,恬 祖 官,往 蕩之澤, 宗 監 舊 兼 其祗 制 侍 士 也 講 大 服 退之 夫 爾 京 方 口

### 除起居郎告詞

紹興

五

年三

一月九

日

議 言 貶,經筵勸 意,其深矣乎 是 孔子 敕 郎 動。 欲 君託于王公之上, 稱天下歸仁,曰 克己復禮, 守起居 爾其 左承 官分左右 謹 講 議 EB 必 開 ! 郎 兼侍講 書 職 俾天下之歸 以 益 袐 之職 爾習於《春秋》,明乎褒 爲 非 固 多。 言一 少 禮 不 監 殊。 勿言,非 可 命 動,則 特 兼 爾 也。 授 朕 侍 立 依 知 螭,記 禮勿 講 必記之, 設官之 戒 朱 非 動 禮 予

### 紹興五年五月三日

# 除兼資善堂贊讀告詞

朕之不難, 注心於舊 華光勸講, 其益懋哉 用 純白内備,博見洽聞,羲易麟 西、蒙導之邪正,亦惟 泉,蒙。 敕 有所之,如人之蒙,未 魚袋朱震。 莫窮。 讀 左承 君子以果行育德。」蓋泉之初,未 德。 勿 宏 議 宜誨蒙之無倦。 嫌 朕惟《蒙》之《象》曰 可特授依前官兼侍講兼資善 郎 益滋多。 贊讀資善,汝往惟諧。 拜賜之頻,實緊 守起居 其人 知 方開學 所適。 郎 而已矣。 兼職雖衆,應 兼侍 經尤所精貫。 於南 稽古之力 . 泉決之東 一 山 講、 宫, 既 下 賜 爾 出 緋

紹興五年六月三日

# 除中書舍人兼資善堂翊善告詞

思潤 侍 正。 敕: 夫士以得君爲難,而朕之知汝者厚矣。 司,仍卒金華之業。 讀、賜緋魚袋朱震,學博 左朝奉郎、守起居郎、兼侍講、兼資 情如建武奉天詔書,以 周德之衰矣。 告命,泰然與成康之世 逮乎平王爲東遷之君, 講 於永世。 色,尚 以道獻替,簡于朕心。 兼資善堂翊善。 昔者周 往欽哉。 可特授 穆 烏乎,有能宣吾 繼 南 依 尚賢西 征 必 前 之後, 助中興 無 無 無 官試中書舍人、 而造深,行和 異。 興 媿於古人,乃有 學,諭教如初。 復之志。 無討 陞 之功 惻 君子是 擢 怛 職 綸誥之 養堂 難 者 之心。 乎 喻 丽 以 兼 志 費 之 ? 其 知

紹興五年八月十七日

紹

興

五

年十月七日

### 朝散郎告詞

轉

之勞。 之要。 斯在 編摩, 賜紫金魚袋朱震,學貫 經。 敕: 郎、試中書舍人、兼侍講、兼資善堂翊善、 《春秋》,著先王之志。 昭回之象。乃詔羣彦,同次舊文。左朝奉 録,悼私史之謗言。 爲 朕仰奉孫謀,恭繩祖武。 爾 可特授左朝散郎依 典、 克嚴去取,兹閲奏篇之上,彌嘉汗簡 寵。 識深五傳,窮古人述作之原。 祖宗有慶,非出 十九年之勳德既 謨、 名附 訓 、誥,皆上古之書。 不 刊之典,實彰有永之 臂夫氛 侵之興, 前試 朕私。 其文雖史,垂世 九流,趨皇極會歸 昭,千萬世之楷模 中書舍人。 覽裕陵之實 爵秩 所加, 或掩 頃預 筆 削 爲

轉左朝請郎告詞

旌勞績 者也。 世,曲 齊。 時,本 璣者 智潜幽 資善堂翊善、賜紫金魚袋朱震 統》,不得專美。予用嘉之,序進 之有差,視筭家 以爲是 妙,散爲術家。至於閏餘失次,攝提無紀, 敕: 雖 1、協時 郎,餘依 朕惟 夫 學判天 是 眇, 史遷之起《太初》,子雲之明《三 左朝散郎、試中書舍人、兼侍講、兼 固然,而不知其拂天害民,亂之大 理 謂 帝王之治,求端於天,是 月正日,陳《洪 會於道 而 前 德賞。 人爲 時措之。 而參正,成書來上,七政 要, 兩途。 往其欽承。 得其本原。 後王用 範》者,省 凡曆 學深象數 象授 智 可特授左 屬曆 力 歳 以 一官,少 民 ൬ 察 月 之 以 法 持 日 璿

紹興五年十月二十二日

三九五

### 除給事中告詞

今萬 興 敕 則 司 懋,望實 魚袋朱震 中書舍人、兼侍講、兼資善堂翊 衆,雖有君命,皆得駮而正之,其職可 顧 "瑣闥, 授 朕 于 廢。 問 依前左朝 羣 爲 肆求聞人,今以命汝。 務 而 自昔 己。 其 得 聽 出 、素隆。 公議允諧。 人 或行事不協于 人,皆屬 學 1有事 然猶 審 而 際天 請郎、 汝 其 ,殿内之臣 演誥 遊擇 八爲 奏述,使 東臺。 人人,識 試 稱 西 夫糾其乖違 名儒 職,豈 給 垣 中,任 窮理亂, 下情 時 ,榮問益 此 不過 中 當艱 左朝 不休 充 餘如故。 得 善、 侍左右 官 此選。 哉 請 而 危 賜紫金 俾 年德 暢。 不 郎 庶 厭 謂 動 通。 政 進 可 俱 試 重 于 關 矧

## 轉左朝奉大夫告詞

授左 之渥 堂翊 究師 成。 九流 之親 敕: 論思之益。 容視草, 學富於多聞。 士、左朝 朝奉大夫依前 儒之效。 廷 冀 疇稽古之勤,既車服之是錫。 抑典故之具存。 朕 何 賜紫 性習 論 深 倚 獨潤色之工。 請 惟 屬宗藩之諭 如 金 郎 於 國本,茂 睠子耆艾, 聿 爲 魚 蓍龜,正 就 知 袋 善。 翰林學 終篇 制 朱 語、兼 建宗支。 博約 尚堅調護之功,用 人賴 奚假 可 教,嘉術業 密勿告 心 士知 無 潜六 前 侍讀、兼資 、褒律。 爲領袖 訓 言之識 制語, 詞。 朝夕端 藝、文 献, 懋增 之 備 餘 翰 可 嚮 秩 罄 貫 如 雍 善 林 士 俾

紹興六年十一月三日

紹

興六年正月十六日

# 乞宫觀差遺不允詔

林遞直 羽儀。 朕所聞。 贄腹心, 之訓導。 允,仍不得再有陳請。 明,文辭英妙。耆名高義,足以爲羣士之 詳延於瓌碩,以參劘於古今。 卿道術 是咨老成,重於典刑,實朝廷之所賴。故 事具悉。 朱 博物洽聞,足以備一時之訪問。 ,歲律載周,侍經幄之燕間,謹宗藩 尚倚神明之克壯。 其體 國僑潤色,非有官職之甚勞。 朕以王教存乎篇 省劄子奏乞除一在外宫觀差遺 睠 懷,母重來請。 故兹詔示,想宜 奉身而退 籍,方儒學之, 所請宜 匪 陸 深 知 不 禁

### 再乞宫觀不允詔

哉? 所寶 俱 之常事。 丏外,辭意甚切。朕爲之動心焉。 兼是三者,故處以視草横經之地。 卿文足以達意,學足以明理,行足以正人。 吾嗣子之遊,既有年矣。遽覽奏章, 懋,固平日之所尊。 氣體失平,亦老者 惟賢,則四方必仰朕之德。 所請宜不允。故兹詔示,想宜知悉。 姑務休養,以期清明。使朝廷之 豈小補 夫德 且使從 引疾

# 辭免翰林學士不允詔

恩命 敕: 助 裁 可否。 事, 卿學造壺域,識 朱 具悉。 省所 興 元 昔陸: 奏辭 戡 難之功,實多文懷之 贅爲 通繫表,文章典雅,無 免翰 學 林學士、知 土,國 有大政, 制

載,杖 成 愧 服,毋復費 豈特資其討 想宜知悉。 目之寄焉。 在服,厥 昔 軍門。 議 有典 尚 論潤色之益,亦將 論 執 堅 刑。 誼 所請 謙 明 先國家,節 撝, 殆非所 俾代予言 宜 有 不 補 允。 當 世 託 貫 望。 故兹 以 華 舒· 亟共乃 腹 皓 越 詔 素組 朕 心 宗, 耳 初 老

### 再乞宫觀不允詔

舊人。 高諸 敕 材 朕 物彊記,益朕多聞。 歲,登崇近班。 而 方知九德之行,灼 儒, 來。 齊多故。 朱 藹 名映一代。 然德 顧 乞除 朝 義之風 廷 雖 大册高文,佐時戡 在 領 外 山 袖之賢,乃欲 林 國有老成,衆無異論。 宫 見三俊之心,庶 從朕艱 ,信於多 隱 觀 居 事, 之士,尚 難之際, 士。 具 悉 難 契 身 當 八隅 無 實 卿 結 遺 博 惟 而 累 學

> 所 章 請宜不允。 ,殊 咈 朕 況 神 明 之 眷。 克 故兹詔示,想宜知悉 壯 勉 何 安 疾 厥位,毋復 病 可 言。 有云 覽 觀

辭免建國公聽讀尚書終篇恩命不允詔

有成 儒。 徇 副簡 可 之庸,並録 規,通天下 肆稽故事, 朕擇本支以隆國勢, 辭乎? 《勞,可 求 德性 趣欽承。 純 日 所 不遺,以 赴功之志。 以寵畢章。 無褒命。 何爲上書,遽求反令。 陳道義之言,助予詩 明,自傾多 奏 解 所請宜不允。 免 勸 修 轉 卿 爲善。 朕方擢先王厲世之 勸 士。 雖疏遠之吏,摽 經 官 導 術 恩 爲 而 況如 深 命 備 時 懿 事, 官 耆舊, 禮之訓 獨高 卿者,其 固 司。 具 難 其 曲 末 適 諸

### 再辭不允詔

志, 俗之規 迪宗 朕以 而 乃 主馭臣之柄。 藩 卿 幸 屢 抑 道 陳 進 亦少勸於士風。 俾 使勸勞而 悃 者 通上古之書,宜從增秩之賞。 深 幅 庶幾 明,行能高 力避寵榮。 有 見 而難進易 恥。 知 者尚 載亮 妙,傳 豈 惟 夫尊賢顯 或 避,亦師 懷,不 固 勉 授 辭 經業,訓 從 於 則 儒 功, 虚 厲

### 乞宫觀不允詔

朕寤 使其輕去。 士,尚不倦於招徠,矧朝廷耆艾之儒,豈忍 經,文推 懷英賢,共 華國 卿學 圖 窮聖域,行允廷愈,論 揚 康 歷禁塗之久,備 濟。 雖 山 林 隱 逸之 必

至意,毋重有陳,所請宜不允。風,熟若盡道以致君,卒賢人之業。勉體遽欲引退。與其潔身而辭位,希廉士之之甚,固老成在列,多士朋來。胡爲抗章,告之忠。不獨朕知卿之既深,亦惟卿守義

### 贈官告詞

之悲。 然。 敕: 悵徽音之如在。 仕,晚由學術 三百户、賜紫金魚袋朱 士、左朝奉大夫致仕、長 逮此告終之問,敢忘哀贈之恩。 君臣之義,篤 死生之道, 攷於故常,申此贈典。 荐更禁塗。 子有整遺之感,人懷殄瘁 於始終,有國 通乎晝夜, 林縣 蚤以 驚怛化之無常, 達者 開 詞 百身可贖 以爲今典 國 華 故翰林學 以爲當 亟 男食邑 膴

● 「豈」,原誤作「豆」,據文義改。

三九九

涕。 興 懷 餘 精 不 如故。 爽不昧,宜 朽 之 規 歆 此恩。 鑑 云 亡 可 徒 特 有 贈左 無 中 從 大 之

紹興八年七月三日

回朱八行子發啟

胡文定公安國

牋。 游談 心了。 恥尚 問。 披 交莫逆,固 侯,樂任賓興之職。 薦 鵬正假於扶摇。言念迂 英萬 章 高 之助。 浮華, 卷之 學正 過 交剡,公議 家庭素履 而 形引重之詞,彌服 責 書。 八行,賦 蘄美譽之彰。 有言必務於躬 備,物情利 盍 要歸卓約,筆掃千軍之陣。 相忘於微笑, 甚 党,豈求 才雄 乎。 夜鶴 及 聞 凡 驁。 愚, 而 推先之義。 懲 達之方,郡國 屬 不驚於佩帳, 行,所得多繇 争歸。 久敦情好。 受業 沸誤吹, 俊游,共欣 尚伸貺 精 聖 通 門 然賢 於 初 一,手 諸 長 絶 於 論 大

> 實 節 最 學 欽 松 難 證明吾道,倚仗英摽。 桂 窮 一之姿。 境之 得 虚 路影 榮 易 纓, 惑。 更礪 居 冰霜之 把 袂

### 祭文

淵 辛 書 兼 中 兼 侍 尚 侍 給 維 事 丑 、左朝請 直 兼 資 郎 書 郎 司 紹 善堂 學 敕 中 中 張 禮 兼 興 士院 館 兼 樓 部 詳 燾、左朝奉大夫新除 令晏敦復、左 八 左 修 侍 侍郎 定 朝 年 炤 翊善兼侍講吴圭、左 郎 散 撰 兼 講 一司敕令李 左朝 權 張 郎、 侍 曾開、左朝請 勾濤、左朝奉 次 尚書吏部侍 講吕本中、左朝 致遠、左朝 試 戊 請郎試中 朝 尚 午 散 書 七 彌遜 吏 大 月 郎 奉 尚 夫 部 書 郎 庚 郎 左 試 大 朝 書 試 試 侍 申 魏 夫 請 中 奉 兵 尚 中 尚 郎 朔 玒 部 書 試 郎 大 書 大 書 兼 + 、左 夫 試 舍 夫 給 侍 詳 兵 户 試 試 郎 部 日 定

不願。 倦。 涉寒暑,以經決事,隨事有補。 公病不起,孰不痛心。 老愈壯,雖死不亡。識公日淺,相 亦莫公侮。不傳之要,自得之妙,惟公知 公老於田畝,困於州縣,白首窮經,意則不 奠,致祭于故侍讀内翰翊善朱公之靈 郎權禮部侍郎張九成,謹以清酌 視彼世人,奚貴奚賤,不義而得,吾亦 固世所笑,彼笑何傷。公亦自强,愈 一昨召來,遇知明主,金馬玉堂,四 酒寓哀,公或肯臨。 涼風應時,白 尚饗。 位高職卑, 知則 庶羞之 日

四〇一

跋

刊 不 旨,謂「或明其象,或論其數,或傳其 言,於是儒者專尚文辭,不復推原《大傳 鄭、荀、虞,各自名家,説 儒 及今,包括異同,補 之論,上採漢、魏、吴、晉、元魏,下 兼而明之」。 天人之道,分裂不合。] 又歷舉宋世諸 源未遠,獨魏王 二,撰爲是書。 評 惟 可 南 宋舊 廢。 論,互有褒貶。 宋 均 朱 附《 震 四 刊,影自北 庫 撰。 卦 復自 著録、《通 圖 以《易傳》爲宗,和會 弼盡去舊説,雜 按震 》三卷、《 稱「 苴罅 平圖 或譏其謬妄, 表 獲觀 志堂 漏」云云。 雖 進 叢 書館,存《易傳 不 是 遺 説 經 書, 同,去象 書,粗 解》亦 以 謂 ·莊老之 逮 卷。 或 其 辭, 窺 經 謂 後 有 儒 數之 馬 或 采 諸 載 其 唐

> 之,以餉世之嗜讀古書者。 汲 九 今不可復見。 三年十月海鹽張元濟 亦佚《卦圖》、《叢説》。 古閣影 卷,佚卷 部三册,一部十册,均闕。 抄 本。 且《集傳》首尾完具,故影印 及卷五若干葉, 按、《文淵 蓋宋本散佚已 民國紀元二十 閣 毛氏 補 目 以 \* 影 載 毛 抄 氏

Document generated by Anna's Archive around 2023-2024 as part of the DuXiu collection (https://annas-blog.org/duxiu-exclusive.html).

Images have been losslessly embedded. Information about the original file can be found in PDF attachments. Some stats (more in the PDF attachments):

```
"filename": "44CK5YSS6JePLS3nsr7ljY7nvJYtLeS4ieOAi18xMzE5Mzk3My56aXA=",
"filename decoded": "\u300a\u5112\u85cf--\u7cbe\u534e\u7f16--\u4e09\u300b 13193973.zip",
"filesize": 270188650,
"md5": "8e161e54e31b04ef85714da8c1b1b6ba",
"header md5": "0d2586e75c2717fbe164d5681c676001",
"sha1": "b68da680de0a76f29d1d5935ef89529878ebfc28",
"sha256": "5d46619684f029e36b4a1c3d48f20012a92496c41498314c2fa4680cd493ddaa",
"crc32": 367653242,
"zip_password": "",
"uncompressed_size": 305099606,
"pdg_dir_name": "\u300a\u5112\u85cf--\u7cbe\u534e\u7f16--\u4e09\u300b_13193973",
"pdg main pages found": 1032,
"pdg_main_pages_max": 1032,
"total_pages": 1052,
"total_pixels": 6837562368,
"pdf_generation_missing_pages": false
```